







精響編

北京大學《儒藏》編纂中心

圖書在版編目(CIP)數據

儒藏. 精華編. 四/北京大學《儒藏》編纂中心編. 一北京:北京大學出版社,2009.7 ISBN 978-7-301-11722-4

I. 儒··· II. 北··· III. 儒家 IV. B222

中國版本圖書館 CIP 數據核字(2007)第 113379 號

書 名: 儒藏(精華編四)

著作責任者:北京大學《儒藏》編纂中心 編

責任編輯:謝丹雲 蕭 雪

標準書號: ISBN 978-7-301-11722-4/B • 0408

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 45.5 印張 563 千字 2009 年 7 月第 1 版 2009 年 7 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn



教育部哲學社會科學研究重大課題攻關項目

北京 大學「九八五工程」重點項目國家社會科學基金重大項目人十一五國家重點圖書出版規劃項目,重大工程出版規劃

則的典籍的叢編。 爲儒家經典和反映儒家思想、體現儒家經世做人原 、中國傳統文化以儒家思想爲中心。《儒藏》 收書時限自先秦至清代結束。

藏》中的精要書籍。 二、《儒藏》精華編爲《儒藏》的一部分,選收《儒

已收入人選的個人叢書或全集者,僅存目録,並注明 漢文寫作的儒學著作,編爲海外文獻部類。 寫者一律收其釋文文本。 互見。出土文獻單列爲一個部類,原件以古文字書 分類法分類,大類、小類基本參照《中國叢書綜録》和 土文獻。傳世文獻按《四庫全書總目》經史子集四部 中國古籍善本書目》,於個別處略作調整。 三、《儒藏》精華編所收書籍,包括傳世文獻和出 韓國、日本、越南儒學者用 凡單書

> 編,不改編,保持原書的完整性和獨 立

四、所收書籍的篇目卷次,一仍底本原貌,不選

爲主,酌校異同。 勘價值的版本爲校本。 確定内容完足、精確率高的版本爲底本,精選有校 五、對入選書籍進行簡要校勘。 校記力求規範、精煉。 出校堅持少而精,以校正誤 以對校爲主,

外,其他一律省略。 例,進行規範化標點。 六、根據現行標點符號用法,結合古籍標點通 專名號除書名號用角號(《》)

落。正文原已分段者,不作改動。千字以内的短文 般不分段。 七、對較長的篇章,根據文字内容,適當劃分段

出現順序前詳後略。 及其他有關情況。 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 八、各書卷端由整理者撰寫《校點說明》, 重複出現的作者,其生平事蹟按 簡要

九、本書用繁體漢字豎排,小注一律排爲單行。

《儒藏》精華編第四册

	_		經	Ti-
	易學啓蒙「南宋」朱	誠		信売
	學	齋	部	掘
	啓	先	H	
	家	告		料
	南	先生易傳〔南	易	将
	宋	净	90	4
1	止	南	NCT.	No.
•	1	宋〕楊	類	9
	熹	垣		
	京京、	777		n

楊氏易傳〔南宋〕楊 周易本義[南宋]朱 簡 喜...... 萬里

 :
 :
 :
 :

 431
 307
 247
 1

本册責任編委 甘祥滿 沙志利本册 審稿 人郭 彧 包遵信 蘇永利

鳴

 精 華 謝

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂中心

本焕法師

《儒藏》精華編第四册

首席總編纂 季羨林

項目首席專家 湯一介

湯一介

總

編

纂

龐

孫欽善

編 劉大鈞 林忠軍

本

册

主

樸 安平秋 (按年齡排序)

	ニーニストニュカラとは、エクロナルト・・・・・・・・・・・・・・・・・・・・・・・・・・・・・・・・・・・・
	强先生核正杨窦摩易俱老之十二
	張先生校正楊寶學易傳卷第十三 二二七
目録	誠齋先生易傳下經卷第十四 一三九
	誠齋先生易傳下經卷第十五 一五一
1	誠齋先生易傳下經卷第十六 一六六
黑	誠齋先生易傳卷第十七 一八○
易傳序:	張先生校正楊寶學易傳卷之十八 二〇五
奏答	張先生校正楊寶學易傳卷之十九 二二一
訪欢易傅找逍本末	張先生校正楊寶學易傳卷之二十 二二七
張先生校正楊寶學易傳上經卷第一 一	
張先生校正楊寶學易傳卷之二 一四	作
張先生校正楊寶學易傳卷之一 二五	
張先生校正楊寶學易傳卷第四 二六	
張先生校正楊寶學易傳上經卷第五 四七	
張先生校正楊寶學易傳上經卷第六 五七	
張先生校正楊寶學易傳卷第七 六七	
張先生校正楊寶學易傳上經卷第八 七七	
張先生校正楊寶學易傳卷之九 八六	
張先生校正楊寶學易傳卷第十 九四	
張先生校正楊寶學易傳卷第十一 一〇五	

易學啓蒙卷之四	易學啓蒙卷之三	易學啓蒙卷之二	易學啓蒙卷之一			録
考變占	明蓍策	原卦畫	本圖書	•		
•	2 2 2 2 2 2 2 2 2 2 2 2 2 2 2 2 2 2 2	* * * * * * * * * * * * * * * * * * *	0 0 0 0 0	•		
·····	# # # # # # # # # # # # # # # # # # #		0 11 2 0 0 0 0 1 1 4	0 0 0 0 0 0 0		
	考變占	考變占	考變占	 	本圖書 明蓍策 ・・・・・・・・・・・・・・・・・・・・・・・・・・・・・・・・・・・	考變占 ・・・・・・・・・・・・・・・・・・・・・・・・・・・・・・・・・・・・

校點説明 卦變圖 河圖 文王八卦次序 …… 文王八卦方位 伏羲六十四卦方位 伏羲六十四卦次序 伏羲八卦方位 伏羲八卦次序 目 目 録 五 屯 比

五

四

家人三七	明夷 三六	晉 :::::: 三五	大壯 三五	遯	恒 三三	咸 三三	周易下經第二 三三	iii	坎 ······ 三一	大過三〇	頭	大畜 二九	无妄二八	復二八	剥	賁二七	噬嗑 二六	周易本義
豐	歸妹	漸	艮	震	鼎	革	井	困	升	萃	姤	夬	益	損	解	蹇	睽	
四九	四八	四八	四七	四六	四六	四五	四	四三	四三	四二	四一	四一	四〇	三九	三九	三八	三七	1

目録	周易序卦傳第九 ············· 一〇七	周易説卦傳第八 一〇四	周易文言傳第七 九九	周易繋辭下傳第六 九二	周易繫辭上傳第五 八一	周易象下傳第四 七四	周易象上傳第三 六七	周易象下傳第一 六二	周易彖上傳第一 五六	未濟 五五	既濟 五四 筮 俊	小過 五三	中孚 五三	節 五二	涣 五一	兌 五一 一	巽 ······ 五〇 周	旅 五〇 周
											(機)	数百 ぬ字 ・・・・・・・・ 一 一 一 一 一 一 一	稽類	明筮 一一一	述旨	原象 一一〇	周易五贊 一一〇	周易雜卦傳第十 一〇九

誠齋先生易傳

[南宋] 楊萬里 撰

	ニーニストニュカラとは、エクロナルト・・・・・・・・・・・・・・・・・・・・・・・・・・・・・・・・・・・・
	强先生核正杨窦摩易俱老之十二
	張先生校正楊寶學易傳卷第十三 二二七
目録	誠齋先生易傳下經卷第十四 一三九
	誠齋先生易傳下經卷第十五 一五一
1	誠齋先生易傳下經卷第十六 一六六
黑	誠齋先生易傳卷第十七 一八○
易傳序:	張先生校正楊寶學易傳卷之十八 二〇五
奏答	張先生校正楊寶學易傳卷之十九 二二一
訪欢易傅找逍本末	張先生校正楊寶學易傳卷之二十 二二七
張先生校正楊寶學易傳上經卷第一 一	
張先生校正楊寶學易傳卷之二 一四	作
張先生校正楊寶學易傳卷之一 二五	
張先生校正楊寶學易傳卷第四 二六	
張先生校正楊寶學易傳上經卷第五 四七	
張先生校正楊寶學易傳上經卷第六 五七	
張先生校正楊寶學易傳卷第七 六七	
張先生校正楊寶學易傳上經卷第八 七七	
張先生校正楊寶學易傳卷之九 八六	
張先生校正楊寶學易傳卷第十 九四	
張先生校正楊寶學易傳卷第十一 一〇五	

校點説明

待制、 著作尚有《誠齋集》、《誠齋詩話》等傳世。 甯宗賜諡 (文節」。 胄,於韓侂胄秉國 此後、曾知縣、州、任國子博士、太常博士、寶文閣 時張浚謫永、杜門謝客、萬里三往不得見、以書力 里爲人重節操,性情剛直敢言。 身,乃名讀書之室曰「誠齋」。 請始見之。 吉水(今屬江西)人,南宋著名詩人、理學家。 五四)中進士第,爲贛州司户,調永州零陵丞。 寶謨閣學士等職。 :萬里(一一二七—一二〇六),字廷秀,吉州 浚勉以正心誠意之學,萬里服其教終 期間,卧家十五年,直至病卒。 事見《宋史·儒林傳》。 甯宗時因得罪好相韓侂 張浚入相,薦之朝。 紹興二十四年(一 楊萬里 楊萬

傳以證之」,道出了楊氏此書的基本特點。楊氏關要著作。四庫館臣謂其書「大旨本程氏,而多引史楊萬里的《誠齋易傳》,是宋代義理易學的重

學爲依的立身行事進德修業之道。體現的思想理論主要也是變易的觀念和以程氏理在於提高人的德智修養境界。楊氏解《易》文字所在於提高人的德智修養境界。楊氏解《易》文字所解,承襲先秦儒家《易傳》和《程氏易傳》的認識,認於《周易》一書的性質和易學這門學問之宗旨的理於《周易》一書的性質和易學這門學問之宗旨的理

進一步發揮。 進一步發揮。 進一步發揮。 進一步發揮。 進一步發揮。 並一步發揮。 一間於「聖人之作《易》,始因著以成卦,終因 大之作《易》,始因著以成卦,終因 大之作《易》,始因著以成卦,終因 大之作《易》,始因著以成卦,終因

史上使用這種方法解《易》的代表性著作。而形成了《誠齋易傳》的顯著特點,使之成爲易學解《易》。楊氏解《易》較多地運用了這種方法,從點。前輩大師如王弼、程頤都使用過這種方法來點。前輩大師如王弼、程頤都使用過這種方法來

的評價,可以說是褒貶懸殊。關於一些學者對此易學史上對《誠齋易傳》的易學觀和易學方法

是很淺 是《 心。 於人們德智修養的 真學問,而對自先秦儒家《易傳》之後形成的 要窮究象數之書。 採諸家,獨不録此書一字,蓋以其文士輕之。 人事 推 義,是必要的, 化的著作 病」,確爲中肯之論。 四 在 里文章氣節,自足千古。 經病萬里也。」「元胡一桂作《易本義附録纂疏》,博 之,以爲足以聳文士之觀瞻, 周易本義》之「《易》本爲卜筮之書」説爲宗,也 人間。 庫館 而 的 薦楊氏此書,我們正可從中看出此書的價值 周 然聖人作易,本以吉凶悔吝示人事之所從,舍 大 而談天道,正後儒説《易》之病,未可以引史説 疑 易》的 陋的。 有 臣説「舍人事 議, 來研 益於身心修養的 區區門户之見,亦何足爲 四 象數, 庫 明 但如片面地認爲只有這 究, 八人尹 館 追尋其占蓍學 胡一桂之作,原本就是以朱 將《周易》作爲 臣 義理易學 が耕《誠 而談天道,正 陳櫟所謂窮經之士,要窮的 亦 有 此書亦不可磨滅,至今猶 深 評 齋易 而不足以服窮經士 論 切感受,極力向 加 以 傳序》,以其 的 一部反映古代文 鄙 萬里輕重與?」 後儒説《易》之 新 原 薄 安 委和文化 種學問 貶 陳 ,抑, 櫟 然 人們 讀 那 有 才是 極 之 是 益 是 熹 萬 也 非

考。 《易傳序》,次爲《奏劄》、《誠齋易傳投進本末》,次 國國 書傳 同。 時 淵 嘉 善 二十一年尹耕療鶴亭刻 之外較早的刻本,後者在諸本中質量較好。 圖書館出版社二〇〇三年九月出版的《中華 英殿聚珍版本等。 十六年張惟仁 蕃敏學書院本、嘉靖四十二年張時徹刻本、 之校正本、題爲《張先生校正楊寶學易傳》,明嘉 謂之《程楊易傳》。該書傳世最早的刻本爲宋張 後乃改定今名。 閣《四 商 靖二十一年尹耕療鶴亭刻本(簡稱「尹本」)和 本》所收《張先生校正 已有舊式的 務印書館印行的《叢書集成 宋刻張敬之校本首列 底本、校本正文皆二十卷,各 家圖書館藏宋刻本影印而成。 世的明清版本有多種,如 四 庫全書》本(簡稱 庫 提 要》云 刻 點 宋代書肆 本、明抄本及清《四 這次校點所採用的底本是北 斷, 道 楊寶學易傳》,該本是 本稱《誠 誠 次標 四四 齊 易 ,曾與程《傳》並刻以 淳 庫 熙 點 明嘉靖二十三年 本」),前 戊 用了 齋先生易傳 初編》本《誠 初 申 卷 所用校本 庫全書》 名《易外 篇 八 該本作 月楊 次排 者是 萬曆 萬 宋本 再 列 爲 齋易 爲 本 傳》, 民 據 里 或 文 明 中 該 靖 敬 相 參 造 京 武 四

-_

於可以確定的底本文字中的訛誤或脱行,則加以 文確有參考價值時才出校,但不改底本文字。 校本時間最早,訛誤亦最少,校勘中只有校本的異 傳序》,次爲正文二十卷。以上三種版本,宋刻張 提要》,次爲《誠齋易傳原序》,即宋刻張校本之《易 張校本之《易傳後序》。四庫本卷首爲《誠齋易傳 爲楊氏《易傳》正文二十卷,最後是《後序》,即宋刻 文字與宋刻張校本之《奏劄》和《誠齋易傳投進本 察請抄録易傳狀》及《楊承議申送易傳狀》《後二篇 序》和尹耕嘉靖壬寅仲春所撰《刻序》,次爲《宋 月八日的《易傳後序》。 爲楊氏《易傳》正文,最後是楊氏作於嘉泰甲子 改正並出校説明。 末》略有繁簡出入),次爲《誠齋先生易傳目録》,次 刻張校本之《易傳序》,次爲明王崇慶《刻誠齋易傳 尹耕本首列《自序》,即 對 臣 宋 四

校點者 梁章弦

易傳序

作也,一 也。 彼、變變在此、得其道者、蚩可哲、慝可淑 故《易》者,聖人通變之書也。 傃窮,其居常,其遭變,其參天地合鬼神, 圖、《易》之所以作也。 萬物,五行之變也, 者,聖人通變之書也。 青可福,危可安,亂 人憂焉,幽觀其變,湛思其通, 太極之變也; 事之變方來,而變通之道先立。 ,其正心修身,其齊家治國,其處顯,其 《易》者何也? 古初以迄于今,萬事之變未已也。 一得一失,而其究也,一治一亂。 五行,陰陽之變也; 可治。 易之爲言變也 萬事,人與萬物之變 何謂變? 易之爲言,變 致身聖賢而 其窮理盡 m 蓋 逆紬其 陰陽, 變在 [《]易 人與 也。 聖 其

> 通? 天下 足以 中? 淳熙戊申八月二日廬陵楊萬里序 愚聞諸先儒,先儒聞諸三聖,三聖聞諸天。 子講之。二三子以爲愚之言乎? 何求《易》? 於空虚者,是亂天下者也。不然,以 帝三王之聖治,孔子顏孟之聖學也。 能正天下之不正,中正立而萬變通。 而 世泰和,猶反手也。 或以事物之變爲不足以攖吾心,舉而 已矣。唯中爲能中天下之不中,唯 ·者也。 遁吾 日正。 道。 術,挈而持之以權譎者,是 然則學者將欲通變,於何 於何 曰心。 於何求 求 斯道, 道? 愚老矣,嘗試 中正? 何道 曰中。 曰《易》。 也 ? 於何 與二三 非也。 此 愈 爲 捐 後 中正 正 求 求 亂 不 之 世 爲

進

呈畢

宣付

史館

F

州

照

指

明 於上經,終於《繫辭》,備行箋釋。其 言,搢紳景仰。 經筵,使以《周易》備員進講。 近時易學、未見有以過之者。 人之緼,事物之理,微顯闡 臣寮上言: ,不以輕授,意欲竢後世之知。 理 仰贊聖 臣切見故實謨閣學士楊萬里 吉州狀照 難 終 晦 一學之懿。 應本 臣猥以庸虚誤蒙聖恩,擢寘 臣 臣嘗見其所著《易傳》,始 愚欲望聖慈降付三省 州 徒思罄 准 幽 尚 自惟 書省劄子: 乃深 坦然明白。 今遇 一有 以 固 自閟 (於天 德 効 聖 涓 有

劄

家抄録 瞿然祗奉於明詔。 苦,乃一旦昭升而顯行,蕞 熙戊申捌月 官遇費 於上。兹承州牒 當時,尚未敢云私淑諸 此《易》。然自以發揮其所學, 閱拾有柒年, 謨閣學士楊萬里生前所著《易傳》,蓋自淳 軍州兼管内勸農營田事楊長孺狀申:「 著書立言之士得顯行於聖世,實天下 劄 奏,遂辱君命之下 本州公文,備准前項省劄照對。先父故 奉聖旨依。」劄付吉州,本州移文故楊 大夫之幸。 臣 得 下吉州,令具 沾 申 繕寫投進, 發。 溉之益,以 下筆,至嘉泰甲子肆月脱藁, 取進止。八月十六日三 而後成書。 續據 備 扎,就其 以備經筵講讀。 准省 取。 承議 欣逢聖世 仰贊緝熙之明, 人,夫豈 劄,爰因臣 惟先父著述之勤 郎前 平生精 爾不肖之孤兒, 家取本 權 初非徼覬 有意徹聞 通 力,盡於 - 抄録, 寮之上 判 省 學 道 亦 寶 惟 寶 於 准 州 同 使

校正 祕 四 壹部乞降付講筵所,壹部乞降付祕書省。」 貳部,
●計貳拾册。 敬拜給扎之恩,謹 見在。」伏候勑旨。 前項《易傳》除已差委學諭蕭孝恭等伍員 陳洪範狀申:「准本州差到書吏前來抄寫。 今據迪功郎 差書吏併楊寶學《易傳》發下州學去後。 在,乞繕寫申發。」本州已收買 易傳》壹部,貳拾卷,約拾伍萬字,家藏見 書省 .月二十二日奉聖旨依《易傳》拾册降付 點對訖,申解 新筠 州 赴州。 出 貼黄稱: 州學教授權吉州教授 紫綾表背,匣複盛貯, 遺編之帙。 其抄録到《易傳》 「《易傳》貳部, 紙札工料, 所 有 先父

嘉定二年四月二十二日

右

劄付楊承議

十四字,今據文意删。 抄録」下,原行「伍員校正 點對

訖申解赴州 其抄録」

誠 齋易傳投進本末

下 吉州 録 進《易傳 ?》指揮 省

右劄付吉州

省,劄 聖明, 白。 擢 閟藏,不以輕授,意欲竢後世之知。 天人之緼,事物之理,微顯闡 始於上經,終於《繫辭》,備行箋釋。 涓埃。臣切見故寶謨閣學士楊 陋,無以仰贊聖學之懿。 有言,搢紳景仰。臣嘗見其所著《易 委官 · 實經筵,使以《周易》備員進講。 近時易學,未見有以過之者。乃深自 臣 理難 下吉州,令具筆扎,就其家取 寮上言: 點對繕寫投進,以備經筵講 終晦。 臣愚欲望聖慈降付三 臣 猥 以 徒思罄 庸 虚 幽 誤 萬里 1竭,以: 蒙聖恩, 坦 自惟固 有德 其於 傳 今遇 然 明 効

> 豈 天下學士大夫之幸。 明,亦使著書立言之士得顯行於聖世,實 日三省同奉聖旨依 惟愚臣 得沾一溉之益, 取進止。 以 仰 八月十六 贊 緝熙之

嘉定元年八月十八日

張先生校正楊寶學易傳上經卷第一

門人張敬之顯父校正廬陵楊萬里廷秀

■ 乾 乾 上 下

作巛。 也。 惑,小人不能移,陰柔不能奸矣。 立之爲水、火。若雷風山澤之字亦然。 之天、地字也。 以孝元,亡唐不以穆、敬而以文宗,皆不剛健之禍 必果。建天下之大公,以破天下之衆私。聲色不能 德,力於行道,明於見善,決於改過。 天之剛也。剛明果斷,君之剛也。 乾爲天,爲君」。 草書,天字作五,即一也 ○乾、 然强足拒諫,强明自任,豈剛也哉? ■、■,古 八字立而聲畫不可勝窮矣,豈待鳥跡哉? 雜卦 曷由知之? 故君德體天,天德主剛。 Ĕ 「乾健」、《説卦 由坎離知之。偃之爲三 故亡漢不以成、哀而 君惟剛,則勇於進 主善必堅,去邪 日 故《漢書》坤字 「乾剛」,又曰 風霆烈日 後

乾,元亨利貞。

復也。 而已。 未有已也。 乾。 於貞之體。是豈所謂元而利者哉? 儒者之求道,求 命爲元,其究窒於亨之用, 之名立,而天地聖人之緼著矣。彼異端者,以空言性 然而一矣。 充然而成之謂利,肅然而收之謂貞。 利異功而同用。 之終,元貞異名而同體。 之復。」復者何? 復於元而已。 諸乾之四 皆利貞之迹。 人幼而壯,物萌而榮,皆元亨之迹。利人而貞,物成 有性,性而後有德。德之名四,其實一。 天言其象,乾言其性,元亨利貞言其德。 此卦辭。説者曰文王之辭。 元出而亨,物始而通也。 時秋而冬,日昳而夕,❷人强而耄,物實而 天地具此爲天地,聖人具此爲聖人。 一斯散,散斯成,成斯復,復斯人,人斯出 故周子曰:「元亨,誠之通, 渾然而一之謂元,熙然而散之謂亨, 亨者物之生,利者物之成,亨 以詭遇事功爲利,其究賊 元者貞之初,貞者元 時春而夏,日旦 至高日天,至健日 肅然而收 一者何? 元 利貞,誠 象而 則 一而畫, 四德 隕 渾 則

- 「禍」,尹本、四庫本作「過」。
- 「夕」,原漫漶不清,今據尹本、四庫本補

初九,潛龍勿用。

乎? 聖體其常,亂則聖通其變,舜、孔子易地皆然。 自用,孔子窮而在下,未嘗欲勿用,何也? 子謂「舜之側微」,是也。或曰: 在羑里之爻,非也。羑里聖人之不幸也 何用之? 位之最下者也,故爲龍之潛。 託至神之物以喻之、舍龍何以哉? 之一、三、五,不曰九乎? 坤 陰也,其數曰六。 乾以龍爲象,何也? 此爻辭。 故曰勿用。 説者曰 何也? 周 勿云者,止之也。 公之辭。 天地者,其神不測者也,將 積地數之二、四,不曰 既曰潛矣,雖欲用之,於 天地之生數也。 舜窮而在下,未嘗欲 乾陽 初九乾爻之始, 也,其 ,非潛也。 干實謂文王 日: 數 積 日 治則 天數 九 程

九二,見龍在田,利見大人。

之母,故曰見龍。見龍在田,物被其澤也。利見大人之章,故曰見龍。見龍在田,物被其澤也。利見大人之章,故曰見龍。見龍在田,物被其澤也。利見大人

皆君德也。九三以君人之德,處下位之上,尊卑未定,曰君子,何也? 言龍者明而神, 言君子者神而明, 就之六爻,皆龍德也,故曰六龍。九三不言龍而九三,君子終日乾乾,夕惕若,句厲无咎。

或曰: 勤? 晉不足徵,則乾乾夕惕之戒妄矣。 安矣,何咎之有? 希不失矣; 上而驕其下,在下而憂其不爲上,驕則有懈心,何德之 亦有危而有咎者乎? 乾乾者,猶曰 无息,至夕猶惕惕若而自懼,勤於德而 而許以无咎之可必,何也? 危莫大焉 憂則有観心,何位之懼? 不有操、懿乎? ,故曰 魏一變而爲晉,蓋再世希不失矣。 健健云爾。 属。 程子謂此爻「舜之玄德升聞時也」。 厲,危也。 EI: 曰: 雖然九三危而无咎,信矣。 有。 於此有道,終日乾乾然而 然聖人 漢一變而爲魏,蓋三世 故終亦必亡而已矣。 蚩尤、后羿、莽、卓在 懼於位,則危者 戒以厲之未 使魏

九四,或躍在淵,无咎。

咎矣。 所養。 異。 无咎。 君子進德修業,故无咎。 可以躍則動,未可以 曰或焉。 之躍,其情固異於三之惕也,然聖人未敢輕許之也 居下之上而方尊,九四居上之下而已偪,故位若同 九三之惕,則懼於進。 九四之與九三,位若同而異,情若異而同。 三之勤而懼、《文言》以爲君子進德修業, 四 在淵者,涵其自養。 或之者,疑之也。 雖无三之懼,然亦能躍 躍則静。 此其情所以若異 宜動而動,宜 九四之躍,則向於進。 疑之者,未可以必進 淵静 而疑,《文言》亦以爲 也。 或躍者 静而静,斯 而同也 試 九三 也。 ,故 危 无 其 四 而

可越。 咎與否,皆所不能囿也,所謂賢者過之者歟? 謂之无咎矣。至泰伯、仲雍、伯夷、叔齊,則躍與否,无 孰若守義以聽命? 申生,漢之榮、彊, 躁於躍則爲商臣,❶爲元凶,其咎大矣。 子以爲「舜之歷試 位,其説尤切。 《易》之戒,義也。三子之遭,命也。 使三子越義以逃命,命可逃乎? 蓋懦於躍則爲漢之惠、元,僅危得之。 時也」。安定胡氏以此爻爲太子之 非以躍而咎也,何如?② 三子守義以聽命,雖曰有咎,吾必 命不可逃,而義不 或曰: 命不可逃,則 晉之

九五、飛龍在天、利見大人。

見之,而況今在天乎?也。德而不位,仲尼以之,虚天下之望也,故曰利見大人。當其在田,天下猶利娶辛以之,失天下之望也。德與位並,一帝三王以之,及,以之,失天下之望也。何而不德,以之,而,天德也,龍象也。五,天位也,飛而在天之象

上九,亢龍有悔。

唐明皇,晚年是已。若志與位俱亢,則有悔矣。梁武帝、若丹朱之時也。若志與位俱亢,則有悔矣。梁武帝、上焉,將何之乎? 此益戒舜以罔淫于樂,禹戒舜以无五者位之極,上者極之極,故爲亢。居君位而又

用九,見羣龍无首,吉。

寧。 命,保合大和乃利貞。首出庶物,萬國咸成,時乘六龍以御天。乾道變化,各正性成,時乘六龍以御天。乾道變化,各正性雲行雨施,品物流形,大明終始,六位時雲行雨施, 大哉乾元,萬物資始,乃統天。

天大矣,總攝於此而後立。性命妙矣,保合於此而後者。 乾之元而已。故萬物衆矣,資取於此而後始。而一,謂之元。一而二,謂之氣。運而无息,謂之道。而一,謂之元。一而二,謂之氣。運而无息,謂之道。融而无偏,謂之和。天非和不立,物非和不生。莫之融而无偏,謂之和。天非和不立,物非和不生。莫之融而无偏,謂之和。天非和不立,物非和不生。莫之心。何以《彖》辭,所以釋卦辭也。説者曰孔子之辭。大此《彖》辭,所以釋卦辭也。説者曰孔子之辭。大

^{■「}則爲」、原漫漶不清、今據尹本、四庫本補。

一如」,原漫漶不清,今據尹本、四庫本補。

[「]曰」,原漫漶不清,今據尹本、四庫本補。

^{■「}正」,原漫漶不清,今據尹本、四庫本補。

逝。 乎? 品物流形」,即亨也 時飛時潛而天位正。此其所以首出庶物而萬國咸寧 作易之聖人孰與於此? 忽而亡,此雲行之化也。 之雲行乎,炳而黄,黯而蒼,此雲行之變也, 測之妙也。 利 位 始,始而復始,終而復終,始終變化而未已,此陰陽不 物流形,何爲而有是象。 有物耶? 象》言元言利貞而不言亨,非不言亨也。「雲行雨 声。 ,聖人之與乾元合而爲一故也。 ,則時行時止而聖德成。 天地造化,皆若是而已。大明於終始之道者,非 何爲而有是象者,其物之終乎? 其變也 雲行雨施,莫見其所自來。 曷謂變、曷謂化、是不可勝窮也。 新故爲无常; 莫見其所自來者,其物之始 變者,迹之遷; 是故體此道以居乾爻之六 執此道以乘乾之六龍,則 其化也消息爲无迹。 此乾元之所以大。 謂无物耶 始而終,終 化者,神之 倏而有. 嘗試觀 ilii. 謂

天行健,君子以自强不息。

之道也。 也。 至也。 之辭也。 君子以自强不息,强且不息,亦誠也。 運行不窮之謂健,進脩不息之謂强,其義一也 此大《象》之辭,釋卦名乾之一字之義也,亦孔子 天行健,乾之德也。 天行健,健 自强,非有使之者也。 即 誠 也。 自强不息 所謂誠者,天之道也 曰强,又曰不息,强之 所謂誠之者,人 君子以

> 也。 天德不可爲首也。 在淵」,進无咎也。 施普也。 潛龍勿用」,陽在 皆體易道而日用者。 六十四卦,或日君子,或日先王,或日 「亢龍有悔」,盈 「終日乾乾」,反復道也。 健順者,乾坤二字之計 下也。 不可久也。「用九」, 飛龍在天」, 「見龍在 聖人,或日 田 大人造 或躍 大人, 德

爲首,則惟六位所遭而處之,焉往而不綽綽? 戒其不可久,蓋乾之德不可爲首故也。 不以得位爲樂,而志在大有爲。 此而不知有彼,是故旋觀无咎而後敢進。 有此而不知有彼,是故反復於道而 之潛而勿用、是故潛德而非爲我。 子辭也。德在此,位在彼,初九以陽德而在下,君子 見,君子以之,施而必周,是故德普而非兼愛。 此小《象》之辭,釋六爻之辭與用九之義也。 上九以處高爲悔, 不敢離。 九二以陽德 知乾之德不可 至於九五 九四知有 九三 而 亦孔 而 知 出 以

《文言》曰: 會也,「利」者義之和也,「貞」者事之幹也。 坤二卦有之、蓋六十二卦舉矣。 文言》者、《彖》辭之重者也,亦孔子辭也。 「元」者善之長也,「亨」者嘉之 元者,萬善之大宗。 惟乾

亨者,百嘉之都會。 利者,萬宜之和氣。 貞者,庶事之

此乾之四德。

足以 者,故曰 君子體 和義,貞固足以幹事。 「乾,元亨利貞」。 足以長人,嘉會足以 君子行此 合禮 四 利 德 物

之,確乎其不可拔,潛龍也。」 德而隱者也。不易乎世,不成乎名,遯世 初九日「潛龍 无悶,不見是而无悶,樂則行之,憂則違 元者四德之長,仁者五常之長。體元无形,體仁 此君子體乾之四德也。法之於天,體之於身之謂 聖人欲其近而易行,故變元而謂之仁。 勿用」,何謂也? 子曰:「龍

然乎? 時,必 憂則違之也。 亡,故不見知於人,必見知於天,所謂不見是而无悶, 從世,以實晦名,不以 釋者諸卦十八爻而已。 至於餘卦見於《繫辭》者,如「鳴鶴在陰」之類,所 「子曰」一章,孔子釋爻辭之文也,惟乾坤二 有行於己,所謂遯 初九惟其以 其守不奪 龍德 實 然則謂《繫辭》非夫子之作,其 ,其堅不拔 世无悶,樂,則行之也。 、顯名。 而隱也 内樂存,故不有行於 ,故以世從道,不以 ,豈躁於用哉? 外憂 一卦 此 道 爲

潛龍之德

也。」 之謹、閑邪存其誠、善世而不伐、德 九二曰「見龍在田,利見大人」,何謂 化。《易》曰『見龍在田,利見大人』,君德 子曰:「龍德而正中 ·者也。 庸言之信,庸 博 也 圃 行 ?

九三曰「君子終日乾乾,夕惕若,厲无咎」, 德也。 以善一世,方且有而若无,德足以普萬物,方且化 有君民之大德,有事君之小心,其九二之謂乎。 居、天下歸之、己辭之、曷嘗有君人之心乎? 息 君德无君位也。 龍 雖見矣,在田不在天,德雖正中矣,在下不在上,有 , 閑邪存誠, 實而无妄, 可謂有君人之德矣。 有君人之德,无君人之心,此九二大人盛德之事。 曰君德云者, ●有君德而安於臣位者也。 然則宜若之何? 庸信庸謹、久而 故曰 然德足 文王 而不 君 无

0 所以 何謂 日 進 也 ? 德 四庫 也,修辭 子曰:「君子進德脩業。忠信, 本無此字。 立其誠 「云」,原漫漶不清,今據尹本 所以居業也。

庫

憂,故乾乾因其時 義 知 也。 至至之,可 是故 居 與 上位 幾 而惕,雖危无咎矣。」 也 而 不 知終終之, 驕,在 下 位 可 與 圃 存 不

以得位爲懼爾,雖 終,非存義之固。 至,而不至其至,非造微之極。 物、忠信辭誠 進修德業,則非 故曰在下。 以此居上,高而不泰; 終日乾乾,必 所 :徒勤 以指 危何咎? 知至能至,知終能終,聖智之學就 有事焉。 矣。 其 地,實其 雖 然進修必 无事而勤,徒勤也 二之上,故曰居上。 以此在下,卑而不戚。 知德業所終,而 物 也。 有地,德業必有 然 知 德 不終其 業所 四之 勤 於

也。君子進德修業,欲及時也,故无咎。」「上下无常,非爲邪也。進退无恒,非離羣九四曰「或躍在淵,无咎」,何謂也? 子曰:

子曰: 燥 九 五 ,雲從龍 ·時以行險,疑而无必,則无咎矣。或之者,疑之也。 曰「飛龍在天,利見大人」, 恒 以下退爲常,則其德孤。 ,猶常也。 同聲相應,同 ,風從虎,聖人作而萬物覩 九四之位偪矣,以上進爲常,則 氣相 惟及其時以進修,而 求 ,水流 何 濕,火就 調 也 其 ? 本 念

也。」 也不必地者親下,則各從其類乎天者親上,本乎地者親下,則各從其類

六

從者, 也。 爻「飛龍在天」之辭而發「雲從龍」之義,遂推 所謂「首出庶物,萬國咸寧」者歟? 地,所謂出乎其類者。 相 躍 比 而 物不親者, 萬物覩聖人,即利見大人。 蟻 同 鳶 不隨。 則合,異則離 物親 飛親上,魚躍親下,所謂各從其類也。 何 濕爲火仇 也? 物而已。 聖人者,三才之宗主,萬物之天 物之情也。 出乎其類 ,燥爲水憂,雲虎相避 至於聖人作 故統乎萬類、《彖》辭 故馬鳴 夫子 而萬物咸 此言 而牛不 而 因 風 所 (覩, 无 應、螽 極之 釋此 謂 龍 各 不

上九 是 而无位,高 以 動 曰「亢龍 而有 丽 悔也 无 有 悔 民 一,何謂 ,賢人在下,位 也 ? 子 加 Ė 无 .

潛 如 剛无陰,故曰无民。 龍 是而 六龍之首,故曰貴高。 勿 動 用」,下也。 其誰我與? 白四而 有悔必矣。 「見龍 下,皆從九五,故曰无輔。 非君非 在 臣,故 高貴鄉公以之。 田」,●時舍 日 无 位 陽

■「龍」、原脱、今據尹本、四庫本補、

自試 也 窮之災也。乾元用 也。 「終日乾乾」,行 飛龍 在天」,上治也。 事 也。 九,天下治也 「或 躍 一亢 在 淵。 龍 有

化洽,而天下治,故曰上治。 聖人在上,則德流飛龍在天,則雲行雨施,而天下平。聖人在上,則德流可居於田也。終日乾乾,必有事焉,非有事則爲无益之勤。或躍在淵,所以自試,非自試必有妄動之舉。此一章再釋爻辭與用九辭也。潛龍勿用,曷爲勿此一章再釋爻辭與用九辭也。潛龍勿用,曷爲勿

乃見天則。德。「亢龍有悔」,與時偕極。乾元用九,德。「亢龍有悔」,與時偕極。乾元用九,在淵」,乾道乃革。「飛龍在天」,乃位乎天下文明。「終日乾乾」,與時偕行。「或躍下文明。「終日乾乾」,與時偕行。「或躍「潛龍勿用」,陽氣潛藏。「見龍在田」,天

之不息 之上進,亦革卑而居尊,故曰乾道乃革。 位 其文明之治。 天之健,終日而不息,九三之進修,亦與 九當退而安於潛藏之幽。 則 此一章亦再釋爻辭與用九辭 德不儉於位 ,故曰與時偕行。 以 天位處龍德 龍之在淵,革潛而爲躍, 時 顯則顯 也。 則 故九二當見 位 時隱則隱, 不儉 以龍德宅天 於德、故 九四 而著 故

則。首,天之則也,君不爲首,君順帝之則也,故曰乃見天之極者,治極不生治而生亂,故曰與時偕極。天不爲曰位乎天德。天時之極者,暑極不生暑而生寒,君位曰位乎天德。天時之極者,暑極不生暑而生寒,君位

揮,旁通 行 大哉乾乎,剛 下。 哉? 雨施,天下平 貞言 若曰利建侯、利女貞、利涉大川,皆言所利者也。 然止言利而不言所利,其利大而不容指一事 性。 元言始,亨言通。元亨者,始而後有通。 皆出於元而已,故又曰: 情 利貞者, 也 健 也。 中正 時 情必復於性。 乘 一,純粹 六龍,以 乾始能以美 精也。六爻發 雖然利, 御天也。 豈 利言 利 能 利天 自 也 情 利

之道。道,析則五會則一。正邪爲正,正正爲中,乾之故既曰「大哉乾元」,又曰「大哉乾乎」,何大乎乾也?乾不可得而贊,極天下萬物而无外,姑强名曰大而已。此一章亦釋《彖》辭所以贊乾之德而歸之道也。此一章亦釋《彖

行剛 中。六爻純陽,故純粹精。 與於此? 健无息以致之乎? 正,正而中,止矣。 之中也。正者中在其外,中則正在其中。 天地之中也。夷、惠,吾道之正也,非中也,孔子,吾道 蓋正猶有偏也。 故夫正者,道之純粹也,精則未也。中者,道之精也, 者,金之粹; 純粹精? 此道而一之於中,天傳之義,義傳之八聖者也。 精惟一」,乾之一也。「允執厥中」,乾之中也。 粹之微。 本於中 ·斯一於中矣。非天行健,君子自强不息,其孰能 乾之道,會於一 一而已。 乾陽,故剛健。陽居二,故正。 請以金喻。 良而百鍊者,金之精。 楚、燕,南北之正也,非中也,洛 純者、體之一。 雖然,乾之道何以臻此? 其惟 剛健者、乾之性。 不雜者,金之純; 而 此章與「始而亨」爲一章。 己。 粹者,純之美。 堯、舜、禹相傳以「惟 精者,不雜之至 以剛出健,以 道至於一而 陽居五,故 不雜而 然則舉 精者 曷謂 師 剧川 健

而未成一當此一爻,恐顏子不敢當也。程子謂「未成也,隱而未見,行而未成,是以君子弗用也。此一章亦再釋爻辭。緼於身爲德,形於事爲行。此一章亦再釋爻辭。緼於身爲德,形於事爲行。此一章亦再釋爻辭。緼於身爲德,形於事爲行。

德也。《易》曰「見龍在田、利見大人」、君君子學以聚之、問以辨之、寬以居之、仁以

乾乾因其時而惕,雖危「无咎」矣。 思以寬,故處心大而裕。行以仁,故及物公而普。學居以寬,故處心大而裕。行以仁,故及物公而普。學問,德之府。寬仁,德之輿。九二之大人、君子,府充而輿熟,君德如此,天下幸而見之,其利何如哉?

不在田。 三乘二陽而在其上,❶故重剛。下卦以二爲中,

夫「大人」者,與天地合其德,與日月合其在人,故或之。或之者,疑之也,故「无咎」。四則不及焉,故不中。非三,故中不在人。 四則不及焉,故不中。非三,故中不在田,中不

●「二」、原漫漶不清、今據尹本、四庫本補

者、未著也」,以「舜之側微」當之、得之矣。

況於人乎? 況於鬼神乎?而天弗違,後天而奉天時。天且弗違,而明,與四時合其序,與鬼神合其吉凶,先天

精,四時造化之功,鬼神造化之靈。其體一,其用三。獨載无私之謂德,照臨无私之謂明,生息无私之謂序, 過福无私之謂德,照臨无私之謂明,生息无私之謂序, 皆與之合,則其德與天地合其大矣。是故,先天子合。學型,後天聖合乎天,人謀鬼謀皆聖之餘也。堯舜天命。湯之伐,不先不後,而順天者也。體乾之人,有君也。湯之伐,不先不後,而順天者也。體乾之人,有君也。湯之伐,不先不後,而順天者也。體乾之人,有君之達名。聖人,性天之達名。名則三,道則一。

能退字上而下失其EN,其谁瞿人平!知亡,知得而不知喪。其唯聖人乎? 知「亢」之爲言也,知進而不知退,知存而不

處之,又何亢之有? 堯舜是也。嗟乎,聖人吾不得而之幾,而不退者也。聖人唯能知之,故能不失其正以上九亢矣,病也。亢而不知焉,病之病也。自古進退存亡而不失其正者,其唯聖人乎!

哉回也」,亦先後申言之。申言之者,所以深贊聖人之能知亢也。猶孔子稱「賢見之矣。若唐之睿宗,其庶矣乎? 曰其唯聖人乎,必

■坤上

○坤,元亨利,向牝馬之貞。

貞」,非也。 牝馬地類。安得同乾之貞哉! 王弼云「利牝馬之牝馬地類。安得同乾之貞哉! 王弼云「利牝馬之地中。行止,惟人之從。馬之順也,牝馬順之順也,故牝馬之貞,何也? 乾貞欲剛,故天尊。坤貞欲柔,故地之元、亨、利三德同乎乾,❶貞則獨指一事。曰

君子有攸往,

往,行也。地之柔順,君子體而行之。

貞吉。 先迷後得,主利。西南得朋,東北喪朋,安

妻、臣道也。皆欲以陰從陽,不欲以陰從陰。陰從陰體。自坤以下,併與用言之。坤,地道也,陰道也,母、此以上皆卦辭。 乾之卦辭止言元亨利貞,言其

●「亨」,原作「貞」,今據尹本、四庫本改。

且危。 方。東北,陽之鄉。 必以安貞爲吉之地也。 得,必以後爲利之主也。從其類則非吉,離其類則吉, 亡,陰不從陽之災也。● 微,月壯日虧。吕、武專而漢、唐傾,懿、裕强而 則造化消; 母從子,妻從夫,臣從君,則治且安。 陰從陽則造化息。 皆欲以陰從陽也。 故坤之陰,處先則迷,處後則 母、妻、臣自從,則 西南,陰之 故陰盛陽 頭魏、晉 亂

天。坤厚載物,德合无疆。《彖》曰: 至哉「坤元」,萬物資生,乃順承

德所以合乎乾之无疆。 生物,豈自爲之哉? 順以承乎天,厚以載乎物,此其之元,物資以生。始者,氣之元。生者,形之元。坤之之元,物資以生。始者,氣之元。生者,形之元。坤之。蓋大則无疆,至則有極。乾之元,物資以始, 坤。 華縣大哉,坤稱至哉,嚴尊卑之分,陰不得僭陽

英華外發之謂光,坤之用也。博厚中充之謂大,地无疆。柔順「利」「貞」,君子攸行。含弘光大,品物咸「亨」。「牝馬」地類,行

生物而不息,物之所以亨。坤之體也。坤道之光大如此,而能含弘而不耀,故能

朋」,乃與類行。「東北喪朋」,乃終有慶。「先迷」失道,「後」順「得」常。「西南得

「安貞」之「吉」,應地无疆。

此章程子盡矣。

《象》曰: 地勢,坤。君子以厚德載物。

初六,履霜,堅冰至。《象》曰:「属厚,則載萬民不勝其衆。勢,力也。

五次焉。六二具直方大之三德,而於不習之自然,❷ 處五,真得聖人之意也。坤之六爻,莫盛於六二,而六之動,直以方也。「不習无不利」,地道光也。六二,直方大,不習无不利。《象》曰: 六二

- ▶ 「陰」上、尹本、四庫本有「此」字。
- ② 「而」,尹本、四庫本作「得」。

習也。雖然不必習,而習不亦進進矣哉!正故也。不揉而直,不矩而方,不恢而大,六二固不必三獨方,此其所以大也。何以柔而能直且方也? 中焉往而不利哉? 柔則曲,而六二獨直,柔則刓,而六焉

事」知光大也。《象》曰:「含章可貞」,以時發也。「或從王六三,含章可貞,或從王事,无成有終。

也」,其論至矣。无成謂不居,有終謂不畫 子 事 所以光大也。或云者,非不任事也,非求任事也。 列
語
。 謂「義,所當爲,則 爲臣不任事求任事,罪一 六三含其光明而不 以時 而發,若含而 衒,或從王 也。 不任事 不爲, 事 則姦,求任 丽 毋 非盡 必,此 忠 程

咎」,慎不害也。 六四,括囊,无咎,无譽。《象》曰:「括囊无

在中也。
在中也。
言,假六四之義以自文,則爲張禹、胡廣。學者審之。
言,假六四之義以自文,則爲張禹、胡廣。學者審之。
四居危疑之地,而慎默括囊可也。若可以言而不

之一君者也,故坤之五不得爲君位。雖然六五不幸而五,君位也,而坤臣道也。坤之六爻皆順承乾五

也? 大也。 之。 也。 有文德而居中也。 深遠矣。 婦居尊位,非常之變不可言也」,其發明聖人之意,尤 二、六五,得中均也。 守中而居下,以安守人臣之分,則元吉矣。 居嫌疑之位,其道宜何 吾於乾坤見君臣之大分矣。 臣 二中而在下,臣位正也。 聖人許之以能居下則元吉,不許其過此也。六 而疑於君,疑而不已 剛柔雜,爲文。 然六二則大之,六五則戒之,何 如? 六柔也,五剛也, 則僭,僭不可 黄,中色也。裳,下服也 五中而在上,臣位疑 程子謂「陰者婦道 啓也,故戒 文在中,謂 元吉,吉之

戰于野」,其道窮也。 上六,龍戰于野,其血玄黄。《象》曰:「龍

至於此。 以坤馬之僭龍而戰 戰已兆於初六之履霜,小人之可畏如此哉! 而高亦誅。 故陰陽争、君臣戰、兩傷兩窮而後已。 ,兩龍俱傷也 陰極傷陽,臣盛傷君。 爲君者,其勿使其臣至於此也。 王莽篡漢,漢微而莽亦敗。 夫乾之真龍也。 六而居上,陰極而臣盛矣。 血 趙高篡秦、秦亡 傷 爲臣者,其勿 蓋上六之龍 也。 龍戰者 其 血玄

「六位成章」。 止於六,而爻乃有七乎? 故《易》曰「六爻發揮」,又曰矣。或曰用九用六,乾坤七爻,妄也。有位斯有爻,位矣。或曰用九用六,乾坤七爻,妄也。有位斯有爻,位陰之用能永守臣道之貞,斯可以爲大臣而令終

其順乎,承天而時行。 方。後得主而有常,含萬物而化光。坤道《文言》曰: 坤至柔而動也剛,至静而德

有臣節。 此,何也? 方。先而不後者,坤之異,後而不先者,坤之常。 動而剛? 臣節病於順,故欲剛欲方,順則爲張禹、胡廣。 而包含之量 化之運行, 豈專柔而 本乎順而已。 柔者坤之道,静者坤之體。 臣道一於順,故欲柔欲静,不順 日: 承天之施 幽,物散而造化之功著。 發生必達 然則臣道 静哉? 而不自生,行天之時而不自用 於順乎? 動 則陽 至於陰陽之回 丽 坤之道其 日 剛 則 静則 爲莽、卓。 有臣道 坤何以 斡, 大如 物收 陰 造 而

《易》曰「履霜、堅冰至」、蓋言順也。之故、其所由來者漸矣、由辯之不早辯也。餘殃。臣弑其君、子弑其父、非一朝一夕積善之家、必有餘慶。積不善之家、必有

致之也。 堅冰至」,蓋言馴也。 之禍不作矣。 己,在上者不可不察之於人。 後動於惡」,故一小不善之心,在下者不可不察之於 斯極,極斯作。 於萌一小不善之心而積之也。 家之大禍,聖人不忍言,臣子不忍聞也。 大者小之積。 福 生 順,當作馴。 於 辯,察也。 善可積也,不善 小 及其作而圖之,其有及乎? 善、禍起於一 履霜之不戒,堅冰之勿悔 故《易・坤》之初六日「履 察之早,勿使之漸 小不善。 不可積 傳曰「有无君之心,而 也。 探其初,亦 萬 者 積斯漸,漸 弒 之積, 逆、國 則國 馴 霜 而 止

无不利」,則不疑其所行也。 以方外,敬義立而德不孤。「直方大,不習直其正也,方其義也。君子敬以直内,義

外則徇用而忘體 也,義用也。 正,以義釋方,其曉學者至矣。 立謂並立,不孤謂不偏。 而不分。 六二爻辭也,言直方而聖人又以正釋 義以方其外,則處物適 體用合而德 不偏 偏於内則執體而 ,故敬義 敬以直其内,則 宣面而不 立 而德 廢用 直 隨。 不 養心主 以 孤也 敬體 偏 敬 於 釋

地道也、妻道也、臣道也。地道「无成」而陰雖有美、「含」之以「從王事」、弗敢成也。

代「有終」也。

得六三之義。 爲臣之道,有大美而不能含緼者,矜也。縕大美而不從王事者,吝也。從王事而敢居其成功者,驕也。 聖人於六三,蓋三致志焉。弗敢云者,有懼心焉。功聖人於六三,蓋三致志焉。弗敢云者,有懼心焉。功

曰「括囊,无咎,无譽」,蓋言謹也。 天地變化草木蕃。天地閉,賢人隱。《易》

東京區一院, 中心。不宜隱而隱者五之位,則僭也。 中之六四至於潔 大五,以臣而居君之位,則僭也。 臣僭君,則天下亂, 一之不深耳。此襲勝所以不仕於莽之朝而蔡邕所 以失節於卓之官也。聖人嚴臣子之大分,於六五則深 以失節於卓之官也。聖人嚴臣子之大分,於六五則深 成之以居下之禮,於六四則力勸之以潔身之節。隱之 於六五而發之於六四,其防患深遠矣。使六四至於潔 身,則六五何如哉?

於四支,發於事業,美之至也。君子黃中通理,正位居體,美在其中,而暢

六五之君子,唯剛柔雜而有文德,故通理。唯得

專權之紊。所以爲美之至。 專權之紊。所以爲美之至。 發於事業而美其政,必无於是。具三者之大美,組於中斯形於外,故暢於四支之不可易,故正位居體而不敢僭也。臣道之美,孰大之不可易,故正位居體而不敢僭也。臣道之美,孰大之不可易,故正偿。而是理中,故正位。唯位高而心愈下,不失臣禮,故居體。體中,故正位。唯位高而心愈下,不失臣禮,故居體。體

僭也。龍之類有血,血之類有色,故曰「未離其類」。●「玄黄」者,天地之雜也。天玄而地黄。「玄黄」者,天地之雜也。天玄而地黄。「玄黄」者,天地之雜也。天玄而地黄。『玄黄」者,天地之雜也。天玄而地黄。於陽必戰,爲其類也,故稱「血」焉。夫陰疑於陽必戰,爲其類也,故稱「血」焉。夫

張先生校正楊寶學易傳上經卷第一

● 「離」,原作「之」,據尹本、四庫本及乾卦《文言》改。

. . .

張先生校正楊賓學易傳卷之二

廬陵楊萬里廷秀

〇物句 萌未舒日 屯, 氣始交未暢曰屯,世多難未

屯

泰曰屯。

者乎? 7,元亨利貞。 亨屯之三道,高帝未及也,而亨屯之功如此,而況及之 至,亟捐齊、梁以王信、越,得屯之利建侯。 國而不敢校,得屯之勿用有攸往。會固陵而諸侯不 發喪,得屯之利貞。不王之關中,而王之蜀漢,隱忍就 故曰利建侯。漢高帝平秦、項之亂,除秦苛法,爲義帝 能成功之速,故曰勿用有攸往, 惟至正爲能正天下之不正,故曰利貞, 物屯求亨、時屯亦求亨。然時屯求亨、其道有三。 勿用有攸往,利建侯。 惟多助爲能克寡助 惟不欲速爲 二帝三王

屯, 剛柔始交而 難 生, 動 乎 險

> 中。 宜建侯而不寧。 大亨貞,雷 雨 之動滿 盈。 天造草昧

亨貞。 審而後動也。 攸往,而《彖》言雷雨之動者,勿用攸往,非終不動 勿用有攸往。 齊,昧而未明,能動以正,而又得建侯之助,則屯可 之間,亨孰大焉。 以動於險難之中,如天地之動,一動而雷雨盈於天地 正而後動,是惟无動,動則大亨,故曰大亨貞。 仗至正 皆居一卦之始,故曰剛柔始交。 大亨貞,即卦辭之元亨利貞。 震動坎險,故曰動乎險中。 震以初九之陽而下於陰,以六二之陰而上於陽 建侯而不自寧,即利建侯。 屯之元亨利貞,非如乾之四德,故曰 當屯難之世,如造化之初,草而 臨險難而不妄動,必 以震逢坎,❶故曰 動而雷雨滿盈,即 然卦言勿用 也 大 亨 未

象》曰: 雲雷,屯。 君子以經綸

爲 有經綸天下之才,則屯未易亨。 雲,故雲雷屯。 當屯難之時,君子當之,豈可以晏然處之哉? 天下无事,庸人不庸人, 坎在下爲雨, 故 天下多難,豪傑不 郭子和曰: 雷雨 作解。 「坎在上 丽 未

0 逢」,尹本、四庫本作「遇」。

雨,所以爲屯。」其説最明。

也。雖「盤桓」,志行正也。以貴下賤,大得民雖「盤桓」,志行正也。以貴下賤,大得民初九,盤桓,利居貞,利建侯。《象》曰:

乎? 震之初以一陽爲二陰之主,故曰貴。 遠君无位,聖人猶許其有志,而況有志而近君有位者 助 功。 位者也。 失王浚、猗盧之援而幽并亡,晉遂失中原,琨遠君 之驩而朱滔遁,唐遂以安,林遠君而无位者也。 卑以得民,則志可行,屯可濟矣。 侯非我職也,而初九能之乎? 賈林合李抱真 未嘗不欲行其正也。 進,以待時而已。 而 陽下之,故曰下賤 居下位,非二 ,何職之拘,何位之俟哉? 周公言居貞,而孔子言行正,然後濟屯之功 然則何以行吾志,何以濟夫屯? 君子濟屯患无才,有才患无位。 初九患无志耳,有有爲之志,而輔以 非四, 然豈真不爲哉? 居而不貞則无德,行而不 雖欲有爲,未可 故濟屯者志爲大。 初九在下而遠 居正有待,而 初九以剛明之才 建侯以求助,自 也。 二陰賤 姑盤 王 王 建 Ė 君 初九 侯之 武俊 劉琨 其志 三則无 而 桓 而

子貞不字,十年乃字。《象》曰: 六二之六二,屯如邅如,乘馬班如,匪寇婚媾。女

難,乘剛也。「十年乃字」,反常也。

一也。 剛明之才耳。舜之於四凶,周公之於管、蔡,孔子之於 其常之効也。 徐而寢其九錫之命,强臣自斃,而王室以寧,亦屯之六 而寇自平焉。 不撓,●而下不比於敦,待時觀變,而上不危其國,久 柔順之才,處强臣之上,非乘剛遇寇而何? 有元明之二君,而下有王敦之强臣,導乃以寬大之度, 其婚,婚而字焉,何遲之有? 字,不若守正而不字,雖未得親於婚,久則寇定而自 而不能進。 親於君之應,而有近初之嫌。 之屯也。然下則偪於初之剛,而乃爲己之寇, 正卯,何遭班之有? 屯之六二,以陰柔之德居大臣之位,非不欲濟 雖然,六二之遭如班如者,其病在於陰柔,而无 然則何以處之? 謝安之於桓温 君自信焉,國自安焉。 ,②初則伐其壁人之謀 此王導相晉之事也。 故遭如而不能行,班 如女子然,與其從寇 此十年乃字,復 惟導守正 上 成 時 如 欲 而

六三,即鹿无虞,惟入于林中。君子幾,不

- 「橈」,尹本、四庫本作「撓」。
- 「桓」,原爲避宋欽宗諱作「亘」,今正。下逕改,不再

六

也。「君子」舍之,「往吝」窮也。如舍,往吝。《象》曰:「即鹿无虞」,以從禽

三无剛明之才而居震動之極,妄意於濟屯之功 三无剛明之才而居震動之極,妄意於濟屯之功 三无剛則无功,所謂无虞而鹿人林中也。君子當此 大產成,業无孤興,郭林宗所以不仕於漢,管幼安所 以不仕於魏,非无憂世之心也。 鹿譬則功也,虞人譬 以不仕於魏,非无憂世之心也。 鹿譬則功也,虞人譬 以不仕於魏,非无憂世之心也。 鹿譬則功也,虞人譬 以不仕於魏,非无憂世之心也。 鹿譬則功也,虞人譬 以不住於魏,非无憂世之心也。 鹿譬則功也,虞人譬则應也。

《象》曰:「求」而「往」,明也。六四,乘馬班如,求婚媾。往吉,无不利。

求婚者,求助之謂。四有自知之明,無疾賢之私者也。魏無知、徐庶以之。初九在下而剛明,爲六四之應,故求助則必往。此六不四居上而陰柔,非濟屯之才,故乘馬而不進。

「屯其膏」,施未光也。 九五,屯其膏,小貞吉,大貞凶。《象》曰:

屯難終不可濟乎? 有君无臣故也。六四近臣則弱,餘也。然其澤猶屯而未光,其所正可小而不可大。是九五以剛明之君,居屯難之世,宜其撥亂反正有

也? 之禍。❶ 爲,誰與? 虺得虎。 」 臣,則度與德裕也。 主,非不剛也,終自以爲不及赧、獻。 則如无賢,臣而在遠,則如无臣。 六三近臣則又弱,六二大臣則又弱,然則 觀近臣、則訓、注也。 故曰: 有爲惟一初九,則遠而在下。 「君强臣羸,航无楫維。 用不必才,才不必用,而欲平闊尹 觀大臣,則涯、餗也。 唐之文宗,初耻爲凡 大貞則凶也,何 无臣有主,去 九 賢 Ŧī. 而在 將 觀遠 欲 有

血漣如」,何可長也?上六,乘馬班如,泣血漣如。《象》曰:「泣

是 良 上 下

○蒙,亨。

説者以蒙爲蒙昧之蒙,非也,蒙猶屯也。屯者物

● 「尹」,尹本、四庫本作「宦」。

曰屯,稺而未達曰蒙,故蒙有亨之理。果昧也,奚亨之初,非物之厄。蒙者人之初,非性之昧。勾而未舒

匪我求童蒙,童蒙求我。

堅,故无求非傲,有求非詘。教者,然後教者之言人。道尊則傳而行,言人則信而教者无求於學者,然後先王之道尊。學者有求於

初筮告,再三瀆,瀆則不告。利貞。

則問而答者,愛也。 而占之之謂。 而已矣。蒙而達,達而堅貞,其利益孰大焉。 再三而不告則憤。安知憤者之達不深於悦者乎? 其蒙也。 者,百問答而加少。 未達而求達者,一問答而加多。不達 再三而不告,亦達其蒙也。 再三,愈加少也。 問而不答者,亦愛也。 一告而達則悦 故初筮而告,達 歸於利貞 而求其 筮者,問 伙 達

養正,聖功也。《彖》曰: 蒙,山下有險,險而止,蒙。《彖》曰: 蒙,山下有險,險而止,蒙。

問者褻也,再三告者亦褻也。問之褻則昧,答之褻則 中,九二剛明中正之人也。始乎蒙,卒乎聖,原乎志 之中正也。 達乎中正而已。何爲而達乎中正也? 志,就其剛明中正之人,斯達矣。 而止者, 穉而蒙也。 匪我求童蒙,謂九二。蒙以養正,謂六五。 曷謂志? 蒙之險,有險中之亨。蒙之止,有 曰志應,求者有志,則教者必應也。 童蒙求我是也。 亨而行者,蒙而 濟之爲言褻也 曰時中,日養正,道 達也。 以其求中正之 止 中之行。 何達也? ,再三 剛 而

《象》曰: 山下出泉,蒙。君子以果行育

吝。《象》曰:「利用刑人」,以正法也。初六,發蒙。利用刑人,用説桎梏,以往

下,迷者覺,蔽者解 蒙在發,發在豫。初者,發之豫也。 教人大立法。 立法大正己,己正於上,人觀於 如 械得 釋 如 囚 得 宥 聖人何 ,其 何 快 以 發

如威令是也。堯舜率天下以仁,而民從之,刑人之義教者末矣,而況威乎? 以往吝者,過是以往則吝也,法也,如刑于二女之刑,故曰以正法也。然則以言語之。故曰利用刑人,用説桎梏。快之至也。刑之爲言

「子克家」,剛柔接也。 九二,包蒙吉,納婦吉,子克家。《象》曰:

《象》曰:「勿用取女」,行不順也。 六三,勿用取女,見金夫,不有躬,无攸利。

女德,以順爲正。三,仰舍上九之應而俯從九二

金夫,夫之挾厚利者。九二,剛而乾體,乾爲金。斯女不可取也,斯士獨可用乎? 用之无所不至矣。爲勿取? 不以順爲正也。陳相下喬而入幽,即六三其身, 失其身,則利非其利。是以君子勿取也。曷之强,是女之見利而動者也,非順也。動以利,則身非

八

六四,困蒙,吝。《象》曰:「困蒙」之「吝」,

獨遠實也。

順以巽也。六五,童蒙,吉。《象》曰:「童蒙」之「吉」,

● 「從」,尹本、四庫本作「復」。

有童樨之蒙,有小民之蒙,有學者之蒙,有聖人之京,就能與於此。 有童樨之蒙,有小民之蒙,有學者之蒙,有聖人之家也,如明之賢,此聖人之蒙也,聰明睿智而以下學於九二剛明之賢,此聖人之蒙也,聰明睿智而以下學於九二剛明之賢,此聖人之蒙也,聰明睿智而要自,乃所以養日,其明不費,故其照不匱。非作聖用蒙日,乃所以養日,其明不費,故其照不匱。非作聖用蒙日,乃所以養日,其明不費,故其照不匱。非作聖用或下學於九二剛明之賢,其學者之蒙,有學者之蒙,有聖人之家,孰能與於此。

利用「禦寇」,上下順也。上九,擊蒙,不利爲寇,利禦寇。《象》曰:

上者蒙之終,故不化。九者陽之窮,故必擊。上者蒙之終,故不化。九者陽之窮,故必擊。 大下俱順,則彼寇之以怒矣。教其未裕乎? 蓋包者,容其發之所不廸,是之辭順,而此禦寇者何不利哉? 虞之三苗,周之三上之辭順,而此禦寇者何不利哉? 虞之三苗,周之三上之辭順,而此禦寇者何不利哉? 虞之三苗,周之三上者蒙之終,故不化。九者陽之窮,故必擊。蒙至於擊,則繼之,以怒矣。教其未裕乎? 蓋包者,容其發之所不廸,上者蒙之終,故不化。九者陽之窮,故必擊。

□■ 対上 上者蒙之終,故不化。 上者蒙之終,故不化。 上者蒙之終,故不化。

○需,有孚,光亨,貞吉,利涉大川。

自伸。 雖大川亦可涉而利也。 也。大川,坎也 之者乎? 以暴,孤以仁,蓋假之者也。假之者且然,而況性之身 以誠待許,許窮而誠自達。貞者,以正待邪,邪詘而正 險而未可動,能動而能不動者也,孚且貞故也。孚者 光且亨、且吉、且利,何也。《易》之需,非不決之需,見 之下」,又曰 惟誠惟正,無敵於天下。 乾之剛健,誠且正也。 「需,事之賊」,言猶豫不決之害事 所須 而動,有所 先主所謂操以詐,孤以誠,操 待 是惟無動 而 發。 坎之險陷,邪且 傳 ,動則亨吉 日「需, 也。 而 事

有功也。 (家》曰: 需,須也,險在前也。剛健而不俗,其義不困窮矣。需「有孚,光亨,貞陷,其義不困窮矣。需「有孚,光亨,貞

位乎天位,則有位矣。 於陷且窮乎? 何窮之有? 忍以需險之衰,動不可禦,則能決以濟險之窮,我何陷 剛則其静不可動,健則其動不可禦。 无濟險之勢,伯夷避紂是 以乾之尊遇坎之險,而能不陷不窮者,剛健 彼無剛健之才,見險而 雖然,亦必德與位並 正中,則有德矣。 也。 无德 而 而後 不能忍者,其能免 須 静不可動,則 者,无濟險之 无位而須者。 可以言須也。 뻾 己。 能

資,秦未亡而陳涉先亡是也。以在天之位,秉正中之

謂九五乘乾也。正中,兼二五而言也。德,利涉大川,往則有功,文武須暇五年是也。天位,

樂

《象》曰: 雲上於天,需。君子以飲食宴

之時也。 樂以自怡而已。 子藏器以待時。 後能也。不然,含哺之氓皆顔,酒荒之士皆謝矣。 升而 雖然,飲食宴樂以須其時,惟有德之君子而 未降,則天下望雲而 此顔子簞瓢陋巷之日,謝安游宴東山 待時者,夫何爲哉? 徯 雨。 緼 飲食以 丽 未 (白養, 施 則 君

難 犯難者也。 之地也。 流 不 坎水爲險,初九去險遠矣,故需于郊。 安於守常 宅於水而資舟,備難者也。 无難而犯難以求利,不若守常之爲利。无 若穆公伐鄭,夫差伐齊,其咎 宅於郊而 郊,遠 馮河 何 於水 如

于沙」,衍在中也。雖「小有言」,以吉終九二,需于沙,小有言,終吉。《象》曰:「需

也。

不作,所謂終吉也。 子之隙,當出怨言矣。 而不過,則小有言之隙,可 陽居陰,則寬綽而 水者未溺,沙頹則溺 渚自水出, 曰 有衍, 沙。 ,近難者未隙,言出則 需于沙則去水之險漸 文帝寬而不詰, 以位居中,則正大而 以室而 不開矣。 故終其世 隙。 不過。 吴濞以 近 九二以 矣。 丽 寬 亂 太 近

也。 也。 自我「致寇」,敬慎不敗九三,需于泥,致寇至。《象》曰:「需于

慎 之,是水不溺人而人狎水者也。 而 楚非宋寇也,襄公與楚争霸而敗於泓,宋致寇而 極,進之勇,能不逼乎? 不若不致夫寇。 无敗,既有寇矣,敬慎以禦之,猶不敗也。 寇敗者勿咎寇,自我致之故也。 溺於水也,何也? 也。 晉否臧也。 進 而逼於水矣。 初需于郊,止而不敢進,二需于沙,進而 晉非楚寇也 不致夫寇,不若不逼夫寇。 三居健之 坎之災猶在外也。 泥者, 逼於水者也。 莊王與晉 不然,在外之災,安能寇我? 争 鄭而 雖然善備無寇,善禦 狎水死者勿咎水,致 勝於郊 災在外而 雖逼於 不敗於寇, 不敢 楚敬慎 水, 不敬 我逼 逼

血」,順以聽也。 六四,需于血,出自穴。《象》曰:「需于

傷也。 爲血卦。 河北,而復圖思明,皆不開小人順聽之門之禍也。 而 以一陰柔之資而當三剛健之敵,傷於陽必矣。 進 窮小人可也。 三陽彙進,一陰退避,需之險於是濟矣。爲君子者,勿 三陽之逼己也。 避陽,且聽命於陽也。 者,何坎之衰也。盜憎主人亦伺主人,故六四亦需 陰陽相勝,亦相伺也。乾之三陽,所以需 物傷必避、避必順以聽命。 王允既誅董卓,而不宥傕、汜,光弼垂定 雖然三陽厄於險,故同力以濟險。 君子之於小人,不可窮也。 出自穴者,傷於陽 而 血者, 未敢 坎 四

吉」,以中正也。 九五,需于酒食,貞吉。《象》曰:「酒食,貞

哉? 謂 也。 之道爲履平之道也。 涵養。雲上於天,物之需也。 位乎天位,險者夷,難者解,天下治平矣。 ,成康、文景得之矣。 需于酒食貞吉,天下之需也。 陽彙而進,陰引而退。 涵養休息,與天下相安於无事而已,不可移 萬物需雨澤,人需飲食,天下需 有險樂險則媮,周平王、晉元 九五以陽剛居中得正,而 需者,飲食之道,人之需 酒食者,養天下之 於此 濟險 何 爲

帝是也。无險行險則擾,秦始皇、漢武帝是也。

雖不當位,未大失也。吉。《象》曰:「不速之客」來,「敬之終吉」,上六,人于穴,有不速之客三人來,敬之終

乎? 決, 蘊甚必裂。 失者,小人敬君子,抑亦僭之救也歟? 亦安。此其效也。不當位,陰居上則僭也。 作難於晉,晚而病亟,猶幸不殺王、謝,晉室安而 客以及主,主亦有安之理。人于穴者,主安也。 矣。三陽雖爲客,其需我之變久矣,我終能遏其來 也,亦在所憫也。 乾之三陽欲進,而坎爲險以阻之。至上六則終 敬以納之而已。 險至上而終,需至上而極,險終則變,陽極則升。 如秦末之法吏,漢季之閻寺,衆所快 君子之於小人亦然 主孤而客衆,主雖有危之勢,敬 不然,壅甚必 僭而 未大 桓氏 而變 桓 温

不利涉大川。○訟,有孚窒惕,中吉,終凶。利見大人,

訟者争之尤也,故聖人止之不一而足。誠心而无詐者物有作之而止,止之而作者,民之遜與争是也。

曰吉曰利,非勸訟也,皆止訟也。 難而興訟也。訟之吉者四,凶者一,利不利者亦各一。矣。利見大人,見九五以決訟也。不利涉大川,犯大夫。利見大人,見九五以決訟也。不利涉大川,犯大治,中和而不很愎者必不訟。如是,則吉也。非訟之訟,中和而不很愎者必不訟,惕厲而懼刑戮者必不必不訟,窒隙而无仇者必不訟,惕属而懼刑戮者必不必不訟,窒隙而无仇者必不訟,惕属而懼刑戮者必不

也。「不利涉大川」,入于淵也。以」,訟不可成也。「利見大人」,尚中正「有孚窒惕,中吉」,剛來而得中也。「終《彖》曰: 訟,上剛下險。險而健,訟。訟

大川,坎也。 一二自外而來,興訟之主也。中正者,九五聽訟之主也。 以坎之險,遇乾之健,訟之所自起也。剛來得中者,九 以坎之險,遇乾之健,訟之所自起也。剛來得中者,九 以坎之險,遇乾之健,訟之所自起也。剛來得中者,九 以次之險,遇乾之健,訟之所自起也。剛來得中者,九

· (象》曰: 天與水違行,訟。君子以作事

父子之訟,不咎其訟者,而咎上教之不行,此民之訟而行,此訟之象也。止訟在初,聽訟亦在初,故仲尼聽天道上行,水性下注,天左而西,水右而東,相違

者,訟心也。訟心者祥,訟人者殃。 也。又有大者焉,甘陵南北部之禍,始於其徒之相非,此世之訟也。又有大者焉,吴越世讎之禍,始 之禍,始於平城之宿憤,此天下之訟也。不謀其始,訟 之禍,始於平城之宿憤,此天下之訟也。不謀其始,訟 之禍何如哉? 曷謂始? 曰心。故君子必自訟,自訟 之禍何如哉? 曷謂始? 曰心。故君子必自訟,自訟 之禍何如哉? 曷謂始? 曰心。故君子必自訟,自訟 之禍何如哉。以有大者焉,关越世讎之禍,始 之禍,始於其徒

其辯明也。 「不永所事」,訟不可長也。雖「小有言」,初六,不永所事,小有言,終吉。《象》曰:

勝强。 易釋,所以終占。然六之陰静,非首訟者也,九四以 不可不深戒也。 者以後罷勝,感者以先入勝矣。 初得其明也。 躁而挑之,初六不得已而應之。 者有慙忿而无遂心,故雖訟而不永。位下者敢於微愬 永所事之効也 而不敢於大詬,故雖有言而小。不永則易收,小言則 初六、九四、訟之敵也。然六之才弱而位下,才弱 兩辭有應感,感者多不勝應。 豈初之能必明哉? 虞、芮之訟,一人周境,自 要之,不永所事,初六 兩訟有强弱,弱者 非聽之者 故初與四 媿 明 而解,不 [辯,而 則强 多 强

九二,不克訟,歸而逋。其邑人三百户,无

訟上,患至掇也。 皆。《象》曰:「不克訟」,歸逋竄也。 自下

君也。 者也。 禍无赦矣。子玉剛而 而歸,棄其邑而逋焉,●庶幾无刑戮之眚也。 訟衆,以下訟上,其訟不勝宜也。 免歟? 二,柔也,故能逋 而剛,上九居上而亦剛,九二乃恃其剛以訟二剛,以寡 訟者也。 九二興訟之主,然初六與九四爲敵,非與九二訟 九二、臣也。 六三從上而不訟,亦非與九二訟者也。 所與訟者,其唯九四、上九乎? 臣无訟君之理,亦非九二之所敢 无禮,陽處父剛而犯怨,所以不 然能幡然而改,退然 然九四近君 不然,掇 九五

成。《象》曰:「食舊德」,從上吉也。 六三,食舊德,貞厲,終吉。 或從王事,无

訟之六爻,唯五聽訟,唯三不訟,餘皆訟者也。三

也。從王事,從上九也。鄭駟、良之争,子産兩无所居其成,故能保其禄位而終吉也。食舊德,保其禄位介乎二剛之間,能正固而不動,危懼而不争,從上而不

曰:「復即命渝」安貞,不失也。九四,不克訟,復即命渝,安貞,吉。《象

從,齊樂、陳之難,晏嬰兩无所助,所以安也。

吉也。 也。 之捕朱安世,欲以免人,乃不免其身,欲以免罪,乃所 剛明中正之君,何貴之私,何力之橈哉? 以獲罪。 其身,而就於義命,能自改其過,而安於貞固 遂明,而九四之訟不勝。 挾力而訟,初非四之敵也。 不然,如實嬰之助灌夫,趙廣漢之脅魏相,公孫賀 九四之訟初六,以上訟下,挾貴而訟,以强訟弱, 非吉之大也,僅不失於吉而已。 訟不勝而吉,何也? 然舉二者之訟,質之九五 渝者變 故初六之辯 ,猶可以 能自反 而 改

正也。九五,訟,元吉。《象》曰:「訟元吉」,以中

天下之大吉也。元,大也。何訟之有? 畫衣冠而不犯,虚囹圄而不式可也。此之察,正而无私,則下无梗陽之賂,直者伸,枉者媿,尚以中正之君,聽天下之訟,中而不過,則上无淵魚

曰: 以訟受服,亦不足敬也。 上九,或錫之鞶帶,終朝三褫之。《象》

上九,訟而終凶者也。儻或訟而勝,勝而受賞,猶

■「棄」,尹本、四庫本作「來」。

=

誠齋先生易傳

道固然。 告東平,初以此而侯,卒以此而誅。 事之也好還,❶天賞乎? 或之者,未必之辭也。故楊惲告霍氏,息夫躬不足敬,而況衆皆褫而奪之乎? 而況未必勝且未必

張先生校正楊寶學易傳卷第二

「也」,尹本無此字。

0

四四

張先生校正楊寶學易傳卷之三

門人張敬之顯父校正廬陵楊萬里廷秀

○師,貞丈人,吉,无咎。

師,衆也。貞,正也。能以衆

毒天下而民從之,吉又何咎矣。正,可以王矣。剛中而應,行險而順,以此

坤,順也。 乃所以拯天下,民皆悦而從之,吉又何咎? 順,則其舉无名。 君,則其上无應, 下,孰能禦之? 彼之不正而已。 擊楚非高帝。 紂,則伐紂非武王。諸侯王皆欲擊楚之弑義帝者,則 而此之與皆正,衆正也。八百諸侯,三千臣心,皆欲伐 彼不正,而此正正也,非衆正也。彼之與皆不正, 武王、高帝特因衆心之正而用之,以正 曰能以衆正,以之言用也。 雖然有九二剛中之將,而不逢六五之 任將有應,與師有名,雖曰毒天下。 有軍師行險之役,而不因天下之 坎,險也。 以此王天

衆。《象》曰: 地中有水,師。君子以容民畜

狄誰與哉? 矣。故孟子曰「天下莫不與也」,天下莫不我與,則寇矣。故孟子曰「天下莫不與也」,天下莫不我與,則寇

初六,師出以律,否臧凶。《象》曰:「師出

- 「玄」,原爲避宋諱作「元」,今正。下改,不再出校
- ② 「尤一,尹本、四庫本作「至」。

張先生校正楊實學易傳卷之三

以律」,失律凶也。

懷萬邦也。 九二,在師中吉,无咎,王三錫命。 曰:「在師中吉」,承天寵也。「王三錫命」, 善也。 无律之師也。初六,師之初出也,故深戒其出之之初。 侕 興師不以正,徒法也。 徒法不可 正至焉,律次焉。 楚之亂次,晉之争舟,齊之轍亂,吳之争舍,皆 以興師 徒善不可 師出不以律,雖臧亦凶,況不 興師以正,而出師不以律,徒 以 出 師。 出 師 《象》 以 律

高,心彌下,身彌退 民心而不忮。 子儀是也。 驕,李光弼是 智則姦,侯君集是也。 勇而怯,智而愚, 其過耳,惟中則吉而无咎。 九二以剛陽之才,專將帥之任,不患其不及也,患 承天寵者,禀君命而不專。 也。 爲將如是,非特才將也,賢將也。 威 過專則僭 ,爵彌進。 而惠,强 過威則 m 過勇則輕,李陵是也。 王 宜其王三錫命而未已也 謙,專 離、張飛是也。 敦、蘇峻 而順,皇甫嵩、郭 是也。 懷萬邦者,慰 惟中 過强 功 爛 則 則 過

尸」,大无功也。 六三,師或輿尸,凶。《象》曰:「師或輿

咎,未失常也。 六四,師左次,无咎。《象》曰:「左次」无

陰也。 之道也。 有伐罪之辭,則爲有名之師。 禽害田而弋禽,則禽服。 征葛之師不興。 此六五之君 長子帥師,九二也。 用將至要之法也。 非時日曷喪之辭。 弟子與尸,雖貞亦凶,衆 寇害民而禦寇 此六五之君,興師至正 非童子黍肉之 則升陑之師 則 寇 曲。 中行也。「弟子輿尸」,使不當也。

咎者歟? 執言,奉辭伐罪也。 法可乎? 興師有道,用將有法,此所謂師貞丈人吉无定,用魚朝恩爲監軍,而九節度之師潰。 用將不得其不舉。 興師不以其道可乎? 用淮陰爲大將,而三秦

用」,必亂邦也。《象》曰:「大君有命」,以正功也。「小人勿上六,大君有命,開國承家,小人勿用。

理 賢,此所以爲《武成》。 憂於甚喜之後,各其用於博用之初,然後功成 何憂也? 憂其意之所嚮而世之所趨也。故寵命有 害而不自爲害,奉天人之辭而不自爲辭,此皆六五之 君有命,以正功也。 功,非至正不爲功,登用人才,非君子不爲才,故曰大 有國,小者命之有家而已。 道終焉。聖人於此,夫何爲哉? 君得興師之道,操任將之法,至上六而功成治定,師之 之與尸而一其令,審六四之左次而重其進,去天下之 一陰陽,焉用此物,亦何所不至哉? 武王勝商之日,報功不先於崇德,位能不先於建 初六出師而嚴其律,九二帥師而得其人,戒六三 又曰小人勿用,必亂邦也。 不然,拔劒擊柱 雖然,聖人猶有憂焉,聖人 行慶報功,大者命之 ,方知帝尊,燮 而无後

■ 坎 上 地 上

來,後夫凶。 〇比,吉。原筮,元永貞,无咎。不寧方

《彖》曰:

比, 吉也。

比,輔也,下

順從也。

方來」,上下應也。「後夫凶」,其道窮也。

「原筮,元永貞,无咎」,以剛中也。「不寧

吉也。 故曰比 貞以剛 者先亡,故曰後夫凶。下順從,謂五陰從一陽。 君。」故曰 也。 老。」馬援舍隴而歸漢,曰:「當今非特君擇臣,臣 必厚於怨不可舒,故以此之不寧速來,以求彼之寧,則 可親、永則可久、貞則可象。忽於初必悔於末、畧於擇 故占度必謹其初,謹初必致其詳。原筮者,占度在 能易,故曰比吉。然求比不可速,亦不可舒。不可速 有歸則不離,有與則不孤。 小人之朋比也。上親下則下有歸,下親上則上有 元永貞者,詳觀上之人三德具而後比之也。 君子周,小人比,而曰比吉者,此上下之親比,非 中 古。 少後焉,凶之道也。 原筮元永貞无咎。 謂 太公避紂以待 九五。 後夫凶 商以離德亡,周以同心昌。 自生民以來至于今,未之 ,謂上六。 文王,曰:「吾聞 雕生説田横以天下後服 夫,亦謂九五 其 元永 元則 、善養 亦 與。 擇 初

二八

《象》曰: 地上有水,比。先王以建萬國,

新諸侯

上,而曰王建萬國,親諸侯,蓋上之親下,甚於下之親年,而曰王建萬國,親諸侯,蓋上之親下,甚於下之親相求,所謂水流濕也。上者不約而就下,隆者不期而相求,所謂水流濕也。上者不約而就下,隆者不期而水在澤之中,則聚而相忘。水在地之上,則散而上。

它,吉。《象》曰: 比之初六,「有它吉」初六,有孚比之,无咎。有孚盈缶,終來有

勿光,周、鄭之信不由衷,則如勿信。惟謹始,故克終。吉,我皆終能來而有之矣。故餘、耳之光初隙末,則如我者有至誠之心,充實而不虚,淳質而不飾,則在彼之始也。孚言誠,盈言實,缶言質。與物相親之始,必在始也。 吳言誠,強在誠,誠在實,實在質。初六,親比之

六二,比之自内,貞吉。《象》曰:「比之自

惟盡此之誠,故來彼之吉。

它、彼也

内」,不自失也。

必待禮而後出」。 並, 、失身以求達身, 不可爲也。故程子謂「伊尹、武侯 正以俟乎彼而不自失乎此, 如是而已。枉道以求行 臣求君。非不求也, 秉德以充乎内而不躁乎其外, 守 世, 所得正矣。雖然, 君臣相求者也, 寧君求臣, 毋寧 以六二中正之臣, 應九五中正之君, 上下相比之

亦傷乎?六三,比之匪人。《象》曰:「比之匪人」,不

相比,非其人也,能无傷已乎?不涉,與師冕同轍罔不蹶。仲尼蘭鮑,荀卿蓬麻,皆戒於親非其人也。上六以无首而凶矣,六三與之相應而於親非其人也。上六以无首而凶矣,六三與之相應而物以相親而益,亦以相親而賊,故與離婁同楫罔

以從上也。六四,外比之,貞吉。《象》曰:「外比於賢,

歟? 可謂貞吉矣。崔、陳之黨立,而晏子獨從乎公,若六四者,特立獨行,曠一世而无鄰,事一人而无貳者起,故六四皆不與之相比。既不下從而内比,則將誰也,故六四皆不與之相比。既不下從而内比,則將誰

舍逆取順,「失前禽」也。「邑人不誠」,上吉。《象》曰:「顯比」之「吉」,位正中也。九五,顯比,王用三驅,失前禽,邑人不誠,牛、李之朋分,而韓愈獨在其外,可謂貞吉矣。

使中也。

哉? 中者、上以中正比其下、下亦以中正比其上、非使之使 也? 捷於令,聖人何心哉! 爲天子之畋。不誡人而人自親,故爲王者之比。上使 開三面以驅之,禽之在前者,既驅而失之矣。又且背 可與比天下矣。猶之王畋焉,既圍而不合以逸之,又 禽而禽不去, 成湯征葛,而聞之者怨後予,則不令而 也,不使之使也。● 太王去邠,而從之者如歸市,則騙 而來者也。騙之不去,而後不得已取之也。 而去者在所舍,嚮而來者在所取,則去者衆而來者寡 由也,故曰顯比。然有比天下之道,而无比天下之心, 中之道而已。可以比天下,而不可以示天下,王者不 夫畋者,主於取也。而驅之使去,取之愈寡,何 王者之比天下,去妙巧,捐策謀,昭示之以至正大 无取之之心也。 无取之之心則曷爲? 自去自來,聽彼而已。夫惟不取禽而禽自至,故 我何心 取其鄉

上六、比之无首、凶。《象》曰:「比之无

首」,无所終也。

之於時,其從違豈 可盡以比之上六咎之哉? 棄而不爲愚。高祖興而堯君素不從,死而不爲凶。 豈 後,諸侯朝齊,而譚子不至,其凶何如哉? 絶於一陽之君,凶而无終必矣。 後焉,見之不蚤,從之不先,下則棄於四陰之類,上 上六无首,所謂後夫凶 端而足哉! 學者謹之。 也。 萬國朝禹,而防風 四陰皆從五 光武興而馮衍不至。 雖然,君子 而 己 則 獨 獨

異乾上下

〇小畜,亨。

而山遏之,真能以山止動矣。❷ 風自動自行,安能止何也? 制動以静不以動,制行以止不以行。乾欲進之力亦均也。而風行天上爲小畜,天在山中爲大畜,之力亦均也。而風行天上爲小畜,天在山中爲大畜,之者,大也。 天下之有力者,莫勁乎風,莫重乎山,二者就進而上,物止之於前,二卦均也,何别乎小大? 力較進而上,物止之於前,二卦均也,何别乎小大? 力較進而上。

- 「不使之使也」,尹本、四庫本無此五字。
- ❷ 「山」,尹本、四庫本作「止」。

陽之節,而不能守立武后之問,此小畜之臣也 帝西南夷之役,●而不能止其匈奴之師,李勣 者,小有所止而 乾之進? 人主如天之威乎? 行,此大畜之臣也。 直若在,必能止伐吴之舉,魏徵若在,❷必能止 能止之者,僅能異順以柔之爾。 有所亨也。 人臣非有大畜如山之力,其能回 亨,謂乾。 公孫弘能 日 能 小 征遼之 法孝 守黎 畜 止 武

密雲不雨,自我西郊。

雲。 雨 ? 霍然散矣,何雨之望? 雨,今密而不雨,何也? 兮,吹使漓之。」此其驗也。 雨,雲避風,則陰陽戾而暵。 乾西北 乾爲天雲者,天之氣。 、異東南故也。 自西故也。 大氏風從雲,❸則陰陽和而 雲之爲物,散則霧,密則 畜,止也亦聚也,故爲密 韓愈訟風伯曰: 雲興乎西,而風起乎東 雲自西則曷爲不 「雲屏屏

畜。《彖》曰:小畜,柔得位而上下應之,曰小

六四以一陰居上位,而五陽皆應,故能以柔止剛。

然以一弱當衆强,故所止者小。

尚往也。「自我西郊」,施未行也。健而巽,剛中而志行,乃亨。「密雲不雨」,

之堅。 其君之善而不能者也。 心 之善者也。李吉甫請峻威刑, 旱,而李實督賦歛愈急,告其君以不旱。此能 雨傷稼,而楊國忠取善稼以獻,欺其君以不傷, 何謂止其君之善? 雲意尚往而未已。此人臣止其君之善而不能止 公孫弘、李勣是也。 進而終亨。此人臣止其君之不善而不能止者也。 之德皆剛而居中,以 其臣學力之淺,止其君之善而不能,君子嘉其君聖質 以巽之順,止乾之健,故乾不争而暫止。 劉操言苗不損 雲欲雨,風散之,雲可以止矣,而 壅上之澤,盡上之心,是謂 五剛之志皆欲進 而代宗謂不損 止其君之不善而不能,君子憾 而憲宗以爲欲朕 猶應言損。 而上行,故 以 止 者也。 止善。 失人 五五 此止 一其君 天大 若 得

《象》曰: 風行天上,小畜。君子以懿文

B,而反顧在我之德未能无不善,是以不善止不善也。以風止天,是以動濟動也。 君子欲止其君之不

德。

善

^{●「}劉」、原爲避宋諱作「證」、今正、下通改、不再出校。
●「弘」、原爲避宋諱作「洪」、今正。下通改、不再出校。

^{3 「}氏」,尹本、四庫本作「抵」。

其聖。此不唯不知臯、夔,亦不知堯、舜。 一出,而帝自此遠矣,賈生自崖而反矣。 見賈生且然,一出,而帝自此遠矣,賈生自崖而反矣。 見賈生且然,也。我德之進十之,則君德之進千之。 故文帝曰:也。我德之進十之,則君德之進千之。 故文帝曰:故人正已而物正,推而格君心之非,焉往而不止? 故

自道」,其義吉也。初九,復自道,何其咎? 吉。《象》曰:「復

也,自聖不可也。 彼之所止,而吾實自復於道也。 之,有不善未嘗不止。止而復,復而歸於道。 甲以謹厥初" 召公告成王以若生子縱於初禁於未晚 駘它。其德義之吉,又何過咎之有? 王化而爲周、召; 故小畜必畜於初九。 啓君之善在初,止君之不善亦在初。 自道日益,自聖日損。 魯侯與哀駘它居,故魯侯化而爲哀 初與四爲應,四止 成王與周、召居、故成 雖然,自道可 故伊尹告太 一初而 是雖 初受 日

不自失也。 九二,牽復,吉。《象》曰:「牽復」在中,亦

善之善也。何也? 初安於復,故爲自復,二勉於復,復於初,善之善也。不復於初而復於二,善也,非

距諫之强,晉惠公愎諫之很矣。❶ 何其咎之吉,則不侔矣。若過剛而不受止,則爲商紂不愈於過剛而不受止者乎? 故亦許其不自失。然視二雖剛而猶居中,故能勉於復。雖不及初之自復,豈故爲牽復。牽者,强勉之謂。曷爲其能勉於復也?

反目」,不能正室也。 九三,輿説輻,夫妻反目。《象》曰:「夫妻

制。 也。 帝嬖趙后而制於趙后,始於腐柱之僭, 子,故有夫妻反目之象。 九三,夫道 二世之於趙高、明皇之於禄山是已。 后而制於武后,始於聚麀之汙。 不可行,故有輿説輻之象。身之不正,則不可行於妻 四,愈不正也。 喪其夫之剛而昵於妻之愛,其始相昵,其終必受 蓋身之不正,則不能正其家也,非家罪也。 九三過中則不正,過剛則不和。不正 昵於彼必制於彼,愈不和 豈惟夫婦,君臣亦然。 也。 也。 唐高宗嬖武 六四, 而昵 不 漢成 妻道 正 於 則 六

以一柔而止五剛之進,以小臣而止大君之欲,禍

● 「很」,尹本、四庫本作「狠」。

紂。 不遭 柔止剛 之道 志、合乎九五至誠納諫之志、上下同志故也、六四、九 九五之賢而已矣。 五皆「有孚」故 惕出,如知罃 也。 ,咎之除 ,以臣止 故爲 而 血 也。 君,而能使其傷之去而不至,惕之免 不作,此 吅 「如實出己」之出,免也。 蓋茅焦非賢於比干, 傷 此六四之賢歟,抑 ,爲惕而 獨何 "道也? 二懼,爲 咎而 以 九五之賢歟? 而秦皇賢於 至誠愛君之 害。 六四 Щ 以

孚攣如」,不獨富也。 九五,有孚攣如,富以其鄰。《象》曰:「有

之力。 五 也。 聚而聽其所止,靡然爲善,而幡然不爲不善。攣,聚 上,羣陽皆聽於下,以巽止健,實以健止健,故衆陽皆 臣,而上欲止其君,下欲止其羣陽,僅不傷而已。 以剛明中正之君,而行巽順柔克之政,故至誠 (遜畔,而訟自釋,皆富以 、陰陽皆不失位 富 九五異體而乾德,故九五之止 九五之有孚,乃廣於六四之孚。 ,善也。 鄰,衆陽也。 ,故孚。 其隣,不獨富之義也 堯舜行德,而民不犯,周 衆剛,乃健 以六四柔順之 於六四 九五 四

也。「君子征凶」,有所疑也。君子征凶。《象》曰:「既雨既處」,德積載上九,既雨既處,尚德載,婦貞厲,月幾望,

於逆 於望也。 猶 曰有所疑,言陰疑於陽,臣疑於君也。 故曰婦貞厲。 婦盛抗夫,月盛敵日,陰盛則疑於陽,臣盛則侵於君 剛,以人止天,以臣止君,止之可也,過於止不可也 乃欲以言語之末而止其君之大欲乎? 誠之積,積之充,猶感之難。 者,積之充也。 度之言巽順有孚故也。 陽者不期 故曰既雨既處。 必 四之力既衰,則 欲幸東都,以張權興之諫則不止,以裴度之諫則止。 也,止之以德也。 X 一雨而後已。 乾之三 , 豈人臣之願哉, 豈人臣之願哉, 況 小人乎? 正 日 君子征凶 而止 陽欲進, 至於上九,陰陽和 言雖正亦危也。 言異順孚誠之德,非 羣陽之類 至於既處, 矣。 何謂德? 故鬻拳之諫至於兵 而六四止之,故密雲不雨。 ,言可止 以 故曰尚德載,又曰德積載。 復進,所 陰 則陽 況誠之不積,積之不充 異順有孚之謂 面 而 曰月幾望,言月勿令至 止 征不已,君子亦凶也。 丽 亦窮而陰終勝 調尚 既雨 五陽,非止之以 朝 臣 往 ,則可以 疑於君, 雖然以柔止 而未已, 趙盾之諫至 一夕之積也 德。 止矣, 穆宗 彼五 然六 力

❶ 「免」,尹本、四庫本作「是」。

乾 克下

○履虎尾,不咥人,亨。

以禮制心,虎豈在外哉? 然其象自六三、九四出。 處者,行之謂也。行天下而不禦者,莫若禮。凡有血處者,行之謂也。行天下而不禦者,莫若禮。凡有血處者,行之謂也。行天下而不禦者,莫若禮。凡有血水體而於之間。 假者,禮也。又,履不處也。不

而不疾,光明也。以「履虎尾,不咥人,亨」。剛中正,履帝位《彖》曰: 履,柔履剛也。説而應乎乾,是

曰起僞,又曰忠信之薄,彼未見禮亡之禍爾。 因起僞,又曰忠信之薄,彼未見禮亡之禍爾。 是下相安於為行後長者,而民猶有終其兄之臂,君子不敢齒路馬,而民猶有犯屬車之塵。禮作而後上下分,上下分而後而民猶有犯屬車之塵。禮作而後上下分,上下分而後而民猶有犯屬車之塵。禮作而後上下分,上下分而後不收之間緊然有象之禮也,君子則之而已。天下之天地之間緊然有象之禮也,君子則之而已。天下之天地之間緊然有象之禮也,君子則之而已。天下之天地之間緊然有象之禮也,君子則之而已。天下之天地之間緊然有象之禮也,君子則之而已。天下之

「往」,獨行願也。初九,素履往,无咎。《象》曰:「素履」之

履。願,志願也。 《彖》、《象》言禮之可行,爻辭言行而不處,其復於 一也。君子之在天下,非出則處,幼而學,壯而行, 被往而无咎。何也? 非利其身也,行其志也。无其 素而欲行,欺也。不于其志而于其身, 然後可以有行, 整而後行,後世行而後學。顏子陋巷之,禹、稷,仲舒 字而後行,後世行而後學。顏子陋巷之,禹、稷,仲舒 不性之,伊、吕,孔明草廬之,管、樂,不如,是不爲素 下帷之,伊、吕,孔明草廬之,管、樂,不如,是不爲素 及。願,志願也。

人貞吉」,中不自亂也。九二,履道坦坦,幽人貞吉。《象》曰:「幽

張先生校正楊寶學易傳卷之三

以有明也。「跛能履」,不足以有行也。 武人爲于大君。《象》曰:「眇能視」,不足 君」,志剛也。 六三,眇能視,跛能履。 咥人」之「凶」,位不當也。「武人爲于大 謂能正固而不以外物自亂其中者也。 冠野服之心,世之富貴得而亂之哉? 上,而不改簞瓢捽茹之氣,在冠冕佩玉之列,而 ,蓋坦然而无難矣。 九二以剛陽之才,居下卦之中,可以進爲而行 然猶守之以山 履虎尾,咥人凶, 張良近之矣。 林幽獨之操,可 居宗廟朝廷之 不忘黄 其

也? 君子,欲出 浩不出 前言其凶 欲有爲於吾君,甚剛而欲有立於當世,夫何罪哉? 而惜其居位之不當也。 所謂履虎尾而逢咥也,凶孰大焉。 履天下之至危,以求立天下之大功,其禍敗也決矣。 以 柔而不足與有爲也。 能履。 聖人之於六三,憐其志而恨其才。 以陰居陽,其志非不剛也。 房 以跛眇之質,柔懦之才,介乎五剛之閒 ,而後止 % 窜不相 而有爲,其亦量己之才而勿冒其位也哉 |言志剛而已,亦不深咎之也。 ,晉唐君臣之訾,庸有既乎? 若眇而自任以能視,若跛而 若夫其志 曷恨乎其才也? ,則可憐矣。 聖人所以恨其才: 曷憐乎 甚武而 ,而欲 使商 自任 其 陰 志

> 尾,而履以九四爲尾。 爲尾。故遯之初六,既濟之初九,未濟之初六,皆爲上三陽者,虎也。九四虎尾,六三履之。《易》以在下上三陽者,虎也。九四虎尾,六三履之。《易》以在下

終吉」,志行也。 九四,履虎尾,愬愬終吉。《象》曰:「愬愬

位正當也。 九五,夬履,貞厲。《象》曰:「夬履,貞厲」,

而莫剛於班有苖之師。伐匈奴非武帝之勇,而莫勇於其剛決之太過,則雖正而亦危。故去四凶非舜之剛,得行之勢,德與位相當者也,可以必行矣。而聖人戒五以乾剛之德,既有能行之資,宅天位之尊,又有五以乾剛之德,既有能行之資,宅天位之尊,又有

上九,視履考祥,其旋元,向吉。《象》曰:

「元吉」在上,大有慶也。

然則履不處也,而未嘗忘於處也。 然則履不處也,而未嘗忘於處也。 然則履不處也,而未嘗忘於處也。 然則履不處也,而未嘗忘於處也。 於棄事之智,皆反其初之義也。旋,反也。考,成也。 於棄事之智,皆反其初之義也。旋,反也。考,成也。 於棄事之智,皆反其初之義也。旋,反也。考,成也。 於棄事之智,皆反其素履幽貞之初,慶孰大焉。故伊 对,惟於行而四吉。五決於行則厲,上反其初則慶。 然則履不處也,而未嘗忘於處也。

張先生校正楊寶學易傳卷第三

消

長

張先生校正楊寳學易傳卷第四

廬陵楊萬里廷秀

子道長,小人道消也。

■ 単 東 上 下

)泰,小往大來,吉亨。

乎? 世乎? 力哉! 開闢之世乎? 屯、蒙,鴻荒之世乎? 需養,結繩之世 善,畜以生聚,履以辨治,而後至於泰,豈一手一足之 争一生焉,小者訟,大者戰。 有物此有養,故需以養之。養者,生之原,亦争之端 有就也。 其庶乎爾。蓋自有天地以來,非一聖人之力至是而後 泰,其上古之極治歟」? 丽 泰, 泰,其上古之極治歟? 不惟後世不可復也,中古 訟、 泰通,堯舜雍熙之世乎? 故曰「古之无聖人、人之類滅久矣」。乾、坤、 一治 乾、坤,天地之太初。 師,阪泉涿鹿之世乎? 亂, 治少 亂多、泰豈 小往,陰往而外。 師以除其惡,比以附其 屯、蒙,人物之太初。 畜、履,書契大法之 過是而後,泰而否 可 復哉? 大來,陽 故曰

> 《彖》曰:「泰,小往大來,吉亨」,則是 而外陰,内健而外順,内君子而外小人, 交而萬物通也,上下交而其志同也。 而已。 來而内。 否泰,吉凶之道无它,陰陽、邪正、外内

天

地

内

陽

乎! 乎? 乎 ? 也。 之,御而化之,聖人未之言也 用,必亂邦也」,聖人之言如是而止耳。 人而已。 天地,明至於人物,无不泰而通焉。 交而其志同,天下人物之極治也。 聖人何道而臻此? 泰之時,天地交而萬物通,天地之極治也。 曰: 要哉,致泰之道乎! 或曰: 獨不可參而用之,御之以君子,且化之爲君子 消長在彼,内之外之在此。 《易》曰 「内君子而外小人」,又曰「小 一言以蔽之日 小人有才,可終廢 極治之功,幽 孰爲此者、聖人 大哉,泰之治 ,進君子,退小 若曰參而用 人勿 至於 上下

《象》曰: 道,●輔相天地之宜,以左右民。 天地交,泰。后以財 成天下之

0 「下」,尹本、四庫本作「地」。

乎! 天下之理,大和生於通、大戾生於隔。天本乎上, 天地之道何道也? 一言而盡曰,交而已。君民之情 道,還以補其不及,合其自然而已,豈更駕而外取哉? 道,還以補其不及,合其自然而已,豈更駕而外取哉? 其之道何道也? 一言而盡曰,交而已。君民之情 交,故鰥寡達乎旒纊, 君臣之志交,故幽側發乎夢 下, 天人之心交,故言行感乎日星。大哉,交之爲道 下, 天人之心交,故言行感乎日星。大哉,交之爲道 下, 天人之心交,故言行感乎日星。大哉,交之爲道 下, 天人之心交,故言行感乎日星。大哉,交之爲道

茅」、「征吉」,志在外也。 初九,拔茅茹,以其彙,征吉。《象》曰:「拔

在天下不在一身,故曰「志在外也」。十六舜,舜舉一禹,乃得九禹,吉孰大焉。君子之志,力,欲進羣賢,固不可无一君子之力。堯舉一舜,乃得一陽首進,則三陽類進矣。欲退羣小,固非一君子之一陽首進,則三陽類進矣。欲退羣小,固非一君子之一,對拔,衆根隨,一賢舉,衆俊歸。泰之初,惟一茅拔,衆根隨,一賢舉,衆俊歸。泰之初,惟

以光大也。于中行。《象》曰:「包荒」、「得尚于中行」,九二,包荒,用馮河,不遐遺,朋亡。得尚

致泰之極治也。九二將何以答六五之知,盡致泰之六五以柔中之君,專任九二剛中之大臣,此所以

道? 度。 列侯「尚主」之尚。其堯舜「野无遺賢」之世乎? 而致泰亨光大之治也。尚之爲言,配合也,如西漢以 是三人者,有一不能兼容,豈包荒用人之度也哉? 有廢才; 遠,不以羣間孤。 二體其一以行其三,此其所以能合於六五中行之君 何謂三? 孤立之賢寡於朋,主之不力則天下有危賢。● 其綱一,其目三。 幽遠之士壅於聞、搜之不博則天下有逸 닏: 剛果之才偏於勇,責其不全則 用人之際不以全責偏,不以 何謂一? 日: 艱貞无咎。 包荒以 天下 近忘 宏其

復」,天地際也。
勿恤其孚,于食有福。《象》曰:「无往不加三,无平不陂,无往不復。 艱貞无咎。

● 「危」,尹本、四庫本作「厄」。

以孚」,中心願也。《象》曰:「翩翩,不富」,皆失實也。「不戒六四,翩翩不富,以其鄰。不戒以孚。

也,六四之時不可爲也 客、國忠。其泰之六四乎? 禹、王章誅而欽、鄴賀; 其類信之者速於信令。 結之以富,而其鄰從之者甚於從富,不待戒之以令,而 羣飛而來者,翩翩然矣。此其願欲之所同者,故不待 九三陽盛而衰,六四乘其衰而求復,帥其類而下集。 陰以處下爲位之實也,今也三陰升而居外,失位久矣。 天下之理,屈之甚者伸必烈,伏之久者飛必決。 0 蕭、傳隕而恭、顯 嗚呼! 王氏九龄罷而林甫 九三之時猶可爲 薦 **0** 貢 引仙

祉元吉」,中以行願也。 六五,帝乙歸妹,以祉元吉。《象》曰:「以

臣,以致泰之治,則泰之福溥乎天下,君之願欲,孰大中之臣也。言莫予違者,主之蔽。從諫如流者,君任其明。至於如婦之從夫,則有百從而无一違矣,豈特如明。至於如婦之從夫,則有百從而无一違矣,豈特如明。至於如婦之從夫,則有百從而无一違矣,豈特如其尊,而尊其賢。此六五以柔中之君,而下從九二剛其尊,而尊其賢。此六五以柔中之君,而下從九二剛王姬之貴,不有其貴,而貴其夫。君人之尊,不居

於是。六五坤之主,故爲帝妹。

吝。《象》曰:「城復于隍」,其命亂也。上六,城復于隍,勿用師。自邑告命,貞

乾坤上下

○否之匪人不利,匈君子貞,大往小來。

進而天下亂也。元亨利貞,卦之四德。泰得其一,曰又曰「不利」,又曰「君子貞」,又曰「大往小來」,痛小人君子進而天下治也。《否》之卦辭詳,曰「否之匪人」,

- ●「傳」,尹本、四庫本作「傳」,是。
- ❷「鄴」,尹本、四庫本作「永」。

上下不交,而天下无邦也。小來」,則是天地不交,而萬物不通也,《彖》曰:「否之匪人不利,向君子貞,大往

地皇之塗炭,❶何必見而後悟哉? 本斯上書之日,漢替於張禹談經之時。咸陽之煨燼, 舉國家而爲墟。小人之禍,何若是烈也? 蓋秦亡於 舉國家而爲墟。小人之禍,何若是烈也? 蓋秦亡於 用,何遽至於天地不交而萬物不通,上下不交而天下 用,何遽至於天地不交而萬物不通,上下不交而天下

子,小人道長,君子道消也。 内陰而外陽,内柔而外剛,内小人而外君

故内小人而外君子,小人道長,君子道消。聖人必先習用事,亦陰柔也。是三者有一焉,小人乘而入之矣。至也。主德不斷,亦陰柔也,女謁通行,亦陰柔也,近陰陽剛柔,不惟君子小人而已,亦氣類應感而自

氣類然也。

難,不可榮以禄。《象》曰: 天地不交,否。君子以儉德

辟

否也,一心之否也。一心之天地已否矣,而欲上下之 交,是愈顯矣,豈隱乎哉! 關東之盜无能爲,目不達乎耳也。 一身之中,耳目不 達乎目也。 乎耳者。 然,此一身不交之隱者也。 冰而陽不注,此一不交也。是已内矣,豈外乎哉? 下不交之外者也。 君,此一不交也。是已近矣,豈遠乎哉? 交之遠者也。 此一不交也。是亦顯矣,豈幽乎哉? 然,此天地不交之幽者也。 豈一端而已? 天不下濟,地不上行,此一不交也。 不交者,湮而不流、❷隔而不達之謂。 唐德宗謂「人言盧杞姦邪,朕殊不覺」,耳不 秦二世笑趙高以鹿爲馬之誤,而信其言以 至有君猜而不孚其臣,臣忠而不格 至有一身之中,上炕而陰不泝,下 至有澤不下流,情不上通 至有耳不交乎目,目不交 是一身之否也,非一身之 雖然,此君民不 不交之病

- 「地皇」,尹本、四庫本作「始皇」。
- 2 「湮」,原漫漶不清,今據四庫本補。

不可榮以禄,庶乎免矣。誘之所投,禍之所隨也。惟之未幾,而誘之者至矣。誘之所投,禍之所隨也。惟己。辟難可也,何必儉德? 非能忍天下不可忍之窮,已。辟難可也,何必儉德? 非能忍天下不可忍之窮,已。辟難可也,何必儉德? 非能忍天下不可忍之窮,可未致,而難之是辟,辟

曰:「拔茅」、「貞吉」、志在君也。初六、拔茅茹、以其彙、句貞吉亨。《象》

憂。故初六一陰方長,而君子已知其三陰之類從矣! 君子進而有拔茅之象,此其所拔者蘭也。 畏一小人也,知羣小必以類至也。是故泰之初九,一 退爲吉,以窮爲亨,而天下懼矣。 爲吉,退吉於進, 已有引身而退,貞固自守之心矣。 君子之類進也。 者,其根不盈掬,拔莠者其根可束。 畝不忘之義也 心哉? 小人進而亦有拔茅之象,此其所拔者莠也。 一君子進,小人未必退,一小人進,君子必退。 彼拔茅彙進,而此貞吉之志未嘗不在君也,畎 驩兠入而四凶 以窮爲亨,窮亨於亨也。 集; 雖然,此豈君子之本 曰貞吉亨者,以退 小人之類進,甚於 賈充不留而羣小 否之初六 自君子以 拔蘭 非

六二,包承,小人吉,大人否亨。《象》曰:

「大人否亨」,不亂羣也。

矣。羣,謂羣小也。 完之宗,如林甫得仙客、國忠之助,上則順承於一君, 以堅其權,如林甫縱明皇逸欲之樂。當是之時,羣小 以堅其權,如林甫縱明皇逸欲之樂。當是之時,羣小 以堅其權,如林甫縱明皇逸欲之樂。當是之時,羣小 以堅其權,如林甫從明皇逸欲之樂。當是之時,羣小

六三,包羞。《象》曰:「包羞」,位不當也

语,而身之將危也。思上蔡之犬,悔華亭之鶴,而後於初,壯於二,窮於三。羣小用事,三斯盈,盈斯窮矣。於初,壯於二,窮於三。羣小用事,三斯盈,盈斯窮矣。於初,壯於二,窮於三。羣小用事,三斯盈,盈斯窮矣。於初,壯於二,窮於三。羣小用事,三斯盈,盈斯窮矣。於初,壯於二,解於三。墓小用事,三斯盈,盈斯窮矣。於初,壯於二,亦人之朋,鄭朋、五鹿是也。然小人鋭顯是也。六三,小人之魁,石

无咎」,志行也。 九四,有命无咎,疇離祉。《象》曰:「有命

濟否在君子,主濟否不在君子,而在君。君子有

●「一」,原爲空格,今據四庫本補。

耳。非一日之暫,非一旦之驟也。 東京高建寧王倓。其君有濟否之命,所君非剛勝之君,則爲魯昭公,爲高貴鄉公。上无剛陽之君,則爲魯昭公,爲高貴鄉公。上无剛陽之君,下 大剛陽之臣,而君有濟否之命,則爲文宗,爲訓、注。 大剛陽之臣,而君有濟否之命,則爲文宗,爲訓、注。 大剛陽之臣,而君有濟否之命,則爲文宗,爲訓、注。 大剛陽之臣,而君有濟否之命,則爲文宗,爲訓、注。 大門陽之君,則爲魯昭公,爲高貴鄉公。上无剛陽之君,下 本,爲曹爽,爲建寧王倓。其君有濟否之命,而君非剛濟否之才,有濟否之心,而其君无濟否之命,則爲陳濟

桑。《象》曰:「大人」之「吉」,位正當也。九五,休否,大人吉。其亡其亡,繫于苞

武帝、 乎? 人,謂 則休否之吉,可以固如桑本而不拔矣。 勿恃其否之可休,勿安其休之爲吉,而常有危亡之慮. 雖然、聖人有憂之。憂之者何? 得九四、上九羣陽之助,可以休息天下之否无難矣。 延祚四百也。 日 汰心,心汰无終。欲濟否有成而能終,其惟有儆心者 ,以十年爲遠,審黃石,存苞桑,所以能身濟大業,**即** 濟否之君,不可以有輕心,心輕无成。不可以 九五以剛陽之資,宅中正之位,當否極之世,又 三陽 唐莊宗 ,身得天下,身失天下,休否可恃乎? 曰其亡又曰其亡, 儆之至也。 不然如梁 憂其无儆心也。 光武日謹一 惟 大 有

> 傾,何可長也。 上九,傾否,先否後喜。《象》曰: 否終則

九之義矣。 上九以剛陽之才,佐九五剛陽之君,得九四剛陽 三、上九猶有懼心焉,以傾否爲先,以喜泰爲後,剛制 其喜,而不敢先焉。如此,則否終必泰,否不長否矣。 是、上九猶有懼心焉,以傾否爲先,以喜泰爲後,剛制 之正,傾否而復於泰,可以喜 之成,臣有先否後喜之心。馮異謂願陛 其喜,而不敢先焉。如此,則否終必泰,否不長否矣。 是之心。馮異謂願陛 其直,而不敢先焉。如此,則否終必泰,否不長否矣。 本國於河上之時,當使煩暑坐變清涼,得否之九五、上 之職於河上之時,當使煩暑坐變清涼,得否之九五、上 之職於河上之時,當使煩暑坐變清涼,得否之九五、上

動 乾離 上下

〇同人于野,亨,利涉大川,利君子貞。

天下歸之,故亨。天下歸之,何險不濟? 故利涉大同不公。同人于野,公而大也。同乎人者,公而大則人者,物之歸。然同而隘,則其同不大,同而暱,則其而獨與人爲異,何也? 人異乎人者,物之棄,人同乎人與人羣居天地中,能高飛遠走,不在人間乎?

❶ 「大」,原誤作「人」,今據尹本、四庫本改。

同六二,而九四不可同九三。人與小人爲同,則小人害君子,豈正也哉? 故九五可正道相同而已。君子與小人爲同,則君子爲小人,小川。然則,當无所不同乎? 曰: 不然。利在君子以

同人。《彖》曰: 同人,柔得位得中而應乎乾,曰

二與五應,故曰應乾。

六二以陰居陰,故曰得位。下卦正中,故曰得中。

也。《同人》曰「同人于野,亨,利涉大川」,乾行

下之謂。「同人曰」三字衍。應,上應下也。上下相應,其同大而公矣。乾行,上應一一柔應五剛,下應上也。五剛應一柔,而九五正

爲能通天下之志。 文明以健,中正而應,君子正也。 唯君子

不大同哉!

不大同哉!

不大同哉!

不大同哉!

不大同哉!

不大同哉!

《象》曰: 天與火,同人。君子以類族辨物。《象》曰: 天與火,其性俱上,故爲同人。天火相同於上,萬时而人,又曰類辨,无乃爲異乎? 同其不得不同,異其不得不異,所以爲同之大,所以爲利君子貞。 既其不得不異,所以爲同之大,所以爲利君子貞。 我與火,其性俱上,故爲同人。天火相同於上,萬

宗」,吝道也。 六二,同人于宗,吝。《象》曰:「同人于

楚人亡弓楚人得之之心也,吝嗇甚矣。宗族爲同,則宗族之外,皆築而封之於同之外矣。此爻辭吝六二同人而同于宗,吝其才之柔弱也。以同于《彖》辭贊六二得中而應乎乾,贊其德之中正也。

興」,安行也。《象》曰:「伏戎于莽」,敵剛也。「三歲不九三,伏戎于莽,升其高陵,三歲不興。

以同己也。 三歲不興者也。 九錫以升高,而王、謝緩其事,未幾死焉,此升于高陵 忌王、謝之忠壁人以圖之而不能,此伏戎者也。 如九五之剛而不可敵何? 九三何爲而然也? 于林莽之中 九三挾初 使六二肯同己,則九三奸雄之心濟矣。其 也。 九同剛暴之德,覆之于六二之下,伏戎 安行者,安得而行哉? 據下卦之極,而居其上,升于高陵也 忌六二應乎九五之君,而欲劫之 是以久而不能興也。 欲得 桓温

墉」,義弗克也。其吉,則困而反則也。九四,乘其墉,弗克攻,吉。《象》曰:「乘其

與君同心之操,凛不可奪,則九三有兵,九四有城,將 克,欲干天命,知其不可,豈真畏天下之大義而自反君 則憚温嶠之忠,内則創 何施焉? 而後九三、九四之援合。 今六二秉大臣中正之德,堅 牽乎己也。 九以爲戎、九四恃九三以爲墉、一伏戎於下,一乘墉於 皆有観其上之利,而有牽其下之害。是故,九三恃初 臣之天則哉 上,以仰逼九五之尊,其志皆不利六二之應九五,而 九三、九四同利相趨、同害相死之人也。二人者、 陶侃握重兵據上流,此九四乘墉之勢也,外 六二肯我同,而後九五之勢孤。 知困 而僅保其占爾。 八天之夢,欲攻其上,疑其不 嗟乎,六二以 九五孤。

相遇」,言相「克」也。

相遇」,言相「克」也。

「大師之不興、深塊其一,而使之不强哉!

「一,而使之不興、深塊其一,而使之有及者,中正而已一,而使之不興、深塊其一,而使之自反者,中正而已一,而使之君子,而能抗九三、九四兩剛强之小人,陰消其

郊」,志未得也。 上九,同人于郊,无悔。 也。 克莫難於小人,而敵國爲易。 而號也。羣小之黨既殲,周、霍之忠益明,後喜而 臣亦豈能自信於君哉? 之下應。豈惟六二中正而不貳,微九五中直而不疑! 大師,剛而力之謂。 惟成王、昭帝之中直,然後能力主君子而力勝小 九三、九四之謀,下欲奪六二之上應,上欲間九五 故師莫大乎君心,而兵爲小。 管、蔡毀旦,燕蓋譖 《象》曰:「同人于 君臣同,則人畢同矣。 霍 先悲 笑

人,而人皆同乎九五矣,誰我同者? 此項羽之衆,一於无悔,且未得志者,上九居一卦之外而无位,雖欲同郊、野,一也。同人于野,爲亨爲利,同人于郊,止

未得也。君子之於人,異勿處先,同勿處後。 散而不再合, 李密之衆,再合而卒不能。 ● 故曰志

■ 离 乾 上下

〇大有,元亨。

程子謂「離乾合而爲卦之才,故能元而亨」,又曰

「大有,盛大豐有也」。

時行,是以「元亨」。
之,曰大有。其德剛健而文明,應乎天而《彖》曰: 大有,柔得尊位,大中而上下應

乾健,離明。 辭。德剛健而文明,應乎天而時行,皆所以有其大。者,曰尊位,曰大中,曰上下應,而爲大有,我有其大之日得中,曰應乎乾,而爲同人,我同乎彼之辭。柔在上曰得中,曰應乎乾,而爲同人,我同乎彼之辭。柔在上

揚善,順天休命。《象》曰: 火在天上,大有。君子以遏惡

自高而自下。此大舜舍己從人,而有其大也。❷以日而以虚。乾爲天、爲健,卦之德有天之健,今也處健不離爲火、爲日,卦之德有日之明,今也處明不以盈

而辨。大有明在上而由己出,故極於遏而揚。也。故曰順天休命。同人明在下而不敢專,故止於類吾揚之亦以天。吾何與焉? 此舜、禹有天下而不與然亦豈自用哉? 天討有罪,吾遏之以天,天命有德,之明行天之健,則天下之善惡,内无遺照,外无遺決。

曰: 大有初九、「无交害」也。 初九、无交害。 匪咎、艱則无咎。《象》

恨也。 也。 初九,无交害也。非傷初九也,傷大有之世猶有此 朝,絳、灌公孫非其交也,此非君子之咎也,咎 黜於文帝好賢之代; 類,然以无交而害者,孤遠在下故也。 賈生明 時,上有六五之主,不曰无君,下有衆陽之賢,不 愈難進,君子愈无咎矣。 初九禀剛陽之資,不曰无德,逢大有之世,不曰 雖然,使大有之世,孤遠皆不遇,則釣築終不遇 仲舒首羣儒而廢於武帝用 故聖人傷之曰: 1有所在 E 道 大有 儒之 日 而 无 无

「大車以載」,積中不敗也。九二,大車以載,有攸往,无咎。《象》曰

- 「能」下、尹本、四庫本有「濟」字。
- ② 「而」,尹本、四庫本作「不」。

都制禮,相武王相成王,有往必集者,亦非兩周公。都制禮,相武王相成王,有往必集者,亦非兩周公。 一個天下之至遐,夷天下之至險,大才亦然。不然,安有重積於中而不敗於外哉? 九二以中正之德,剛健之才,爲大臣任大事,當大安危,大治亂,而能无往而或才,爲大臣任大事,當大安危,大治亂,而能无往而或者,相太甲,有往必正者,初非二伊尹, 出征入輔,作為,相太甲,有往必正者,初非二伊尹, 出征入輔,作為,相太甲,有往必正者,初非二伊尹, 出征入輔,作為,相太甲,有往必正者,初非二伊尹, 出征入輔,作為,相太甲,有往必正者,初非不屬。文武常變之

曰:「公用亨于天子」,小人害也。九三,公用亨于天子」,小人弗克。《象》

乃知周之諸侯所以忠賢也。亨者,通也。 就,源源而貢於外,趯趯而萌於内,可謂忠乎? 此所然,源源而貢於外,趯趯而萌於内,可謂忠乎? 此所而已。跡遠而情邇,身疏而心親,此通于天子也。不而已。跡遠而情邇,身疏而心親,此通于天子也。不太臣之任。君尚遠而非邇臣之親,蓋諸侯君公之職大臣之任。君尚遠而非邇臣之親,蓋諸侯君公之職九二,大臣, 九四,邇臣, 九三,位雖高,而非

咎」,明辨晳也。 九四,匪其彭,无咎。《象》曰:「匪其彭,无

大有之諸侯, 九四,邇臣也。孰爲邇臣? 殆周之初九,大有之寒士, 九二,大有之大臣, 九三,

守藩 陽處陰,故匪其彭。 勢,可謂有匪其彭之明矣。 注,禍敗可勝言哉! 世,外之左右諸大夫,内之侍御僕從,其是歟? 不然,爲主父偃,爲董賢,爲弘、恭、石顯,爲李訓、鄭 有其盛,庶乎无咎矣。彭者,盛之至。晳者,明之極。 勢所歸,禍敗所隨也。 臣。近君者,勢不震而盛, ,邇臣不如大臣諸侯,近君用事,大臣諸侯不如 衛青之不薦士,張安世之遠權 惟明足以辯禍福之機,則能不 九四、離之初、故明皙、以 用事者,權不招而集。 知 政

无備也。 交如」信以發志也。「威如」之「吉」,易而六五,厥孚交如,威如,吉。《象》曰:「厥孚

哉! 帝信梁冀,易而无備 語 霍光,託以周公之事,昭烈信孔明,至有君 信也。易而无備,以我之和易徹彼之周防也。 德之威不猛而自洽。信以發志,以我之誠信發彼之誠 心。下感發,則君臣之孚不約而自交, 執之以柔,專任誠信,故能感發其下之志,媿服其下之 ,然二臣者,終身不忍負二主之託,又焉用周 六五,爲大有盛治之君,離明而晦之以陰,虚 然必如大有之羣賢,然後可。 ,可乎? 始皇信斯 下媿服,則 自取之之 武帝信 防 中而 也 道

有上「吉」,「自天祐」也。 上九,自天祐之,吉无不利。《象》曰: 大

上九以剛陽之德、居一卦之外,而能安然退處於无位之地,澹然不攖於勢利之場,此伊尹告歸、子房棄无位之地,澹然不攖於勢利之場,此伊尹告歸、子房棄大焉。嗟乎,八卦乾爲尊,六十四卦泰爲盛,然乾之上大焉。嗟乎,八卦乾爲尊,六十四卦泰爲盛,然乾之上大一敗治之小人,无一害治之棐德。● 士生斯時,雖如初九无交而難進,緼袍華於佩玉,飲水甘於列鼎。而況九二之大臣、九三之諸侯、九四之邇臣、上九功成中別治之小人,无一害治之棐德。● 士生斯時,雖如初九元之大臣、九三之諸侯、九四之邇臣、上九功成即別之營舊乎? 嗚呼,盛哉!

張先生校正楊寶學易傳卷第四

「棐」,尹本、四庫本作「匪」。

0

張先生校正楊寶學易傳上經卷第五

張先生校正楊寶學易傳上經卷第五

廬陵楊萬里廷秀

○謙,亨。君子有終。

謙 皆偏也。 鬼神害盈而福謙,人道惡盈而好謙。 變上,乃有流行之通。 能藴夫山? 舊説謂山能下,爲山之謙。 高而降於地,謙之尤也。 盈而益謙以下,言盈之損也。九三以乾下坤故下濟 陽故光明。 自天道下濟而光明以下,言謙之亨也。 非山之謙,何以能降於地? 乾自虧而下濟,乃有光明之益,坤自卑而 坤本居下,故卑。 日 虧曰變, 地卑而藴夫山,謙之益也。 郭氏謂非山之謙、地之謙 ,謙也。 今居上,故上行。山 非地之謙,何以 日 益 自天道虧 日 流,亨

> 議尊而光,卑而不可踰,「君子」之「終」也。 流之證哉! 神人之道,亦若是爾。害也,福也,惡也, 也。何必中昃、盈食,岸爲谷,谷爲陵,然後爲虧益變

終,其進德也,庸有既乎? 故謙者,君子進德无底之歉而未止,故德尊而益光,卑而益尊。以此始,以此進其德也。保者,惜其既足。進者,歉而未止。惟其進其德也,保者,惜其既足。進者,歉而未止。惟其謙尊而光,卑而不可踰,「君子」之「終」也。

寡,稱物平施。《象》曰: 地中有山,謙。君子以裒多益

壑也。

而得謙之理。大取諸天,小取諸物,君子觀此之理。多或裒之,寡或益之,不稱則愠,不平則忿,君之理。多或裒之,寡或益之,不稱則愠,不平則忿,君山不能有夫地,而地能有夫山。君子觀此而得天

「謙謙君子」,卑以自牧也。初六,謙謙君子,用涉大川,吉。《象》曰:

夫謙也。牧,養也。謙何俟夫養? 曰: 盈日鋤日不乎? 曰: 盈患過,謙不患過。至柔,謙也。至下,養初六以至柔處至下,謙之謙也。謙之謙,其過謙

六二,鳴謙,貞吉。《象》曰:「鳴謙·貞吉」,除,謙日養日不長。此顔子若无若虚之謙。

移矣。此禹拜昌言之謙。 位,●此君子所甚懼也。是故號鳴咨詢,以講求謙之位,●此君子所甚懼也。是故號鳴咨詢,以講求謙之位以德躋,德以位衰。二以柔順之德,君大臣之

君子」,萬民服也。 九三,勞謙,君子有終,吉。《象》曰:「勞謙

、其庶乎?、其庶乎。、其庶乎。、其所以有終則吉也。、其所以有終則吉也。、其以、</

謙」,不違則也。 六四,无不利,撝謙。象曰:「无不利,撝

之君,居九三之右,上承謙德之君,非謙則傲,傲者違爻之利,有利於承上,有利於乘下。 六四近六五

也, 渾排濟,忌也。 矣。撝,施也。此臯陶「予未有知」之謙。勃驕主,傲則。違其則者,乖其宜也。惟謙,則施之上下无不利承上之則。下乘勳勞之臣,非謙則忌,忌者違乘下之

曰:「利用侵伐」,征不服也。 六五,不富以其鄰,利用侵伐,无不利。象

乎? 哉! 征,不得已耳。舜征苗不得已也,武征匈奴不得 之以靡不爲乎? 聖人戒之曰「征不服也」。不服 故能有三子。兼天下之智, 貴之勢,此一卦謙德之盛也。 善,則其臣鄰翕然舉衆善以歸之矣。 五以君上之尊,體謙柔之德,飲然不有其崇高富 利用侵伐, 姑舉其大者。 合天下之勇,焉往 推不富之心,納天下之 雖然,謙无不利,遂挾 高帝不如三子, 不利 已 而

邑 曰:「鳴謙」,志未得 上 國 六,鳴謙。 也。 利 用 行 也。 師 可用 征 邑 「行師」, 國。

上六位愈高,志愈下,亦如六二號鳴以求謙之益,

● 「君」、尹本、四庫本作「居」。

② 「發」,尹本、四庫本作「廢」。

上六之鳴者歟? 抑詩以自警,且曰「勿以我耄而舍我」。其教戒我,此以居高爲未得志,此善之所赴也。衛武享國百年而作以居高爲未得志,此善之所赴也。衛武享國百年而作則衆善畢赴,焉往不利哉! 衆人以居高爲得志,上六

農場地震上

○豫,利建侯行師。

説也。競也。建侯,天下禍福之始, 行師,天下之理, 舉而下事,有大於二者乎? 然動而順,天下之理, 舉而下事,有大於二者乎? 然動而順,天下之理, 舉而不事,有大於二者乎? 然動而順,天下禍福之終。天 建侯,天下禍福之始, 行師,天下禍福之終。天

心。 乎? 《彖》曰 豫順以動,故天地 大矣哉。 聖人以順 天地以 順動,故日月不過而四時不 動 剛 應 如之, 則刑罰 丽 志 而況「建侯行師 清而 行, 順 民服。 以 動, 豫之 豫。

循其所當然,斯得天下之大説,故曰順以動豫。理,先然是也。觀人心,則見天理。蓋人心,天理之集也。順言理,豫言心。何以知理之當然哉? 心之同

也。 乎? 不然,逆尾大之勢而建侯,必爲漢之吴、楚, 震動,九四剛,五陰應。 舉國之諫而行師,必爲秦之淮、淝,何利之有? 於動、先説於動、後尚何事刑罰哉? 愆伏起。聖人得此,則不言而信,不怒而威。 建侯行師乎何有? 以 順晝夜,而不能以夜爲晝, 心 一而得 動。 《易》曰「刑罰清」,言刑措也 順之,故三光全而寒暑乎。② 違之,則薄 也。 理後心而行也。 合其所同 何以知天地亦如之乎? 然,斯行天下之大順,故 豫矣,順矣,天地 《書》曰「永清四海」,言兵寢 能順寒暑,而不能 而況建侯行師 亦如 之,而 天下信 食興 以暑 天地 日 坤 豫 順 違 而 爲 能 於 順

德。設薦之上帝,●以配祖考。《象》曰: 雷出地奮,豫。先王以作樂崇

志窮凶也。
初六,鳴豫,凶。《象》曰: 初六「鳴豫」,初六,鳴豫,凶。《象》曰: 初六「鳴豫」,師,師其聲以作樂崇德,聖人何爲哉? 天而已矣。順以動者天理,出而奮者天聲。師其理以建侯行

- 一「一」,尹本作「亦」。
- 「乎」、尹本、四庫本作「時」。疑當作「平
- ❸ 「設」,尹本、四庫本作「殷」。

鳴也。 鳴 之初,九四,雷之初,二者交應,雷聲初出地也,故爲鳴 應乎上,而凶在其中矣。而況極其志者乎? 以辯鳴; 公以讒鳴: 人有口才者也。 狡志,利其身亦凶其身,凶其身亦凶其國。 曰鳴豫,小 時,以陰柔居下之資,而有上下交應之嬖,挾口才以 鳴謙則吉,鳴豫則凶,何也? 九四, 王叔文以治道鳴, 晁錯、主父偃以謀鳴; 豫之主。1 伊、戾以諛鳴; 曰志窮,狡志而極其欲者也。 初六,四之應。 李訓以大言鳴。 儀、 秦以説鳴 謙可鳴也,豫不可 江充、息夫躬以訐 當逸樂説豫之 嗚乎! 初六,地 **髠、衍** 故暴、 下

終日,貞吉」,以中正也。六二,介于石,不終日,貞吉。《象》曰:「不

「有悔」,位不當也。 六三, 盱豫悔,遲有悔。《象》曰: 盱豫

也。以陰邪居陽位,據下卦之極高,近九四之大臣,進有人主之近幸,有人臣之近幸,六三,人臣之近幸

謐 相爲累。 吁,小人亦何利於位哉? 禍之成而不去,何也? 其萌也。 道。 則盱 退不速,此亦悔之道。 圖霍氏。 不許其盱也。 故陽虎幸於季氏則圖季氏; 而仰視其上之豫,方且位已逼而進 蕭至忠知善宋璟而不能去公主。 非幸其遲,哀其成也。長禍之萌 季、霍幾危,虎、桀亦敗。 所謂遲有悔,聖人非幸其遲也,不許其盱,折 退則遲而固戀其豫之寵,方且患將及 故潘岳知負阿母而不能 人不稱位,位不當望而已。 所謂盱 上官桀幸於霍 客主同誅,交 不厭, 而不悟 悔 此 離賈 聖人 氏則 悔之 丽

曰:「由豫,大有得」,志大行也。九四,由豫,大有得。勿疑,朋盍簪。象

剛陽大有爲之志,果決不疑之才,而居近君大臣之位 之主,致天下之豫,我之由也。 助,主則不堅; 未見其動之有濟也。 志无位,志則不伸, 主之以六五柔順之君,助之以衆陰上下之朋,小動小 動天下之大舉,以規天下之大功,其 有助无才,助則不立。 小動猶難,況大動乎? 有位无主,位則不定, 非兼五得以超五難,吾 九四爲動大舉 (難有 有主无 五 九四以 有

●「主」,原誤作「三」,今據尹本、四庫本改。

而助之也。盍,合也。簪,聚也。得曰大有得、志曰大行,皆大動也。朋盍簪,五陰合聚伊尹任伐夏之大事, 周公決東征之大議,是也。故得,大動大得,何五難之有? 大禹興治水之大役,

疾」,乘剛也。「恒不死」,中未亡也。六五,貞疾,恒不死。《象》曰:六五「貞

者,揉而復。● 二五,揉而復。● 二五,揉而復。● 二五以柔弱之資,居逸豫之時,耽宴安之酖,所以真也。一正君而疾也。有九四剛正之臣以正之,所以貞也。一正君而安帝有楊震,楊震不能使之爲光武。正而不死,中而安帝有楊震,楊震不能使之爲光武。正而不死,中而表亡,九四之力已不少矣。自正者,挺而復。● 二里君而表亡,九四之力已不少矣。自正者,挺而復。● 二三君而表亡,如之为,尽。自正者,挺而復。●

豫」在上,何可長也?上六,冥豫,成,有渝,无咎。《象》曰:「冥

成帝、唐明皇,大則太康、唐莊宗。 也。豫而能變,則爲太甲、爲齊威王。不變者,小則漢幡然而能變,安知逸豫之主不爲憂勤之主乎? 渝,變成矣。而无咎者,極而能變故也。知逸豫之不可長,

○隨,元亨,利貞,无咎。

惟大亨无咎之歸。兑少女,震長男,男行女隨。有在於遷國,則違胥怨之咨,不隨之隨也。惟貞之隨,禹拜,隨之隨也。害有在於象恭,則吁僝功之薦, 利焉,何亨之有? 故聖人有隨之隨,有不隨之隨。堯俞焉,何亨之大。利貞,貞則利。隨而不正,咎必至

大矣哉。 大「亨貞,无咎」,而天下隨時。隨時之義《彖》曰: 隨,剛來而下柔,動而説,隨。

聖人以用隨體,天下以跡隨用,故時出於聖人。天下初九以乾之剛下於坤之二爻,九四、九五以乾之剛下於坤之一爻,三剛自外而來,以下於三柔,故動而説隨也。曰大亨貞无咎,動而貞也。 曰天下隨時,說而隨也。曰大亨貞无咎,動而貞也。 曰天下隨時,說而隨也。曰大亨貞无咎,動而貞也。 曰天下隨時,說而隨也。曰大亨貞无咎,動而貞也。 曰天下隨時,說而隨之時也。 自者道之體,動者道之用,時者道之跡。剛陵柔則離,柔乘剛則争,剛下柔則説,説則隨。

● 「復」,尹本作「緩」。

Ŧī.

哉,隨時之義乎! 震動,兑説。 大哉,時必, 大哉, 大哉, 大哉, 大哉, 时乎! 大

《象》曰: 澤中有雷,隨。君子以嚮晦人

嚮晦,日將夕也。 非歟? 曰: 易之隨時,天也。聖人之競辰,人也。止久速之時乎? 然則仲尼終夜不寢,周公夜以繼日,止久速之時乎? 然則仲尼終夜不寢,周公夜以繼日,

不失也。曰:「官有渝」,從正吉也。「出門交有功」,初九,官有渝,貞吉。 出門交有功。《象》

者,變也。 夫之謀,故成東征之功。 而名項爲賊,故王。晁錯決削地之議,而漢有其地,故 不失。貞者,正也。出門者,公也。董公進發喪之議: 之至正,開天下之大公,未見其濟也。 非震之初九乎? 天下之事,不動於常,而動於變。 、當人變、決大議者乎? 正則吉,不正則凶 主是事之謂官,隨以動而説爲義也。 初九主一卦之動,當事變之始,其古之發大 也。 用訓、注小人之策,而舍裴 主是變也,非有以仗天下 舍御事艱大之言,而從十 故正則吉,公則 孰主是動?

交兑也。吾動而彼説,隨斯有功而不失矣。也。爲初九者,其動可輕乎哉? 出門而交,謂震出而度、李德裕之賢,故稔甘露之禍。公則有功,私則无功

子」,弗兼與也。 六二,係小子,失丈夫。《象》曰:「係小

間而自疎,勢不兼也。 也。 況不爲遠、郭者乎? 避以遠罪; 大臣之位,偏係於六三,則必失九四,非九四 隨於暱,則遠者不麾而自去, 以六二視三、四、則六三小子、九四丈夫。 郭子儀初信張曇,而幕僚相率以求去,而 牽於彼而吾隨之, 曰係。 故遠子馮初嬖八人,而 從於邪,則正 巫臣 不我 六二居 士不 退 即

貞。《象》曰:「係丈夫」,志舍下也。六三,係丈夫,失小子。隨有求得,利居

六三以之。 舍陳良而從許行,六二以之。夷子舍墨氏而見孟子,仁得仁,孰能禦之? 利居貞,貞者求在我者也。陳相非求在外而可必也,求在我而可必也。求道得道,求志,舍六二從九四。惟不失其所隨,故有求而必得。以六三視二、四,則六二小子,九四丈夫。六三之以六三以之。

咎?《象》曰:「隨有獲」,其義凶也。「有九四,隨有獲,貞凶。有孚在道以明,何

孚在道」,明功也。

吉」,位正中也。 九五: 孚于嘉,吉。《象》曰:「孚于嘉

也。堯、舜,聖之隨。高祖、太宗,賢之隨。 也。堯、舜,聖之随。高祖從諫轉圜,太宗導人使諫,次孰大焉。孚,誠也。嘉,善也。堯之舍己從人,,舜之熟大焉。孚,誠也。嘉,善也。堯之舍己從人,,舜之,五以乾之陽剛,居兑之正中,爲一卦説隨之主,

《象》曰:「拘係之」,上窮也。上六,拘係之,乃從維之。王用亨于西山。

足,若又從而繁之維之者。是雖逃之有不脱,辭之有而不可解。亡以爲喻,若有以拘而係之者。喻之不上六以柔順之德,居説隨之極,得民心之隨,固結

龜山楊氏以爲文王居西山之事。上窮,上之極。不聽,而況可得問而離之乎? 二程子以爲太王居岐

具異上

〇蠱,元亨,利涉大川。先甲三日,後甲三

始,天行也。有事也。「先甲三日,後甲三日」,終則有「蠱,元亨」,而天下治也。「利涉大川」,往《彖》曰: 蠱,剛上而柔下,巽而止,蠱。

- 「尤」,依文意當作「猶」。
- 「天下之」,原闕,今據尹本、四庫本補。

終也。能謹其終,則能保有其始矣。 日 追愛其成,當在事後,庶乎其可。 不振不起,故利於濟大難往有事也。 往乎? ,思之詳也。終則有始者,尤以後甲爲重也。 曰: 否。 舉事之始,逆慮其敗,當在事先 甲,始也。 然則其遂徑涉而 先後各三 後甲

《象》曰: 山 下有風,蠱。 君子以振民育

將奚先? 風落山而事壞。 育者,養而施。風言振,山言育。 无事而不動,山也。 飭壞在振民,振民在育德。振者,作而起, 君子當有事而壞之時,起而飭之,則 山下有風,則風薄山 而事生

初六,幹父之蠱,有子考,无咎, 幹父之蠱,意承考也。 厲終吉。

幹乎? 魯也。 卑位而高步。 才矣,何以能幹? 曰考,則非存,曰意,則繼志。 初六弱於才而卑於位,然當壞之時,爲子而 知幹而不知厲者也。 能幹則其父有子。 涉佗之誅,欲尊晉也; 盡惕厲之意,以承其父之意,則吉 有子則其父无咎。 不然,弱才而强决 南蒯之叛,欲强 然弱於 一辭其

九二,幹母之蠱,不可貞。 之蠱」,得中道也。 《象》曰 幹母

> 九三,幹父之蠱,小有悔,无大咎。 侯,可得乎? 則爲田常,爲意如,爲莽、卓,爲王敦、桓温矣。 雖然,六五吾有憾也,九二吾无憾焉。 可貞,不可反之正也。 興之主,東遷之業就,而文、武、成、康之業微矣。 造,平王之初政乎? 又以柔順之資佐其母,此時爲何時耶? 其幽王之末 子,母倚子者也,衆子倚長子者也,九二是也。 順,則臣非大有爲之佐。事壞於考,主於母,幹於衆 又止,●則君非大有爲之主。九二德雖陽剛, 立。然則九二其孰爲母? 家有父,則一子而易治。 初六承考,九二幹母,譬之家,其父亡而母 豈惟无憾於九二? 吾猶爲六五賀也。 故晉文侯非中興之佐,平王非中 曰得中道,僅得爲中才之事也。 家无父而有母,則 六五是也。 使九二而非順 六五才既 衆子 求爲文 《象》 而長子 資則異 存乎? 日不 柔體 而

日 「幹父之蠱」,終无咎也。

革弊者,非剛則革不力,過剛則

禍必亟

過

剛

而

禍

剛 不亟者,九三其庶乎? 然亦危矣。 也。 見天下之弊,不勝其憤,欲一 決而去之,此其禍 九三以剛處剛,過

「柔」, 四 庫本作「弱」。「體」,原漫漶不清,今據四 庫

0

本補。

唐嗣,其蠱之九三乎?剛也。无大咎,極順也。子房之安太子, 仁傑之存三處巽之極,以極順行過剛,故過而不過。小有悔,過不爲晁錯,則爲景延廣。然能小有悔而无大咎者,九

六四,裕父之蠱,往見吝。《象》曰:「裕父

之蠱」,往未得也。

以寬也。 欲 秦爲漢,漢不秦矣,亦未三代也,補而未全者也。 徐不可亟亟,●可以寬不可以迫。故曰裕父之蠱,勸 之位,此大臣之弱於才而膺補壞未全之任者也。 當初六、九二、九三幹蠱之後,事之壞者亦少飭矣。 徐 補之之才,有徐而補之之才。 革之可也。 不敢勇往者歟? 不敢爲也,故能成清静寧一之治。 未飭者,皆補而未全者也。六四以陰柔之才,居近君 ·而補之,弱於才者也。 六四居下卦之上,上卦之初 有爲,曹參欲无爲,非不爲也,自量其不如蕭何,而 天下之壞,有大壞之壞,有補而未全之壞。 又曰往見吝,曰 補而未全,徐之可也。 往 未得,戒其迫也。高帝革 革而補之,强於才者也。 此蠱之六四寬裕而 補壞之才,有革而 大壞 可以 惠帝

「用譽」,承以德也。六五,幹父之蠱,用譽。《象》曰:「幹父」、

幹, 輔,君无陰柔,而況剛明之君乎? 无輔也,有一裴度而不能用也。 曷爲不能革? 臣致其裕,六五何爲哉? 用其譽髦之臣,承以衆賢之德也。 九二之大臣柄其幹,九三之近臣勇於幹,六四之大 六五以柔德居君位,繼父業,乃能成幹**疊之治者**, 曰文宗有六五之柔,无六五之輔。 恭己正 南 然則閹之弊,文宗 初六之小 面而已。 衆賢所 臣倡其

事王侯」,志可則也。 上九,不事王侯,高尚其事。《象》曰:「不

非志也、時也。 支傾厦乎? 九二、九三其德同,其位殊,則上九不得爲。 君兼羣賢之幹裕者而用之,則上九不必爲。 當天下蠱壞之時,君子皆有振而飭之之心,今也有初 不以天喪我。 大壞,盡羣賢之力,佐陰柔之主,萬一不振,一木獨能 六、九二、九三以幹之,又有六四以裕之,又有六五之 然則爲子而不事父歟? 臣事君,子事父,一也。 則上九不可爲。 舍之則藏,不可則 志在我,時在天。 蓋上九之不事其君有三: 上九臣也,而不事王侯 然則上九之不事王 君子不以我違天,亦 止 , 時 也。 上九之與 於是不事 若夫天下 一侯

●「亟亟」,尹本、四庫本不重。

許、夷、齊、四皓、嚴光,其人也與? 荷蓧、晨門,異矣。事雖外爲天下之所高,而其志實爲天下之可法。巢、魏闕,志也,曷嘗去於心乎? 故曰不以天喪我。此其事也。故曰不以我違天。雖然,畎畝不忘君,江湖存王侯,非不事也,不得事也。非以爲高尚也,人高尚其

張先生校正楊寶學易傳上經卷第五

張先生校正楊寶學易傳上經卷第六

廬陵楊萬里廷秀

■■ 坤 上 下

)臨,元亨利貞。至于八月有凶。

日。 也? 以泰、大壯、夬、乾、姤也。陽未消也,而曰消不久,何 陽進上窮,陰生下反,反而再進,然後爲遯,則猶隔之 日 之阻,不曰凶乎? 六三一陰已在前矣,迫且近矣,不 者,聖人戒四陰之猶盛也。九二以二陽之進,逢四陰 而八,故曰八月。月,陰也,八與二皆陰也。 之來歸也。● 自坤之六二,爲臨之九二,與坤之六爻 自坤之初六,爲復之初九,與坤之六爻而七,故曰七 曰「大亨以正」。至于八月,非必至遯而後爲八月也。 消不久乎? 二君子方來,而四小人未去,君子可不 日,陽也,七與初皆陽也。曰來復者,聖人喜一陽 臨之元亨利貞,非乾之四德也,亨貞而已,故《彖 蓋消不在遯而在臨,臨之消不在初九而在九二。 日有凶

> 害我? 則六三一爻爲小人。 舜之流放,周公之東征,視孔子兩觀之役爲難。 戒乎? 卦言,則二陽對四陰,爲君子寡而小人衆。自六爻言 舜以一臨四,周公以一臨三,孔子一臨一,故 若俟至於遯而有凶,則自郢及我九百里,焉能

《彖》曰: 凶」,消不久也。 應,大亨以正,天之道也。 臨,剛浸而長,説 「至于八月 而順, 剛 中而 有

謂九二。應,謂六五。 則流。蓋正者,天之道也。 然必正而後可,是三者有一不正,浸則姦,説則諂,和 則莫之拒,中而和則莫之違。能此三者,則大亨矣。 順,剛以過而忤,忤必不應。 之正也。 侵而長,望説而順,君子之亨也。 剛以驟而長,長必易消,剛以很而進,進必不 浸,謂二陽未大盛。 浸而長則莫之忌,説而進 剛中而應,君子 剛中

《象》曰: 窮,容保民无疆。 澤上有地, 臨。 君子以教思无

澤上有地,以地臨水,以上臨下之象也。 澤之潤

- 一」,原爲空格,今據尹本、四 庫本補
- 侵」,四庫本作「浸」。

物、有受而不隔、君子以之保民而无外。萬物、有與而无竭、君子以之教人而不倦。地之容萬

志行正也。初九,咸臨,貞吉。《象》曰:「咸臨,貞吉」,

君子之學, 豈不欲有臨哉? 臣之臨事臨民,君之君, 恐, 而其。 是, 劉、柳從叔文, 吉乎? 故曰志行正也。非不欲行 点面以爲吉者, 蓋士之從人, 患不在於審, 而在於果。 近臣賢且正乎, 四皓從子房, 近臣不賢且不正乎, 兩 生拒叔孫。不然, 有從无審, 如固從憲, 融從冀, 邕從 生拒叔孫。不然, 有從无審, 如固從憲, 融從冀, 邕從 生拒叔孫。不然, 有從无審, 如固從憲, 融從冀, 邕從 生也, 劉、柳從叔文, 吉乎? 故曰志行正也。非不欲行 志也, 惡不正也。咸, 感也。

吉,无不利」,未順命也。 九二,咸臨,吉,无不利。《象》曰:「咸臨,

合志同 如 運,感六五之君,得大臣之位,占矣,无不利矣。 T 何疑,而未順君命乎? 類轉規。 一君 初九居下,而不輕從近臣,宜也。 甘盤、 則不足與有爲也。 未可以順命,則守之如介石,如移山 、傅説異去就 蓋君之於臣,非致敬盡 可以順命,則 武王一聖,太公、伯夷異 九二當剛長之 赴之如 決流 禮,道 故武 何嫌

> 也。 曰: 六三,甘臨,无攸利。 顯晦; 可得而忌之乎? 以俟九二,而不能必其從,而況强忮之君乎? 二陽方 之於六五,何必汲汲於合哉? 長,千載一時也。 「甘臨」,位不當也。 伊尹、孔明一身,於成湯、先主異 忌且不得而忌,而況得而害之乎? 而初九守貞固,九二未順命,則衆陰 既憂之,无咎。 「既憂之」,咎不長 且六五中順之君,虚心 (後前。 九二

曰 : 利也。 死於白勝; 之言,容而已。然君子可不憂乎? 通,然孤而无與,亦何能爲哉? 挾兑説之極,行 資,據二陽之上,自知其位之不當,自疑夫二陽之見 厚德樂善之長者。小人在位者,六三而已。以陰柔之 得位之君子,六四好賢之近臣,六五任賢之大君,上六 剛長之世,將泰之世也,故初九升聞之君子,九二 言甘誘我也,憂之忘誘之昌。① 吾亦憂之,而後咎不長也。不然,子西暱 五王輕 三思,死於三思,甘可信乎? 彼雖甘諂而 白勝 计 餡 不 故 獲

●「憂之忘誘之昌」,尹本作「忘誘者昌」,四庫本作「防六四,至臨,无咎。《象》曰:「至臨,无咎」,

誘者昌」。

位當也。

世。師德賢而嵩難。 剛多善,亦不必偏善。柔多不善,亦不必偏不善。 本君子何必資禀之同哉? 六四之至臨,以己之至柔, 區初九之至剛,而能以柔應剛,相與應感,而惟恐初九 之不我從,此其所以柔而无咎。宜聖人贊以位之當, 而非竊位蔽賢者歟? 師德薦仁傑, 蕭嵩薦韓、休, 面非竊位蔽賢者歟? 師德,容仁傑者也, 満,非容休者 也。師德賢而嵩難。

之宜」,行中之謂也。
六五,知臨,大君之宜,吉。《象》曰:「大君

昌言而已。 書言而已。 本面,是宜爲君者也。而曰知臨何也? 惟不即齊知也,是宜爲君者也。而曰知臨何也? 惟不以不以柔中之君,任九二剛中之臣,未嘗自任其

「吉」,志在内也。 上六,敦臨,吉,无咎。《象》曰:「敦臨」之

志矣,有位可行也,无位亦可行也。臨之上六是也。志者矣,竊位之徒是也。然則勿病无位,病无志。有君子有志不得行,无位也。蓋有有位而不能行其

也。上六何以從二陽? 曰: 陰從陽。上反下,敦厚在之,六四之近臣應之,上六无位之賢者亦厚之。君君子病无志耳。嗟乎,臨之世,二陽方長,而六五之君君之,六四之近臣應之,上六无位之賢者亦厚之。君在之,六四之近臣應之,上六无位之獨者亦厚之。君之。此,以何咎矣? 故祁奚之免叔向在於請老之後,非上六无位,而能以厚德樂善之志從二陽之君子,言孰上六无位,而能以厚德樂善之志從二陽之君子,言孰

異中上

○觀,盥而不薦,有孚顒若。

中,而顒肅應於下矣。 學者,不於其薦,於其盥,當盥酌必躬之。初不以萬物易一誠,及薦獻多品之後,乃以一誠託萬物。以誠託易一誠,及薦獻多品之後,乃以一誠託萬物。以誠託上示下瞻之謂觀,下之觀上,上其猶觀祭乎? 觀

道設教,而天下服矣。也。觀天之神道,而四時不忒。聖人以神下,觀。「盥而不薦,有孚顒若」,下觀而化下,觀。「盥而不薦,有孚顒若」,下觀而化

張先生校正楊實學易傳上經卷第六

實也。 神。」故曰聖人以神道設教而天下服。 下,又曰有孚顒若。 中正,爲能化天下之不中不正。故既曰中正以觀天 感天下而无形者莫如誠,此聖人之神也,謂九五之中 聖人,以剛陽之資,體中正之德,形於上,觀於下,而 也。運四時而无形者莫如風,此天之神也,謂巽也。 之神道安在哉? 而身化哉? 下之不中者中,不正者正矣。孰不内順而外巽,心服 教莫大於觀感,而政令爲下,故曰 九五是也。何大乎九五? 惟天下之至誠,爲能立天下之中正。 何其神也? 觀天之神道而法之耳。天 中正而已。 孚,誠也。 四時不忒,是天之中正 《中庸》曰: 以中正也。 l 大觀。 惟天下之 至誠 九五 孰 能 如 天 大

《象》曰: 民設教。 風行地上,觀。先王以省方觀

始皇之巡,武宣之行幸,本意乎? 其教,此省方之本意也,虞、周時 无不至,故天下日見。聖人隨其地觀其俗,因其情設 風行地上而无不周,故萬物日見。 巡 是也。 天王省天下而 穆王之游

初六 初六,童觀,小人无咎,君子吝。 「童觀」,小人道也 《象》曰

九五大觀在上,而初六遠之,兹謂童觀。

童者,蒙

也。 越人。所謂小人无咎,君子吝也。 人不吝驩兠。越人之彎弓,兄之彎弓,一也,而人不怨 子爲可責,故吝。 丽 无見也。 蒙而无見,在凡民爲可恕,故无咎。 驩兠之薦共工,四 非无咎也,不足咎 岳之薦鯀 也,而 在君

貞,亦可醜 六二, 闚觀, 利女貞。 也 《象》曰: 「闚觀」, 女

士則醜。 以東征爲艱,子路以正名爲迂。 安能觀九五之大觀哉? 也。 應也,非如初六之遠於五也。然六二以陰暗之資,亦 有見而小,其愈於无見幾何? 蒙而无見曰童,有見而小曰闚,有 不過小有所見而已。 斯見也,在女則貞 六二之與九五,正 見固愈於无見 故御事

退」,未失道也。 六三,觀我生進退。 《象》曰:「觀我 生 進

居剛 也。 必退不可也。 不失其道,其惟觀我生乎? 我之才德,可以進而不進,是使赤子不得乳其母 未可以進而進 ,其位非正,必進不可也。 必進忘其身,必退忘其君,皆失其道也。 量己而爲進 ,是未能操刀而製錦 退, 生,出也,才德自 庶乎未失道也。 以順應上,其勢有牽, 也。 我出 欲 一以柔 進 者 退

六三似漆雕開。 生,辭同而德異。六三察己以從人,九五察人以修己。速,惟其可而已,何必量已哉? 六三、九五,皆曰觀我妻,非深許之辭也,此亦學者事也。若夫聖人,仕止久

「觀國之光」,尚賓也。六四,觀國之光,利用賓于王。《象》曰:

國也。王訪于箕子,尚賓也。 下不輕一身,則上不輕一士矣。箕子近天子之光,觀六四俟明德之君而後進,動故其君尊尚之而賓其人。 九五有剛明之德,而四近之,故願仕而觀其光。

生」,觀民也。 九五,觀我生,君子无咎。《象》曰:「觀我

生」,志未平也。上九,觀其生,君子无咎。《象》曰:「觀其上九,觀其生,君子无咎。《象》曰:「觀其

居一卦之極,當无位之地,而負達尊之望,故其志未嘗君子身有用舍,志无用舍。上九以剛陽之德,而

无憂。 无過咎,何也? 吾之身不爲天下之所用,而吾之德爲天下之所仰,豈以身之約而志之安乎? 故曰志未平也。子思之在魯,子方之在魏, 裴晉公之在緑野,其也。子思之在魯,子方之在魏, 裴晉公之在緑野,其人 一日不反觀其德之出於己者。吾之德其皆君子耶,乃

離震上下

〇噬嗑,亨。利用獄。

行,雖不當位,利用獄也。剛柔分動而明,雷電合而章。柔得中而上《彖》曰: 頤中有物,曰噬嗑。噬嗑而亨。

分而不雜,明而辨也。震動離明,雷震電耀,明而威卦形,頤之象。九四,頤中有物之象。三剛三柔,

● 「其光六四」,原爲空格,今據尹本、四庫本補。

治獄之本意。
北尚其威。一聽於六五仁厚中和之君而已。此先王也。然則治獄者,明以察情,非矜其明, 威以懲惡,也。六五以柔居五,雖不當位,然利在用獄,不過剛也。六五以柔居五,雖不當位,然利在用獄,不過剛

《象》曰: 雷電,噬嗑。先王以明罰敕法。

刑,敕法也。 敢犯,薄故懷而不忍犯。金作贖刑,明罰也。象以典敕法而已。罰者,刑之薄,法者,刑之先。先故知而不敕法而已。罰者,刑之薄,法者,刑之先。先故知而不成取諸電,明取諸電,然曷嘗覿刑哉? 以此明罰

趾」,不行也。 初九,屢校滅趾,无咎。《象》曰:「屢校滅

格,王駘以兀而賢。朝爲小人,暮爲君子,豈特无咎而杯,王駘以兀而賢。朝爲小人,能懲於薄刑,止其惡而滅耳而獻其馘。初九之小人,能懲於薄刑,止其惡而履校不懲,必至何校而械其首,滅趾不誡,必至

鼻」,乘剛也。 六二,噬膚滅鼻,无咎。《象》曰:「噬膚滅

當去惡之主也。然六二之去惡,則爲差易。何易乎六自二至五皆曰噬,何也? 三臣分去惡之任,一君

六三,噬腊肉,遇毒,小吝无咎。《象》曰: 安矣! 六二、六三、六五,有衆齒上下噬齧之象。 大臣之位,乘初九之上也,故曰乘剛。德與位偕,又何 大臣之位,乘初九之上也,故曰乘剛。德與位偕,又何 反不決, 燕旦非上官則謀不發。膚者,患之淺。鼻 能絶其應而不通,則四自孤而无與矣。故吳濞非楚則 二也? 及初九之淺也。初與四爲應,四於卦爲梗,二

「遇毒」,位不當也。

傷齒矣,而況齒之弱者乎? 正夘以治魯,祗以亂魯。 舜,則去四凶以安民,祗以危民, 不當也。 之位,此弱於齒而噬夫堅者也,能不遇毒乎? 九四爲一卦之梗,若腊之堅而難噬也。 而噬其小者,庶乎吝而不至於咎矣。 六三之去惡,視六二則難矣。 然則,欲去惡者,可使才不稱位乎? 然小吝而无咎者,能度其才 六三以柔弱之才,居剛決 司寇非仲尼,則誅 句難乎六三 噬之則遇 百揆非 故曰位 也? 毒 而

曰:「利艱貞,吉」,未光也。九四,噬乾胏,得金矢。利艱貞,吉。《象

噬九四也。曷爲以九四噬九四也? 以九四剛直之大也。九四自爲梗,而曰噬乾胏,噬之者誰也? 以九四九四,一卦之梗也。乾胏,有骨之肉,一味之梗

也? 肺,剛善者爲金矢。然猶曰利艱貞吉者,去惡實難,非 梗,則惡去而治可通。金言剛,矢言直。 故得金矢以鑽乾胏,則骨去而肉可噬,得剛直以去强 臣,噬九四强梗之大臣 得已,故曰未光 疎也。然有强梗者,天下之不幸,去强梗者,聖人之不 居周位,去共、驩、管、蔡者,非舜、周公而誰 正固,則必敗於怯,漏於疎。 人而已哉? 舜與共、驩雜處堯朝,周公與管、蔡並 以舜、周公之剛直而去共、驩、管、蔡之强梗也。 也。 居大臣之位而 訓色變,怯也, 剛惡者爲乾 近君者,豈 也? 蕃宣章 何

曰:「貞厲无咎」,得當也。 六五,噬乾肉,得黄金,貞厲无咎。《象》

无勢。 也。 明之君,體中正之德,又得三二剛正之助,則去惡何 君,何爲哉? 剛直者,自足以噬之,至於六三亦協力以噬之。若夫 初九之强梗,則六二已折其萌而噬其淺矣。 陰柔之君,而噬强梗則无咎,何也? 曷爲其有助也? 主之以六五中正之君,輔之以九四 屯之九五,陽剛之君,而大正則凶。 而況初九强梗之淺,上九强梗之衰,又皆无位而 其近君而逼者,九四一臣而已,而九四同位之 惟一上九惡積罪大之小人无位已衰者 噬嗑之强梗有三,而六五以離 彼无助,此有助 噬嗑之六五 同 位 則六五之 直 之

> 哉,黄,言中。金,言剛。 猶曰貞固危厲,謹之至也。去强梗,除元惡,豈可忽解,李輔國之過惡已極,故宣帝、代宗除之不難也。然難於噬哉? 故曰得當。言勝其任也。霍禹之兵權已臣,加之以六二、六三協力決齧之助,則上九之乾肉何臣,加之以六二、六三協力決齧之助,則上九之乾肉何

耳」,聦不明也。 上九,何校滅耳,凶。《象》曰:「何校滅

受宋璟之諫,故及。而受大戮之凶乎? 商鞅不聽趙良之言, 蕭至忠不可受大戮之凶乎? 商鞅不聽趙良之言, 蕭至忠不耳而聦,聦而明,則聞過而改久矣,何至於惡積罪大,以不明。使

三 艮離 上下

○賁,亨。小利有攸往。

變,觀乎人文以化成天下。也。文明以止,人文也。觀乎天文以察時分剛上而文柔,故「小利有攸往」。天文《彖》曰: 賁「亨」,柔來而文剛,故「亨」。

文者物之雜。 五常之典,觀之可以成天下之化。 五行之象,觀之可以察四時之變。 成文,故爲人文,以離艮之體言也。大文之著者,三辰 言也。離明炎上,而艮止之,則火之氣焰鬱積光華而 乾下於坤,而中爻升於坤之上,故爲天文,以乾坤之變 六之柔。文雖剛而質柔,又非中正,故小利有攸往 次,又曰青與赤謂之文。 賁,天玄地黄,火赤山青。 而 質剛 上卦本坤,而上六之柔來文九二之剛。● ,又中正,故亨。 《周官 》畫績之事,雜五色,曰玄與黄相 下卦本乾,而九二之剛上文上 大抵質者物之辨 人文之著者,三綱 文雖 柔

《象》曰: 山下有火, 賁。君子以明庶政,

无敢折獄。

也。明不及獄,則明不矜。明庶政,離也。无敢折獄,艮明不及獄,則明不矜。明庶政,離也。无敢折獄,艮《象》言明不及文,言政不及獄。明用於政,則文不敝,山下有火,賁,解已見上。賁,文明之卦,而大山下有火,賁,解已見上。賁,文明之卦,而大

而徒」,義弗乘也。初九,賁其趾,舍車而徒。《象》曰:「舍車

而在下无位,斯文其廢乎? 亦還以飾天下者飾一身則卷斯文以飾一身。初九以剛正之資,秉文明之德,君子,斯文之所在也。達則振斯文以飾天下,窮

與也。 嚴光不從之以事光武。初九,賁世之放民 也。 行者,何也? 之榮光也。 公非不賢,而伯夷不從之以諒武王, 九之賢也,六二又賢也,然初九猶不强從於六二,非其 患无所主,今近六二文明之佐。 止,舍車而徒。 飾其所行,惟義 而已,斯文未廢也。 遠者不得從,近者不强從,何也? 賢而非其與且不從,而況非其賢者乎? 斯世而有斯人,非榮乎? 二吾近,而非吾應也。 仕患无其時,今居實飾文明之時。 所 在 **貴其趾** 而已。 ,飾其身之所行 義在仕,舍徒而 然初九舍乘車而從 侯霸非 四吾應, 義也。 也,亦 也。 車, 順指,而 夫以 Щ 故太 責世 吾遠 何 初 徒 時 在 以

也。 也。 也。 《象》曰:「實其須」,與上興

順之志,以求六二之飾己,六二肯輕就乎? 故曰賁其未有不求而應。非珍身也,珍道也。珍吾道,猶洿吾道,而況貶吾道乎? 六二,主一代文明之治者也。然遠自坤之上六,惠然而來,以佐興文明之治者也。然是自坤之上六,惠然而來,以佐興文明之治者也。然

■「而」,原重文,據四庫本删。

溝矣。惜也,誼知《易》之貴,未知賁之須也。房、杜不不能,❶必有能者矣。至曰未遑,舉吾道而委子耻其求而不能應。雖然,寧耻房、杜,毋惜賈誼。君子惜其不待求而發。上有禮樂之問,而下无對,君與,許也。故曰與上興也。下有禮樂之文,而上未遑,須。須,求也,亦待也。意興於上,吾與於下而已。

之「吉」,終莫之陵也。 九三,賁如濡如,永貞吉。《象》曰:「永貞、

乎? 之著,夫何爲哉? 哉? 文之始難成,而文之成易壞。今賁飾之文如濡 高之勢。₫ 至也。大立君臣父子之分,❷以爲禮樂法度之文。鴻 備矣,文物者矣。譬之於物,光華潤澤,其如沃而濕之 二與四以柔而文三之剛,三以剛而文二、四之柔,制作 周之禮樂之世乎? 蓋九二處文明之極,聚剛柔之文。 不陵尊,而萬民定,天下安矣。 又何加焉? 堯、舜、成、周之世,其法備,其文著。 既備矣,既著矣。 荒之世,其理具,其法隱。伏羲之世,其法立,其文粗。 去則周衰 賁德盛在九三,其千載一 《詩》曰「六轡沃若」,又曰「六轡如濡」,言光潤之 此百聖之功,千載之積,豈一手一足之力 曰守之。 自天高也下之象, ❸至廉遠堂 永久貞固以守之,則下不陵上,卑 時乎? 故周禮存則魯安,周藉 其當堯之文章

終无尤也。《象》曰: 六四當位,疑也。「匪寇婚媾」,六四,賁如皤如,白馬翰如。 匪寇婚媾。

何也? 可也。 也。 之之寇也,婚媾之親也。 受飾也。 賁如皤如,其質可受上九之賁也。 而徐辟能使夷之見孟子。 德則相親,而終无尤也。 如,其志願從上九之急也。質美而受飾,志急於從飾 剛 ,可謂有白受采之質矣。然隔於六五,而不得親,未 故聖人釋其疑解其尤,而曰位。 上九以乾文坤,以剛文柔,六四之柔,從上九之 然隔於六五之居間,每而憂疑怨尤則不可也。 六五與六四,其德同於柔順而相親,非寇讎 故許行能使陳 許行,相之寇也。 雖 若隔 相不識陳良 辟 m 白馬翰 可疑 非夷

《象》曰: 六五之吉,有喜也。 六五, 賁 于 丘 園, 東 帛 戔 戔。 吝, 終 吉。

- 「不不」,尹本、四庫本不重。
- 「大」,尹本、四庫本作「夫」。
- 「也」,尹本、四庫本作「地」。
- 「廉」,尹本作「簾」。
- 「居」,尹本、四庫本作「君」。

治成,而實之敝不作。

不敝,故无咎,

无咎,故得志。

焉。 湯之莘、高宗之巖、文王之渭乎? 矣。六五何耻焉? 乎子房,而六五賢於高祖,可以爲六二歉而爲六五賀 也。六二不能致初九,而六五之君乃能致之,六二異 者,誰哉? 初六義不乘六二之車,舍之而徒行者是 之時,猶有士之隱於丘園,非六五之耻乎? 且隱丘園 之至盛也。然聖人猶曰「吝終吉」者,幣有所宜施,亦 而致之,不使天下有一賢之遺,文治有一毫之缺,此賁 明之化。六五其遂足乎? 體,坤爲吝嗇,故曰吝終吉。嗚呼,六五之賁丘園,其 故榮。榮,故喜。喜,故吉。賢者榮之而畢赴,喜孰大 有所宜吝。吝之於非其人,然後施之惟其人矣。吝, 昭回之光,下飾丘園高蹈之士,將以幣帛厚意之禮,招 百里入而秦喜,樂克用而軻喜,吉孰大焉。 六五文明以止之君,兼羣臣藻飾之業,成天下文 故曰,六五賁之至盛也。 日 未也。 方且垂雲漢 六五坤 然賁

上得志也。上九,白賁,无咎。《象》曰:「白賁无咎」,

柔,志在成賁也。不成賁以賁,而成賁以白,然後賁之无色也。上九居賁之世,自下卦之二,分而文上六之也。救文之窮,其惟質乎? 故曰白賁。白者,質素而少。數則變,文窮則質。上九居賁飾之極,文之窮

矣。新之俗者,未爲陋,而閏仕非其世,固有似白賁而非者,在被於窮奢之時者,未爲矯,而齊詐非其人,瓦器於美

張先生校正楊寶學易傳上經卷第六

張先生校正楊寶學易傳卷第七

廬陵楊萬里廷秀

○剥,不利有攸往。

子尚消息盈虚,天行也。攸往」,小人長也。順而止之,觀象也。君《彖》曰: 剥,剥也,柔變剛也。「不利有

順。 皆順而止之,非逆而激之也。 觀諸剥之象乎? 不利有所往,其遂聽天下之自亂乎? 君子,故君子不利有所往,此君子處剥之道也。 於五陽爲五陰矣。 天亦豈忍天下之久剥乎? 故解黨禍者,陳寔之臨, 剥,落也。自一陰之姤,生而愈長,進而愈上,至 坤順艮止,止亂以順,止小人亦以 五陰盛而外一陽,小人衆而外一 五陽消矣,消極必息,五陰 此君子治剥之道也。然 延唐祚者,方慶之對。 聖人固曰: 然則

《象》曰: 山附於地,剥。上以厚下安宅。也。於是乎知有天道,蓋天道已行矣。

山摧而附下地,爲下民剥君上,言坤艮也。

厚其地,山

盈矣,盈極必虚,故剥極而七日來復。

是以君子尚之

初六,剥牀以足,蔑貞凶。《象》曰:「剥牀不摧,厚其民,上不危。

以足」,以滅下也。

天下之勢若夏屋,屋上庇,牀下承,人中處者也。天下之勢若夏屋,屋上庇,牀下承,人中處者也。正道滅而後凶,于而國者隨之。 下,其流及上。一柔自下,首變一剛,故有剥足之象。 下,其流及上。一柔自下,首變一剛,故有剥足之象。 下,其流及上。一柔自下,首變一剛,故有剥足之象。 下,对,以辨,蔑貞凶。《象》曰:「剥牀以辨」,未有與也。 以辨」,未有與也。

一,大臣之位。今二柔進而變二剛,此小人進爲大臣,辨,牀之幹也。牀有幹,國亦有幹,大臣國之幹。

● 「五陽」二字、疑衍。

六七

有者,聖人猶待其有也乎? 五陰一陽,陽孤且外,孰爲之與? 故曰未有與也。未而退君子之大臣也。其當罷九齡相林甫之日也歟?

失上下也。 六三、剥之、无咎。《象》曰:「剥之、无咎」,

者,勸之之辭也。程子以吕强當之。 下羣陰之心,外亦未能爲一君子之助。然許其无咎六三陰類,不應其類,而獨應上九之陽,內則失上

災其君必矣。其當莽、卓、憲、冀、林甫、國忠權盛之日人近尊,災切於君。四陰自下而進,黨日衆,勢日成,五,君位也,其象身也。剥牀及膚,災近於身。小膚」,切近災也。

「以宫人寵」,終无尤也。 六五,貫魚,以宫人寵,无不利。《象》曰:

陰也。貫者,聯而總之也。寵者,恩以倖之也。如是得尊位,順而止之之道也。魚、宮人,陰類也,謂下四而止其害正,能調羣陰以恩倖,而止其弄權,乃六五柔不五羣陰之類,亦羣陰之主。能總羣陰以聽命,

露何由而作? 世之大利也。其唐之代宗乎? 使文宗忍銀檛,●甘庶乎羣小不爲害矣。无不利者,言不爲害而已,非盛

廬」,終不可用也。《象》曰:「君子得輿」,民所載也。「小人剥上九,碩果不食,君子得輿,小人剥廬。

所載。 耶 ? 曰終不可用, 做之之至也。 蘭亡楚; 有國者亦可以少悟矣。 自幹及膚,猶不已,必剥其室廬,此大厦將顛之時也 之効也。 子高之來。卒安楚者,子高也。此君子得人而民所載 陰極生陽,亂極思治。 其猶歲寒百果摇落之後,尚餘一碩大之果而不爲所食 上九當五陰並進之日,衆陽剥落之餘,一陽獨存。 守澄、令孜亡唐,此小人剥廬,終不可用之効也。 亦危矣。當是時,君子至孤矣,而猶曰得輿 小人極盛矣,而猶曰剥廬而終不可用。 羣小剥正道以覆邦家,如剥牀焉,自足及幹, 斯、高亡秦; 陽庇五陰,廬之象。坤爲大興。 白公之亂,楚幾亡矣,而國 惡來亡商; 張禹、胡廣亡漢; 五陰載一陽,庶民載一輿 尹氏亡周; 賈充亡 何也? 人望 (而民

● 「銀檛」,尹本、四庫本作「録過」。

■ 連 進 走

道,七日來復,利有攸往。○復,亨。出入无疾,朋來无咎。反復其

復,●見天地之心乎?來復」,天行也。「利有攸往」,剛長也。「出入无疾,朋來无咎」。「反復其道,七日《彖》曰:「復亨」,剛反。動而以順行,是以

復? 曷 道之行,消則息,終則始。 順行,則自然出入无疾。 臨而泰,三陽朋來,則復不孤,何患有咎? 下,又將出而進於上,何必欲速? 也。震一陽動而進,坤羣陰順而退。 窮於剥之上,必反於復之下。反,歸也。陽歸爲主,陰 无咎? 日之朝夕,月之晦朔,歲之冬春,逝者如斯,不舍晝夜。 去爲客,主安得不亨? 故復之亨以剛之反,喜之之辭 营頃刻而息哉,故天行則自然反復其道。七日來 復,何以亨? 티 : 日. 天行。 動而 曰: 何以利有攸往? 以順行。 剛反。 朋來无咎,俟之之辭也。天 觀息之出人,物之榮落,❷ 何以反復其道、七日來 何以出入无疾,朋 疾,速也。 曰: 陽既人而處於 剛長。 故動而以 復而臨 陽 來

> 失之愚, 天地之心不可見也,聖人觀於復而見之,又提之以示 陽賤陰,是天地之心; 然則,孰爲天地之心? 動而生物,是天地之心, 无咎矣,利矣,又一言斷之曰: 剛長則利有攸往,勉之之辭也。 君子長,則天下望平治之福。 至復之初九,一陽生於子,七月也。 復,慰之之辭也。 一之日」、「二之日」也。陽長,則萬物望生息之功" 有天下者,可不求彼之心爲此之心乎? 體之聖 履之治,舍之亂。聖愚治亂,此心而已。 七日者,自坤之初六,一陰生於午, 長君子消小人,是天地之心。 豈得止而不行哉? 故 復其見天地之心乎。 聖人極言復之亨矣、 而曰七日,猶《詩

關,商旅不行,后不省方。《象》曰: 雷在地中,復。先王以至日閉

83

已。 關以下,皆聖人順天時之一端也。如後世《月令》是上,一陽已萌於地中。故萬物皆寒,井水獨温。自閉上,一陽已萌於地中。故萬物皆寒,井水獨温。自閉

初九,不遠復,无祗悔,元吉。《象》曰:「不

- 「復」下、尹本、四庫本有「其」字。
- ❷ 「落」,尹本、四庫本作「枯」。

遠」之復,以脩身也。

仲尼以顏子當之,謂其有不善未嘗不知,知之未嘗復 動心自寂。君子以此修身,吉之大也,何悔之有? 反,反而已遠,凶之道也,豈特有悔而已。 生,天地復, 《大學》在致知。人心之知至,即天地之陽生。陽一 復,不遠而復也。動生於心,復亦生於心。復心一生, 卦,震而動之初。 於善、《易》之道无不含羅也。 幾者,動之微。知者,復之微。大哉,知乎! 卦義爲君子道長,象義爲承順天時,爻義爲反復 知一至,君子復。 初九,動而復之初。動而過,過而忘 吉凶悔吝生乎動。下 初九動 而即 故

六二,休復,吉。《象》曰:「休復」之吉,以

下仁也。

初九己復,六二人復。 初九己復,六二人復。 初九己復,六二人復。 一週亦无何形之有。 二而後復,已一過矣。 動而一過,過而後求休息,以補劓而息黥,非貳過而何。 雖然,不有初九克己之仁人,則六二无輔仁之友, 不有然,不有初九克己之仁人,則六二无輔仁之友, 不有然,不有初九克己之仁人,則六二无輔仁之友。 動而一處,是不聞喪明之罪, 微子游、曾子不察襲裘之過。故 对九己復,六二人復。

「萬」,ි、養元子也。 六三,頻復,厲,无咎。《象》曰:「頻復」之

「厲」,義无咎也。

六四,中行獨復。《象》曰:「中行獨復」,以

從道也。

コルー等心。 六五,敦復,无悔。《象》曰:「敦復无悔」,

中以自考也。

六五當陽長之世,居君尊之位,危可復於安,亂可

中。 者,柔而已。 王、漢元帝之徒歟? 强盛而不能散也,則亦僅能成中材之主而已。 復於治,亡可復於存,猶運之掌也。 坤厚,故曰敦復。 惟其柔,故 考,成也。 然猶許其復者,襄王出而復" 一陽疏遠而不能 敦,厚也。六五,坤之 然僅能敦復无悔 援也。 其周襄 四 陰

曰:「迷復」之凶,反君道也。 敗。以其國君凶,至于十年不克征。《象》上六,迷復,凶,有災告。用行師,終有大

元帝摇而復。

畢集; 乾之上九,爲君之亢,復之上六,以其國君凶,則國君 姦邪。伐叛之師未反,而朱泚之變已作, 之, 曰以。 曰反道者, 君道在復。 今六五之君道, 乃爲 者,六五也,以之者,上六也。《傳》曰:「凡師能 之勢成矣。至于元和乃始克征,何啻十年而已乎? 未解,而梁州之幸已嚴。自是而後,姑息之政行,强藩 害真卿,沮懷光,天下皆以爲姦邪,而德宗獨不覺,其 而不改,迷於邪而不復。故凶于而身,則天災人眚之 反」。反,言歸也。 上六所左右,至於迷而違之,何復之有? 上六以陰柔小人之極,居亢滿大臣之位,遂其姦 凶于而國,則師敗君凶而不振。盧杞是也。 寇退曾子反,是也。上六曰反君 《彖》曰 奉天之圍 左右

道,反言違也,文質相反是也

乾農工

○无妄,元亨,利貞。其匪正有告,不利

之矣? 天命不祐,行矣哉! 動而健,剛中而應。大亨以正,天之命也。動而健,剛中而應。大亨以正,天之命也。

以天也,故曰動而健。九五之君,以剛健中正倡於上,陽爲主。下卦爲内,故曰爲主於内。震動,乾健。動震。故曰剛自外來。卦之成,以震爲主。震之卦,以下震,本坤體。初九,自坤之上而來居坤之下,爲

L

天不祐也,天亦不能祐也。行矣哉,言必不行也。 匪正妄動,往將何之? 宜其敗亡而天命不祐也 堅之時,内外无事,可謂小康,是亦无妄之世也。 之命詔武王,而武王乃伐商,是謂動以天。舉國之諫 不動乎? 也? 亦以天之命止符堅,而堅必伐晋,是謂動以人欲。當 所欲,天必從之故也。八百國、三千臣、億兆人,以天 曰:「天命文考,肅將天威。」天命文武以動,文武其得 何爲而能動以天也? E 六二之臣,以柔順中正 剛中而 動以正也。 然則,天命文王,而武王何自知之? 民之 此其所以動而大亨也。 何 爲 天寔命吾動也。 應於下。 而能 動以正也? 其動豈有妄乎? 故武王誓師 何 動以天也 !爲動 而堅 而亨 非 故

茂對時育萬物。《象》曰: 天下雷行,物與无妄。先王以

日: 雷行及時之義。 妄、視雷之无妄、故曰物與无妄。 行,則物稽於藏。 行,而不妄行,物與雷俱出,而不妄出。 「茂哉、茂哉。」古茂、懋通 行於天之下,而鼓於物之上者,其雷乎? 對越而茂勉之爾。 雷宜行而收,則物滯於達。 先王之育萬物,亦體 董仲舒引 蓋雷宜收而 物之无 雷以 《書》 時

初九,无妄往,吉。《象》曰:「无妄」之

也。

「往」,得志也。

耶? 以在厥初。 以天而无妄,焉往而不吉、不得 不妄萬物,一歲之盛福也,聖人動於初,而不妄萬民, 一世之盛福也。 九本乾之體 非不動也,謹於初動也。是惟无動,動而 然則高宗三年不言,威王三年不飛,何 故伊尹戒太甲以謹厥初,周公戒成王 ,初居震之始,所謂動以 志哉? 雷 天者也。 動於 次初,而 動

六二,不耕穫,不菑畬,則利有攸往。《象

「不耕穫」,未富也。

利? 富,而名未富。 之, 能者敗,不能者安。 變子文之政,參遵何之法,子玉爲能,參爲不能矣。 妄動以變初之成哉? 初菑之,二畬之。爲二者,何必矜其能耕且 初九動之始,六二動之繼。 雖不耕,不菑,不求富貴在其中矣。 六二順而中,不矜能,則焉往而不 一矜而動,即動以人欲。 是故初耕之,二 未富者實 子玉 菑 丽

人之災。《象》曰:「行人」得牛,「邑人」災六三,无妄之災,或繫之牛。 行人之得,邑

六三未嘗動而災,是謂无妄之災。災自我來,自我得。 誰,莫知也,問繫之者誰,莫知也,故稱或焉。 池魚殃,魯酒薄,邯鄲圍。今有牛繫於斯,問主之者 妄,奚而災? 此有妄之災。 而坤爻,以静處動也,動而未嘗動也。 災者,非聖賢君子之所能也。 无媿矣。故災至无媿者,聖賢君子之所能也。 此非无妄之災乎? 訟,可訟者邑居者而已。居者奚罪焉,蓋不幸罹災耳。 者與繫之者出而訟之矣。當是時,塗之人不可得而 繫於斯,惟其存於斯,使塗之人夜半取之而去,則主之 小人行險妄動以求免,不亦遠乎? 《償金,偶與亡金者同舍也。 六三无妄而災,六三可 六三震終而近乾,動以天也,无妄之至也。 曰: 事固有不相及而相遭者,城門火, 非我求,●而我得,此无妄之災。既无 故仲尼被圍,貌偶似陽虎也。不 災非无妄之所能免,而 吉凶生乎動,今 然牛之 无妄免 震卦

固有之也。 九四,可貞,无咎。《象》曰:「可貞,无咎」,

失,所以異於不能朞月守者也。 守之,則可以有之而不失矣。此回之擇乎中庸而不以貞固而守此道,則无咎矣。又堅之曰: 能貞固而九四以剛居柔,此豈妄動者哉? 故許之曰: 可

安」之「藥」,不可試也。 九五,无妄之疾,勿藥有喜。《象》曰:「无

仲尼、薳子馮是也。故无妄之疾不藥、无妄之藥不試 是而偶疾,无妄之疾也,治者亦死。不治有妄之疾而 疾,有妄之疾也,不治者死。耳目聰明,血氣和平,如 有有妄之疾,有无妄之疾。犯寒暑,荒酒色,如是而得 自作,信其自愈而已。然則,有疾而不治可乎? 无妄之至也。无妄之至,而猶有疾,則如之何? 班師 也。无妄之藥,无害之藥也,亦不可試,何哉? 則疾自愈而有喜矣。无妄之疾,无疾之疾也,勿藥可 死者,晉景公、齊桓侯是也。不治无妄之疾而不死者 痼 之以王衍之甘遂,藥之効何如哉? 富强爲疾,補之以商鞅之鳥喙,晉人以未清虚爲疾,下 養生者,主梁肉而寇藥石。藥固无害矣,吾无疾,焉用 某未達,不敢嘗。」聖人不試无妄之藥。 五以剛健中正而居尊,二以柔順中正 ,泰和自此充,越人非疾漢, 藥无害猶不可試,而況有害者乎? 而武興師 故有苗疾虞,而禹 而秦人以未 故孔子曰: 而正 耗自此 應,此 日 蓋善 聽其

■「求」,尹本、四庫本作「來」。

「无妄」之「行」,窮之災也。 上九,无妄行。有眚,无攸利。《象》曰:

然則无妄雖曰動卦 師是已。 幾何不貽窮之災乎? 爲改歲而已。使上九居无妄之極,而復欲動而有行, 而已,九五之主人高拱以饗之而已,上九入此室處,曰 二穫之,至於六三,處順以廪之而已,九四安富以守之 許其往吉、往利,造化成矣。譬之農焉,初九耕之,六 成造化之終,有必不可不動者,是爲動而无妄,故聖人 矣。天下雷行,雷制於天也。 乎下,而非天宰之於上,則雷不發而震,物必有札傷者 何也? 之以无妄。然許之未幾,而戒之以行有眚、无攸利者 動萬物者,莫迅乎雷,宰萬物者,莫尊乎天。 无妄之世,六爻皆无妄也。故至上九,聖人亦許 无妄之爲卦,動卦也。然必動而不妄,乃許其 故二之前有動而无妄,三之後无妄而无動 ,吾必謂之静卦矣。 唐太宗高麗之師、明皇雲南之 初九發造化之始,六二 雷動

員 艮乾上

一番,聚也,止也。山韞天者,聚之大也。山止天一大畜,利貞。不家食,吉。 利涉大川。

之世猶濟也,況治平之世乎? 不家食,君用賢也。君臣相逢,吉孰大焉。雖當險難耻爲矣,故大畜利貞。貞者,正也。利貞,臣能賢也。 雅爲矣,故大畜利貞。貞者,正也。利貞,臣能賢也。 正上君以及君,雖不止之以不爲,而君自者,止之大也。臣止君以不爲,不若止君以耻爲。吾

《彖》曰:

大畜,剛健篤

實,輝光

日新其

德。

剛上而尚賢,能止健,大正也。「不家

食吉」,養賢也。 光。 竭。 之不善? 尚,亦上也。 也,上其德也。武尊望曰尚父、康尊畢曰父師是也 然則上九臣也,居尊位之上可乎? 以柔順之資,上上九而己下之,不曰剛上而尚賢乎。 孰能尚賢? 而臻兹? 月常見,而終古常新,運而无息故也。 止之於下,此臣之止其君之不善者也。 言爲臣止君。乾爲君,艮爲少男。 煇光而進,進无息,則煇光者日新其煇光矣。 韞而進,進而韞。 君德剛健,則有進而无息,君德篤實,則有韞而 有大人正己之德,而潛格其非心也。凡天 能尚賢故也。 以五、上二位言爲君尚臣,以艮、乾二體 六五之君是也。上九以陽剛之賢,六五 「利涉大川」,應乎天也。 韞於中者充實,則溢於外者煇 其孰爲賢? 上九是也。其 乾健欲上進,而艮 上之者,非上其位 吾君之德何爲 曷爲能止其君 日 无

益之

一言而班征苗之師,受止而能已之也。

下之不善,吾皆止而不爲,則不必止其君也,蓋有不止下之不善,吾皆止而不爲,則不必止其君也,蓋有不止下之不善,吾皆止而不爲,則不必止其君也,蓋有不止下之不善,吾皆止而不爲,則不必止其君也,蓋有不止下之不善,吾皆止而不爲,則不必止其君也,蓋有不止下之不善,吾皆止而不爲,則不必止其君也,蓋有不止

《象》曰: 天在山中,大畜。君子以多識

前言往行,以畜其德。

彼,體之在此。賢一變至於聖,聖一變至於天。 文、武、周、孔之行,多聞多見,而默識心通焉。識其在 能聚天德。君子之畜其德,聚天德也。何以聚之? 能聚天德。君子之畜其德,聚天德也。何以聚之?

初九 犯災也。 之初也。 下國家,從而已之,則可以不犯天下之災咎矣。舜、禹 奪者矣。 有厲 臣止君在初,君受止亦在初。 初九能易其所至難,知其拂乎吾心而 六四以山壓而止之,其必有危言難受大欲 利已。 《象》曰: 「有厲利已」,不 初 九陽躁,欲上 利乎天 進

舉國之諫而不回伐晉之役,犯災也。

也。 九二,輿説輻。《象》曰:「輿説輻」,中无尤

言。 之諫而止,輿説輻之義也。它卦二爲臣,此九二乾爲而受六五之止,故中而无尤。太宗欲幸東都,畏魏徵而受六五之止,故中而无尤。太宗欲幸東都,畏魏徵善輿,所以行也。説輻,聽以不行也。二居中得正,

往。《象》曰:「利有攸往」,上合志也。九三,良馬逐,利艱貞。曰閑輿衛,利有攸

馬? 以止也。 有 往,卒憂其妄,惟艱惟閑,貞在其間 攸往也。 之,是良馬四之而相逐者也 德則其志合九三者也。 進於上乎? 者寬,而況九三有初九、九二迫其進於下,有上九引其 三居健之極,上九居止之極,健極則塞者通,止極則嚴 乎進者也。 止 志乎進者乾之性,止其進者艮之力。乾爲馬, 而況於有車輿之堅,有兵衛之衆哉? 九二爲輿 然聖人必戒之曰利艱貞者,言必難進 又曰 如君子之畜德者,亦志乎進以行道也。 上九艮體而陽德,艮體則止九三者也 閑輿衛者,言必 ,衆陽爲衛 前一 ,其進而 馬以導之,後二馬以 爲之防閉也。 不可止也,孰禦 畜德君子,行 宜其利 而進必 九 其 志

丘五

六四,童牛之牿,元吉。《象》曰: 六四

「元吉」,有喜也。

六五,豶 豕 之 牙,吉。《 象》曰: 六 五 之吉而有喜矣。蓋旨酒糟丘之濫觴,漆器象箸之履霜。居大臣之位,當止健之任,及初九陽之微而止之,則大重牛,初九之象也。牿牛在幼,止惡在微。六四

一吉」,有慶也。

衢」,道大行也。 上九,何天之衢,亨。《象》曰:「何天之

畜之義也。有一舜在上,有十六相在下,共、驩其能止肠,则爲陰柔止陽剛之羣賢。 止惡而不止善,是大類乎? 良馬相逐,而衢路大通,賢之所以並進,道之類乎? 良馬相逐,而衢路大通,賢之所以並進,道之以大行,善類之所以光享也。 止君惡者始必正,止羣以艮止乾,則爲以臣止君之不善。以二陰止三

之乎?

張先生校正楊寶學易傳卷第七

張先生校正楊寶學易傳上經卷第八

張先生校正楊寶學易傳上經卷第八

陵 楊 萬里廷秀

○頤,貞吉。 觀頤 ,自求口 實。

《彖》曰:「頤,貞吉」,養正則吉也。 之時大矣哉! 也。天地養萬物,聖人養賢以及萬民, 頤」,觀其所養也。 「自求口實」,觀其自 觀 頤

賢,君子可仕之時也。 用 養者寔而 萬民均得其所養。下之所就,必反觀自養之邪正,自 貞則吉、邪則凶、故上不可輕施其養、下不可輕就其 也。 上之所施,必觀其所養之邪正,所養者賢而正,則 上覆下承,衆口森然,卦之形也。 皆頰齒飲食之象,故頤養也。 正,則聖人不失其所養,是養一 然聖人之所養,君子之自養。 頤之時,聖人養 上止下動 人而福天下。 ,卦之

> 哉! 非僞也。 萬民,萬民以堯舜爲天地,吉孰大焉。斯時豈易 也。 不日 天地養萬物,萬物以天地爲天地,堯舜養賢以及 養正則吉乎? 故聖人喜之, 曰頤之時大矣哉。 堯憂不得舜,舜憂不得禹、皐是 自求口寔,寔 逢

《象》曰: 山 下有雷, 頤。 君子以慎言

節飲食。 亦酖其體,故欲節其入。此君子之自養也。 鳴其身,亦寇其身,故欲慎其出。 雷生之,山成之,此天地之養萬物也。 食入於口,腴其 言出於口 然慎言非

體

初九,舍爾靈龜,觀我朶頤, 觀我朶頤」,亦不足貴也。 N_o 《象》曰:

采薇,不羡林肉。

震 子夏之悦紛華: 欲,又戒之以必凶,又耻之以不足貴,庶其有改乎? 智安在? 靈,非无其資也。然見六四之貴臣,則動頤而求養,其 賢智之資,而淺於自養者也,故以 動,初應四 下卦三爻,皆下之自養。 聖人惜之、未絶之也,故既責其舍己 子路之願裘馬 初九未粹之君子也,有 ,幾是歟? 陽明之智,如)而徇 龜之

默,當其可則諫死,不羨括囊。節食非矯,當其不可則

曰: 六二「征凶」,行失類也。 六二,顛頤,拂經,于丘。頤,征凶。《象》

其應。 而違常也。 日 皆失其守而不能自養,兩從而妄行之禍也。 卒棄其母以求仕, 擇,下與上兩比而不應,故失其類也。 征凶者,妄行而凶也。 上亦非其應。於是猖狂妄行,陷於非辟,而不自反。 六二下近於初之賢,既欲下比從之,以養其德,而初非 顛,言從初九而倒置也。 自下上上曰拂,言從上九 而可善可惡者也。 六二,君子小人之雜也。居下卦之中,有中人之 上觀於上九之貴,又欲上比從之,以養其禄,而 丘,上九也,艮爲山 李斯始師荀卿,卒棄其學以滅宗。 所以妄行者,善與貴兩從而不 惡從善,賤從貴,猶陰從陽 吴起始師曾子。 自上下下

《象》曰:「十年勿用」,道大悖也。六三,拂頤,貞凶。十年勿用,无攸利。

六五,拂經,居貞,吉。 不可涉大川。 《象

日

:「居貞」之吉,順以從上也。

勿用,未爲久廢也。六三之所以至此者,干利而已。文、八司馬之徒歟? 故温死於衡,宗元死於栁。十年之極,三也。挾三不正,不知自養而躁於求養,其伾、兩從,蓋明然拂違自養之正道,而公然敢肆大悖以干兩從,蓋明然拂違自養之正道,而公然敢肆大悖以干兩從,蓋明然拂違自養之正道,而公然敢肆大悖以干

六 如哉? 四 初九,有虎視之畏。下不輕其就,上不輕其禮也。 吏朱雲,次也。初九之於六四,有朶頤之戒,六四之於 光大也。 養天下,又何咎矣? 上施光也,言六四在上而所施者 非心邪意,不待初九之切磋而自消。 剛嚴正之德,如虎視焉。六四下而親之,亦望而畏之, 臣,而下求於初九无位之賢者,是倒置也。 應也。六四顛頤而吉,初九應之也。 聖人斷然曉之曰凶,又曰无攸利,拔其本也 《象》曰:「顛頤」之吉,上施光也。 顛 上卦三爻,皆上之所養。 六二顛頤 逐逐,言消去也。 頭,吉。 周公下白屋,上也。 虎 視眈 以此養德,而佐六五之君以 衛青有揖客,薛宣不敢 眈, 其欲逐逐,无 六四以近君之大 其欲其進德,何 而凶,初 而 初九陽 九不

矣。艮止,故不可涉大川。六二拂經而凶,以利動也。涉險有爲,而後爲聖哉? 程子以成王賴周公當之,盡自得其養矣。此真聖人養賢以及萬民之事也。何必反求上九之養己,拂其經常者也。上九位臣而德師,反求上九之養己,拂其經常者也。上九位臣而德師,

六五拂經而吉,以道求也。

頤,厲吉」,大有慶也。上九,由頤,厲吉,利涉大川。《象》曰:「由

止,而利涉大川何也? 止極必動。 濟,況平世乎? 故大有慶也。程子以伊、周當之。艮濟,況平世乎? 故大有慶也。程子以伊、周當之。艮而後吉。果能惕厲而不自盈,以上九之才,犯險猶必願養天下皆由己出,故曰由頤。然位高德重,必惕厲九而已。六五之君所倚信,而衆陰臣民所畢聽者,故一卦二陽而初九在下,在上而居師臣之位者,上

光 見 発 上 下

○大過,棟橈,利有攸往,亨。

乃亨。大過之時大矣哉!弱也。剛過而中,巽而説行,「利有攸往」,《彖》曰:「大過」,大者過也。「棟橈」,本末

之剛陽,君有斯才矣。九二大臣,又斯才也。九四近以施天下大過人之才。孰爲天下大過人之才? 九五也,而曰利有攸往亨,何也? 非天下不可爲之事,无魔,其本弱矣。上橈將折,其末弱矣。此不可爲之時 大過之時,何時也? 大厦將顛之時也。下橈將

亭乎? 本謂初六、末謂上六。上六君上、●棟也。 其中,爲下者順而從,爲上者説而行,往安所不利而 將扶其顛而起之也。 枝梧之,棟雖橈也,厦其可顛乎? 之梁以主之,有九二、九三、九四松栢杞梓之柱森然以 大者過。❷ 陽大陰小,小往大來是也 臣,又斯才也。九三群臣,又斯才也。 六、礎也、亦曰棟者。 卦之反爲上六。 而況四剛雖過於剛,而二五乃得 不惟不可顛 斯厦也,有九 四陽剛過,故爲 也,又 初 不 五

懼,遯世无悶。《象》曰: 澤滅木,大過。君子以獨立不

茅」,柔在下也。

木在澤下,木可沒而不可仆。君子以之舉大過人之事,則獨立而不懼。故陳征之師,周人之艱,乃周公之易。水在木上,水可濡而不可人。君子以之堅大過之易。水在木上,水可濡而不可人。君子以之堅大過人

順承,潔以自淑而已。林宗曰:「大厦將顛,非一木之六柔也,初下也。君子當大過之世而在下,柔以

- 「君」,四庫本作「居」。
- 「大」,原誤作「头」,今據尹本、四庫本改、

巽爲白。 也。白,潔也。柔,故不忤羣小。潔,故亦不汙羣小。枝。」不忤羣小,獨兔黨禍,故无咎。藉,承也。茅,柔枝。

《象》曰:「老夫女妻」,過以相與也。九二,枯楊生稊,老夫得其女妻,无不利。

妻。初六耦而敷散,根象也,故爲生稊。稊,根也。 世,則廢可興,衰可扶矣。木枯而根生,廢可興也。身 世,則廢可興,衰可扶矣。木枯而根生,廢可興也。身 世,則廢可興,衰可扶矣。木枯而根生,廢可興也。身 世,則廢可興,衰可扶矣。木枯而根生,廢可興也。身 也,以下比於初六,此

九三,棟橈,凶。《象》曰:「棟橈」之「凶」,

不可以有輔也

上六之橈。陳蕃、寳武以之。 罪也,過於扶持之罪也。九三以陽居陽,故不可以輔壞之者也。扶傾者傾必速,枝厦者厦必覆。非扶持之也? 九三志過鋭,力過勇,將欲輔上六之棟,而適以也,而於九三言棟橈凶,何

九四,棟隆,吉。有他吝。《象》曰:「棟隆

之吉,不橈乎下也。

哉! 此棟隆吉之効也。 姚、宋; 於過 陰,則吝也。戒之也。 九四自内上而爲上九矣。大過之棟,其不巍巍乎其 材也。上六折矣,兑反而巽,則上六自外下而爲六四。 窮上者必反下,棟折者必易材。 之力也。上棟下字,九四非棟也,而曰棟隆吉,何也? 扶傾拯橈之盛者,其惟四與二乎? 也。 大過不厭於過,亦不過於過,以 退韋賢、千秋而相 退珣、瑜、執誼而相黄裳、漢、唐之興也勃焉。 以剛處剛,不爲九三之凶 然四與初應,有他志而橈於下之一 丙、魏; 九四非棟位也 退張説、藏用而相 ,則爲九五之不 四 剛振二 皆以剛處 弱 ,不厭 面 隆 柔 可

婦士夫,亦可醜也。譽。《象》曰:「枯楊生華」,何可久也? 老九五,枯楊生華,老婦得其士夫,无咎无

六陰邪之小人以爲助。魯昭公欲去季氏而倚公衍、公剛居剛,過於剛而輕於舉。三陽不爲之用,而獨倚上九三有志而過於勇,九四有材而不居棟之位,九五以无譽,又不可久,又可醜,何也? 九二不應而比於初,剛陽之君。九五剛陽之君也,今乃僅能无咎而已。既職大過之世,患无剛陽之臣。有剛陽之臣,患无

也,不可咎也,當自咎而已。 也,不可咎也,當自咎而已。 也,不可咎也,當自咎而已。 程重而過其才者,不足以濟難,而徒滅其身。爲、陰柔者哉? 水溢而過於涉者,不足以濟川,而徒没其陰柔者哉? 水溢而過於涉者,不足以濟川,而徒没其陰柔者哉? 水溢而過於涉者,不足以濟川,而徒没其

坎上

險山川丘陵也。王公設險以守其國。險《彖》曰:「習坎」,重險也。天險不可升也,地險而不失其信。「維心亨」,乃以剛中也。險而不失其信。「維心亨」,乃以剛中也。不流而不盈,行

之時用大矣哉!

不盈。 无複名。 可不設,故曰大矣哉。習坎之上,疑脱一坎字,蓋八卦 設城郭溝池之固。 天之不可升,故設卑高貴賤之嚴。法地之不可踰,故 日有功。 在中,心象,故曰心亨。 坎,故曰習坎。 物曰坎、坎用牲是也。 陷於二陰之中,故水爲坎。 火内陰而外陽,故其明外景。 陰,故其明内景。 坎本坤也,乾一 水惟險則行,故曰行險。 天險上卦,地險下卦。王九五,公九二。法 陽動,故曰水流。 離本乾也,坤 有險之時,不可不濟,无險之用,不 陽交其中,而生水,水内陽 習,重也,習吉是也。上下 險惟行則濟,故曰往有尚,又 坎,陷也,險也。 一陽交於二陰之中,亦 一陰交其中,而生火, 中寔,故曰孚信。 陷於中而未出,故曰 鑿險而 而外 剛 重

留效事。《象》曰: 水洊至,習坎。君子以常德行

初六,習坎,人于坎窞,凶。《象》曰:「習以此進德,以此教民,皆方增无倦之義。洊,再也。水一至則易竭,再至則方增。君子法再至之水,

■「官」、尹本、四庫本作「宦」、是。

八

坎」入「坎」,失道凶也。

未出中也。九二,坎有險,求小得。《象》曰「求小得」,

濟。可小濟不可大得,未出二陰之中故也。 之不幸也。惟以剛居柔,勿以剛競,而以順求,庶乎小道,九二何罪焉? 逢二陰之有險,而陷其中,此君子九二,其羑里之事耶? 以剛毅之德,行中正之

《象》曰:「來之坎坎」,終无功也。六三,來之坎坎,險且枕,入于坎窞,勿用。

險中,欲有所之而進乎上,則犯夫重險,進退皆險,故用,用之終无功,何也? 欲有所來而退乎下,則入于之舉,妄意於見用而邀功者也。聖人則曰斯人宜勿六三以陰柔之資,處剛强之位,此小人欲爲猖狂

也。訓、注是已。 祗益其險也。阻且枕。枕、倚也。人于坎窞、益其險曰坎坎。遇險固欲濟也、然倚姦險之人以求濟險者、

《象》曰:「樽酒簋貳」,剛柔際也。六四,樽酒簋貳,用缶,納約自牖,終无咎。

越相應如左右手。」其九二、❶六四之謂歟? 際。 也。 信日誓之約。 六四外水始至之客也。 而晉復振。 而終无咎矣。 相交以禮,相示以質,相通以信,則庶乎險難之可濟。 之源,而不納夫外水,則外无援。 交於內水,則内无主。九二,內水之先至者也,恃先至 寝盈矣。六四,外水之再至者也。恃再至之勢,而不 蓋內水所陷者,深而不盈也,必外水洊至,則二水合而 六四、九二非應也,而交際者,九二内水之主也, 自牖,内外之通也。 濟險者,衆則易,孤則難。九二求出險而 樽酒簋貳,禮也。 平交驩於勃,而漢始安, 古語曰: 剛,九二。柔,六四。 用缶,質也。 六四之與九二,必也 「同舟而遇風,則胡 嶠自結於導, 納約,信 約,如約 未能 出

九五,坎不盈,祗既平,无咎。《象》曰:「坎

^{●「}二」,原作「三」,依文意改。

原業之濟否,視君子小人之衆寡。小人衆而君子 原,則一君子不勝衆小人。羣臣皆小人,而人主孤,則 是也。代宗陷於離鎮之險而未能出,惟郭子儀可以出 之,然子儀自陷於朝恩、輔國讒波之中。文宗陷於宦 是也。代宗陷於藩鎮之險而未平也。曷爲其不盈而未平 也? 陷於上六、六四之中而未出也。唐之代宗、文宗 是也。代宗陷於藩鎮之險而未能出,惟郭子儀可以出 之,然子儀自陷於朝恩、輔國讒波之中。文宗陷於宦 幸之險而未能出,惟裴度可以出之,然度自陷於元稹、 程異浸潤之內。然則二君其如羣小何? 二臣其如二 程異浸潤之內。然則二君其如羣小何? 二臣其如二 程異浸潤之內。然則二君其如羣小何? 二臣其如二 一賢君亦不勝羣小。九五以剛中之德,亦終不能成大功 一賢君亦不勝章小。九五以剛中之德,亦終不能成大功 一賢君亦不勝章小。九五以剛中之德,亦終不能成大功 一段。九五、九二君臣皆陷于二陰。

《象》曰: 上六失道,凶「三歲」也。上六,係用徽纆,寘于叢棘,三歲不得,凶。

又制於上六之强者歟? 然上六豈終免乎? 宦寺誅而家奴。朕殆不如赧、獻。此坎之九五,逢四陰之衆,而死,安足以知此哉? 挾陰邪之資,切權勢之重,●而六,安足以知此哉? 挾陰邪之資,切權勢之重,●而未知,安足以知此哉? 挾陰邪之資,切權勢之重,●而

也。亦三歲而凶者,窮也。其暫雖强,其窮必凶。唐亦以亡,此徽纆叢棘之禍也。三歲執之而不得者,强

■ 离离上下

) 垂,川丁,丁。 香心三。

柔麗乎中正,故亨。是以「畜牝牛」吉也。木麗乎土。重明以麗乎正,乃化成天下。《彖》曰: 離,麗也。日月麗乎天,百穀草〇離,利貞,亨。畜牝牛,吉。

即百穀草木麗乎土,其明彌厚,而不墮於韓非、晁錯之敗必察,明而養之以柔乃吉。故曰畜牝牛吉。牛,柔畜也。牡牛,柔之柔者也。離之義,麗也。火出於至无,生於生,君也,天也。二在下,臣也,土也。君臣以明相重,在産虚,麗於薪,則无者有,虚者實,薪盡則復初。五在至虚,麗於薪,則无者有,虚者實,薪盡則復初。五在至虚,麗於薪,則无者有,虚者實,薪盡則復初。五在年,君也,天也。二在下,臣也,土也。君臣以明相重,不麗乎土也,可乎? 君之明麗乎正,即日月麗乎天,百穀草木麗乎土也,可乎? 君之明麗乎正,即日月麗乎天,百穀草木麗乎土也,可乎? 君之明麗乎正,即日刻草木麗乎土,其明彌厚,而不墮於韓非、晁錯之、即百穀草木麗乎土,其明彌厚,而不墮於韓非、晁錯之、以出於至天,百穀草木

97

●「切」,尹本作「竊」。

張先生校正楊實學易傳上經卷第八

坤爲母牛。畜,養也。 柔中,謂六五。柔正,謂六二。牝牛,謂二陰,皆坤。薄。此唐虞三代君臣之明也。其化成天下,宜哉!

燭幽枉,慮久長,皆照四方之謂。明之奇者,其明孤而匱。明之兩者,其明續而久。而續以賢也。故日月之不及,而續以月,君所不及,而續以賢也。故日月之不及,而續以月,君所不及,而續以六二之明,是日所明之而者,其明續而久。

之敬,以辟咎也。初九,履錯然,敬之无咎。《象》曰:「履錯」

能」。「聖則吾豈敢」! 且疑其害於國,於陳蔡大夫乎何誅? 衆之所忌、咎之所集,敬者畏謹以晦其明也。● 履之實,錯然璀粲於天下,已不可掩矣。 已知其聖矣,然聖德彰而衆忌興。晏子、子西之賢,然 始然,日之始旦,雖在下而未升,无位而未進,而其踐 非无咎也,敬畏以辟之也。 初九以文明之德,剛陽之資,居離明之初,如火之 不能言。 故匡人不能殺,桓魋不能害。 事 · 君 盡 禮,爲禮必敬,恂恂 夫子之少也,孟僖子 日「聖則吾 非晦其明,則 不然,何 故 誾 不 无

以辟咎哉?

得中道也。六二,黄離,元吉。《象》曰:「黄離,元吉」,

九四乘羣下之上,逼近君之位,❸而席内外重火《象》曰:「突如其來如」,无所容也。九四,突如其來如,焚如,死如,棄如。

- 「以」,四庫本作「而」。
- 「之孫」,尹本、四庫本作「公孫」。
- ▶ 「位」,原誤作「无」,今據尹本、四庫本改。

也? 進退皆无所容也。管蔡、楚子圍晉智伯以之。不可犯,此其火必至於若燼而死,若灰而棄焉耳。何撲滅者。然下則九三剛强而不可人,上則六五中正而撲滅者。然下則九三剛强而不可人,上則六五中正而之氣燄,故其興暴然,其來突然,若有縱焚之勢而不可

六五之「吉」,離王公也。六五,出涕沱若,戚嗟若,吉。《象》曰:

國之事也。其成王顯顯令德,四征弗庭之時乎? 程上九以剛明之極而居上,此王者除元惡以大正其咎。《象》曰:「王用出征」,以正邦也。

張先生校正楊寶學易傳上經卷第八

子謂「去其首惡,而非及其醜類」,得之矣。

張先生校正楊實學易傳卷之九

廬陵楊萬里廷秀

■ 見 見 上 下

○咸,亨,利貞,取女吉。

而不止必流,故利於貞而後吉。艮少男,兑少女。艮陰陽之交。不辨,分不嚴, 不交,情不通,故曰咸感、也。坤六三上而兑,乾上九下而艮,故曰柔上而剛下。也。坤六三上而兑,乾上九下而艮,故曰柔上而剛下。 上經首乾坤,乾坤陰陽之辨。下經首咸恒,咸恒上經首乾坤,乾坤陰陽之辨。下經首咸恒,咸恒

《象》曰: 山上有澤,咸。君子以虚受人。然天氣先降,而後也氣形,男先下女,而後女德隨,君然天氣先降,而後地氣升,男先下女,而後女德隨,君然、萬物,皆以情相感而後通,姑舉男女一端觀之。上的而己下之,故曰男下女。天地、君臣、父子、兄弟、

也。初六、咸其拇。《象》曰:「咸其拇」、志在外

拇也 也? 止也。 也。 拇。 之感初六,欲行者也。 咸而感之者誰也? 足,三與四與五肖乎身,上則肖乎口,故初六爲咸其 中有物。 九四説之初,初六止之初,初與四應者 拇,大指也。 易者,象也。 ,腓也,股也,脢 九四説而不正 魯宣不能食叔肹、季氏不能宰子騫 如咸之象,則肖乎人之一身。 舉二大指,❶則足見矣。 象者, 肖也。 九四也。 也,輔頰舌也 . 日 而初六止而不行,是 志在外者,欲外物而 九四之體,一身之心也。 如噬嗑之象,則 ,聽乎心而動静者 初與二肖乎 初六拇也 是也 心行 也。 肖 而足 九四 乎頭

六二,咸其腓,凶。居吉。也。初内也,四外也。

象》

曰:

雖

「凶、居吉」,順不害也。

一與五應,二待五之感而應可也。而二之體則腓二與五應,其位吉,其體凶。 一二以陰居陰之而不應者有矣,未有无感而應者也。六二以陰居陰之而不應者有矣,未有无感而應者也。 垂不叩而鳴則妖,不聽商鞅之説,而鞅三變其説以入之,非不感而動求入焉,則亦吉而不害矣。伊尹、傅説、吕望、孔明,感之而不應者有矣,未有无感而應可也。而二之體則腓二與五應,其位吉,其體凶。

股」,亦不處也。志在隨人,所執下也。九三,咸其股,執其隨,往吝。象曰:「咸其

人,不擇其人,志之所執,每執愈下,豈惟往吝而已?之身而動也。自動則妄,隨人則牽,故九三之與六二,其動異,其失均也。九三孰感而孰隨也? 感於上六之其動異,其失均也。九三孰感而孰隨也? 感於上六之其動異,其失均也。九三孰感而孰隨也? 感於上六之其動異,其失均也。九三孰感而孰隨也? 感於上六之之則而動也。自動則妄,隨人則牽,故九三之與六二,

來」,未光大也。 象曰:「貞吉,悔亡」,未感害也。「憧憧往九四,貞吉,悔亡。憧憧往來,朋從爾思。

哉? 唐德宗之猜忌以之。 思窮物,適以物窮思,安能窮神知化,而成光大之盛德 思未能感通於事物。 其擾且害矣。非如貞吉无思之時,未感而无害也。 慮」、蓋此心何思 有物矣。惟无物者見物,有物矣,安能見物哉? 鏡則虚而照,思則索而照。 思,責其廢心而任思也。心者身之鏡,思者鏡之翳。 而照則明,索而照則昏。 九四在一卦之體,如一身之心也。不言心 今也不然,憧憧焉役思於事物往來屈信之變,故 何慮則虚,虚則貞,貞則吉,何悔之 而事物萬緒,朋來從之,而不勝 仲尼繫之曰「天下何思何 虚而照,无物也。 索而照, 故虚 一而言

九五,咸其脢,无悔。《象》曰:「咸其脢」,

志末也。

王弼云:「脢者,心之上,口之下。」其膺膈之間

- 「諺」,尹本、四庫本作「所」。
- 「五」,原誤作「立」,今據尹本、四庫本改
- 「末」,原作「未」,據四庫本改。

上六,咸其輔 末。 乎? 在 无思也,非昏懵乎? 元帝之優柔不斷,似至虚 香 感之盛 ൬ 咸,如一身之脢也。 而非也、係説恭、顯故也。 「懵而已,九五是也。係二説上,不忘其本,而志其 不神則昏。神者,心也。 二與上皆陰柔不正之人也,而九五係之,說之,雖 也。 身至虚无思之地也, 止日 頭舌。 1无悔 ,何也? 脢也不柔,亦无用之剛而已。 象》曰: 不神者,膈也。 九與五皆剛陽也,而其位 蓋无思而神則明 九五當之。 「咸其輔 膈雖无思 宜其 一,似无 无思 爲 頰

舌」,滕口説

也

間乎? 感而 於萬物、聖人之於萬民與? 者 果易乎哉 用之感應, 血 頰是也。 近君用事,以口才而感動九五之君者也。其公孫衍 也。 氣壅閼,精神漂離,則 儀、淳于髡、陳賈之徒歟? 失其應,有思感而不勝其應,有不感不應而爲无 上六居説媚之極,有啓口之象。 感而非其道,雖 故咸之六爻,有不感而應,有感而不應,有應 蓋血 非 氣流通,精神洞達,則一身輕於 道 之感而不許其 身不能相使,如咸之自拇至 指重於百鈞。 夫父子夫婦兄弟朋友之 夫吾之一身,感之至易 應。 是小人之在上。 然則,咸感之道 而況天地之 — 羽

農異工

已也。 《彖》曰: 物之情可見矣。 於其道而天下化成。 天而能久照,四時變化而能久成, 利貞」,久於其道也。 與,巽而動,剛柔皆應,恒。 恒,亨, 「利有攸往」,終則有始也。 无咎,利貞。 恒,久也。 天地之道,恒久而 觀其所恒 剛上而柔下, 利有攸往 「恒,亨,无咎, 一, 而 聖人 日月 天 雷風相 地 得 久 不 萬

而異。 終而復始,所以恒而不窮」。 臣、父子、長幼之常分正矣。 男,此夫婦之偕老。 曰利貞。剛上,謂乾之初升而震。柔下,謂坤之初下 君臣罔終,朋友隙末,皆失恒之道矣。 男尊女卑,尊卑定位,然後天地, 咸以少男下少女,此男女之新昏。 終則有始,荀爽謂「乾氣下終,復升上居四 坤氣上終,復降下居初而爲始」,程 男下女,則女隨。 正則可久,久則可恒,故 若夫夫妻反目,父子相 日月、春秋、君 恒以長女下 女下男,則 子謂 而 則 爲 男 長

^{●「}升」,原誤作「非」,今據尹本、四庫本改。

(象》曰: 雷風,恒。君子以立不易方。

終始變化者,恒之道所以久而不窮。立不易方

者,恒之節所以久而不變。

恒」之凶,始求深也。初六,浚恒,貞凶,无攸利。《象》曰:「浚

户也。 九二,悔亡。《象》曰: 九二「悔亡」,能久

其惟顔乎?❶ 故擇中庸,无祗悔,仲尼皆以許之。知擇乎中庸,而不能朞月守也。三月不違,一善不失,悔而亡者,二五相應,皆恒久於中道者也。人皆曰予悔而之者,二五相應,皆恒久於中道者也。人皆曰予以陽居陽,常也。九二以陽居陰,非其常也。宜

曰:「不恒其德」,无所容也。 九三,不恒其德,或承之羞,貞吝。《象

譎,士不能以孚其朋。如鄭朋之兩從、吕布之屢叛,人於羞辱矣。蓋忽欣驟忿,父不能以安其子, 初正終无恒者也。其德无恒,不可以作巫醫爲卜筮,難乎免九三以剛躁之資,處上下之間,當雷風之交,動而

「禽」也。 九四,田无禽。《象》曰: 久非其位,安得

誰納我?

宜其无所容身也

者,作《易》者其知雄之心者耶? 思堂,非其時,則有道者不處也。顧雄欲之而不得哉? 揚雄久居莽賢之間,官不過侍郎,執戟是也。金哉 "人居莽賢之間,官不過侍郎,執戟是也。金

從婦凶也。曰:「婦人」貞吉,從一而終也。夫子制義,曰:「婦人」貞吉,從一而終也。夫子制義,六五,恒其德,貞。婦人吉,夫子凶。《象》

九二之强臣, 爲夫子則柔弱而下從九二之强婦。以也五君位也,六五長男之正體也。爲君則柔弱而下從夫强於婦,其敝猶弱。君剛於臣,其敝猶柔。今

●「乎」,四庫本作「子」。

矣。其魯哀、晉元之世乎?爲夫,制義自我者也,而用之凶于而家,害于而國,必此爲恒,此婦人之以順爲正,以一守順則吉也。爲君

无功也。 上六、振恒,凶。《象》曰:「振恒」在上,大

靖之治可也。 在 无功也。 而 六居守恒之世,當處静之時,爲在上之臣,謂宜鎮以安 哉? 也。 摇之者,志於要功而已。 處静者如 處動者猶願 桓温枋頤之役: 今乃挾陰邪之資,居震動之極,必欲振 (捧盈, 其静,處静而願 懼其 (動也。 聖人探其志,而折之曰 商浩桑山之師是已,功焉 處動 其 動也,可乎? 者如 操 舟, 大 上 其

載良

○遯,亨,小利貞。

與時行也。「小利貞」,浸而長也。遯之時《彖》曰:「遯亨」,遯而亨也。剛當位而應,

聖心焉在? 曰: 在天下而不在一身。故曰遯亨,遯吾讀《易》至遯而歎曰: 遯其見聖人之心乎?

義大矣哉

哉? 之義甚大,而未可躁也。 天下如此,故曰遯之時義大矣。 魯而行之遲, 其勢猶可以小有所正,而未至於大壞也乎? 者乎? 二陰雖長於內,然漸 之退,聖人之通天下之窮也。 而亨也。 ,聖人之於天下,亦徼倖於萬一。 五以剛陽當君位,而與二爲應,其時猶可與 遯而亨者, 窮於進 孟子三宿出畫而猶曰速。聖人之心在 故小人之於一身,徼倖於萬 而通 而未驟,四 聖人豈倖倖然決 言其進退之時,去就 於退 也。 陽猶盛於外, 雖 然 孔子去 聖人 於 退

不惡而嚴。 《象》曰: 天下有山,遯。君子以遠小人,

嚴。 國 曰遯。 於外,三變則爲否也。 不於歷山 後爲遯哉? 下有山, 遯義也。 ,何不嚴之有? 何疾惡之有? 孔子答貨日 卦之名,有以象,有以義。 孟子與 遯者,退而避也。 八王驩 大遯遯 日 遯 諾。 同事。 何謂義? 管、蔡不於曲阜。 惟不惡,故不害, 見 於朝,小 貨 其義爲陽避陰,君子避小人,故 吾將仕矣」, 亦闞亡, 故曰君子以遠小人,不惡 退而避者,豈必江海山林 取二陰長於内,四陽將 遯遯於野。 地中有山、謙象也。 見驩未 孔子與陽 惟嚴,故不汙。 孟 舜遯 子與驩 當與 共 朝 言 貨 暮 同 然 消 天 丽

尾」之厲,不往何災也?初六,遯尾,厲,勿用有攸往。《象》曰:「遯

之最後,故爲遯尾,故危厲而災。揚雄仕於莽,蔡邕仕皆喜其蚤也。初六柔而不能決,止而不能行,又居遯四剛也,則又遯,故上爲肥遯,五爲加遯,❶四爲好遯,世,上九剛而知幾,則最先遯。九五剛也,則又遯,九世。上 進處後,則遠利明。退處先,則遠害蚤。處遯之

曰: 執用「黄牛」,固志也。 六二,執之用黄牛之革,莫之勝説。《象》

前、故初乃爲尾、尾在後。」

不蚤,今往无及也。

程子曰:「它卦以下爲初,遯欲在

於卓是已。曰勿用有攸往,又曰不往何災,言其往之

中,順也。執與革,皆堅也。堅執柔順,則其順不可勝資,不能爲姦雄之魁也。又憂其執柔順之不堅也,則己未必能亂天下。而无固志以從亂者,有矣。張禹從己未必能亂天下。而无固志以從亂者,有矣。張禹從己未必能亂天下。而无固志以從亂者,有矣。張禹從己未必能亂天下。而无固志以從亂者,有矣。張禹從己未必能亂天下。而无固志以從亂者,有矣。張禹從一次二不言遯者,二遯之主也。四陽,爲我而遯者

「係遯」之厲,有疾憊也。「畜臣妾吉」,不九三,係遯,有疾厲,畜臣妾吉。《象》曰:

可大事也。

以己臣妾人,則吉。以己臣妾於人,則危。媿張翰也。暱係,非大人之事也。臣妾,小人之事也。亦終於危害而已。此紀唐之所以媿龔勝,機雲之所以亦終於危害而已。此紀唐之所以媿龔勝,機雲之所以九三非无剛明之質,而暱係於二,戀戀而不能遯,

君子「好遯」,小人否也。九四,好遯。君子吉,小人否。《象》曰:

以正志也。 九五,嘉遯,貞吉。《象》曰:「嘉遯,貞吉」,

不能違時,況聖乎? 故堯舜遯天歷, 伊、周遯天亦曰嘉遯貞吉,又曰以正志,何也? 聖人,天也。天九五以天德宅君位,而當遯之世,其將焉遯? 而

●「加」,四庫本作「嘉」。

九

者歟? 孔、孟遯天意。是六遯者,遯之至嘉,志之至正

利」,无所疑也。上九,肥遯,无不利。《象》曰:「肥遯,无不

行,❶孟子浩然有歸志之事也。 安能去之无不利,決之无所疑乎? 此孔子不税冕而之外,遯之最先者也。自非道德之豊肥,仁義之膏潤,上九以剛斷之極,居遯之世,在无位之地,處一卦

川乾上

〇大壯,利貞。

之情可見矣。 出。大壯「利貞」,大者正也。正大而天地《彖》曰:「大壯」,大者壯也。剛以動,故

動則柔者退,强者長則弱者消,理之自然也。泰曰小適矣? 四陽盛强,二陰微滅,大者盛則小者衰,剛者之情,不可見也,以正大而可見。學者求道,舍正大何之情,不可是也,以正大而可見。學者求道,舍正大何不曰大乎? 大則舉天下不正无所事,不曰正乎? 正惟正故大,惟大故正。正則舉天下萬物莫能加,

往大來是也。

九二,貞吉。《象》曰: 九二「貞吉」,以中也。 九二居大臣之位,爲衆陽之宗,當大壯之世,曷不 是柔,以中自守,僅能貞而占者,陽既壯矣,壯既大矣, 是柔,以中自守,僅能貞而占者,陽既壯矣,壯既大矣, 是不以過中失正,而敗吾大壯之勢乎? 以下之望乎? 而循循然以剛 學一世以大有爲,以慰天下之望乎? 而循循然以剛 學一世以大有爲,以慰天下之望乎? 而循循然以剛 以下之望乎? 而循循然以剛

■ 「税」、尹本、四庫本作「脱」。

也。藩,嬴其角。《象》曰:「小人用壯」,君子罔流,孙人用壯,君子用罔,貞厲。羝羊觸九三,小人用壯,君子用罔,貞厲。羝羊觸

走是已。用罔,无所用也。羸其角,鄭玄作纍。 然用。故雖貞而亦厲,而況不貞乎? 陽處父、灌夫之順之勇。狃於勝,故怒及於无心之藩。然藩无心而能屬之勇。狃於勝,故怒及於无心之藩。然藩无心而能為,角易往而難反,終覊纍其角而後已。羸與纍,古字通也。故雖貞而亦厲,而況不貞乎? 陽處父、灌夫之通也。故雖貞而亦厲,而況不貞乎? 陽處父、灌夫之

之輹。《象》曰:「藩決不羸」,尚往也。九四,貞吉,悔亡。藩決不羸。壯于大輿

有往進之喜。 爻也。豈惟藩之決,亦无羸角之憂。 九四不觸而決者,九三遇九四之藩, 用其壯,此其所以貞也,故吉而悔亡。 而進也。三十輻俱壯,而興可往。 輹 與輻 此陸賈和調平、勃 九四居近君之位,得衆陽之助,而能以剛居柔,不 同 輿之大,可往而進也。 以 安劉滅吕之事耶? 四 而九四之上皆陰 豈惟角不羸,亦 陽俱協 輹之壯,尤 九三觸藩而羸 mi 程子云 時可 可往

易」,位不當也。六五,喪羊于易,无悔。《象》曰:「喪羊于

不詳也。「艱則吉」,咎不長也。 大五當衆陽盛强于下之時,乃能使衆陽帖然而自 京五也。「艱則,六五之才雖與位不相當,乃所以爲相當也。德踰則,六五之才雖與位不相當,乃所以爲相當也。德踰 東者,正以柔順和易之德而調伏之也。故无悔。然 不詳也。「艱則吉」,咎不長也。

也。 非病也。 不下亦死。 眷眷焉而不能退。上不過爲張華,其下商鞅、李斯矣。 以進之難也。 也,揖必以三,其退也,辭止於一。唯其思之詳也,是 艱則吉,在初進之難也,至於其終,譬諸乘虎,下則死 不能退者,居衆爻之上也, 故无攸利。 上六以壯之終,居動之極,故亦有羝觸藩之象。 不能退,乃病也。 好進而上人者,可不懼乎? 進之易,則退必難矣。上六之不能遂, 然猶幸其柔也,故艱則吉。 以陰柔之人,超六位之上, 不能遂者,處 君子之進 一卦之窮

張先生校正楊寶學易傳卷之九

張先生校正楊寶學易傳卷第十

廬陵楊萬里廷秀

离坤上

《彖》曰: ○晉,康侯用錫馬蕃庶,晝日三接。 晉,進也。 明出 地 上,順 圃 麗 平

大明,柔進而

上行。

是以「康侯用

錫

馬

蕃

庶,晝日三接」也。 晉之世,上則天子進乎德,有不己之明,下則諸

明。 進於順 順,可也。 進乎順,有不己之報。進乎德,如日之出於地,愈升愈 晝日三接,而禮之者頻也。 已,故上燭下亦不已。 進乎順,如地之承於日,愈下愈高。 三接,下三陰也。 ,則尾大而蹠盭矣。 諸侯非在廷之臣也,在外之臣也,在外而 是以錫馬蕃庶,而恩之者豐。 柔進 坤 君進於明,可也。 而上行,謂 爲馬,離爲日。 下順上而 六五 臣進於 也。 日 出 康 地 不 不 侯

> 德。 象》曰: 侯,天子鎮撫諸侯以安之也。 明 出 地上,晉。 上下相安,則天下安。 君子以自 昭 明

濯。 自昭者,自用其力以瑩之之謂。 旨酒,湯之不邇聲色、●不殖貨利,徹其掩以自 上,則孰掩夫日? 有掩 則明者曀。 自昭明德 心有掩 ,則孰掩夫心? 故日出如躍 則 明者盲。 昭 禹之惡 明 昭 德如 出 地

《象》曰:「晉如 咎」,未受命也。 初六,晉 如 摧 如 摧 貞吉。 如」,獨 行 罔 孚,裕 正 也。 「裕无 无 咎。

矣。 罔 乎 泯。 且懟。 間者,不見咎於人。 是之時,必進則躁,必退則激,未見信而必其見信則諂 惟初六順而静者能之。 屹然於進退之初者,不詒凶于身。 未見信也。 必也屹然而正,則躁激消,怡然而裕,則 楊氏以孟子進退有餘裕當之,得之 初六處進爲之初,未受命於上 晉如,進也。 怡然於疑信之 摧 如, 退

0 湯」 原作「易」,今據尹本、四庫本改。

母。《象》曰:「受兹介福」,以中正也。六二,晉如愁如,貞吉。 受兹介福,于其王

中者也,六五是也。
中者也,六五是也。
大二以柔順之德,逢文明之君,當亨進之位,能居
大二以柔順之德,逢文明之君,當亨進之位,能居

六三,衆允,悔亡。《象》曰:「衆允」之志,

故曰衆允。 故曰衆允。 故曰衆允。 故曰衆允。 本書,陰居陽。下不爲六二之大臣,上不爲九四 大三,陰居陽。下不爲六二之大臣,上不爲九四 大三,陰居陽。下不爲六二之大臣,上不爲九四 大三,陰居陽。下不爲六二之大臣,上不爲九四

厲」,位不當也。 九四,晉如鼫鼠,貞厲。《象》曰:「鼫鼠貞

如鄭莊之逼周。以近臣則僭乎王權,如桓温之僭晉。之地,處羣下之上,躐三陰之前。以康侯則逼乎王室,處遯惡後,處晉惡先。九四,以剛狠之資,超貴近

《象》曰:「失得勿卹」,往有慶也。六五,悔亡。失得勿卹,往吉,无不利

尚剛? 服其明矣。 而 不旱熯暍死矣乎? 主德尚剛,惟晉之一卦主德不尚剛。 慶而有之。 卦或得其一二,已爲卦之盛。 又慶也。 五慶也。 吉,必无不利,又勸之以往則有慶。且夫悔則亡矣,六 吉,宜不利,而聖人斷然許之以悔亡、以 不烈。 六五柔主也,宜不立者也。 日 大氐,日中非日之盛,而莫盛於朝日, 即則勿如矣,六五又慶也。 往則无不利矣,六五又慶也。 然則主之不立者,其福固如是乎? 初出之朝日 晉之主,如日之出地,此朝日也,天下已 惟柔,故明而不虐,燭而不察,淑 ,而遽若方中之烈日,天下其 今六五柔主,乃兼此 宜悔吝,宜憂卹, 曷爲晉之主德不 往則吉矣,六五 是四慶者,它 勿卹、以 往 剛 宜 明 四

誠齋先生易傳

傾。 也,宜其福之盛也。 非晉之盛,而莫盛於柔明。 失皆勿憂卹。六五、離也、爲日、爲火、雖柔猶剛也。 立」,又曰「高明柔克」,六五以之。失得勿即 高宗之不言,小則如 君之爲明,柔則容,剛則窮。 孰謂其柔而不立哉? 齊威王之不鳴。 蓋日之爲明 六五,晉之盛明之主 《書》曰 ,朝則升, 大則 調 「柔而 得與 如 中 則

上九,晉其角,維 《象》曰:「維用伐邑」,道未光也。 用伐 邑。 厲吉无咎,貞

厲者 之極也。 父剛而干時, 爲貞固 危之心,聖人尚許其吉无咎也。 窮物,剛不自攻,而用之以伐人。若反其剛明,而有 而无所用之,維思攻伐人而已,夫明不自照,而 一陽厲且吝。 ,惕厲而自危也 上九以剛明之資,進而至於首,又進而至於角, ,聖人知其吝未光也。 明極者必窮物,剛極者必觸物,故不勝其剛 ,所以敗也。 德宗以 强明 晉 自 明卦 任,其 子玉剛而 或挾其剛明, 也。 未有得 丽 无禮, 四陰吉悔亡 於此乎? 用之以 而 百以 剛 自

> 其明也。 柔順,以蒙大難,文王以之。 彖》曰: 内難 明 人 而能正其志,箕子以之。 地中,明 夷。 利 内文 艱貞」, 明 而 外 晦

之有? 箕子。 也,何時也? 以傷夫明也。 之道也。 蒙犯羑里之大難,而紂无所施其虐,此文王掩 卦之道者,文王也。 如明夷之時,明之傷也。 字爲衍。 大能及天下,而不能及文王, 坤之柔順,我則用之以服事商。 生,何利之有? 不正其志,則以險難而傷其明。 人地中,明夷」、《易》之例未有也。 卦,故内焉離之文明,我則用之以不失其聖, 艱而利,利而正。 易之道有時,有人逢其時,顧其人用之者何 此用明夷之力也。 大難,以天下言, 箕子用一爻,故不惟利於居易,而 紂之時也。 惟能 掩而不傷,是明夷之道也。 用一爻之道者,箕子也。 蓋 孰傷乎明也? 不晦其明 是道也, 然《彖 内 難,以一 小能及一家,而不能及 用是二者,是故以此 》解 恐此 孰能用之? 則以艱 家言。 「明人地中 地掩夫日 亦利 險 同日 紂之難, 文王用 而 丽 如 ,何貞 外焉 是時 不傷 傷 於處 耳。 边四 「明 所 其

明人 地中, ,明夷。 君子以涖 衆,

■ 単離 上下

明夷,利艱貞。

110

九六

于行」,義不食也。不食。有攸往,主人有言。《象》曰:「君子初九,明夷于飛,垂其翼。君子于行,三日

《象》曰: 六二之「吉」,順以則也。 六二,明夷,夷于左股,用拯馬壯,吉。

時,惟晦者可免於傷,而六二乃有文明之德,此暗主所六二居明夷之時,最不幸者也。 何也? 當此之

傷。 大德,而乃有事君之小心,順乎君臣之天則也。 臣罪當誅,而天王聖明者,順以則也。 之, 閎夭之徒脱之者, 馬壯之捄也。 柔而恭, 淵而懿 時,此正文王之事也。見囚者,傷股也。伯夷、太公歸 傷股矣,非凶乎? 傷而獲拯,非凶之吉乎? 當紂之 壯,處之者順,所以吉也。非吉之吉也,凶之吉也。 馬壯之捄。❶ 昏世之所不得去也。以其位之不得去,故有左股之 人歌之曰「順帝之則」,而仲尼今贊之曰順以則也。 甚忌也,惟去者乃免於傷。而六二乃居大臣之位,此 人、仲尼其見文王之心乎? 股肱左右者,大臣之象也。以其德之文明,故有 初九、九三,乾馬用壯之助也。 助之者 則者,有君人之 故詩

《象》曰:「南狩」之志,乃大得也。九三,明夷于南狩,得其大首,不可疾貞。

武之事,是也。程子混而言之,婉也。請別而言之。❷非紂當之,其誰當之? 然則孰當九三? 程子以爲湯者其上六乎? 上六位之高,暗之極,此明夷之主也。六五當箕子,六二當文王,然則孰當紂乎? 當紂

- ■「捄」,四庫本作「拯」,下「馬壯之捄」同。
- ❷ 「請」,尹本、四庫本作「試」。

張先生校正楊寶學易傳卷第十

克相上帝,寵綏四方,曷敢越志,是志得也。 吃。非武王伐紂之事,其何事乎? 故恭行天罰,是南在。非武王伐紂之事,其何事乎? 故恭行天罰,是南至正也。志於得其首,而非志於利其得者,昭其不私至正也。志於得其首,而非志於利其得者,昭其不私至正也。志於得其首,而非志於利其得者,昭其不私,所屬難明之之。其武王之事乎? 九三居下卦之上,而體離明之

《象》曰:「入于左腹」,獲心意也。六四,入于左腹,獲明夷之心,于出門庭。

彼正,勢難以並,此其理也。然小人知傷君子以逢其 聖賢,而必欲傷之乎? 是聖賢有不免其傷者矣。 是故挾左道,用非僻,以中其君之慾,至於深入其腹 時,有昏暗之君,而无陰柔小人之佐,孰與逢昏主之惡 六四坤之初也,坤爲腹 之所以見獲者、非九三也、六四也。當紂之世、所謂六 君,不知傷君子以傷其君,故得大首者,九三也。大首 心,而壞其中,探得其傷害君子之志意,而肆于外,於 而傷君子之明哉? [者,其飛廉、惡來之事乎? 上六,明夷之君也。六四,明夷之佐也。 惟六四以陰柔之奸,居近君之位 蓋上暗下明,惡易以形,此邪 且暗王之與小人,●何仇於 出門庭者,出而肆于外。 明夷之

之貞,明不可息也。六五,箕子之明夷,利貞。《象》曰:「箕子」

明,故全於人, 陰,晦也。以六晦五,故爲箕子之明夷。 之深,所謂内難者也。 而不利。 望,亦或以六五之德與位歸箕子敷? 而又與微子皆疑於商家及王之制,意其當時天下之 姓之親也,此孟子所謂易位之卿也。 不足以當之,當之者舍箕子而誰也? 五以陰居陽,以柔居剛,得中守正,陽剛之君子也。 五,君位也,而聖人以箕子當之者,明夷之時,六 非守其貞而不同其惡,則明滅而或息。 晦。 明不息,故全於天。 非爲之奴以深晦其明,則居艱 登于天,後 五陽,明也。 箕子既有此 此紂所以疑之 又箕子與紂 人于 晦其 同

地」,失則也。《象》曰:「初登于天」,照四國也。「後入于上六,不明晦。初登于天,後入于地。

- 「之敵」,原漫漶不清,今據尹本、四庫本補。
- 「一狩而」,原漫漶不清,今據尹本、四庫本補。「是惟无狩」,原漫漶不清,今據尹本、四庫本補

0

● 「王」,尹本作「主」。

之時乎? 之嗣位,聞見甚敏,材力過人,其初登于天照四國之時 之嗣位,聞見甚敏,材力過人,其初登于天照四國之時 之嗣位,聞見甚敏,材力過人,其初登于天照四國之時 之嗣位,聞見甚敏,材力過人,其初登于天照四國之時 之嗣位,聞見甚敏,材力過人,其初登于天,而四國望之以照

異常上

○家人,利女貞。

夫夫、婦婦而家道正,正家而天下定矣。焉,父母之謂也。父父、子子、兄兄、弟弟、外。男女正,天地之大義也。家人有嚴君外。男女正,天地之大義也。家人有嚴君(第7),

前之二正在《彖》,後之二正在大《象》與上九。然家人子兄弟,而莫難於一婦。一婦正,一家正。一家正,天下定矣。故家人之卦辭曰利女貞。大哉,女貞之利下定矣。故家人之卦辭曰利女貞。大哉,女貞之利正莫易於天下,而莫難於一家。莫易於一家之父正莫易於天下,而莫難於一家。

南面,則男女易位,名分亂矣。 南面,則男女易位,名分亂矣。 官職二,其道一。婦職順,父職嚴,合嚴順之道存乎之職二,其道一。婦職順,父職嚴,合嚴順之道存乎之職二,其道一。婦職順,父職嚴,合嚴順之道存乎之職二,其道一。婦職順,父職嚴,合嚴順之道存乎之職二,其道一。婦職順,父職嚴,合嚴順之道存乎

物而行有恒。《象》曰: 風自火出,家人。君子以言有

野木也,風也,今舍木取風。離日也,火也,今舍 居取火。蓋火本生於木,木者火之父,風還出於火,火 出,風自火出,教自家出,家自身出,故君子正言行以 出,風自火出,教自家出,家自身出,故君子正言行以 嚴身。嚴身以家,嚴家以天下。言必有物,言而无物 關東。嚴身以家,嚴家以天下。言必有物,言而无物 則欺。行必有常,行而无常則僞。欺乎言,僞乎行,而 能正家者,无之。

志未變也。 《象》曰:「閑有家」,

婦訓始至,子訓始穉,及其志意純一而未變也。

女,●文之刑于寡妻也。魯桓公、唐高宗反是。一日之正,終身之正也,何悔之有? 此舜之刑于二初九處家人之始,初而用剛陽之嚴治,有防閑之遠慮,

六二之「吉」,順以巽也。六二,无攸遂,在中饋,貞吉。《象》曰:

事文也。 順則安而不僭,巽則卑而不傲,此二女之事舜,大姒之 孰大焉,吉孰禦焉? 位,退然无攸遂,以尊其夫,劬然羞饋祀,以事所職,正 有腐木爲柱之禍。六二以柔順之令德,宅閩内之正 牝味鳴晨之禍。❷ 敬也,言有先也。婦而遂事則僭,僭則家不齊,時 婦无遂事,必有尊也,言有夫也。 褒、妲反是。 婦而不職則傲,傲則家必隳,時則 故聖人贊而譽之曰順以巽也。 婦職饋 说祀,必 則 有 有

嘻嘻」,失家節也。吝。《象》曰:「家人嗃嗃」,未失也。「婦子九三,家人嗃嗃,悔厲,吉。婦子嘻嘻,終

之以失節。九三剛而過中,嚴勝者也。正家之道,聖人故聖人勸之以未失。和勝者,雖悦懌而終吝,故聖人戒勝也。嘻嘻而笑,和勝也。然嚴勝者,雖悔厲而終吉,不家之道,嚴勝則湯,❸和勝則溺。嗃嗃而嚴,嚴

有家」,交相愛也。

善富家者,不實珠玉,而以父慈子孝爲珠玉。不豊善富家者,不實珠玉,而以父慈子孝爲珠玉。不豊善善富家者,不實珠玉,而以父慈子孝爲珠玉。不豊善善富家者,不實珠玉,而以父慈子孝爲珠玉。不豊善善富家者,不實珠玉,而以父慈子孝爲珠玉。不豊善善富家者,不實珠玉,而以父慈子孝爲珠玉。不豊善善富家者,不實珠玉,而以父慈子孝爲珠玉。不豊善

人愛我易,使人人交相愛難。非以德睦之,以心感之,正人易,使我愛人難。使我愛人易,使人愛我難。使正家在政,睦家在德,正人在法,感人在心。使我

- ●「二」、原作「一」、今據尹本、四庫本改
- ❷ 「味」,尹本、四庫本作「鷄」。
- 3 「湯」、尹本、四庫本作「厲」。

■ 离 上 下

其惟文王。」此勿恤吉也。 以御于家邦。」此交相愛也。 交相愛乎? 季爲父,以太任爲母,以武王爲子,以邑姜爲婦,其不 下之不憂而自吉也。 所以感假其家人,以及天下,莫不人人交相愛,勿憂天 中正,爲天下國家之至尊,而愛心感人,巽而人之,此 安能使之交相愛乎? 故詩人歌之曰:「刑于寡妻、至于兄弟、 以文王爲君,以太姒爲妃,以王 九五以乾德之剛明,居巽位 仲尼頌之曰:「无憂者」 之

吉,●反身之謂也。 上九,有孚威如,終吉。 《象》曰:「威如」之

檢而誠其身,斯至矣。此其所以成家人之家,❷而享 孚也。上九以過剛之威而嚴其家,未至也。 王季歟? 正家之吉也。 檢於妃者恕己,則天下皆文王。 九,乾剛,故威。 人能不以惡於子者事父,則天下皆舜,人能不以 故周家之正, 九五、君也。上九、居君之上,其文王之 上,異極,故孚。孚者誠乎身。 有刑于太姒者,有刑于文王 誠意中充,則德教外 以嚴家之

> 物 地睽 《彖》曰: 同居,其志不 上行,得中而 睽 而其事類也。 而其事 睽,火動 同也,男女睽而 ·同行。 應乎剛,是以「小事吉」。 睽之時用大矣哉! 而上,澤動而下。二女 説 而 麗 其 乎明,柔進 志通也 天

用大矣哉,故曰易窮則通。 孤。 物之分而聚,非合睽之大乎? 睽之道。 説麗乎離之明,是合睽也。 散不可聚,睽不可合,凶不可吉,則无爲貴易矣。 六五得中而應乎九二,是合睽也。 女,仲季同鞠而 兑之水,燥濕俱動而異就,物之散也。 孤矣,焉 易通則窮,窮則通。 又有大者,天地之判而合,男女之别而 得 圃 殊婣,❸人之散也。 不窮? 睽者,人物之散也。 然睽孤 六五進而上行,是合睽也。 故仲尼贊之曰睽之時 故曰易窮則通,合 而小事吉,何 物聚則朋,散則 離仲女,兑季 離之火, 兑之 也?

上火下澤,睽。 君子以同 而異。

如」,原誤作「加」,今據四庫本及上爻解改。

鞠」,尹本、四庫本作「居」。

子,而今昔之餽異辭受,此同而異也,乃一人自爲水火 面 異 君子亦何必好同而惡異乎? 也。 禹 孔子一 同 道 孔子,而齊魯之去異遲速, 丽 異 趨 夷 惠 同 聖 而 異 行, 孟子一孟 未 足 心爲同

咎。《象》曰:「見惡人」,以避咎也。初九,悔亡。喪馬勿逐,自復。見惡人,无

道 爲 盛之以上覆下承之器 涸,今火在水上亦能涸初九,何也? 涸。 也。 離日也常暘能焦大澤者也。 自下涸上者,鼎釜是也,有自上涸下者,實水於中,而 九四之火,值初九之水則熄,初九之水,值九四之火則 須其定而自復,是以悔亡。 彼舍我而去,故有喪馬之象。 不與九四 而相叛,水火異情而相賊。 也 也。 避 寧舒,與其褊也寧宏。 彼爨我而我涸,故有惡人之象。 相如之感廉頗,子儀之安光弼,是也。 此聖人合初九、九四之睽也。善合睽者,與其亟 而以 子見南子,孟解子敖,●陳寔弔張讓 而爲徒,九四動而上,亦舍初九而不與俱。 見爲避,是以无咎。 ,環之以上下四方之火是也 蓋初九之與九四,上下異趣 此合睽以舒,不以亟之道 惟相叛,故初九動而下,固 初九之於惡人,能不以避 初九能聽其去而 此合睽以宏,不以褊之 蓋水火相遭,有 且水在火上 惟相賊,故 ,是也。 勿逐 又 則

> 是也。 以下於九四,故爲見惡人。 與四偕、乾體而同 非 避咎乎惡人 且初九剛也,而能舒且宏,何 ,則无所事於見惡人。 .陽德。乾爲馬同,故復。 水在火下,故爲避咎。 也? 孔子不見 説故也。 初九降屈 陽 貨 初

0

巷」,未失道也。 九二,遇主于巷,无咎。《象》曰:「遇主于

之獨而莫之並者,故曰得中 不應諸爻,而乃應九二。 然也。 君臣之相遇如此,而止 而 也,孰得而分乎? 欲隔之,猶將觀之。 之外无餘地,路之外无它岐,雖欲逃之,猶將遭之,雖 曷謂遇? 睽。 詩 ,誰能懼我?」弇,亦狹道。 九二剛正之大臣,乃得遇六五寬柔之明主。六五皆 》曰:「誕寘之隘巷。」《傳》曰: 惟九二、六五、乃睽之合,故遇主于巷。 此聖人合九二、六五之睽也。 今有二人而東西行者,適相遇於隘巷之中 《傳》曰:「不期而 是其遭也,孰得而並? 與 日 一故也。 无咎 此應之之專而莫之分,遇之 而應乎剛 會曰遇。」遇者,邂逅之適 巷者,道路之至隘 何 今諸爻皆不遇六五 也? 「行及弇中, 睽之諸爻,皆睽之 、又曰遇主于巷。 有三不幸也 曷謂巷? 是其觀 也。 與

^{□ 「}孟」下,尹本、四庫本有「子」字。

失道,道亦路也。必相得而不相失也。然,高宗得一傅説,武宗得一德裕,无咎而已乎? 未也。其平正、晉文侯之事乎? 此所謂小事吉也。不當睽之時, 也。主弱,二也。諸爻皆睽而寡助,三

初有終」,遇剛也。有終。《象》曰:「見輿曳」,位不當也。「无六三,見輿曳,其牛掣。其人天且劓,无初

傷也。 之應,力主之於上,故睽於初而合於終也。 我犯之而必進,彼在我上,其傷我必矣。 能制九二,惟剛故上進而犯九四。 九 我欲行而合上九,則九二牽我興於後。 力主之,鄭遂以洽。 産能焚謗書,路伯 族大,不可爲也。」有欲攻子産者,有欲殺子産者,而 之初、駟良方争、南、皙相攻。 處重險之位,位不安,而德足以調伏於二剛,又遇上九 正應也。 ,則九四掣我牛於前。 此聖人合六三、上九之睽也。 然六三以柔順之德,和説之極,而居二陽之間 曷嘗睽而不合哉? 石 得六三之義矣。六三坤體,爲 ,以和柔調伏之,子皮、子太叔又 六三以柔居剛,惟柔故下不 子産謂子皮曰:「國 睽之者,九二、九四也 彼阻我而不得進 且六三之與上九. 我欲進而遇上 天言上 子産相 一,劓言 小

《象》曰:「交孚」无咎,志行也。九四,睽孤,遇元夫。交孚,厲,无咎。

乎? 矣。 何厲矣? 與仁傑而六,周復爲唐,仁傑之志行矣。 氏之臣,而狄仁傑以一身徇唐,非孤立於睽離之世 睽者合,何志之不可行,何難之不可 士,如初九之同德,相遇以誠,相交以信,是故孤者朋, 陰之間,孤立而无與,危厲之不暇,乃能无咎, 又得行其志以合天下之睽,何也? 睽者,乖之極。孤者,睽之極。九四以獨陽處二 乃下薦洛川司馬張柬之,薦一柬之而五柬之合。 元夫,善士也。 濟哉? 豈惟无咎,又 與 舉朝皆武 在下之善 此 己幸

曰:「厥宗噬膚」,往有慶也。 六五,悔亡。厥宗噬膚,往何咎?《象》

有慶。 剛之宗臣以佐之之力也。 下之睽,如傷肌之淺而合之之易者,何也? 之,宜其悔,宜其咎,宜其合睽之難也。今也乃能 時,此亦創鉅痛深之病也。 而 創 況得剛明之君乎? 大哉,佐乎? 鉅者,其愈遲,傷淺者,其合易。天下 有其 程子以成王周公、劉禪孔 是以悔亡,是以何咎,是以 人,雖弱君,且能合天下之 六五乃以陰柔之資而 得九二陽 睽離之 合天 君

當之,得之矣。噬膚,傷之淺也。

《象》曰:「遇雨」之吉,●羣疑亡也。 弧、後説之弧。 上九,睽孤。見豕負塗,載鬼一車,先張之 匪寇婚媾,往 遇雨

説之弧 公輔。及其疑之亡也,又似成王之於周公。要之,皆 釋然而俱亡矣。當其善疑也,似唐德宗之於蕭復、姜 上九之至陽,遇六三之至陰,陰陽相和而爲雨,則羣疑 能釋天下之至疑。 其初雜然而疑,其終涣然而釋。 下之至明,爲能生天下之至疑。非天下之至明,亦不 三者,❷安得而近之? 此上九之所以孤也。然惟天 疑其可親而非害己。疑心羣起,而若不可解者。爲六 其崇己。先張之弧,疑其爲寇而害己。後說之弧,又 无往而非疑。見豕負塗,疑其穢己。載鬼一車,又疑 離明之極,過於明也。 不及昭帝之於霍光、先主之於孔明矣。 上九有六三以爲正應,非孤也。 ,以畫卦之象:言也,解在下《繫》「蓋取諸睽」章。 過於明,故過於疑。 而云睽孤者,居 先張之弧,後 過於疑,故 以

張先生校正楊寶學易傳卷之十

·三」,原誤作「二」,據尹本、四庫本改。 之」,原作「則」,據尹本、四庫本及通行本《周易》改。

0

張先生校正楊寶學易傳卷第十一

平易而利者往焉,不曰

1擇乎?

艮位東北,坎位

正北,

皆峻阻之地也。

逢峻阻而不利則止焉,不曰避乎?

廬陵楊萬里廷秀

吉。 ()蹇,利西南,不利東北。利見大人,貞

用大矣哉!有功也。當位「貞吉」,以正邦也。蹇之時有功也。當位「貞吉」,以正邦也。蹇之時「不利東北」,其道窮也。「利見大人」,往止,知矣哉!蹇「利西南」,往得中也。《彖》曰:蹇,難也,險在前也。見險而能

静也。 敝舟而不求涉者也。 而 避,日才,日德。 得中,此濟險以動 處蹇之道二,曰静,曰動。 静而審,則動 坎險而艮能止,可謂智矣,此處險以 而濟 動而不審 ,非終止也。 坤位西南,平夷之地也。 濟蹇之道四,日 是暴虎馮河者也。 静而終止,是坐 [擇,日

> 坤。 非小才小德之所可用。故曰時用大矣哉。西南卦多必失之,不曰德乎? 蹇之時,非小難之時。蹇之人,

才乎? 有大才以經天下,无大正以正天下,雖得之,天下无大事也,天下有大事不有大人,往必无功,不曰

(象》曰: 山上有水,蹇。君子以反身修

宜待也。初六,往蹇,來譽。《象》曰:「往蹇來譽」,

次? 包可得聞,身不可得而見也。此申屠蟠、管寧之徒以待時之平而已。獲賌於亂世,不若无賌之安也。然以待時之平而已。獲賌於亂世,不若无賌之安也。然以待時之平而已。獲賌於亂世,不幸而遠則猶保其譽。宜静退也。往下而无位,不幸而幸

臣蹇蹇」,終无尤也。六二,王臣蹇蹇,匪躬之故。《象》曰:「王

難,非尤乎? 軀以求濟,何尤之有? 蹇蹇者,多難而非 以李固、周顗當之,得之矣。 短於才也。聖人不尤之者,嘉其志而恕其才也。 五履大君之正位,君臣復不往以濟難,而誰當往乎? 不許其往之辭者。 初、上、三、四 H. 一難也。大臣犯天下之多難,而 ,聖人皆不許其往,惟六二、九五 當蹇之世,六二爲王者之大臣,九 捐軀在志,濟難在才。 然則以六二之匪躬,而不聞濟 六二陰柔 程子 捐 无

内喜之也。 九三,往蹇,來反。《象》曰:「往蹇來反」,

也。 立事也。二子往而不反,其濟否何如也? 内,二陰 以共濟也。此劉瑜、陳蕃勸竇武速斷大計,而武不從 以共濟也。此劉瑜、陳蕃勸竇武速斷大計,而武不從 則衆喜。何也? 三與上爲應,而上六陰柔,不能主三 則衆喜。何也? 三與上爲應,而上六陰柔,不能主三 則衆喜。何也? 三與上爲應,而上六陰柔,不能主三

當位實也。
六四,往蹇,來連。《象》曰:「往蹇來連」,

下,當坎險之初,乃以陰柔之資應之,往則上人於坎陷而當位,又不可往,然則蹇終不可濟乎? 四居上卦之初六无位,九三无援,其不可往,固也。 六四近君

九五,太蹇,朋來。 伐季氏而昭公出 也,可輕往乎? 進,以求濟大難,祇以益難耳。 此其實不可强也。 之中,來則下接於无位之初六,進則无才,退則 連者,接也。 、訓與注接連以去宦寺而唐室亂之事 不量其无才无與之實,而抱虚以 《象》曰:「大蹇朋來」, 實者,量其實也 此公果與郈孫接 无 連 與, 以

貴鄉公、皇泰主而已。 者,君剛而臣柔也。上不過爲晉明帝、唐宣宗,下則高二朋來之助,宜其濟難无疑也。然僅能施其中正之節二朋來之助,宜其濟難无疑也。然僅能施其中正之節 以中節也。

以從貴也。曰:「往蹇來碩」,志在内也。「利見大人」,上六,往蹇,來碩,吉。利見大人。《象》

是以吉且利也。然《彖》言利見大人,往有功也,而五能一退,内則有九三剛陽之助,貴則有九五大君之見,故往則蹇益甚,退則其吉乃大。● 碩吉,大吉也。蓋上六以陰柔之資,居蹇難之極,是安能濟蹇哉?

● 「退」上,尹本、四庫本有「蹇」字。

《象》之言,蓋歎九五之无助也歟? 《象》之言,蓋歎九五之无助也歟? 《象》之言,蓋歎九五之无助也歟? 《象》之言,蓋歎九五之无助也歟? 《象》之言,蓋歎九五之无助也歟? 《象》之言,蓋歎九五之无助也歟? 《象》之言,蓋歎九五之无助也歟? 《象》之言,蓋歎九五之无助也歟?

震坎下

往,夙吉。 ○解,利西南。无所往,其來復,吉。有攸

《彖》曰: 坼。 地解 得中也。 解「利西南」,往得 而雷 解之時大矣哉 「有攸往,夙吉」,往 雨作,雷雨 解,險 以 衆也。「其 動, 作而 動 百果草木皆甲 而 來復 免 有 乎險, 功 也。 吉,乃 天

天下有難,常過於爲。天下无難,常不及爲。過

也。 未興 逢春生,天地之疑者散,雷雨之静者作,萬物之勾者 於苟安,安於秦陋,而不求復二帝三王之法度,不及爲 以過於爲。 之坤、安而静矣。害已除而无所往、故宜來復,而 於爲則擾,不及爲則媮。 大哉,解之時乎! 當解之時,聖人甚喜之時也。 而有攸往,故宜夙爲,而不可以不及爲。 高帝已定天下而復伐匈奴,過於爲也。 喜哉,解之時乎! 蹇至解,則難散矣。 如冬閉之久,而忽 高帝幸 如西南 不可 利

天地與物爲新,故雷雨作,君子與民爲新,故赦宥《象》曰: 雷雨作,解。 君子以赦過宥罪。

行

咎」也。 《象》曰: 剛柔之際,義「无初六,无咎。《象》曰: 剛柔之際,義「无

得來復之義矣,何咎之有? 此光武謝西域,禮匈奴,六當患難解散之初,以柔道處剛位,適剛柔之宜,

却臧宫、馬武之請之事也。

曰: 九二「貞吉」,得中道也。九二,●田獲三狐,得黄矢,貞吉。《象》

❶ 「二」,原作「四一,據文意及通行本《周易》改。

是也。 五。五,君位也。田者,力而取之也。 之多難! 小人,上六欲其射隼,一卦六爻,而去小人者居其五 欲其獲狐,六三戒其致寇,九四欲其解拇,六五欲其退 居宣之朝,則是无難多難之始也。 去小人是也。霍光、上官並受武之託,丙、魏、恭、顯 綱,而又有急於紀綱,莫先於法度,而又有先於法度 三者盡矣,又能貞固以守之,則吉矣。不然,鄭朋得以 去小人而不直,雖行必格。去小人而不中,雖甚必亂。 者,小人之鷙,憲、冀是也。 之妖、恭、顯是也。 然則召天下之多難者果誰乎? 五陰柔之主,急於有爲之時也 人望之,封倫得以人太宗矣! 三狐,●三陰也。 黄者,中而不過也。 難既 一卦之中,聖人五致意焉,其防難也,不爲不詳 而何樂於近小人以疎君子哉? 散,有攸往夙吉。 拇者,小人之賤,通、嫣是也。 焦 一卦四陰,而指其三者,不指 去小人而不力,雖去必來。 負乘者,小人之僭。 ,則宜何先? 九二以陽剛之才,佐六 君人者亦何利於天下 故當解之世,九二 矢者,我直則壯 狐者,小人 莫急於紀

也? 且乘」,亦可醜也。自我「致戎」,❷又誰咎六三,負且乘,致寇至,貞吝。《象》曰:「負

> 哉? 馬以行於大逵乎?③ 六三,誰咎也? 讓 高僭秦以致勝、 致寇者,六三也。 薄 何異於市井負販之小人,一旦 擅漢以致董卓,卓至而二竪與漢俱威。 而醜之? 六三以陰柔之資,險詐之極,而位乎大臣之上,是 雖貞猶吝,況不貞乎? 廣,勝廣至而高與秦偕亡; 解之君臣其免盜乎? 寇至而受其難者,不惟六三也。 此竊位僭上之甚者也 「乘公卿大夫之路車,乘 其 致寇也必矣。 可不大懼也 盜斯奪之。 趙忠、張 孰不羞

拇」,未當位也。 九四,解而拇,朋至斯孚。《象》曰:「解而

六五,君子維有解,吉。有孚于小人。 之。拇,體之微而在下者也,小人之象也。而,汝也。 八人者,而申叔時遠之, 郭子儀任吴曜,而僚佐去 以人者,而申叔時遠之, 郭子儀任吴曜,而僚佐去 以人,則君子信其忠正,而朋至矣。故薳子馮比 取其小人,則君子信其忠正,而朋至矣。故薳子馮比

- 「狐」,原作「孤」,據尹本、四庫本改。
- ③ 「乘」,尹本、四庫本作「駕」。
 ② 「戎」,原作「寇」,據尹本、四庫本及通行本《周易》改。

《象》曰:「君子」有解,「小人」退也。

之要? 而已。 之難,而四凶過於洪水,四裔非四凶之威,而一舜烈於 四 解難不多術,有一術,君子者解難之源。故洪水非堯 人,退而已。 人而已。 有解散患難之功者,維得其解之之要而已。 裔。 六五當解之世,爲解之君,雖以中和柔順之資而 程子云: 曰君子維有解吉,言解之吉者,維用君子一事 維用九三、九四一二大臣陽剛之佐,以解散小 然則天下无多難,有一難,小人者多難之宗。 孚「驗也」。 用君子之驗,驗之於小 孰爲解難

利。《象》曰:「公用射隼」,以解悖也。上六,公用射隼於高墉之上,獲之,无不

无餘矣。此解之終也,其周公歸自東山之時乎?三之悖亂遇上六射而獲之,則天下之悖亂涣然解散而射而獲之者,上六也。公者,大臣之稱,即上六也。六年,六三也。高墉,六三之負乘而竊高位者也。

艮分上了

往。曷之用? 二簋可用享。○損,有孚,元吉。无咎,可貞。利有攸

柔有時。損益盈虚,與時偕行。用? 二簋可用享」。二簋應有時,損剛益「有孚元吉,无咎,可貞,利有攸往。曷之「,以」, 損,損下益上,其道上行。損而

者; 所以損? 晉武焚雉頭裘,而終之以奢,不得其所以損 者僞也。漢文却千里馬,而終之以儉,得其所以損也。 之損也。 之主而得益,此損之益也。九二、上九之弗損,此 也。 損,此損之損也。 損奢以從儉也。大《象》之懲忿窒欲,六四之損其疾 不損之損者。其損七,其所以損者一也。二簋可享 而 爻之益,此損已而取人之益也。 六三之益上九,此損己以益人也。 六五之虚己以從諸 此損不善以從善也。 己而取人之益者" 九,此損剛益柔之義也。 有孚,言損之不可不誠 以乾之上九,降而爲六三,以坤之六三,升而爲上 損之爲卦,以澤之深,益山之高,此損下益 有損不善以從善者; 故曰其損七。 E. 誠是也。 六三以一人之損而得友,六五爲損 有損之損者, 初九之益六四、九二之益六五 然知損而不知其所以損 也。 文王曰損有孚,仲尼又曰損 然損之道,有損奢以從儉 有損己以益人者; 故曰所 初九以己益人而又酌 有損之益者, 以 損者一。 也。 上 曷謂 不損 有損

象》曰: 之義也。 聖人何容心焉! 下益上,是剥下以厚上 卦形項踵實而腹虚,有二器上覆下承之象,故曰二簋。 用中典,施之亂國則弛。 益柔有時。 故曰二簋應有時。 然聖人之所謂損,不出於聖人之意,而出於天下之時 猛」,此損剛益柔之義也。 曰「爲人臣者,殺其身有益於君,則爲之」,此損下益上 于其貨于其德,損剛益柔者,不于其道于其政。《記 小人也。可乎? 《傳》曰 不然,凶歲不祭肺,施之豐年則隘, 山下有澤,損。 EI: 「政猛則施之以寬」,又曰 國奢,示之以儉。 疆弗友剛克,爕友柔克,故曰損剛 也。 非是之謂也。 故曰損益盈虚,與時 聖人之言,豈 損 剛益柔,是消君子 君子以懲忿窒 國儉,示之以禮 損下益上者,不 端而已哉? 「寬以濟 習慣行。 平國 丽 Ę

損之又損,則忿欲銷,而一性復矣。
之,豈其性哉! 深戒其觸之之端,逆閉其誘之之隙,性,如山之静,如澤之清。其忿也或觸之,其欲也或誘性,如山之静,如澤之清。其忿也或觸之,其欲也或誘以懲其忿。觀艮之止,君子得之以窒其欲。人之一以問謂損不善以益其善也。觀兑之説,君子得之此所謂損不善以益其善也。觀兑之説,君子得之

「已事遄往」,尚合志也。初九,已事遄往,无咎,酌損之。《象》曰:

不去乎? 四皓安漢而不居其位,庶幾初九之義矣。若至於宣帝 之而不有其應之之迹,助之而不居其助之之功。 之背負芒刺 可以无咎,而上合六四之志矣。魯連却秦而辭其封, 損,善之善者也。 而居上,非初九陽剛之賢應 此損己以益人,損下以益上之事也。 ,宣宗之毛髮洒淅然後去,則无及矣。況 故事已則速去之,又從而挹損之,則 而助之而誰也? 六四 然必 以 損之 陰柔 應

九二「利貞」,中以爲志也。九二,利貞,征凶。弗損,益之。《象》曰:

剛 凶,戒之以中以爲志。皆使之不得損其剛也。 則流於不正不中之域矣。故戒之以 資,而濟剛陽之德,此非所以爲中正也。若復損其剛 征凶,謂行之以兑説則凶也。 變其公清; 而佐六五陰柔之君,此所以益於君也。 ,斯足以益其君矣。 此損下益上而有不損之損也。 裴度晚節而安於浮沉,皆損其剛者 故曰弗損益之。 九二以剛陽之賢 利貞,戒之以 魏元忠再相 然以兑説之 不損其 也 征 而

《象》曰:「一人行」,三則疑也。六三,三人行則損一人,一人行則得其友。

此六三損下益上之事。聖人尉存六三以損中之

之日: 聖人因一人之行,而得致一之理,故仲尼繫之曰言致 人。豈惟損益无定形哉? 而見疑於二人。一人獨行,其孤可弔也,而得友於一 侣,非一人行則得其友乎? 三人同行,其衆可喜也 然无鄰於歷山,而堯爲之鄰,无侣於河濱,而堯爲之 母,悌於兄弟,不得於兄弟,非三人行則損一人乎? 莫或貳之者,此舜得堯之事也。孝於父母,不得於父 上九在上,亦降心以交六三。君臣相得,咸有一德,而 上九應之,是得其交也。六三在下,能損己以益上九 三獨損而爲陰,所謂三人行則損一人也。 三本乾三之陽也,與初九、九二三陽同 一也。天地之化醇,男女之化生,亦若是而已矣。 陰,則所謂一人行矣。 之辭也。 爾謂天下有損而不益者乎? 兑三爻而 天下之理,消與長聚門,損 一人行,必得其友而不孤,故 親疎衆寡,亦无定與矣。 行者也。 與 聖人則尉存 益 同 根。 丽 六

其疾」,亦可喜也。 六四,損其疾,使遄有喜,无咎。象曰:「損

也? 六四以陰柔之資,居下卦之上,宅近君之位,富也,●速改則可喜而无咎矣。然則六四何爲而有疾師,何能損乎? 然改過去疾而不速,猶在吝與憚之域去疾必醫,去過必師。六四之有疾,不醫之以初九之此聖人勸六四損己以從人,損不善以益其善也。

疾,上也。 其疾而窒欲。 子聽閻没女寬之諷諫以自警,而辭梗陽人,可謂能 己以自藥,而不毀鄉校,可謂能損其疾而懲忿 之師友,其 貴誘於前,忿欲 有疾而損之,次矣。 (孰從 然曰亦可喜者,亦之爲言次之辭也。 動於中,此其膏肓也。不有 而切磋究之哉?❷ 子産容國 初 九剛方 人之議 献 无

《象》曰: 六五「元吉」,自上祐也。六五,或益之十朋之龜,弗克違,元吉

盛德也。

此聖人贊六五之損己從人,有損中之益之盛德
也。六五以山嶽配天之德,第天,有善者,所以皆説而願增益其高大也。或益之
下之有善者,所以皆説而願增益其高大也。或益之
下之有善者,所以皆説而願增益其高大也。或益之
下之有善者,所以皆説而願增益其高大也。或益之
此其所以爲大吉而自天祐之歟? 此大舜舍己從人之 盛德也。

得臣无家。象曰:「弗損益之」,大得志也。上九,弗損益之,无咎,貞吉。利有攸往。

- ■「憚」、尹本、四庫本作「咎」。
- 「究」、尹本、四庫本作「救」。

萬里之富寔,皆損之上九也。 而天下无凍老, 宜其利有攸往,宜其得臣无家,无往而不得志也。 上,上又能不損其下以益其下,宜其无咎,宜其正吉, 極,則必止之以不損。 終,位艮之極。 日大得志也。 无家,謂无自私其家之益。 此聖人贊上 大禹菲食,而天下无飢 居損之終,則必變之以不損。 九不損之損之盛德也。 漢文集書囊罷露臺,而天下有煙火 當節損之世,下皆損己以益其 得 臣 調得 民 天下臣民之 上九居 文王卑服 位 艮之 損之 故

異是

○益,利有攸往,利涉大川。

无疆。 與時偕行。 下下,其道大光。 利涉大川」,木道乃行。益動 彖》曰: 天施地 益,損上 生,其益无方。 「利有攸往」,中正 益 下,民説无疆。 而 凡益之道, 巽,日進 一有慶。 自上

者施諸 人者施諸己, 益之爲道,以損人者施諸己,則約 人,則散而聚。 則 中而 不可 民説无疆,不曰 踰 以尊己者施諸人,則 豊且 流而豊; 聚乎? 以 益 以 己

> 皆木。 下也。 初在 己。 施諸 也。 與天時偕行而已矣。惟聖人以己益人,惟聖人以 上而下下,而況於人乎? 六四爲地生。 九在上,乃遜坤之初六於己上,而己下之,此卦自上下 而巽,日進无疆。 矣,猶曰未也,又曰何以動而罔不利乎? 己而益人,卑己而尊人故也。 濟也或左右之,何也? 而難必濟, 險如夷塗,難何向 水,事焉往 是惟无動,動罔不利矣。 謙 而尊。 大哉,益乎! 僑以動者動必沮,❶巽以動者動必進,故曰 下,乃益陰而 地、然後地氣騰而生夫物。 施生,謂天地生木。 震能動,異能異,故爲益動而異。 其道大光,不曰 夫豈吾一人獨能之乎? 而不行? 中,謂九五。 豈惟人哉? 爲陽,此卦之損上益下也。 而 乾之四在上,乃損陽而爲陰, 不濟? 故曰 道光而民悦故也。 是故,天下无事則下令如 不可踰而尊乎? 故夫益人之道,非人爲也 利有攸往。天下有 正,謂六二。 故曰利涉大川。 聖人以此道 天地且然。 天且損上而益 其行也或先之,其 木道,謂震巽 初九爲天施 卑巽以 何也? 得 天氣降而 而 事必 此 乾之初 示 事 下,自 道 ,坤之 天益 益 則 至 動 故

《象》曰: 風雷,益。君子以見善則遷,有

過則改。

「元吉,无咎」,下不厚事也。初九,利用爲大作,元吉,无咎。《象》曰:

下之大事,興天下之大利,爲天下之大益,吉而无咎不有益天下之大德,不可御益天下之大才。初九以陽剛之才,爲震動之主,得六四近臣之應,是故位一卦之最下,而利於作益天下之大事。然聖人喜其才而憂其心,何也? 大事者,非常之事也。如唐虞之禪,湯武之革,伊、霍之廢立,旦、息姑之攝是也。有利用爲大作之才,而无至善之德,且疾事權自厚之心,是於天下之人,爲衆善之長,且有不自厚其事之心,斯可以作天之人,爲衆善之長,且有不自厚其事之心,斯可以作天之人,爲衆善之長,且有不自厚其事之心,斯可以作五天下之大事。不不有益天下之大才,不可以任益天下之大事。不不有益天下之大才,不可以任益天下之大事。不

伊、霍, 王莽即周公、魯隱乎!矣。不然,子之即堯、舜, 吴濞即湯、武, 桓温即

或益之十朋之龜,弗克違,此損之六五之爻辭也。而益之六二亦云,皆致柔虚中自損有受之益也。然六而益之; 龜筮鬼神又弗違而益之; 宜其爲吾王所而益之; 龜筮鬼神又弗違而益之; 宜其爲吾王所而益之; 龜筮鬼神又弗違而益之; 宜其爲吾王所用與之享上帝,而天亦益之以吉也。《書》曰「惟尹躬用與之享上帝,而天亦益之以吉也。《書》曰「惟尹躬用與之享上帝,而天亦益之以吉也。《書》曰「惟尹躬用與之享上帝,而天亦益之以吉也。《書》曰「惟尹躬用與之享上帝,而天亦益之以吉也。《書》曰「惟尹躬用與之享上帝,而天亦益之以吉也。《書》曰「惟尹躬不正以之事」。

用圭。《象》曰:益「用凶事」,固有之也。六三,益之,用凶事,无咎,有孚中行,告公

者,惟危難不得已而用之,則无咎。非危難,則有咎忘其專也。故聖人戒之,不一而足。曰用凶事无咎見有可以益天下之事,則決然自我而益之,果於益而六三柔體也,然居下之上,處剛之位,據動之極,

而損 舉,不然則否。然則有可以益天下之事,君子皆坐視 陽是也。 動,雖益而不許。若趙鞅人于晉陽以叛,天王狩于 者,祭祀朝聘无不用圭,動必以禮也。不然,非禮 若孔子欲討田常,則不敢專而請於哀公是也。 舉兵内嚮是也。 无周公之志是也。 而不爲乎? 之也,則又寬其四而嚴其一矣。若曰惟凶事則固有是 甚則可。 誠則可。不然,則 車,用之治世則僭是也。 兹益也不如其已 若穰苴之斬莊 ,則奚而可爲? 聖人之五戒,可不懼乎? 不然,則亂常以濟姦矣,若王敦之疾劉隗 日: 曰告公者,吾力可爲,而必告之君。 行詐以益亂矣。 益之而益,則奚而不可爲? 曰中行者,惟果於爲益,而不爲過 賈,用之平世則 故陳、實之益漢,訓、注之益唐 曰有孚者,惟有愛君益國 曰益用凶事,固 若王莽之居攝,而 八專, 紀信之乘 日用主 益之 有 河 而 而 Ŧ

六四,中行,告公從,利用爲依遷國。《象》

「告公從」,以益志也。

相依,乃可遷焉,故周遷依晉、鄭,邢遷依齊,許遷依國而用遷,乃可立焉。力不能以自遷,必得其與國以於公,上而見從,乃可行焉。弱不能以自立,必舍其故中,乃可有行也。然柔順之極者懦,不能以自行,必告中、乃四,以柔居柔,又巽之下,以順居卑,必進之於

才不足耳。 遷洛,何依人之有? 以益志者,六四非无益人之志,楚,皆弱故也。若盤庚之遷亳,高祖之遷長安,光武之

德」,大得志也。《象》曰:「有孚惠心」,勿問之矣。「惠我九五,有孚惠心,勿問元吉,有孚,惠我德。

王輔嗣云,益莫大於信,惠莫大於心。 損之六五,言益而不言損,損之至也。 王至矣。 我德,下之信也。 而不言益,益之盛也。 至誠,益人之心故也。 天下信之,而懷其德之惠。 惠萌於心,天下不問,而蒙其益之吉,益被於人。 九五以剛陽之才,中正之德,居益之時,爲益 以仁率天下而民從之,成康、文景其庶乎? 上下交孚,而九五之志得矣,二帝 程子云、陽寔在中,有孚之象。 有孚惠心、上之誠也。 九五何道而臻此哉? 益之九五、言惠 有孚惠 有 之

外來也。《象》曰:「莫益之」,偏辭也。「或擊之」,自上九,莫益之,或擊之,立心勿恒,凶。

益。上九居益之極,位益之亢,而剛以上人,此非以善以善益己,己益而人不損,以利益己,人損而己不

凶自外來也。中不偏,外敢來乎? 鹿臺、郿塢是已。矣。惟其立心之偏利,而不知均利之常理,此其所以矣。故人皆莫肯益之,豈惟莫肯益之,有擊而奪之者矣。故人皆莫肯益之,豈惟莫肯益之,有擊而奪之者至益己也,利而已。利之所在,可均而不可偏。上九不益己也,利而已。利之所在,可均而不可偏。上九不

張先生校正楊寶學易傳卷之十一

張先生校正楊寶學易傳卷之十二

廬陵楊萬里廷秀

■ 脱乾上 上

即戎。)夬,揚于王庭,爭號有厲。 利有攸往。 告自邑,不利

決而 《彖》曰: 也。 戎」,所尚乃窮也。「利有攸往」,剛長乃終 號有厲」,其危乃光也。 和。 「揚于王庭」,柔乘五剛 夬,決也,剛決柔 「告自邑不利 也。 也。 健 圃 「乎 説 即

可以和平而无傷也。 之健,必濟以兑之説 此 其甚易而无難矣。 舜與十六相去四凶、周公與十夫去三監之時也,宜 夬以五陽而決去一陰,以 而聖人於此有懼心焉,謂勿專倚乾 古者孰有不以存小人而傷君子。 ,然後小人可以決去,而天下國家 五君子而決去一小人

> 聖人之去小人,豈 也,言徧告五陽也 戒,利往之復進。又有怯中之勇,説而健,和而決也 之已至。 以勉其往以必至於純乾。而乃終夫揚庭之未既,惕厲 以告其徒以尚武之必窮, 信其令而警之以惕厲; 聲其罪而揚之於王庭,以其有不可忽之危機,我是以 去小人可易言哉? 亦以紹; 不以去小人而傷國哉? 乃有勇中之怯健而説,決而和也。 唐之去宦官以崔昌遐,而唐亡赤以昌遐。 一端而足哉? 故以其有乘五剛之大罪,我是以 漢之去宦官以袁紹,而漢亡 以其有不可恃之剛武,我是 以其 有一陰之猶存,我是 告自邑,猶言告我家 尚武之方

《象》曰: 下,居德則忌。 澤上於天,央。 君子以 施 禄 及

聖,而必戒之以爲忌。忌,如道家所忌之忌。 得而不決? 君子觀其決而及物之象,故不專利於己, 而必施之以及下。觀其高而必潰之象,故不敢居其 澤卑則鍾而聚,高則潰而決。 澤上於天,高矣,安

初九, 壯于前趾, 往不勝, 爲咎。《象》曰: 不勝」而往,咎也。

然行乎四陽之先,前趾之象也。 初九陽壯之初,位乎四陽之下,趾之象也。 倚一陽之壯,而 不待 而決

宋義排項羽,所以皆爲所先也。此陽處父抑趙盾,仲尼斷之曰不勝而往,宜其咎也。此陽處父抑趙盾,勝,先者負況不勝在往先者乎? 故周公言往不勝,而勝,先者負況不勝在往先者乎? 勝在往,先者勝, 往在四陽之長,鋭於行而躁於往,欲以孤力而決去小人。

戎勿恤」,得中道也。 九二,惕號莫夜,有戎勿恤。《象》曰:「有

晦其剛 也。 光、胡廣、趙戒遵養時賊矣。 兵戎之驟,至亦勿憂恤矣。 衰,乃惕然若臨大敵,諄然若警夕掫。有備如此,雖有 德之君,有衆陽之助,可以決而无疑矣。 不然,无仁傑之志,而竊仁傑之跡,則爲張禹、孔 九二以剛陽之才,當夬決之時,得大臣之位,遇同 ,得中而戒於過,雖与四陽之盛, 莫夜句絶 此狄仁傑從容存唐 而 而 決 能居柔以 之事 陰之

然,不可疾而可曉也。聖人曉之曰: 來,汝九三,取爲上六一小人之助,此小人之諜而君子之家寇也。雖體之在上者也。九三,外列乎五陽衆君子之林,而内體之在上者也。九三,外列乎五陽衆君子之林,而内

哉! 需有愠者也。 遇雨者也。 也。 也。 九三以陽居陽 无咎者,九四聞言不信,而九三君子夬夬也。 所以无咎也。 即異,叛正而附邪,天下其孰能説之? 此其 六之濡己而汙己也。 以協羣陽之志? 同,若陰陽之和而雨焉,非獨行遇雨之象乎? 之同志,應一 是從君子也。 頄,是從小人也。 凶之道也。 凶 上,處陽而應乎陰,非壯于頄之象乎? 在汝,取无咎亦在汝。 去汙以自潔,舍故以自新,天下孰不與之? 汝曷不決而又決以絶上六之交,汝曷不決而又決 九 三與九四,皆有君子小人兩從之嫌,而 温太真舍王處仲而歸朝廷,君子夬夬而若 決然舍小人從君子,无咎之道也。 陰而任己以獨行,不惟應之,又與之和 爲九三者,其亦謹所擇以從聖人之曉己 若濡有愠 叚紀明助閹尹而害忠烈, 壯于頄 九四以陽居陰也 夬夬者,決而又決也。 獨行遇雨,是從小人也。 有愠者, ,是從君子也。 汝君子徒也,舍君子從小人, 以上六爲羞惡而 舍羣陽而 若濡者 居下而 君子夬夬 (所以 何也? 不而獨行 棄同 九 此 壯 愠 不與 其 見 [X] 丽

「聞言不信」,聦不明也。不信。《象》曰:「其行次且」,位不當也。九四,臀无膚,其行次且。牽羊悔亡,聞言

之象。 之,所以異者,九二中正而九四媚説也。 子,又不得爲小人,哀哉! 行,則不能忍很戾之性而必違,是以有不信悔亡之言 弗果,是以有其行次且之象。 是以有臀无膚之象。欲進而不止,則不當剛決之位而 也。 央決爲不斷矣。 四則陰之位,以陽處陰,以剛居柔,於是百鍊爲繞指 其與羣陽並進,以決去一陰,今乃不然。 從順,順者不納。從逆,逆者疑之。 羊者,性之很。陽者,德之剛。 兑爲羊,九四兑之初也。 劉牢之既從朝廷,復背朝廷,既從靈寶,復背靈 欲止而不進,三陽迫之於後 以陽處陰, 欲從九五之牽于前 臀,下體 九四以很濟剛,宜 九二、 ,九四兑之下 既不得爲君 九則陽之質 而見傷 九四同 而

行无咎」,中未光也。 九五,莧陸夬夬,中行无咎。《象》曰:「中

易去,而去之何難? 强君易決,而決之奚牽? 曰:以,而何至煩吾君夬夬之憾。九五爲決小人之主,合衆陽君子之助,以決上六一陰之衰,如拔莧陸之草不啻陽君子之助,以決上六一陰之衰,如拔莧陸之草不啻陽君子之助,以决上六一陰之衰,如拔莧陸之草不啻陽,次之安。未光,決之憾。九五爲決小人之主,合衆爲光大之憾,何也? 强君易決,而决之骚。中行,決之和。无

至脆。 變而已矣,何光大之有? 矣,可得而去乎? 初近上六,而其終不得不去上六。上六恃寵而上其君 中行也。誅一小人而无變者,无咎也。 而 戮之,至遺盜以竊其首焉。 初一家奴,而其晚號尚父。 惟小人易近而難遠。 不明正邦刑,亦可羞矣。是足爲光大乎? ,寵則尊, 尊則僭,僭則强 九五忍恥而以中道去之,幸於无咎 非難遠也,近之則難遠也。 程子云: 殺之者,央夬也。 貫盈罪大,而代宗不敢顯 强則難遠。 莧陸,馬 然陰竊殺之。 李輔國 遺盜者, 齒也,故 九五其 【者,其 近 則

凶,終不可長也。 上六,無號,終有凶。《象》曰:「無號」之

也乎! 人曰: 矣,不知五陽長而己必消。 小人亦受中於天,與我同類者也,特不能 潘岳友朋,臨刑之時正如此爾 復其良心爾。上六以一陰而乘五陽之上,自以 不惟慶君子,而深所以弔小人也。 曷爲弔小人也 啜其泣矣,何 央之上六,見聖人之仁心如天之大也。 庶其未至於此者,尤可有改乎? 汝至於此,其勿號咷乎,其終有凶 嗟及矣。]其夬之上六乎? 及其消亡 而後號 克其 而不可久長 李斯父子 《詩 叫 何 利 爲得 心 也 聖 以

○姤,女壯,勿用取女。

哉 《彖》曰: 剛遇中正,天下大行也。 女」不可與長也。 姤,遇也。柔遇 天地相遇,品物咸章也。 姤之時義大矣 剛 也。 「勿用取

哉? 也。 壯而 陽之志也。既曰女壯,又曰勿用取女,申戒五陽以勿 遇 柔相遇也,一陰方壯而五陽遇之,其勢豈可久長哉? 而 同室之人乎? 輕 生也、聖人已爲君子而憂、遽曰女壯、言一陰已有敵 喜,必曰朋來无咎,言一陽未易勝五陰也。 不旋踵而一陰生。 極爲復,不旋踵而 仲尼釋之曰姤遇也,柔遇剛也。 一陰之微而親暱之也。 ,則物不生,君臣不相遇 若天地 不已必至於刺也。 陰陽之相爲消長,如循環然。 然則相遇之道遂可廢乎? 相 遇, 此聖人所深憂也,文王之卦辭云爾。 剛遇 當 一陽生。 一陽之生也,聖人未敢爲君子而 中 姤遇之時,若是其大,可不戒 遠之且不免,而兄親暱之若 Œ, 則 夬者陰之消,然夬極爲姤 何 道不行。 可廢也? E. 言五剛不幸而與一 剥者陽之消,然剥 柔遇剛不可 五陽乾也, 當 天地不 一陰之 相 長

> 正。 君臣之相遇,此《易》之貴於變也 之相遇而不戒,不以一柔五剛相遇之可 陰坤也,故曰天地。二、五皆剛且中正,故 如遇之義若是其大,其 可廢哉? 不以 戒, 日 而廢 剛,日 天地 五 中

方。 《象》曰: 天下有風,姤。 后 以 施 命誥 四

天以風誥物,后以命誥民。

也。 豕孚蹢躅。 初六,繫于金柅,貞吉。 《象》曰:「繫于金柅」,柔道 有攸往, 見 凶 牽 羸

之固也。 得上進,貞正之君子可以安吉也。 金柅,而後羸豕,不先得其繫之之地,則逸其繫之之物 禄山是已。 之,或聽其往而進,則凶矣。 大車之金柅。繫之,則有牽而不得逞。繫之于柅,繋 中 心未嘗忘蹢躅而踊躍也。 初六一陰始生,如豕之弱者,人之所忽也,不知其 繫之于金柅,固之固也。 且繫于金柅,繫何物也? 高祖之封濞、明皇之不殺 惟於其方弱之時,繫之于 如是則一陰止 若不有以繫而 羸豕也。 圃 不

九二,包有魚,无咎,不利賓。 《象》曰 「包

九

張先生校正楊實學易傳卷之十二

有魚」,義不及賓也。

賓者也 緩 物,相遇欲速,相遇而不速則失時。 也。 魚亦陰類,古者以魚比民。 定三秦,天下卒爲漢而不爲楚。此包有魚而利終不及 以包之,斯得而有之。包者,緩辭。有者,堅辭。 而徒手以往,則亡具甚矣。 也,大則網,纖則笱,然後有以包而舉之。 而有之,則魚不可得而有矣。 漁先得魚者,遇之之蚤也。 而欲速則失義。 不相遇,後其時義者也。大哉,遇之時義乎! 義者也。 以後,則見其時義之大矣。九二,君民之相遇,得其 德足以包有之而无咎。 之,楚後至而奪之,不惟奪之,反王我於蜀,我徐起 它人之謂也。 ·卦君主之位 ,則有之堅矣。 何也? 九五,君臣之相遇,得其時義者也。上九,君臣之 仲尼於《彖》辭,發明遇之時義甚大。 ,又何殃咎之有? 九三、九四、君民之不相遇,不得其 吾遇之之時蚤,而取之之義緩也。 ,而首與初六遇,此遇魚之最蚤者也,其 高祖先得關中,遇之之蚤也。 魚者,衆漁之所利也。衆漁求魚,一 後雖有它人善漁者至,利亦不 九三、九四二賓,其 初六陰而在下,民之象也。 喜於遇之之蚤,而急於得 九二以剛陽中正之德,居 魚豈爲我有乎? 何也? 相有不欲速,相 取之必有其器 不然急於取 今觀之九二 (至已晚矣。 漢先得 八時義者 故必有 人之與 賓者, ·彼及 取之 而 時

安得利以及之乎?

《象》曰:「其行次且」,行未牽也。九三,臀无膚,其行次且,厲,无大咎。

且之力。 遂坐次且之累。 辭同,而九三无大咎者,九四以陽處陰,故柔而不決 日 圖,而可以爲援。 主,謂中原已爲操所得,而江東已爲吴所得。 争,能不進而自危,雖不得 九三、九四之所争取者也。 漁而一魚,衆漁必争取於一魚。 曰行未牽者,猶幸其不牽於魚而 而必争,争則必傷,傷則欲進而不敢進。 六,則初六之魚已爲九二所得矣。九三居九二之後, 图 。 争魚而傷,故曰无膚。 卦 五陽而 九三以陽處陽,故止而不行,乃得次 一陰,五陽必争赴於一陰。 此次且而无大咎也。 魚,亦无後災,故无大咎 九二最近初六、最先遇 夬之九四,與姤之九三 初六之一魚,此九二、 必進也。 三居二後,故 自危而不力 孔明説 一水,衆 吳不可 先 初

凶,遠民也。 九四,包无魚,起凶。《象》曰:「无魚」之

之德,二也。四无君主之位,三也。四與初宜相應者者,四與初遠而不相及,一也。四以陽處陰,又无中正九四非无剛陽之德,以包納初六,然有包而无魚

蔡近,二子庸而棄疾賢故也。 比自晉歸取楚而見殺,而蔡公棄疾乃得楚,二子遠而无民,爾舉事,安得不凶? 起者,舉事之謂。子干、子民,而又遠民,宜吾民之歸九二而去我也。君而无民,也,宜應而不應,三失故也。无德以得民,无位以臨

志不舍命也。曰: 九五「含章」,中正也。「有隕自天」,九五、以杞包瓜、含章,有隕自天。《象》

理也。 此九五、九二之君臣,剛遇中正之盛也。九五以此九五、九二之君臣,剛遇中正之盛也。 有隕自天之象。何憂驩兠? 何畏孔壬? 固其心。堯下逮舜之側微,以杞包瓜之象。舜遇堯爲天人也。堯下逮舜之側微,以杞包瓜之象。舜遇堯爲天人之合,有隕自天之象。何憂驩兠? 何畏孔壬? 固其之合,有隕自天之象。何憂驩兠? 何畏孔壬? 固其世也。

角」,上窮吝也。上九,姤其角,吝,无咎。《象》曰:「姤其

亢不屈之地,是將何所遇哉? 以我之高,遇彼之觸而之咎也。何也? 上九以剛陽君子之德,而自處於高上九之吝而不遇者,時之後,道之窮也。非上九

彼也。 己。 晉上九之晉其角,角在我也。 而況賈誼、仲舒、馮衍之徒歟? 之道大,天下莫能容是也。孟老于行,荀廢蘭陵亦然。 聖人慰之之辭也。又曰上窮,聖人歎之之辭也。 何咎過之有? 遇其觸矣,何遇之冀哉? 其爲悔吝宜矣。 遇其角,遇其觸也。 在彼,而我遇之也。 吾道也窮,而己安之可也。 天下之情,順 姤上九之姤其角 大壯九三之羸其角 則合,乖則離 雖然,上九 既曰无咎 仲尼

○萃,亨。王假有廟。利見大人,亨,利

此豈一人一日所致哉? 聖人於其時也,前必揆其所萬物聚而食貨充,君臣聚而大道行,萬民聚而天下熙。萃者,天下生聚全盛之極也。天地聚而陰陽和,

應,九五與六二也 萃之所終而不敢恃也。 是可懼哉? 永嘉之禍生於平吴之功, 之所從而不敢有也。 網之時 不式之治,生於反商政之日,煙火萬里之富,生於除秦 終,其聚復散。 (後必 利貞者,必守以貞正之道,无逸以終之。 ,是可忘哉? 稽 其 利見大人者,必求大人之助,屈己以 所終。 昔者天下之散也,何從而 不 今者天下之聚也,誰得而散 王假有廟,用大牲吉,所以 揆所從, 順,坤也。 天實之亂生於開元之治 其 説, 兑也。 散 孰 聚? 聚也 所以 剛中而 不 報萃 也? 稽 刑 見 所

发、寒。《象》曰: 澤上於地,萃。君子以除戎器,

也歟? 息者,消之初, 盈者,虚之始, 聚者,散之原。 息者,消之初, 盈者,虚之始, 聚者,以方, 坊治之, 水之聚也。浑上於地,聚之聚也。物有聚而不散, 水之聚也。浑上於地,聚之聚也。物有聚而不散

其志亂也。 笑,勿恤,往无咎。《象》曰:「乃亂乃萃」,初六,有孚不終,乃亂乃萃。若號,一握爲

《詩》曰:「士也罔極,二三其德。」其萃之初六

子; 乎? 子與之。是聖人開萃之初六之義也 胥爲小人也。 六自新之塗也。 初心之孚,固將舍舊而開新,與爾一笑而釋然相聚矣。 曷不號鳴以求應乎? 擾擾焉志之亂,而妄欲與小人羣聚乎? 復欲從小人者,有孚而不終也。 則 欲 初六與六二、 《從九四·則遠於君子,而隔於二、三。欲不從二、三· 何恤於自新而不往乎? 暱於小人,而私於同類。 召伯盈初已從王子朝之僭,既而乃從劉文公,君 初 六與 六三同 九 魏舒初欲從樂盈之亂,既而乃歸范 四 不開人以自新之塗,是驅天下之人而 正 類也, 應也 爾與九四雖不終,然九四察爾 而二、三陰柔之小人也。 其无咎決矣。 欲從君子者,其始有孚也。 圃 九四 聖人曉之曰: 君子之剛 九四雖遠爾 此聖人開 陽 者 爾何 也 初 宣

曰:「引吉」,无咎,中未變也。六二,引吉,无咎。孚乃利用禴。《象》

孔明 引而高之者天也。 此相求於初之道也。 然君之求臣甚於臣之求君。觀湯之於伊尹、先主之於 ,豈復事於外飾哉? 六二之進,非九五引之而誰也? ,則見矣。 君臣之聚會,始於相求,終於相信。 然則何道以求之? 賢臣非 及相得 故馮唐之對文帝、張玄素之對 能自進也 相信之後 故曰引吉无咎。 辰非能自高也 ,則如骨肉 引而進之者君 臣 固 求 君 如 也

魏,雖引之,何吉无咎之有? 魏,雖引之,何吉无咎之有。 此相信於終之道也。然 之薄而无文者也,故以喻焉。此相信於終之道也。然 之薄而无文者也,故以喻焉。此相信於終之道也。然 魏徵告太宗不事形跡,皆心孚而文薄者也。禴者,祭 魏宗,初以爲廷辱,卒盡其説。馬援謂光武脱略邊幅、

《象》曰:「往无咎」,上巽也。六三,萃如嗟如,无攸利。往无咎,小吝。

六陰柔也,三不中不正也。挾陰柔不中正之資, 一、於悔吝也。此商鞅出走而諸侯不納之時也。兑 一、尔盍往從上六巽順之正應乎? 庶乎无咎,然終 一、尔盍往從上六巽順之正應乎? 庶乎无咎,然終 不免於悔吝也。此商鞅出走而諸侯不納之時也。兑 不免於悔吝也。此商鞅出走而諸侯不納之時也。兑 之上六,反則爲巽。

位不當也。 九四,大吉,无咎。《象》曰:「大吉,无咎」,

氏之得齊民、司馬氏之得魏民也。● 故聖人戒之曰:得三陰之衆,上與君爲聚,則已偪九五之君。此如陳九四以剛陽之資,居近君之位,下與民爲聚,則盡

然非凶于而國,則害于而家也。之意,則大吉而无咎矣。四幸而居陰柔之位故也,不九四,必也柔順謙退,如未居其位之時,有不敢當其位

《象》曰:「萃有位」,志未光也。九五,萃有位,无咎,匪孚。元永貞,悔亡。

九五以剛陽中正之德,當萃聚之時,爲萃聚之主,也五以剛陽中正之德,當萃聚之時,爲萃聚之主,如五以剛陽中正之德,當之難也,永其萃聚之難也,非对其萃聚之難也,永其萃聚之難也,非对其萃聚之難也,永其真正之難也。當天下之已孚,而惕然懷匪孚之憂,當志意之光大,而歉然有未光之志,可謂元永貞矣。宜其次安長治,有聚无散,而悔吝銷亡也。此伯益「克艱」之戒、周公《无逸》之規也。元者,善之長。

洟」,未安上也。 上六,齎咨涕洟,无咎。《象》曰:「齎咨涕

游之所由興,元和之季,宫室之所由侈也。故聖人之資,説樂之尤,而居萃聚治安之極,此開元之末,燕聚不極則散不生,治不極則亂不萌。上六以陰柔

● 「氏」,原作「民」,今據尹本、四庫本改。

川 坤 上 下

「南征吉」,志行也。 是以大亨。「用見大人勿恤」,有慶也。《彖》曰: 柔以時升。巽而順,剛中而應,《分,元亨,用見大人,勿恤。南征吉。

顔子; 征,前進也。此程子之言得之矣。 足以進道。又曰,升之道必由大人。故升於位 分矣,君子之求升者謹之。 禹、稷; 小人之失。升德而見大人,則日入於君子之塗。 公,升於德由聖賢。又曰,升位而見大人。故无附麗 有位之升,有德之升。升位則足以行道,升 荀子亦大人也,能升李斯。 紂亦大人也,能升飛廉, 然舜大人也,能升 孔子大人也,能升 四者之升,必有所 由 德 則

小以高大。《象》曰" 地中生木,升。君子以順德,積

有漸,進而不已耳。而異端者曰一超直人,欺哉!棟梁,拱把之積也。聖人,小善之積也。在積之

上合志也。 《象》曰:「允升大吉」,

机三剛而上進,在初六之上,木之翰也。然初六在下,九三剛而上進,在初六之上,木之翰也。然初六在下, 一是是相信而相得,●則士之升也必達。故曰上 一会志也。然則初六與誰合志哉? 非六四,而誰哉? 一方主也。然則初六與誰合志哉? 非六四,而誰哉? 一方主也。然則初六與誰合志哉? 非六四,而誰哉? 一方主也。然則初六與誰合志哉? 非六四,而誰哉? 一方主也。然則初六與誰合志哉? 非六四,而誰哉? 一方主也。然則初六與誰合志哉? 非六四,而誰哉? 一方主也。然則初六與誰合志哉? 非六四,而誰哉? 一方主也。然則初六之上,木之幹也。然初六在下, 一方之最下而生夫木者也。六四爲文王岐山之事,則初六之最下而生夫木者也。六四爲文王岐山之事,則初六本下, 一方之最下,木之根也。九二

之「孚」,有喜也。 九二,孚乃利用禴,无咎。《象》曰: 九二

萃之六二。文王之在岐山,内文明而外柔順。召之而為之時也。然六五柔順謙退之君,方歉然若有所未為之時也。然六五柔順謙退之君,方歉然若有所未為之時也。然六五柔順謙退之君,方歉然若有所未為之時也。然六五柔順謙退之君,方歉然若有所未治之時也。然六五柔順謙退之君,方歉然若有所未治之時也。然六五柔順謙退之君,方數然若有所未治之時也。然六五柔順謙退之君,方數然若有所未治之時也。然六五柔順謙退之君,方數然若有所未治之時也。然六五柔順謙退之君,方數然若有所未治之時也。然六五之時也,是明而外柔順。召之而

● 「王」,尹本、四庫本作「主」。

公之志也。 至,囚之而聽。 故曰, 揔于而山 其升之九二乎? 非閎、散陽剛之臣盡力於外,吁,其危 立,武王之志也。發揚蹈厲,太 如此而後无咎,而 有喜

九三,升虚邑。《象》曰:「升虚邑」,无所疑

多士,文王以寧之時乎? 如升无人之境爾。故曰升虚邑,又何疑焉? 三以陽居陽,進而近岐山之王。 九三、木之生而出地者也。 其長也,孰禦之? 其升也,亦孰禦之? 其濟濟 九

六四,王用亨于岐山,吉,无咎。《象》曰: 「王用亨于岐山」,順事也。

之二也。吉孰大焉? 歸往以爲王,文王乃柔順以事商,文王避之愈力,天下 歸之愈堅。此其所以亨于岐山之一隅,而有天下三分 四侯伯之位也,而文王以上聖之德處之。天下方 又何咎矣。

大得志也。 六五,貞吉,升階。 《象》曰:「貞吉升階」,

之王也,●其孰當之? 升之時,亂升而爲治,君升而爲王。 文王既當六四 ,則六五其武王 然則六五升

> 乎? 之中,是吾志也。貴爲天子富有天下,豈吾志哉? 變伐也。故自君而升爲王,如歷階而升也,宜其 乎? 夫惟盡天下之貞固,從文王之容德,不得 須暇五年,故詩人頌之曰「遵養時 大得志歟? 垂拱而天下治,是吾志也。 五之陰柔乎? 文王柔順 六柔也,五剛也,中 也,故爲六四,武王變伐也,何 正也。 晦」,非以柔晦剛 拯民於水火 觀兵而退, 亦爲六 已]而後 吉 冥 而

升」在上,消不富也。 上六,冥升,利于不息之貞。《象》曰:「

有? 大哉,易之道乎! 有滕口之規,而孟子好辯以明道。 之初九,有勿用之戒,而仲尼歷聘以愛日。 凶,用之自訟則吉。 人貪得不息之邪心,爲吾求道不息之正心,何不利之 而不富也。若進德之君子,變而通之,反而用之,移小 上,居升進之極,猶冥然冒昧,求升而不已,宜其消亡 ,故貴於摧如之退,然顏子最少,而進未止。 易,變也,變則通。上六以陰邪之小人,乘一卦之 隨之説隨,用之詭隨則凶。② 乾 豈一端而己乎? 晉之初,未可以速 咸之上六, 故訟之終 益之

- 王」,尹本、四庫本作「主」。
- 本、 四 本作「説」。

張先生校正楊寶學易傳卷第十二益。故曰:「神而明之,存乎其人。」若夫陰邪而在上,在上而冥升,終消亡而不富,非紂其孰當之?在上而冥升,終消亡而不富,非紂其孰當之?

廬陵楊萬里廷秀

上 上 上

剛中也。「有言不信」,尚口乃窮也。其所亨。其惟君子乎?「貞大人吉」,以《彖》曰: 困,剛揜也。險以説,困而不失《困,亨。貞大人吉,无咎。有言不信。

何也? 心。 也。 曷爲而貞也? 而不失其所亨,惟君子能之,故曰亨不于其身,于其 逢乎坎之險,處以兑之説,身雖困也,心未嘗困也。 正,正於己者,千憂不能喪其説, 心曷爲而亨也? 剛揜於柔,君子揜於小人,能不困乎? 陽陷二陰之中,一陰蔽二陽之上,皆剛揜於柔 享不于其身,于其心,不于其時,于其道也。 中之剛也。 説也。 剛於中者,萬險不能隕其 曷爲而説也? 貞也。 ,烏往而不亨乎? 然困而亨 困

> 矣。二、五、皆剛中。兑爲口。 矣。二、五、皆剛中。兑爲口。

《象》曰: [入于幽谷」,昏不明也。● 《象》曰: [入于幽谷」,香不明也。● 《象》曰: [入于幽谷」,香不明也。● 《象》曰: [入于幽谷」,香不明也。● 《象》曰: [入于幽谷」,香不明也。● 《象》曰: [入于幽谷」,香不明也。● 《象》曰: [入于幽谷」,香不明也。●

小人之揜君子,聖世所不能无也,況困之世乎?

「昏」,尹本、四庫本作「幽」。

張先生校正楊寶學易傳卷第十三

也。 九二,困于酒食,朱紱方來,利用亨祀。 凶,无咎。 能庇 幸者 當困 欲困君子而自困,欲揜君子而自幽,小人亦何利哉 孫、武叔、公伯寮之徒歟? 无所觀。 无位之小人,亦囂然有揜君子之志矣。 之世,不必得位之小 ,退而伏於二之下,則己自墮於坎之底,如幽谷之 ,進而求四之應,則四自厄於困之中,如枯株之不 此其所以欲困九二之君子而不能也 《象》曰:「困于酒食」, j 初者,卦之下體 而後能揜君子 初六是也。 也 中有 ,故爲臀。 雖 其叔 在 慶 征 下

易。 也。 之。 凶 己君先。 五之君,有剛中之德 服而不得逃者,何也? 出,紱冕之自來,粢盛之弗設,精誠之自通,有吐 剛之君子,爲初六、六三二小人之所揜,九二吐 争食,鴟、鳶之嚇鼠爾。 簞食瓢飲,有方丈之不如,草耕木茹,有五 然則,小人能終揜君子乎? 所困者酒食之末而已,吾何困哉? ,其道凶也。 小人之困君子,何仇於君子哉? 自我求焉,自我往焉 枉己正人,非凶而何? ,與己同德, 時雖 小人所茹,君子所吐。 困也,身雖揜也,上 則 雖然,寧君己先。 凶 而 又誰咎? 不與 不過如 八小人同 然户庭 中有慶者 雞、鶩之 非其事 九二陽 鼎 之不 之不 道 食脱 一而去 九 故

> 言 子病不困爾。 足徵矣。 利用享祀者 方來言自來,非往求也。 右能止即墨之封 不與小人 齊 (,以精 争 蜀霸者也 困 食,而 嗣 ,何病哉 誠通乎君 剛中 張能間孔明之密,則困之九二不 而況不爲霸者乎? Á ,猶享祀通乎神也。 守, 坎爲赤,故爲朱紱。 所 以 有 朱紱之慶 然則, 使左 也。

「人于其宫,不見其妻」,不祥也。其妻,凶。《象》曰:「據于蒺藜」,乘剛也。六三,困于石,據于蒺藜。人于其宫,不見

環也。 耶? 下。 是,外敵交至而反爲君子之所 上將求上六之援,則 困 三,夾九二而交揜之,小人長矣。 人之所助。 【於二陽,如石之壓其上,退則乘夫一陽。 下將奔初六之鄰,則閉於一陽而不得出 月揜日則日食,日揜月則月食。 妻,謂上六,與己親也。 天下豈有小人專揜君子之理哉! 其管、蔡陷周公: 隔於二陽 三陽上陰,故三 揜,親 而 燕、 不知夫六三者 不得 上官陷 戚 陰陽消 皆 見 其 如 叛 霍光 而 所 其 棘之刺其 初 長, 以 八所舍; 耦。 六 盡 進則 上爲 之事 失小 與 如 於 六 循

曰:「來徐徐」,志在下也。雖不當位,有與九四,來徐徐,困于金車。吝,有終。《象》

Τ, 吕 世,爲君子者,類苟同矣,應不在近,志苟通矣,來不在 二徐徐而來者,隔於六三之閡其前,如金車之堅而不 速,期於終不爲小人所揜而已。 二雖不當初之位,然二之與乎四 可却也。 望九二之應,如乞師於鄰國,以解入郛之圍 應不在初六而在 應,豈必以位哉! 故爲車。 蓋四雖困于三之隔,然四之志乎二,則不渝也 氣同則從,聲比則應。❶ 仁傑薦柬之以誅二張,近乎困之九四矣。 然陽進而不止 剛,故爲金。又坎爲輿。 九二者,類也。 四與初應者,位也。 ,陰止而不進,吝於始,必通於 各從其類也。 九四爲上六所 ,則必應也。 陳平交絳侯以誅諸 困之九四,其 也。 《易》之相 當困之 /揜,其 而九

説」,以中直也。「利用祭祀」,受福也。祀。《象》曰:「劓刖」,志未得也。「乃徐有九五,劓刖,困于赤紱,乃徐有説,利用祭

以剛中之才,正大之德,爲困世之君,則上有拯困之君下有拯困之臣,則柔可消,剛可長,困可亨吉矣。九五易有道焉,存乎其人而已。孰爲其人,上有拯困之君,去也,君子揜於小人,而不能白也,則何貴於易哉?當困之世,而不能拯也。小人揜夫君子,而不能

張先生校正楊實學易傳卷第十三

吉。《象》曰:「困于葛藟」,未當也。 有悔」,吉行也。 上六,困于葛藟 之道也。 乎説,脱天下於困窮之淵,而躋天下於福慶之域,是易 錫以紱冕、享以精誠。小人去而君子伸。 有爲焉,孰爲小人,刑之以劓,刑之以刖 之志,則下有拯困之臣矣。 九二之大臣又有剛中之才,九四之近臣又有陽剛 志未得,謂未刑小人之時。 于 臲卼, 曰 君臣同 德, 動 中直,即中正。 悔有 患不爲爾。 始乎困而 孰爲君子, 「動悔 征 徐

則乘二 受福矣。上六以一陰之孤,處拯困之後,出刑戮之外, 禍之及,故曰 然始則爲二陰之所縈,如困于葛藟之蔓而不得脱,終 之才,中正之德,刑小人,用君子,拯 亦適有天幸也。 輕,困之上六是也。九五、九二、九四之君臣 處上則爲尊高之極,乾之上九是也。 於此開其三 上之一爻,有處一卦之上者,有處一卦之外 剛以自危,如據于臲卼之几而不得安。 面 **」動悔。** 可 也 有揜君子之志,亦何從而 静亦懼禍之及,故曰有悔。 遏其歸師,不可也 一世之困,而天下 處外則爲吉凶之 故許 ,以陽剛 逞哉? 聖人 亦懼 者

● 「比」,原誤作「此」,今據尹本、四庫本改。

吉,而劓刖爲下。 吉,又許其吉行,皆縱 人之去,而後免小人之禍。 傕 "汜之事,可不戒哉? 其 去 而 是故拯困之道 不追其窮 也。 夫惟 人上乎征 開 小

数 坎 上 下

汔至亦未繘井,羸其瓶 〇井,改邑不改井,无喪无得,往來 X S 井 井。

窮也。 《彖》曰: 至亦未繘井」,未有功也。 凶 也。 「改邑不改井」,乃 巽乎水而上水,井。 以剛 「羸 其瓶」, 井,養 中 也 是以 而 汽汽 不

國之世 惠焉? 不反。 者,其欲充,汲而來者,其望切。 者喪而虚,不爲不汲者得 孔 有遷邑以就井,无遷井以 孟 何也? 人非水不生活,水非 不能者,德盛而功 井何怨焉? 堯、舜之世 以孔、 汲者之力有强弱 求與嗇兩忘, 孟爲井。 の艱也。 然禹、 而盈。 《就邑。 ,德也。 ,則綆有人而未出,瓶有繁而 井不甘 稷 齊景公曰「吾老矣,不 ,以禹稷爲井,春 愈養而愈不窮。 能濟天下之飢 井何嗇焉? 井何求焉? 惠與 潔。 怨兩消 然井德 不爲汲 盛 汲 功 溺,而 1秋戦 井何 而往 而 也 功

> 力乎? 井之象。 也。 者,井之象也。 坎爲水,巽爲木。 羸纍字,已解在大壯。 而坎之九五隔其上,若繫縲其瓶而不能上乎水之象。 功行,人乎井而不能上乎水,則井之功廢,故凶。 能用」,齊宣王曰 下二爻一,初六、九二在坎之,下若瓶之覆而入井之 繙, 綆也。 、縲通用。 九三、六四二爻二、若井中之瓶覆者復仰之象。 巽乎井,入乎井 功之艱,斯人之凶 韓信以木甖缶渡師。 汔至者, 綆幾至泉而未出 剛中,謂二、五。 九五、上六,坎上二爻 二,有 木者,汲之器也。 「吾惛,不能進於是」, 也。 人乎井而能上乎水,則井之 而 惟剛中,故不改。 不 其古之汲瓶 幸 也。 也。 器入水而復上水 非 井何 羸,繁也。 汲者之弱 之類 瓶仰 心 巽,人 歟? .而出 今巽 哉 於

相。 象》曰: 木上有水, 井。 君 子 以 勞 民 勸

之功。 勸 水无器,并能自活斯人乎? 之資之,君子所以法井之德,勸之相之,君子所以法井 汲器人而水德行,汲器出而水功著。 相之惠不隘於勞齊 水下有木,汲器之入也。 勞, 資與也。 勸相 助 也。 故汲引之功不下於洌泉 木上有水,汲器之出 水言與,器言助。 此井之象也。 也。

泥不食」,下也。「舊井无禽」,時舍也。初六,井泥不食,舊井无禽。《象》曰:「井

歸、漆雕之仕未能信,不知者以爲真忘斯世矣。 歸、漆雕之仕未能信,不知者以爲真忘斯世矣。 歸、漆雕之仕未能信,不知者以爲真忘斯世矣。 歸、漆雕之仕未能信,不知者以爲真忘斯世矣。 歸、漆雕之仕未能信,不知者以爲真忘斯世矣。 歸、漆雕之仕未能信,不知者以爲真忘斯世矣。

射鮒」,无與也。九二,井谷射鮒,甕敝漏。《象》曰:「井谷

也。 之不如也。譬之一漏甕焉,徒下注而无養人之功,何 注,止及於蛙鮒之瑣細,而反不及於魚鼈之盛多,曾谷 之蛙鮒耳。 百姓。今九二,雖有微陽生微水,非如初六之純乎泥 汲而上爲功。 足以爲井哉? 人之資,有鮒魚之象。既下比小人,則上之君子无我 ,則功亦不一。故谷之水以注而下爲功,并之水以 然亦在泥之上,井之下,其所注射,僅下及於泥中 水一也,其地則不一。 是井不爲井,而 注而下者其功及魚鼈,汲而上者其功及 二下比於初六,初六陰潛而 反爲谷。 日 一井、口 一谷,是 不上出 細微,有小 也。 一而反下 地不

亦下注,皆不上出之義。國皆怨,子馮暱八人者而君不安,是也。谷下注,甕漏國皆怨,子馮暱八人者而君不安,是也。谷下注,甕漏與者矣。上无我與,則上无我汲者矣。子常信无極而

也。求「王明」,受福也。明,並受其福。《象》曰:「井渫不食」,行惻九三,井渫不食,爲我心惻。可用汲,王

惻之。 也。 也 仲尼曰: 有美井无善汲,則如无井。 君子不見用於上者,數也。 此作易者所以爲井歎也。 食者,人也。井何惻焉? 測然於心,而歎其上之不我燭也。可食者,并也。不 渟可用之才,當在下之地,而枉其養人之才德,故爲之 食而莫之食,可汲而莫之汲者,以其猶未出井之上也 者去、注者浮、淺者深、此渫治之井、甘潔之泉也。 ,井云乎哉? 井一用,一邑受其福。 九三以陽明之質,居井下之上,當一井之半, 井不求上之我燭,而人爲之求其明者以燭之。 明王不興,天下孰能宗予。 君子云乎哉? 井不自惻,而人之行而過者 非爲井歎也,①爲有才德之 有君子无明王,則如无賢。 君子一用,天下受其福 非爲君子之不見用者歎 在下之君子,如九三 然則九三之惻 則

●「歎」,原作「歡」,今據尹本、四庫本改。

哲之高宗,則傅説岩野之胥靡 其幽也。故微明揚之堯帝,則大舜雷澤之漁父,微明 之泉,在井之半,揜於物,遠於人,非明之至者,不能

六四,井甃,无咎。 脩井也。 《象》曰:「井甃」无咎

學有新功。大哉,井之有功於斯人乎! 大哉,脩之有 者,甓而脩之也。井一脩,則舊井爲新井,德一脩則舊 咎也。脩矣,或汲焉,或舍焉,或食焉,或否焉,并何咎 不患人之莫己汲,而患己之莫己脩。 欲新也。 功於斯井乎! 井至六四,則泉溢而將上出之時也。 進德欲新也。 六四,有兩甓接連之象,故爲甃。 治國欲新,爲學欲 故德之不脩,足以憂孔子。 日 温故 知新,爲 六四之井甃,其進 新,進德欲新。 學欲新也。 學不能行,足以病子 井之不脩,井之 德之新乎? 日 E 作新民 德 日新 治 又 H 戜

九五、井洌、寒泉食。《象》曰:「寒泉」之 食,中正也。

九五以陽剛中正之德、居大君之位、猶泉以甘潔清寒 有德,天下汲之。 ,爲一井之主也。 井主乎泉,天下主乎君。 洌而寒者泉之德,中而正者君之德。 天下之人酌而飫之,若渴者之 泉有德,一邑汲之,君

> 於井 人有吐井泥羞汙君而去之耳。 夷非其君不事,君天下者可不懼哉! 也 ,孰能禦之? 泉 而 不测 故傅説非其后不食、 不寒, 君 m 不中 -不正

上六,井收。勿幕有孚,元吉。《象》曰 元吉」在上,大成也。

大。此大禹之勤儉、周公之吐握也歟? 其患在成,非功成之患也,功成而倦之患也。 用,收其成矣。 信其吉之大。天下信其吉之大,然後聖人許以成之 倦,是井泉既上而復幕其井也。夫推勿幕,然後天下 勿幕之象。 井至於上六,則瓶之人者出,水之虚者盈,井之功 雖然,功之未成其患在不成,功之已成 上六一,開 功成而 而

《彖》曰: 乎人。革之時大矣哉! 天 文明以説,大亨以正,革 不相得,曰革。 「已日乃孚」,革而信之。 ○革,已日乃孚。元亨,利貞。悔亡。 、地革而四時成,湯武革命,順乎天而應 革,水火相息,二女同居,其志 而當,其悔乃亡。

乎? 故革而天人説。 舉於既革之後,當如兑之説。 彼之所以失,見此之所以得,灼知其理於未革之先,當 而當矣。天地得此理,故革而四時成,湯、武得此理: 如離之文明,未革而民願之,將革而民從之。 能无悔乎? 未信也。 得已也。 日 信革而當也乎? 之變法、趙之胡服、莽之革漢、靈寶之革晉,豈曰革而 人懼於革也。 言革之而非大亨,非大利,非大正,皆革而不當也,其 下之事苟不至於如水火,如二女,聖人豈得已而不已 逢火則竭,二女居則同而志則別,是可以不革乎? 天 故戒之曰已日乃孚,又曰革而信之。 易之道至於革,聖人其喜於革乎,抑懼於革乎? 懼於革也。 曰元亨利貞悔亡,又曰革而當,其悔乃亡。 何以知其不得已也? 革而不信,革而有悔,則如勿革,故曰 然則何以能革而信,革而當乎? 革之時豈細故哉? 何以知之? 如是者,可以革而信,革 日 **E**: 可不懼哉? 革者,聖人之不 火逢水則滅,水 言其初之 相慶其 日 見 聖

時。《象》曰: 澤中有火,革。君子以治歷明

也。物窮必革亦衆矣,鑽燧生於茹毛,上棟生於營窟。火者,就燥之物也。今在澤中,是以水革火之象

歷貴乎革者,三辰有差,歷亦萬變也。哉? 食者人之天,歷者食之天。舉其大而它可推矣。質敝必文,寬窮必猛。革之爲用,豈特治歷之一事

牛」,不可以有爲也。 《象》曰:「鞏用黄

概之,猶有晁錯削七國之禍。 概六爻之辭,益知聖人之懼革也。初九,戒革之 最,六二,戒革之專, 九三,戒革之躁,九四,戒革之 是,六二,戒革之過。五者之戒詳矣,然後九五不待占 是,六二,戒革之過。五者之戒詳矣,然後九五不待占 是,六二,戒革之專, 九三,戒革之躁,九四,戒革之 最,六二,戒革之專, 九三,戒革之躁,九四,戒革之

「已日革之」,行有嘉也。六二,已日乃革之,征吉,无咎。《象》曰:

也。 征則吉,以行則慶。 之,吾乃可以贊而革之。 不有所主不可 吉,然後无咎,然後行有嘉慶者,不有所倡不可以 時 而不爲,何時而可爲? 中正文明而濟之以陰柔故也。 以六二中正文明之臣,遇九五陽剛相應之君,此 以費。 故季孫問二邑之叛,然後孔子可 乃者,緩辭也,後而不先之辭 也吾君已有革之之日 今日已日乃革之,然後 惟其緩而審,故以 而 和, 主

秋》以爲叛。六二獨得而專於革乎?以陳墮費之言。趙鞅无君命而逐君側之惡人,則《春

曰"「革言三就」,又何之矣? 九三,征凶,貞厲。革言三就,有孚。《象》

伊尹相湯革夏,必以五就,其敢躁乎哉? 謂三言? 革卦卦辭之三言者,然後可以成就而信於天下也。 近 行,何行不達? 大利无害,大正无邪。 不明,患在太明。 太詳也。 曰 矣; 征凶貞厲者,往則必凶,雖正亦危也。 九三居下卦之上,位亦高矣, 接上卦之交,權 爲離卦剛明之極,才亦全矣,可以革矣。今又 聖人蓋曰: 日 大亨也,大利也,大正也。大亨无塞 日又何之矣,言焉往而 何也? 以此而革,何革不就? 九三不患不剛,患在太剛,不患 剛明而過中故也。必也如 不可哉? 何其戒之之 以 此而 故 亦

命」之吉,信志也。九四,悔亡,有孚,改命吉。《象》曰:「改

爲,不以疑而賊大謀乎? 聖人勸之曰: 可以革矣。疑。革至九四,蚤者遲,專者隨,躁者衰矣。而又不終不可革乎? 曰: 當革在敝,可革在時,故曰革之終不可革乎。 曰: 當革在敝,可革在時,故曰革之

有爲, 則可。 者也。 哉 ? 四發之。 E 其改命,豈犯上而侵君者乎? 九四,兑説之初也,又能以陽剛而處四之柔順 九四何以得自信其志,而聖人許其改君命也? 楚,則致田犫櫟之命,子躬不可以改命而却鄭。 罷兵歷下之役,韓信不可以改命而伐齊。 非誠有其志者,不可改也。故孟子曰: 有伊尹之志 信生於天信,天信生於自信。 君事曰否,改命可也。 事 圃 改命而吉也可乎? 革之,亦可以吉也。 時,奉君命而革之,可以吉也。 慮之既詳 違志。 [事亦然,君子不以志違事,志然而事不然,君子不以 豈惟君信之,天亦信之。天信之,君信之矣。 九三,所謂由也兼人者也, 而聖人沮之,九四不爲,而聖人勸之, 革以改爲,義,臣改君命,亦革之一也,故於九 面 君命曰可,君事曰可,奉命可也。 《革》之九四曰: ,其悔必亡。 曰: 君制命,臣承命者也。臣 吾既信吾志矣,君獨不信吾志 既謹其圖,天下已孚。 事君 信志也。志不在於興漢則 故許之也。 雖然,改命不可許 君命未安,吾改君命 在志,行志在事,志然 九四,所謂求也退 志不在於厚 君命曰可 然則九三 而改命 當 何 也。 E] : 然則 也? 是 也。 之 Щ

人虎變」,其文炳也。 九五,大人虎變,未占有孚。《象》曰:「大

乎? 革之道 重; 其可變可革之理,灼然如虎文之炳也,尚何待於占 以陽剛之資、居衆説之上、當大君之位、兼四爻之助、 革,未灼然可革也。四戒其疑,已灼然可革矣。 以未占而有孚,是龜筮有所弗詢,鬼神有所弗謀也 舉國之欲動,不能動漢文之静。 无乃輕於革乎? 蓋天下无灼然之理,則聖人无決然 可 此湯武革命,順乎天而應乎人之事也。 與其喜也,寧懼。 革之道,初戒其早,二戒其專,三戒其躁,其可 亦難矣。 革不革,是以敝 蓋舉國之欲止,不能 濟敝,既革悔革,是以敝易敝 今也革至於九五,聖人獨決之 雖然,與其輕 止符堅之行, 九五 也,寧

人革面」,順以從君也。 吉。《象》曰:「君子豹變」,其文蔚也。「小吉、,君子豹變,小人革面。 征凶,居貞

如豹文之不可掩。 聖人盡其所能革,而不盡其所從革。君子革心,蔚然 上六,從革也。 之道也 亦足矣。 故苗民七旬而乃格,舜尤以爲速, 革至於九四,可革也。至於九五,能革也。至於 故曰 復欲進而未已,忿其革面,而必强其革心 雖然,可革在理,能革在己,從革在人。 一征 凶。 小人革面 惟安而居焉,正 ,勉然順吾君而有所從。 而守焉,斯吉 商民三紀而

> 也, 憂其革之過也。 乃變, 康王不以爲遲, 憂其革之盡也。非憂其革之盡

■ 難 上 上

○鼎,元吉,亨。

剛,是以元亨。 而耳目聰明。柔進而上行,得中而應乎聖人亨,以亨上帝,而大亨以養聖賢。巽聖人亨,以亨上帝,而大亨以養聖賢。巽

革故取新之初乎? 之大本。 夫革去故,鼎取新,去故取新,何獨鼎哉? 德以施其用,焉往而不大亨乎? 聽,體六五之柔中,以應剛陽之聖賢,乃其德也。 其用也。 而已哉? 火,而烹飪之用著矣。 之形以具,二卦合而鼎之用以行。以巽之木,入離之 腹,以一鉉而貫耦耳,非鼎之形乎? 鼎,象也。象者,卦之形肖鼎之形也。 鼎者,火化之元勳。 體異之順,以順於義理,體離之明,以達其視 有鼎之用,有鼎之德。享上帝,養聖賢,乃 孰有大於革茹毛爲火化之初乎? 古者聖人之制鼎,豈自奉 革鴻 故曰是以元亨。 荒而 新 六爻畫 萬法、孰爲 食者,生民 以列 全其 足而 П 而

一初既立,而萬法類從矣。

命。《象》曰: 木上有火,鼎。君子以正位凝

問鼎于周,王孫滿,對曰「周德雖衰,天命未改,鼎之輕 傳國以鼎,猶後之璽也。故《傳》曰「禹鑄鼎象物,其後 鼎遷于商,于周」,又曰 必鼎以定之易之。 者,不惟其器,惟其人。 重,未可問也」。 然又有 程子謂,「君子居處必 一説焉,革之湯武革命,謂天命也。革以革之, 此亦正位凝命之一説。 凝命,即《書》之「定命」也。又古之 「武王克商,遷鼎洛邑」,又楚子 故鼎以紂輕,以武重。 正,命令必重,蓋取諸 然必日君子 鼎」,

否」,以從貴也。咎。《象》曰:「鼎顛趾」,未悖也。「利出初六,鼎顛趾,利出否。得妾以其子,无

昧陰閉之初,猶宿昔滓濁之鼎也。 顛覆其趾 不有滌蕩,不可以盡去一世之敝。 新美之治。 ,可不傾寫滌蕩 去惡不盡,良庖无潔清之鼎, 否惡盡 以 是故,不有傾寫,不可以盡去一鼎之惡; (盡出其 而貴珍之膳來,晦冥徹而 ,使无一豪之不盡乎? (否惡,爲治者,滌蕩其舊,以盡 將欲去其故以取 鼎之初六,天下草 去敝不盡,聖人无 故爲鼎 陽光之治 徹 其

疾」,終无尤也。《象》曰:「鼎有實」,慎所之也。「我仇有九二,鼎有實,我仇有疾,不我能即,吉。

廢 即,則此必受其即,仇我而能我動,則 聖賢,可飽夫天下。 刺客不能動裴度,而周、 故有不動之志,而无可乘之隙。 而无即我之便。 也初六以一陰之孤,而壓於衆陽之底,故有疾我之心 陰,讎正者邪。 鼎之有美實,天人上下所同恃以爲享者也。 位,上遇六五離明謙柔之主,下得三、四同德之助 也,重夫鼎中之實也。 鼎者,宗廟之重器,賢者,聖人之鴻鼎。 壯哉,九二之不動 一心不可動 初六與吾近,而吾仇也。 九二以陽剛之才, ,則萬議息。 九二以陽剛之才德、居大臣之正 鼎有實,則可薦諸上帝,可 唐遂安。 乎! 故 慎所之者,言謹審 鼎 流言不能 大哉,九二之實德 而充以篤實之德 不可 彼必乘其動。 寇我而能 動,則 然寇陽 動周 非重 萬夫 公 夫鼎 此 我

而終无悔尤。不動也。我一有所之,彼斯乘之矣。惟慎所之,故吉

悔,終吉。《象》曰:「鼎耳革」,失其義也。九三,鼎耳革,其行塞,雉膏不食。方雨虧

雉膏。 之實? 主也。 至也。 耳革,革言改也。 食九三之雉膏也 而下矣。始若虧損 者,樂克啓之也。不見孟子者,臧倉改之也。 以改也。上之意改,則下之行塞矣。魯平公見孟 也,或塞之, 君,而不食九三之雉膏,非九四塞之而誰也? 五改之於上也。 初六,鼎之足。六五,鼎之耳。 中者粹而美。曷粹而美也? 主用賢之意可改,而明主用賢之意不可改。 ,謂君臣之義爲九四所間,而相失於始也 鼎實一而味殊,綦下者重而沉,綦上者輕而浮,綦 九四其能終改之乎? 雉者,内之珍,①膏者,雉之珍。 然味成而莫之食,何也? 九四塞之於前,而六 三陽是也。孰爲實之中? 九三是也,故謂之 其食也,或間之。 萬物以足行,鼎以耳行。 哉? 其行塞,耳不從則鼎不行也 一而可悔,終則潤澤而逢吉,豈終不 破斧》、《九罭 一旦而悟,如雨之沛然 間乎輕重清濁之中也 上九、鼎之鉉。孰爲鼎 六五用九三之意,所 》之詩是也。 此鼎實粹美之 六五離明之 六五,明 雖然暗 子

> 曰:「覆公餗」,信如何也? 九四,鼎折足,覆公餗,其形渥,凶。《象

何如哉? 顯、粲之誅,其形渥也。 與惜身之褚淵以圖 焉得不凶乎? 必與小人而同禍,此其所以折足覆餗而沾濡其身也 臣,下應初六陰柔之小人,力已小矣。 然後能不踣。 天下之德,然後能无傾, 鼎實至於四,鼎之盈,實之重也。 深戒之也。 九四以陽處陰,德已薄矣。以近君之大 元顯與反覆之牢之以圖靈寶, 蕭 道成,晉、宋之亡,覆公餗 信如何者,言信任小人,其禍 任重者,必有過天下之力。 與小人而同事。 持盈者,必 有高 也。

耳」,中以爲實也。 六五,鼎黄耳,金鉉,利貞。《象》曰:「鼎黄

道: 明皇之季是也, 正,過中必溢, 主,猶君者天下之主也。 則 諛臣進,元 挈一鼎者聽於耳,挈天下者聽於君。 持盈以中正則爲天下之利,不中不正則驕心生 帝之貢、薛、韋、 鼎鉉剛則舉,不剛必墜。主天下有二 用臣以剛直則爲天下之利,不剛不 然主鼎有二道: 康是也。黄,言中。 耳者一 鼎實中則 鼎之

「内」、尹本、四庫本作「肉」。

爲大臣,故爲金鉉。於上,故有鼎耳之象。六五本坤體,故黄中。得九二於上,故有鼎耳之象。六五本坤體,故黄中。得九二金,言剛。貞,言正。利,言爲天下之利。六五十分布

鉉」在上,剛柔節也。 上九,鼎玉鉉,大吉,无不利。《象》曰:「玉

乎? 爲玉鉉者,在位不在位故也。 柔而非柔,皆中節也。 質剛而德柔,温潤故也,故曰剛柔節也。 鉉,粹于剛也。上九不在位之大臣,故爲玉鉉。玉者 陽也,剛也。上隱也,柔也。九二在位之大臣,故爲金 位也,故仲尼不對,非不隱也。既而私於冉有,告以周 也。季康子欲用田賦,使冉有訪諸仲尼,是時仲尼不在 於旁諷之中,藏面折於忠愛之表,隱之犯有甚於犯之犯 大臣也。有犯有隱,不在位之大臣也。非隱也,寓直刺 然則上九,其功成身退之大臣乎? 公之籍,非隱也。此鼎之上九,玉鉉在上之義也。九, 盈,鼎之功成矣。至上九之鉉,乃既薦而安逸之時也。 雨既浹而雲歸,鼎既薦而鉉逸。 然九四以剛處柔,則爲折足,上九以剛處柔,則 夫如是,豈不大吉而无不利 上九乾體,乾爲玉 有犯无隱,在位之 鼎至於六五之持 言剛而非剛

張

先生校正楊寶學易傳卷之十三

誠齋先生易傳下經卷第十四

廬陵楊萬里廷秀

温震 震震上

里,不喪匕鬯。○震,亨。震來虩虩,笑言啞啞。震驚百

《彖》曰:「震亨。 遠而懼邇 笑言啞啞」,後有則 也。 出 可 震 以 來虩 也。 守宗廟社稷,以 「震驚 虩」,恐 百里」,驚 致 福 爲祭 也

事震動而來也,吾虩虩然必爲之恐懼 其所以應之,使大事爲无事焉,斯可 无懼者,非不懼也,懼始乎來,終乎散也。 失守之謂也,懼而敬 震所以亨者何也? ,而笑言啞啞矣。 也。 故震雷能驚百里 惟 動 懼,故敬。 而懼, ,則亨也。 以轉禍爲福 而顧慮焉,必求 惟敬,故无懼。 呵 當天下之大 不能 懼非惶 移懼 失匕 擾

> 覺。 也。 順之聖。 鬯於主祭之手。羑里能難文王,❶而不能傷文明於柔 喪匕鬯,敬也。 雷失匕箸,②託也。 猶曰明天子出矣。《説卦》曰:「帝出乎震。」劉備聞迅 主宗廟社稷,優爲之矣。高祖當項籍、光武遇尋邑是 外无餘知。當是之時,白刃前 震爲長子,故言主祭。 故震雷驚百里,亦莫之聞。 能如是,天下可懼之大事,孰能驚之者? 蓋執匕鬯以祭者, 出字上脱不喪匕鬯四字。 舜之烈風雷雨弗迷,震之祭主不 又震爲雷,爲動。 敬之外无餘 臨,猛虎後迫,皆莫之 敬有所甚,懼有所忘 念,一 日 其出 出者, 鬯之 而

象》曰: 洊雷,震。君子以恐懼修省。

恐,懼无懼矣。 之,脩省者,恐懼之功用也。 則舍之,徒警也。 警也,3有功用焉。 子,敬者也。 雷,以驚夫不敬者也。不敬者猶驚,而況敬者乎? 震者,雷也。 雷已驚矣,而況洊雷乎? 君子則不然,恐懼以先之,脩省以繼 一雷已威矣,況洊 聞雷而恐懼,警也。 脩其身,省其過,則恐无 而重乎? 警而已矣,過 然君子 天之 非徒 君

「羑」,原誤作「姜」,今據四庫本改。

0

- 「匕」,原作「己」,據尹本、四庫本改。
- 「警」,尹本、四庫本作「驚」。

後有則也。 初 曰:「震來虩虩」 九, 來 虩 虩,後笑言啞 」,恐致福也。 啞,吉。 「笑言啞啞」, 《象》

也。

出。 後有則者,喜而不失節也 《彖》辭已言之矣。爻、《彖》二 一辭同,或者其 重

六二,震來厲,億喪貝。 七日得。《象》曰:「震來厲」, 躋于九陵,勿 乘剛也 逐,

險也。 訓。 之義矣。 則吾无喪而有得矣。 以 與位俱柔,若不勝其憤,起而逐之,奚而不喪? 貝,❶其所有之資也。 遇九之猛厲,勃然而動 避項 久也 柔避剛,以静 時 而人漢中, 以六二之静,應初九之動,詘也。 有險易,則勢有詘伸。 厲、猛也。 ·馴動 躋 光武避更始而出河北,得震六二 速避 險者易, 詘者伸, 非有得乎? 高 度其逐之,則喪其所有也。七 于九陵,避之遠也。 ,駭然而來,何可當也。六二才 而勿逐,俟之久而剛自衰, 以六二之柔,乘初九之剛 故天下无常險,亦无常 方震之始初 億,度也。 惟能

蘇」,位不當也。 震蘇 蘇, 行 無 告。 **《**象 **>** 日 「震蘇

> 義乎? 尹、蔡謨不拜司徒,可以无告矣,抑可以爲次矣。 豈惟无災眚乎? 位者乎? 隕國細乎? 然則奈何? 之不當乎? 六三以柔懦之才,逢震擾之世 不患无位,有位患也。 日 鮑叔遜夷吾,子皮遜子産,去无才得有才 EI : 吾才不稱吾位,吾去之,天下獨无才稱其 君子所以爲六三懼也。 是臣子之義也。 國之福,身之福也。 行而去之可也。 非患位 不才云才,隕身細也。 ,居下卦之上,非位 辭難避事,臣子之 也,才儉於位之患 蘇蘇、懼之至也。 **薳子馮不爲令**

九四, 也。 震遂泥。 《象》曰: 「震遂泥」,未光

喪」也。 六五,震往來厲,億无喪,有事。 震往來 朝 致遠而不泥,光大而 化爲繞指,一 九四以 珣、瑜、 厲」,危 伾、文,並居唐位 齊誅於衆楚矣。 陽之孤,陷四陰之圍,處至陰之位,百 行 有濟乎? 也。 其事在 ,是已。 以此居震擾之世,安能 劉向、 恭 中, 《象》曰 顯, 大「无 處 鍊

「貝」,原作「其」,今據尹本、四庫本改。

事乎? 矣。 所有,不若静而不喪吾之所有。 剛之才者也。 治,料敵者必料己。 長慮焉,億之於心,度其得中而无喪其 而來,來則乘九四之至剛,是來亦危也。 日 憤 毋進而往,往則爲上六之震極,是往亦危也。 (起奮伐,●撥亂反正,以大有爲於天下也。 然則天下紛紛,何時定乎? 六五,震之君也。當震動之世,爲正位之君,宜 當動之時,无動之才,與其動 五固震之君也,六則陰 其周平王、晉元帝之 日: 所有焉, 必也深思焉 治人者必自 柔而 而喪吾之 今戒 无陽 斯 足 退 其

1.。「震索索」,中未得也。雖凶无咎,畏鄰戒「震索索」,中未得也。雖凶无咎,畏鄰戒躬,于其鄰,无咎。婚媾有言。《象》曰:上六,震索索,視矍矍,征凶。震不于其上六,震索索,視矍矍,征凶。震不于其

則 之辭也。 言往則凶,警之之辭也。 然矍然宜 之。六以柔怯之資,居震懼之極,下臨五爻之動,其索 豈不索然而盡,其親豈不矍然而愕乎? 无咎? 立弱子於千仞之上,而觀人與虎鷗於其下,其氣 也。 奚而往則凶? 我躬遠於剛 然聖人一 則以警, 而我之鄰六三實當之也 曰无咎,言不往則无咎,安之 往則犯九四之剛。 則以安。 震之上六似 奚而不往 日征 N.

> 也。 國甲,其知所謂雖无咎而畏鄰戒者歟? 受晉寶以滅號,不知乃所以自滅, 聖人雖安之,而終再三以警之曰: 者以五爲鄰 言以蔽之曰: 不知乃所以自伐,玩故也。 而于其身次焉。 蘇,亦不可不畏不戒也。 中未得,謂懼而不自得也 五君也 君子以恐懼修省。 何也? ,非鄰也 身者必防,鄰者必玩也。 天下之禍,莫大乎于其 江亡而秦穆懼,吴亡而晉 三與 婚媾 汝雖无咎,而鄰之 楚聽秦賂以伐齊: 上應,日 有言,亦謂 震之六爻,一 鄰。 説 鄰

夏艮下

○艮其背,不獲其身。行其庭,不見其人,

也? 貞,面内而背外,是艮其背不自獲見其身也。 虚而衆者,耳目手足也。 頤 面 前人之背而不見後人之面,是行其 ,噬嗑如人之噬,艮如二人相重,皆背而 艮,山 易者,象也。 也。 不動如 象者,狀物以明理也。 山,止之至也。 陽實而孤者、背也。 庭 日艮其背,何 而不見其 立也。 故頤如人之 艮之 一陰

● 「伐」、尹本、四庫本作「發」。

勿聽 背之上,疑脱一艮字。 前方丈,侍妾數百,得志而弗爲,行其庭不見其人也。 出外不入,止之至也。 又何咎? 是得忘物之學。 也 、勿言、勿動,艮其背不獲其身也。 子觀貞之象,於是得忘我之學, 貞内,故艮其背。 忘我則中不出, 忘物則外不入。 毋意、毋必、毋 悔外,故艮其庭也。 固 堂高數仞,食 觀悔之象,於 毋我,勿視 艮其 中不

《彖》曰: 其所也。 行,動静不失其時,其道光 獲其身」。 上下敵應,不相與也。 「行其庭不見其人」,无咎也。 艮,止 也。 時 止 明。 則 止 艮其止 是以「不 時 止 則

也; 非 聘列國,見齊梁,君子不以爲不止。 聽乎己,耦而耕 道乎可行,吾斯行焉,吾雖行,然止乎道也。 无 止 定指 。」君子之止其所 止乎道也。 ,道乎可止 艮其 艮止 時行則行,亦止也。 耐 也,非止而不行之爲止 北 止 辰有定居。 吾斯 此之行,亦止乎道也。 其 ,踰而避,君子不以爲止,行止聽乎道 所 止焉,非吾止,亦止乎道也。 即 也。 北辰之居其所也。 故 非行之爲止也,時乎當行 而 日 孔 動静不失其時,其道 子 也。 亦 何也? 딛 如北辰焉,杓 時止則止,止 上下 北 彼之止 時乎當 辰 居 其 光 建

> 乎? 之卦辭也 之面乎? 不 相與者, 後 人見前人之背,而不見前人之面,況見後 所以釋艮其背不獲其身、行其庭不見其人 前 人 面 内, 丽 不 自 見其背,況 見 ᆸ 之面

象》曰: 其位也。 思不出其位,而各止其分,此止而約之也。 喪之矣。 狐貉立,止其位也。 之以思不出其位 止而絶之也。 者,有止而約之者。艮其背,所以絶人欲而全天理 喪之矣。 相重乎? 艮,山 夫止,一端而已乎? 後二者出位而思,不惟 大哉,止乎! 前二者出位而思,不惟不得狐貉,併 山兼重 也。 兼 時止時行,必止乎道,此止而居之也。 山 山,不動之物也。 艮。 ,可得而動乎? 而二焉, 典禮 有止而絶之者,有 君子以思不出 ,以禮聞,典樂,以樂聞 止而不動之至也。 不得 **緼袍**, 緼袍立 山已不動 音樂,併禮 止 其位 大哉,止 ,況二山 君子體 丽 緼 居之 文而 袍 此 貉 止 丽

「艮其趾」,未失正也。初六,艮其趾,无咎。利永貞。《象》曰

初者也。漢文即位之初,喜嗇夫之辯捷,而張釋之極況肆之於初者乎? 顔子之不遠復,止一己之不善於止不善者必在初,止之於初,猶不能止之於末,而

宜止其終。 居腓之下偶而 爲七制之先,止於初之効也。 言其害,止其君之不善於初者 而不行者也。 ,故但言未失正。 曰利永貞者,止其終之謂也。 散,趾之象也。 聖人猶有憂焉,曰: 艮止也,初六止之初 以六之柔而静 也。 顔 汝能止其初,猶 爲幾乎聖,而 然六止而 此 趾 也 之 文

曰:「不拯其隨」,未退聽也。 六二,艮其腓,不拯其隨,其心不快。《象》

止。 背之動 貨,不拯而隨而心不然也。 者,有不拯而隨者,有不拯而隨 善,有拯而不隨者,有先隨而後拯者,有先拯而後隨 必觀其心,然後君子小人可判也。 六二之腓,而欲止九三之背,其能與否,已昭昭矣。 和,背動則腓必隨。以六二之柔,而欲止九三之剛,以 在上,則猶背也。 忠而後可。譬之一身,以己下九三,則猶腓也。 伍被之答淮南,先拯而後隨也。 干,拯而不 君曰 今則不然,居大臣之位,逢其上之剛,必有柔順之 六二,一卦之大臣也。大臣者,以道事君,不可 好 隨也。 而柔不勝剛,下不勝上,故曰不拯其隨 色,亦曰太王好色,君曰好貨,亦曰公劉好 九三陽也、六二陰也、陽倡則 楚靈王之問子革,先隨而後 六二艮其腓,非不欲止 而心不然者。龍逢、比 蜚廉、惡來,不拯而 古之人於其上之不 拯越也。 陰必 九 隋 則

> 樂隨 腓,脛肉也。 察其跡而哀其心。 居六二之上也,六二不得不隨也。 已而隨,亦未肯退聽其上之輕動也。 快,言其不得已而隨 也。 外不得 六二中正,故不快,故未退 不隨,而中不 六二居背之下,偶而立,腓之象。 也。 又曰未退聽也,言其雖 得已也。 君子於艮之六二, 九三非君 聽。 故 日 其 也,而 不得 心 不

「艮其限」,危薰心也。九三,艮其限,列其夤,厲薰心。《象》曰

外向矣。 户 其心,使之有定列而不亂行也。 人戒之曰: 見,己亦不子都見也。 外之際,而九三以陽處陽,剛而進,躁而動者也。 九三曰厲,曰危,曰薰心,何也? 故初與四皆无咎,五悔亡,上吉,二惟小不快而已。 六四而面内者也。 喜生於見,見生於不相背也。 夜行而遇子都者,己先焉,子都後焉,不惟子都不己 人矣,今宜艮其闞之限,自危其心,使之不踰閑而 庭也。 君子之學,至於止其所而如山之不動,可以免矣。 昔也行其庭,今也不踰閾 此内慾之所由出,而外邪之所從人也。 爾幸能艮其背矣,今而列其夤之脊 惟剛而進,躁而動,則有時回 旦而一 揖焉,則喜子都之美矣。 九三下卦之背,所以背 爾幸能行其庭不見其 蓋三居物我之交,内 ,則併與庭而不行 ,自危 面 而

厲,亦危也。 不以成之賢而廢遊田之規。大哉,學乎! 顧可少哉? 九三之艮其限,列其夤,厲薰心者學之功也。 止,如介然之石,而不可轉。 躁而静,如百鍊之金,而不可革。 昔也艮其背,今也列其夤,則 九三奇而横,有門限之象。 三之能然也? 危薰心者,操心至危,若有薰蒸其心者。 故益不以舜之聖而忘逸樂之戒, 亦九三剛而進之力也。 艮爲門闕。 九三之剛者,質之美也。 併與背而不動。❶ 惟其進,故反動 惟其剛,故 夤亦背也。 然則學 周公 何 而 反 九

止諸躬也。

四居體之半,身之象也。 一次四居大臣之任,上欲止其君之不善,下欲止天 下之不善,惟不止諸人,不咎諸人,而自止諸躬,則得 之矣。楚莊王好獵,而樊姬不食禽獸之肉, 太宗喜 此其事也。王吉之賢, 能疎昌邑之獵,楊綰之清,能减汾陽之樂,此其効也。 北京喜 也,而自止諸躬,則得

其輔」,以中正也。 六五,艮其輔,言有序,悔亡。《象》曰:「艮

至大。成王一言而天反風,景公一言而妖星退,可不六五,艮之君也。其言如絲之至微,其出如綍之

輔頰。 謹哉? 者,必有言也。 五,所以能艮其輔者,以其德之中正而已。 海咸仰; 言必有序矣,何悔之有? 言,非不言也,審而後言也。 與其言而未善,寧 威王三年不鳴, 五居上而偶,有口胠而不合之象,故爲 故高宗三年不言,一言而 止 鳴而齊國震驚。 審而後言者,是惟不言。 其輔頰而不言。 所謂有 艮之六 止 丽 不

厚終也。 上九,敦艮,吉。《象》曰:「敦艮」之吉,以

亦背之象,故厚。 此伊尹將告歸,仲尼不踰矩之事乎? 敦,厚也。上九實,如泰山喬嶽之巓,其止豈可摇,其厚豈可移哉?

異人

○漸,女歸吉,利貞。

位,往有功也。進以正,可以正邦也。其《彖》曰: 漸之進也,「女歸吉」也。進得

● 「背」,原誤作「骨」,今據尹本、四庫本改。

位,剛得中也。止而巽,動不窮也。

之也。 故日女歸。 艮止,巽順。 九五以剛中之盛德,居天下之大位,故曰其位,指而言 九三、六四、上九也。 進,則正其身以及國。 漸 則正,速則邪,正 而漸哉? ,邪而不正哉? 諸爻得乎有位之大君,故曰得位,以此得彼也。 一從君如女從夫,女之從夫,聘則漸,奔則 有不動,動斯達,何窮之有? 止則静,順則謙,既静且謙,其進豈不正 則妻,邪則妾。 漸而進,則獲乎上而有功, 獲乎上者,孰爲上也? 漸而進者誰也? 臣之從君可速 長女歸少男 初六、六二、 九五也。 汉速,漸 而 Œ 而 不

《象》曰: 山上有木,漸。君子以居賢德

賢德者,推而高焉,以此處人,則不速責其善,而俟其 之,以此處己,則不自賢其德,而居於賢德者之間,故 而 久而自善,故風俗化而善焉,又豈獨進得位,進以正 而 固 有也。 而已哉? 高 已。 木在山、木因 `則浸以長,而不驟至於高,所以爲漸也。 巽爲長女,又爲高,鴻象也 非人所植 或以女,或以木,或以鴻,其象亦非 山而高也。 ,則聽於天,而無所用其力。 山有木,木非人所植 君子體 因 端 Ш 而

《象》曰:「小子」之厲,義无咎也。初六,鴻漸于干,小子厲,有言,无咎。

也。 崖之象。 之節哉? 爲君子者,付之莞爾,勿深咎焉,可 怨臧倉矣。 不咎也,其義不足咎也。 危之,或有言以毁之,安知君子之不卑小官,少安无躁 下,而始進亦或自抱關擊拆而升,或自乘田委吏而 漸也,故始進則漸升于水涯之江干。 匹夫孺子,如燕雀焉,安知鴻之志哉? 鴻,雲飛水宿之物也。 艮初,山之麓,故爲干。 如足咎,則孔子愠武叔 當其水宿而進於飛,必 又偶立,有江干兩 如初六之君子在 或欲厲 也 、孟子 非 而 升 有

「飲食衎衎」,不素飽也。六二,鴻漸于磐,飲食衎衎,吉。《象》曰

漸進而居大臣之位之象也。然居大臣之位,食吾君之禄,豈曰素餐云乎? 亦欲置國家於磐石之安,納君民於和衎之樂而已。故傅説之志,在中興有商,而非后,於和衎之樂而已。故傅説之志,在中興有商,而非后,不爲。艮二,山之石,故爲磐。艮爲小石。

九三,鴻漸于陸,夫征不復,婦孕不育,凶。

相保也。「婦孕不育」,失其道也。利用「御寇」,順利禦寇。《象》曰:「夫征不復」,離羣醜也。

乎? 矣。聖人戒之曰: 陸,知進而已耳,好高而已耳。 豈惟无凶,又且利焉。 汝與初六、六二可以相保,而免爲六四之所凶災矣。 亦和順於汝之類,而相與扞禦於汝之寇乎? 從初六、六二、九三之羣類也。 衆,豈復回 終,止之極也。壓於巽之下,伏之久也。 婦孕不育凶也。 而從平、勃,利禦寇也。 九三好高,則比 反,決焉棄其羣類而離絶之矣。 艮三,山之平,故爲陸 一鋭,飛必高也。 止極者,進必鋭,伏久者,飛必高。 初六、六二,汝之類也。 一而顧? 而 醜,類 是故自干自磐, 相悦, 靦焉孕而 好高而已,故非類在上,亦必合而 汝胡不正汝心,明汝目,而察之 故曰利禦寇。 也。 蕭至忠舍明皇而從太平公主。 夫,九三也。 六四,汝之寇也。 六四非九三之耦也: 知進而已,故其 九三知進,則往 一飛而登于高平之 不育,亦不知媿耻 故酈寄舍禄、産 九三居於艮之 以陽居陽,進 婦,六四也。 如是,則 類 而 盍 不

九五

,鴻漸于陵,婦三歲不孕,終莫之勝,

曰:「或得其桷」,順以巽也。 六四,鴻漸于木,或得其桷,无咎。《象》

> 也。 出艮之上,爲木、爲風,故乘風而升于木。 降,未有能免者。 而見殺。 漸進於高位,不幸而在剛暴小人之上,非順而巽,巽 漸于木者,飛而至也。 剛 而斬于陸,❶今六四乃超九三而出其 惟降而 六四 三禦四,陰寇陽也。 漸 樓于可椽可桷之卑枝,則庶幾无咎歟? 進而登于木,則又在陸之上矣。 故子文下子玉而安,陽處父上趙 得其桷者,順以巽 四順二,柔異剛也 也。 上,此 以九 君子之 危 三之 盾 而 四 道

如蒯通之説韓信。 合而无成者,何也? 遇順風横四海也。 臣,九五與之合志一 進于丘陵最高之地之象也。下有六二柔順中正之大 有中正之德,故九三間臣之計不行於六二,六四間 管、蔡之毀周公。 《象》曰:「終莫之勝,吉」,得所願也。 九五以剛明中正之君,居崇高富貴之位,此鴻之 此其所以婦 一欲親五,而六四近上以間之,如 何難之有? 德,以大有爲於天下。 五欲親二,而九三在 三歲不孕也。 然猶三歲 旁以間之, 而不合,不 此 惟君臣 如鴻之 君

謂功无成。 春年而化,或者不妄,則易妄矣。 乘巽之風故也。 合之艱也,成就之不易也。 觀之初,❷而見於三年之後,開元、元和亦然,君臣遇 位之漸也,進於功業之漸也。 位之高如丘陵哉? 彼不能勝此,則此之志願得矣。 之計不行於九五,終不爲基間之所勝,●而底於吉 日之致哉? 五出山木之上,故爲陵。 亦三歲之漸而至也。 又巽爲高。 功業之高亦 如此,而或者欲一言而悟 故文皇之治,不見於貞 君之志願得 如丘陵矣。 婦,謂六二。不孕, 鴻漸而至於陵 漸于陵,非進於 雖然,豈 ,則豈惟 也。

曰:「其羽可用爲儀吉」,不可亂也。上九,鴻漸于陸,其羽可用爲儀,吉。《象》

則其進爲退。 三下卦之極,上九上卦之極,其進也皆至于高平之陸 于九五之漸于陵、高之極也、不可踰矣、踰則僭。 以 徐,其退 卦之上,實出 而 九之漸于陸,安於進也,雖高而平。 而止矣。然九三之漸于陸,躁於進也,雖平而高, 高出 至於陸,則其高爲驟。 九三漸于陸,上九復漸于陸,何也? 漸之進,至 世, 爛速。 而爲天下之儀表乎? 上九以剛陽之德,秉謙巽之極,名居 一卦之外,其位彌高 此其羽翼翔集,截然而不可亂,豈不足 自陸自木自陵而復至於陸 ,其心彌下,其進彌 何也? 故良、平安劉之 自于自磐 故九

> 鴻舒翼之象。 衰,不能起毛羽,故鴻復反于陸。艮巽皆上實而下散,乎? 巽爲進退,又巽爲風,至上九風之衰也,衝風之好,學者欲學漸之一卦,將學其進乎,將學其不進無,不妙於四老人, 寇、鄧重漢之功,不宏於一客星。

震兑上

○歸妹,征凶,无攸利。

利」,柔乘剛也。「征凶」,位不當也。「无攸動,所歸妹也。「征凶」,位不當也。「无攸交而萬物不興。歸妹,人之終始也。説以交而萬物不興。歸妹,天地之大義也。天地不

也。 嫁女之家? 女之家也。 今日歸 歸妹者,嫁女之家,非娶婦之家也。 曷爲不曰歸女,而曰歸妹? 妹,自 漸曰女歸,自彼歸我之辭 我歸彼之辭。 婦 人謂 嫁 女者,愛之鍾 此娶婦之家 何以知 日 歸, 其爲

- 「惎」,四庫本作「其」。
- ●「貞觀」,原作「正觀」,係避宋仁宗諱,下逕改,不再出

其交? 男,咸 四,初 也。 也? 兄而无姊。 少 則无攸利爾。 不亦説乎? 女之終,娶者,男之始也。 熄,君臣不交,萬化熄,故曰歸妹人之終始也。 地之大義也。天地不交,萬物熄, 先主,徐庶歸之先主也。 乎又何利之有? 也。 无攸利也? 稱妹哉? 爲言,幼少之辭也,无父而有兄之辭也,豈有父在而女 也。 伯兄三夜不息燭,不亦動乎? 女,震之妹也。 ,女與長男交,是誤以嫁爲娶 ,故位不當。 此夫婦君臣之大義也。 淫,惡之大。 妹 是已。 兄歸之也。 无取女之辭,如咸亦无女歸之辭 者, 又以妹從姊而爲媵,愈失之矣。 妹者,敵兄之辭也。 孤 然則 、之窮 惟不待兄之命, 不待兄以己歸於人,而自往 而況位不當,柔乘剛乎? 乘 震者,長男,兑之兄也。 震之嫁其妹將焉 剛 舜之從堯,四 奔,行之醜。 也。 孰爲之兄? 謂 何 伯姬之歸宋,魯成公歸之宋 以 説以動者, 兑説而 陰皆 非夫婦君臣之大義也,天 知 而自征行以 妹 也。 少妹之孤身有 无父而歸於人,孰歸之 聘則妻,奔則妾,非 乘三陽。 岳歸之堯也。 震是也。 者孤之窮 歸? 上下 男女不交,萬世 如如 曷爲歸妹 巽 少女歸 卦 陰位乎陽之 不漸何 Ŧ 往 爲 焉,是淫 故兑者,少 也? 焉 言歸 輔嗣以 所依歸 震 姊 孔明 從 則 動 嫁者, 于少 妹 妹之 而 征 凶 也 爲 從 有 知 X 奔 X

《象》曰: 澤上有雷,歸妹。君子以永終

知敝。

姻? 也。 象也。 俗必强,一國之敝也。 姻,忠敝必野,文敝 之始,必慮永久之所終,必知其歸之所敝也。 哀禍魯, 兼愛必无父,爲我必无君, 雷 興 (傳》曰: 叔姬辱身 酮 , 則 澤益滋,兄舉禮 「昏姻者,禍福之始。」故姜任興 心必 僿, 董祁恕夫 清 必隘,和必不恭,一 代之敝也。 ,夏姬滅國。 一學之敝也。 則妹 有歸 革俗 君子 此 必弱,從 豈 豈惟 行之敝 於歸 歸 八周,文 妹之 惟 香 昏

初九,歸 歸妹以娣」,以 爲娣則 今日 也。 卑 吉者,待女君之命 生 非 能 惠叔 妹也 視則 剛貞之德,而能體跛弱之柔,承女君之尊,所以吉 幼孤之妹 歸 初九之跛能履,能履則非跛也。 妹以娣 征吉, 非眇 ,皆媵也 ,妹之娣媵 妹 以娣, 也。 何 是娣聽女君左右之也。 也? 昧弱不振 ,非匹也。 非跛言跛、非眇言眇、眇言昧、跛言弱 恒 也。 而以往也。 跛能 世。 征凶 故驪姬之娣生卓子,戴巳之娣 然卦辭言歸妹征凶 待兄以振者也。 者,不待兄之命 履,征吉。 跛能履」,吉相承 凡師 能 九二之眇能視 初九以 左右之,日 而自 象 初九在下 ,而初九 (娣媵 往,征 也 以 之

管仲、子産而賢鮑叔、子皮,猶泰茅之茹乎? 非娣之賢也,妹之賢也,故君子不賢而相承也。 恒者,能安其分之常卑也。 歸妹以娣,其

幽人之貞」,未變常也。 九二,眇能視,利幽人之貞。《象》曰:「利

何也? 故也 中正之常德而不變者也。 歸妹之九二曰利幽人之貞,言少妹之幽貞也。 夷、齊乎? 有幽閒中貞之賢德者,體陰而陽其性,質柔而剛其德 孤幼昧弱之身,而有視遠之聰明,以女子无父之訓,而 德之通稱。 履之九二日幽人貞吉,言君子之幽貞也 身而言利幽人之貞,所謂幽人者誰? 幽則至静而 初九、六三、九四、六五皆言歸妹,而九二獨不言 九二之位,下卦之尊者也,即妹之身也。 其宋伯姬、陳孝婦之儔乎? 不可動,貞則至堅而不可渝 故曰未變常也。 幽人者,男女賢 九二其女 皆剛陽 九二以

妹以須」未當也。 六三、歸妹以須、反歸以娣。《象》曰:「歸

僭之心矣。故聖人從而正其分曰: 汝曷不反而歸於以待禮,而六三欲躐出於九二之上,此已挾「緑衣」上,也二言幽貞未變之德,而不言其所歸,此未嫁而

在外,則皇父卿士、番爲司徒之時乎? 好媵之列乎? 又曰未當者,深貶其僭之不當也。其

期」之志,有待而行也。 九四,歸妹愆期,遲歸有時。《象》曰:「愆

如其娣之袂良也。其位在中,以貴行也。良。月幾望,吉。《象》曰:「帝乙歸妹」,不六五,帝乙歸妹,其君之袂,不如其娣之袂

文帝不及賈生,其庶幾乎? 之,而自以爲不如,位高而志益卑,身貴而行愈謙,此 侯,又能 妹,豈不光華焜燿于而國而家哉? 體中正謙柔之德,而九二之賢女爲之妹,以是兄歸是 六五之命而後行也。 帝妹之所以愈賢歟? 不輕,至四則愆期而未行,然則何時而歸於人乎? 九二之少妹,在二則幽貞而不變,至三則須禮而 自謂我雖女君也 六五以帝乙之賢,居至尊之位 推而放諸君道、高帝不如三傑 ,娣雖吾妾也,不以 彼謂五帝其臣不及其 於此而下嫁於諸 己爲過

者歟? 大哉,帝妹之遜乎! 之悌,難能也。 之孝於親。蓋吾親有遺憂,吾能解其憂,吾親有所託。 豈惟五帝之罪人,亦歸妹之罪人也。 文王未集之統,成王終武王未終之功,抑又歸妹之大 吾能副其託,不曰孝乎? 之遜其夫,知帝乙之訓其妹,觀帝乙之悌於妹,知帝乙 ,幾望者,月遜日也,婦遜夫之象也,故吉。 袂,袖也,假衣以明其人,而不斥其人也。 帝乙之悌,可能也,帝乙之孝,難能也。 大哉,帝乙之孝乎,至於武王集 故帝妹之遜,可能也,帝乙 月與日望,則 觀帝妹 相

利。《象》曰: 上六「无實」,承虚筐也。上六,女承筐,无實。士刲羊,无血。无攸

六、陰也,故虚,虚則无德。居上,尊也,尊則爲
 六、陰也,故虚,虚則无德。居上,尊也,尊則爲
 六、陰也,故虚,虚則无德。居上,尊也,尊則爲
 六、陰也,故虚,虚則无德。居上,尊也,尊則爲

誠齋先生易傳下經卷第十四

尹本、四庫本作「目」。

誠齋先生易傳下經卷第十五

廬陵楊萬里廷秀

農 震離 上下

息,而況於人乎? 況於鬼神乎?日中則昃,月盈則食,天地盈虚,與時消尚大也。「勿憂,宜日中」,宜照天下也。尚大也。「勿憂,宜日中」,宜照天下也。○豊,亨。王假之,勿憂。宜日中。彖

此也? 憂乎? 以致乎此,必有以憂此。 假之,豐之亨,孰致之? 也 而 畢照,動而有爲,是以致之也。致之矣,曷爲而憂乎 然吾王之勿憂,止於日中之時而已。 豐者,豐盈盛大之時也。聖人於是時,其喜乎,其 曰此庸君之所喜,而聖人之所憂也。豐亨王 吾王之明,宜如日之方中。方中者,日之至盛 吾王曷爲而致乎此也? 吾王致之,而至於此也。 何也? 有 明

> 之之罪己,❷三宗、❸文王之「无逸」乎? 知憂,必无末年之變。 治亂安危存亡乎? 鬼神也,四時也,所不能遁,況於人乎? 食所伏,盈者虚之源,息者消之根。天地也,日月也, 則 尚且大也,❶中 勿謂 宜照,其 照將夕。 則 晉武知憂,必无身後之亂。 尚 知憂者,其惟堯舜之儆戒 宜 照 蓋日中者昃所倚 也。 勿謂 方中,其 況於天下之 馬湯 明皇 中 將

《象》曰: 雷電皆至,豐。君子以折獄致

刑。

哉? 命至重故也。 刻印而銷不隨。 威刑不能致而果,故必雷電皆至而後可。 至而明不至,則獄辭不能折 有電之明,乃可折獄; 高帝无離之電,則躡足而怒不回,无震之雷,則 折獄致刑 , 姑舉其一, 以見其萬, 且 而服; 有雷之斷,乃可 明至而斷不至,則 豈 致刑。 惟 刑 獄 斷

曰:「雖旬无咎」,過旬灾也。初九,遇其配主,雖旬无咎,往有尚。《象》

- 「且」,尹本、四庫本作「宜」。
- 「之之」,尹本、四庫本不重。
- ③「三」,尹本作「高」。

及矣。 者,四爲遠臣之所爲主,初以邇臣爲所主。 過旬灾也。 房、四老幸免者,子房退 哉? 灾于而國,小則灾于而身,故漢再衰而望之死。 明盛之世哉? 從望之以傅元帝,而不能開元帝之暗。 以安惠帝,而不能振惠帝之柔。 安能以己之昭昭, 啓君之昏昏乎? 柔暗之君也。 從之,其功業成就,必有卓然可尚者,豈非初九之幸也 盛之世,遇九四同德相應之邇臣,爲己之所主,己往 者,其君子幸不幸之雜也歟? 不幸也。 禹 然幸未久而灾至者,何也? 初與四,皆陽也。 其有當豐盈明盛之世,而伏中昃盈虚 當平世,君子之幸也。 旬者,旬時,言雖无咎而不久也 初九在下之遠臣,與九四 然明未久而昧生,盛未久而衰至,大則 而四老去也。 同德相配 初 劉更生、張猛、周堪能 九以剛明之賢。 顔子當亂世, 時雖明盛,而六五 ,故日 故四老能從子房 故曰雖旬无咎 諸君子豈不遇 在上之通臣 配 ,過是則 主 君子之 日 之機 主 灾 而 明

可以爲夜。可揜者非至明也,其資根乎暗也。世无不至昏不可瑩,至明不可揜,故甓不可以爲鏡,晝不

而帝泣,贄不以爲己悦。 固 誠孚信,以發吾志而已。 輔,疑蕭復,仇陸贊,皆日中見斗,往得疑疾之類也 雖然,臣子之道,不以君之明暗而 刻薄爲强。 淵魚,而莫明於察姦欺。 在,强不在於折敵衝,而莫强於折邪佞。 德宗根乎柔暗之資,而力爲强明之跡。 猶暗也,況加之以上六乎? 揜吾君之明而蔽之也。 无日 霧之晨 六何以能揜君之明也? 往而事君,動而見疑,舉 至而中正之至也。 六二爲離之主而居中,宅大臣之位而居正, 見斗,非揜之者之罪也。 豐者,日中之時 然則日 今日中至明至盛之時 以晝爲夜、蓋青天白日之清明、非雲霧所能揜 古也。 而晝晦歟? 中見斗,非其明之可揜也,以 ,而霧 疑焉疾焉 明不足以察延龄, 不能以晨爲昏 也。 意者非无日,其有日而食之既歟? 以此事君,致之堯舜之上可也。 亦吉 蔀者,有物以揜之也。 而見斗 小人者誰乎? 上六是也。 而見疾者,何也? 忠州之貶,終其身而不還,贄 盡吾之誠心,而君不疑不疾 德宗强不足以 故曰日月暈于外,其賊在内。 也。 六五,柔暗之君也。 ,世无不雲之畫 其陸贊事德宗之事 ,是能以畫爲夜也。 故梁州之行,求贄不得 而以猜忌爲明。 二其心也。 其 折盧杞 日之至昏也 明不在於察 夫君道之所 面 物揜日而 此明盛之 无上六 故怒公 雲 故也。 於至 人以 圃 意者 不 能

不以爲己凶。

其右肱」,終不可用也。 咎。《象》曰:「豐其沛」,不可大事也。「折九三,豐其沛,日中見沬。 折其右肱,无

玄岭无如晦不決 所歸咎也。 拱手太息而已,又誰咎哉? 左之而右者誰歟? 今也不幸與上六之小人爲同列,先之而後者誰歟。 君,非吾一人所能扶持也,所恃者同列之相應也。 而 欲增其君之明,如日之方中。皆大事也。 是故,下則欲豐其民之澤,如陂池沛澤之洋溢; 剛明之德,居下卦之之上,❶君子有德而得位者也 天下之大事乎? 用也,何以答天下之望乎? 一人爲之,惟見民益槁而不蘇,君益昧而不明。 一手不能舉鴻鼎,一 不可爲,欲用其道而終不可用,何也? 君子之道不用則已,用矣而止以小事塞焉。 沫,即 昧也。 致君澤民,舍此事,无大者。 同列不應,是有左臂而无右 臂不能推大車。天下大事,而 三與上應,故平无勃不濟; 答天下之望者,其必 无咎,言无所措手,亦无 然欲爲大事 六五柔暗之 肱也。 上則 有濟 而 不

《象》曰:「豐其蔀」,位不當也。「日中見九四,豐其蔀,日中見斗。遇其夷主,吉。

斗」,幽不明也。「遇其夷主」,吉行也。

夷。 城貞子,次亦不失爲魏无知、常何。 來主於我,而我爲之主,吾道其庶幾可行乎? 故吉。 曰夷主者,同德相應,而爲等夷也。 而啓其明也,而況九四乎? 主,❷而不可以有爲乎? 君子之剛而有爲者也。 曰位不當者,以陽居陰也。 九四高 九四居近君之地,處動卦之初,有陽剛之德,此 其如上六之小人揜六五之暗 六二之大臣,且不能發其蔽 然猶幸其下有初九之賢 如「夷於九縣」之 ,則顏讎 司 亦

「吉」,有慶也。 六五,來章有慶譽,吉。《象》曰: 六五之

是以用之於先。知六二之中正孚信,雖疑疾而不改度章明。知初九之剛明可尚,身雖在遠,而不忘君也,我宜其傾厦非一木之支,決河非捧土之障也。而下有六宜其傾厦非一木之支,決河非捧土之障也。而下有六宜其傾厦非一木之支,決河非捧土之障也。而下有六下五人的矣。 夫以豐大之時,而柔暗之六五爲之主,賢不足尚矣。 夫以豐大之時,而柔暗之六五爲之事,則

- 」「之之」,尹本、四庫本不重。
-) 「六五」,原作「五六」,今據尹本、四庫本改。

即己之明也。 後,能旁招初九,以協恭於君也,我是以用之以自近, 實剛。 之君而事之,其所就豈小哉? 之君,猶足以致豐大之慶譽,況得剛明果斷聦睿勇智 然則其致豐大明盛之治,非幸也。 己之剛,用人之剛,即己之剛。舍己之明,用人之明, 下以吾君爲暗,今則慶之譽之以爲明,何其吉也。 昔也天下以吾君爲柔,今則慶之譽之以爲剛,昔也天 陰柔,亦謙虚,故能用人。又六五陰爻而雷質,雖柔而 事,則賢不足尚矣。六柔暗,五剛明,故有慶譽吉。 立大事也,我是以用之於在 也 ,我是以用之爲佐。 君雷而佐電、雖暗而亦明、與它卦六五異矣。 其小猶爲齊威王,而況不爲威王者乎? 知九三之志於致君澤民,而 列。 故曰天下有不可爲之 知九四之在左右 夫以羣賢輔一柔暗 六 前 欲

也 三歲不覿,凶。 君明 必勤 以 亡, 憂危亡, 則己疎左右矣, 故必揜之以娛樂。 公姦諛。 「闚其户,闃其无人」,自藏 總攬,勤總攬 '則必親君子'親君子'則己失恩寵矣'故必揜之 自古小人揜其君之明者,何也? 此 仇士良之所以傳心術之祕於其徒 《象》曰: ,則己无權勢矣,故必揜之以逸遊。 「豐其屋」,天際翔 也。 君明則必 君明則 也。 憂危 故

上六、豐其屋、蔀其

家,闚其户,闃其无人。

置於。爲人主者,可不戒哉! 聖人發其心之至隱,而曉以禍之必然。曰: 汝之揜 理人發其心之至隱,而曉以禍之必然。曰: 汝之揜 理人發其心之至隱,而曉以禍之必然。曰: 汝之揜 聖人發其心之至隱,而曉以禍之必然。曰: 汝之揜 聖人發其心之至隱,而曉以禍之必然。曰: 汝之揜

離艮下

○旅,小亨。旅,貞吉。

剛,止而麗乎明,是以「小亨,旅,貞吉」也 彖》曰:「旅,小亨」,柔得 外 非不亨,而曰小亨,何也? 又 館 者也。 也。 (日旅貞吉者,居家而不貞,尚非吉之道,況窮於外而 山 火動而不止 内而火外,内爲主,外爲客。 在下謂之喪人,在上謂之蒙塵,亨猶不亨也。 ,猶行人也,故艮下離上爲 旅者,人之失其居而 中乎外而 山止而不動,猶舍 旅。 順 窮於 乎 旅

●「山」,尹本、四庫本作「凶」。

不正,則上交必諂,而主人莫之敬,下交必濟,而 得中,謂六五。曰得中乎外,謂六五在外卦。 尼不答靈公是也。 以爲客則柔,亦不過於柔,必順乎剛,乃爲得其中,仲 莫之尊。 與火也。柔而在外,故爲旅 剛,謂六五順九四、九三之二 麗乎明,仲尼不主彌子是也。 濡,去而不正則逋,故旅貞則吉。 取而不正則汙,進而不正則褻,留而不 以所主而止,則所止亦不妄,止必 剛 此皆旅道之貞也。 日 孰爲旅道之貞乎? 止 而麗乎明 日 日柔 順乎 徒 則 御

旅之時義大矣哉!

爲也。 能爲而已。夷吾、重耳, .尼、陽虎俱去於魯,有同去,无同義。 義在此,其繫在守。 旅者人之窮,何大乎? 聖賢君子,不幸而爲旅,盡其所能爲,聽其所不 俱寓於秦,无異寓,有異時。 遇非我所能爲也,守我所能 時義也,時在彼,其繁在

《象》曰: 山上有火,旅。君子以 明 慎 用

刑,

而不留獄

則滯,故欲不留。 刑不明則冤,故欲明。 艮止,故謹。 過明則察,故欲謹。 火行,故不留而明。

過

謹

初 六, 瑣」,志窮災也。 旅瑣瑣,斯其 所取災。 象》曰:「旅

> 瑣瑣以取災也。 子知其及殃, 以自封植,此其所以致灾也。 不能如鍾儀在晉而樂不忘舊。 在旅者也。上之不能如仲尼在陳而弦歌不衰, 武牧羊於匈奴,志不在於羊,必有能辨之者。 有志大而爲之者,故關羽種菜於魏,志不在於菜, 蓋小人无道義以養其志,得志則驕溢,失志則困窮,故 六以陰柔之資,宅卑下之地,此小人之棄逐而 息夫躬寄丘亭而祝盗,或者告其祝誼 然在旅而爲鄙事,有志窮而爲之者 故慶封奔吳而致富,君 方且經營瑣細之鄙事, 下之 蘇

六二,旅即次,懷其資,得童僕,貞。 曰:「得童僕,貞」,終无尤也。 ^ 象

露乎? 得其心而不離。 順以下人,中正以立己,故所至有次舍,安焉即之而不 文而有禮,好學而不貳,亡十九年,守志彌篤,不曰中 也。見秦伯則拜,見野人亦拜,不曰柔順以下人乎? 危,所挾有資用,退然懷之而不露,所徒有臣僕,翕然 子餘,股肱則 齊秦妻之,秦納而歸之,可謂旅即次矣。腹心則子犯 正以立己乎? 六二,公侯大臣之顯者,喪而在旅者也。 其貞正如此,故至楚,楚饗之,楚送之至齊秦 魏犨 廣而儉,懷安而能遷,不曰懷其資而不 雖曰爲旅,而无悔尤矣。晉文公之奔 賈佗,紀綱則秦之三千人,可 然能 柔

禦焉? 童僕矣。豈惟在旅而无悔尤哉? 旅而歸,歸而霸,孰

義喪也。曰:「旅焚其次」,亦以傷矣。以旅與下,其曰:「旅焚其次」,亦以傷矣。以旅與下,其九三,旅焚其次,喪其童僕,貞厲。《象》

乎? 歸馬。 是不歸國,是喪其 又不答,是焚其次也。 于竟」,弗聽。 魯昭公係于齊,齊不禮焉, 大則焚其次舍而无所歸,小則喪其童僕而莫之助也。 而以剛處剛,又在下卦之上,有多上人之心,宜其 將如乾侯,子家覊曰「有求於人,而即其安,其 近離、故焚。 九三亦公侯大臣之顯者,喪而在旅者也。 季孫將如乾侯見公,而與之歸國,而公不見,自 是剛而不能下人也。 童僕也。 魯之歸馬者,公執之,魯自是不 而饗以大夫之禮,公遂 雖貞猶危厲,而況不貞 使請逆於晉而 爲客依 晉 造 如

未快也。曰:「旅于處」,未得位也。「得其資斧」,心曰:「旅于處」,未得位也。「得其資斧」,心力四,旅于處,得其資斧,我心不快。《象》

者也。有剛明之才,而能居柔以下人,故旅于内地而九四在下卦之上,上卦之初,亦公侯、大臣之在旅

儀之時乎? 雖得資斧,而猶未快心。 得其斧而猶能威罰人也。 有處,非 至如外 非二五,故未得位,然已近乎五,故旅于 地之次舍也。 其鄭厲公在櫟 然雖在内地,而 得其資 而 猶 衛獻公在夷 猶 能 未得位 富 貴人,

曰:「終以譽命」,上逮也。 六五,射雉,一矢亡。終以譽命。《象

子而爲旅人。有天下者,可不懼乎? 少康、宣王、自旅人而爲天子、无德則太康、 傳,天命不隆矣乎? 有周,保兹天子,詠於《詩》,上天佑之,爲生賢佐,載於 之,《江漢》、《常武》則又美之,民譽不盛矣乎? 雅》美之,則《雲漢》、《崧高》,至《烝民》、《韓奕》則 行,宜之謙柔也。《小雅》美之,則《鴻鴈》、《庭燎》,《大 矢其文德,宣之文也。 之譽,上得乎天之命,自旅寓而復歸其天下國 明之羽而不再發,言發无不中也。此其所以下得乎人 也。 也。 六五爲離,一卦之主,明之至也,有坤六五之文德之盛 旅之有? 有文明之德、居至尊之位、而牧之以謙柔、如射文 所謂禍亂之作,天所以開聖人,其旅之六五 六五,王者之蒙塵而在旅者也。 少康逃虞思之國宣王匿召公之家,是 其中興也,孰禦焉? 明明天子,宣之明 上速,謂 王者无外, 也。 、厲王,自天 故有德,則 側身修 家敷? Ŀ 天監 又美 亦旅 m 何

也。「喪牛于易」,終莫之聞也。于易,凶。《象》曰: 以旅在上,其義焚上九,鳥焚其巢,旅人先笑後號咷。喪牛上九,鳥焚其巢,旅人先笑後號咷。喪牛

聞,高亢自信,不聞其過也。 爲主也。故六五獨不言旅,所以存王者无外之大義 没其辭於爻,而列其爻於卦,始乎旅而非旅,終乎歸 惟六五當旅之時,而不言旅,非不言也,不忍言也。故 象之以焚。牛,大物也。 也。上九高亢,如鳥高飛,故象之以鳥。又離之極,故 九獨言旅人、則在高位之時、已有終身旅人之理矣。 之柔理天下,此帝王之盛德也。 仁,文王之徽柔,武王之容德,高祖之豁達大度,光武 虜庭,而亡天下歟? 此晉未帝信景延廣之言,挑契丹之敵,至於覆宗祀,遷 又辱其身,如先笑後慟,又失其大物,如喪牛而甚易。 於失高位而爲旅人,自取之也。既毀其家,如鳥焚巢, 而不言旅人,在旅而非旅人也,有歸其居之義焉。 **亢可恃,剛强可肆乎**? 卦之上,居離體之極,恃其高亢,而肆其剛强,至 上九,亦王者之蒙塵,終於旅而不歸 凶孰大焉? 堯之恭遜,舜之温恭,湯之寬 喪牛,失天下之象。 或曰: 初二、三、四皆言旅 然則有天下者,高 公卿大夫士民有 其國 終莫之 者 也。 上 而

示戎州人以璧而不受,胡亥請爲黔首而不許,旅何可王者有旅,非甚也,求爲旅而不可得,斯甚矣。衛莊公旅,固也。王者亦有旅,聖人慮患不亦甚乎? 曰:

買異下

〇巽,小亨。利有攸往,利見大人。

見大人」。行,柔皆順乎剛,是以「小亨,利有攸往,利行,柔皆順乎剛,是以「小亨,利有攸往,利《彖》曰: 重巽以申命。剛巽乎中正而志

也。 也。 申 下 惟用之於命令乎? 於人也,爲妾婦,非全德之卦也。 利見大人而无阻; 以不能獨立而順二 而順在上得位之二五、蓋无往而 ·而重之者,一再而孚之也。 惟其人,是以利有攸往而无險, 然異之爲卦,爲曲爲靡,爲苟合爲詭隨,爲導諛其 巽亨而小,何也? E 而 承命,則罔違乎君之政,故曰 陽,合一 上順下而出命,則罔咈乎民之心 惟其在下而不立,是以 析二卦而言,則 卦而言 剛異乎中正 然則聖人焉用巽,其 不順。 則初與四皆在 惟其能順 重巽以 巽,順 陰雖爲 謂 雖亨而 也,人 申命。 五。 ,是以 主 小

九五。重巽,謂二卦皆巽。柔皆順乎剛,謂初與四皆以一陰而順二陽。大人,謂

一風先之,上卦也,君出命之象。一風隨之,下卦《象》曰: 隨風,巽。君子以申命行事。

退」,志疑也。「利武人之貞」,志治也。初六,進退,利武人之貞。《象》曰:「進敬舞萬物,萬民而莫之違,風與命令之象。也,臣民承命之象。二風相重而不息,申命行事之象。也,臣民承命之象。二風相重而不息,申命行事之象。

疑,而莫之適從,其不左右反覆而賣人之國者幾希。 謙。故李愬之拜裴度,正而非邪,上下之大分也。韓 者用之爲正。卑巽一也,怯者用之爲諂,勇者用之爲 其惟利武人之貞乎? 其封倫、裴矩之徒乎? 而其志疑,用之武人將師,而其 變,變則通,顧用之何如耳。故巽之初六,用之進退 之德,而御其剛强武勇之氣,此其貞而利歟? 信之師廣武,謙而非諂,師資之大義也。以謙恭柔巽 ,故疑。又其究爲躁卦,故武 初六陰柔在下,而過於卑異,是小人也。 天下之理,可進則進而不爲躁,可退則退而不爲 蓋陰柔一也,弱者用之爲邪,强 然則巽之初六,无所可用乎? 大志治。 《説卦 》巽爲谁 易窮則 進退皆

《象》曰:「紛若」之吉,得中也

乎? 足之象也 則吉,用之爲大臣則凶,用之於事神則无咎,用之於事 況事君而過於諂乎? 事神不嫌於卑巽也。 事,穰焉降福,百拜而不爲諂,駿奔而不爲卑。何也? 巫覡,奉牲以告,奉盛以告,順其時,盡其禮,紛然有 神祇。其次,山川社稷。 禹、胡廣、趙戒之徒乎? 民之表極也。今若此, 豈所望於大臣乎? 矣。不惟自處於陰柔,而又處於卑下,此又過於卑巽 卦二二陽覆上而横, 床之象也。 君則有咎矣。學易者,當以聖人所言逆其所不言。下 臣之位也,抑其陽剛之德,而自處於陰柔,此已卑巽 鞠躬不已,將及俯僂,俯僂不已,將及牀下。 不曰巽在牀下乎? 巽,德之順也。 其惟用之以祭祀,則吉而无咎乎? 善則爲謙、爲恭、爲遜、過則諂 然聖人猶戒之曰得中而不得過, 然則過於卑巽者,用之爲史巫 其親,祖禰宗祧。 然則異之九二,又无所可用 大臣,君之股肱,國之棟幹, 一陰承下而對峙,牀 其大,上 其孔光、張 用祝史,用 九二,大 下

九三,以剛處剛,非能異其身, 以剛乘剛,非能

九二,巽在牀下,用史巫紛若,吉,无咎。

也? 柔異邇臣之下,是有時而屢不巽 巽於人。 巽,猶復六三之頻復。 蘭,蘭乃以巽而辱 謂人而无常不可作巫醫者耶? 得之於六四,而失之於九二也。 然雖出 乎九二陽剛大臣之上,亦能詘 廉。 頻,屢也 九三,其廉之徒乎? 有時而 故雖巽而吝且窮,何 廉以 屢巽也,其所 不巽 九三 平六四 ൬ 頫 犀

品」,有功也。 六四,悔亡,田獲三品。《象》曰:「田獲三

有焉。 象也。 也, 豈惟悔亡而已乎? 者,上亦順之。 之魏相爲之同列,而善吉之寬厚。 猶蒐田而獲君庖、賓客、乾豆之三品也。 陽之君,居下卦之上,下則順乎二陽之臣。 六四,以柔處柔,以順重順,居上卦之下,上 以厲精之宣帝爲之君,而賢吉之不伐,以嚴毅 九二、九三、賓客、乾豆之象也。 順下者,下亦順之。 獲三品而有功之驗 以一順而獲三 是爻也,丙吉 九五、君庖之 順上 則 順

「吉」,位正中也。 庚三日,後庚三日,吉。《象》曰: 九五之九五,貞吉,悔亡,无不利。无初有終。先

純剛之德,宅至尊之位,而能回其剛以巽乎中正,是之九五以剛處剛,宜其非巽也。而爲巽之君者,以

巽也,巽爲白,故曰庚。 四時爲秋,於五行爲金,於五色爲白。 於五行爲木。 義也。 順隨。 謂貞。 誥》、《洛誥》、後之以《多士》、《多方》。 後之以中篇、下篇之《書》。 成王化商民,先之以《召 從之矣,是以有終。 害之久。使民曉然知利害之實,則欣然順上之令而樂 事之未更,先喻之以利害之詳,事之既更,後喻之以利 之意,必未從上之令也。 非守常,乃應變也。 人,與其有初而鮮終,寧无初而有終也。 甲者,事之始,庚者,事之更。 惟貞、故吉、故悔亡、故无不利。 然猶无初有終者,有始有卒其惟聖人。 蠱之下卦巽也 故盤庚遷都。 事有不得已而變更者,民 聖人其敢求民之驟從 , 巽爲木, 故言甲。 先之以上篇之《書》, 甲於四時爲春 異之上下卦皆 皆先庚後庚之 所以无初者 貞 立, 自 未孚上 庚於 乎? 而 百

乎?句凶也。曰:「巽在牀下」,上窮也。「喪其資斧」,正上九,巽在牀下,喪其資斧,貞凶。《象》

一同 爲巽 m 過於順,何異於在下之卑而順? 在床下,何也? 九二在下而卑,故爲巽在牀下,上九在 ,而九二則吉无咎,上九則凶 上九巽之極,過於順者也。 何也? 然上九之異與 L 九二 而 高 在上 中 亦

順趙高廢立之邪謀,懼失其爵禄而求容,則順 順愈過而身愈危也。 之順,上九姦邪之順 遷論之曰:「持爵禄之重,阿順苟合。」可謂洞見其 欲而勸之以逸樂。 而患失之心生,故必極其異順阿諛,以保其所有,不 上九位極乎人臣,身極乎崇高,愛其所有之富貴權勢, 雖正亦凶,況不正乎? 斧,謂權勢。 將以順易位,而以位易宗。 上窮, 也。 故小則喪其資用,大則喪其權 謂高極。 何以 李斯憂蒙恬之代其相,則 知上九姦邪之順也? 正乎,謂不正 故司馬 一世 肺 之 知

〇兑,亨,利貞。

之大,向民勸矣哉!民,民忘其勞。説以犯難,民忘其死。説民,民忘其勞。説以犯難,民忘其死。説「利貞」,是以順乎天而應乎人。説以先《彖》曰: 兑,説也。剛中而柔外,説以

民。惟正己,故能不利己。湯之寬仁兆民,自不殖貨惟民説,故天説。惟利民,故民説。惟不利己,故能利也。聖人奚而利貞? 剛中以正己,柔外以説民也。兑奚而亨? 天人説也。天人奚而説? 説利貞

湯之東征西怨是也。 聖人勞我以逸我,死我以生我也,是以説 也。 夫勸民與民自勸,相去遠矣,是以聖人大之曰: 忘之者,説而不自知其勞且死也。 民犯之,則死而忘死。好逸惡勞,好生惡死,人之情 有事而與民越之,則勞而忘勞。是惟无難,有難而 説乎湯,兑言天人之所以説也。天人俱説,是惟无事, 革命,順乎天而應乎人」,今兑之彖亦云。革言天人之 利始,不殖貨利,自不邇聲色始。《革》之《彖》曰 大,民勸矣哉。 勞而忘勞,死而忘死,非人之情也。 勞而忘勞,禹之治水是也。死而忘死, 曷爲而説也? 非人之情 而自勸也。 説之 「湯武 而 知 與

《象》曰: 麗澤,兑。君子以朋友講習。

天下之可説者,莫小於聲色臭味,而莫大於義理。

君子説之。 相講,則義理相益而不窮,而況九澤與衆友乎? 是以不觀兑之象乎? 兩澤相麗,則水泉相益而不涸,二友天下之求益者,莫狹於畫思夜度,而莫廣於朋友講習。

行未疑也。 初九,和兑,吉。《象》曰:「和兑」之「吉」,

人所説,而聖人所甚不説也,必有疎遠在下之士,負特當兑説之世,天下大説於下,君臣相説於上,此聖

位不當也。

六三,來兑,凶。《象》曰:「來兑」之「凶」,

非朱雲莫能斬佞臣,神堯平定之初,非孫伏伽不敢諫 也,在下无附,至疎也。 游戲。晏子曰: 戮不能慄。 容説之朝乎? 立不倚之剛,獻可替否,以相濟而不疑,其庶幾不至於 和兑以不説爲説 断而行之,何疑之有? 所以吉也,初九是也。 和如和羹,同如濟水。兑以説爲説 至疎則大利不能怵,至剛則大 故成帝燕安之餘 以陽居陽,至剛

聖人之誅盜,輕於誨盜,兑之六三位不當,是也。

來

九二,孚兑,吉,悔亡。《象》曰:「孚兑」之 吉,信志也。

下視其所説而赴焉者也。 易説者,尤小人也。九二居大臣之位,當兑説之世,天 仁受刁協之佞,而仲智責之, 天下誠正者至,而佞僞者遠矣。惟其孚誠者説之,此 之地,見其誠正可説者説之,其佞僞妄説人者絶之,則 其所以吉也。吉矣,又曰悔亡,贊之之至也。故周伯 色仁而行違也。佞僞取説之小人,其亦難防也哉? 而李泌譙之,皆愧於兑之九二者也。然仲尼猶戒之 信志也。 禮不妄説人,君子難説。 謂彼之誠信,亦必察其出於志,蓋恐其 惟九二以剛正之德,居中正 故妄説人者,小人也。 張九齡喜蕭誠之軟美,

九四,商兑未寧,介疾有喜。《象》曰: 四之「喜」,有慶也。 何也? 武。 徨焉,躊躇焉,商確而謹擇焉,其心安得而自寧也? 以説而來,來而凶,豈六三之罪哉。 凶于商。 集,不凶于而國乎? 故廉、來之得位,凶于廉、來,亦 凶。六三之凶于而身,不足咎也。説六三之柔佞而 而不售,己之吉,亦國之吉。 夫兑之六三,其陰柔邪佞,挾此以來,而求說於上。
> 君心裕民,彼病之以聚飲, 君心勤政、彼病之以逸豫、君心憂亂、彼病之以燕樂、 安社稷爲説者。九四,近君之臣也,故於兑説之時,徬 于上,可謂位之而不當矣。位之而不當,一佞來,萬佞 之,既來之,又位之于下卦之上者,可咎乎。● 位小人 六三之來兑,即容説之小人也。 兑、説一也,而所以説者二。有事君容説者,有以 惟容説之小人,有以妄説而病吾君之心也。 恭、顯之得位,凶于恭、顯,亦凶于漢。 鬻而售,己之凶,亦國之 君心静治,彼病之以威

「乎」,尹本作「矣」,四庫本作「也」。

iffi

隔之,使不得近於九五,其不爲疾者鮮矣。六三者,

非九四之剛正介

九

隔也。 阻力之私喜也,天下國家之大慶也。故魏徵用而封倫四之私喜也,天下國家之大慶也。故魏徵用而封倫四之私喜也,天下國家之大慶也。故魏徵用而封倫本。之所甚不喜也。六三不喜,則九四有喜矣。非九君心之膏肓也。九四者,膏肓之箴艾也。故九四者,

位正當也。 九五,孚于剥,有厲。《象》曰:「孚于剥」,

況不爲堯者乎? 也 則剥之胎具矣,安得不危厲而祇懼哉? 來焉,上六以兑説而引焉,九五萬一輕信二陰而孚焉 其上,三陽之可否誠正,介隔於其下,然六三以兑説而 移 疾以疾其君心,不得志則移其疾以 ,則必當此責也 ,則陰剥陽,邪剥正。 小人得志,疾也。 ,可不懼乎? 不得志,亦疾也。 雖以九五之剛明中正,難説於 堯且憂驩兆,畏孔壬。 疾君子。 九五居此位 得志則 是 中 疾 其

陽之衆正,以隔其來。又以上六在一卦之外,无位以成,發而不中者,上有九五之剛明,以剥爲懼,下有三上六兑説之小人,必引六三來兑之小人。然舉而无上,引其類,小人亦然,物各從其類也。故

皆陰柔,故上者引,下者來。 者歟? 六三,下卦兑説之極,上六,上卦兑説之極,又兠薦共工而堯吁, 僉言薦鯀而堯咈,皆引兑而未光

異坎上下

涉大川」,乘木有功也。而上同。「王假有廟」,王乃在中也。「利《彖》曰:「涣亨」,剛來而不窮,柔得位乎外《彖,亨。王假有廟,利涉大川,利貞。

巽之君乎? 膏肓内痼,❷非腠理之藥所能達。 能亡秦,而不能散漢以爲楚; 之政所能排。 水也,險也,難也。 而不居者,存乎道。 齊大難者存乎才,●散大難者存乎德,既濟既散 蓋濟難者 當是之時,孰能 下卦,内 涣,散也,其爲卦坎下巽上。 ,才也。 也。 濟此 散難者 曹操能平羣雄 坎下者,難在内也。 難 禍亂中起,非 而散之者,其惟 非才也 而 都鄙 不能 項 羽

- 「齊」,尹本、四庫本作「濟」。
- · 「肓」,原誤作「育」,今據尹本、四庫本改。

濟矣; 得位乎外而上同」,❷謂六四。 謙者,其惟巽之有道歟? 難濟之易,散之難,散之易,散之而不居難。平吴亂 者,存乎道。 才不足爲武王,道德不足爲武王,言非有道,孰能謙巽 王王季之功,此惟文考文王之功。 廟、《大告》、《武成》曰: 晉 中」,❶言王者中正之德足以散大難也。 王者之才足以濟大難也。 復聚,涣之所以亨通也。 則攸然而濟, 水之怒,能決九山,然遇一風則欣然而 才,木也。 天之難永散而不再合,惟德足以服人心而後可。 散吴蜀以爲魏。 難散難、利貞之辭歟? 才在木而不在木,巽之德 而不居其功乎? 不居斯不驕,不驕斯不敗。故巽之 小子其承厥志」而已。退然无功之色。至此,然後見 ,平陳亡隋,居之而驕也。武王一戎而天下定,難已 才以濟之,德以散之,天下之大難, 散牛而不復用,難已散矣。武王方且祀于周 其德,風 此奂亨所以首之以王假有廟,然後 項挾勇,曹挾智,皆才也,非 也。 水之淺,能 曰「利涉大川」,乘木有功,言 此惟先王后稷之功,此惟太 剛來而不窮」,謂九二。「柔 在風而不在風,兼天地人之 故曰: 曰「利貞」,又曰「王乃在 至於在我,則曰「予 溺萬物,然乘一木 既濟既散 然天下之大 朝涣然而不 而 也。 及濟 不居 巽

(象》曰: 風行水上, 涣。先王以享于帝,

立廟。

天有成命》是也。立廟、《清廟》是也。詳。言不獨歸功於祖考,又當歸功於天。享于天、《昊卦辭言王假有廟、舉其略。《象》曰享于帝、舉其

「吉」,順也。 初六,用拯馬壯,吉。《象》曰: 初六之

從何; 歟? 其吉,沛乎其拯也。 擇所從而得九二,得九二而從之於初,吉何疑焉? 非賢、賢且有力而從之不蚤、非所以攄拯難之志也 而有力者。九二者,大臣之剛正,所謂賢而有力者 次從吾君之大臣乎? 六今何從? 從聖明之君乎? 在下而莫我達也。 拯不在獨而在從,不在從而在擇,不在擇而 黔婁言善賈,叔山无趾言善舞也,將焉拯? 拯難之功何如哉? 初六逢險難之時,屈卑下之位,而挾拯難之志,是 其賢如驥之德,其壯如驥之力。初六從之,順乎 平從无知, 所從而不擇,擇而非有力,有力而 從之又不可汙也。 諸將從鄧禹; 六,順也。 初 ,蚤也。 秦府之士從玄 莫若擇其賢 在蚤。 九二,乾 是不然。

- 「乃」,原誤作「万」,今據四庫本及《彖》文改。
- ❷ 「上」,原誤作「正」,今據四庫本及《彖》文改。

爻,乾爲馬。

机」,得願也。 九二,涣奔其机,悔亡。《象》曰:「涣奔其

志在外也。 六三,涣其躬,无悔。 吁,荀爽之奔董卓,淫奔也,非奔奏也。● 机,不敢斥所尊也。 宗以濟大川之難也。 然而改,尹奔湯以濟納溝之難也。 難,而況居大臣之位乎? 已。九二以剛中之才,當險難之世,就使无大臣之位, 逢九五剛明中正謙巽之君,猶當奔奏而赴之,與之濟 僑,雖焚溺而不避,非墨也。 不聞,非楊也。君子當亂世,爲決川之禹,爲救火之 君子當平世,爲霧中之豹,爲淵中之龍,如 雖然,有似之而非者,石厚之奔州 机者、君所憑也。 《象》曰:「涣其 得其志願,何悔之有? 幡 吉凶與民同患,當其可 舍築而起,説 學者審諸! 不言君而言 酣寢 (躬) 奔高 而 面

不能 居无位之地。 也。二老、四皓,免難也。 感,作難也。湯、武、伊、周,濟難也。 有遭難,有免難。 [濟難,其散於難而免其身何悔焉? 險難之世,非一端也。 柔則不競,外則无險,无位則无施。雖 褒、 妲 斯、 六三在坎之外,體柔之德。 有基難,有作難,有 高,基難 河橋、白馬 也。 志在 勝、廣、 一世之 濟難 遭難 元

> 斯、高、白馬无園綺。 潔。 所不能齊也。 外,萬物之表故也。 由、求平? 志在萬物之表者, 不然,仲尼以景公輕夷、齊,以曾 志在一 人之或出或處,各言其志,聖人 物不能傷其生。 世之外者,舉 世 故商 不 能 點 Щ 濁 重 无 其

《象》曰:「涣其羣,元吉」,光大也。六四,涣其羣,元吉。涣有丘,匪夷所思。

九五, 涣汗其大號。 曰:「王居无咎」,正位也 何也? 者也。 北,皆有丘而不思夷之者也。巽爲高,故有丘 之小,❷而懷匪夷之思,必盡平夷之而後已,然後元吉 山 不能散天下羣衆之難,非媮而何? 也。六四之涣其羣,散天下之難也,六四近君之大臣 而光大也。 岳,而其小者,尚如丘陵。 六三之涣其躬,散一己之難也,六三居險之外者 六三而爲六四,僭矣。 六四逢險難之世,居大臣之位,當濟難之責 慕容紹宗之不追侯景,僕固懷恩之不平河 **涣**, 王 散猶不散也,不怨其丘 六四而爲六三,媮矣。 居无咎。 然散其大者,雖如 陵

- 「奏」,尹本、四庫本作「机」。
- ❷ 「怨」,尹本、四庫本作「忽」。

其

ÍП

一,遠害也。

散大難者,必去其源,除大疾者,必絶其

根。

疽之

上九,涣其血,去逖出

、无咎。

《象》曰

0

涣

无災咎矣。故曰王居无咎,正位也 信,固守而不遷之謂也。 居无咎。居之爲言,執之以金石之堅,行之以四時之 反而民去之。天下之難,何時而散乎? 之以省刑,而行之以峻法,是反也。 賦,是反也。令之以輕徭,而行之以勞役,是反也。 大號而復反者,民亦弗從。令之以薄斂,而行之以重 而復反者,亦死。 矣,何必多乎哉? 然除疾有二,疾而不汗者,死; 病者,其政酷,約法三章之令一下,而萬民悦。 者,其政貪,散財發粟之令一出,而四海服。 令必大焉。先小者碎者,雖多无補也。 排大險難者,非大號則難不散。 如一身有大疾病也。 號令、大建立、大更革、未見其可。蓋天下有大險難、 賢 明 與 、中正之德,謙抑卑巽之度,爲一卦之主,用羣臣之 (於濟難,其餘諸爻皆奔走而爲九五之用。 ,將何以大慰天下之望,盡散天下之難乎? 涣之六爻皆无凶悔吝者,惟六三世外之君子,无 散難有二,无大號者,民弗從, 除大疾病者,非一汗則疾不解。 如是斯可以 何謂大號? 令出而民從之,令 正位凝命, 故又曰涣王 商民 九五以 秦民所大 大者舉 發號施 不有大 所大病 而永 汗 有

> 殺无極 乎? 其一豈 亡矣。不留者,在上九。聽與否,不在上九也。 血矣。必去之盡而出之遠,則天下之難,其害日遠 五剛明中正之君,孰能一聽上九之所爲 不與之盡者,留疽根者也。二者之禍,其一醫之罪也 孫武之誅隊長,穰苴之斬莊賈,上也。 醫之罪哉? ,陳元禮之誅褒、 上九居涣之終,能爲九五之涣其 , 妲, 次矣。 哉? 楚子常之

可不懼 非九

日

根也。

愛其血而不聽其去者,存疽根者也。去其血

知

療疽而

不

知消其根也。 人,而不善

非氣之正者,疽

之 而

爲疾也、能殺

療疽者,亦 血之毒而

能殺

人。

何

也

誠 齋先生易傳 下經卷第十五

誠齋先生易傳下經卷第十六●

廬陵楊萬里廷秀

■ 坎 上 下

節,亨。 苦節不可貞。

《彖》曰:「節亨」,剛柔分而剛得中。 節,中正以通。 度,不傷財,不害民。 不可貞」,其道窮也。 天地 節 説以行險,當 而 四時 成,節 位以 「苦節 以 制

之窮。 裕則通,故曰節亨。亨者,通也。 人憂焉,故受之以節。節者,約侈而歸節也。 窮,而財之生有窮,以有窮奉無窮,民於是乎始窮。 ,故受之以中。中者,非不節,亦不過於節。 ,則人情苦之,而不可久,於是節之説又窮。 厥初生民,無窮民也。 財之窮,自不節始節,之窮自過於節始。 民奚而窮也? 然有財之窮,亦有節 民之欲 節則 故曰苦 聖人憂 過於 裕 无

> 乎! 冬閉不固,則春生不茂,故曰天地節而四時成 險,故曰説以行險。二陽當君臣之正位,故曰當位。 故曰剛柔分。二五皆以陽居中,故曰剛得中。兑説坎 況不止於下侈乎? 下无制度,則財以侈自傷,民以侈自害也。下侈且然 後財不傷,民不害矣。非必上之虐,取然後爲傷害也。 可踰,法一立則懷乎不可犯。上下有分名,器有等,然 憂焉,故受之以制,先之禮,後之法。禮一立則截然不 雖然中无形也,无形則難守,於是中之説又窮。 節不可貞,又曰其 天地節而四時成,聖人節而天下富。 (道窮也,又曰中正以 大哉,聖人之制度乎! 通,中 坎陽兑陰 其如天地 則 通 聖人 矣。

《象》曰: 議德行。 澤上有水,節。 君子以制數度

以制。 節。 以 節之,一陽盛一陰節之,此節之理也。 險,説過則流,險以節之,此節之義也。 制 民侈,受之以節。 爲制也。 水之在澤,盈則溢,平則鍾,此節之象也。 聖人之防人欲足矣乎? 曰未也。 先民以身,以身爲制也。 節苦,受之以中。 故曰澤上有水。 二陽盛,二陰 中无形。 故以制數度 約民以制 兑説坎

「下」,原闕,今據上卷標題 補。

庭」,知通塞也。初九,不出户庭,无咎。《象》曰:「不出户一一八百年,必及而議吾身之德行焉。嗚呼,周矣!

出户庭。
 君子將有以節天下,必始於節一家。節一家,必

一章、剪之道具矣,何咎之有? 塞則行之户庭而準,通矣。不出户庭之間,而制數度,議德行,不傷財,不害矣。不出户庭之間,而制數度,議德行,不傷財,不害矣。不出户庭之間,而制數度,議德行,不傷財,不害矣。不出户庭之間,而制數度,議德行,不傷財,不害矣。不此戶庭之間,而制數度,議德行,不傷財,不害矣。不此戶庭。

上道也。

凶」,失時極也。 九二,不出門庭,凶。《象》曰:「不出門庭,

民,何裨焉? 九二説之主,容説之臣故也。民,何裨焉? 九二説之主,容説之臣故也。今乃下同初九德行以節其君之欲,此其時不可失也。今乃下同初九德行以節其君之欲,此其時不可失也。今乃下同初九德十之節,私淑門庭之内而已一何不廣也,故凶,哉以而也? 初處士,二大臣也。身爲大臣,上逢九五凶,何也? 初處士,二大臣也。身爲大臣,上逢九五凶,何也?

節」之嗟,又誰「咎」也。六三,不節若,則嗟若,无咎。《象》曰:「不

六四,安節,亨。《象》曰:「安節」之亨,承 耳,又誰咎哉? 鄭伯有、晉石崇是已至見逐於國人, 其室,天收其聲,然後戚嗟慨歎,亦何及矣? 自取之 之勢,極侈汰以自奉,而不知節,至於人惡其盈,鬼瞰 之勢,極侈汰以自奉,而不知節,至於人惡其盈,鬼瞰

可强而服也,子儀可强而服也乎? 对强而服也,子儀可强而服也乎?

之「吉」,居位中也。 九五,甘節,吉。往有尚。《象》曰:「甘節」

苦者,以其位乎中也。中則不過,不過則甘美而易從九五以剛德爲節之主,宜其過於節也。然甘而不

往而不可尚,天下皆受其吉康歟?也。然致美黻冕,致孝鬼神,又何華也。此其所以无矣,禹是也。宫室卑矣,衣服惡矣,飲食非矣,何其節矣,禹是也。宫室卑矣,衣服惡矣,飲食非矣,何其節

貞凶」,其道窮也。 上六,苦節,貞凶,悔亡。《象》曰:「苦節,

子固 也。 X 疾,故有凶之道焉,「伯夷隘」是也。 其節,極其苦,以爲貞正之操,而不屑一世,此 此,宜覃思焉。 矣。今也前曰凶,後曰悔亡,是凶而不凶也。學者至 者凶,小者悔,小者尚亡,大者奚有焉? 奚其凶? 亡,況凶乎? 人,而深戒之以凶,又嘉其節,而深許之以悔亡。 甘其苦,不怨不懟,不惑不偷,又何悔焉? 外之士,過於節而行,一概之苦,亦何惡於人? 言,或抑或揚。 于首陽之下,求仁 ,何知非吉? 三窮」。 又哀之日 不以非道而窮,蓋以道而窮者歟? 上六居節之極,故爲苦節。 固之爲言,固當然也。 果凶矣,又奚其悔之亡? 是不許其 其道窮也,豈 上六在一卦之外,此世外之士也 蓋君子之行,或過或不及,故聖人之 而其窮,何知非通 而得 一而許其百也,聖人之意章 一一 日: 又何怨」。 苦節 又曰: 敷? 斯人也,而 然人苦其苦而己 夫吉凶 非不貞 悔亡,凶 嗚呼,上六之 然則 孔子曰:「君 「伯夷叔 聖人憫其 悔 正 世之所 上六之 有斯窮 吝,大 也 悔且 然厲 · 而

> 進 節繩天下不可。 節繩天下也。 意而申言,則《易》贅矣。 貞之辭、《彖》所謂其道窮也之辭比而同之,❶使其 窮也。説者乃以上六爻象之辭 悔亡之辭,學者勿以其 道其使人悲也 伯有、 石崇也。 上六之辭,君子以苦節繩一身也。 以苦節繩 豈惟易贅也,節之卦可廢矣! 雖 然可 一廢其 悲也, 夫卦《彖》之辭,聖人不以苦 一身又不可,是退夷 一,則上六之窮未爲終 與卦辭 丽 上 六則榮矣。 所謂苦節不可 以苦 貞 而 N N

異党上

乎。 《彖》曰: 貞」,乃應乎天也。 利)中孚,豚魚,吉。 涉大川」,乘 乃化邦也。 中孚,柔在 木 「豚魚吉」,信及豚 利涉大川,利 ·舟虚 内 而 也。 剛 得 中孚以「利 中, 説 魚 也。 巽

曰:「不誠无物。」心如器焉,誠之在心,如物之在器我, 二與五,二剛得中則中實,中實則有物。《中庸》中孚之爲卦,三與四,二柔在内則中虚,中虚則无

● 「比」,原誤作「此」,今據尹本、四庫本改。

哉? 而蹈 中而孚於外,此所以爲中孚也。 爲者矣。 覺,中孚之利貞所以應乎天。然則,涉危化邦,有不足 至信所以及豚魚。 故曰「中孚,柔在内而剛得中,説而巽孚」。 謂 夫惟此心洞然而虚 容此誠哉? 有我之心先立,則吾心先爲有我之私所實矣,將何地 焉,器虚 「不誠未有能動者也。」中孚所動至微而信豚魚 也。 有誠者,外必孚。 水火,至顯而化邦,至幽 海客之機心,海 是故中孚之所發,上行之則順,下信之則說。 然後物 心者神明之舍,舍不虚,神明將何居焉? 得 而實之,心虚然後誠得 燕客之技心,秦人未覺,而白 孚之爲言,此感於彼,彼信於此之 ,則至誠充然而實矣。 人未知,而漚鳥先知,①中孚之 而應乎天,焉往而 中有玉者,外必煇; 充然者發於 而實之。 孟子曰: ~,至危 虹先 不動

《象》曰: 澤上有風, 中孚。 君子以 議 獄

緩死。

萬用。 烏巢可窺,況豚魚乎? 殺之心,首用之以議獄緩死。 地,感人物。 ?有司,天下之中孚也。 風无形,而 用之大者,其惟好生不殺乎? 此澤上有風,所以爲中孚。 能 震川澤 无它,不殺之心孚于烏耳。 鼓幽潛。 天下中孚,則萬心一心矣。 好生洽民,舜之中孚也 誠无 故中孚至誠不 象, 心 丽 誠 能 而誠 動天

> 无議法,少正卯无緩理。 者,求其死中之生。 庸 无誠慤好生之心,巢中之鳥 **∀** :: 「誠不可揜 至元惡大姦,不 議獄 一者, 不爲海上之漚乎? ,求其 在是典。 入中之出。 故四 緩死 命中

初九,虞吉,有它不 虞吉」,至未變也 燕。 《象》 曰: 初 九

法也。 習,當如曾子之所省者三。 則噬臍矣。 顔子之所克者四,其庶矣乎,不燕,不安也。 之未變而防之,俟其亡而追,炎而撲,曲而揉,決而隄 虞之爲言,防也。儆无虞,戒不虞是也。 子之法也。閉有家,志未變,見於家人之初九,閑家之 家在初,防心亦在初。 是故中孚之誠,不可不防其有它也。然責子在 毫有它,則惕然而不安,則防之周矣。 , 皆所謂有它者也。 邪不閑,不可與言存誠。 虞吉,志未變,見於中孚之初九,防心之法也 一身之外无非妄,一 如禦寇賊,如避風雨,察吾心一 若生子在「初生」,見於《書》,責 勿視、勿聽、勿言動 僞不去,不可與言著誠 誠之外无非僞。妄與 不忠、不信、不 不及其初志 一初,開

0 尹本、四庫本作「鷗」。 下同

九二、鳴鶴在陰,其子和之。

我有好爵,吾

豈中心之孚也哉? 也。 賢乎? 之至願也。 賢 以此號召天下之同類,是心一萌,微而章,隱而顯,墓 陰,以陽處陰也。 愐 何 進 (孰不響然而和之者? 薦之以相捍藩,不悦真卿之剛正,而薦之以使叛臣, 疑而不孚,何畏而不應乎? 而居大臣之位,其孚何先? 不私此爵禄於己,而樂與羣賢共之者,九二中心 九二以剛正 夫惟九二剛而不諛,正 出於中心之至願,而无一毫之忌疾,同類 其子,同類也。 誠實之德, 鶴、祥禽也 蓋 有此爵禄者,我九五之君 而遇九五剛中誠實之君 彼有實忌仲舒之經術 其惟以賢事君 ,以喻九二之賢也。 而不忌,誠實而 ,以心感 不欺 在

曰:「或鼓或罷」,位不當也。六三,得敵,或鼓或罷,或泣或歌。《象》

之則止,結之則泣,融之則歌,安能有守而自信哉? 一,澤水之最上,淺而未深之水也。 爲澤水之淺,居柔説之極,故 其深未必冰。 也,其上則波,其下未必波。 水之爲物,深則静,淺則動,深則 何則? 淺則易 其遇寒也,其淺則冰, 摇、深則難撓也。 與物遇 今夫澤水之遇風 八融,淺 鼓之則 則 結。 六

> 人? 相遭亦曰敵。 秦、軫、緩,左右反覆之人是已。 人必自信, 无它,柔説躁動而在人上,其位不當故也。 然後人信之。 澤遇異,故曰得敵。 六三己且不 物我 相遇 Ħ 信,又何 日 敵, 風水 浮於

匹亡」,絶類上也。 六四,月幾望,馬匹亡,无咎。《象》曰:「馬

如」,位正當也。 九五,有孚攣如 後不汙牛、李,馬匹亡也。 中心之誠,人信之,君信之,天信之,又何咎矣? 蚤師黄石,晚從赤松,月幾望也。 盈自裕,莫知以盈自 陰承九五,孤進而不黨也。 陰,以順居下,處正而不盈也,不曰誠其身乎? 六四不盈如月之近於望,不黨如馬之亡其匹,其 爲臣者不能誠其身,則不能誠於君。 、无咎。 仆,人知以黨自助,莫知以 絶類上也 不曰誠於君乎? 《象》曰:「有孚攣 韓愈前不汙伾、文、 ,謂絶黨以承上。 六四 人知以 以 張良 黨自 陰居 以

而九五獨言有孚,豈不曰誠之至,孚之盛,其惟九五之至誠如中孚,可謂道盛德至矣。然五爻不言孚,

●「冰」,原作「水」,今據尹本、四庫本改。

曰登天。巽爲鷄,故曰翰音。

此,所以爲中孚之主也。卦辭吉而此无咎,亦九五之 下之正位者,此九五有孚之至也。 敢居,若不足以受天人萬物之歸,❸已而不足以當天 物之應,方且惕然如拘攣而不少肆,歉然自歛退 涉險則險斯夷,應天則天斯動乎? 所 五 一有孚之吉也。 《九五之孚,不以其化邦則民斯從,❷感物則物斯信. 獨有, 九五雖剛,而爲巽順之主,故攣如。 曰位正當者,非九五之心也,天下之心也。至 而五、三皆莫望其末光乎? • 九五以剛健中正誠實之德,來天人萬 曰攣如者,九五之 曰: 曰 : 是未足爲九 而不

登于天」,何可長也。 上九,翰音登于天,貞凶。《象》曰:「翰音

鵠也。 以 不可以慕高位。无其資者,不可以過其望也。 籠之鷄,乃欲一飛而登天,可乎? 可得,得之亦不可久,雖正 妄而盜真,詐而盜誠者也。 中孚之外,非中孚之徒,无中孚之實,爲中孚之聲,此 動夫衆,上欲以動夫君, 天下之理,德之小者,不可以僥大任。 晉之王衍,唐之訓注是也。 翔于千仞者, 鳳凰也。 彼誠有 其才德也。 而躐取高顯之位,求之亦不 亦凶,況不正乎? 而乃挾其聲之善鳴,下欲 怒而飛九萬里者,大鵬 曾謂 上九巽之極高者,故 夫一舉千里者,鴻 鶏 才之下者, 而 上九處 此如樊 能登天

震艮上下

○小過,亨,利貞。可小事,不可大事。

飛

下,大吉」,上逆而下順也。有飛鳥之象焉。「飛鳥遺之音,不宜上,宜也。剛失位而不中,是以「不可大事」也。真」,與時行也。柔得中,是以「小事吉」貞」,與時行也。柔得中,是以「小事吉」

則可,大有所過則不可。卑有所就則宜,高有所舉則君臣必也自揆其才,互量其力,而安處其時,小有所過而君子消,三也。可以不静而輕作乎哉? 當是之時,係而下不應,二也。陰盛而陽微,邪衆而正寡,小人長爲静吉而作凶也? 君臣俱弱,一也。上動而下止,上

- 「五」,尹本、四庫本作「二」。
- 9 「不」,尹本、四庫本作「下」。
- [天],尹本、四庫本作「大」。

音,不宜上宜下,大吉,上逆而下順也。 宜,而輕動也,又戒之曰: 可 音哀鳴,則何及矣? 不宜。 鳥舒翼之象。聖人因其飛之象,而戒其飛之過。 乘陽。下順謂初二,以柔承剛。 伐季氏,東晉之北伐,石晉之挑契丹是已。柔得中,謂 宜,高舉則逆則不宜也。周平王之伐鄭,❷魯昭公之 山棲,羨雲飛,始乎躁,卒乎悔也。 可小事不可大事。● 言小者過,則亨則利,然必正乃 下舍其艮之山 孰大焉。是故飛有山可棲,則不可以排空而飛也。 元元。 也。 有所爲,則不可也。 如飛鳥焉,有 剛失位而不中,謂三、四。 ,而欲上窮乎震之太空,至於无歸 所飛必有 是以聖人首戒之曰小過亨利貞 有飛鳥之象焉。 猶恐其不量才力,不度時 所 内二陽,外四陰,有 歸 維卑飛則吉則順 上逆謂五、上以陰 也。 言无若飛鳥 飛而 飛鳥遺 无歸,凶 ៣ 若 飛 則 薄 之 遺

乎恭,喪過乎哀,用過乎儉。《象》曰: 山上有雷,小過。君子以行過

然已近於發生之時,故其過小。過與不及,皆德之累益春之間而雷聲已發,是反時爲災也? 故亦爲過。也,爲東北之卦,居寅丑之間。今也山上有雷,是季冬也。 共雷之聲,其收以仲秋,其發以仲春。艮,山之大也。 山上有雷,乃爲小過,何也? 此以二卦之時之大也。 山上有雷,乃爲小過,何也? 此以二卦之時之,此過

小人亦能之,爲過傲,爲過易,爲過奢。過耳,過何病哉? 然是三過者,豈君子獨能之乎?過於善,故爲過恭,爲過哀,爲過儉。是三德者,病不也,亦皆君子進德之地也。小過,過矣,君子用之,則

可如何也。初六,飛鳥以凶。《象》曰:「飛鳥以凶」,不

宗不相鄭注 欲壞白麻,而德宗不相裴延龄; 臣矣, 豈不凶于而國哉? 不患於不及,而初六之小人,一過則進居於二,而爲大 必疾顛,如高飛之必速墮也。 之心,故聖人戒之曰飛鳥以凶,又曰不可如何,言高位 過一舉千里之意。 翼之鋭者,不量其力之微,不飛則已,一飛則有高翔遠 爲身,外四陰之散爲翼,而初六、上六,又翼之鋭者也。 飛鳥以凶,何也? 卦之形有飛鳥之象。内二陽之實 飛鳥不宜上,宜下,大吉,初六下也,宜吉也,而曰 此得聖人戒初六之旨矣。 初六,陰柔之小人,常有進躐高位 凶于身,不足道也。 蓋小過諸爻、皆患於過、 李甘欲裂詔書, 故陽城 而文

六二,過其祖,遇其妣,不及其君。遇其臣,

王」,原作「主」,今據尹本、四庫本改。

0

^{●「}大」,原作「天」,今據四庫本及《彖》文改。

无咎。《象》曰:「不及其君」,臣不可過也。

之君。 故不及其君也。 有坐觀危亂之意,而忌於温嶠義旗之見指,皆遇其臣 盎之一言, 此,使其得位,宜如何哉? 則九四禦其腹,退則九三要其背,故其僭不及於六五 天下國家實无咎矣。 陰,故稱妣。 不有君子,其能國乎? 不得僭者,有二陽以扼其前也。 之心,故常有弱其君之心。然徬徨而不敢進,窺 六二以陰柔之小人,居大臣之高位,常有過其 非不欲及也,遇二臣之扼己,不可越而過也 過其祖 淮南有反謀, 九三以陽居陽 ,遇其妣,豈惟六二全而无咎哉? 二剛失位,而其有益於君猶 而寢於汲黯之死義; 周勃有驕主色,而 故稱祖。 過其一又遇其 九四以陽居 折於爰 一,進 陶侃 覦 如 分 m

「從或戕之」,凶如何也。九三,弗過防之,從或戕之,凶。《象》曰:

漢路人皆知之,而荀彧獨不疑,至九錫而始有異議,故知,有時不幸而從之矣。能之,斯受其戕賊之禍矣。國人皆思,光從莽、固從憲,邕從卓,然後爲從也。不防而信恩,光從莽、固從憲,邕從卓,然後爲從也。不防而信息,有時不幸而從之矣。非必升其堂,嚌其胾,如永從過,有時不幸而從之矣。非必升其堂,嚌其胾,如永從

之迫切如此也。 皆受其禍。六二,有進而僭其君之心,故聖人戒九三

厲必戒」,終不可長也。貞。《象》曰:「弗過遇之」,位不當也。「往九四,无咎。弗過遇之,往厲必戒,勿用永

幸而二 也。 陰柔之小人,終不可使之道長也。 非據要地者。 則又飛翔而並進矣。 莫助之」之《詩》,所以一倡而三 召公之爲保,良、平從行,不可无蕭相之留 於内,雖六五之弱,庸可覬乎? 九四同志而分處乎? 必戒可也,永守爾之貞正可也。 九三以過防小人而勿從之矣,則又重告九四曰: 來之衝。二君子者,豈以失位而不勉乎? 二之欲越爾而上僭,爾往而從之,則必危,勿用往也, 雖失位不當也,爾雖恬退而弗過於進也,然爾既遇六 之小人居高位矣,六二之小人爲大臣矣,初六之小人 天下多難,得一君子,猶可恃之以安,而況九 當小過之世,逢陰柔之君,有羣陰用事之黨,上六 |剛皆不得位,一居下卦之外,一居上卦之下,皆 又幸而二剛,分處於內外,以遏羣小 當是之時,君與國其殆哉! 蔽遮王室於外,一杆衛吾 數也 故周公居東,不可 能是,則无咎矣。 此聖人戒九四之至 聖人既戒 不 彼 无 君 與 往

穴。《象》曰:「密雲不雨」,已上也。六五,密雲不雨,自我西郊,公弋取彼在

雨也。 也? 之弱主,亦曷嘗无有爲之志哉? 六五,震之二也。然 是足爲天子之威也乎? 乘物之不虞以爲己之能也。乘物之不虞以爲己之能 其棲宿於巢穴者,弋而射之,不知夫弋不射宿,聖人不 飛鳥而不能射也,如六二之逾越而不能止也,則亦乘 然施矣,乃欲力其大弱,以矜其小强,如初六、上六之 殺地也。 雪霜,肅殺之主。 震與艮,皆東卦也,生卦也。 微,二不雨 衆陰,陰陽不和,一不雨也。 之,宜其能大有爲而澤潤天下也。 也 自九三、九四等 六五以陰處陽,故雖弱而猶有所弋以爲强也。 亦可羞矣。 不能勝羣陰故也。 下,上下不應,陰陽不交,三不雨也。 天地之氣,陰陽和則雨,今衆陰寇一 六五弱矣,然九三、九四相與協力,或推之,或挽 日 六五之君,何爲其然也? 西郊。 卦爲生卦,而雲興於殺地,安得雨? 也。 晉明帝戮王敦之屍; 雲降則雨,升而不降則不雨,已上者升 而上 陰陽交則雨 大而澤潤天下,既不能卓然立,沛 之,至於六五則爲兑。 六五之公,弋取彼在宂是已。 ,今震動於上,而艮止於 陰陽均則雨,今陰盛 一陰不能主二陽,亦 唐代宗竊輔國之首 然密雲而 雨露,發生之母。 陽,二 兑,正秋 然則古 不 西郊 四,不 雨 陽 而 戰 陽 何

> 與小畜同於「有孚攣如」,豈可 子。然則,小畜之與小過同於「密雲不雨」, 歸妹之「跛」、「眇」爲女子,而履之「跛」、「眇 者,故履之「幽人」爲男子,而歸妹之「幽人」則爲女子。 而不降也。 「《易》无達吉、《詩》无達詁,《春秋》无達例」,孟子曰 以意逆志,是爲得之」。 公弋,言王公之弋也。 比而同之哉! 《易》有 辭 同 」則爲男 董子曰 中孚之 而 旨異

告。《象》曰:「弗遇過之」,已亢也。 上六,弗遇過之,飛鳥離之,凶。是謂災

已,哀哉!

已,哀哉!

正六以陰柔之資,挾震動之才,豈惟不與諸爻相上六以陰柔之資,挾震動之才,豈惟不與諸爻相

工業 救上

○既濟,亨小,利貞,初吉終亂。

《彖》曰:「既濟」,●小者亨也。「利貞」,剛

❶ 「濟」下,尹本、四庫本及通行本《周易》有「亨」字。

外,孰有如既濟之吉亨者。

火炎上也

,降而居下,水潤

則亂,其道窮也。 柔正而位當也。「初吉」,柔得中也。終止

也。 也。 謂 窮也。剛柔正,謂六爻剛居剛位,柔居柔位。柔得中, 終亂而不窮矣。 能守之以貞固而不移,持之以憂勤而不息,則可以 驕,驕則怠,怠則亂。 寧必有内憂。 取亡陳,而隋自亡。 塗,人皆懼於覆舟,莫或懼於覆車,是以初吉而終亂 險者濟,何憂之有? 事不亨也。 亦亨,況大者乎? 六二。終止,謂上六柔怠自畫,非克終既濟之才。 蓋人之常情,多難則戒,戒則憂,憂則吉。无難則 秦滅六國,而秦自滅。 出多難而人无難,是爲既濟之世,當是之時,小者 如濟川焉,舍川而陸,舍舟而轂,危者安 此鄢陵之勝,范文子所以憂晉之必 故戒之曰利貞,又曰終止則亂,其道 蓋无一人不亨,无一物不亨,无一 惟聖人能外内无患,自非聖人,外 聖人見其初吉,而探其終亂。 然人皆敵於洪流,莫或儆於夷 晉平吳亂,而晉自亂。 免 隋

互交也。故泰者既濟之純,既濟者泰之雜。自泰之而豫防之。 泰,天地之明交也。既濟,水火之明交,而天地之而豫防之。 水在火上,既濟。君子以思患

陽。 其吉、思其亂、先其患、豫其防、可以保初吉而无終亂 既濟歟? 也,分而下於三陰。 下也,騰而居上,此 此堯舜敬戒无虞之道也。 此天地之互交也。 當是之時,固衆人所喜而君子所懼也 水火之明交也。 二、四與上,皆坤也,分而上於三 天地通氣 水火濟飪,此 初與三、五 一,皆乾 人其爲 見

其輪」,義无咎也。初九,曳其輪,濡其尾,无咎。《象》曰:「曳

「七日得」,以中道也。六二,婦喪其茀,勿逐,七日得。《象》曰:

之象也。 難既濟之後,太平之盛時也。 **弗象也**。 水,喪茀之象也。1婦車有蔽,而後可行,喪其蔽不可 ,太平之聖君也。 六二以陰居中,婦象也。 六二有文明中正之德,太平之賢臣也 然九三之火,逼近六四之水,火將進 以賢臣當盛時,遇聖君,行吾道 九三在前 上有九五剛陽中正 ,爲婦車 一而隔 之蔽 當險 之 行 於

此? 也。 故曰勿逐、七日得。 守 五爲七、六二與九五相應、故爲七日得。 悟 而不得行,此衆人之所躁 盈 躁而競者,勝負未可 故曰以中道也。 成吾見其易易也。 燕王上官之譖霍光,光不言而帝自察。 二與 然非以中道自處而不躁,安能 故管、蔡之謗周公,公不辯而 知,静而俟者,不久而自定 然 而競,君子之所静 有 小 隔 於其 《詩》有《翟 間 則 而俟者 此 如 道

《象》曰:「三年克之」,憊也。九三,高宗伐鬼方,三年克之。小人勿用。

也。 既勝而中國之民亦憊且困矣。 之後,挾重剛之資,居炎上之極,有求過於濟之心,此 之後。而伐匈奴,太宗當貞觀之隆 人其説,輕用軍師,以伐遠方之小夷, 小人之好大喜功而不可用者也。 ,宜速而久,宜福而禍, 善處既濟者,其惟光武却臧宫馬武之請乎? 未濟求濟者寧,既濟求過於濟者傾。九三當既 而況其餘乎? 以賢君伐遠夷,宜易而 雖以中興之賢君,一 而征高麗,皆此 猶久而後勝 武帝承文景 治

戒」,有所疑也。六四,繻有衣袽,終日戒。《象》曰:「終日

陵於居者,牆以寇退立水於宅者,舟以水涸葺,此

衣也。 袽,有之爲言,不至於求而无之之謂。 不能溺。 半而水驟至焉。夫惟湯之。旱所不能懈,故堯之水所 又且終日而戒焉疑焉,无頃刻而不戒不疑焉,常若夜 且皇皇焉求敝衣之袽、爲窒隙之具,以備葺舟之用。 火之上,是燥而涸之時也。 匹夫匹婦之愚所能 有天下國家者,獨不是之知乎? 袽,敗衣也」。繻,或作襦。 此有備无患,傅説所以戒高宗也。 知 也。 當无難之時, 宜喜而憂,宜安而危。方 六四居水之下、 虞翻曰:「繻 丽 不爲多難之 日繻有衣

也。「實受其福」,吉大來也。福。《象》曰:「東鄰殺牛」,不如西鄰之時九五,東鄰殺牛,不如西鄰之禴祭,實受其

於奉己乎? 爲用大牲不如薄祭之福,俟備物不如急時之勤 人所以爲九五而深慮也。殺牛,大牲也。禴,薄祭也 轡已駕; 之大事也,過於豐不曰傷財,厚於神不曰 防,此將奚先? 九五以剛明中正之君,撫既濟无難之運, 孝文之一臺不作,●而萬户之宮已新 以此防民,然文王之游田未嘗,而八駿之 其惟清心寡欲,恭儉无逸乎? [過制 ,然猶 思患豫 祀 而 況 以 國

❶ 「一」,尹本作「二」,四庫本作「露」。

西鄰之時,言急時而不懈也。

何可久也。 上六,濡其首,厲。《象》曰:「濡其首,厲」,

坎水,故濡。 寶之末也,可不懼哉? 也,危而不可久生也明矣。此晉武平吴之後、明皇天 宿舟,求涉而无善游,乃欲褰裳而馮河,此必溺之道 没世无風波之虞矣。不知濟其一又遇其一,求載 懦之資,懷亢滿之志,居治安之極,如已濟大川 息,然後德日新,治日隆,安日永也。 不驕,天下之至剛。不息,天下之至健。 然猶有不信者何也? 上六在上,故爲首。 濡至於首,則溺其身可見矣。 此聖人所謂初吉終 今也,上六以柔 去驕夫 而无 白謂

離坎上

也。雖不當位,剛柔應也。《彖》曰:「未濟,亨」,柔得中也。「洏其尾无攸利」,不續終《彖》曰:「未濟,亨」,柔得中也。「小狐汔入未濟,亨。小狐汔濟,濡其尾,无攸利。

怠,其戒治亂安危存亡,其變不知其幾也。幸而至於《易》之卦六十有四,其辨邪正,其防消長,其儆勤

乎? 柔應,謂六位皆一陰一陽,自相應也。 是已。柔得中,謂六五。 故曰未濟亨。 既濟爲未濟。 之心,處未濟者,在於有進爲克終之才。心不克終,故 既濟矣,而其終猶未濟,然則事何時而濟, 如事之幾成而敗,才不能以畢其功,萇弘、晁錯、房琯 失位而弱於才,如狐之能濟而恨其小也。惟其才之能 曰亨矣,又曰小狐汔濟,濡其尾,无攸利,何也? 爲否,既濟復變爲未濟。 變无息,聖人處之亦无息,此易之道也。 身吸必有嘘,天地晝必有夜,天下國家治必有亂,其 ,而恨其小且弱,故狐幾濟而衰,力不能以舉其尾。 蓋天下國家之治,如人之一身,如天地之造化 非未濟之亨也,未濟而能濟之亨也。既 才而克終,故未濟爲既濟。濟斯亨矣。 處既濟者,在於有持守克終 未出中,謂未出於險中。 是故泰復變 時 而定 剛

物居方。 《象》曰: 火在水上,未濟。君子以慎辨

也,可不謹乎? 也,可不謹乎? 也,可不謹乎? 也,可不謹乎?

不知極也。初六,濡其尾,吝。《象》曰:「濡其尾」,亦

故聖人惜之曰吝。吝者,力不足之辭也。 而能力其弱以濟難,其濟,爾志也,其不濟,非爾志也 其極終无成,而不自知也。 而復失,初六之濡尾也。 主色,初九之濡尾也。 憂其濡而不濟也,故吝。 吝。何也? 而後濡也,故无咎。 既濟之初九濡其尾則无咎,未濟之初六濡其尾 初九强於才者也,已濟而濡其尾,賀其 初六弱於才者也,幾濟而濡其尾 桓温至洛陽而復敗劉裕得關中 管仲之三歸反玷絳侯之有驕 亦不知極,謂才之小且弱者, 然雖不知其終極之无成 則

吉」,中以行正也。 九二,曳其輪,貞吉。《象》曰: 九二「貞

者二人,一鄧禹而助者二十有七人,一玄齡而助者十萬初九可以爲難矣。自非九二以剛健堅貞之才,居大規濟易。吾乘之,吾曳之,則其車重,其濟顯,故九二,也曰正之位,受九五孚信之知,安能以一身莫助之力,曳也。人乘車而馬曳之,或兩、或四、或六,則其車輕,曳也。未濟之九二,止曰曳其輪,濡其尾,則乘者人,曳者既濟之初九,曰曳其輪,濡其尾,則乘者人,曳者

祁山,身曳輪也。哀哉!.有七人,馬曳輪也。羽既死,飛又死,而孔明自將以出

濟征凶」,位不當也。 六三,未濟,征凶,利濟大川。《象》曰:「未

于大國。《象》曰:「貞吉悔亡」,志行也。九四,貞吉悔亡。震用伐鬼方,三年有賞

也? 伐鬼方之賞,既濟之九三,聖人憂其伐鬼方之憊,何 之九四,亦必曰三年者,戒其欲速,謹之至也。 其志之得行,吉而悔亡也。然未濟之九四,聖人喜其 動,動而用之,以伐遠夷,則有大功,受大賞必矣。宜 威,其才果矣。居近君之地,其位親且重矣。 未濟之九四乎? 能濟,有才而无位者,能濟而不得濟。 患无才。有才矣,患无位。有志而无才者,欲濟而不 臨難而坐觀,履險而不欲濟,无志者也。有志矣, 既濟之世,利用靖,未濟之世利用動也。 懷剛正之資,其志立矣。 備斯三者,其惟 奮震動之 然未濟 是惟无

《象》曰:「君子之光」,其暉吉也。六五,貞吉,无悔,君子之光,有孚,吉。

焉? 也? 之時乎? 則又身曳其輪,以爲之用,六三之弱才,則又親附二 其身以一正天下,堅其誠以信任羣才。故初六之在下 之用,安得不一掃大難爲无難之世,一變未濟爲既 陽,以爲之用,九四剛明之近臣,則又奮伐遠夷,以爲 而弱才,乃最先濡其尾,以爲之用,九二剛健之大臣 剛烈之至猛,而揜之以柔,方且虚其中以臨照百官,正 火之在夜,宿之彌壯。 日與火、雖柔猶剛、雖弱猶强、故日之在夏、曀之益熱 以孚誠而又吉,以光暉而又吉,又許之以无悔,何其反 才,宜其如周平王、晉元帝之弱也。 今也以貞正而吉 耶 六五逢未濟之世,爲濟難之主,而應之以陰柔之 蓋未濟之六五,其體離也,在天爲日,在地爲火 其湯、武、高帝之創業,少康、宣王、光武之中興 備三吉之盛福,而无一毫之悔尤,又何疑 六五文明之至盛,而養之以晦 濟

是。《象》曰:「飲酒」濡首,亦不知節也。上九,有孚于飲酒,无咎。濡其首,有孚失

未濟至於六五,已變而爲既濟矣至於上九,則周未濟至於六五,已變而爲既濟矣至於上九,則周未濟至功,大於平洚水。 上九於此,夫何爲哉? 燕兄也,酒也。水之溺人,溺其一身,酒之溺人,溺其身以也,酒也。水之溺人,溺其一身,酒之溺人,溺其身以也,酒也。水之溺人,溺其一身,酒之溺人,溺其身以也,酒也。水之溺人,溺其一身,酒之溺人,溺其身以也,酒也。水之溺人,溺其一身,酒之溺人,溺其身以也,酒也。水之溺人,溺其一身,酒之溺人,溺其身以及其天下國家。故洚水之害,小於儀狄之酒。禹惡旨酒之功,大於平洚水。

誠齊先生易傳下經卷第十六②

) 「正觀」,尹本同,四庫本回改作「貞觀」。

❷ 「誠齋先生易」,原闕,今據卷頭標題補。

八〇

賢人之德,可大則賢人之業。

易簡

mi

天

下

之理得矣。

天下之理得,而

成位

乎

其

中

誠 齋先生易傳卷第十七

廬

陵楊萬里 一廷秀

上

始,坤 成形,變化見矣。 聚,物以羣分,吉凶生矣。 賤位矣。 有 則易知,簡 盪,鼓之以雷霆,潤之以風雨。 寒一暑。 天尊 作成 有親則可久,有功則可大。 動 地卑,乾坤定矣。 物。 則易從。 乾道成男,坤道成女。 静有常,剛柔斷矣。 乾以易知,坤 是故剛柔相摩,八 易知則 在天成 卑高 有親 以簡 日月運行, 易從 以陳, 象,在 方以 乾知大 能 미 八卦相 則 則 地 類

日 之位高,君道也,父道也,夫道也。 示人以卑,則二者臣位也,安得不自卑而位於賤? 既作,天地在乾坤。「卑高以陳,貴賤位矣」,何謂也? 定矣」,何謂也? 於是乎出此既畫之易也,易之書也。「天尊地卑,乾坤 象,見吾六十四卦之變化。 地之間方物之聚散,生吾八卦之吉凶。因天地之示形 吾六位之貴賤,因天地之動静,判吾九六之剛柔,因天 是故因彼之天地,定吾二卦爲乾坤,因天地之卑高,列 畫,寫彼之理,羅彼之理,歸此之畫,而易之書生焉。 易也,易之理也。 類聚,物以羣分」,曰「在天成象,在地成形」,此未畫之 有既畫之易。 天尊地卑」,曰「卑高以陳」,曰 賤既位焉而不可踰, `則五者君位也,孰得不惟尊而位於貴? 此章言作易之本始也。 地之位卑,臣道也,子道也,婦 未畫者,易之理, 曰: 有聖人作,仰觀俯察,於是制此之 如天高地下 易之未作,乾坤在天地,易之 畫卦之椎輪,作易之濫觴。 蓋易有二,有未畫之易。 「動静有常」,曰「方以 既 畫 天既隆然示人以 一定焉而不可易 道也。 者,易之書。 地既 夫惟上貴 **隤然** 天 日

《易》之坎離可見天之變化。 也? 也。 事之變乎? 哉,作《易》之聖人乎! 艮兑可見地之變化。變化者,天地之至神也 可見,无物可執之謂象。有物可見,有物可執之謂 天成象,在地成形,變化見矣」,何謂也? 道,小人聚而凶,散而吉,自八至六十四皆然也。 物以羣分也。善惡之分聚亦然,聚散異鄉,好惡相攻 方以類聚也。 兹謂有常。 地本静也 地之剛。 動 由是吉凶生焉。 於是君臣父子之大分始立。 月在天,象也。 而剛,陰静而柔。 其道而 ·静有常,剛柔断矣」,何謂也。 老者曰「失道德仁義而後禮」者, ●知之乎? 人室始於門,人易始於乾坤,人本乎祖,道本乎 六,陰也,静也,故断然知其得天地之柔。天 ,静極生動,動極生静,一静一動,至誠无息 莫之能改也。 形象著而變化不可隱矣。 南方之人喜聞楚語,北方之人喜聞燕語 「方以類聚,物以羣分,吉凶生矣」,何謂 「是故剛柔相摩,八卦相盪 鵲之巢无鳥之子,馬之廐无狐之穴,□ 故泰之道、君子聚而吉、散而凶 山澤在地 九、陽也、動也、故断然知其得天 天地且不得隱,而況於人物萬 故乾坤 ,形也。 由上古以迄于今,萬世共 地出山澤之形 者,禮之祖而 日: 天垂日月之象,故 大哉,易乎! ,鼓之以雷霆 天地之道,陽 EI: 易之門 否之 有物

> 也。 易則 成,莫爲其始。 際,乾坤之德,實至要而不繁也。始萬物者,乾之所知 以簡能」,何謂也? 之運而運也。 巽坎,莫之潤而潤也。 曰「簡」。 矣乎,其妙矣乎! 鼓之以雷霆而爲震,莫之鼓而鼓也。 之柔,以坤之柔而錯摩乾之剛,一 神,3乾坤錯綜而生六子之妙也。 潤之以風 女,莫之成而成也。 女」,何謂 一言而盡之日 得我之柔者,爲長女,爲中女,爲少女。 有不知之知,簡則有不能之能,此乾坤之德至要 知其始,莫知其成。 乾因物之自然,故易。 雨。 也? 然得我之剛者,爲長男,爲中男,爲 日月運 此其功之溥而无際也。 1「易」。 日: 「乾知大始,坤作成物乾以易 日: 三才之天地,大易之乾坤,母其神 行, 日月運行夫寒暑而爲坎離,莫 成萬物者,坤之所爲也,爲其 坤道不在多言,一言而盡之 此言天地 此贊乾坤之功,雖至溥 寒一 坤因乾之自然,故簡。 暑。 剛 以乾之剛而錯 绰 潤之以風雨而爲 一柔,相 乾道 流 然乾道不在多 丽 成 成 推 成男成 萬化之 知,坤 相 而无 坤 盪 道

[,]本、四庫本作「子」。

狐」,原誤作「孤」,據尹本、四庫本改。

斡」,原誤作「幹」,今據尹本、四庫本改。

大」,尹本、四庫本作「人」,屬上句。

巧敗。 賢,如 耳。 也。 人亦 從。 吾自得之矣。 乾坤易簡之理得,而聖人成位乎乾坤之 倦,故可大。 則 德業,而曰賢人,此之所謂賢,如《記 大哉,易乎! 兩間,而與天地參矣。 下附之而不可解,故可久。有功則天下成之而 天下皆可以易知。聖人法坤德之簡,故天下皆可以易 德,始乎法天地,終乎參天地也。 理得,而成位乎其中矣」,何謂也? 而 有功。 因 一,可大則賢人之業。 賢之賢,非賢者過之之賢 不繁也 猜之,何親之有? 因尊卑以定乾坤,於是天地之理不在 易知則有親,樂其中之无險也。 若苻堅之妄動,人皆危之,何功之有? 乾坤 **孟** 易簡之理无它,因天地萬物自然之理 f 有親 而得易簡,於是天地之理不在易而 「易則易知 》所謂賢於堯舜之賢,如史所謂三王臣主 聖賢之德業於是爲至,而乾坤易 大哉,體易之聖人乎! 則可久,有功則可大。 夫聖賢以易簡成,而昧 易簡而天下之理得矣。 簡 易從則有功,信其 則易從。 聖人法乾德之易,故 日: 易知則有親、易從 》所謂某賢於某之 若德宗之猜忌 可久則賢人之 然不曰聖人之 此贊聖人之 天 成 有親 **%簡之理** 而争先 天下之 地 一而順之 者 而 不知 別天 以 在 智

柔 相 推 丽 設 生變化。 卦 象繋辭 是故,吉凶 焉 面 者,失得之 明 古 **M** 到山

> 也。 无 動則觀其變而 進退之象也; 安者,易之序 爻之動,三極之道 象 不利。 也 是故,君子居 悔吝者, 也; 玩其占。 剛 憂虞之象 也。 柔者,晝夜之象 則觀 所 樂 是故,君子所居 其象 是以自天祐之,吉 丽 彻 玩 加 者,爻之辭 玩 變化 其 也。 辭; 面

陰也 也? 陽居陽,或以陽居陰,或以陰居陰,或以陰居陽,當位 陰 龍 丽 何 用易之功致也。 泯則卦隱,辭 **吉凶之理已具,繫之以是辭,而吉凶之象始明也。** 聖人設卦 後有象,有象而後 勿用者」,爻辭也。 辭 ,或以陰雜之陽 而吉凶],柔也。 也? 此章言君子學《易》者,必先會《易》之象辭 畫之奇者 生焉。 爻辭與象辭 觀象係辭 純陽无吉凶 廢則 象者,何象也? 陽非位无吉凶 ,順則合,逆則戰,逆順相 象晦、卦以象立、象以 也 有辭。 !焉而明吉凶」,謂觀其有是象,而 曰「陽在下也」者、《象》辭 陽也 也。 純純 畫有奇耦者,象也。 昔者聖人之設卦也,有 剛 陰无 也。 ,陰非位 六爻之象也。 吉 畫之耦者 X ,或以陽雜之 无吉凶 辭 推,合戰萬 明。 也。 ,或以 故 以 也 者 何 桂 爲 曰

乎? 也。 退窮矣,退窮必進,於是 往來,循環而无端,曷爲象之以剛柔乎? 吝。 之形 必退,於是一變爲姤,而陽退焉。 剥、復、夬、姤乎? 陰陽之進退,至神而无跡,曷爲象之以變化? 隨,有憂虞則悔吝隨。 進退之影也。 晝夜往來也又如何? 欲知理之進退消長也如何? 爻象之以吉凶。 其事與理 卦之吉凶生於某畫之變化,某畫之變化生於陰陽之推 則 既日 一出,而彼之進退无跡者有跡矣。 安,不當位則 而 而 蓋吉凶者,失得之影也。 也。 日 何謂象? 月往則日來,日昱乎晝 不知 不知 往則月來,月昱乎夜,其卦爲坎。 「明吉凶」,又曰「剛柔相推而生變化」,蓋謂某 象也, ,視其象。 陽之精已娠於其中, 陰之精已娠於其中,蓋至剛之中涵 剛柔者,晝夜之影也。 危、當 物有事有理,故有象。 猶之影也。 事之憂虞也又如何? 夬以五陽決一 是故欲知事之失得也如何? |否相推,安危數化,而吉凶 此事之形影也,可得而象者也 卦爻象之以剛柔。 一變爲復,而陽進焉。 不知其形,視其影。 ,其卦爲離。 卦爻象之以變化。 悔吝者,憂虞之影也 剥以五陰剥 陰,陽進極矣,進 蓋至柔之中涵 又不觀之坎、離 有失得則吉 事也,理也,猶 卦爻象之以悔 人見其烜 人見其 蓋變化者 獨不觀之 陽, 吾之變 晝夜之 生 至 清 至 理之 不知 焉。

> 以易。 至六四 爲楊。 也。 天動也。故曰「所樂而玩者、爻之辭也」。「是故君子 發,則爲墨。 則變而 何謂力行? 无迹 如乾之初九,居下卦之下,其象以「潛」爲主也,至九二 觀《易》之象,玩爻之辭以自樂。 日 愈无窮。 而无外,安則悦諸心而非强。 不可紊也。 象,象不能外乎辭。 是故六爻之象一動,而天地人之道畢陳於易矣。❶ 也。 《易》必有序,有致知之學,有力行之學,其先後之序, 動罔不吉矣。 而 吾之剛柔一陳,而 由其序,則自得之,而居之安矣。 六爻之動,三極之道也。 此力行之學也。 則變而默矣。 如坤之六三,居下卦之上,其象以發爲主也。 「見」矣,故其占曰 有跡畫 樂而玩則愈樂之而愈有得。 故曰「是故君子所居而安者、《易》之序 吾不自動,動必以時。 出而動 一夜无端 非 :吾動 因象求道,道不能外乎象。 則觀象之變,玩爻之占,而後動。 故其占曰「謹不害也」。 而 彼之晝夜无端者 其 也 有端 知以易,其行以易,有所不 「徳施普也」。 ,以易動 何謂致知? 君子學《易》者,因辭求 , 曷爲不可得而象乎? 玩其辭者,愈味之而 吾不自爲時,時 也,非易動 此致知之學也 居則宅乎《易 有端矣。 宜見而潛, 居而静,則 進 必 而 則 故 退

「地」,原作「也」,據文意及尹本、四庫本改。

者,三才也。極,中也,至也。 之居。後言君子居則觀其變,如出入起居之居。三極天祐之,吉无不利」,前言君子所居而安,如居仁由義居則觀其象而玩其辭,動則觀其變而玩其占,是以自

乎悔。 貴賤者 者存乎辭,憂悔吝者存乎介,震无咎者 乎其小疵也。无咎者,善補過也。 也 者,各指其所之。 吉凶者,言乎其失得 彖者,言乎象者也。爻者,言乎變者 是故卦有小大, 辭有險易。 存乎位,齊小大者存乎卦,辨吉 也。 悔吝者,言 是故 辭 X 存 巾 列

也。 哉乾元」者、《彖》辭也。若「天行健」者、大《象》之辭 象」,何謂也? 辭之義,大《象》之辭所以總釋卦象之義,爻辭所以 卦辭止言「元亨利貞」而已, 象》之辭也。 爻之義,小《象》之辭所以釋爻辭之義。 若「潛龍勿用」者,爻辭也。 此章言《易》有卦有爻,是故有卦辭,有《彖 ·有《象》辭也。若「元亨利貞」者,卦 卦解所以 乾之《彖》辭曰 釋 未嘗言 卦之義、《彖》辭所以釋卦 時乘六龍以御天也,夫 若「陽在下也」者,小 龍也,今《彖》解 一辭也。 「彖者言平 若「大

者何? 吝。 也。 也。 乎善而誤人乎不善之謂過。 也。 何謂 悔吝之輕,言悔吝,不若无咎之平,言无咎不若言吉之 辭言「无咎」者,皆聖人善其補過之辭也。 之破也。 之辭也。 長惡之膏肓也。 其小不善,猶及於改而不能改,或不肯改,於是乎有 覺其小不善,非不欲改,而已无及,於是乎有悔。 盡不善則自禍,凶孰逭焉,故曰 之間盡善之謂得,盡不善之謂失,小不善之謂疵,不明 自人而天,自身而人,不外乎言動之善否而已。 爻而變一卦。乾初九之潛,至九二則變而爲見,此 龍 (象》之辭,言悔、吝者,皆此類也。 位 而 與其吝也寧悔。蓋悔者,遷善之湯熨也。 也? 象君,故曰 无咎者,善補過也」,何謂也? 「吉凶者,言乎其失得也。 而變一爻,它可類推也。 卦、《彖》、爻、《象》之辭,言吉凶者,皆此 故曰「无咎者善補過也 復 衣有破 故曰「悔吝者言乎其小疵也」。 巽以一 之於善也。 「彖者言乎象者也」。 然聖人猶許其改也,謂之小疵,恕之 ,補之斯全。 陰而變乾,震以 補不善以復之於善,何 盡善則无禍,吉孰禦焉 身有過,補之斯還。 故曰 卦、《彖》、爻、《象 悔吝者,言乎其 「吉凶者言乎其失得 吾身之過,猶吾 易之道不遠人也。 陽而變坤,此 「爻者言乎 「爻者言乎變」, 卦、《彖》、爻、 然言凶不若 吝者。 不覺 咎之 言動 小 變者 以 也 衣 疵 以

積哉! 福。 也,又終之曰「是故卦有小大,解有險易」。 不善以趨乎善,背凶以嚮乎吉也,詳矣。 也」。 媳則无咎也。 也,言憂之貴乎察纖介之幾微也。 謂「彖者言乎象也」。「辨吉凶者存乎解」, 即卦 卦」,言陰陽之爻,陽者大陰者小也。 又申言上文所謂「爻者言乎變也」。「齊小大者存乎 貴賤者存乎位」,言六爻之位,上者貴,下者賤也。此 理之本善者而存之,察人慾之不善者去之而已。 於得而吉,盡不善至於失而凶,此豈一念之致,一日之 得者,補過之積也。吉者,无咎之積也。 淺深之殊也。失者,疵過之積也。 疵不若言過之微,言補過不若言得之善。 介」,即卦、《彖》、爻、《象》之辭,某卦悔吝,某爻悔吝 言上文所謂「吉凶者言乎失得也」。「憂悔吝者存乎 象》、爻、《象》之辭,某卦无咎,某爻无咎也,言震懼悔 象》、爻、《象》之辭,某卦吉凶,某爻吉凶也。此又申 悔吝者言乎其小疵也」。「震无咎者存乎悔」,即 此應之者有輕重之辨也。言失不若言疵之淺,言 此君子所以謹其獨也。 言之不足,必再言之,聖人之誨人,使之避 讀謙、復之辭者,如行夷途,如逢春陽,如 此又申言上文所謂「无咎者善補 謹其獨者,非它,察天 此又申言上文所謂 凶者,悔吝之積也 此又申言上文所 猶恐其未諭 今也盡 此感之者 辭也者,各 善至 卦

> 憂。 謂之仁,知者見之謂之知。 道,繼之者善也 而知,故神无方而易无體。 而不過,曲成萬物 下,故不過。旁行而不流,樂天知命,故 地相似,故不違。 物,遊魂爲變,是故知鬼神之情狀。 之故。原始反終,故知死生之説。 以觀於天文,俯以察於 艱險,而指人以所之之失且凶也。嗚呼,易其至矣! 履霜雪,如對桀、紂、盜跖,何其氣象之懔栗也。 人以所之之得且吉也。 對堯、舜、周、孔,何其氣象之和樂也。 安土敦乎仁,故能愛。 易與天地準,故能彌綸天地之道 成之者性 而不遺, 知周乎萬物而道 讀 遁,剥之辭者,如涉風 地理,是故知幽 範圍 也。 通乎晝夜 百姓日 一陰一陽之謂 其辭夷易,而指 天地 仁者見之 用 精 之道 之化 濟 與天 氣 m 不 明 仰 不

「大」,原作「六」,據四庫本及通行本《周易》

知,故君子之道鮮矣。

^{)「}文」,原誤作「爻」,今據尹本、四庫本改。

八六

用也。 人觀 陽 理 理 日 事也。 딛 謂也? 此聖人觀天地陰陽消息之理,而得人物生死之解也。 於天文,俯以察於地理,是故知幽明之故」, 地,非以易 經理之而該偏也。 之言經理也,如 之既作也、還以易之道而理天地之道 故曰 乎陰陽。 精 上人何以 也 短顯矣 静 一可察也,謂其明也。 性之内也。 氣爲物,遊 天地 而晦 『準』。 ,孰知其 此 此聖人觀天地陰陽聚散之理,而得鬼神造化之 此聖人觀天地陰陽顯晦之理,而得天地 何也? 「原始反終,故知死生之説」,何 ,所以具是理者則不可測,謂其幽 章言聖人作易之道,本乎天地, E] 陰 知 ,則明者幽; 聖人用易之道 而理天地也。 陽顯 幽明之故 準之言法也,●如「太玄準易」之準也。 所以生? 魂爲變,是故知鬼神之情狀」, 易之未作也,法天地之道,以爲易之道 「易與天地準,故能彌綸天地之道」,何 天文顯矣,所以運是文者則不可 晦之理,而 「君子以經綸」之綸也。 惟其 也? 孰運乎是,孰具乎是也? 陰動 死惡物也,孰 達則乎天地,故能徧經乎天 ,顯乎天地人物之間,而 以 得天地 以 而 天地理天地也。 陰陽之顯晦而知之也。 顯 則 幽明之事。 幽者明。 知其 ,故曰「綸」。 IIII 也。 謂 彌之言滿 天地之道. 也? ·所以死? 何謂 何謂也? 文可 「仰以 故曰 地明之 知,地 然則 日 也 聖 也 觀

狀也? 反其終,見物而知其變,知其如是而爲幽明之故, 造化之用 此其情也。 有狀? 之情狀可知矣。 者也。 易 日 體物而不可遺。 遊者,止之變也。 爽,是謂魂魄。《記 而有形之謂物 也。 也。 人物生死之解也。 者,物之復也。 物有有始而不反其終者乎? 鬼神之爲德,其盛矣乎。 然則聖人何以知死生之説也? 「祭神如神在。」此其狀也。 日 春必反秋, 晝必反夜, 旅必反家, 生必 氣始而息,息者生之徒。 魂者,使是形者也。 「與鬼神合其吉凶」, 狀且无也,何爲而有情? 以陰陽之聚散而知之也。 也。 故曰聖人觀天地陰陽聚散之理 夫惟聖人觀於天文,察於地 故曰聖人觀天地陰陽消息之理,而 散 洋洋乎如在其上,如在其左右。」孔子 然則鬼神之狀何如也? 亡者,存之變也。 而无形之謂魂。 至於鬼神也者,无聲无臭,何爲 「魂氣歸于天。」物者,具是形 視之而不見,聽之而 魂止則物存,魂遊則物 又曰 氣終而消 原其 以 鬼神之情 鬼神害盈 聖人又何以知 《傳》曰:「心之精 陰陽至精之氣,聚 陰陽之消息 觀其聚散 初知其反,不足 ,消者死之徒 理,原 而 念記 何 丽 反死。 得 如 則鬼神 IIII 不聞 \mathbb{F} 始而 鬼神 也? 八其情 知 而 得 死 之

「法」,四庫本作「決」。

必

不

能

致

曲

安能

不遺?

必入於玄虚,惟聖人則不過,何也?

用易而已。

者,萬物之生,至不齊者

,萬物之情。

地之化、聖人能圍之量之而

測其化。

天天地之化,聖人能範之模之而運其化。

所以答問仁以愛人者,用易於衆民之旨也。 民情欲生,我則厚其仁而不薄,安民而厚生。 易於一身之功也。

者,輕其外。

其本,惟易之道則不流。 兼愛,惟易之道則不過。

明天理者,樂於内,知

知足以周萬物,過之則爲鑿,道足以濟天下,過之則爲 内樂而外輕,此顏子所以樂而不憂者,用 民情安土,我則因其安而无拂, 旁達博及之道,流焉則爲 皆不得遁吾易之道矣。 由是舉而措之天地之間, ,可以範模運量天地之化 ,即天地之道,則易與 用易於衆民,可以安土 惟聖人則不遺,何 然範圍而過馬 將欲成物,未 用易於幽明 大莫大乎天 妙莫妙平 此孔子 用易於 之道 至不 天命 周 書 失 圃 之 也? 也? 道 謂之知是也。 性者道之宅。然有之而能成之者,聖人也。 之道本乎陰陽。 者,无大極,舍大極以求天地者,无天地。 分謂之陰陽,其爲天地之道 然易之道,何道 則不可執,故曰聖人用易之道 以无方,而易之用所以无體也。 地,運而晝夜,惟易之爲用,隨用 者,萬世之屈信也。 之者,蓋往者屈也,來者信也,晝夜者, 往日 而无陰陽乎? 夫衆而萬物,廣而天下,近 人,有有之而得其一二者,仁者見之謂之仁,知者見之 ,藏乎一性之内。 生物者,善也。所以生物者,道也,故繼道謂之 此君子之道所以知之者鮮也。 然善在天下,有其善者在人之性,故道者善之父, 來 用 而爲晝 陰 湯而 歲之屈 陽而已矣。 己。 有有之而不自覺者,百姓日用 ,孰測其所 陰陽可一息而不動静乎? 夫陰陽之爲道安在哉? 也? 至於天地之運,日往 信也,死生者一世之屈信也 聖人何以通而知之? 然則孟子言性善,本自來矣。 天地而已矣。 陰陽未分謂之大極,大極既 以 丽 公然哉? 也。舍陰陽以求 身, ,顯乎天地人物之間 无方則不可指 而爲應,此易之神所 遠 故 天地之道何 而衆民,大而 月 日 一日之屈 人乃 來而 聖 天地可 在乎生物 用易而已。 故曰 而 能 人用易之 爲 自非聖 不知是 通 夜,月 信

可以

通達陰陽晝夜之運。

用易於萬物,可以致曲成就萬物之生。

敦仁而能愛。

用易於天地

身,可以樂天知命而不憂。

地相似

而不違乎天地矣。

乎天地。

夫惟聖人作易之道

於易,則易之道即天地之道也。

故曰聖人作易

而

爲死生之説,如

是

而

爲鬼神之情狀,舉是道

丽

徧之也。

能出乎易之外哉? 是故萬物衆矣,易之知可以

天下廣矣,易之道可以濟而利之也。

i首

大極

天

地 而

息

、无體

天

,古今

八八八

事,陰陽不測之謂神。 極數知來之謂占,通變之謂問憂,盛德大業至矣哉。富有之謂大業,同憂,盛德大業至矣哉。富有之謂大業,同憂,盛德大業至矣哉。富有之謂大業,以熟述之謂,與聖人

故顯。 日新 可 也。 往者故,方來者新,不曰天地之日新乎? 地之富有乎? 以當其憂也。 聖人有憂而天地无憂矣。 萬物而獨任其憂,天地鼓 物之不蒙其仁。无心,故聽萬物之自生自遂。 也,不可同者,天地无心,聖人有心也。 地,有可同者,有不可同者。 不知、故藏。 使由之之謂仁,不可使知之之謂 其業之富有 發育萬物之謂仁,造化无迹之謂用。 此章重贊天地陰陽德業之妙、聖人作易德業之由 ,則悠久而方增,何其盛也。 用不可見也,故藏。此天地陰陽之德業也。 此聖人作易之德業也。 至於德業之盛大,則天地聖人 萬物備於我,不曰聖人之富有乎? ,則溥博 而 《動萬物而不與聖人同其憂 何天地之无憂也? 无外,何其 可同者,顯仁藏用之德業 萬物盈天地,不曰 用。 然聖人之與天 大也 有心,故憂一 由之、故顯。 仁可見 今進乎昨 有聖人 聖人仁 其 一而已 一德之 民

> 八卦。 非易道之神也,天地之神也。 丽 易之理,以應乎物之變,則謂之事。 地之數五十有五,窮其極以 理 以 後進乎前 有象,則謂之乾。 能然也 也。 知者,其易之神乎? ,此易之陰陽可得而知也。 合而言之,命之曰易。 是理也,具 不 易而已矣。 ·曰聖人之日 法乎乾而效學之,則謂之坤。 、於天地,散於萬物,聚於聖人,形 非易書之神也,易道之神 易者,何 新乎? 知方來,則謂之占。 至於陰陽之妙,不可測 别而言之,自无象 物也? 天地 乾也坤也占也,事 也,聖 生生无息之 人 也 通乎 合天 而之 何

焉。 焉。 配日 言乎邇則 月,易簡之善配至德。 廣大配天地,變通配 夫坤,其静也 夫乾,其静也 夫易廣矣大矣,以言乎遠則不 静 丽 正,以 高,其 專,其動 言乎天 動 四 也直 也 時, 闢 地 是 之 陰陽之義 是 間 以 以 廣 大 則 生 # 備 以

内,止 近則静而正,易道廣大之體也。 其遠无外,莫之限 其原生於乾坤之二 此章聖人所以贊易之道,其極至於廣大之二言、 於静 而 IE 也。 而禦也。 掛 遠則 也。 (莫之禦,易道廣大之用也。 何也? 以易道 静者正之舍也,正 爲遠乎? 以 易道爲近乎? 其近无

至。 分則 乾動 皆乾坤 易。 也? 也。 專 而 而 曷爲歛而散 不見 大炊乎? 生於乾坤 静 曰「夫乾其静也專,其動也直,是以大生焉」。「夫坤其 逆,而天地人物,君臣父子,仁義禮樂,由是生焉。 於乾坤二卦而已。 皆備乎此矣,孰能限而禦之? 静之主也。 大則盛大而 怒,不閉則 而 E 也翕,其動也闢,是以廣生焉」,此易道之廣大所以 Œ 否。 動直 而正 也。 而已。 然易道之所以如是之廣大者,其原安出哉? 出 自邇而遠,天地之間 陰之異名也。 坤 生兩,兩生四,四生八,八生六十四,非奇則偶 也。 曷爲静 惟其静 也? 也。 也。 乾之爲陽 也? 以 其静也專,乾静 一奇一耦,一貴一賤,一分一合,一順一 无倫,廣 強然耳。 乾坤之廣大,其原又安出哉? 其動也關 正處静,以静出動,是惟 水火之氣,一而蒸焉 專言一,直言達也。 而 翕而動 不見夫橐籥乎? 乾何物也? 正,是以 也 則 一陰一陽之謂道,一乾一坤之謂 亦然。 坤之爲陰也亦然。 廣博而无量,其爲无窮无極 坤 闢也? 人物之理,天下國家之事 動而正也。 而正 動 而 故曰: 此易道之所以廣大也 陽之異名也。 罔不 也。 翕言飲 閉之彌盈,則縱之 曷爲一 則氣達而物熟 Ē 其 无動 然則乾曷爲静 行衢路者,不 (静也 闢言散 其 故 而達也? 日 動 翕 生於静 罔不正 ,坤静 也 何物 直 故

> 之變通,日月之陰陽,天地至德之易簡,皆天地廣大之 也? 言蔽之曰: 用者耳。 廣大生於乾坤,故乾坤之廣大配乎天地。❷ 道也,故以大言。坤地道也,故以廣言。 閉之不固,則 孔子曰「惟天爲大」,孟子曰「廣土衆民」。 易與之配合、皆乾坤之餘也。 静而正。 春生之不茂。 然則 乾言大,坤言 故易之道,一 夫惟易道 然則四 廣,

存存,道義之門。」
法地,天地設位,而易行乎其中矣。成性以崇德而廣業也。知崇禮卑,崇效天,卑子曰:「易其至矣乎! 夫易,聖人所

道,天地人物均具此道 之性,得天地人物之道,以此成其德業,德安得不崇 體之以成身之謂德,用之以 本然之謂理,當然之謂 至,皆无以加之謂也。 其至也, 贊易道之極其至也。 此章聖人所以贊易書之極其至也,非贊易書之極 **!義,因** 之謂性。 易之道何道也? 成事之謂業。 其本然而 前 章言廣言大,此章言 聖人,得此道者也 行其當然之謂 盡天地人物 天理而已。

^{● 「}至」下,尹本、四庫本有「家」字。

[「]大」,原作「天」,今據尹本、四庫本改。

之道在 極卑遜 之謂禮 卑。 道在天地 義之門 道義,斯 天,斯能 性之成。 之知與禮 地設位 固卑矣,禮何足以擬其卑? 孰爲此道之門? 門,聖人之得此珍也,獨能不由夫門而求之哉? 能爲夫珍,而能有夫珍焉耳。 非具易之道,不得爲天地,聖人非得易之道,不得爲聖 也,天地之德業也,非天地之德業也 、此道 九之可也 安得 地爲卑故也。 故道也者,天地聖人席上之珍也。天地聖人,不 崇則效乎天矣,惟天爲崇故也。 天地,觀聖人之德業,而易之道 ,卑高以陳,而易之此道已行乎兩間矣。 ,知之至者極高明,不曰崇效天乎? ,不曰卑法地乎? 前 能 由知與禮以入乎道義。 而固存者也。 生者天也,成者 ,有之亦可 ,因之而已。 ,則易之書不可无,易之道在聖人,則易之書 成性 得乎道義以成其德業。 平? 成德業之物也。 且天固崇矣,知何足以擬 何 曰知,二曰禮。 也。 也 何也? 固存者,性之生。存其固存者: ? 然則易之道 人也。 崇也,卑也,非聖人也,自天 聖人之德業 蓋明此道之謂 雖然,藏珍在室,人室在 吾之性與天地之性,均 惟能由知與禮以 觀天地之崇卑 惟能 故知也 由知則崇,由 ,易之道也 卑則法乎地矣 何道也? 盡乎人以 在聖人。 非 遭也, 聖人之德 漢其崇? 知,履此道 履之至者 易之 一而易 入道 入平 成乎 I禮則 然則 天地 地

> 樂,此易之道也。 爲生育長養,在鬼神爲吉凶 酺 已。 是 理也, 在 異端之所謂道,非易之所謂 天地爲 陰陽, 在 人爲君臣父子, 在 日 月 爲 書 夜, 在 義禮 174 時

也。 賾 焉以斷其吉凶 其變化。 天下之動,而觀 容,象其物宜 m 擬之 聖人有以 不可惡也,言天下之至動 而後言,議之而後動,擬 ,是故謂之象。 ,是故謂之爻。 見天下之蹟, 其會 通,以行其典禮, 言天下 聖 Щ 人 擬 ൬ 議 有 諸 不 其 可 之 以 亂 至 成 見 形

之所 有至幽 可 以明,所以潤,人不可得而見也,其理无形故也。 象者何也? 所 也、未離夫物之有形故也。 夫天之高地之厚,日月之明,雨露之潤,人皆可得 所以窮天下无窮之事也 獨 得而見,則誰見之? 識 見 此章所以贊作易之聖人立卦象、繫爻辭之妙 至 獨 賾之理,將與天下形其所无形,使天下見吾 不 何説 識仲尼 所以形天下无形之理也。 也。 是必 使見 見之者聖人也。 取 有若; 何謂形天下无形之理? 至於其所以高,所以 衆人之所 不 識 同 伯 識 爻者何 聖人見 喈 以 使見 厚,所 人不 天下 而見 也?

也。 形,聖 人不以爲誣,君子不以爲怪 之虚玄寂滅是也。易則不然。 凶 无窮之動,將有以處其事之得失,而逆斷其報之占凶 卦,其事至无窮也,爻之動故也。 窮天下无窮之事? 言順而 也 无形,而有形者吾易,有象也, 爲堅冰之漸。 辭,如表取影,如聲召響。 偂 也。 中見斗,災于何世? 亢龍之窮。 何説也? 而見之? '凶,其變亦无窮也,爻之動故也。爻之動无窮,則誰 有言天下之至動而 蓋擬彼之形容,以象此之物宜 坤道无形,聖人獨見坤之蹟,於是取馬以象乎坤 易則不然。 人獨見乾之蹟 載也。 是故 事之得者,繫之以吉辭,事之失者,繫之以以 也。 然固 見之者聖人也。聖人見天下萬事之變有 ,乾君道也,其會要在上,不得其法制,則 是必得一卦會通之至要,行典法禮制之 坤臣道也,其會要在初,不得其法制,則 故曰爻者所以窮天下无窮之事。 故曰象者所以形天下无形之理。 有言天下之至賾而 卦五陰,陰不少矣,一陽令之而必 今夫卦有六爻,有一事,❶六十 可亂者矣,諸子之堅白同異是 於是取 載 蓋典禮之得失,即事變之吉 鬼 ,何也? 龍以象乎乾,言 龍血玄黄,雨于何地? 車,證于何人? 事无窮,而有窮者吾 至於如是而吉,如是 也。 其象也,非實也 可思者矣,異端 是故 乾 夫理 何謂 道 无

> 哉 ? 從。 後發也。 惡,言天下之至動 有要也, 惡之賊,未言至動,先弭可亂之訟。 ,議至動而後言至動也。 用 卦 之而成變化,變洿而隆,❷化慝 唯其謹 五 一陽,陽 也。 而 聖人何以能言天下之至賾 至雜矣,一陰主之而 而 不可亂也? 不輕 如此,豈唯不可惡,不可 皆再三比擬,反覆論議,而 蓋未言至蹟 擬至賾 而淑,猶 必 聽, 而 丽 何 運之 不 也

乎遠。 者乎? 辱之主也。言行,君子之所以動天地也, 善,則千里之外應之,況其邇者乎? 居 與 可 室,出其言不善,則千里之外違之,況其邇 不慎乎? 爾靡之。」子曰:「君子居其 鳴鶴在陰,其子和之,我有好爵, 言行,君子之樞機。 言出乎身,加乎民。 樞機之發,榮 行發乎邇, 室,出其言 其

自此以下,皆仲尼舉七卦之爻辭,以明聖人立卦

- ●「有」上,四庫本有「爻」字。
- 2 「洿」,尹本同,四庫本作「汙」。

之間 之曰「樞機之發,榮辱之主也」,發之者誰歟? 則天地之大動焉,災危至而憂辱集。 敬否,一念之敬否,生於一室之隱微。 下之從違,生於一言之淑慝,一言之淑慝,生於一念之 鳴則无不應。 君子,以吾居室之至隱而忽之乎? 者鳴鶴隱微之地也,居室者君子隱微之地也。 鳴子和,此中孚九二之爻辭也。 又誰歟? 在上之君子試思焉 尤大於言者也,又喻之以樞機,機尤速於樞者也,又斷 釋之,其昭如此,然猶恐其不切也,又合之以言行,行 而忽心生焉,至於一言之不善,明則千里之遠違之,幽 林陰翳之間乎? 大哉,在陰之戒乎! ,而在千里之外,不在千里之外,而在一室之内 繫》、爻辭之旨,以見六十四卦爻象之凡 是故一身之榮辱,生於天下之從違,天 不鳴則陰,鳴則无陰,不鳴則不應 昭哉,居室之釋乎! 仲尼釋之,以 是榮辱不在天地 胡不觀鶴之在深 以一室之隱微 在上之 謂在 主之者 也。 仲尼

利斷金。同心之言,其臭如蘭。」之道,或出或處,或默或語。二人同心,其「同人,先號咷而後笑。」子曰:「君子

道,于其心,不于其跡。心同跡異,君子不以跡間心。此同人九五之爻辭也。仲尼釋之,以謂君子之

聲也。 同故也。 也? 則禹顯顔晦同一 君子之甲出乙處,此默彼語 十黄帝不能分,臭味同故也,所謂魯君之聲似宋君之 能辨之,臭味不同故也。 則 心異跡同,君子不以心混跡。 石可裂,金可折。 故曰「二人同心,其利斷金」。 薰蕕同器, 故曰「同心之言,其臭如蘭」。 金石至堅也,然不堅於人心。 情,語默同道 所謂同 取南山之蘭、雜之北山之蘭 、舟而濟胡越,何患乎異心 ,皆所不計也。 故同人之先悲後喜, 則史直蘧卷同一 故二人一心, H 處同道 一童子 與

斯術也以往,其无所失矣。」之至也。夫茅之爲物薄,而用可重也。慎諸地而可矣。藉之用茅,何咎之有? 慎

之可乎? 故非幣不姻,非贄不見,非百拜不行酒,皆 莫重於藉也。 足於地、非屢則傷、无以藉之故也。 是物錯諸地,斯以爲可矣。然坐身於地,非席則寒,履 也 苟,不苟謂之慎。天下之事,將由夫苟者爲之乎? ,慎之至而无失无咎也。 此大過初六之爻辭也。仲尼釋之,以謂不慎謂之 將由夫慎者爲之乎? 有茅以藉是物,則茅 秦欲盡 薄莫薄於茅也 雖 去先王之白茅,而 錯物於地,无以藉 薄 而用則重 有以藉之 然重

行一切之政, 荷則可矣, 如咎何?

以存其位者也。」人者也。德言盛,禮言恭。謙也者,致恭伐,有功而不德,厚之至也。語以其功下伐,有功而不德,厚之至也。語以其功下,所辨謙君子,有終吉。」子曰:「勞而不

无民,賢人在 也。」 矜,繋其德之厚與薄。 伐不德,惟至厚者能之。 鐘磬焉,愈厚者聲愈緩,薄者反是。 「亢龍 議九三之爻辭也。仲尼釋之,以謂人之謙 有悔。」子曰:「貴而 下,位而无輔。 德厚者无盈色,德薄者无卑詞。 其德愈盛,則其禮愈恭矣。 是以動 故有勞有功 无位,高 有 栭 而 與

矣。

慢藏誨盗, 冶容誨淫。

《易》曰『負且

乘,致寇至』,盜之招也」。

解已見乾之上九。

密而不出也。」密則失身,幾事不密則害成,是以君子慎也,則言語以爲階。君不密則失臣,臣不也,則言語以爲階。君不密則失臣,臣不一「不出户庭,无咎。」子曰:「亂之所生

漏言。唐高宗告武后以上官儀教我以廢汝,此君不密此節初九之爻辭也。仲尼釋之,以謂處幾事者戒

也。 之器,盜思奪之矣。上慢下暴,盜思伐之 曰「負且乘,致寇至」,負也者,小人之事 也。 而失臣也。 仲尼不云乎「邦有道,危言危行,邦无道 魏、尤可悼也。 乘也者,君子之器也。小人而乘君子 子曰:「作《易》者,其知盜乎? 夫臣失身,可悼也。 陳蕃乞宣臣章以示宦者,此臣不密而 然則謹 密而不出,遂忘世乎? 幾事不密 ,唐幾爲周,漢遂爲 , 危行言孫」。 《易》 님: 失身

之也。 盗 盜亦將盜其三,已以盜而得,盜亦將盜其得。是故得 得千金之富,矜其有,忽於藏,此盜貨也。 爲負販之役,而僭乘君子之車,此盜位也。 盜亦有三: 之致盗,莫知小人之爲盗。蓋小人之致盜有三, 能盗魏? 之位,而公行暴慢之惡,此盜勢也。 一小人之有也,小人實教盜以盜己之有也。 ·而盜奪之,得勢而 此解六三之爻辭也。仲尼釋之,以謂人皆知小人 故仲尼曰「作易者其知盜乎」。 曹操教之也; 一曰盜位,二曰盜勢,三曰盜貨。 盜伐之,得貨而盜取之。 蕭衍安能盜齊? 以負販之窶,而 所 謂 己盜其三; 知盗 既得君子 蕭道成 司 非 馬氏 小人身 ,其爲 盗 安 能 知

之爲盜以教盜也 盜 三,日 伐 之盜 盗 也 之招 知 教 非幸小人之遇盜 奪 伐 者 之盜 也。 也 故 所以深懲小人 又 終之日 「誨

策,萬 有四 有合。 事 也。 爲 而 是 之數五十 四 而 畢矣。 後掛。 小成 故 時 四營 ,凡三百有六十,當期之日。 乾之策二百一十有六,坤之策百 ,歸奇於扐以象閏,五歲再閏, 以象兩,掛 大衍之數五十, 有一千五百二十,當萬 天數二十有五 引而 -有五。 天數五 成易,十有 道 伸 神 之,觸 德 此所以 地 以 行,是故 其 數五,五位 象 類 八變 用 地數三十, 而 成變化而 刀 長 揲之以 + 而成卦。 可 之,天下 有 物 與 相 九 個 之數也。 行 凡 得 二篇之 故 四 天 四 鬼 分 掛 神 地 扐 mi 可

衍之數五十是也。五十者,天地之成數也。程子曰:用,有所謂數之本,有所謂數之終。何謂數之用? 大此章言易道尚占揲蓍之法也。其法有所謂數之

終也。 一百 十有 之策,凡陽爻百九十有二,皆乾之九也,陰爻百 乾坤二卦之策,萬有一千五百一十是也。 天一,五位 何謂數之本? 以所掛合所餘 者九,是爲老陽之數三 九之積也。 者,天地之積數也。 者 「ニオ」也。 四 者,復歸于 然其數五十,而其 吕 一,皆坤之六也 數 1氏曰: 至九,天數五也。 十九枚之蓍,以左右手无意而分之爲二也。 其五也 ,即所掛之一也。 始於 十有六乎? 兩儀」 四,從而六之,不曰坤之策百四十有四乎? 分二掛 「參天兩地而爲五,故十者兩其五也,五十者 也。 ,備於丘。 各有 地數三十者,二、四、六、八、十之積 揲 之 以 四 也,所謂 二説得之矣。 也, 一, 揲四, 歸奇於劫, ,不曰萬 合也。 天地之數五十有 掛 用四十有九者,虚其一也。 猶閏者歲 一者,初揲必掛其 扐者,三揲之餘 揲而得四者六,是爲老陰之數二 自二至十,地數五也。 天數二十有五者, 小衍之,爲十,大衍之,爲五 1者,四 「易有大極 此數之本也。 有 有六,從而六之,不曰 千五百二十乎? 四揲之也。 故天地之數,不過於 之餘也 也。 五是 營之有四, 也。 分而爲二者,取 也。 何 也。 此數之用 張子曰 歸奇於扐 **揲之而得** 謂 五十 數 以地六合 象三者 之終? [乾之策 虚其 而 九 後有 製之 象兩 + 有 奇 也 \overline{h} 四 五

則 數之多寡 吉凶也。 地人物之道著也。 而成一爻。 可 成變化」者,十有八變是也。「行鬼神」者 應、故「可 與佑神一。 一伸之長之,大而成六十四卦。 有爻而後有卦,故 遇八,爲少陰。 其道甚顯者,象兩儀,象三才,當萬物, ,撰之以四莫知其爻之奇耦也。 遇九,爲老陽。 與 佑,助也。 酬 酢。 其德行甚神者,分而爲二,莫知其 三變者六,而成六爻。 E 行吉凶在神,知吉凶在蓍,故 四營 遇七,爲少陽。 而 易之能事於是畢矣。 成易」。 撰之三<u>變</u> 筮則告,占 , 卦 遇六,爲老 小而 成 成八 丽 而 知

此 天下 至精, 象 乎?」易有聖人之道四焉: 響,无有遠近幽深,遠知來物。● 也、將有行也、問焉而以言。 子曰: 其 易无思也,无爲也,寂然不動, 其變,遂成天地之文。 以卜筮者尚其占。是以君子將 以 孰能與於此? 動 「知變化之道者,其知神之所 非天下之至變,其孰 者尚其變, 參伍以變,錯 以 制 極其數,遂定 其受命也 以言者 器者 非天下之 與於 尚 尚 綜 有 其 如 其 其 爲 爲 而

> 於此 謂 成 惟 遂 丽 至。 也。 天下之務。 深也,故能通天下之志。 通天下之故。 子曰「易有聖人之道四焉」者,此之 夫易,聖 惟神也,故不 非天下之至 一人所 以 極 惟 深 疾 神,其孰 幾 而 而 研 也 速,不行 一, 故 幾 能 也 能 與

乎」者,疑辭也 乎? 求之變化,其庶矣乎? 此 變化之道 有之改,化者无之復。 陰陽不測之謂神,此天之神也。 神,復總言聖人易道之所以神也。 之神,復别言君子用易之神,申之以别言君子用易之 總言聖人易道之神也。 而死,世 聖之神也。 此仲尼贊聖人作易之妙。 2者,其 而用之? 存而亡,化也。 既曰 、知神之所爲乎」。 雖仲尼亦難於指 不可 其 物壯而老,世盛 (道有 易道之神如 測 孰爲此者? 知矣,何 四 何謂變,何謂化? 先之以總言聖人易道 聖而 内 而 日 焉用之於 一身,吾 此,君 自 夫神者 定之也。 「其 不可知之謂 丽 而 神也。 衰,變也。 知神之所 知神之所爲 子將 物 此 欲 故 也? 所 神 知

●「遠」,尹本、四庫本作「遂」。

此 者 文」,又曰 或吉變而凶 也 善則物必違,此易之辭也。 尚其變也」。 而況於人乎? 亦爲之光明,山 也,必觀易之卦與卦之爻,或以三而變,或以 前知其應與否也。 知者乎? 易之命,如響應聲之速,故物之方來者,其吉凶吾能 萬事 知之,亦如響應聲之速。无遠无近,无幽无深,吾有不 易之道不可以言歟? 時,用易之四道,而不敢須臾離之,則有占而无凶悔吝 言與否。易之道可以言歟? 於此,惟能於 者,尊之之謂也。 之一言 「以言者尚其辭 ,精於理也。 ,料十全於垂死,而況精於易之辭者乎? 吾將一言乎,不敢以私意言也,必問 ,吾之一器 一動 「非天下之至變,孰能與於此」。 何也? ,或凶變而古,吾從其吉者而動焉 ,非尊夫易之辭與變不可 吾將制一 故曰 JH 言一動、 故曰「非天下之至精, 一疑,非尊夫易之象與占不可 亦爲之寧謐。 也。 此所謂别言君子用易之神也 非有奇譎也,言善則物必應,言 精於射者,知百中於未發, 「参伍以變,通其變,遂成天地之 器乎,不敢以私意制也,必觀易 吾受易之命,而不言也。 吾將 器 吾能精於其辭,此其所 一疑之間 吾受易之命,而後言也 動乎,不敢 天地之文, 罔不用成。 也。 孰能 ,將有爲有 在易之解可 外焉用 此 非精於 以 與於此 「以動者 ,則日星 五 私 精於醫 也 而變。 吾 意 君子 行之 之於 動 以 逆 爱 不

所謂 也? 孰能與於此」。 知 而通天下之志。 深,故以吾先知達彼後知,以吾先覺達彼後覺。 事之微而得其幾,聚於一心之精 爲也,寂然不動,感而遂通天下之故,非天下之至神。 頃刻之緩。 質易之占,有質則感,有感則應,天下萬事吉凶之故 然如是而吉,如是而凶,其理固存也。 地之間,而之於聖人之書, ●无思无爲,而寂然不動。 有思則感,吾有爲也,有爲則妄。 乎,不敢以私意決也,必卜筮于易之占。 天下之象」。 如 之數,或 亡,轉亡爲存 l然而應,涣然而通,如撞鍾,如啓鑰,无毫釐之差,无 有大於一器者乎? 制鼎之器者 有六,如坤之策百四十有四,極易之數,定易之象 申之以别 聖人窮極天地萬物之理而得其深,研究天下萬 其數錯 孰爲此者,易之神也。 言君子 ,必象鼎卦之形。 此「以卜筮者尚其占也」。 惟其幾,故未亂知亂 而 角一心 「以制器者尚其 雜,或其數綜 用 故曰 而成天下之務。 易之神也。 「錯綜其數,極其數,遂定 而 象也」。 至於易之道,隱於天 統,如 而謂之神也。 故曰「易无思也 器猶然,況天下之 ,易亂爲治,未亡 **吾將以吾之疑** 然易何 乾之策一 合深與幾,而 蓋吾有思也 吾將決一疑 凡此四 爲 自 惟其 心 而 百 者 一、无 神

神也 哉? 後速。經緯萬方,而半武不出户,豈假行而後至。 子未嘗來,此一人之氣相同,有不行而至者也,而況 聖人之神果何物也? 焉」者,此之謂也」。 也,故能通天下之志。 以神也。 爲其然也? 心之神乎? 同時,此一物之理相感,有不疾而速者也。 物理亦有之,銅山東傾, 速,不行而至者也。 至也。夫天下之理 也 至於聖而 一心之神於大易,此易道之所以神, ,故不疾而速,不行而至。 人氣亦有之,其母齧指 故曰「夫易,聖人所以 不可 心之神也。 是故範圍天地,而一念不踰時,豈假疾而 知之神。 ,惟疾故速,惟 此所謂復總言聖人易道之所以 蓋不如是,不足以爲神也。 心之精也。 惟幾也,故能成天下之務。 此其所以能 而洛 聖人聚天地之神於一心,推 ,而其子心動,母 鍾西應,東西異地,傾應 子曰 『易有聖人之道 極深而研 行故至,未有不疾 豈惟心之能神哉? 紀不疾而 ,而君子之用易所 幾也。 速,不行 豈惟物 未嘗往 然則 惟深 惟 何 神 四 理 Щ 而

而已者也。」是故聖人以通天下之志,以定者也? 夫易開物成務,冒天下之道,如斯天七,地八,天九,地十。子曰:「夫易何爲天一,地二,天三,地四,天五,地六,

用。 之謂之神。 之器,制而用之謂之法,利用出入,民 闔户謂之坤 天之道,而察於民之故,是興神 之聰明叡 聖人以此洗 天下之業,以斷天下之疑。是故蓍之德圓 變,往來不窮謂之通,見乃謂之象,形 神以知來,知以 而 神,卦之德 聖人以 知、神武而不殺者夫。 ,關户謂之乾。 此齊戒,以神明其德 心、退藏於密、吉凶與民同 方以 藏往,其孰能與 知,六爻之義易以 闔 此哉? 是以 物以 一闢 夫。 咸 明於 乃謂 是故 謂 前 古 用 民

者, 即如日 釋於後。 而不殺者夫」,此二語 自「子曰夫易何爲者也」以下一章,竊意亦有脱簡間 上,簡編失其次也。」天一生數,地六成數。 程子曰:「自天一至地十,當在天數五地 姑試詮次之曰:「子曰 「其孰能與於此哉」、「古之聰明 上下皆與前後之文不相聯屬 夫易何爲者也? 叡 此説得之。 知 數 神 五 别 夫 武 之

●「間」,尹本、四庫本作「紊」。

勿作。 之通 變也。 也。 也 言坤 尚其變, 其 爲而作乎? 之用易,所以致天下之用也。 章,仲尼贊聖人之作易,所以周天下之用。 能與此哉? 三年克之,小人勿用」。 天下之業,以斷天下之疑」。 齊戒,以神明其德夫。 之道,而察於民之故,是興神物以前民用。 聖人以此洗心,退藏於密,吉凶與民同患,是以明於天 德方以知,六爻之義易以貢。 用出入,民咸用之謂之神。 面 復 之坤,關户謂之乾。 開 開 如斯 物 動 ,見乃謂之象,形乃謂之器 ,後言乾 尚其變 極 乾,陽也 開達物理,成就世務,以覆冒天下,此其道之用 成 必 尚其占是也。 動 、務,冒 而已,言不外乎此 閉 而復静,變而未已,是故已往者故,方來者 古之聰明叡知,神武而不殺者夫」。 有以作之,必有以用之。 ,尚其 静 閉 天下之道 陽主 而 者開 象, 後 動也 一乎開。 何謂 是故聖人以通天下之志,以 尚其占是也。 開 子曰: 闔 如如 者閉 尚其變? 也。 是故蓍之德圓 坤閉 坤, 《易》曰:「高宗伐鬼方 斯 昔者聖人之作易,果何 闢謂之變,往 神以 「非天下之至仁,其熟 而已 變 陰也 然易道之用 制而用之謂之法,利 也 圃 知 未已 閉極必開 者 四者之要有 乾坤闔闢 作而无用 來,知 陰主乎閉。 也。 也。 又言聖人 而神、卦之 聖人以 來不窮謂 是 以藏 有四 故 則 易之 此 乾開 其 闔 往 此 如 户

曷爲 用。 也。 攖其方寸之地乎? 同乎人也? 如止水,如明鏡已同乎天也,何俟乎易之洗哉? 益尊蓍卦之德。 天人之理。 夫惟易道尚其占,是故聖人以之齊戒 尚其占者如此。 運,故曰知來。 미 二五之位,一定而不易,故 可以逆知,故圓 成 新,此易 心 人何患? 人之心同乎天,而聖人之憂患同乎人。 方,易之占也。 日 神」。 獻矣。 也。 法。 而有器,制作百 有時而同乎天也? 夫惟易道尚其變,是故聖人之以之洗心, 以蓍之神 易道之尚其變者如此。 方 默 道之所 貢者,獻也,伻 其 出 雖然,聖人亦豈弊弊然以民之吉凶 而觀乎乾坤闔闢之變,如是而爲變爲通,如 入萬化、 退 民之吉凶,聖人之吉凶也。 而 得卦之知。 卦畫乎已往之書,故曰 一而神。 蓍運於四營之初,其 以 故仲尼贊聖人之作易,所以周天下之 且 潛乎静密穆清之中 度 通 夫衣垢則 ,以利其用 有時 侕 以 卦成於十有八變之後, 不窮 來獻卜是也。蓍聽乎方來之 適於用 H 丽 故六爻之義可推,吉凶 方以 同乎人,有時而同乎天也。 也。 而 洗 與 何謂尚其占? 而 ,器塵則洗,聖人之心 (民同 知。 於是 而百世守之。 自 七八九六之數,不 姓 ,樂而 神言天,知 患,退 物 不知 「藏往。 何聖人之憂患 生. 民无吉凶 玩乎 面 ,其强 而以易 有 其 則 其 憂患自 易 掛 象, 蓋聖 道之 一之告 繋爻 洞 言 初 桂 名 Œ 則 洗 照 日 物

也。 也? 隱然睹 皆有凡例。 者,尊之之謂也。 乎側而 此 則前无所本。 下之業。蓍卦之德尊,所以能斷天下之疑。 先占而後事。 可不敬乎? **蓍无情者也**,而有應之與否者,皆吾心之所召也。 將草芥夫蓍之德,則蓍亦草芥而應之。 干,七日齊焉,以專夫一念之敬,故祭則受福,卜 戒、將以動天地、感鬼神也。 於民之故,信乎其明且察也。 是而爲象爲器,如 言聖人之用易,所以致天下之用。 非天下之至神、孰能與於此」。 章於「孰能與此哉」之下,言「古之聰明神 興於中古 ,能神明夫蓍之德, 何也? 今此章於「知以藏往」之下,言「其 心之所在,理之所在也。 乎羹墻,而 耳不聞,黼 如曰「非天下之至變,孰能與於此」,又曰 「興神物」者,有舉而无廢,「前民用 蓍者,神物也。 」,必指 如曰「古者王天下」,必指犧、黄。 天文之理明,所以能通天下之志,定天 故 參然倚於輿 是 繡 一般、周。 張乎 而 《記》曰: 則蓍亦神明而應之,吾之一心 爲 前 法爲神。 丽 三日戒焉,以遠夫外物之 言 卜者,鬼謀也。 「其曰明器,神明之也。」 若夫祭必齊戒,卜必 、衡也。 目 聖人興神物以前民用 古則 言變言神,則有所本 不見。天人之至理 大抵《繫辭》之文。 當是之時,金石 必有 明於天之道,察 ,孰能與此哉」 曰「神明其德 其 人人也。 武不殺」, 故曰仲尼 吾之 又曰 者 何 奏

> 姑試補之曰: 惟小人好殺,故勿用。 鬼方三年克之,小人勿用」。 求易中神武不殺之君 則 之聰明叡知、神武而不殺者夫。 人勿用。」子曰:「非天下之至仁,其孰能與此哉? 獨无其人,竊意其爲仲尼釋易之辭,而 《易》曰:「高宗伐鬼方,三年克之,小 ,惟既濟九三之爻辞 或可以當仲尼神 惟不殺,故三年而後克。 武 有脱 稱 不殺之稱 文。 义

貴。 業。 圖,洛出書,聖人則之。 天生神物,聖人則之; 吉凶,成天下之亹者,●莫大乎蓍龜。 乎聖人,探賾索隱,鈎深致遠,以定天下之 也 時,縣象著明莫大乎日月,崇高莫大乎 四象生八卦,八卦定吉凶,吉 是故法象莫大乎天地,變通莫大 備物致用,立成器,以爲天下利,莫大 繫辭焉,所以告也。 是故易 天垂象見吉凶,聖人象之, 有大極,是生兩 天地變化,聖人效 易有四象,所以 定之以吉凶,所 儀, 兩 |X| 儀 河出 是故 乎 生 生 富 叫 几

●「亹」,尹本、四庫本重其文。

子曰: 賢 以 人之所助者,信也。 也。 斷 也 是以自天祐之,吉无不利也。」 祐者,助 《易》曰: 也。 自天祐之, 吉无不 履信思乎順,又以 天之所 助者,順 利。」 也 尚

陽之上,於是兑之卦生矣。是謂「生八卦」。 之上,於是艮之卦生矣。〓,兩儀之一陰,升於四象二 陽之中,是生離之卦。〓,兩儀之 四 於四象二陰之下, ①其卦生震。 陰重兩儀之一陰,其卦坤生焉。 象之二陽重兩儀之一 之二象也。 儀生四象何謂也? 何謂也? 大極之能有夫易,而易能有夫大極也。 當是之時,易之道已具矣,故曰 極」,何謂也? 於天地。 而言之是謂四 陰之中,是生坎之卦。 象二陽之下,其卦生巽。〓,兩儀之一陽,交於四象 此章極言易之所以大者,天地出於易,而易非出 聖人作夫易,而易不作於聖人也。「易有大 日一,●元氣既分,一 1,兩儀之陰,一生二,是陰之二象也。 象。 曰〇,元氣渾淪,陰陽未分是謂大極 「四象生八卦」何謂也? 日 陽,其卦乾生焉。讄,四象之二 = ■,兩儀之一陰,交於四象二 兩儀之陽, 陰一陽於是生焉。 ■,兩儀之一陰,降於 三,③兩儀之 陽,降 「易有大極」。 一陽,升於四象 一生二,2是陽 「是生兩儀」, 日二,四 蓋大極 然則: 二陰 合 兩 非

> 書之事業乎! 者,一 吉凶定而大業生。 天地乎? 坎水也,離火也,艮土也,兑金也。 坎,爲離,爲艮,❺爲兑。 分而純者,爲乾,爲坤。 故一氣者,二氣之祖也。 著而有儀則矣, 之有儀也。 極之先,易之既作,易在八卦之内。 有物象矣,五行是也。 不測,至幽至神,无儀无象,大極是也。 无極」者,非无極也,无聲无臭之至也。然則易 陰陽也,陰陽 氣之太初也。6 天地出於易乎? 四象者,重兩儀而 何大乎《易》書之事業也? 陰陽是也。 大極也,大極本无極也。」 周子 大哉,作易之聖人乎! 儀者,極之著。 極之爲言, 二氣散而雜者,爲震,爲巽。爲 乾天也 二氣者,五行之母也。 有象, 雖然,易之未作,易 有象也。 坤 至也。 則陰陽之著者形 八卦 故周子曰:「五 地 也、震、巽 象者,儀之形。 何也? 有儀, 兩儀 畫而吉凶定 大哉, 以言乎法 者,一 則 木 在大 出 所 坳 — 氣 謂 行 面 陽

0

艮」,原作「良」,今據四庫本改

^{」,}原誤作[]」,今據尹本、四 一,尹本同,四庫本作

^{|||,}原誤作「||」,今據尹本、四庫 庫本及文意改。 本及文意改。

[[]二],原誤作「一」,今據尹本、 四 庫本改

関,今據尹本、四庫本補。

圖書 也? 之也 可也。 之私書,易之道乃聖人之私術 使聖人之作易有秋毫與於其間,則是《易》之書乃聖人 爻,言之以告天下而已。 以示天下而已。 之器。● 若是其廣大悉備乎? 乎利用之大,則有易中之聖人,或神道而設教,或順 天地而无終乎? 不過因陰陽之逆順,從而斷定之而已。 而已。故四象八卦也,聖人不過因天地之陰陽,畫 立卦而作《易》,孰能備天下之物,致天下之用,成天下 爻吉亨,某爻征凶是也。是皆易中之大業也。 而民服是也。 有易中之富貴,日新之盛德,富有之大業是也。以 人可无乎? 人不過則之而已。 大,則有易中之日月,坎離是也 象之大。 ,則有易中之四時,震巽六子是也。 ,孰出之也? ,聖人不過效之而已。 天垂象以見之也,聖人不過象之而已。 然易中之蓍龜神物,孰生之也。天生之也,聖 ,則有易中之天地,乾坤是也。 日 以言乎深遠之大,則有易中之蓍龜,某 聖人何可无也? 繁之以辭也,聖人不過因 謂易不作於聖人 天於河洛而出之也,聖人不過則之 易中之變化,孰爲之也? 天地 如是而吉,如是而凶也,聖人 易中之吉凶,孰見 ,何以先大極而有初,後 謂易不作於聖人,不 韓愈曰 以言乎崇高之大,則 亦可 以 聖人何與焉? 以言乎著明之 「如古之无聖 也。 言乎變通 某 易中之 土 元而示之 然則 非聖人 與某 之 爲

爲大乎,爲小乎? 故曰聖人何可无也。然則易也,大極也,天地也,聖人也,爲四乎,爲一乎,極」之辭,又申之以「法象莫大乎天地」之辭,又申之以「備物致用,立成器以爲天下利,莫大乎聖人」之辭。以一人,人之類滅久矣」, 王通曰「通於夫子,受罔極之人,人之類滅久矣」, 王通曰「通於夫子,受罔極之

業。 乾坤 矣。 擬諸 行之 形而 其易之鰛 而通之以盡利,鼓之舞之以 盡意,設卦以盡情僞,繫辭焉以盡其言,變 人之意其不可見乎? 是故 其 謂之通,舉而 下者謂之器,化 或幾乎息矣。 乾坤毁,則无 子曰:「書不盡言,言不盡意。」然則 形 邪? 夫象,聖人 容,象其 乾坤成列,而易立乎其 以 物宜,是故謂之象。 錯 是故形而上者謂之道, 見易。 有以見天下之蹟 而 之天下之民謂之事 子曰:「聖人立象 裁之謂之變,推 易不可見,則 盡神。」乾坤, 中 聖 以 聖 侕

■ 「成」,原作「咸」,今據尹本、四庫本改。

問日: 言。 所以歎聖人作易之意,吾欲言之之難也。 仲尼將欲言聖人作易之意,既歎其言之之難,又歎其 歎聖人作易之意見之之難也。 也,見之之難也。 不盡其意, 言无窮而書有止 見之之難,故自言之自問之,以發下文之自答也。夫 意。然則聖人之意,其不可見乎」,何謂也? 業,其聚在一身之德行也。 其聚在乾坤之二卦。 言不盡意」。 此章言聖人作易之意,其散在六十四卦之爻象 意无形而言有聲,以有聲之言述无形之意,故 「然則聖人之意其不可見乎?」 惟其見之,故又自答曰:「 而 吾欲以吾之言盡彼之意,可 聖人之作易,其書且 ,以有止之書載无窮之言,故「書不盡 見之也真 聖人用易之道,其散在天下之事 子曰 ,則言之也親矣。 然則孰見之? 「書不盡言,言不 不盡 聖人立象以盡意 此仲尼所以 乎? 其言,其言且 非言之之難 仲尼 故又自 此仲尼 又

變而 通而 何 而通之以盡利」。 通」,剥復是也。 鬼神之情狀,可 爻象之辭具而卦成,卦成而天地萬物之情可得而見, 爻辭不足,又繫之以小《象》之辭。 繫之以卦辭,不足,又繫之以《彖》、《象》之辭。 行健」者,大《象》辭 哉乾元」者、《彖》辭也。 盡其言」, 立,而潛退之意盡矣。 用」之象也。 立,而治亂之意盡矣。 交」者,泰之象也。「不交」者,否之象也。 且 之舞之以盡神。」神者无方,而不測者也。 設卦以盡 「立象以盡意」,何謂也? 設卦以盡情傷」。 」盡,而 己。 於棟字? 困 通之,所以鼓之舞之也。穴居病而得 於所窮 況聖人自言其易之意, 故棟字生於巢居之窮,舟楫生於車馬之窮。 情傷 何謂也? 上而「亢」者,不知退之象也。 ,繫辭焉以 車馬 必快於所變也。 得 「通則久」,既濟、 古之聖人,用易之道以利天下者 而知 也。 「易窮則變」,泰否是也。 티 阻而逢舟楫 以 孰謂言不盡意乎? ,而況於人之情僞乎? 「潛龍勿用」者,爻辭也。 「元亨利貞」者、卦辭也。 盡其 陽在下也」者,小《象》辭 爻言之,初而 님 声 變 變而通之,則天下之 ,孰不鼓舞於舟楫? 未濟是也。 自書其易之言乎? 以一卦言之,「天地 孰謂書不盡言乎? 一而通 之以盡 潛」者,「勿 棟字, 繁辭 通塞之象 上下之象 故曰 繫之以 作 一利,鼓 變則 焉以 而 也 H

故易日 乾坤 何謂 乾坤 也。 神。 非聖 也。 器譬也。 所以別言易 天地具此 坤 四爻之寶藏也。 坤之自出 利 道」,陰陽 籩 道 丽 丽 意 立 皆可 日器是也。 措之天下之民謂之事業」,何謂也 有毁息之理也,言易與乾坤不可以相无也。 $\overline{\Omega}$. 下者謂之器,化而裁之謂之變,推而行之謂之通,舉 , 毁, 則 也? 器 者何物也? 日 人之神 器而立 、聚在乾坤之二卦 易之道,一 此 得 「乾坤其易之緼邪,乾坤成列而易立乎其中 一乾陽物 譬也。 所謂聖人作易之意,其散在 者 亦未離於器者也 ,故乾坤二卦,乃六十四卦之奥府,三百 丽 所 蓋六十四卦 无以見易,易不可見 道之體 盡。 也。 以使手足者,道譬也。 也 ,器不自行, 何謂用? 所以秩籩豆者,道譬也。 也,坤 易 陰 乾坤立則易立 鼓之舞之,則聖人之道 其陰陽之異名,而 謂天地 道之神 ,極言易 陽而已矣。 也。 陰 ,其陽爻皆乾之自出·其陰爻皆 日變日通日 物 以道 ,則非天地 也。 ,所以陰陽者道 「是故形而上者謂之道 也,又曰 道之用 而 ,則乾坤或幾乎息矣」。 ,乾坤隱則易隱。 故 行。 此所謂 日 也。 也。 健順之異站 事業是也。今夫 六十四卦之爻象 「鼓之舞之以 故孔子曰: 「乾健也,坤 皆精 日: 吾身之手足 謂非天地,則 陰一陽之謂 何謂體? 聖人作易之 也。 此仲尼 人於神。 道 雖 不自 歟? 然 順

疑其衍. 莫由 不在天而在人,能體易之德,默而成之,則易不在 行」,人易也。 信,存乎德行」,何謂也? 通」,何謂也? 動 凶 下之動, 擬諸其形容,象其物宜 在天下之事業。「是故夫象,聖人有以見天下之蹟 之用易,其用豈不大哉? 裁之、推而行之、舉而錯之耳。 而使於无形也。 上」云者,以无形而使有形也。 由 由 道。」董子之所謂具,即仲尼之所謂器也。 道 書不盡言,言不盡意」,竹易也。「存乎其人,存乎德 竹易,二 者,存乎 ,是故謂之爻。 是之焉者,即今仲尼之所謂 斯,孟子之所謂若路,董子之所謂由適,韓子之所 者 「博愛之謂 斯道 也。 所由適於治之路也,仁義禮樂皆其 而觀其會通 (1) 目 辭。 「神而明之, ご孟子 1人易。 有聖人焉,能得易之道 仁,行而宜之之謂義 EI :: 化而裁之,存乎變。 所謂變通,所 極天下之蹟 H 「天尊地卑,乾坤定 蹟動 已見於前、 一夫道 ,以行其典 ,是故謂之象。 存乎其人,默 此所謂聖人用易之道 日: 者,存乎卦。 謂事業,皆自此 ,若大路 易之道豈不大,而 「形而下」云者,以 「形而上者」也。 易有二,一曰天易,二 禮, 繁辭焉 由 推而 ,神而 ilii 化推再見於後 聖人有以 然。」 是而之焉之謂 矣」,天易也。 成之,不言而 仲尼之所 具 行之,存乎 明之,則易 以 鼓天下之 也 董 斷其 道 子 形 其 聖人 竹 見 化 有 日 吉 散 天 丽 丽 而 而 形

張先生校正楊寶學易傳卷之十七也。體易成德,至於不言而信,則書不盡言也。繫辭也。體易成德,至於不言而信,則書不盡言也。繫辭此所謂聖人用易之道,其聚在一身之德行也。 聚発

0

「遺」,尹本、四庫本作「道」。

張先生校正楊寶學易傳卷之十八

廬陵楊萬里廷秀

繫

下

乎動者· 辭焉而 吉凶 者也。象也者,像此者也。 下之動,貞夫一 道,貞觀者 趣時者也。 爻在其中矣。剛柔相 夫坤, 隤然示人簡矣。 見乎外,功業見乎變,聖人之情見乎 八卦成列, 也。 命之,動在其中矣。吉凶悔吝,生 也。 剛柔者,立本者也。變通者, 吉凶者,貞勝者也。天地之 日月之道,貞明者也。天 者也。夫乾,確然示人易 象在 其中矣。因 推 ,變在其中矣。 爻也者,效此 爻象動乎内, 而 重

> 禁民 何以 守位 爲非日 天 地 日 之大德日生,聖人之大寶 仁,何以 聚人曰財,理 財 Œ 日 位。

焉,凶悔吝之所 也」,命之以動 也」,●命之以勿動也。 聖人繁之爻辭則曰「潛龍勿用」、《象》辭則曰「陽在 柔相推,變在其中矣」。乾之初九,未可以動者也。 變而爲巽,坤之初爻一推移焉,則變而爲震。 柔未相推移也,何變之有? 及乾之初爻一推移焉 未重,象備而爻未備,卦之既重,爻始備矣。故曰 以爲聖人之仁義也。八卦未畫,萬象在天下,八卦既 天地之道德。 也 而重之,爻在其中矣」。乾者剛之粹,坤者柔之粹。 畫,萬象在易。 人繫之爻辭則曰「見龍 可以 此章言聖人繁《易》之辭,本乎爻象之剛柔,以 然衆人所以召吉凶者三,而聖人之所以處吉凶 動而動焉,吉之所從生也。 又言聖人用易之意,體乎天地之道 也。 故曰「八卦成列,象在其中矣」。 從 生 故曰「繁辭 也。 乾之九二,可以動者也。 在田」、《象》辭則曰「德 故曰「吉凶 焉 而命之,動 悔吝,生乎 未可 以 故曰 動 在 ,動者 其中 施普 卦之 故聖 而 因 剛 則 剛 動 明

0 原作 乱 據四庫 本改

者也」。 雨施 者 所 易確然也。 下之羣動乎? 道,唯貞爲能觀 變通 本。 在陳畏匡,不能憂仲尼之樂,以 人也。故貴爲天子,不能樂堯、舜之憂,以正勝吉 通而趣乎見,唯見則吉,此之謂吉凶之變。 者有静作,此之謂吉凶之時。 言聖人繫《易》之辭本乎爻象之剛柔,以 貞觀者也。 正,爲能勝天下之萬變。 日貞而已。 [X] 者 乎不可拔也。 以 何從 ,趣時者也」。 故曰 亦 然則孰爲天地之德乎? 而趣乎潛,不潛則 ,品物流形」,此乾之所以示人以 「大哉乾元、萬物資始、乾道變化 入以 而來哉? \Box 蓋正者天地之道也 本, 「剛柔者,立本者也」。 貞者何也? 「至哉坤元 日月之道,貞明者 簡 故曰 時 者生 日月之道 聖人有 噴然」者, 噴乎其至也。 本乎爻之剛柔而已。 日 「吉凶者,貞勝者也。 也 變, ,萬物資生,乃順承天」,此坤之 区 。 非否求 此 其 道以處吉凶者,何道 簡 ,非聖人之私器也,此所謂 唯貞爲 時 於正而已。 也。 時未可見,故初九之剛 可以見,故九二之柔變 隤 正勝凶也。 在彼者 所 言以蔽之日 ,勝於彼也,彼自不能 然 能明, 以 天下之動 ,各正性命,雲行 召 也 「易」者生也,其 此之謂吉凶 吉 1有可 惟天下之一 二百 明 而況區區 X 天地之道 故曰「變通 天 夫天地 確 者 否,在 貞 地 八十四 然 也。 之道 夫一 牛. 也 丽 > 我 吉

之意,體乎天 出令,亦義也 不孤立,必有義焉。 政之澤者,奪民 所以喜之,貴之,而目之曰「大寶」也。 而已。 爻,其 亡, 鹿臺散而周王。 未若守位之難,何以守之? 尊之位。 道德者,在聖人,施天地之道德者,不在聖 象,得天地之道德者,不在爻象而在聖人。 柔,以明天地之德也。 之大德曰生」。 愛天下之生,亦如天地愛萬物之生也。 以解以命之焉。 欲天下之人避凶 其外者見而爲吉凶 象,非它也,皆形像天地生物之德而 陰,皆坤爻也。 日 文象云乎哉? 故曰「爻也者,效此 百九 財 有斯道也,有斯德也,而位斯位也,天下之人 八地之道 而已。 ,禁民爲非 + 陰陽之爻非它,皆效法天地生物 此所謂言聖人係易之辭本乎爻象之剛 之財爲己之財 故 而趣吉,以 之陽 日 何謂 雖有仁心仁聞, 德 財散則民聚,此仁之實也。 其變者見 「聖人之情見乎 雖 ,亦義 係辭 以 皆 義? 然,明天地之道德者 爲聖人之仁義 者也」。 乾爻也, 各成其功業而已,故係 云乎哉? 也。 「日仁 而 而已。 教民理財 爲功業。 此 己。 至於六十 而天下不被 其 所謂 而已。 解。 然得位 故鹿臺聚 爻象 故又曰「天地 聖言聖 也。 百 ,義也 人,而 聖人之情 得天地之 聖人所 九 動 何 一之難又 然則易 人用 + 四 丽 以 其 在 卦之 之德 在 則 商 爲 至 爻 以 之

以 宜,近取諸身,遠 天,俯則觀 通神明之德,以 罔罟,以佃以漁,蓋取諸離。 古者包犧氏之王天下也,仰則觀 法 於地,觀鳥獸之文,與 取諸物,於是始作八卦, 類萬物之情。 作結繩 象於 地之 面

之高 也。 易在包犧,其名立,其道微。至文王重之,仲尼繫馬 易在天地,其理具,其名隱。至包犧畫之,而名始立。 卦既畫 若左股右肱,取諸身也。 於天,而得之也。若爲山爲澤,觀法於地,而得之也 靈,在物有鳥獸之文,有萬物之宜。 天以何而示之? 而道始章。然則包犧氏之畫,孰示之也? 天示之也 於心而聚之於易者,其惟包犧氏歟? 昔者易之未作,非无易也,有易而散在天地人物之間 地人物以作易、易之既作、聖人復取諸易以制器也 而 不得 然則其有也,孰得之? 昔者厥初生民,何以相生相養,以至於百千萬世 、曾也。 此一章至「蓋取諸夬」,言易之未作,聖人取諸 遁矣。 ,幽而神明之德,顯而萬物之情,皆其見於易。 文者,易中之祖也。 故曰易之未作,聖人取諸 在天有象,在地有法,在人有 若鶴鳴 其散也,孰聚之? 鴻漸, 孔者,易中之父也。 若爲雷爲風,觀象 是故犧者,易中 取諸物也。 天地人物以作 一身之 得之 天

交易而退,各得其所,蓋取諸

一一一一一一一

韓氏曰"「嗑,合也,設法以合物也。」

X O 制器以 焉,以 作,聖人復取諸易以制器 聖人制器 取諸易而足矣。 而 不息不滅也? 制器者尚其象是也。 六爻縱横錯綜,而罔罟之象備矣。故曰易之既 獲物,假某範於何人也? 何以取諸易也? 自 人非物不生,物非器不獲,聖人將欲 「罔罟」至於「書契」,皆其大略也。 是故罔罟之象生於離又 仲尼曰易有聖人之道 措某器於何施 也? 四

爲耒,耒耨之利,以教天下,蓋取 包犧氏没,神農氏作,斵木爲耜,揉木 教民肉食,自包犧始。 教民粒食,自神農始。 諸益 耒

象,而其《彖》曰木道乃行。」 耜取諸益者**,**農下巽上。 日 中爲市,致天下之民,聚天下之貨 郭子和曰:「震巽二木之

變,變則通,通則久,是以自天祐之,吉无 使民不倦,神而 神農氏没,黄帝、堯、舜氏作,通其變, 化之,使民宜之。 易窮則

0 区区,四庫本作□■■]。

1.0人

不利。黄帝、堯、舜垂衣裳而天下治,蓋取

諸乾坤。

賤,乾尊坤卑。」 已。蓋始於黄帝,備於堯舜。韓氏曰:「衣裳以辨貴所謂衣裳,即舜所謂「古人之象五色作服」者是

不通,致遠以利天下,蓋取諸涣。 刳木爲舟,剡木爲楫,舟楫之利,以濟

郭氏曰:「涣木上而水下,故其《彖》曰『利涉大

川,乘木有功也」。」

椁,蓋取諸大過。

重門擊柝,以待暴客,蓋取諸豫。

韓氏曰:「取其備豫。」

以濟,蓋取諸小過。斷木爲杵,掘地爲臼,臼杵之利,萬民

小過艮下震上,上動而下止,此杵動而臼止之象

也。耒耜耕稼之始,杵臼脱粟之始。

天下,蓋取諸睽。 弦木爲弧,剡木爲矢,弧矢之利,以威

上棟下宇,以待風雨,蓋取諸大壯。上古穴居而野處,後世聖人易之以宮室,上之弦不附于四之弧也。三與五皆二矢象也。上之弦不附于四之弧也。三與五皆二矢象也。

封不樹,喪期无數。後世聖人易之以棺古之葬者,厚衣之以薪,葬之中野,不其六五,椽桷之象也。●其下四陽,柱之象也。

上古結繩而治,後世聖人易之以書矣。非生者説其死者也,以死者人藏爲慰也。 矣見狐狸食之以爲戚,則見棺椁人藏以爲説哉也。 其兩爻缺而短者棺之前後檟也。巽入也,兑

●「桷」,原作「桶」,據四庫本改。

契,百官以治,萬民以察,蓋取諸夬。

乎作弧矢。 常爲帝王之筆舌。」史曰:「斗爲天之喉舌」。 作棺椁。 作宫室。 臼。自斯人之无爪牙以自衛而憂於搏噬也,聖人於是 斯人之虞於寇攘 之疲於負擔而躚於遠塗也,●聖人於是乎作輪轡。自 皮,未知織紅之製也,聖人於是乎作衣裳。 自斯人之 足之偏匱也,聖人於是乎作市易。 食也,聖人於是乎作末耜。自斯人之食貨或有餘 佃漁也,聖人於是乎作罔罟。 日之備器用,便起居,具服食也。 書契爲天之口舌。 者,其代天之口舌乎? 是也。此 吴人問蜀使曰: 「天有口乎?」曰: 「有。」帝,謂文王 斯人之知有耕 人厄於川隔而道斷也,聖人於是乎作舟楫。 亦非一聖人之能爲也,歷乎五聖人而後備 夬,乾下而兑上。 自斯人之窮於結繩而相欺无籍也,聖人於是 自斯人之死而戚於虆悝之掩也,聖人於是平 雖一 自斯人之穴處而病於濕蟄也,聖人於是乎 然非聖人之私智也 時應敵之言,未多爲无理也。 耨 而懈於守禦也,聖人於是乎作門标。 嗚呼,鴻荒之世,民之初生,非若今 而未知春揄也,聖人於是乎作杵 乾爲天,爲首。兑爲口舌。 故曰「取諸夬」。楊雄曰:「天 自斯人之肉食而未知粒 ,取諸 自斯人之飢而未知 自斯人之寒而衣 十三卦之象而後 「書契 吾 自斯人 亦曰 或不 昔

> 勞也。 異者,寧可不知其所自耶?」 又曰:「今吾與汝、安居而暇食、優游以生死、與 人生生之道若此其難,而聖人所以生生斯人者若此其 故韓愈曰:「如古之无聖人,人之類滅久矣。」

吉凶生而悔吝著也。 者,材也。爻也者,效天下之動者也,是故 是故易者,象也。象也者,像也。

〇韓氏曰:「彖言成卦之才德,以統卦義也。」

之道也。 二民,君子之道也。陰二君而一民,小人 卦奇,陰卦耦。 陽卦多陰,陰卦多陽,其故 其德行何也? 何也? 陽一君 而 陽

君 耦故也。 陽,故仲尼自問曰其故何也,於是自答曰陽卦奇陰卦 一耦以一奇爲君也, 卦二陰而 陰,故陰卦耦 陽卦宜其多陽,而反多陰,陰卦宜其多陰, 蓋衆者以寡者爲之君,寡者以衆者爲之民。 陽 則 謂 一卦二陽而一 二奇以 陰相率而君 耦爲君也 陰,則二陽相率而 一陽,故陽卦奇,謂 王 一朔日 ൬ 反多

四庫本作「擔」。

也。 爻雖 之分亂,故曰「小人之道」。 而君民之分正,故曰 自 、耦爲君,以奇爲民也。 君 問 蓋 而二民,君子之道也。 如此則陰陽二卦其德行何也? 賤 以 奇爲君,以耦爲民也。 而 者奇之異名,二者耦之異名。 爲 卦之主者,處 「君子之道」。 如此則陰陽之理悖 陰二君 至少之地」是 如此,則陰陽之理 陰二君 而 於是又自答 民,小 也 而 君 而君 人之道 仲 民, 圃 日 尼 順 R 謂 又

焉。 也 來,月往則日 而 往則暑來,暑往則寒來 安身,以崇德也。 利生焉。 致而百慮。 以存身也。 窮神知化 往者,屈也。 天下何思何慮? 《易》曰:「憧憧往 尺蠖之屈,以求信 來,日月相 天下何思 德之盛也」。 精義 來者,信 過 寒暑相 神, 來, 此 天 推,而明生焉。 何 以 下 也。 慮? 朋 往, 同 從爾 致 也 推, 屈 歸 未之或 用 日 信相 而 思 也 龍蛇之 往則月 面 殊塗 ご。こ子 歲 利 知 成

矣,此復舉十卦焉。「憧憧往來」,此咸九四之爻辭也。上繫仲尼既舉七卦之爻辭,以發明六十四卦之微

何慮」。 皆如破竹、 幾, 此 身必安,以之崇德,則 入神者乎? 庖與射也何有? 刀入神" 二卦出入往來之會, 何 致 蠖之屈 而生於堅冰。 之寒,不生於寒,而 朝之往。 往,所以爲來朝之來。 來无窮,然不外乎屈信相 申之曰「天下何思何慮」,丁寧之也。 雖殊,而 動 咸 .修而臻此歟? 則 ,則知往來之一致矣。死生之説,幽明之故,治亂之 ,百思從,不勝其應矣。 ,皆若是而已。 感 也。 窮 ,以屈爲信 而又何 極 惟觀其歸 不能違。 蓋前之屈,乃後之信也。 如 陰陽之神 精於射者,其矢入神。 感應當以 是故以之致用,則用必 解 蓋今之信,乃昔之屈也。 凍,聖人亦不自 思 吾執其 日 精於技者猶若是 然則聖人之應感,既 何 ,龍蛇之蟄,以蟄爲存。 ,執其一 生於烈日。 周 乃幢 虚受,而 慮之有? 德必 吾觀諸月,今夕之來,所以爲 精於義理而已。 知造化之妙 感而已。 憧然勞思以應之,不 以應之爾。 故仲尼曉之曰:「天下何 一崇。 ,彼慮雖百 九 過此以 四 知其 流金之暑,不生 然則 苟入神矣,其致 「以陽剛之資,居 吾觀諸寒暑,折 吾觀諸日,今夕之 ,所以 ,而況精 然而 利,以之安身,則 思 夫天下之事, ,而不能出 吾觀其 往,推而 日 吾觀諸物,尺 精於庖者,其 何思何慮,則 然也。 ~ 爲德之至盛 知屈信之一 於義 非 知 上之, 至於 用 理 Ł 而 又

曰: 睿者,潛心而神,憧憧者,勞思而擾。

危,死期將至,妻其可得見邪?」名必辱。非所據而據焉,身必危。既辱且宫,不見其妻,凶。」子曰:「非所困而困焉,宫,不見其妻,凶。」子曰:「非所困而困焉,

而有獲,語成器而動者也。」時而動,何不利之有? 動而不括,是以出器也。射之者,人也。君子藏器於身,待器也。射之者,人也。君子藏器於身,待

下,不患无獲,患无時,不患无時,患无器,不患无器,此解上六之爻辭也。仲尼釋之,以謂君子之於天

患无韞。

身。 爲无傷而 也。 福也。 而不 利不勸,不威不懲,小懲而大戒,此小人之 小人以小善爲无益 可解。 子曰: 善不積不足以成名,惡不積不足 《易》曰 弗去也,故惡積 小人不耻不仁,不畏不義, 《易》曰:「何校滅耳,凶」。 「屨校滅趾、无咎」,此 而 而不 弗爲也,以 可揜,罪大 之謂 小 以 不見 滅

此噬嗑初九、上九之爻辭也。仲尼釋之,以謂徵

惡在初,改過在小。

乎? 由乎前者,明皇晚年是也。由乎後者,堯舜之儆本矣。桑本物之至固而不可拔者,况又係之于其本敗,後三人者以憂昌,能一再憂其亡,則其固如係于桑此否九五之爻辭也。仲尼釋之,謂前三人者以驕

成,::宗之寅畏,宣王之懼是也。

餗,其形渥,凶」,言不勝其任也。而任重,鮮不及矣。《易》曰「鼎折足,覆公不任重,鮮不及矣。《易》曰「鼎折足,覆公子曰:德薄而位尊,知小而謀大,力少

何辜焉? 之身者乎? 足之弱,而鼎實之豐,有不折己之足,覆人之餗,敗己 量力而負,其人不跌。 而不少哉? 責其貪位而不量己,過分而不勝任爾。 豈責天下之人皆德厚而不薄,皆知大而不小,皆力多 之小者,不可强而大,力之少者,不可勉而多。 此鼎九四之爻辭也。 此仲尼釋之之意也 足之折,身之敗,自取之也。 量鼎而受,其足不折。 德之薄者,尚可積 餗之覆,彼 而厚,知 今也鼎 聖人亦

妙於天下之神。是故難知者,幾也,難至者,神也。今此豫六二之爻辭也。夫微莫微於天下之幾,妙莫

乎? 也? 下之吉,莫重於不失其身,而崇高富貴爲至輕。 謎。 乎」,一何小也? 蓋天下有大患有大欲。 此? 矣,不曰知幾,不曰至神而何哉? 之先見者也」。所謂動者何 斯之諂自以爲取容之深計,湯之瀆自以爲託私之至 張湯之敗,不在於對八使之時,而兆於摩謁居之足。 諂瀆者而絶之,天下之元吉。
 心之動也,其初至微也,能於其至微而察之,求其所謂 交於吾君而不諂,下交於吾與 李斯之誅,不在於具五刑之日,而萌於諂 之大欲也。 尼曰「知幾 而作不俟終日者,亦必有道矣。《易》之豫曰「介 畜濱者其富貴之捷徑,而禍敗之胚渾也 天下之動,莫小於雷風,而欲 謂非知幾之神也可乎? 乃止曰「君子上交不諂,●下交不瀆, 然取容乃所以不容,自託乃所以自敗。 動心,天下之大患也。 其神乎」, 非天下之至聖, 物? 人莫之見而吾獨先見 故曰「幾者動之微, 吉 而不瀆,謂之小也 心 雖然,君子所以 Mij 吾心一動, 諂 所謂占者何 動爲至大。 其 二世之書。 富貴,天下 孰 然則 其 飲?❷ 能 然其 知 與 天 μŢ 於

^{●「}止」,原作「上」,今據尹本、四庫本改。

② 「渾」、尹本、四庫本作「胎」。

③ 「諶」,尹本、四庫本作「謀」。

其 推是心以往,舉天下之萬事,見微則知其彰,見柔則 何物能動之乎? 于石,不終日,貞 (剛,此天下所以尊之仰之,爲萬夫之望也歟 而 不動者也。 今也君子介然如石,天下之可欲者 古一 其見幾也,寧用終日 ,是也。 夫石 者,至静 而 後識 圃 无 之乎? 欲, 至

不善未嘗不知,知之未嘗復 曰:「不遠復,无祗悔,元吉。」 子曰 顔氏之子,其殆庶幾乎? 行 也。 \Rightarrow 易》 有

乎? 此傅説之行其所知也。 知而不行可乎? 傅説曰「非知之艱,行之惟艱」,此以 以當復之初爻。 不善未嘗不知,此《大學》之致知也。 心、先誠其意、欲誠其意、先致其知」、此以知爲貴也 曰: 學有以知爲貴,有以行爲貴。《大學》目欲 是飛廉而眇也。 始庶之爲言近也。 曰 : 故仲尼稱其近於知幾,又許之 是離婁而跛也。 若顏子可謂 知幾則聖,近幾則 行爲貴也。 知之未嘗復行 兼之矣。有 行而不知可 然則 Œ 其

化生。 ,則得其友」,言致一也。 天地絪縕 《易》曰「三人行,則損一人。 ,萬物化醇, 男女構精 萬物

此損六三之爻辭也。 天下之事, 則 精,二 則 粗 行

御。 力而 堯、舜、禹、湯、文、武 面 天 仲尼亦曰「言致一 (地人物皆然,而況於萬事乎? 使羿而欲爲良,良而欲爲羿,則兩喪其國能矣。 孫、吴之治兵,其道不同 於射、故 精於射。 也。 、周、孔之治仁義、黄、老之治清 王良致力而 致者,力至之之謂也。 ,其致 故舜曰 則同也。 於御、故 精 惟 人精於 羿致

或擊之,立心勿恒,凶。」 之與,則傷之者至矣。《易》曰:「莫益之, 則民不應也。 故全也。危以動,則民不與 而後語,定其交而後求。 子曰: 君子安其身而 无交而求,則民不與也。 君子脩此三者, 人也。 後 動、易其 懼以語, 心

疾之手是也。 比乘亂以自立 誥 心有恒之人也。 其心而語,則其辭直。定其交而求,則其助多。 或擊之」者歟? 》以曉庶邦是也。 无交而求,則无助。 此益上九之爻辭也。 此仲尼所 然去晉而不送 周公東征 危以動,則无名。 謂「傷之者至」,而《易》所 此 安其身而 ,作《鴟鴞》以悟成王,作《大 立心勿恒之人也。 ,歸楚而不逆,卒死於棄 動 則 懼以語 其名正。 楚公子 此立 則无

乾坤其易之門 邪?

四

言曲 邪 ? 以體 也,雜 名 而 也 也 明失得之報。」 當名,辨物,正言, 而 小,其取類也大,其旨遠 天 坤 夫易彰往 而不越。 中,其事 地之撰, 陰物 也。 肆 圃 於 以 而 察 稽 通 陽 斷辭, 來, 隱。 其 神 合德, 明之德 類,其衰 而 因貳以濟民行 微顯 則備 ,其 ጢ 剛 、辭文。 矣。 闡 世 其 炪 有 之 稱 其 其 意 稱 開 名

乾坤 明乎坤之陰 明乎乾之陽,則知舉六十四卦之物,本乎陽者皆乾也。 體,如之何 之陰,則无以知陰陽如之何 祖 學易者何莫由乾坤二卦乎? 門」,皆所以深贊易之道,其本在乾坤之二卦,使學易 知易之道所以 合,然後剛柔之體立。 者知其關鍵之會要也。 也。 交錯而爲六十四卦 上 六十四卦 繁言「乾坤其易之緼」, 而 ,則舉六十四卦之物,本乎陰者皆坤 體天地之所爲 體天地之撰」, 者,乾坤之别 知易之陰陽合德,剛柔有體 孔子曰 然後陰陽之德合,陰陽 而合德,剛柔如之何而 ,如之何 也。 而與天地爲 蓋乾坤者,六十四卦 「誰能出不由户」,然則 此章言 不明乎乾之陽、 圃 通神明之德」。 乾 坤 其 通 (易之 則 也 坤

> 之也。 陰物也。 措之安吉之地也。 辭斷 使幽。 有跡。 如「三子之撰」,撰之言爲也 而告之以天理吉凶之報。 明 能闡之使顯。 无形者有形。 造化之往者,屈也。 爲牛,或爲牝馬 金、 明之德, 其旨遠」,使人思而得之也。「其辭文」,使人玩而 幽明之故」,「死生之説」,「鬼神之情狀」之幽者,唯易 陰 玉。 皆非易之私 丽 陽剛柔之道,其名當,其物辨,其言 「其言曲 若曰「神德行」,若曰「藏諸用」是也。 造化之來者,伸也。 无 其所稱雖 之門乎? 而 疑。 即其名,考其類 使 神 若曰顯道 世之所謂百姓日用之顯者,唯易能 其 圃 ,或爲與、釜。 明 言 稱名雖若甚小,其取 中 雜,而不越乎陽物也。 无 豈止衰世 然乾之所名,或爲龍, 也,因斯民之所行有失得之貳 其屈无跡,唯易能彰之,使无跡 遁情 一,故不欺。 ,若曰「顯諸仁」是 所以 贵 矣。 其伸无形,唯易能察之,使 一之意而已乎? 止於衰世之意 其所稱雖 然則 濟斯民人欲之陷溺 「其 乾 事肆 坤 類不 雜, 坤之所· ,或爲馬 Œ 而隱一故不 也。 而 卦 天地之撰 世之所 而已哉? 丽 勝 无偏 至於開 不 豈 其 名,或 微之 越平 或爲 非 而 者 大。 其 謂 者

有憂患乎? 易之興也,其於中古乎? 作易者,其

曰「中古」,曰「有憂患」,仲尼指文王而言之者

以備,可以消。學者受文王罔極之恩矣。自易之既作,有憂患者可以處,可以忘。无憂患者,可歟? 所以哀文王,所以德文王,所以慶天下後世也。

之地也。巽,德之制也。 世。益,德之裕也。困,德之辨也。井,德復,德之本也。恒,德之固也。損,德之脩是故履,德之基也。謙,德之柄也。

脩而進之也。 既持矣,亦既固矣,遂足矣乎? 既植矣、怠或寒其本,則又槁,不固守以 既立矣,驕或齧其基,則又圮,不持守以謙可乎? 至此大成矣,然聖人之心猶曰 遇井而不食 无懼乎? 未臨乎變也。 吾德也。 之基。木无本則槁,故以歸復其初性爲吾德之本。 何資於易哉? 而 不善,懲忿窒欲,又取諸損 不以易成己,則易自易,我自我也,易何補於我,我 此章言聖人取諸易之道,以成乎己之德也。 裕者,裕而豐之也。 遇 愈冽,然後吾之德 困 居常而 吾豈盡善,見善則遷,又取諸益 墉无基則圮,故以踐履之充實爲吾 膩 不失其亨,然後 脩旦裕 或一 雖然,是皆所以居常也 未也 清 , 所以脩 딛 而 吾之德 日 不改。 臨 吾德也。 未也。 變 巽 恒可乎? 益辯 聖 而失之,可 自 人 ,所以裕 吾豈无 而明。 、之德. 脩者 制 學易 基

其至矣乎! 六十四卦備於身矣,九卦其要也。豈敢也。始則持之以謙,終則制之以巽。嗚呼,聖德然若无能焉,此大禹之不矜、周公之不驕,仲尼之仁聖

於物。 益,長裕而 圃 遷。 履,和 異,稱而 恒,雜 不設。 而至。 耐 隱 不厭。 謙,尊而光。 困,窮一 損,先 丽 通。 難 井,居其 復,小而 而後易。 所 辨

此章聖人既取諸九卦以成德,復贊九卦之德以示

人也。

以辨義,異以行 德,損以遠害, 履以和行, 權 謙 益 以 以 制 興 禮 利, 復 困 以 以 自 寡怨,井 知 恒 以

此章聖人既贊九卦之德以示人,復發九卦之用以

示人也。

易。 保,如臨父母。 度,外内使知懼,又明於憂患與故,无有 變動不居,周流六虚 不可爲典要,惟 《易》之爲書 初率其辭 也不 變所 ,上下无 可遠, 丽 適。 爲 揆其方, 常, 道 其 也 出 剛 屢 人以 既 柔 遷 相 師

典常,苟非其人,道不虚行。

易。 也 之體安在哉? 禦之者? 可拘之以典常,繩之以要約也。 與坤之一陰相易,而震生焉。以坤之一陰與乾之一陽 是乾變而爲姤。 是坤變而爲剥。坤之上六,忽下而居於乾之初九,於 居,周流而无間。乾之初九,忽上而居於坤之上六,於 也。易之道安在哉? 之謂也。 死,人遠易則凶。 亂安危,无非易也。 於人,如水之於魚也。● 魚不可離於水,人不可遠於 有典常」者,常也。 之行存乎人。初曰「不可爲典要」者,變也。 善學易之書,而深明易之辭,力行易之道者矣。 之學易,能通其變而得其常,極其用而執其體,是可謂 用。其變而无常者,用也,其常而不變者,體也。 相易,而巽生焉。此易之變,剛柔相易者也。是皆不 坤曰「敬以直内」,敬也。 君臣父子,无非易也。 此章言易道之用存乎變,易道之體存乎常,易道 非《易》書之不可遠也、《易》書之道 故曰易道之用存乎變。 E] 此易之變,上下无常者也。乾之一陽 仲尼曰「《易》之爲書也,不可遠」, 又曰「道不虚行」者,人也。 取舍進退,无非易也。 敬 日: 而已矣。 視聽言動,无非易也。 變而已。是故屢遷而 易之道千變萬化,而肆 唯變之所適,誰得而 乾曰「夕惕若」, 然易之道,有體有 魚離水則 又日 不可 夫易之 易道 君子 此

> 易之辭,而不敢違,揆度乎道之方,而不敢離。 母 明,遇世故而自達。 於一 嘉之之辭也。 是執而有之、躬而行之。故易之道爲實用、不爲虚言 動不居之中,探索其典常不變之要,在此而不在彼,於 日 字,則出入起居,非度不由。外内屋漏,惟懼是知 而自嚴。 「度」曰「懼」,罔不夙夜。 敬。 故仲尼稱之曰「苟非其人,道不虚行」,深贊之,深 故曰易道之體存乎常。 君子何脩何飾,而臻此哉? 其初率循乎 大哉,敬乎! 故曰易道之行存乎人。 以此謹獨,則无師保而自律, 其入德之捷徑,作聖之奇勳 以此應世,則遇憂患 今也學易而得乎 既於變 敬 ,遠父 而自 之

其《彖》辭,則思過半矣。 「亦要存亡吉凶,則居可知矣。知者觀 是雜物撰德,辨是與非,則非其中爻不備。 是雜物撰德,辨是與非,則非其中爻不備。 大雜物撰德,辨是與非,則非其中爻不備。 大雜物撰德,辨是與非,則非其中爻不備。 是一次不相。 其心,於以爲質也。

此章指示學者學易之法有三。 一曰初爻,二曰

^{□ 「}肆」,四庫本作「歸」。□ 「如」,原作「知」,今據尹本、四庫本改。

法。若夫雜陳一卦之物,論撰一卦之德,如是而爲是 議以定一卦,上爻成其終而已。故首告之以學初爻之 之之謂也。 故又告之以學二、五之法。 至於統論一卦之體,非 五則是非備矣,存亡吉凶與居位之當否,可得而知矣。 否,又非止初爻所能盡也,其惟中爻二、五乎? 非,如是而爲存亡,如是而爲吉凶,如是而爲居位之當 可以知其上之易。 至於六爻,或各因其時,或各指其事而已,非若初爻爲 一、五,三曰《彖》辭。 蓋如此其詳也。 語之間,知者觀之,乾坤之道盡在是矣。 《彖》曰 一卦之要也。原其始,自可以約其終,知其初之難,自 彖》辭何以盡之? 「至哉坤元」,包兩儀於二字之中,括六爻於數 故終告之以學《彖》辭之法。聖人之教人 初者,本也。 如乾之《彖》曰「大哉乾元」,坤之 初爻者、《易》書一卦之性質 上者,末也。 曰「過半」,盡 初辭 也

危,其剛勝邪? 異位,三多凶,五多功,貴賤之等也。其柔其要无咎,其用柔中也。三與五,同功而學,四多懼,近也。柔之爲道,不利遠者,四多懼,近也。柔之爲道,不利遠者,二多二與四同功而異位,其善不同,二多

此章言二四、三五之位、遠近貴賤安危之分也

過也。 中也。 九五以剛居剛。 盡多君子也,譽之者多耳。 之下,三乘大臣之上,宜其懼而凶也。 成,寧爲孝宣,與其爲安順,寧爲明帝。至於四逼大君 也,有功者多耳。 中 臣欲柔而 ,剛過則苛,爲漢宣,爲顯宗。 六二以柔居柔,此柔過也。 五則曰「其剛勝」,許其剛而過也。 中,柔過則諂 ,此剛過也。 故二則曰 ,爲張禹,爲胡廣。 六五以柔居剛,此剛中也。 日五多功,亦未必 「其用柔中」,許其 九二以剛居柔,此 曰二多譽,亦未必 居此位者謹 與其爲元 君 〈柔而 欲 剛 成 不 功 而

曰文。文不當,故吉凶生焉。動,故曰爻。爻有等,故曰物。物相雜,故动,心者,非它也,三材之道也。道有變,此道焉,有人道焉。● 兼三材而兩之,故有地道焉,有人道焉。● 兼三材而兩之,故

人,三爲天。時則大而未廣,孤故也。易之既重,三材廣大之備也。易之未重,三材各處其一,初爲地,二爲此章言重卦之旨,及六爻之文,所以極言《易》書

● 「有地道焉有人道焉」。四庫本及通行本《周易》作「有

八

爲地? 文物不當其處,於是吉凶生矣。 陰或居上,安知地之不爲天? 矣,然分上,分中,分下,則有三材之別。 皆合而 人道矣。 曰「廣大悉備」。 矣,兼而兩之,是一三材爲兩三材也,不亦廣乎? 故 是大且廣矣,盛故也。 爻有等差,則有物象矣。剛柔相錯,則有成交矣。 兩 五爲君,則天道爲人道矣。二爲臣,則地道爲 道有變,則爲六爻矣。 初與二 信乎, 爲 地 二典 大則 其 (備而 有 四 量, 陽或居下,安知天之不 罔缺 爲 爻有尊卑,則有等差 人,五 廣則无際。 也。 與 三材之道備 合爲一卦則 上爲天,於

世」,「周之盛德」。 文王 文王无遇於紂,而有遇於仲尼,其千載之屈 屈 文王與紂之事」,則无復秋毫隱情矣。 有幸逢 前 章言易 以爲 朝之伸。 未足也,此 興於中古,作於憂患。 猶以爲未足也 家之私, 章又明言易興於「殷之末 ,又指 有 不没天下之公。 仲 嗟乎,千載之 而名之曰「當 尼之意,已屬 ,一朝之伸

> 詳。 敷? 歸於吉而无咎矣。 求大道,以危辭求安平,懼之於始,懼之於終,則其 凶之象者,有一物之廢者乎? 蓋取諸草。 肱左股,蓋取諸身。 世 吾身之危,欲使後世之危者平,以吾心之不慢易,恐後 患 歟? 親履而備嘗之矣。 紂羑里之禍而演易,不以己之憂患忘天下後世之憂 虎者之爲工。 抑,其不以一家之私没天下之公歟? 世,褒周 之易者傾。 ,乃推己之憂患慮天下後世之憂患,其於憂患,可謂 寇言備寇者之爲周,无虎言防虎者,不若遇虎 也 牿牛獲狐,蓋取諸獸。 日昊月望,蓋取諸 大哉,仲尼之公歟? 紂 `以易之道免天下後世之憂患,

> 動點室矣。 爲盛德, 殷 棟隆牀下,蓋取諸木。 E 何者? 其慮患之道甚大,故其 也。 指 其心危,故其辭亦危。 然則文王以易之道免一己之憂患。 仲 金矢玉鉉,蓋取諸器。 紂之名而不諱 尼,殷 意之者不若履之者也。 天。 天下之物 山泉水風,蓋取諸地。 大抵无寇言備寇者, 後 後之觀吾易者,以 也。 鶴鳴鴻漸、蓋取 稱 而 荷 大哉,文王 取喻於物也 仲 文王之王 可爲得失吉 尼 莧陸瓜 此无它,以 貶 文王遭 殷 百物 言防 不若 一之聖 爲 丽 其 末 不

^{●「}未聖也以易之道免天下後世之憂患」原重,今據

仲尼贊之曰「此之謂易之道也」。

地設位,聖人成能。人謀鬼謀,百姓與能。為吉事有祥。象事知器,占事知來。天之吉凶,成天下之亹亹者。是故變化云之吉凶,成天下之亹亹者。是故變化云之吉凶,成天下之至順也,●德行恒簡,以知失乾,天下之至健也,德行恒易,以知

也? 下之至險,其慮研精 炳幽潛,❷孰得而遁之者? 險,冉求之阻,遇之而敗也。 不能欺仲尼之聽。 者至簡者也。 夾谷之詐,不能敵仲尼之禮,顓臾之對 下之至險者,至易者也。 爲,險阻則有情僞。今也易而能知險,簡而能知阻,何 執之以照天下之險阻情僞,則如日之達蔀,不如燭之 至順,其「德行恒簡」。德之易者,生物不息,故无難 理,健而不息則易,息而不健則難。 德行恒易」。 德之簡者,成物不拂,故不繁也。 此章申言乾坤健順之性,易簡之德也。 蓋兩險相疑,兩阻相持,是故險不能知險。 順而不拂則簡,拂而不順則繁,故坤之 蓋聖人得乾坤易簡之理,而齊侯之 ,而不惑天下之至阻,以定天下之 阻不能知阻,知天下之至阻 是故其 惟其得乾坤易簡之理,而 (心和説,而不憂天 故乾之至健,其 然易簡 天下之 則无 知天 作

> 「侯之」二字,衍。 「侯之」二字,衍。 「侯之」二字,衍。 「侯之」二字,衍。 「侯之」二字,衍。 「侯之」二字,衍。 「侯之」二字,衍。

情 遷,是故愛惡相攻,而吉凶 而悔吝生。 而吉凶可見矣。變動 以象告者,有六而未有辭也。❸ ,近而不相得則凶,或害之悔且吝。 又有彖辭也。 爻所有者,未易槩舉。 八卦以象告,爻彖以情言, 既言乾坤之性與德,又申言八卦之象與爻象也。 情僞相感,而利害生。凡易之 剛柔離居者, 六子之卦也。 以 利言,吉凶以 以情言者,有爻辭而 生。 遠近相取, 剛柔雜居 其餘皆

^{&#}x27;至」,原脱,今據尹本、四庫本補。

[「]不」,尹本、四庫本作「屋」。屬上句。

[「]六」,尹本作「爻」,四庫本作「畫」。

辭游。失其守者,其辭屈。吉人之辭寡,躁人之辭多。誣善之人,其害叛也。中心疑者,其辭枝。

能已。 也。 莫知所以攻之者。不幸而遇智者,先得其隙而入之, 周爲之防,而内必深窒其隙。 乎,攻之者愈衆,而主之者愈堅。 故毁行而人不悟。公孫弘之譖仲舒、汲黯是也。 或顯譽其人,而陰寓其忮,或泛爲之説,以旁見其意. 子也,必深匿其毁之之迹。疾之愈甚,則毁之愈缓。 者意其有挾也。淳于髠之見梁惠王,連語二日三夜是 對武帝是也。 疑者其辭枝」。直情无所煩言,至正无所揣摩,申公之 變,而荆軻爲之辭謝是也。故曰將叛者其辭慙。 而躁競,則巵言以眩世而无所忌,①强聒以撼人而不 有售焉,則彼必售矣,商鞅之説孝公是也。故曰「中心 言於人,而逆疑其不售也,必左右其説以嘗之。此不 言」,蓋得乎此。大抵歉於中者,必愧於外。 誣善之人其辭游」。 故曰「躁人之辭多」。小人之疾君子也,而欲毁君 此言學易而有得者,可以知言矣。 能令人厭,亦能令人喜。 故曰「吉人之辭寡」。人惟无躁競也,人 人之心未有无所主者,所主者義 幸而遇庸人,雖欲攻之, 厭者察其空空,而喜 所主者不義乎,外必 孟子 秦武陽色 İ 故曰 我 將有 知

> 故曰「失其守者其辭屈」。 遊奪其防而據之,則一語而折。夷之之見孟子是也。

張先生校正楊寶學易傳卷第十八

●「巵」,四庫本作「危」。

張先生校正楊寶學易傳卷之十九

陵楊萬里廷秀

説

桂

義,窮理盡性以至於命。 發揮於剛柔 蓍,參天兩地而倚數,觀變於陰陽而設卦, 昔者聖人之作易 而生爻,和 也,幽 順 於道德 慢 (於神 而 明 理 偂 於 生

是也。 是也。 道 加 左手若干,右手若干,人不得而知也。非惟人不得 也,吾亦不得而知也,非惟吾不得而知也,蓍亦不得 也。 也,非惟蓍不得而知也,鬼神亦不得而知也。 此章言聖人之作易,始因蓍以成卦,終因卦以 天下莫愚於有知之知,而无知之知爲至神,蓍 天下莫隱於有易之易,而无易之易爲至蓍,數 今夫蓍之未分,其數五十,人皆知之,及其既分 而

而已。 充乎已者曰德。 事之處物者曰義,會義理而行之通者曰道,體斯道 者曰命,人之受天者曰性,在物情之所具者曰理,在人 在是。所以「窮理盡性至於命」者亦在是。 之道,皆聚於易之書矣。所以「和順道德而理於義」者 事於是乎備,天下之吉凶悔吝萬變於是乎出。 六爻而爲三百八十四。伸之長之,天下之是非失得萬 卦之陰陽既設,爻之剛柔既生,自八卦而爲六十四,自 發而明之,揮而散之耳。 剛,因其數之陰,而發明其爲爻之柔。聖人无與也,特 設矣,爻斯生焉。 觀其變而設之耳。故曰「觀變於陰陽而設卦」。卦既 八而爲陰。變至十有八,而卦成焉。 於數,而數非卦,故得卦者忘數。 而倚數」。 爲九。二、四地數也,兩積之而爲六。故曰「參天兩地 助 曰「幽贊於神明 舍易、是舍淵而求珠、舍林而求玉也。 神明之神而已。 聖人因其變之或九或七而爲陽,因其變之或六或 大哉,易之道乎! 然數寓於蓍,而蓍非數,故得數者忘蓍。 倚之言依也,天地之道,不在數也,依 而生蓍」。 命非通塞短永之謂也,天以道德義 聖人因其數之陽,而發明其爲爻之 今夫一、三、五天數也。 其道之淵林乎? 故曰「發揮於剛柔而生爻」。 贊之言助也,非 數既形矣,卦 聖人无與也,特 蓋天之授人 蓍之神也 學者求道 三積之而 大哉,易 卦託

之性 乎? 器強也。 物情各具其所本然之謂 焉,是得爲處物而宜其 焉,見其爲器而不知其用,或實飱於樽焉,或寘酒於簋 問 命 也。 則 何 其所當然矣。 或 也。 无不可窮, 有所未窮,而足力有所未盡乎? 是故家无不可至,路 可 然之謂也。 家也。 樽奚事? 令而付授之也。 窮, 五十里而止,或九十里 而 而授之於人之謂 夫百里之近也,而家不可至者,何 可盡? 「理於義 爲一乎? 命无不 此物情之所本然者也。 人有自百里之外而歸其家者,或十里而止 而足有不能盡 日 命若何而可至? 可至也。 斯之謂義。 今有二器於此,其一樽也 」謂治於義也,非窮理之理 日 然則理與義有辨乎? 其 (器酒 11 (所當然者乎? 理譬則路也, 11 是「窮理盡 也。 然則理若何而可窮? 也。 猶 圃 義者,人之處物各宜 父之命子、 止 性 理也、性也、命也、爲三 問簋奚事? 是 有不能盡 斯之謂 性以 能至其家乎? 否 性譬則足也。命譬 若易置之,則宜 也? 君 至於命」之説 理。 , 其 日: 之命 ,而理 非以其路 日 今有人 篮业 理者 臣 无不 其 也

理 柔與剛,立人之道曰仁與 ,是以立天之道曰 昔者聖人之作易 陰與 也 義。 陽, 將 以 兼 立 順 地 三才 性 之道 命 而 之 兩

> 剛,故易六位而成章。 之,故易六畫而成卦。分陰分陽,迭用柔

矣。 初爲 陽立而天之道不孤,剛柔立而地之道不孤,仁義 陰陽以氣言。 四仁也、仁義以性言。 初剛也,二柔也,剛柔以質言。 耦,孤而无鄰也。 之,故易六畫而成卦」。然乾坤二 月,有山必有澤,有父必有母。 也哉? 陰分陽,未成章也。 左右也、耳目手足也、靡不然者。 人之道不孤。 柔迭用,然後六位成章焉。 則 賢 也 陽 周官 ,柔剛也 ,选用 ,則君子,則无咎,則吉。 夫德不孤,必有鄰道亦然,故敬義立而德不孤,陰 地,二爲人,三爲天。 此章言文王重易之旨 以順性命之理而已。 「柔剛,故易六位而成章」。 則 X ,仁義也,是性 天下之理,未有孤而能立者。 當是時,三才之道,耦而不奇,鄰而 故仲尼首言曰 文王之易,畫 至於六子五十六卦 「赤與白謂之章。」故曰「分陰 五與上爲天,五陽也,上陰 當是時,三才之道 命之理也 也。 「章」者 逆之,則愚. 曷謂 至於晝夜寒暑也 「昔者聖人之作易也 三與四爲人,三義也 而既重。 伏羲之易 一卦,畫雖六矣,尚分 故曰「兼三才 然則易之重 ,剛柔雜而 性命之理? 順之, ,則鄙,則 ,陰陽錯居 初與 圕 有日 奇 而 則 二爲地 成文也。 一卦何爲 聖 未 而 必 立 而 不 前 也 重 丽 兩 陽 分

以順性命之理」。

是故易逆數也。 天地定位,山澤通氣,雷風相薄,水火

前知。 數也 之著也。 也。 特易之一端而已。易之道无它,其於已往之得失吉 至,孔子行, 來之衰也。 凶,既旋觀而順數,故其於方來之得失吉凶,亦逆睹 所謂前知者,易之道也,非特占事知來之謂 吴會黄池,子胥憂,而況易之道乎? 此章言八卦剛柔錯綜,然後得失吉凶可 見履霜而知堅冰之必至,以已往之微,知方來 見離明而 且以往知來,未有不可逆知者。 醴酒不設,穆生去。 知日晃之必凶,以已往之盛,知方 晉勝郾陵,士變 故曰「易逆 得 膰肉不 而 也,占 前 而 知

一身之臀欬也。風者,天地一身之嘘呵也。雨者,天地人之身也。雷風水火,猶一身之血氣也。雷者,天地此章言天地六子造化萬物之妙用也。天地猶一

哉? 矣。天何爲哉? 主之而已。君者,主也。地何爲 煖氣足以炬熯萬物,故幽者晰,冱者蘇。 物、故潛者見、隕者敷。 死,煖氣冰焉者死。天地亦然,夫惟臀欬足以鼓動 之一身,臀欬喑焉者死,嘘呵絶焉者死,膏液竭焉者 肅焉,物所以止艮者,冬之窮也。造化至此,歲功成 物並育。秋而成焉,物所以説兑者,秋之正也。 挺,鬱者舒。膏液足以潤澤萬物,故槁者滋,瘠者腴。 地 一身之膏液也。 收之而而已。藏者,收也。 日者,天地一身之煖氣也。 嘘呵足以揮散萬物,故 四者大和,萬 今夫人 冬而 \ 쨲者 萬

北之卦 也。 故 也 成言乎艮。 物之所歸 也,萬物 之所 也。 神也者,妙萬物而爲言者 故 成 日 終, 勞 而 乎 所 坎。 成 始 艮 也。 東

非日 也。 丽 力 用也,兼足萬物,未嘗德其德,不舍晝夜,未嘗不力其 則攻,其戰不力,其 言乎兑」。 皆知之,稱乎母,莫知其 然,宇宙之間,其 絜乎風 清焉,暑遇之而冷焉,華實遇之而馨焉。 夫物芸芸,造端乎春,故曰 之神也。 動 云秋矣,萬寶既成,萬生既盈 止 物莫窮其 風之被物也 此 役物以養己者,物也。 孰與臨照? 曰「勞乎坎」。 章前言「帝出乎震」之八者,所以發八卦 ,故曰「齊乎巽」。天地非日 者, 後言「萬物出乎震」之八者,所以釋前言也 乾西北也 春 用 也 始 不冥爲大幽之室乎? ,飄忽汎掃 生物 日一 丽 物 艮 ,乾陽而西北陰,陰陽相逢,不戰 復動 復終,終 不殖 出矣,然後物與物 東北也。 (疲於乳哺,故日 瞯 ,何穢不蠲哉? 「萬物出乎震」。 役己以養物者,地 , 故 始。 丽 ,疇不説乎情, 日 復始 北者,冬也,物所終 「戰乎乾」。 動 ,孰與炳曜? 而復止 故曰 物莫知其 「致役乎 絜齊萬物莫 相 觀也。 塵遇之而 震, 相 水之爲 也。 妙 坤 見乎 萬物 春卦 萬 而 説 物

> 者? 其易之神乎? 仲尼不能言天下之至神。 也者,妙萬物而爲言」,非仲尼不能窮天下之至神 神」,又曰「惟神 有餘,散八卦於天地,不見其不足,其天地之神乎? 也,而仲尼屢言之曰「神无方」,又曰 蓋天地造化之至神, 有既乎? 艮 也 者,其造化 蓋有妙萬物而不知其所以然者也。 「天地大德日 循環无端 ,故不疾而速,不行 亦不知其所 生」,吾於艮見之矣。 之樞 噫,飲 歟 天地於八卦,不見其 以 而至」,今又曰 然者也。 「陰陽不測之謂 則 造 孰妙 化 之仁, 神 孰 萬 難 爲 物 非 言 此 庸

雷 萬 萬物始萬物者,莫盛 者,莫説 疾乎風。 物 風不相悖, 也 動 萬物者, 乎澤。 燥 萬 Щ 物者,莫熯 莫疾 澤通氣,然後能變化 潤 萬 平雷。 物者, 乎艮。 乎火。 莫潤 橈萬 故水火相 乎 物者, 説 水。 萬 速, 成 終 物 莫

坤 以 也,六子之功即乾坤之功也。 此章言六子 變 化萬物之功 愐 故舜以五 不 言乾 坤 人治, 非 不 文王 乾

乾,健也。坤,順也。震,動也。巽,

人也。 兑,説也。 陷 也。 離, 麗 也。 艮, 止 也

此章述八卦之訓詁,狀八卦之性情

爲豕,離爲雉,艮爲狗,兑爲羊。 乾爲馬,坤爲牛,震爲龍,巽爲 坎

此章言八卦遠取諸物也。

爲耳,離爲目,艮爲手,兑爲 乾爲首,坤爲腹,震爲足,巽爲股,坎 口

水内景,有耳内聰之象。火外景,有目外明之象。 此章言八卦近取諸身也。首、言尊。 腹、言容。

男、故謂之中男。離、再索而得女、故謂之 乎母。震,一索而得男,故謂之長男。 中女。艮,三索而得男,故謂之少男。兑, 一索而得女,故謂之長女。坎,再索 乾,天也,故稱乎父。坤,地也,故稱 而得

之。 陽也。 此章言乾坤生六子也。一索得男,初爻得乾之一 索得女,初爻得坤 之 陰也。 其餘第第推

三索而得女,故謂之少女。

爲瘠馬,爲駁馬,爲木果。 金,爲寒,爲冰,爲大赤,爲良馬,爲老馬, 乾爲天,爲 睘 ,爲君,爲父,爲玉,爲

其於地也,爲黑。 均,爲子母牛,爲大輿,爲文,爲衆,爲柄。 坤爲地,爲母,爲布,爲釜,爲吝嗇,爲

其於人也,爲寡髮,爲廣顙,爲多白眼,爲 近利市三倍。其究爲躁卦。 爲白,爲長,爲高,爲進退,爲不果,爲臭。 馬也、爲善鳴、爲馵足、爲作足、爲的顙。 爲長子,爲決躁,爲蒼筤竹,爲萑葦。 其於稼也,爲反生。其究爲健,爲蕃鮮。 巽爲木,爲風,爲長女,爲繩直,爲工, 震爲雷,爲龍,爲玄黄,爲旉,爲大塗, 其於

弓輪。 坎爲水,爲溝瀆,爲隱伏,爲矯輮, 其於人也,爲加憂,爲心病,爲耳

四庫本作「次第」。

堅多心。爲通,爲月,爲盜。其於木也,爲爲多眚。爲通,爲月,爲盜。其於木也,爲亟心,爲下首,爲薄蹄,爲曳。其於輿也,不以,爲其,爲赤。其於馬也,爲美脊,爲

科上槁。 繁,爲蟹,爲嬴,爲蚌,爲龜。 其於木也,爲爲戈兵。 其於人也,爲大腹。 爲乾卦,爲爲之兵。 其於人也,爲大腹。爲乾卦,爲爲之兵。 其於人也,爲電,爲中女,爲甲胄,

屬。其於木也,爲堅多節。果蓏,爲閻寺,爲指,爲狗,爲鼠,爲黔啄之果蓏,爲閻,,爲徑路,爲小石,爲門闕,爲艮爲山,爲徑路,爲小石,爲門闕,爲

羊。折,爲附決。其於地也,爲剛鹵。爲妾,爲折,爲附決。其於地也,爲剛鹵。爲妾,爲好,爲巫,爲口舌,爲毀

類,有不可一一强通者,强通焉,鑿且妄矣。取諸身,遠取諸物,其道甚大,百物不廢也。然引物取此一章又統言八卦之作,仰觀天文,俯察地理,近

張先生校正楊寶學易傳卷第十九

張先 生校正楊實學易傳卷之二十

廬陵楊萬里廷秀

序

桂

上

以比。 以師。 者惟 有訟,故受之以訟。 故受之以需。 蒙者,蒙也,物之釋也。 者,物之始生也。 萬物,故受之以屯。 有天地, 然後安,故受之以恭。 比者,比也。 師者、衆也。 物畜然後有禮,故受之以 然後萬物生焉。 需者,飲食之道也。飲食必 物生必蒙,故受之以蒙。 衆必有 訟必有衆起,故受之 比必有 物釋不可不養也, 屯者,盈 所 所比,故受之 恭者,通 盈天地之間 畜,故受之 履。 也。

之以離。 之以坎。 動,故受之以大過。 後可畜,故受之以大畜。 復則不妄矣,故受之以无妄。有无妄,然 以謙。 故受之以頤。 物不可以終盡剥,窮上反下,故受之以復。 事,故受之以蠱。蠱者,事 然後亨則盡 合而已,故受之以實。 故受之以噬嗑。 後可觀,故受之以觀。 可大,故受之以臨。 必有隨,故受之以 故受之以大有。 否,故受之以同 不可以終通,故受之以否。 有大而能謙必豫,故受之以豫。 坎者,陷也 離者,麗也。 矣,故受之剥。 頤者,養 嗑者,合也。 有大者不可以盈,故受之 隨。以喜隨人者必有 與人同者,物必歸焉 物 臨者,大也。物大然 陷 不 賁者,飾也。 可觀 也。 미 物畜然後可養, 也。 有 以 而後有所合 不 剥者,剥也。 物不可以苟 物不可以 所麗,故受 終過,故受 養 有事而後 則 不 可 飾

序卦下

者,難也。 受之以 恒。 解者、緩也。 睽者,乖也。 受之以家人。 故受之以大壯。 臣,然後有上下。有上下,然後禮義有所 然後有父子。 有男女。 而不已必益,故受之以益。 晉者,進也。 恒者,久也。 夫婦之道,不可以不久也,故受之以 夷者,傷也。 有天地,然後有萬物。 遯。 有男女,然後 物 遯者,退也。 緩必 不可 乖必有難,故受之以蹇。 有父子,然後有君臣。 家道窮必乖,故受之以 物不可以終壯,故受之以 傷於外者,必反於家,故 進必有所傷,故受之明 物不可以久居其所,故 有所 以 終難,故受之以 有 失,故受之以 夫 物不可以終遯, 婦婦 有萬 益而不已必 物、然後 有夫婦, 有君 損。

故受之以節。 受之以涣。 受之以兑。 受之以巽。 井。 必失其居,故受之以 必大,故受之以豊。豊者,大也。 進必有所歸,故受之以歸妹。 有其信者必行之,故受之以小過。 有過物 不可以終止,故受之以漸。 終動,止之,故受之以艮。 子,故受之以震。 者,莫若鼎,故受之以鼎。主器者莫若 受之以困。困乎上者必反下,故受之以 聚,故受之以萃。萃者,聚也。 謂之升,故受之以升。 故受之以姤。 決,故受之以夬。 井道不可不革,故受之以革。 兑者,説 巽者,人也。 涣者,離也。 姤 節而信之,故受之 者,遇 震者,動也。 夬者, 旅。 也。 升而不已必 決也。 也。 物不 旅而 説 艮者,止也。 而後 脯 漸者,進也。 物 得其所歸 後 无 可 決必有遇, 相 物不可以 所容, 以 以 散之,故 説之,故 遇 窮大者 而 終離, 中孚。 困 革 而 故 者 者 長 物 故

受之以未濟。終焉。 者必濟,故受之以既濟。物不可窮也,故

也。

親

寡,旅

也。

離

加

坎

下

也。

小過,

過

也。

中孚,信也。

豊,

多故

坤,萬物父母」,咸恒,人之父母。
所以,上經首乾坤, 下經首咸繼以恒也。」楊氏曰「乾程氏曰:「天地,萬物之本, 夫婦,人倫之始。

雜卦

飾也。 也。 也,謙輕而豫怠也。 震,起也。 與 反其類也。 恒,久也。 夷,誅也。 大畜,時也。无妄,災也。 、與求。 兑見而巽伏也。 也。 同 屯見 坤柔,比 爛也。 艮,止也。 涣,離也。 井 睽,外也。 大壯則止, 遯則 通而困 也。 而 復,反也。 不 樂 噬嗑,食也。 革,去故也。 失其居,蒙雜 師憂。 節,止也。 相遇也。 隨,无故也。 損益,盛衰之始也。 家人,内也。 萃聚而升不來 退 臨 晉,畫也。 也。 觀之義,或 咸,速也。 解,緩也。 賁, 无色 蠱,則 而著。

> 寡也。 也。 也。 夬,決也,剛決柔也,君子道長,小人道憂 漸,女歸待男行也。頤,養正 大過,顛 歸妹,女之終也。 履,不處也。需,不進 也。 姤, 遇也, 未濟,男之穹也。 也。 也。 柔 遇剛 訟,不親 既濟,定 也。

張先生校正楊寶學易傳卷第二十

易 傳 後 序

歟? 辭,又作《序卦》之辭,又作《雜卦》之辭。 辭,作《象》辭,又作小《象》之辭,又作《文 聖之先。發天之藏,拓聖之疆,挹彼三才 言》之辭,又作二《繫》之辭,又作《説卦》之 之道,而注之於三絶之簡 至吾夫子,特起乎兩聖之後,而 而已耳。《禮》《樂》非夫子作也,正之而 也,定之而已耳。 大之爲天地,纖之爲毫末,顯之爲人物,幽 惟《易》與《春秋》,所謂夫子之文章者 文王重易矣, 時則 六經至夫子 昔者伏羲作易矣,時則有其畫,无其 而大備、然《書》非夫子作 《詩》非 有 夫子作也, 排 於是作《彖》 辭,无餘 超出 平兩 删 之 已

呼 未 淵以 炳然蔚 聞者、豈歎之之時、此書未作歟、抑 子之言性與天道,不可得而聞。 六,其不在升堂人室之間乎? 所未見。嗚呼,後之學者,一何幸也! 易,其喜又當何如哉? 今乃得見季札之 見羲、文之易,其喜已如此,使見夫子之 見者,羲、文之易而已,未見夫子之易也。 吴未有歟? 《易象》而喜曰:「周禮盡 玉府 之爲 頁在三千、七十之中,其科在乙,其名 豈易之書唯魯有之歟 出數? ,後之學者,又何幸也! ,非性與天道之言乎? 鬼神, 陶 長,其道溥以崇。 聖之大鈞 今乃得聞子貢之所 明之爲仁義禮樂,微之爲 聚 宜其 此 書矣。 見之而喜也。 也 敷? ? 是書也 其 在魯矣。」當是時, 抑諸國皆有,而 解 學者 而子貢獨 精以幽,其旨 不 札聘魯, ,其緼道之 然嘗 然札之所 每 夫子 得 謂 Ë 聞 性 ,之易 歎 不 聞 作 命 夫 子 在 而 而

「後序」上,尹本有「萬里」二字。

易學啓蒙

王 鐵 校點

目録	易學啓蒙卷之四	易學啓蒙卷之三	易學啓蒙卷之二	易學啓蒙卷之一	校點説明	目録
	考變占	明蓍策	原卦畫	本圖書		
				0 0 0 0 0		
	:	8 9 0 0 6 0 0 0 0	0 0 0 0 0 0 0 0 0	0 9 2 4 6 0 0 2 4	0 0 0 0 0 0 0 0 0 0	
	五五	二七	· 九		_	

明

的 看 書。 到,此書是朱、蔡二人反復研討的成果。 易學啓蒙》是朱熹闡説《易》象數與筮占方法 從朱熹《文集》裏寫給蔡元定的書信中 可 以

書信。 字。 先于淳熙十六年趙氏之卒。 (一一八六)農曆三月。 論象數梗概,並以爲獻。」(《文集》卷三八)此信自當 稍後朱熹的書信中,數見贈送與討論《啓蒙》的文 次修改,這也可見于作者給蔡元定、蔡淵父子的 如《答趙善譽書》中說 《啓蒙》的成書,據《自序》所署,是淳熙十三年 作《序》之後,即付刊行。 《啓蒙》初 近又當編一小書,略 刻 以 後不止 在

齊書録解 本無異。 今日 題》著録《啓蒙》雖作一卷,但篇目則與今 所見的《啓蒙》是四卷本。 亦曾刻 作兩 卷, 如 明《 南 雍 南宋陳 志 . 經籍考》于 振孫《直

校

點

説

明

合刻本。 朱熹學生度正 上、下」。 周易本義」及「周易大字本義」條下皆附 四)。 又朱熹去世後、《啓 南雍志 謂楊仲禹「並刊二書」(《性善堂稿》卷 》所録兩種《周易本義》, 蒙》與《本 義》常 就是 注「啓 合 道

《遺書》本基本相同。當亦以《遺 本則是翻刻與古齋本、《西京清麓叢書》本的版 其中,與古齊本是以《遺書》本爲底本, (一八六八)的望三益齋刻本、光緒元年(一八七五 如咸豐六年(一八五六)的與古齋刻 的《西京清麓叢書》本與劉氏《傳經堂叢書》本等。 遺書二刻》本。 最早刻本,是清 《啓蒙》的早 其他 康熙年間吕氏寶誥堂所刻 期 單 就 刻 祇 本均失傳。 有清代 書》本爲底本。 後 期 今天能 本、 的 望三益 幾 同治七 個 的《朱子 見 刻本, 式 到 刻 的

蒙通釋》,分上、下兩卷, 文之後的 是從文集、語録中,輯 《啓蒙》還有幾種重要的注釋本或附録本(附 種體裁)。 集相關文字附于專 一是宋末胡方平撰《易學 二是元黄瑞 節 輯《朱子成 著每 章 啓 正 録

書的《啓蒙》正文,除了《通釋》第四篇的《卦變圖》四是明萬曆年間余懋衡編《易學啓蒙》四卷,也是一四是明萬曆年間余懋衡編《易學啓蒙》四卷,也是一四是明萬曆年間余懋衡編《易學啓蒙》四卷,也是一外,差别都不大。

堂經解》中的《通釋》,這一卷情况與元刻明修本同。 等都相同,並不對稱。 道幾頁是元刻本所闕,而以他書補之。 釋》的第二一至二八圖,形狀也與底本相同。 至二〇圖、第二九至三二圖反復成對稱形 部分與《成書》、《性理大全》、余懋衡本、《周易折中》 也就是說,每一圖應成反復對稱形狀。 圖,依朱熹的説明,應該是「反復之則爲六十四圖」, 釋》)、元至正元年(一三四一)日新書堂刻《朱子成 書館所藏元刻明修本《易學啓蒙通釋》(簡稱《通 書附録》(簡稱《成書》)。第四卷的三十二幅卦變 這次整理以《朱子遺書》本爲底本,校以國 唯元刻明修本《通釋》的第一 但底本道 刻于《通志 狀。 大約 《通 家

《易學啓蒙通釋》。整理時,三十二幅卦變圖仍底本之舊,讀者可參看

校點者 王鐵

易學啓蒙卷之一

易學啓蒙一

於其説云。同志頗輯舊聞,爲書四篇,以示初學,使毋疑

思智慮之所爲也。若是者,予竊病焉。


因與


數者,又皆牽合傅會,而或以爲出於聖人心

淳熙丙午莫春既望,雲臺真逸手記

易學啓蒙







《易大傳》曰:河出圖,洛出書,聖人

則之。

至九,禹遂因而第之,以成九類。書》者,禹治水時神龜負文而列於背,有數下,龍馬出河,遂則其文以畫八卦。《洛下,龍馬出河,遂則其文以畫八卦。《洛

地之法,其放於此乎! 州有九,井九百畝,是所終以紀閏餘,是所謂曆紀也。 方者土也,畫州、井於此乎! 曆法合二始以定剛柔,二中以定律曆,二 了一一一一一一一一一一一一一一一一一一一一一一一一一一一一一

哉? 《洛書》之文,故羲、文因之而造《易》,禹、 不必追考《河圖》,而已暗與之符矣。其所以然者,何 二也。故伏羲但據《河圖》以作《易》,則不必預見《洛 《易》、《範》之數誠相表裏,爲可疑耳。 爲《河圖》,十爲《洛書》,託言出於希夷。既與諸儒舊説 書》,而已逆與之合矣,大禹但據《洛書》以作《範》,則亦 不合,又引《大傳》,以爲二者皆出於伏羲之世。 四爲肩,六、八爲足,正龜背之象也。 錫禹洪範九疇」,而九宮之數,戴九履一,左三右七,二、 禹。關子明、邵康節,皆以十爲《河圖》,九爲《洛書》。 安國、劉向父子、班固、皆以爲《河圖》授義、《洛書》錫 箕叙之而作《範》也。蔡元定曰:古今傳記,自孔 蓋《大傳》既陳天地五十有五之數,《洪範》又明言「天乃 謂畫州、井地也。 圖》、《書》,並無明驗,但謂伏羲兼取《圖》、《書》,則 而已矣,雖時有古今先後之不同,而其理則不容於有 誠以此理之外無復他理故也。 蓋圓者《河圖》之數,方者 惟劉牧意見,以九 然不特此耳,律吕 其實天地之理 其易置

● 「則」,原脱,據《成書》補。

圖 乎蓍龜」之類、《易》之書豈有龜與卜之法乎? 也。 理 其原皆出於天之意。❶ 謂伏羲有取於今日而作《易》乎?《大傳》所謂 同》、太一之屬,雖不足道,然亦無不相通,蓋自然之理 配合,皆爲六十者,無不若合符契也。 之後,其起數又各不同 十二支,而其相乘之數亦究於六十。二者皆出於《易 有五聲、十二律,而 無二而已爾 ,洛出書 假令今世復有《圖》、《書》者出,其數亦必 ,聖人則之」者 其相乘之數究於六十, 如言「以卜筮者尚其占」與「莫大 ,然與《易》之陰陽策數多少自 ,亦汎言聖人作《易》作 下至運 日名有十 相 亦言其 氣、《參 河河 《範 符 幹 可 出 相

神也。 一、地二、天三、地四、天五、地六、天 一、地二、天三、地四、天五、地六、天 一、地二、天三、地四、天五、地六、天 一、地二、天三、地四、天五、地六、天

也。天地之間,一氣而已,分而爲二,則爲此一節,夫子所以發明《河圖》之數

也。 者,陰之重濁而位乎下者也。 陰陽, 地 以七成之,天以三生木,而地以八成之, 地,所謂「地數五」也。 守而居乎中。 焉。 生水,而地以六成之,地以二生火,而天 相求,所謂「五位之相得」者然也。天 天者,陽之輕 居乎東,四與 北,二與七爲朋 一、三、五、七、九皆屬乎天,所謂「天數五」 一陽、一奇一 以 陰數偶,故二、四、六、八、十皆屬 故《河 四生金,而天以九 而 五. 行造化、萬物始終,無不管 圖》之位, 偶,以 (九爲友而居乎西,五 清 蓋其所以爲數者,不過 而居乎南,三與 而 位 兩其 乎 天數地數各以 與 成之,天以五 上者也。 五 六共宗 行 而 陽數奇,故 릲 八 所謂 與 同 而 所 以 + 類 於是 道 居 生 陰 乎 謂 地 相 而 而

❶ 「原」,原作「言」,據《通釋》、《成書》改

皆以 陽以 以五 土,而 以五 三,陰之象方,方者徑一而圍 全以示人,而道其常,數之體也。《洛書》 位與數,其所以不同,何也? 曰:《河圖 表裹者可見矣。 説已具於前,有以通之,則劉歆所謂經緯 於《洛書》,則雖夫子之所未言,然其象其 之全數,皆夫子之意,而諸儒之説 三十,合是二者而爲五十有五,此《河圖》 一爲一,故參其 陽而已矣。陽之象圓,圓者徑一而圍 五居中者,何也? 奇數統 生數統五成數,而同處其方,蓋揭其 地 ,故兩其一陰而 陰,而肇其變,數之用也。 以十成之。 積五奇而爲二十五,積五偶 四 偶數,而各居其所,蓋主於 或曰:《河圖》、《洛書》之 陽 此又其所謂「各有合」 爲二。 而爲三; 圍 曰:凡數之始,一 是所謂參天 四。圍三 曰: 其 四 也。 [者以 而 一者 至 爲

數矣。 象也。 《河圖》以生數爲主,故其中之所以爲五 點,亦天三之象也。其中一點,亦天五之 通 點,則天九之象也。其數與位,皆三同 象焉:其下一點,亦天一之象也。其左一 其中一點,天五之象也。《洛書》以奇數爲 兩地 象矣,然其爲數也奈何? 亦生之陰也。 二異,蓋陽不可易而陰可易,成數雖陽,固 主,故其中之所以爲五者,亦具五奇數之 點,天三之象也。其右一點,地四之象也。 之象也。其上一點,地二之象也。其左一 者,亦具五生數之象焉:其下一點,天一 圖》、《洛書》之數,所以皆以五爲中也。 者也。 一圖,由 其右一點,則天七之象也。其上 然《河圖》之一、二、三、四,各居其 三、二之合,則爲 内及外,固各有積實可紀之 日: 中央之五既爲五數之 曰:以數言之, 五 矣,此 《河 而

六

也。 數之在内者,則陽居下左而陰居上右也。 實,然後見其 爲君而 奇數之側。蓋中者爲主而外者爲客,正者 外,而二、四、六、八者,又各因其類以 西,次北,左旋一周,而又始于東也。 上,次左,次右,以復于中,而又始于下也。 變,故極於九,而其位與實皆奇贏 主全,故極於十,而奇偶之位均。 書》之一、三、七、九、亦各居其五象本方之 各因五 五 曰:《河圖》以生出之次言之,則始下,次 曰:其多寡之不同,何也? 丽 運行之次言之,則始東,次南,次中,次 象本方之外, 必皆虚其中也,然後陰陽之數均於二 無偏耳。 側者爲臣,亦各有條而不紊也 而 得數,以附於其生數之外。 偶 曰:其序之不同,何也? 贏 而六、七、八、九、十者, 而奇乏也。 曰:《河圖 《洛書》 論其積 而偶乏 其生 || 附于 《洛 主 又

之變也 自北而 外。 陽老少進退饒乏之正 南,次 也,故自南 以成于四之外。其六者,生數二、四之積 圖》六、七、八、九既附于生數之外矣,此 次西,次東北,而究于南也。其運行則水 也。 七、八、九、六之數不同, 而土復克水也。是亦各有説矣。 克火,火克金,金克木,木克土,右旋一周 北,次西南,次東,次東南,次中,次西北, 中,次西,次南,其陰數則首 一、三、五之積也,故自北而東,自東而西, 其成數之在外者 七則九之自 《洛書》之次,其陽數則首北 西 東 北,次東 《洛書》之縱横十五而七、八、九、 者也。 而西 此又 西 自 北 則陰居 圃 西 也。 陰 南 丽 也。其九者,生數 者也。 陽老少 合 何 北 下 也? 左而 以以 而 西 言之,則 八則六之 互藏其宅 成于一之 「南,次 ,次東,次 陽居上 曰:《河 曰: 其 東

德」,其七爲「稽疑」,其八爲「庶徵」,其九 巽、艮者,八卦也。《洛書》之實,其一爲 九、八、七、六,縱橫十五而互爲七八、九 居二十,則 書》而處其中五,●則亦太極也。奇偶各 爲「福極」,其位與數尤曉然矣。曰:《洛 四爲「五紀」,其五爲「皇極」,其六爲二三 爲乾、坤、離、坎,補四隅之空以爲兑、震、 偶數二十者,兩儀也。 六、七、八、九者,四象也。 析四方之合以 其合焉。此變化無 六迭爲消長,虚 曰:然則聖人之則之也,奈何? 三含七,四含六,則參五錯綜無適而不遇 五行」,其二爲「五事」,其三爲「八政」,其 河圖》者虚其中,則《洛書》者總其實 河圖》之虚五與十者,太極 亦 兩 儀 五分十而 也。 窮之所以 以一、二、三、四爲 一、二、三、四而 一含九,二含八, 也。 奇數二十 爲 曰: 妙 也 也。 則 含 0

《圖》,而初無所待於《書》,《範》則大禹之 也; 《河圖》亦可以爲《範》矣,且又安知《圖》之 以《河圖》而虚十,則《洛書》四十有五之數 則一而已。 是其時雖有先後,數雖有多寡,然其爲理 六,則 所獨得乎《書》,而未必追考於《圖》耳。且 之子目也。是則《洛書》固可以爲《易》,而 八卦也。《河圖》之一、六爲水,二、七爲 不爲《書》、《書》之不爲《圖》也耶? 固《洪範》之五行,而五十有五者,又九 火,三、八爲木,四、九爲金,五、十爲土,則 離、坎,四隅之偏以爲兑、震、巽、艮,則亦 則《洛 虚 亦 五,則大衍 四 書》縱横十 象 但《易》乃伏羲之所先 也。 Ŧī. 四方之正 十之數 五之數 以爲 也; 也; 以 積 日 五 Ŧī. 得乎 與

「五」,原脱,據《成書》補。

易學啓蒙卷之二

易學啓蒙二

原卦畫第二


取諸身,遠取諸物,於是始作八卦,以通神明天,俯則觀法於地,觀鳥獸之文與地之宜,近古者包羲氏之王天下也,仰則觀象於

易有太極,是生兩儀,兩儀生四象,四象之德,以類萬物之情。

生八卦。

《易》非獨以《河圖》而作也。蓋盈天地之《大傳》又言包羲畫卦所取如此,則

儀也。 世儒于此或不之察,往往以爲聖人作《易》, 卦之畫必由蓍而後得,其誤益以甚矣。 蓋極其心思探索之巧而得之,甚者至謂凡 所謂「畫前有易」者,又可見其真不妄矣。 定之形、已成之勢,則固已具于渾然之中, 見於摹畫者,若有先後而出於人爲,然其已 八,由八而十六,由十六而三十二,由三十 而四象又爲兩儀矣。自是而推之,由四而 太極而分兩儀,則太極固太極也,兩儀固兩 儀、四象、六十四卦之理已粲然於其中。 矣。故自兩儀之未分也,渾然太極,而 間,莫非太極、陰陽之妙,聖人於此 而不容毫髮思慮作爲于其間也。程子所謂 察,遠求近取,固有以超然而默契於其 「加一倍法」者,可謂一言以蔽之,而邵子 二而六十四,以至于百千萬億之無窮,雖其 自兩儀而分四象,則兩儀又爲太極, 仰 觀 自 兩 心 俯



易有太極

形器已具而其理無朕 形而其理已具之稱, 太極者,象數未

書》,皆虚中之象也。 之目,在《河圖》、《洛

周子曰「無

極

而太

極」,此之謂也。 極」,又曰「心爲太 極」,邵子曰「道爲太

> 陽 儀●

陰 儀●

此也。

「陽僕」、《成書》作「陽一」。

「陰儀」、《成書》作「陰二」。

是生兩儀

復動, 《河圖》、《洛書》,則奇 分爲二」者, 立焉」,邵子所謂「一 其根,分陰分陽,兩儀 偶是也。周子所 數則陽一而陰二。 者二,是爲兩儀。 而静,静而生陰,静 「太極動而生陽,動 奇一偶,而爲一 太極之判,始 動一静,互爲 皆 畫 謂 謂 在 極 極 其 生

太陽

位則太陽一,少陰 者四,是謂四象。其 二,少陽三,太陰四。 一奇一偶,而爲二畫 兩儀之上,各生 兩儀生四象

少陽三

得於五者也,九者, 也,七者,二而得於 者,一而得於五者 四而得於五者也。以 五者也,八者,三而 以《河圖》言之,則六 八,少陽七,太陰六。 其數則太陽九,少陰

> 太陰 四

少陰一

也,七者,十分三之 之餘也。周子所謂 者,十分一之餘也; 餘也",六者,十分四 八者,十分二之餘 「水火木金」,邵子所

《洛書》言之,則九

謂此也。

謂「二分爲四」者,皆

分居四隅。《周禮》

四方,兑、震、巽、艮

所謂「三《易》經卦皆


兑二 震四 乾 離三 四象生八卦 乾、坤、離、坎分居四 具,而有八卦之名 者八,於是三才略 則乾、坤、離、坎分居 居四虚。在《洛書》, 實,兑、震、巽、艮分 五,坎六,艮七,坤 矣。其位則乾一,兑 二,離三,震四,巽 一奇一偶,而爲三畫 在《河圖》,則 四象之上,各生 坤 艮七 坎六 巽五 八

此而言也。

卦成列」,邵子所謂

「四分爲八」者,皆指

八」、《大傳》所謂「八




者十六,於經無見。 不」者是也。又爲兩 一奇一偶,而爲四畫

八卦之上,各生




 \equiv

四畫之上,各生



十二十二。邵子所 十二十二。邵子所 十二十二。邵子所 一一一十二十二。邵子所 一一一一二二十二。邵子所 一一一二二十二。邵子所 一二二十二。邵子所







++

夬 乾 小 大 大 壯 有 畜

是也。 所 七 又各生一奇一偶, 十二分爲六十四」者 其中矣」,邵子所謂「三 畫 謂 偶 畫 之上又 則 者 因 百二 若於其上各 爲八 而重之,爻在 一十八 各生 畫 者 矣 則 一奇 二百 桂 爲

損

節

需

大

畜

泰

+ 於是六十四 奇 而《易》道大成矣。《周 而 四 八 、卦之乘 則 偶,而爲六畫者六 五 畫 兼三才而兩之, 之上, 卦之名立、 八 桂 各 亦 生 周

兑

中 歸 孚 妹

皆六十有四」、《大傳

禮》所謂「三《易》之别

千二十四矣;

十畫

之

奇一偶,則爲十畫

者

睽

五

十

六

矣 **;**

八

畫

之

履

爲

九

者五

百

+

又

各

生

一 奇 一

偶

則

矣;

九畫之上又

各

生

各生一 此 數,蓋以六十四 此 二畫者四千九十六矣。 四 也。 焦贛《易林》變卦 而 略見第四 奇一 今不 偶,則爲十 復 乘六 爲 篇 圖 中 於 之

「畫」,原作「卦」,據《通釋》、《成書》改。

臨

六

八

矣

+

畫

之上

又

爲十一畫者二

千四

+

上又各生一奇

一偶,

則

明夷 既 家人 賁 離 革 同 濟 人 窮矣。 也。 亦足以見易道之無 伸之,蓋未知其所終極 其數亦與此合。引而 以四千九十六自相乘, 若自十二畫上又各生 萬七千二百一十六變。 畫,則成千六百七十七 一奇一偶,累至二十四 雖未見其用處,然

 復
 頭
 屯
 益
 震
 嘘
 无


 宝
 宝

易學啓蒙


一八

 升
 蠱
 井
 異
 恒
 鼎
 大
 姤


 過



節 蒙 坎 涣 解 未 困 訟 濟



謙 艮 蹇 漸 小 旅 咸 遯 過



坤 剥 比 觀 豫 晉 萃 否



一九



易 學 啓 蒙

伏羲八卦圖



東離三

西坎六



南乾一

伏羲六十四卦圖

<u>-</u>

相射。八卦相錯,數往者順,知來者逆。是天地定位,山澤通氣,雷風相薄,水火不

故易,逆數也。

茂人。一人,●良以止之,免以説之,乾以君之,坤以之,●良以止之,免以説之,雨以潤之,日以烜雷以動之,風以散之,雨以潤之,日以烜

之中爲春分,以至于乾之末而交夏至焉,皆進而得其已 之所以成也。 者順、若順天而行、是左旋也、皆已生之卦 震四而巽五、坎六、艮七、坤八亦以次而生焉。 後有兑二,有兑二而後有離三,有離三而後有震四,有 是右行也,皆未生之卦也,故云知來 夫易之數,由逆而成矣。此一節直解圖 也,故云數往也。 卦相錯者,明交相錯而成六十四也。 意,若逆知四時之謂也。 邵子曰:此一節明伏羲八卦也。八 而圓圖之左方,自震之初爲冬至,離、兑 知來者逆,若逆天而行, 以横圖觀之,有乾一而 此 數往 也。 《易》

生之卦,猶自今日而追數昨日也,故曰「易,逆數若方,自巽之初爲夏至,坎、艮之中爲秋分,以至于坤之來日也,故曰「知來者逆」。然本《易》之所以成,則其先來日也,故曰「知來者逆」。然本《易》之所以成,則其先來日也,故曰「數往者順」。其也」。

愈大則愈小,●愈細則愈繁。是故乾以分陰,陰交於陽,而生地之四象。八卦相錯,而柔交於剛,而生地之四象。八卦相錯,而柔交於剛,而生地之四象。八卦相錯,而柔交於剛,而生地之四象。八卦相錯,而柔交於剛,而生地之四象。八卦相錯,而不以爲八,八分爲十六,十六分爲二,二分爲四,四条交於陽,而生天之四象,剛交於柔,於陰,陰下交於陽,而四象生矣。陽上交又曰:太極既分,兩儀立矣。陽上交

0

^{●「}烜」,原作「暄」,係南宋嘉定以後避欽宗舊諱,今據

是。「小」,各本同。按《皇極經世‧觀物外篇》作「少」,當

也,兑、離陽浸多也,坎、艮陰浸多也。故震陽少而陰尚多也,巽陰少而陽尚多震、巽,一交也。兑、離、坎、艮,再交也。昃、巽,一交也。兑、離、坎、艮,再交也。之,坤以翕之,震以長之,巽以消之,長則

以陽起於復,而陰起於姤也。故母孕長男而爲復,父生長女而爲姤,是後,陽分陰也。陰爲陽之母,陽爲陰之父,又曰:無極之前,陰含陽也,有象之

所闔闢,日月之所出人。春夏秋冬,晦朔弦而陰生。兑,陽長也。艮,陰長也。故震、左天之陰也。巽、艮,在地之陽也。故震、生言之,故陰上而陽下,交泰之義也。地以生言之,故陰上而陽下,交泰之義也。地以此。此一次, 故陽上而陰下, 尊卑之位也。乾、脱成言之,故陽上而陰下, 尊卑之位也。乾、说,所闔闢,日月之所出人。春夏秋冬,晦朔弦、,以曰:震,始交陰而陽生。巽,始消陽、以曰:震,始交陰而陽生。巽,始消陽、以曰:震,始交陰而陽生。巽,始消陽、

望,晝夜長短,行度盈縮,莫不由乎此矣。

大陰,二十八陽。 是二十陽,二十八陰。 是、離以下更思之。 一今按: 一分為所之。
本也。又曰:乾、坤縱而六子横、《易》之

此真至之理,按圖可見之矣。 逆行。陽在陽中,陰在陰中,則皆順行。 又曰:陽在陰中陽逆行,陰在陽中陰

陰。復至乾,凡八十陰。至坤,凡八十陽。姤至坤,凡百一十有二至坤,凡曰:復至乾,凡百一十有二陽。姤

寅,坎當申。而數常踰之者,陰陽之溢也。又曰:坎、離者,陰陽之限也,故離當

酉,但以坤爲子半可見矣。

又曰:先天學,心法也,故圖皆自中

起。萬化萬事生于心也。

乎是,蓋天地萬物之理盡在其中矣。 又曰: 圖雖無文,吾終日言而未嘗離

易 學 啓 蒙

文王八卦圖

南離

東震

北汝

萬物、始萬物者莫盛乎艮。 之所成終而所成始也,故曰「成言乎艮」。 歸也,故曰「勞乎坎」。艮,東北之卦也,萬物 也。 風不相悖,山澤通氣,然後能變化既成萬 説萬物者莫説乎澤,潤萬物者莫潤乎水,終 者,水也,正北方之卦也,勞卦也,萬物之所 乎乾,乾,西北之卦也,言陰陽 秋也,萬物之所説也,故曰「説言乎兑」。 也,萬物皆致養焉,故曰「致役乎坤」。 兑,正 聽天下, 嚮明而治, 蓋取諸此也。 坤也者, 地 雷,燒萬物者莫疾乎風,燥萬物者莫熯乎火, 也者,妙萬物而爲言者也。 也,萬物皆相見,南方之卦也。 萬物出乎震,震,東方也。齊乎巽,巽,東南 坤,説言乎兑,戰乎乾,勞乎坎,成言乎艮。 齊也者,言萬物之絜齊也。 動萬物者莫疾乎 故水火相速,雷 相薄也。 聖人南面 離也者,明 神 坎 而

二四

帝出乎震,齊乎巽,相見乎離,致役乎

邵子曰:此一節明文王八卦也。

也。 者,東自上而 也,故再變則乾退乎西北,坤退乎西南也。坎、離之變 爲既濟矣。乾、坤之交者,自其所已成而反其所由 乾北坤南而爲泰矣。 言文王改易伏羲卦圖之意也。蓋自乾南坤北而交,則 母,坎、離得位而兑、艮爲耦,以應地之方 終於寅,離終於申,以應天之時也。 交而爲既濟也。乾生於子,坤生於午,坎 天地之用乎! 者,長養於東南也 乾位而坎得坤位也。 於西北,退坤於西南,長子用事而長女代 王者文王也。 又曰:至哉,文王之作《易》也,其得 西,西自下而東也。 故乾、坤交而爲泰、坎、離 震用事者,發生于東方。 巽代母 自離東坎西而交,則離西坎東而 之法,●其盡於是矣。此 故乾、坤既退、則離得 置乾 生

兑,始交者也,故當朝夕之位。 又曰:易者,一 陰一陽之謂也。 坎、離,交

> 陰陽猶雜也,故當用中之偏。 之極者也,故當子午之位。 巽、艮不交而 乾、坤、純陽

純陰也,故當不用之位也。

也。 艮、坎、震,得陰之多者也。 乾極陽,坤極陰,是以不用也。 又曰:兑、離、巽,得 陽之多者也。 是以爲天地用

進 故坤猶半用,而乾全不用也。 西南者,父母既老而退居不用之地也。 震、兑始而坎、離終,震、兑輕而坎、離重也。 藏其宅也。四者皆當四方之正位,而爲用事之卦。 爲先而位乎左,陰主退,故以少爲貴而位乎右也。坎北 嘗考此圖而更爲之説曰:震東、兑西者,陽主進,故以長 者,進之中也。 之後,而長女退之先,故亦皆不用也。 又曰:震、兑横而六卦縱,易之用也。 離南者,退之中也。男北而女南者,互 艮東北、巽東南者,少男 然母親而父尊 然男未就傅 乾西北 坤

「之法」 原脱,據《成書 但《成書》無注「文王也

則又用伏羲卦云。 歷舉六子而不數乾、 不正之位,然居東者未 女將有行,故巽 和向 坤。 用 用 而 至其水火、雷風、山澤之相偶 艮全未用 而居西者 也。 不復用也,故下文 四 者皆居四 隅

也。坎、陷也。離、麗也。艮、止也。兑、乾、健也。坤、順也。震、動也。巽、入

説也。

乾爲馬。坤爲牛。震爲龍。巽爲雞。之象;在中者,麗之象;在上,此之象。陰在下者,入者,陷之象;在上,此之象。陰在下者,入

此遠取諸物之象。

坎爲豕。

離爲雉。

艮爲狗。

兑爲羊。

坎爲耳。離爲目。艮爲手。兑爲口。乾爲首。坤爲腹。震爲足。巽爲股。

此近取諸身之象。

乾,天也,故稱乎父。坤,地也,故稱乎

故謂之少女。 三索而得男,故謂之少男。兑,三索而得女, 之中男。 而得女,故謂之長女。 母 0 震, 離,再索而得女,故謂之中女。 索而 得男, 故謂、 坎,再索而得男,故謂 之長 男。 巽, 艮,

今按: 坤求於乾,得其初九而爲震, 故曰「三索而得男」。乾三求而得坤之六三 再求而得坤之六二以爲亡,故曰「再索而得男」。乾之九二以爲坎,故曰「再索而得男」。乾 可三索而得男」。乾求於坤,得其初六 以爲兑,故曰「再索而得男」。乾 以爲兑,故曰「再索而得男」。乾

二六

易學啓蒙卷之三

易學啓蒙三

明蓍策第三

大衍之數五十。

又以五乘十、以十乘五、而亦皆爲五十矣。《河圈》積數五十五、其五十者皆因五而後得,個爲五十。又五十五之中,其四十者分爲個爲五十。又五十五之中,其四十者分爲個爲五十。又五十五之中,其四十者分爲。《河圖》《河圖》、《洛書》之中數皆五、衍之而《河圖》、《洛書》之中數皆五、衍之而

爲,則亦自含五數,●而并爲五十矣。外,而分陰陽老少之數,唯五居中而無所外。而持數四十五,而其四十者散布於

其用四十有九。

各置一手,以象兩儀,而掛右手一策于左手三指之兩間也。蓍凡四十有九,信手中分,食指間而别之。奇謂餘數。扐者,扐于中食指引而别之。奇謂餘數。扐者,拔于中

■「含」,原作「合」,據《通釋》、《成書》改。

象閏。 於左手第三指間,以象再閨。五歲之象,挂一, 以象四時,而歸其餘數於左手第四指間,以 是謂一變。 小指之間,以象三才。 一也,"楪左,二也,'扐左,三也,'楪右,四也', 扐右,五也。 又以四揲右手之策,而再歸其餘數 其挂扐之數,不五即九。 遂以四揲左手之策

|得五者三,所

謂

再變例。

奇也。 五除挂 一即四,以四約之爲一,故爲奇,即兩

之陽數也

左右

得九者一,所謂

偶

也。 九除挂一即八,以四約之爲二,故爲偶,即 兩儀之

陰數也。

法,是謂再變。 策,或四十,或四十四,分、挂、揲、歸 變之後,除前餘數,復合其見存之 其挂扐者不四則八。 如前

劫挂 劫挂

得四者二,所謂奇也。

不去挂一 ,餘同前義

左右

●●●●●●●● 得八者二,所謂偶也。

不去挂一,餘同前義。

挂、揲、歸如前法,是謂三變。 其挂扐者如 存之策,或四十,或三十六,或三十二,分、 再變之後,除前 兩次餘數,復合其見

偶,以分所遇陰陽老少,是爲一爻。 三變既畢,乃合三變,視其挂扐之奇


數十有三,除初挂之一爲十有二,以四 右三奇,爲老陽者凡十有二。 挂扐之 約

也。 九。 三也,三其十二而九其四也,九之子也。 而三其四也,九之母也,過揲之數,四分四十 故三一之中各復有三,而積三三之數則爲 而三分之,爲一者三。 即四 挂扐除一,四分四十有八而得其一也,一其十二 過揲之數三十有六,以四約之亦得九 .象太陽居一含九之數也。 奇象圓 皆徑 圃 圍 而 丽 圍 得 其

				• •	• •	• •	• •
				•	•	•	
							• •
				•	•	•	•
				•	•	•	
							: :
					• •	• •	• •
			-	000	000	•••	
		-			• •	• •	• •
				-		3.0	-
•							
•	• •	• • •	• • •		١.		
	•	•	•	•			
		••	••	• •		••	
•		•	•				
•	•		•			••	
: :			: :	• •	• •	• •	
			•	•	•	•	
•	••	••	••	•	•	•	
•	• •	• •	• •	• •			
• •	• •	• •	• •	• •	• •	• •	• •
•	-				-	0.5	
•	• :	• •	• •	::		•	
		•		• •	•	• •	
		• •				9 6	
				•	•		
• •	•••		•			•	
	• :	• •					•
	•	• •	•	•	:	•	•
••	••	• •					

二者一。一奇象圓而用其全,故二一之中爲十有六,以四約而三分之,爲一者二,爲二十有八。挂扐之數十有七,除初挂之一二十有八。挂扐之數十有七,除初挂之一


八焉。 爲八。過揲之數三十有二,以四約之亦得 也,八之子也。 八之母也。 各復有三, 二之中復有二焉。 挂扐除一,四其四也,自一其十二者而進 過揲之數,八其四也,自三其十二者而退四 二偶 即四象少陰居二含八之數也 象方而 而積二三、一二之數則 用 其半,❷ 故 四也



二十。挂扐之數二十有一,除初挂之一爲右兩偶一奇,以奇爲主,爲少陽者凡

- 「二」,原作「三」,據《通釋》、《成書》改。
- ❷ 「二」,原作「一」,據《通釋》、《成書》改

也。即四象少陽居三含七之數也。 一。二偶象方而用其半,故二二之中各復有二,一奇象圓而用其半,故二二之中復有三焉。而積二二、一三之數則爲七。過排之數二十有八,以四約之亦得七焉。挂擽之數二十有八,以四約之亦得七焉。指之數二十有八,以四約元三之數則爲七。過一。二偶象方而用其半,故二二之中各復二十,以四約而三分之,爲二者二,爲一者二,以四約而三分之,爲二者二,爲一者



分之,爲二者三。二偶象方而用其半,故三有五,除初挂之一爲二十有四,以四約而三右三偶,爲老陰者四。挂扐之數二十

用半也。即四象太陰居四含六之數也。四十有八而各得其二也,兩其十二而六其四也,皆圍四而焉。 挂扐除一,六之母也。過揲之數,六之子也。四分焉。 挂扐除一,六之母也。過揲之數,六之子也。四分二之中各復有二,而積三二之數則爲六。

三〇

五、九、偶故其餘四、八。餘五、九者、五三 為」,其指甚明。《注》、《疏》雖不詳説,然 別禹錫所記僧一行、畢中和、顧彖之説,亦 岂備矣。近世諸儒乃有前一變獨挂,後二 變不挂之説。考之於經,乃爲六扐而後變不挂之説。考之於經,乃爲六扐而後變不挂之説。考之於經,乃爲六扐而後變不挂之説。考之於經,乃爲六扐而後之中, 過 蓋 巴誤矣。且用舊法,則三變之中, 以 前一變爲奇,後二變爲偶。奇故其餘不應五歲再閏之義。且後兩變又止三人以前一變爲奇,後二變爲偶。奇故其餘不能之。

❶ 「三」,原作「二」,據《通釋》、《成書》改

少陽得二十四,少陰得二十四,不亦善乎? 背不可見也。 豈不及此? 揲四,則爲奇者二,爲偶者二,而老陽得八,老陰得八, 南可見,而北不可見。 陰陽之用。故四時春夏秋生物,而冬不生物,天地東西 者十六變,❷十六變又以四約之,陽用其三,陰用其一。 數所以二十八也。易用老而不用少,❶故六十四變所用 動,故以四歸於少陰,此少陽之數所以二十,而少陰之 數本皆二十四,合之四十八,陰陽以少爲静,而陽性本 老陰之數所以四,老陽之數所以十二也。少陽少陰之 十六,陰陽以老爲動,而陰性本静,故以四歸于老陽,此 自然之數。而三揲之變,老陽老陰之數本皆八,合之得 皆有自然之法象焉。蔡元定曰:按五十之蓍,虚 後,老者陽饒而陰乏,少者陽少而陰多,亦 四、八皆二,亦圍四用半之義也。三變之 而 一,分二,挂一,揲四,爲奇者三,爲偶者二,是天三地二 九一,亦圍三徑 奇一偶對待者,陰陽之體,陽三陰一,一饒一乏者, 而其取此 不然,則以四十九蓍,虚一,分二,挂一, 而不取彼者,誠以陰陽之體數 人之瞻視,亦前與左右可見,而 一之義也。 餘四、八者, 聖人之智

> 陽之挂扐而 數皆六其四,兩其十二者,爲老陰。 其四,三其十二者,爲老陽。 扐之數三其四,一其十二,而過揲之數九 爲四。於其揲之一變也,挂扐之數,一其 爲四十八,以四約之爲十二,以十二約之 得而通論之:蓋四十九策,除初挂之一而 誤矣。至于陰陽老少之所以然者,則請 四者爲奇,兩其四者爲偶。其三變也,挂 齊,而無復自然之法象,此足以見其説之 七,爲少陽者九,爲老陰者一,又皆參差不 之分。三變之後,爲老陽、少陰者皆二十 變之餘,皆爲圍三徑一之義,而無復奇偶 均,用數則陽三而陰 增一 也。 四,則是四其四也,一其 若用 近世之法,則三 挂扐過揲之 自老 復

[「]易」,原作「陽」,據《通釋》、《成書》改。

[「]十六」,原作「十二」,據《成書》改。

其挂扐十二爲最少,而過揲三十六爲 自 扐,退其過**揲,各至于三之一,**則爲 凡十有二,而三分之,自陽之極而進其挂 也 几 此 四 七,故其挂扐二十爲稍多,而 少,而過揲三十二爲次多。 二老者,陰陽之極也,二極之間 兩其十二而進一四也,此所謂少陽者 三之一,則爲少陽。老陽居一而含九,故 稍少。 所謂 爲極多 陰之極而退其挂扐,進其過揲,各至于 ,則是五 ,則是八 少陰居二而含八,故其挂扐十六爲 自其過揲而增 而 少陰者也。 又 老陰居四而含六,故其 ,而過揲亦二十四爲極少。 進 其 其 四 四 四 也,三其 也, 也 自老陰之挂扐 一四,則是七其 3 兩其十二而 自其 十二而 過 少陽居三而 漢 過 損 者 往 揲二十八 相 拉二十 少陰; 去一四 距 而 而 四 四 之數 損 損 蓋 也 也 也 陽 次 最

哉! 而其 去約 四三十二也。 而 有無者。 判合如符契,固有非人之私智所能取 凡此不唯陰之與陽既爲二物而迭爲消長 進一退而交于中焉,此其以多爲貴者也 之數,老陽極多,老陰極少,而二少者亦一 極 奇 四六二十四也 又有輕重之不同。 原,而過揲之數乃七、八、九、六之委,其勢 而迭爲消長。其相與低昂如權衡,其 其以少爲貴者也。 獨 多 前 以過揲之數爲斷 陰偶,是以挂扐之數,老陽 邵子曰「五 而二少者 物之中,此二端者,又各自爲 就 而况挂扐之數乃七、八、九、六之 煩 九與 而 與四、四、去挂一之數,則 五 不 進 而或者乃欲廢置挂扐 陽實而陰虚,是以過 八、八,去挂一之數,則 知 與八、八,九與四、八、 其 ,則是舍本 退 不可也, 豈不 圃 交于中焉, 極 前 少,老 取末 相 舍 一物 誤 此 與

六之策」,此之謂也。 故去其三、四、五、六之數,以成九、八、七、五與四、八,去挂一之數,則四四十六也。 去挂一之數,則四五二十也。九與四、四,

揲、歸以成一變,每三變而成一爻,並如一爻已成,再合四十九策,復分、挂、

乾之策二百一十有六,坤之策百四十有

前法。

四,凡三百有六十,當期之日。

十四日。今舉氣盈朔虚之中數而言,故曰各三十六而得之也。坤之策百四十有四十有四而得之也。當期之日者,每月三十日,四而得之也。當期之日者,每月三十日,四而得之也。當期之日者,每月三十日,四而得之也。當期之日者,每月三十日,不有三百六十六而得之也。坤之策百四十有四十有四十十四日。今舉氣盈朔虚之中數而言,故曰

二篇之策萬有一千五百二十,當萬物之

數也。

至市九十二,每爻各三十六策,積之得六千九百一十二,每爻各三十六策,積之得六年,所有一千五百二十也。若爲少陽,則每爻二十八策,凡五千三百七十六,又合二者爲萬人一千五百二十也。若爲少陽,則每爻二十八策,凡五千三百七十六策,積之得六爻三十二策,凡六千一百四十四,合之亦爻三十二策,凡六千一百四十四,合之亦爻三十二新,凡六千一百四十四,合之亦爻三十二五百二十也。

卦而小成,引而伸之,觸類而長之,天下之能是故四營而成易,十有八變而成卦,八

事畢矣。

成而 營也。 成之卦者一,則外卦之爲悔者亦備矣。● 之,又三十六營九變以成三畫,而 謂八卦而小成者也。 變,則六爻見而得乎六十四卦之一矣。然 而 而 ௱ 揲之一變也。 六爻成,内外卦備,六十四卦之别 卦之名可見,則内卦之爲貞者立矣。 方其三十六營而九變也,已得三畫,而 二者之一,至于積七十二營而成十有八 得 得 也 得 四 得其十六者之一,五爻成而得其三十 八卦之象。 兩儀之象,再變而得四象之象,三變 叮 象之畫,三爻而得八卦之畫,四爻 歸奇者,第四營也。 挂一者,第二營也。 營者,四 四營成變,三變成爻。 次 一爻而 經 誉 自 也。 得 是而 兩儀之畫 易,變易也,謂 撰四者,第三 分二者,第 往, 再 引 미 一、二爻 此所 得 而 見 變 伸

> 神矣。 則天下之事,其吉凶悔吝皆 然後視其爻之變與不 顯 道 神德 行,是 故 可 變, 與 而 個 不 觸 越乎此分 酢, 類 以長焉, 可 與祐

24

揲, 有以佑助神化之功 餘二、餘三皆爲奇,餘四爲偶, 奇者三,爲偶者二」,蓋凡初揲,左手餘 明之相應,如賓主之相交也。 則 道因 餘三 辭顯,行以數神。 者亦爲偶,故曰奇三 也。 〇卷内 怬 至再揲、三 祐神者,言 酢者,言 而偶二也。 蔡氏説 幽

「卦」,原作「寡」,據《通釋》、《成書》改。

易學啓蒙卷之四

易學啓蒙四

考變占第四

終也。 六 曰: 利永貞。 乾 卦 用 九」,天德 用 九:見群 《象》曰:「用六」永貞,以大 不 可爲 龍 無首、吉。《象 首 也。 坤 卦用

老陰變爲少陽。不用七、八,故少陽少陰用八。用九,故老陽變爲少陰。用六,故陽爻皆用九而不用七,陰爻皆用六而不陽爻皆用六而不用六者,變卦之凡例也,言凡

不變。 見當時占法三變皆挂,如一行說。 明先儒所未到、最爲有功。 皆然,特于乾、坤見之,則餘可知耳。」○愚按: 六常少,有無九、六者焉。 爻,不謂六爻皆九、六也。及其筮也,七、八常多,而九、 九、六變而七、八無爲。易道占其變,故以其所占者名 之用九、用六,何謂也? 陽皆變陰之象,「利永貞」,則陰皆變陽 皆六者、即此而占之。蓋「群龍無首 之義也。 繫以辭,使遇乾而六爻皆九,遇坤 卦之首,又爲純陽純陰之卦也。 獨於乾、坤二卦言之者,以其 餘見六爻變例。歐陽子曰:「乾、坤 曰:乾爻七、九,坤爻八、六, 此不可以不釋也。 其論七、八多而九、六少,又 聖 六十四卦 而 此説發 人因 二,則 六爻 在諸

之,遇蠱,曰:「貞,風也,其悔,山也。」以内卦爲貞,外卦爲悔。彖辭爲卦下之辭,孔以内卦爲貞,外卦爲悔。彖辭爲卦下之辭,孔

一爻變,則以本卦變爻辭占。沙隨程

遇歸妹之睽,上六變也。」觀之否,六四變也。南蒯遇坤之比,六五變也。晉獻公九二變也。晉文公遇大有之睽,九三變也。陳敬仲遇氏曰:「畢萬遇屯之比,初九變也。蔡墨遇乾之同人,

上爻爲主。經傳無文,今以例推之當如此。 二爻變,則以本卦二變爻辭占,仍以

三爻變,則占本卦及之卦之彖辭,而三爻變,則占本卦及之卦之彖辭,而三爻變也。初與五用九變,四用六變。其初與四、五凡三爻變也。初與五用九變,四用六變。其不變者二、三、上,在兩卦皆爲八,故云皆八。而司空季不變者二、三、上,在兩卦皆爲八,故云皆八。而司空季子占之曰:「皆利建侯。」」

下爻爲主。經傳亦無文,今以例推之當如此。 四爻變,則以之卦二不變爻占,仍以

變,唯二得八,故不變也。法宜以「係小子,失丈夫」爲東宮,筮遇艮之八。史曰:「是謂艮之隨。」蓋五爻皆五爻變,則以之卦不變爻占。穆姜往

占,而史妄引隨之彖辭以對,則非也

^{●「}言」,原作「占」,據《通釋》、《成書》改。

	П				П						Ħ				Ħ		
	剥				觀						否				遯	姤	乾
	Ħ		I	Ħ	Ħ	I				П	Ħ		፱		Ħ		
	比	頤	蒙	艮	晉	損		益		涣	漸	畜大	孚中	妄无	訟	人同	
	H	П	Ħ	Ħ	Ħ	ш	H		Ħ	Ħ	Ħ	별			Ħ		
	豫	屯	坎	蹇	萃	節	賁	嘘噬	蠱	濟未	旅	需	睽	人家	巽	履	
	H	且	H	H		H	H	H	Ħ	Ħ	Ħ	별			Ħ		
	謙	震	解	過小		妹歸	濟既	隨	井	困	咸	壯大	兑	離	鼎	畜小	
	Ш	Н	H			틸	H		H					H	Ħ		
	師	夷明	升			泰	豐		恒					革	過大	有大	
H	Ш	Ш															
坤	復	臨														夬	

											1						Ħ
	頤				益						妄无				人同	乾	姤
		П	亘	H	=	I		I				Į.	耳	Ħ			
	屯	剥	損	賁	嗑噬	蒙		觀		孚中	人家	蠱	涣	否	履	遯	
	壨	Ħ	旦	H	Ħ	Ħ	H	Ħ				H	Ħ	Ħ			
	震	比	節	濟既	隨	坎	艮	晉	畜大	睽	離	井	濟未	漸	畜小	訟	
	H	H	탪	H		H	Ħ	Ħ		Ħ	Ħ	H	Ħ	H		Ħ	
	夷明	豫	妹歸	豐		解	蹇	萃	需	兑	革	恒	困	旅	有大	巽	
	Ш	H	텔			¥	H							Ħ		Ħ	
	臨	謙	泰			升	過小		壯大					咸	夬	鼎	
		H														#	
復	坤	師														過大	

	耳				耳						Ħ					Ħ	
	蒙				涣						訟				姤	遯	人同
	Ħ		П	單						П	Ħ	H		2	n		
	坎	損	剥	蠱	濟未	頤		孚中		觀	巽	賁	益	履	否	乾	
	H		Ħ	Ħ	Ħ	Ш	堊	₽	H	Ħ	Ħ	Ħ	H		Ħ		
A	解	節	比	井	困	屯	畜大	睽	艮	晉	鼎	濟既	嗑噬	畜小	漸	妄无	
	¥	H	H	Ħ		H		Ħ	Ħ	Ħ		H			Ħ	豆	
	升	妹歸	豫	恒		震	需	兑	蹇	萃	過大	豐	隨	有大	旅	人家	
			H			H	Ħ		H					Ħ	H	Ħ	
	坤	泰	謙			夷明	壯大		過小					夬	咸	離	
H	Ш	Ш															
師	臨	復														革	

	Ħ				Ħ						Ħ				Ħ	П	
	艮				漸						遯				否	訟	履
	H	噩	H	I	Ħ						Ħ					5	
	蹇	賁	蠱	剥	旅	畜大		人家		巽	觀	損	畜小	人同	姤	妄无	
	H	益		Ħ	H		I		I	Ħ	H	ш			I		
	過小	濟既	井	比	咸	需	頤	離	蒙	鼎	晉	節	有大	益	涣	乾	
		H	H	H			H	Ħ	Ħ	Ħ	Ħ	H		H	H		
	坤	豐	恒	豫		壯大	屯	革	坎	過大	萃	妹歸	夬	嗑噬	濟未	孚中	
	H		Щ			H	H		H					Ħ	Ħ	=	
	升	復	師			臨	震		解					隨	困	睽	
H	H	Ш															
謙	夷明	泰														兑	

三八

易學啓蒙卷之四

	H				Ħ						П				Ħ		
	晉				否						觀				漸	巽	畜小
	Ħ		Ħ	Ħ	II	豆		ī			Ħ			П	Ħ	Ħ	
	萃	嗑噬	濟未	旅	剥	睽		妄无		訟	遯	有大	履	益	涣	人家	
	Ħ	Ħ	Ħ	H	Ħ	Ħ			Ħ		Ħ					■	
	坤	隨	困	咸	比	兑	離	頤	鼎	蒙	艮	夬	損	人同	姤	孚中	
	H		Щ	H		H					Ħ	¥	■		H		
	過小	復	師	謙		臨	革	屯	過大	坎	蹇	泰	節	賁	蠱	乾	
	Ħ	H	H			별		,	H					표	Ħ	■	
	解	豐	恒			壯大	夷明		升					濟既	井	畜大	
H	H	탪														=	
豫	震	妹歸														需	

	П				I						Ħ				Ħ	Ħ	
	觀				剥						晉				旅	鼎	有大
			Ħ	A	Ħ					I	Ħ	≣	■	Ħ	Ħ	Ħ	
	坤	益	涣	漸	否	孚中		頤		蒙	艮	畜小	損	嗑噬	濟未	離	
	Ħ	Ш	Ш	H	H	ш			₽		Ħ	¥		H	H		
	萃	復	師	謙	豫	臨	人家	妄无	巽	訟	遯	泰	履	賁	蠱	睽	
	Ħ		Ħ	H			H	H		H	H		탪			₽	
	蹇	隨	困	咸		兑	夷明	震	升	解	過小	夬	妹歸	人同	姤	畜大	
	Ħ						Ħ							H	H		
	坎	濟既	井			需	革		過大					豐	恒	乾	
Ħ	Ш	Ħ														H	
比	屯	節														壯大	

	崩坤				Ħ 比						芦萃				に成	過大	■ 夬
	П	Ш	H	H	H	Ш		Ħ		Ħ	H	¥	ш	Ħ	Ħ	H	
	觀	復	師	謙	豫	臨		屯		坎	蹇	泰	節	隨	困	革	
	H		1	Ħ	Ħ		H	H	Ħ	H	H	■	탪	Ħ	Ħ	Ħ	
	晉	益	涣	漸	否	孚中	夷明	震	升	解	過小	畜小	妹歸	濟既	井	兑	
	Ħ	H	Ħ	Ħ		臣		Ħ	E		Ħ			H	H	量	
	艮	嗑噬	濟未	旅		睽	人家	妄无	巽	訟	遯	有大	履	豐	恒	需	
	Щ	H	¥						Ħ							불	
	蒙	賁	蠱			畜大	離		鼎					人同	姤	壯大	
I		I															
剥	頤	損														乾	

												-					
																	Ħ
	損				孚中						履				乾	人同	遯
		耳	1	耳		П		目				H	П	Ħ			
	節	蒙	頤	畜大	睽	剥		涣		益	畜小	艮	觀	訟	妄无	姤	
	탪	Ħ	苴			Ħ	H	Ħ	豆	11	Ħ	Ħ	Ħ	Ħ	豆	M	
	妹歸	坎	屯	需	兑	比	蠱	濟未	賁	嗑噬	有大	蹇	晉	巽	人家	否	
	빌	H	出	¥		H		Ħ	目	H		H	H	Ħ		Ħ	
	泰	解	震	壯大		豫	井	困	濟既	隨	夬	過小	萃	鼎	離	漸	
		H	댎			H	Ħ		븚					Ħ	H	Ħ	
	復	升	夷明			謙	恒		豐					過大	革	旅	
ш	ш															Ħ	
臨	師	坤														咸	

四〇

					≣												Ħ
	賁				人家						人同				妄无	履	訟
	Ħ			I		H		Ħ				П		Ħ		n	
	濟既	艮	畜大	頤	離	蠱		漸		畜小	益	蒙	巽	遯	乾	否	
	H	Ħ			Ħ	Ħ	II	Ħ			H	Ħ		П			
	豐	蹇	需	屯	革	井	剥	旅	損	有大	嗑噬	坎	鼎	觀	孚中	姤	
	Ш	H	量	H		H	Ħ	Ħ			Ħ	H		R		П	
	復	過小	壯大	震		恒	比	咸	節	夬	隨	解	過大	晉	睽	涣	
	ш		Ш			H	H							Ħ		Ħ	
	泰	坤	臨			師	豫		妹歸					萃	兑	濟未	
H	H	H										_				H	
夷明	謙	升														困	

	噩														豆		
	嗑噬				妄无						益				人家	畜小	巽
	Ħ	H						Ħ			噩	Ħ	Ħ	П	亘	A	
	隨	晉	睽	離	頤	濟未		否		履	人同	鼎	訟	觀	孚中	漸	
	Ш	Ħ	Ħ	Ħ		Ħ	Ħ	I			H			Ħ		П	
	復	萃	兑	革	屯	困	旅	剥	有大	損	賁	過大	蒙	遯	乾	涣	
	H		Ш	H		ш	H	Ħ		ш	Ħ	H	Ħ	Ħ			
	豐	坤	臨	夷明		師	咸	比	夬	節	濟既	升	坎	艮	畜大	姤	
	탪	H	블			H	H		H					Ħ	별	H	
	妹歸	過小	壯大			恒	謙		泰					蹇	需	蠱	
H	Ħ	H														Ħ	
震	豫	解														井	

											H				H		
	益				頤						嗑噬				離	有大	鼎
	Ш					耳					₽	=	П	Ħ		Ħ	
	復	觀	孚中	人家	妄无	涣		剥		損	賁	巽	蒙	晉	睽	旅	
			Ш	H	計	Ш	Ħ	n				H		Ħ	■	Ħ	
	隨	坤	臨	夷明	震	師	漸	否	畜小	履	人同	升	訟	艮	畜大	濟未	
		Ħ		Ħ			H	H	H	H	표		H	Ħ			
	濟既	萃	兑	革		困	謙	豫	泰	妹歸	豐	過大	解	遯	乾	蠱	
	■	H				Ħ	H							H			
	節	蹇	需			井	咸		夬					過小	壯大	姤	
Ш	Ħ	H														Ħ	
屯	比	坎														恒	

	==				==									1			
					Ħ										Ħ		
	復				屯						隨				革	夬	過大
	面		Ш	H	Ħ	Ш		Ħ			Ħ	¥	Ħ	Ħ		Ħ	
	益	坤	臨	夷明	震	師		比		節	濟既	升	坎	萃	兑	咸	
		Ħ		噩			H	H	ш	탪	H	Ħ	H	Ħ		Ħ	
	嗑噬	觀	孚中	人家	妄无	涣	謙	豫	泰	妹歸	豐	巽	解	蹇	需	困	
		H				Ħ	Ħ	Ħ	■			Ħ	Ħ	H		Ħ	
	賁	晉	睽	離		濟未	漸	否	畜小	履	人同	鼎	訟	過小	壯大	井	İ
		H					Ħ									H	
	損	艮	畜大			蠱	旅		有大					遯	乾	恒	
	П															Ħ	
頤	剥	蒙														姤	

易學啓蒙卷之四

	H				Ħ										Ħ	Ħ	П
	蠱				巽						姤	!			訟	否	妄无
		፱	H	П	Ħ	H				Ħ	頭	亘	三		Ħ		
	井	畜大	艮	蒙	鼎	賁		畜小		漸	涣	頤	人家	乾	遯	履	
	Ħ		Ħ	Ħ	Ħ	Ħ	፱		П	Ħ	哥						
	恒	需	蹇	坎	過大	濟既	損	有大	剥	旅	濟未	屯	離	孚中	觀	人同	
	Ш		H	H		H			Ħ	Ħ	Ħ	H			Ħ		
	師	壯大	過小	解		豐	節	夬	比	咸	困	震	革	睽	晉	益	
	H	Ш				題	틸		H						Ħ	田	
	謙	臨	坤			復	妹歸		豫					兑	萃	嗑噬	
백	≝	且														Ħ	
升	泰	夷明														隨	

	Ħ				Ħ						I				Ħ	Ħ	
	濟未		_		訟						涣				巽	漸	人家
	Ħ	፱	Ħ		耳	日		豆		Ħ					Ħ		
	困	睽	晉	鼎	蒙	嗑噬		履		否	姤	離	妄无	孚中	觀	畜小	
	H		Ħ	Ħ	Ħ	H		噩	Ħ	I	Ħ		I		Ħ		
	師	兑	萃	過大	坎	隨	有大	損	旅	剥	蠱	革	頤	乾	遯	益	
	Ħ			¥		Ш			Ħ	H	Ħ				H		
	恒	臨	坤	升		復	夬	節	咸	比	井	夷明	屯	畜大	艮	人同	
	Ħ	븰	H			H			H						Ħ	H	
	豫	壯大	過小			豐	泰		謙					需	蹇	賁	
H	H																
解	妹歸	震														濟既	

					H						Ħ					Ħ	
	涣				蒙						濟未				鼎	旅	離
			П	翼						I			П		H		
	師	孚中	觀	巽	訟	益		損		剥	蠱	人家	頤	睽	晉	有大	
		Ш		H	H				H	Ħ		H	Ħ		H	Ħ	
	困	臨	坤	升	解	復	畜小	履	漸	否	姤	夷明	妄无	畜大	艮	嗑噬	
			Ħ	Ħ		ᆵ	=	탪	H	H	H	Ħ	H				
	井	兑	萃	過大		隨	泰	妹歸	謙	豫	恒	革	震	乾	遯	賁	
	Ħ		Ħ			Ħ			H						H		
	比	需	蹇			濟既	夬		咸					壯大	過小	人同	
Ħ																H	
坎	節	屯														豐	

	H				Ħ						Ħ				Ħ	H	Ħ
	師				坎						困				過大	咸	革
	耳	Ш		H	H	Ħ				Ħ	Ħ	탪			H		
	涣	臨	坤	升	解	復		節		比	井	夷明	屯	兑	萃	夬	
	Ħ		П		Ħ			탪	H	Ħ	H		H		Ħ	Ħ	
	濟未	孚中	觀	巽	訟	益	泰	妹歸	謙	豫	恒	人家	震	需	蹇	隨	
	Ħ		Ħ			Ħ	■		Ħ	Ħ		H		¥	H	Ħ	
	蠱	睽	晉	鼎		嗑噬	畜小	履	漸	否	姤	離	妄无	壯大	過小	濟既	
	П	₩	H			Ħ			Ħ						Ħ	H	
	剥	畜大	艮			賁	有大		旅					乾	遯	豐	
П	亘	1															
蒙	損	頤														人同	

四四

	H				Ħ						Ħ				П	Ħ	
	旅				遯						漸				觀	涣	孚中
	Ħ	H		H	Ħ						П						
	咸	離	鼎	晉	艮	有大		人同		姤	否	睽	乾	人家	巽	益	
	H		Ħ	Ħ	Ħ		H	H	Ħ		П						
	謙	革	過大	萃	蹇	夬	嗑噬	賁	濟未	蠱	剥	兑	畜大	妄无	訟	畜小	
	H	H	H				Ħ	Ħ	Ħ	Ħ	Ħ	Ш			П		
	豫	夷明	升	坤		泰	隨	濟既	困	井	比	臨	需	頤	蒙	履	
	H	Н	H			틸	Ш		Ш					ш	H		
	恒	震	解			妹歸	復		師					屯	坎	損	
H	H	H															
過小	豐	壯大														節	

	Ħ				Ħ						Ħ				Ħ	哥	
	漸				艮						旅				晉	濟未	睽
	H	百	H	П	Ħ	≣				H	III					H	
	謙	人家	巽	觀	遯	畜小		賁		蠱	剥	孚中	畜大	離	鼎	嗑噬	
	Ħ	H	H	I	H	Ш	П		A		M	Ш			П		
	咸	夷明	升	坤	過小	泰	益	人同	涣	姤	否	臨	乾	頤	蒙	有大	
	Ħ			Ħ		Ħ	Ш		Ш	H	H			n		П	
	比	革	過大	萃		夬	復	豊	師	恒	豫	兑	壯大	妄无	訟	損	
		Ш	Ħ			ш	Ħ		Ħ					H	H		
	井	屯	坎			節	隨		困					震	解	履	
H	H	Ħ														별	
蹇	濟既	需														妹歸	

四 fi.

	H				Ħ						Ħ				Ħ	Ħ	
	謙				蹇						咸				萃	困	兑
	Ħ	Ⅱ	H	Ħ	H	빌		盟		Ħ	Ħ	ш		Ħ		Ħ	
	漸	夷明	升	坤	過小	泰		濟既		井	比	臨	需	革	過大	隨	
	Ħ		Ħ	П	Ħ		Ш	H	Ħ	H	H	亘	量		H		
	旅	人家	巽	觀	遯	畜小	復	豐	師	恒	豫	孚中	壯大	屯	坎	夬	
	П	=	Ħ	Ħ			面		П		Ħ			H	H	1	
	剥	離	鼎	晉		有大	益	人同	涣	姤	否	睽	乾	震	解	節	
	H		H				=		Ħ							量	
	蠱	頤	蒙			損	嗑噬		濟未					妄无	訟	妹歸	
H	H																
艮	賁	畜大						_								履	

	Ħ				Ħ						I				H		¥
	否				晉						剥				艮	蠱	畜大
	H			Ħ	I			=		Ħ	Ħ				I	噩	
	豫	妄无	訟	遯	觀	履		嗑噬		濟未	旅	乾	睽	頤	蒙	賁	
	Ħ	H	H	H		탪		I		I	Ħ				Ħ	亘	
	比	震	解	過小	坤	妹歸	人同	益	姤	涣	漸	壯大	孚中	離	鼎	損	
	Ħ	Ħ	Ħ	Ħ			Ħ		H	H	H		Ш		Ħ	=	
	咸	屯	坎	蹇		節	豐	復	恒	師	謙	需	臨	人家	巽	有大	
	Ħ	Ħ	Ħ				Ħ		Ħ					H	H		
	困	革	過大			夬	濟既		井					夷明	升	畜小	
Ħ	#	==														H	
萃	隨	兑														泰	

四六

易學啓蒙卷之四

	H				H						Ħ				Ħ	Ħ	Ħ
	豫				萃						比				蹇	井	需
	Ħ	H	Ħ	H	Ħ			H			Ħ	별	Ħ	Ħ	Ħ	壨	
	否	震	解	過小	坤	妹歸		隨		困	咸	壯大	兑	屯	坎	濟既	
	I				П		H	Ш	H	Ш	H						
	剥	妄无	訟	遯	觀	履	豐	復	恒	師	謙	乾	臨	革	過大	節	
	Ħ		I	H				П		I	R			H	H		
	旅	頤	蒙	艮		損	人同	益	姤	涣	漸	畜大	孚中	夷明	升	夬	
			Ħ						Ħ								
	濟未	離	鼎			有大	賁		蠱					人家	巽	泰	
Ħ	噩											_					
晉	嗑噬	睽														畜小	

							<u> </u>										
	Ħ				H						H				H	Ħ	블
	比				坤						豫				過小	恒	壯大
	Ħ	苴	Ħ	Ħ	Ħ			Ш			H		Ш	ᇤ	Ħ	H	
	剥	屯	坎	蹇	萃	節		復		師	謙	需	臨	震	解	豐	
		亘	I	Ħ	Ħ	亘	Ħ	Ħ		Ħ	H	<u>=</u>		빞	H	H	
	否	頤	蒙	艮	晉	損	濟既	隨	井	困	咸	畜大	兑	夷明	升	妹歸	
	Ħ		Ħ	Ħ		=		H	H	Ħ	Ħ		=			Ш	
	漸	妄无	訟	遯		履	賁	嗑噬	蠱	濟未	旅	乾	睽	革	過大	泰	
	Ħ		Ħ						Ħ						Ħ		
	涣	人家	巽			畜小	人同		姤					離	鼎	夬	
I		亘															
觀	益	孚中														有大	

	■																Ħ
	畜大				畜小						乾				履	妄无	否
		H				Ħ					亘	П	Ħ				
	需	蠱	賁	損	有大	艮		巽		人家	孚中	剥	漸	姤	人同	訟	
	별	Ħ				Ħ	I					Ħ	Ħ	Ħ		Ħ	
	壯大	井	濟既	節	夬	蹇	蒙	鼎	頤	離	睽	比	旅	涣	益	遯	
	ш	H	븚	Ш		H	Ħ		Ш			H	Ħ	Ħ	=	I	
	臨	恒	豐	妹歸		過小	坎	過大	屯	革	兑	豫	咸	濟未	嗑噬	觀	
	H	H	Ш				H		H					Ħ	Ħ	Ħ	
	夷明	師	復			坤	解		震					困	隨	晉	
ш	H	H														H	
泰	升	謙														萃	

	☷																Ħ
	睽				履						孚中				畜小	人家	漸
	置	Ħ				Ħ						H	Ħ	I			
	兑	濟未	嗑噬	有大	損	晉		訟		妄无	乾	旅	否	涣	益	巽	
	ш	Ħ	Ħ	Ħ		Ħ		Ħ				Ħ	I			I	
	臨	困	隨	夬	節	萃	鼎	蒙	離	頤	畜大	咸	剥	姤	人同	觀	
	= 2	Ш	Ш	빌			Ħ	Ħ		Ш		H	Ħ	H		Ħ	
	壯大	師	復	泰		坤	過大	坎	革	屯	需	謙	比	蠱	賁	遯	
	H	H	H			H	H		H					Ħ	Ħ	H	
	震	恒	豐			過小	升		夷明					井	濟既	艮	
	H	H														Ħ	
未歸	解	豫														蹇	

四八

易學啓蒙卷之四

	₫				Ī										=		Ħ
	孚中				損						睽				有大	離	旅
		Ħ		₫		M		II				Ħ	П	Ħ			
	臨	涣	益	畜小	履	觀		蒙		頤	畜大	漸	剥	濟未	喧噬	鼎	
		Щ	Ш	¥			Ħ					H	I		H	Ħ	
	兑	師	復	泰	妹歸	坤	巽	訟	人家	妄无	乾	謙	否	蠱	賁	晉	
		Ħ				Ħ	H	Ħ	H	H	=	Ħ	H			H	
	需	困	隨	夬		萃	升	解	夷明	震	壯大	咸	豫	姤	人同	艮	
	Ħ	Ħ	Ħ						Ħ					H	H		
	屯	井	濟既			蹇	過大		革					恒	豐	遯	
	Ħ	Ħ														H	
節	坎	比														過小	

	Ш				Ħ												Ħ
	臨				節						兑				夬	革	咸
		Ш	Ш	별	별			Ħ				H	Ħ	Ħ	H		
	孚中	師	復	泰	妹歸	坤		坎		屯	需	謙	比	困	隨	過大	
	噩	Ā					H	H	Η		븰	Ħ	H	Ħ		H	
	睽	涣	益	畜小	履	觀	升	解	夷明	震	壯大	漸	豫	井	濟既	萃	
		Ħ	I	≣		Ħ	Ħ	Ħ	豆			Ħ	Ħ	H	H	Ħ	
	畜大	濟未	嗑噬	有大		晉	巽	訟	人家	妄无	乾	旅	否	恒	豐	蹇	
		H				Ħ										H	
	頤	蠱	賁			艮	鼎		離					姤	人同	過小	
	П																
損	蒙	剥														遯	

															ī		耳
	離				人同						人家				益	孚中	涣
	Ħ	Ħ		H	H			Ħ				Ħ		Ħ		П	
	革	旅	有大	嗑噬	賁	鼎		遯		乾	妄无	濟未	姤	漸	畜小	觀	
	Ш	H		H	Ħ		H	H	■			H	H	Ħ			
	夷明	咸	夬	隨	濟既	過大	晉	艮	睽	畜大	頤	困	蠱	否	履	巽	
	H	H				H	Ħ	H			H	H	H	П			
	震	謙	泰	復		升	萃	蹇	兑	需	屯	師	井	剥	損	訟	
		H	H						Ш							П	
	壯大	豫	妹歸			解	坤		臨					比	節	蒙	
H	H	H														Ħ	
豐	過小	恒														坎	

					H						H				H		=
	人家				賁						離				嗑噬	睽	濟未
		H						Ħ				Ħ	Ħ	Ħ		Ħ	
	夷明	漸	畜小	益	人同	巽		艮		畜大	頤	涣	蠱	旋	有大	晉	
		H	₩	Ш		H	П		1		ā	H		П	亘	Ħ	
	革	謙	泰	復	豐	升	觀	遯	孚中	乾	妄无	師	姤	剥	損	鼎	
		Ħ		Ħ				H	Ш		H	Ħ	Ħ	Ħ		Ħ	
	屯	咸	夬	隨		過大	坤	過小	臨	壯大	震	困	恒	否	履	蒙	
		Ħ				Ħ	H							Ħ	틸		
	需	比	節			坎	萃		兑					豫	妹歸	訟	
Ħ	Ħ	Ħ														Ħ	
濟既	蹇	井														解	

五〇

	H				H						Ħ				H	=======================================	Ħ
	夷明				濟既						革				隨	兑	困
	豆	H	¥	Ш	H	H		Ħ		=	H	H	Ħ	Ħ		Ħ	
	人家	謙	泰	復	豐	升		蹇		需	屯	師	井	咸	夬	萃	
		Ħ					H	H	Ш	H	H	I	H	Ħ		Ħ	
	離	漸	畜小	益	人同	巽	坤	過小	臨	壯大	震	涣	恒	比	節	過大	
	I	Ħ		H		Ħ	I	Ħ						H	별	Ħ	
	頤	旅	有大	嗑噬		鼎	觀	遯	孚中	乾	妄无	濟未	姤	豫	妹歸	坎	
	琧	I	亘			H	Ħ							n		H	
	畜大	剥	損			蒙	晉		睽					否	履	解	
	H	H															
賁	艮	蠱														訟	

					噩										Ħ		H
	妄无				嗑噬						頤				賁	畜大	蠱
	置	A						Ħ					Ħ	I	亘	Ħ	
	震	否	履	人同	益	訟		晉		睽	離	姤	濟未	剥	損	艮	
	缸	H	ᇤ	H	Ш	H	Ħ	I				H	Ī	Ħ		П	
	屯	豫	妹歸	豐	復	解	遯	觀	乾	孚中	人家	恒	涣	旅	有大	蒙	
	Ħ	Ħ	ш	Ħ		Ħ	H		¥	Ш	H	Ħ	H	H		Ħ	
	革	比	節	濟既		坎	過小	坤	壯大	臨	夷明	井	師	漸	畜小	鼎	
		Ħ				Ħ	Ħ		量					H	텔	Ħ	
	兑	咸	夬			過大	蹇		需					謙	泰	巽	
H	Ħ	Ħ														H	
隨	萃	困														升	

					H						I				H	H	Ħ
	震				隨						屯				濟既	需	井
		H		H		H		Ħ				Ħ	Ħ	Ħ	荁	Ħ	
	妄无	豫	妹歸	豐	復	解		萃		兑	革	恒	困	比	節	蹇	
		Ħ				=	H	Ħ		Ш	탪		Щ	Ħ			
	頤	否	履	人同	益	訟	過小	坤	壯大	臨	夷明	姤	師	咸	夬	坎	
		I					Ħ	Ħ		■		H	Ā	H	밸		
	離	剥	損	賁		蒙	遯	觀	乾	孚中	人家	蠱	涣	謙	泰	過大	
		Ħ					Ħ		☳					Ħ		H	
	睽	旅	有大			鼎	艮		畜大					漸	畜小	升	
Ħ	Ħ	Ħ														Ħ	
嗑噬	晉	濟未										_				巽	

					Ш						H				H		H
	屯				復	,		i			震				2888	— 壯大	恒
		Ħ	荁	Ħ	H	Ħ		H		ш	Ш	Ħ	H	H		H	
	頤	比	節	濟既	隨	坎		坤		臨	夷明	井	師	豫	妹歸	過小	
		I	I	H	H	H	Ħ	Ħ		Ħ		Ħ	Ħ	H	H	H	
	妄无	剥	損	賁	嗑噬	蒙	蹇	萃	需	兑	革	蠱	困	謙	泰	解	
	豆	Ħ		≣		Ħ	Ħ	Ħ	₽	₽	H		Ħ	Ħ		H	
	人家	否	履	人同		訟	艮	晉	畜大	睽	離	姤	濟未	咸	夬	升	
		Ħ					Ħ							Ħ	≣		
	孚中	漸	畜小			巽	遯		乾			i		旅	有大	過大	
	I	I														Ħ	
益	觀	涣														鼎	

<u>h</u>.

詳之。 以上三十二圖,●反復之則爲六十四 對之。 以上三十二圖,●反復之則爲六十四 以上三十二圖,●反復之則爲六十四 以上三十二圖,●反復之則爲六十四

爲遞修時所補,故亦有誤。 二十九圖至第三十二圖將第二十一圖至第二十八圖則或 成本各低一格。按本卷三十二圖應各成反覆對稱形 底本各低一格。按本卷三十二圖應各成反覆對稱形 以上三十二幅卦變圖。《通釋》第一圖至第二十圖、第

0

五. 三

周易本義

[南宋]朱 熹 集録

校點説明 卦變圖 河圖 文王八卦次序 …… 文王八卦方位 伏羲六十四卦方位 伏羲六十四卦次序 伏羲八卦方位 伏羲八卦次序 目 目 録 五 屯 比

五

四

家人三七	明夷三六	晉 三五	大壯三五	遯 三四	恒	咸 三三	周易下經第二 三三		坎 ······ 三一	過	頭三〇	大畜二九	无妄二八			費 一七	噬嗑 二六	周易本義
<u> </u>	歸妹	漸	艮	震		革	井	困	升	*	姤	夬 ::::::::::::::::::::::::::::::::::::	益	損	解	蹇	睽	
四九	四八	四八	四七	四六	四六	四五	四四四				四一	四一		三九	三九	三八		

目 録	周易序卦傳第九 一〇七	周易説卦傳第八 一〇四	周易文言傳第七 九九	周易繋辭下傳第六 九二	周易繋辭上傳第五 八一	周 易象下傳第四 七四	周易象上傳第三 六七	周易象下傳第二 六二	周易彖上傳第一 五六	未濟 五五	既濟 ······· 五四 筮懐 ······	小過 五三 警學	中孚 五三 稽類	節 五二 明筮	次 五一 述旨	兑 ······· 五一 原象 ·······	巽 ······· 五〇 周易五贊 ······	旅 ···················· 五〇 周易雜卦傳第十 ····································
三												0 0 0 0 0 0 0 0 0		0 0 0 0 0 0 0 0 0 0 0 0 0 0 0 0 0 0 0 0	0 0 0 0 0 0 0 0 0	0 0 0 0 0 0 0 0 0 0 0 0	0 0 0 0 0 0 0 0 0 0	D D D D D D D D D D D D D D D D D D D

校點説明

題。 書》)這是 其象之所以然者,求其理之所以然者。」(《答吕伯恭 心以求其詞義之所指,以爲吉凶可否之次。 筮 出 專爲說道理以 樣,有其重要的 本義」一名也是由 書來讀,「今欲凡讀 講學之道來的 》的 他批評 朱熹在易學領域中,也如在其他許多領域中 風 他 氣下, 撰作《周 了義理派易學 教人的錯 建樹。 他提出了《易》本是卜筮之書的 做 此 法。 易 而來。 在北宋以來盛行 本義 誤 卦一爻,便如占筮所得,虚 他 觀 認 家 》的 點,及要從卦爻辭中推 爲 們所持的 應該把《易》作爲 動 機 與指導思想, 的 聖人作《易》 以 然後考 義理 1 一説 命

多年, 孫敬 至慶 周易本義》的撰作,始於淳 シ中 元年間 説 纔完成。 易 傳 初 朱熹 以 未成 在 熙 初年, 慶 書,故不 元 年 歷 間 經二十 敢出。 的 《答

> 本義》採用吕祖 戰國、西漢時代《周易》的 謙等人不滿於此,而各有《古易》的 於卦爻辭下的王弼本。 通 熹自己雖還不十分滿意,但認 近 行的《周易》,是將《彖傳》、《象傳》、《文言》都 覺衰耄,不能復有所 末、五代,漢儒的易學著作散佚殆盡。 謙《古易》的 進,頗 吕大防、晁説之、程迥、吕 本來 編排、以上、下經爲二 欲 爲已可流傳於世。 面 傳之於人。」此時 目。 編 訂,意在 朱熹的 《周 恢 分級 宋代 易 朱 復 祖

很多。 年劉世珩玉海堂刊本即據此本影刻,但 目 訪書記》、《彖》上、下傳是汪士鐘 汪文琛、陳鱣、蔡定相等人收藏。 尚存兩部。 文進都以爲是臨安刻本。 後 編 宋刊《周易本義》十二卷本,今尚存二 》所著録者,該書明代曾藏於項篇壽萬卷樓 原本則今尚不 無年月題識,不詳何時何地所刻 部即傅增湘、王文進所見者,該書曾 知 下落。 這 一種宋本,上世 所鈔 據王文進《文 部是《天 補。 影刻 傅增 種 禄 本 九 紀 湘、 禄堂 錯 前 瑯 誤 經 四 王

卷、「十翼」又爲十卷、共十二卷。

姓名看,應早於吴革本。兹稱之爲「宋甲本」。但已是殘本,缺《易圖》與《下經》。從版心所記刻工毛晉汲古閣,清乾隆年間入內府。今藏國家圖書館,

康熙時所纂《周易折中》,據我們研究,也是以吳革 曹寅、楊紹和等人收藏。 本爲底本而參校以《周易傳義大全》。 寅翻刻本。 大,由之而出的有康熙 有陳寶琛、曹東章跋。 曾爲清怡府及朱學勤收藏, 有吴革序。 爲宋咸淳元年(一二六五)吴革刻本。 文淵 這一刻本,今國家圖 閣 四 庫本是據內府影刻本抄寫。 内府影刻本、康熙五十年曹 吴革本在清初以來影響 上海圖書館也藏 一曾爲季振宜、徐乾學、 書館藏有二部, 有一 書首 部, 較

卷本。 以 中》,篇次雖 訓》於眉端。 筮儀》,又依通行的 劉刻爲 清 乾隆年間,寶應劉 (則劉 底 本 同 同治年間 而校以他本。 宋刻,而依《折中》前去《易圖》,後 氏 未見 四 宋 卷本之例,刻吕祖謙《古易音 金陵書局刻十二卷本,即是 刻 世 識刊 本。 光緒元年劉毓英刻 其 有《周易本義》十二 書出於《周 易折 劉 去

> 氏《傳 λ 劉刻。 經 堂 溯其源,這不過是吴革本的 叢 書 ×, 賀瑞 麟 刻《西 京 清 麓 一個旁支。 叢 書》, 都 收

義 》, 能 董真卿《周易會通》諸書中所載宋、元各家《易》說。 《本義》割裂散附於程《傳》之後。 易傳義附録》一書。 量 而 程《傳》及各家之說,獨刻《本義》行世,是爲四卷本, 成化間,奉化儒學教諭成矩,遂於《大全》之中 綴於程、朱注後,勒爲一編,科舉取士即作爲依 編《周易傳義大全》,以董楷本爲基礎,又輯 又取二氏文集、語録中相關文字作爲附録,刻成《周 初,有台州人董楷、合編程頤《易傳》、朱熹《本義》, 一桂《易本義附録纂疏》、胡炳文《周易本義 翻 適 其經傳雜厠之編排,則 刻 主要是這 應科舉考試的實際需要,問世後不久即得到大 周易本義》又有四卷本的 ,明代後期至清代,充斥於各書坊的《周易本 種四 1卷本。 董楷編是書,取程《傳》結構,將 一仍《大全》之舊。 系統。 明永樂中 也是在咸 通 胡 由於它 集元胡 釋》、 削去 廣 據。 等 淳

董楷纂輯《周易傳義附録》、《序》署咸淳二年,因


於我們今天整理《本義》,還是有重要的校勘價值。所以《傳義附録》雖有割裂朱熹《本義》的缺點,但對而董楷所用的《本義》底本應是吴革本之前的刻本。

處,據宋甲本、玉海堂本、《傳義附録》作了訂正。(曾爲徐乾學所藏者)爲底本,校以宋甲本、元延祐二年(一三一五)圓沙書院刻《周易傳義附録》。《易圖》每(一三一五)圓沙書院刻《周易傳義附録》。《易圖》 整理工作,以北京國家圖書館所藏南宋吴革刻本的整理工作,以北京國家圖書館所藏南宋吴革刻本的整理工作,以北京國家圖書館所藏南宋吴革刻本

傳的標點,時或參考程《傳》。 傳的標點,時或參考程《傳》。 實比較簡略,凡經傳字句的訓解,如與程頤《易傳》 沒有異議的,大多不予復述。因此我們對《本義》經 沒有異議的,大多不予復述。因此我們對《本義》的注釋確 沒有異議的,大多不予復述。因此我們對《本義》的注釋確 沒有異議的,大多不予復述。因此我們對《本義》經 學的標點,時或參考程《傳》。

王 鐵

三




蓋取龜象,故其數戴九履一,左三右七,二、成變化而行鬼神也。」此河圖之數也。洛書五,地數三十,凡天地之數五十有五,此所以地數五,五位相得而各有合。天數二十有

蔡元定曰:圖、書之象,自漢孔安

四爲肩,六、八爲足。

而諸家因之。故今復之,悉從其舊。雍堯夫皆謂如此。至劉牧始兩易其名,國、劉歆、魏關朗子明、有宋康節先生邵

伏羲八卦次序❶




此圖「太極」外原無圓圈、據玉海堂本補。

|-

《六十四卦次序》放此。 「焉',三分爲四,四分爲八也。」《説卦傳》曰:「易,逆數也。」邵子曰:「乾一,兌二,離三,震四,巽五,坎六,艮七,坤八。」自乾至三,震四,巽五,坎六,艮七,坤八。」《説卦傳》 為二,二分爲四,四分爲八也。」《説卦傳》 兩儀生四象,四象生八卦。」邵子曰:「一分

伏羲八卦方位



非

右《説卦傳》曰:「天地定位,山澤通氣, 在、說卦傳》曰:「天地定位,山澤通氣, 正,震東北,兌東南,巽西南,艮西北。自震 西,震東北,兌東南,巽西南,艮西北。自震 區人相薄,水火不相射,八卦相錯。數往者 金、次次不相射,八卦相錯。數往者



漸生,則邵子所謂八分爲十六,十六分爲三十二,三十二分爲六十四者,尤見法象自然之 也。●故下三畫即前圖之八卦,上三畫則各以其序重之,而下卦因亦各衍而爲八也。 右前《八卦次序圖》,即《繋辭傳》所謂「八卦成列」者,此圖即其所謂「因而重之」者 若逐爻

妙也。

「太極」外原無圓,據玉海堂本、《傳義附録》補。

「其」,原脱,據玉海堂本、《傳義附録》補。


五

易

圖

六


伏羲六十四卦方位●



陰,圓者動而爲天,方者靜而爲地者也。 陽對待之數。 於東南。 於午中,陰生於午中,極於子中。其陽 之學也。 南,其陰在北。 中,離盡卯中,坎盡酉中。 得之華山希夷先生陳摶圖南者,所謂先天 得之李之才挺之,挺之得之穆修伯長,伯 右伏羲四 其陽在北,其陰在南。 此圖 圓於外者爲陽,方於中者爲 圖, 圓 方布者,乾始於西北,坤 布 其説皆出邵氏 者、乾 盡午中,坤 陽生於子中, 此二者,陰 蓋 盡 邵 在 盡 氏 極

中」、「夏至午中」十二字、餘同《傳義附録》。 義附録》補。玉海堂本脱「震四」、「坤八」、「冬至子字、又「卯中」上脱「春分」、「酉中」上脱「秋分」、據《傳字、又「卯中」上脱「春分」、「舊四」、「夏至午中」諸





南

離

西二克

为

非

乃人用之位,後天之學也。 右見《説卦》。邵子曰:此文王八卦,

東

右見《説卦》。

易

圖

七

桂 圖

|象傳》或以卦變爲説,今作此圖以明之。

義,非畫卦作《易》之本指也。

凡一陰一陽之卦各六,皆自復、 姤 而

來。五陰五陽,卦同圖異。

剥 比比 計豫 計謙 師師 1 復

更夬 ■大有■小畜■履 同人景姤

凡二陰二陽之卦各十有五,皆自臨、 遯

而來。 四陰四陽,卦同圖異。

算坎 解 計升

H 蹇 計小過

訟 遯

三離 人置无妄 直屯 置震 ■明夷■臨

當需 見兌 ■大畜 睽

量大壯

蓋《易》中

凡三陰三陽之卦各二十,皆自泰、否

而來。

E 費 出既濟量豐

節節

世歸 妹 旦泰

■噬嗑■隨

五益

操 計井 量恒

野未

真涣

計旅 開咸

否

施旅 計漸

日本濟門涣

八

中平

圖

大過

三家人

離離

革

无无妄

中平 歸妹 睽 師節 豐 隨 計井 ■大畜 ■ 需 HE既 濟 田 賁 兌 ¥ 損

觀而來。二陰二陽,圖已見前。 ■ 大 壯

凡四陰四陽之卦各十有五,皆自大壯、

計小過 升 H 解 算坎 計蹇 苯苯 蒙蒙 見 晉

III 觀

訟

U明 夷 置震 ii 屯 頭頭

來。一陰一陽,圖已見前。

凡五陰五陽之卦各六,皆自夬、剥

而

■大有量夬

■小畜

九

同履人

比劃

師謙豫

有易之圖九。有天地自然之易,有伏去易之圖九。有天地自然之易,有孔子之影。自伏羲以上皆無文字,即今之《周意。文王以下方有文字,即今之《周意。文王以下方有文字,即今之《周易》。然讀者亦宜各就本文消息,不可便以孔子之説爲文王之説也。

「畫」,原作「書」,據玉海堂本、《傳義附録》改。

0

朱熹本義

更定,著爲經二卷、傳十卷,乃復孔氏之舊云。 周公之辭也。并孔子所作之傳十篇,凡十二篇。中間頗爲 諸儒所亂。 以其簡褰重大,故分爲上、下兩篇。經則伏羲之畫,文王 變易之義,故謂之易。其辭則文王、周公所繫,故繫之周 周 ,代名也。 近世晁氏始正其失,而未能盡合古文。 吕氏又 易,書名也。 其卦本伏羲所畫,有交易、

之性健 之數,故畫一奇以象陽,畫 經文乾字,六畫卦之名也。 注「乾」字,三畫卦之名也。 之卦也。一者,奇也,陽之數也。 一陰一陽之象,故自下而上,再倍而三,以成八卦。 ||||乾下乾上乾,元亨,利貞。六畫者,伏羲所畫 ,而其成形之大者爲天,故三奇之卦名之曰乾,而擬 一耦以象陰。 伏羲仰觀俯察,見陰陽有奇耦 下者,内卦也。 乾者,健也,陽之性也。 見一陰 上者,外卦 一陽有各 見陽 也。 本

之名。 此。 用。 第二爻也。後放此。 意。 終也。 變者,但 未得位,而大人之德已著,常人不足以當之。 物所利見,故其象爲見龍在田,其占爲利見大人。 陽物也。 繫之辭,以斷一爻之吉凶,所謂爻辭者也。 皆不變者,言其占當得大通,而必利在正固,然後可以保其 偂 凶 皆奇,上下皆乾,則陽之純而健之至也。 畫,而爲八卦之上各加八卦,以成六十四卦也。 七爲少,老變而少不變,故謂陽爻爲九。 象,皆不易焉。 之於天也。三畫已具,八卦已成,則又三倍其畫,以 固也。 ,所謂彖辭者也。 餘卦放此。 凡遇乾而此爻變者,當觀此象而玩其占也。 九二,見龍在田,利見大人。二謂自下而上 凡畫卦者,自下而上,故以下爻爲初。 此聖人所以作易教人卜筮,而可以開物成務之精 |爲利見此 文王以爲乾道大通而至正,故於筮得此卦而六爻 初陽在下,未可施用,故其象爲潜龍,其 元亨利貞,文王所繫之辭,以 初九,潜龍勿用。 人而 元,大也。 九二剛健中正,出潜離隱,澤及於物 已,蓋 亦謂 亨,通也。 在下之大人也。 潜龍勿用,周公所 初九者,卦 利,宜也。 故乾之名,天之 潜,藏也。 陽數九爲老。 断一卦之吉 故值此爻之 此 九二雖 餘爻放 占 下陽爻 往六畫 此以爻 貞,正 日勿 成 六

周易上經第

此。 陽四陰,居上之下,改革之際,進退未定之時也,故其象如 測之所。 者,無所緣而絕於地,特未飛耳。 君子,指占者而言。 危地也。然性體剛健,有能乾乾惕厲之象,故其占如此。 厲,无咎。九,陽爻,三,陽位。 與占者相爲主賓,自 九四,或躍 五在上之大人矣。 其占能隨時進退則无咎也。 龍之在是,若下於田,或躍而起,則向乎天矣。 在淵、无咎。 九三、君子終日乾乾、夕惕若 言能憂懼如是,則雖處危地而无咎也。 爲 例。 若有 或者,疑而未定之醉。 淵者,上空下洞,深昧 重剛不中,居下之上,乃 九五、飛龍在 見 龍 之德,則爲利見九 天, 九 躍 不

> 乾之坤,曰「見群龍无首,吉」。 故爲群龍无首之象,而其占爲如 爻皆變者,即 ·先迷後得」、「東北喪朋」之意。 此 占之。 蓋 六 陽 皆 蓋即純坤卦解「牝馬之貞」、 是則吉也。 變, 剛 而 能 《春秋傳》日 柔,吉之道

消長有常,亦非人所能損益也。 冰。 也。 利。 北陽方。 也。 霜則知堅冰之將至也。 而八少,故謂陰爻爲六也。 坤焉,則是陰之純、順之至,故其名與象皆不易也。 形,莫大於地。此卦三畫皆耦,故名坤而象地。 大亨,而利以順健爲正。 順而健行者。 朋,安貞吉。一者,耦也,陰之數也。 有攸往,先迷後得,主利。 此爻陰始生於下,其端甚微, 往西南則得朋,往東北則喪朋。 注中者三畫卦之名也,經中者六畫卦之名也。 初六,履 IIIII坤下坤上坤,元亨,利牝馬之貞。 安,順之爲也。 陽先陰後。 霜 堅 夫陰陽者,造化之本,不能相 冰 貞,健之守也。 如有所往,則先迷後得,而主於 陽主義,陰主利。 至。 霜,陰氣所結。 然陽主生,陰主殺 而其勢必盛,故其 六,陰爻之名。 西南得朋,東北 大抵能安於正則 坤者,順也,陰之性 遇此卦者,其占爲 盛則 西南陰方,東 水凍 陰數 重之又得 , 則 陰之成 牝馬 君子 無,而 六老 其 而 如 喪 吉

之位,故其象如此,而占法與九二同,特所利見者,在上之

利見大人。

剛健中

正以

居尊位,如以聖人之德居

聖人

陽

而居首,故於此發之。

而聖人因繫之辭

使遇

此卦而六

用

九而不用七,蓋諸卦百九十二陽爻之通例也。

以此

卦純

用九、見群龍无首、吉。

用九,言凡筮得陽爻者,皆

不能下之意也。

陽極於上,動

必有悔、故其象、占如此。

九,亢龍有悔。

上者,最上一爻之名。

亢者,過於上而

大人耳。若有其

位,

則

爲

利見

九二在下之大人也。

上

服

惠

伯

日

忠信之事則

可,不然,必敗。

外彊

内溫、忠也。

亦如是矣。

《春秋傳》:南蒯將叛,筮得此爻,以爲大吉。子

不待學習而无不利。 順而中正,又得坤道之純者,故其德内直外方,而又盛大。 则未嘗不致其扶陽抑陰之意焉。 順、仁義之属明之而無所偏主,至其消長之際,淑慝之分, 有淑慝之分焉。 六二,直、方、大,不習无不利。柔順正固,坤之直 者,其旨深矣。 賦形有定,坤之方也。 不言其占者,謹微之意已可見於象中矣。 故聖人作《易》,於其不能 占者有其德,則其占如是也。 德合無疆,坤之大也。 蓋所以贊化育而參天地 相無者,既以 六二柔 健

占者有此德則如此占也。 陽,内含章美,可貞以守。 无咎而亦无譽矣。 括囊、言結囊口而不出也。 三,含章可貞,或從 而從上之事,則始雖无成,而後必有終。 爻有此象,故戒 六四重陰不中,故其象、占如此。 王事,无成有終。六陰,三 然居下之上,不終含藏,故或時 譽者,過實之名。謹密如是,則 六四,括囊,无咎无 蓋或 譽。

貞

出

故其象如此 事當謹密,或時 裳,下飾。 ,而其占爲大善之吉也。 六五以陰居尊,中順之德充諸内而見於外 當隱遁也。 六五,黃裳,元吉。 占者德必如是,則其占 黄,中

闕,❶筮雖當,未也。」後蒯果敗。 下之飾也。 蓋陰柔不能固守,變而爲陽,則能永貞矣。故戒占者以利永 純陰而居首,故發之。 用六,言凡得陰爻者,皆用六而不用八,亦通例也。 傷,其象如此。 得其飾。 和以率貞,信也。 龍戰于野,其血玄黃。 ,即乾之利貞也。 事不善,不得其極。 元,善之長也。 占者如是,其凶可知。 故曰 自坤而變,故不足於大亨云。❷ 遇此卦而六爻俱變者,其占如此 「黄裳、元吉」。黄、中之色也。 中不忠,不得其色。下不共,不 陰盛之極,至與陽争,兩敗俱 且夫易不可以占險。三者有 此可以見占法矣。 用六,利 ,永貞。 上六, 以 此 解 裳,

利建侯。 故其德爲動,其象爲雷。 物始生而未通之意,故其爲字,象屮穿地始出而未申也。❸ 陷、爲險,其象爲雲、爲雨、爲水。 震下坎上屯,元亨利貞,勿用有 震、坎,皆三畫卦之名。 坎一陽陷於二陰之間,故其德爲 屯,六畫卦之名也,難 震一陽動於二陰之下 攸 往

[「]三」,原作「二」,據宋甲本、《傳義附録》改

大」,宋甲本、《傳義附録》皆作「元」。

原作 甲 據 傳義附 録》改。 宋甲本作「伸」。

虞,惟 邅迴不進。 班,分布不進之貌。 如。 陰柔居下,不中不正,上无正應,妄行取困,爲逐鹿无虞,陷 而可許矣。 故不之許。 而字。」六二陰柔中正,有應於上,而乘初剛,故爲所難,而 是,則利建以爲侯也。 以陽下陰,爲民所歸,侯之象也,故其象又如此。 之初,以陽在下,又居動體,而上應陰柔險陷之爻,故有磐 人林中之象。君子見幾,不如舍去。 以賢下人,得民而可君之象,故筮立君者遇之則吉也 未可遽有所往耳。 守正,而 下,坎險在上,是能動乎險中。 九,磐桓,利居貞,利建侯。 (卦以 匪 人于 未可遽進。 然居得其正,故其占利於居貞。 過坎 寇,婚媾, 爻有此象,故因以戒占者。 至于十年,數窮理極,則妄求者去,正應者合 然初非爲寇也,乃求與己爲婚媾耳,但己守正 乾坤 林 中。 又初九陽居陰下,而爲成卦之主,是能 字,許嫁也。 故筮得之者,其占爲大亨而利於正,但 始交而遇 女子貞不字。 六二, 屯如邅 君子幾,不 險陷,故其名爲 能動雖可以亨,而 《禮》曰: 磐桓 若往逐不舍,必致羞 如 六三,即 ,難進之貌。 又本成卦之主, 「女子許嫁,笄 舍。 十年乃字。 如,乘馬班 屯。 而占者如 在險則 往吝。 震 鹿无 屯難 動 初 宜 在

> 則守正 無所之,憂懼而已,故其象如 雖以陽剛中正居尊位,然當屯之時,陷於險中,雖有六二正 則吉也。 如之象。 吝。 五坎體,有膏潤而不得施,爲屯其膏之象。 應,而陰柔才弱,不足以濟。 媾 六,乘馬班如,泣 往吉,无不利。 戒 猶可獲吉, 占 然初九守正居下,以應於己,故其占爲下求 者 九五,屯其膏,小貞吉,大貞 宜 如 是 以 也。 血 處大事,則雖正 漣 陰柔居屯,不能上進 六 此 如。 初九得民於下,衆皆歸之。 四 陰柔無應,處屯之終,進 乘 馬 而 班 不 占者以處小 免於凶。 如 ,故爲 XI ° 乘馬 求 婚 九 事, E 婚 五 班

幼稚而蒙昧 與六五陰陽相應,故遇此卦者有亨道也。 三畫 我。 下,占辭也。 險,蒙之地也。 蒙,昧也,物生之初,蒙昧未明也。 卦名,一 初筮告,再三瀆,瀆則不告。 |||坎下艮上蒙,亨。 謂 九二内卦之主,以剛居中 陽止於二陰之上,故其德爲 内險外止,蒙之意也。 五 也。 筮 者明 匪我求童蒙,童 則 人當 其卦以坎遇艮,山 故其名爲蒙。 求我 能發人之蒙者, 我,二也。 止,其象爲 ,而其亨在人。 利貞。 蒙求 童蒙, 艮亦 亨以 下有 Щ 而

柔中居尊,下應九二,純一未發,以聽於人,故其

吝。

既遠於陽,又無正

應,爲

材於蒙之象。

占者如是,可

羞吝也。

能

求剛明之德而親近之,則可免矣。

六五,童

蓋以

金賂己而挑之,若魯秋胡之爲者。

六

四、困蒙,

占者遇之,則其取女必得如是之人,無所利矣。金夫。

六三陰柔,不中不正,女之見金夫而不能有其身之象

利。

也。

六三,勿用取

女,見金夫

不

有

躬,

无攸

應之。 其後。 筮者暗 事,爲子克家之象。 性不齊,不可一概取必。 陽爲内卦之主,統治群陰,當發蒙之任也。 蒙者之自養,又皆利於以正也。 容之象。 九二,包蒙,吉。 占者遇此,當發其蒙。 人,用説桎梏。 若遂往 我求人者,當 ,則我當求人,而亨在我。 又以陽受陰,爲納婦之象。 而不舍,則致羞吝矣。 故占者有其德而當其事,則如是而 致其 以往、吝。 納婦、吉。 然發之之道,當痛懲而暫舍之,以觀 而爻之德剛而不過,爲能 精一而扣之。 初六,發蒙,利用 人求我者,當視其可 以陰居下,蒙之甚也。 子克家。 又居下位 戒占者當如是也。 而明者之養蒙, 然所治既廣, 而 九二以 有所 能 任 否而 刑 與 吉 上 包 物 剛

皆然,不止爲誨人也

爲寇 其真純 然取必太過,攻治太深,則必反爲之害。 象爲童蒙,而 ,利禦寇。 ,則雖過於嚴密 其占爲如 以剛居上,治蒙過剛 是則 ,乃爲得宜 活也。 上九,擊蒙,不 故戒占者如此。 惟捍其外誘 故爲擊蒙之象。 以 利 事 全

于郊 也。 信 近於險矣。 是則无咎也。 利,而涉川尤貴於能 乾健臨之,將涉水而不輕進之象。 體中實,陽剛中正而居尊位,爲有孚得正之象。 以陷於險,待之義也。 于 泥,致寇至。 ,則光亨矣。若又得正,則吉而利涉大川。 īfij 剛中能需,故得終吉。 需,待也。 **Ⅲ**乾下坎上需,有孚,光亨。 利 初九陽剛,又有能常於其所之象。 用 言語之傷,亦災害之小者,漸進近坎,故有 恒,无咎。 九二,需于沙,小有言,終吉。 以乾遇坎、乾健坎險、以剛遇險,而 泥,將 持,則 孚,信之在中者也。 陷於險矣。 不 戒占者當如是也。 郊,曠遠之地,未近於險之象 欲 速 故占者爲有所待而能 丽 犯 寇則害之大者。 難 貞吉,利 也。 故戒占者 其 正固 (卦九 九三,需 初 坎水在 九,需 不遽 無所不 Ħ. 涉 以 沙則 能 大 前 九 此 有 坎 進 如

六

三去險

耐

不

象

之象。 也。 三人之象。❶ 以待之。 而 進,故又爲出自穴之象。占者如是,則雖在傷地,而終得出 坎體,人乎險矣,故爲需于血之象。 人来,敬之终吉。陰居險極,無復有需,有陷而入穴 血 正固,則得吉也。 ,出自穴。 九五、需于酒食、貞吉。酒食、宴樂之具、言安 下應九三。九三與下二陽,需極並進,爲不速之客 愈 九五陽剛中正,需于尊位,故有此象。 近, 柔不能禦,而能順之,有敬之之象。 過 血者,殺傷之地。 剛 上六,人于穴,有不速之客三 Ė, 故 其 穴者,險陷之所。 如此。 然柔得其正,需而 六 四, 占者如是 占者當 需 四 于 交 不

極,有終極其訟之象。 中,有有孚而見窒,能 又爲加憂。 健,又爲己險而彼健,皆訟之道也。 乾剛坎險,上剛以制 利見大人,不利涉大川。 ■数下乾上訟,有孚窒,惕中吉。 且於卦變,自遯而來,爲剛來居二,而當下卦之 其下,下險以伺其上,又爲内險而外 懼 九 而得中之象。 Ŧi. 剛健 中 訟,爭 正以居尊位 九二中實,上无應與 上九過 辨也。 剛 上乾下坎 ,有大人之 ,居訟之 終凶。 陷險中,然於非意之來,敬以待之,則得終吉也。

如此。 聽訟而得其平者也。 者如是則吉也。 陰柔,非能訟者,故守舊居正,則雖危而終吉。 柔,故又爲不克而復就正理,渝變其心,安處於正之象。 命,正理也。 四,不克訟,復即 上之事,則亦必无成功。 如是,則无告矣。六三,食舊德,貞,厲,終吉。 此。邑人三百户,邑之小者,言自處卑約,以免災患。 得下之中,而上應九五,陽剛居尊,勢不可敵,故其象、占如 或從王事,无成。食,猶食邑之食,言所享也。 无 告。 九二陽剛,爲險之主,本欲訟者也。 事,小有言,終吉。 象。 必有爭辨之事, 以 九二,不克訟,歸而逋,其邑人三百户, 剛 乘險 渝,變也。 而隨其所處爲吉凶也。 以 九五、訟元吉。 實 占者遇之,訟而 履 陷 命, 九四剛而不中,故有訟象。 陰柔居下,不能終訟,故其象、占 占者守常而不出,則善也。 有不利涉 渝,安貞,吉。 有理 陽剛中正,以居尊位 大川之象。 初六,不永所 小必 獲申矣。 然以剛居柔 然或出 即 故戒占者 以 就 占者 其居 六三 一而從 也。 九

0 上「之」字,原脱, 據宋甲

無理而或取勝,然其所得,終必失之。聖人爲戒之意深矣。然以訟得之,豈能安久,故又有終朝三褫之象。其占爲終訟褫,奪也。以剛居訟極,終。朝三褫之、故有錫命受服之象。九,或錫之鞶帶,終朝三褫之。鞶帶,命服之飾。

N S 錫 當謹始而守法也。 之始出。 也。晁氏曰「否」字先儒多作「不」,是也。 得正而任老成之人,乃得吉而无咎。戒占者亦必如是也。 象。故其卦之名曰師。 五,而爲所寵任, 初六,師出以律,否臧凶。 剛居下而用事,六五以柔居上而任之,爲人君命將出師之 之中,爲將之象。 險於大順,藏不測於至靜之中。 命。 下坎上坤,坎險坤順,坎水坤地,古者寓兵於農,伏至 與尸,謂師 **以**次下坤上師,貞,丈人吉,无咎。 九二在下,爲衆陰所歸 師之道,當謹其始,以律則吉,不臧則凶。戒占者 徒 放其象、占如此。 上下五陰順而從之,爲衆之象。九二以 撓 九二,在師中吉,无咎。 敗 丈人,長老之稱。 輿 F 而 又卦惟九二一陽,居下卦 歸 律,法也。 m 也。 六三,師 有剛中之德,上應於 以 在卦之初,爲師 用師之道,利於 陰居陽,才弱志 否臧,謂不善 或 澳 尸, 師,兵衆 王三

> 人,於小人則不可用此占。 有功,亦不可使之得有爵土,但優以金帛可也。 功行賞之時也。坤爲土,故有開國承家之象。然小人則 使之與尸而歸,故雖正而亦不免於凶也。 又戒占者專於委任,若使君子任事,而又使小人參之,則是 執而无咎也。言,語辭也。長子,九二也。弟子,三、四也 敵加於己,不得已而應之,故爲田有禽之象,而其占利以摶 興尸,貞凶。六五用師之主,柔順而中,不爲兵端者也 五,田 其象如此。 剛,不中不正而犯非其分,故其象、占如此。 有命,開國承家。 次,无咎。 |||||坤下坎上比,吉。 有禽,利執言,无咎。 全師以 左次,謂退舍也。 退,賢於六三遠矣,故其占如 小人勿用。 而小人遇之,亦不得用此爻也。 原筮元永貞,无咎,不 陰柔不中而居陰得正,故 長子帥 師之終,順之極,論 上六、大君 六四 師,弟子 戒行賞之 一,師 左 雖

自審,有元善長永正固之德,然後可以當衆之歸而无咎,其仰一人之象。故筮者得之,則當爲人所親輔。然必再筮以而得其正,上下五陰比而從之,以一人而撫萬邦,以四海而寧方來,後夫凶。比,親輔也。九五以陽剛居上之中

之耳。 未比 乘、應皆陰,所比皆非其人之象。 其占大凶,不言可知。 是,則正而吉矣。 中正,上應九五,自內比外而得其正,吉之道也。占者如 實,則又有它吉也。 四,外比之貞吉。以柔居柔,外比九五,爲得其正,吉之 來有它吉。比之初,貴乎有信,則可以无咎矣。 交已固,彼來已晚,而得凶矣。若欲比人,則亦以是而反觀 而 初六,有孚,比之无咎。 有 所不安者,亦將皆來歸之。 六三,比之匪人。陰柔不中正,承、 六二,比之自内,貞吉。柔順 若又遲而後至, 有孚盈 缶 若其充 則此 終 六

居上,無以比下,凶之道也,故爲无首之象,而其占則凶也。之群陰皆來比己,顯其比而無私。如天子不合圍,開一面之象。蓋雖私屬,亦喻上意,不相警備以求必得也。凡此皆吉象。蓋雖私屬,亦喻上意,不相警備以求必得也。凡此皆吉之道。占者如是則吉也。上六,比之无首,凶。陰柔知。占者如是則吉也。上六,比之无首,凶。陰柔之道。占者如是則吉也。上六,比之无首,剛健中正,卦驅失前禽,邑人不誠,吉。一陽居尊,剛健中正,卦

道也。占者如是,則正而占矣。

九五、顯比、王用

 \equiv

郊。巽亦三畫卦之名,一陰伏於二陽之下,故其德爲巽、|||||||||||乾下巽上小畜,亨。密雲不雨,自我西

象。 復,亦吉道也。 三陽志同,而九二漸近於陰,以其剛中,故能與初九牽連 道之象。 陰,雖與四爲正應,而能自守以正,不爲所畜,故有進復自 巽下乾,以陰畜陽,又卦唯六四一 正應,但以陰陽相説而爲所繫畜,不能自進,故有輿説輻之 妻反目。 志欲上進,而爲陰所畜。 復自道,何其咎? 方,正小畜之時也。筮者得之,則占亦如其象云。 方,我者,文王自我也。 行,故有密雲不雨,自我西郊之象。 能中,其志得行之象,故其占當得亨通。 故爲小畜。 爲人,其象爲風、爲 内健外巽,二、五皆陽,各居一卦之中而用事, 然以志剛,故又不能平,而與之爭,故又爲夫妻反目之 占者如是,則无咎而吉也。 又以陰畜陽,能繫而不能固,亦爲所畜者小之 九三亦欲上進,然剛而不中,迫近於陰,而 占者如是則吉矣。 木。 小,陰 文王演《易》於羑里,視岐周 古。下卦乾體,本皆在上之物 然初九體乾,居下得正,前遠於 也。 陰,上下五陽皆爲所 畜,止之之義 九三,輿説 蓋密雲陰物, 九二,牽復,吉。 然畜未極而 也。 輻,夫 初九, 有 西 八爲西 又非 郊 施 剛 而 陰 未 而 L

^{●「}之」、《傳義附録》此字不重

孚攣. 畜極而 陽 於積滿而然 既處,尚 富厚之力而以 而九五居中處尊,勢能有爲以兼乎上下,故爲有孚攣固,用 其柔順得正, 言能左右之也。 也,无咎宜矣。 血 ,則君子亦不可以有行矣。 去惕出,无 戒占者如是則不得進 如, 成,陰陽和矣,故爲既雨既止之象。 德載。 心也。 富 虚中巽體,二陽助之,是有孚 其鄰之象。 以 故戒占者亦有其德則无咎也。 占者有孚,則能如是也。 陰加於陽,故雖正亦厲。 咎。 其 婦貞厲,月幾望,君子征凶。 鄰。 以一陰畜衆陽,本有傷害憂懼,以 以,猶《春秋》「以某師」之「以」, 巽 加 其占如此,爲戒深矣。 有所爭也。 體三爻同力畜乾鄰之象也。 而血去惕出之象 六四, 蓋尊尚陰德, 然陰既盛而 上九,既 九五,有 有孚, 雨 亢 至

則處危 虎尾 有所躡 卦之名,一陰見於二陽之上,故其德爲説,其象爲澤。 履之初 而不見傷之象,故其卦爲履,而占如是也。 **■** 兌下乾上履虎尾,不咥人,亨。 而不傷矣。 而進之意也。 未爲物遷 初九 ?,率其 以兌遇乾,和説以躡 ,素履,往 素履者也。 无咎。 占者如是 剛強 之後,有履 一,則往 以陽在下 人能如是 兌亦三 而无 履, 畫

> 咎也。 也。 祥,其旋 事必行,无所疑礙,故其象爲夬決其履,雖使得正亦危 九五之剛,然以剛居柔,故能戒懼而得終吉。 爲剛武之人得志而肆暴之象,如秦政、項籍、 而志剛,以此履乾,必見傷害,故其象如 元吉。 占者禍福,視其所履而未定也 履,貞厲。 九四,履虎尾,愬愬,終吉。 尾,咥人,凶。 占,則正而吉矣。 應於上,故爲履道平坦,幽獨守貞之象。 故其占爲 九二,履 元吉。 九五以剛中 雖 Œ 武人爲于大君。 道 六三,眇 而 視履之終,以考其祥, 坦 危,爲 坦 正履帝位,而下 幽 戒深矣。 能 人貞吉。 視, 九四亦以不中不正 跛 E 此,而占者凶。 六三不中不正 幽 周旋 九, 以兌説應之,凡 能 一人履道 剛中 豊 履 无虧 九 視 能 在 五,夬 而 久也。 履 下,无 則 遇 一,柔 考 虎 又 得 道 其

陽,●言坤往居外,乾來居内。又自歸妹來,則六往居四,爲卦天地交而二氣通,故爲泰,正月之卦也。小謂陰,大謂以計、地交而二氣通,故爲泰,正月之卦也。小謂陰,大謂。表,通也,

●「謂」,原作「爲」,據《傳義附録》改。

爻也。 以 時,亦嘗占得此爻。占者如是,則有祉而元吉矣。凡《經 爲泰之主,柔中虛己,下應九二,吉之道也。 以害正道、君子所當戒也。 守正,則无咎而有福。 不待富而其類從之,不待戒令而信也。其占爲有小人合交 否欲來之時也 无咎,勿恤其孚,于食有福。 中行之道矣。 包容荒穢而果斷剛決,不遺遐遠而不昵朋比,則合乎此爻 在下之中,上有六五之應,主乎泰而得中道者也。 不戒以孚。 河,不遐遺,朋亡,得尚于中行。九二以剛居柔 林》讀至「彙」字絕句。 九 茹之象,征行之吉也。 茅茹,以其彙,征吉。 古人爲言,如高宗、箕子之類者,皆放此。 來居 六五,帝乙歸妹,以祉,元吉。以陰居尊, 也。 九三、无平不陂、无往不復、艱貞 占 已過乎中,泰已極矣,故三陰翩然而下復。 恤,憂也。孚,所期之信也。戒占者艱難 者 有 剛陽之德 下卦放此。 六四,翩翩,不富以其鄰, 占者陽剛,則其征吉矣。郭璞 陰虛陽實,故凡言不富者,皆陰 三陽在下,相連而進,拔茅連 則 吉而亨矣。 九二,包荒,用 將過乎中,泰將極 而帝乙歸妹之 上六,城復 初九 占者能 《洞 馮 拔 而

> 于隍 不免於羞吝也。 復于隍之象。 勿 用 戒占者不可力爭,但可自守。 師。 自邑告命,貞吝。 雖 泰 得其 極 丽 正,亦 否, 城

將濟之時 凶咎之戒。 見。 而自失其守也。 吉。大人則當安守其否而後道亨,蓋不可以彼包承於我, 人志於傷善而未能也,故爲包羞之象。 包容承順乎君子之象,小人之吉道也,故占者小人如是 包承,小人吉,大人否亨。 戒其貞則吉而亨。 下,當否之時,小人連類而進之象,而初之惡則未形也,故 匪人」三字衍文,由比六三而誤也、《傳》不特解,其義 居内,又自漸卦而來,則九往居四,六來居三也。 謂非人道也。其占不利於君子之正道。 小來。否,閉塞也,七月之卦也。 初六,拔茅茹, |||||坤下乾上否之匪人,不利君子貞,大往 也。 九四,有命无咎,疇 九四以陽居陰,不極其剛 六三,包羞。 蓋能 如是,則變而爲君子矣。 六二, 以其彙,貞吉,亨。 以陰居 陰柔而中正,小人而 正與泰反,故曰 離 然以其 蓋乾往居外 故其占爲有命无 祉。 陽 而 不中 未發,故无 否過中矣, 或疑「之 -正,小 匪 ,坤來 亦 人, 則 能 在 可

道矣。 應,可 吝。 中正而有應,則君子之道也。 于門,无咎。 陰,而五陽同與之,故爲同人于野,謂曠遠而无私也,有亨 遇乾,火上同於天。六二得位得中,而上應九五,又卦唯 麗,爲文明,其象爲火、爲日、爲電。 子貞。離亦三畫卦之名,一陰麗於二陽之間,故其德爲 係於私,吝之道也,故其象、占如此。 險,然必其所同合於君子之道,乃爲利也。 宗,黨也。 以无咎,故其象、占如此。 **腾**離下乾上同人于野,亨,利涉大川, 以健而行,故能涉川。 六二雖中且正,然有應於上,不能大同,而 同人之初,未有私主,以剛在下,上无係 爲卦内文明而外剛健,六二 占者能如是,則亨而又可涉 六二,同人于宗, 同人,與人同也,以離 九三,伏戎于 初九,同人 利君

> 二柔弱,而三、四剛強,故必用大師以勝之,然後得相遇也 荒僻无與同耳。 二,而爲三所隔,故爲乘墉以攻之象。 其墉,弗克攻、吉。剛不中正,又无應與,亦欲同於六 莽,升其高陵,三歲不興。 可以无悔,故其象、占如此。 上九,同人于郊,无悔。 不得其同,然義理所同,物不得而間之,故有此象。 剛中正,二以柔中正相應於下,同心者也,而爲三、四所隔 自反而不克攻之象。占者如是,則是能改過 同於二,而非其正,懼九五之見攻,故有此象。 九五,同人先號咷 ൬ 後笑,大師克,相遇。 郊在野之内,未至於曠遠,但 居外无應,物莫與同,然亦 剛而不中,上无正 然以剛居柔 九四 而得吉也。 ●故有 應、欲 然六 「,乘 五

占者有其德,則大善而亨也。 初九,无交害,匪咎,五陽應之,故爲大有。乾健,離明,居尊應天,有亨之道。居乾上,火在天上,无所不照,又六五一陰,居尊得中,而居乾上,火在天上,无所不照,又六五一陰,居尊得中,而

■ 「剛」,原脱,據《傳義附録》補。

无咎。 艱則 其占如是。 六五之君,虚中下賢,故爲享於天子之象。 占者有其德,則 皆作[亨]字。 謂朝獻也。O 公用亨于天子,小人弗克。亨、《春秋傳》作「享」, 而如是,可无咎矣。占者必有此德,乃應其占也。 在事初、未涉乎害者也,何咎之有? 戒占者宜如 无 剛中在下,得應乎上,爲大車以載之象。 咎。 小人无剛正之德,則雖得此爻,不能當也。 九三居下之上,公侯之象。 古者亨通之「亨」、享獻之「享」、烹飪之「烹」 是也。 當 大有之時, 九二、大車 然以 陽居下, 然亦必艱以處之則无 以 載,有 剛而得正,上有 上 無 九三, 系應,而 攸 有所往 往 九

> 思順 丽 尚賢 也 滿 圃 不溢,故其占如 此

終而吉。 貞吉。 此。 謙。 上而能謙者也,故爲不富而能以其鄰之象。 上,故戒以更當發揮其謙,以示不敢自安之意也。 何往不濟? 川,吉。 不富以其鄰,利用侵伐,无不 之上,剛而得正,上下所歸,有功勞而能謙,尤人所難,故有 有終,謂先屈而後伸也。 乃屈而止於其下,謙之象也。 居之義。 九三,勞謙, 猶有未服者 柔而得正,上而能下,其占无不利矣。 **|||**艮下坤上謙,亨,君子有終。 柔順中正,以謙有聞,正而且吉者也,故其占 占者如是,則如其應矣。 止乎内而順乎外,謙之意也。 以柔處下,謙之至也,君子之行也。 故占者如是,則利以涉川也。 則利以征之。 君子有終,吉。 初六,謙謙君子,用涉大 占者如是,則亨通而有終矣。 而於它事亦无不利。 六四,无不利。 利。 Ш 卦唯一 至高而 以柔居尊,在 謙者,有 然居九三之 蓋從之者衆 以此涉難 六五 陽,居 地至 而不 撝

四,匪其彭,无咎。「彭」字音義未詳,程《傳》日

|盛貌

順而中

以處尊位,虚己以應九二之賢,而上下歸之,是其

然君道貴剛,太柔則廢,當以威濟之則吉,故

如是也。

六五,厥孚交如,威如吉。

大有之世,柔

戒占者宜

然以其處柔也,故有不極其盛之象,而得无咎。

理或當然。

六五柔中之君,九四以剛近之,有僭偪之嫌。

孚信之交也。

其象、占如此。

此

亦戒辭也。

上九,

自天祐之,吉,

矣。

无不利。

大有之世,以剛居上,而能下從六五,是能履信

調 原 脱, 據宋甲本、《傳義附録》補

或 是德 則 極有聞,人之所與,故可用行師。 如 其 占 也。 上六,鳴 謙 利 然以其質柔而无 用 行 師 征 邑

位,故

可以

征己之邑國而已。

悔。 此。 之幾微也。 也。 而得 吉。 勝其豫,而以自鳴,凶之道也,故其占如此。 坤遇震,爲順以動,故其卦爲豫,而其占利以立君、用師也。 爲事當速悔,若悔之遲,則必有悔也。 樂,所以有吉凶之異。 爲和樂,然卦辭爲衆樂之義,爻辭除九四與卦同外,皆爲自 心 上視於四 初六,鳴 和樂以應其上也。 占者如 其德安靜而堅確,故其思 正,是上下皆溺於豫, 盱,上 豫雖主樂,然易以溺人,溺則反而憂矣。 **|||||坤下震上豫,利建侯、行師。** 而 豫,凶。 是,則 《大學》曰 視也。 下 溺於豫,宜有悔者也,故其象如此。 正而 陰不中正,而近於四,四爲卦主,故六三 九四一 陰柔小人,上有強援,得時主事,故不 「安而後能慮,慮而後能得」,意正如 吉矣。 六二,介于石,不終日,貞 而獨能以 陽,上下應之,其志得行,又以 慮明 六三,盱豫 審,不俟終日而 中正 九四,由 自守,其 豫,和樂也,人 卦之得名,本 ,悔,遲有 卦獨此爻中 豫,大 而其占 八介如石 見凡 事

> 則能 以其動體,故又爲其事雖成 有得。 豫,成有渝,无咎。 故又爲常不死之象。 九四之剛,衆不附而處勢危,故爲貞疾之象。 貞疾,恒 合而從之矣,故又因 故其象如此,而其占爲大有得。 補過而无咎。 勿疑 不死。 朋 所以廣遷善之門 當豫之時,以柔居尊,沈溺於豫,又乘 盍 而戒之。 即象而觀,占在其中矣。 簪。 以陰柔居豫極,爲昏冥於豫之象。 而能 九四 簪,聚也,又速也 然又當至誠不疑 有渝之象。 ,卦之所 也 由以 戒占者如 然以其得中。 上六,冥 爲豫者也 六五 則 朋 類

今按,四 穆姜曰:「有是四 之,爲此動而彼説,亦隨之義。 而自未濟來者,兼此二變。 以卦變言之,本自困卦,九來居初, 无咎,若所隨不正,則雖大亨而不免於有咎矣。《春秋傳 己,彼此相從,其通易矣,故其占爲元亨。 九,官有渝,貞吉,出門交有 **||**震下兌上隨,元亨,利貞,无咎。 德雖非本 德 義, 殖 然其下云云, 而无咎。 皆剛來隨柔之義。 故爲隨。 我皆无之,豈 又自噬 深得 功。 己能隨 然必利於正乃得 占法之意。 卦以 嗑,九 物隨爲義 隨 物 以二 來居 隨 也 物 從 哉! 體計 來 Ŧ, 初 隨

善也。 在道以 隨 也。 亦當作祭享之「享」。 之,王用亨于西 其占隨而有獲。 此,而又戒以居貞也。 有求必得,然非正應,故有不正而爲邪媚之嫌,故其占如 近係四而失於初,其象與六二正相反,四陽當任而己隨之, 此,凶咎可知,●不假言矣。 近,五陽正應而遠,二陰柔,不能自守以須正應,故其象如 因以戒之。 又當出門以交,不私其隨,則有功也。 爻以隨 ,則上安而下從之,可以无咎也。 !有求得,利居貞。 丈夫謂九四,小子亦謂初也。 誠意之極,可 既 九五,孚于嘉,吉。 占者如是,其吉宜矣。 物爲 有所隨,則 明, 義,初九以陽居下,爲震之主,卦之所以爲 六二,係小子,失丈夫。 何咎? 然勢凌於五 通神明,故其占爲王用亨于西山。 有所 Щ 自周而言,岐山在西。 九四,隨有獲,貞凶。 偏主而變其常矣,惟得其正則吉。 九四以剛居上之下,與五同德,故 居 六三,係丈夫,失小子, 隨之極,隨之固結而不可 ,故雖正而凶。 陽剛中正,下應中正,是信于 上六,拘係之,乃從維 占者當時之任,宜審此 故其象、占如此 惟有孚在道 凡筮祭山 初陽在下 有孚 川者 亨 解者 隨 亦亦 \equiv 而 而 者

得之,其誠意如是則吉也。

子能幹之,則飭治而振起矣。 占爲有子則能治蠱,而考得无咎,然亦危矣。 而立者也。 而不使至於速壞。 後事方始而尚新,然便當致其丁寧之意,❸以監前事之失 中而將壞,則可自新,以爲後事之端,❷而不使至於大壞。 始,事之端也。 壞之極,亂當復治,故其占爲元亨,而利涉大川。 下,自既濟來者兼之,亦剛上而柔下,皆所以爲蠱也。 剛上柔下謂卦變。自賁來者,初上二下,自井來者,五上上 有子,考无咎,厲,終吉。幹如木之幹,枝葉之所附 柔居下,上下不交,下卑巽而上苟止,故其卦爲蠱。 日,後甲三日。 ■異下艮上蠱,元亨,利涉大川。 蠱者,前人已壞之緒,故諸爻皆有父母之象。 先甲三日,辛也。後甲三日,丁也。 聖人之深戒也。 疊,壞極而有事也。 初六蠱未深而事易濟,故其 初六,幹父之蠱 其卦艮剛居上,巽 戒占者宜如 先甲三 甲,日 前事過 或曰:

[「]咎」,原作「吝」,據宋甲本改。

[「]以」,原脱,據宋甲本、《傳義附録》補。

[『]便」、《傳義附録》作「更」。

見吝。 皆在其中矣。 幹疊,可致聞譽,故其象、占如此。 幹父之蠱,用譽。柔中居尊,而九二承之以德,以此 則蠱將日深,故往 可貞。 是。 高尚其事。 小有悔。 九三、幹父之蠱、小有悔、无大咎。 剛承柔而治其壞,故又戒以不可堅正,言當巽以入之也。 又知 以陰居陰,不能有爲,寬裕以治蠱之象也。 巽體得正,故无大咎。 九二剛中,上應六五,子幹母蠱而得中之象。以 危 而能戒,則終吉也。 剛陽居上,在事之外,故爲此象,而占與戒 則見吝。 戒占者不可 六四,裕父之蠱 九二,幹母之蠱,不 上九,不事王侯, 如是也。 過剛不中,故 六五, 如是 往

之時 也。 也。 中,上應六五,故占者大亨而利於正。 十二月之卦也。 凶 也。 又因占而戒之。 八月謂自復卦 臨 **以**允下坤上臨,元亨,利貞。 ,進而凌逼於物也。 或曰: 八月謂夏正八月,於卦爲觀,亦臨之反對 又其爲卦,下兌説,上坤 一陽之月至于遯卦二陰之月,陰長陽遯 初 九,咸 二陽浸長以逼於陰,故爲臨, 臨,貞吉。 然至于八月當有 ·順,九二以 至于八 卦唯 八月有 剛居 陽 [X]

> 如此。 宜,吉。 卦之上,處臨之終,敦厚於臨,吉而无咎之道也,故其象、占 而大君之宜,吉之道也。 九,相臨之至,宜无咎者也。 善,爲教深矣。 之象,其占固无所利。 進,故其占吉而无不利也。 爲貞吉。 徧臨四陰,故二爻皆有咸臨之象。 憂之,无咎。 陰柔不中正,而居下之上,爲以甘説 九二,咸臨,吉,无不利。 以柔居中,下應九二,不自用而任人,乃知之事 六四,至臨,无咎。 然能憂而改之,則无咎也。 上六,敦臨,吉,无咎。 六三,甘臨,无攸 六五,知臨,大君之 初九剛 處得其位,下應初 而 剛得中 得 Œ 勉人 利 故 前 臨人 勢上 其占 既 居 遷

也。 順外巽,而九五以中正示天下,所以爲觀。 不輕自用 者,有以示人而爲人所仰也。● 薦,奉酒食以祭也。 |||||坤下巽上觀, 則其孚信在中 盥 顒然,尊嚴之貌。 而 而 顒然可仰。 不 九五居上,四陰仰之,又内 薦, 有孚 戒占者宜如是也。 盥,將祭而潔手 言致其 顒 若。 觀 向

■「以」下,宋甲本有「中正」二字,疑是。

二六

或日

一陽消,正爲八月之卦,而名卦繫辭更取它義,亦扶陽抑陰 有孚顒若,謂 初六,童觀,小人无咎,君子吝。 在下之人信而仰之也。 此卦四 卦以觀 陰 長 而 合也。

之意。 初六陰柔在下,不能遠見,童觀之象,小人之道,君子之羞 示爲義,據九五爲主也,爻以觀瞻爲義,皆觀乎九五也。

也。 闚 觀 故其占,在小人則无咎,君子得之則可羞矣。 六二, ,利女貞。陰柔居內而觀乎外,闚觀之象,女子之

我生進退。 正也,故其占如此。 六三居下之上,可進可退,故不觀九五而獨 丈夫得之,則非所利矣。 六三,觀

觀己所行之通塞以爲進退,占者宜自審也。 之光,利用賓于王。六四最近於五,故有此象。其占 六四,觀國

故戒居此位得此占者,當觀己所行,必其陽剛中正亦如是 九 五陽剛中正以居尊位,其下四陰仰而觀之,君子之象也。 爲利於朝覲、進仕也。

九五、觀我

生,君子无

咎。

陽剛居尊位之上 焉 ,則得无咎也。 ,雖不當事任,而亦爲下所觀 上九,觀其生,君子无咎。上九 ,故其戒辭略

■震下離上噬嗑,亨,利用獄。 噬,齧也。 嗑, 與五同,但以「我」爲「其」,小有主賓之異耳

无咎。 占雖 咎。 獄。 之物也。陰柔不中正,治人而人不服,爲噬腊遇毒之象。 毒,小吝,无咎。 滅其鼻。 其所治如噬膚之易。 罪薄過小,又在卦下,故爲屨校滅趾之象。止惡於初,故得 初、上无位,爲受刑之象。 者,有其德則應其占也。 陽,剛柔中半,下動上明,下雷上電,本自益卦。 當得亨通者,有間故不通,齧之而合則亨通矣。 上行以至於五,而得其中,是以以陰居陽,雖不當位 之象,九四一陽間於其中,必齧之而後合,故爲噬嗑。 蓋治獄之道,惟威與明 小吝,然時當噬嗑, 祭有膚鼎,蓋肉之柔脆、噬而易嗑者。 占者小傷而无咎也。 物 占者雖傷而終无咎也。❶ 有間者齧而合之也。 然以柔乘剛,故雖甚易,亦不免於傷 腊肉,謂獸腊全體骨而爲之者,堅韌 於義爲无咎也。 中四爻爲用刑之象。 初九,屨校滅趾,无咎。 而得其中之爲貴。 六二,噬 爲卦上下 六三, 噬腊肉 兩陽 膚滅鼻,无 九 六二中正,故 而中 四 初在卦始 故筮得之 六四之柔 又三陰三 虚 一而利用 噬 其占 頣 乾 遇 口

0

[「]占者雖 傷而終无咎也」、《傳義附録 》作「亦小傷 而无

通。 胏 肉 必利於艱難正固則吉。 得用刑之道,故有此象,言所噬愈堅而 《周 得金矢,利 得 黄 禮》,獄訟 金,貞 入鈞金、東矢而後聽之。 厲 艱 貞,吉。 无咎。 戒占者宜如是也。 噬 肺,肉之帶骨者,與 乾肉,難於膚而易於腊 得聽訟之宜也。 九四以剛居柔 六五, 噬 胾 乾 然

極之陽,在卦之上,惡極罪大,凶之道也,故以象、占如 位,用刑於人,人无不服,故有此象。 胏者也。 亦戒占者之辭。 黄,中色。 上九,何校滅耳,凶。 金亦謂鈞 金。 六五柔順 然必貞厲,乃得 何,負也。 而中 ·以居 无咎。 此 過 尊

者自 艮 剛 剛 卦自損來者,柔自三來而文二,剛自二上而文三。 止 而 德明體,自賁於下,爲舍非道之車而 以 於外,故小利有攸往。 來者,柔自上來而文五,剛自五上而文上。 ,陽得陰助 有文明 [處當 陽 爾下艮上實,亨,小利有攸往。 剛 而 如 而 是也。 得正 各得 丽 一,皆无 離明於内,故爲亨。 其分之象。 六二,實其 應與,故 初 九,賁其 故爲賁。 所 須。 以其剛上文柔, 而動 安於徒步之象。 趾 二以 占者以其柔來 舍車 陰柔居中 有貴須之象。 又内離 賁,飾 而 自 徒。 而艮 既 丽 Ē 也。 占 文 外 濟

> 白矣。 如。 所安, 吉。 色、善補過矣、故其象、占如此 儉,故得終吉。 帛,薄物。菱菱,淺小之意。 之道,故有丘園之象。 **戔戔,吝,終**吉。 乃求婚媾耳,故其象如此。 而其往求之心,如飛翰之疾也。 占者宜從上之陽剛 故有永貞之戒。 匪 四與初相實者,乃爲九三所隔而 陽居二陰之間 寇,婚媾。 上九,白 圃 六五柔中,爲賁之主,敦本尚實,得 動 然陰性吝嗇,故有束帛戔戔之象。 皤,白也。 ,得其實而潤澤者也。 也。 六 賁,无咎。 人而如此,雖可 四, 六五, 實于丘 九三,賁如 然九三剛正,非爲寇者 賁 馬,人所乘,人白則 如 皤 賁極反本,復於无 不得 '羞吝',然禮 如 濡 遂, 然不可溺 東 如 白 故 馬 束 永 皤 奢寧 馬 如。 也 帛 貞 翰 賁 於 東 亦

也。 蔑 以 止之象。 在下而方生,一 滅也。 足,蔑貞 陰盛陽衰,小人壯而君子病。 故占得之者,不可以 六二,剥牀以辨, X 陽在上而將盡,陰盛長而陽 剥 自 下 利有 起,滅 有所 攸 蔑 又内坤外艮,有順 正 往 貞 往 則 也。 X [X] 消 剥 初六, 故 落,九月 落 其占如 也。 剥 之卦 時 五. 此 牀 mi 陰

直言凶也。六三、夏魚以言人道、七下河。魚、一、六四、剥牀以膚、凶。陰禍切身、故不復言蔑貞、而之、去其黨而從正、无咎之道也。占者如是、則得无咎。進而上矣。六三、剥之无咎。衆陰方剥陽、而己獨應一、進而上矣。六三、剥之无咎。衆陰方剥陽、而己獨應

直言凶也。六五、貫魚以宮人寵、无不利。魚、

率其類受制於陽,故有此象。而占者如是,則无不利也。陰物。官人,陰之美而受制於陽者也。五爲衆陰之長,當

居之,則剥極於上,自失所覆,而無復碩果、得輿之象矣。在上,剥未盡而能復生。君子在上,則爲衆陰所載,小人上九,碩果不食,君子得輿,小人剥盧。一陽

象既明,而君子、小人其占不同,聖人之情益可見矣。

下也。 來復,乃天運之自然,故其占又爲反復其道,至於七日,當 來亦得无咎。 以其陽既往而復反,故有亨道。 而 踰月,然後一 反復其道,七日來復,利有攸往。復,陽復生於 以 順上行之象,故其占又爲己之出 剥盡則爲純坤十月之卦,而陽氣已生於下矣。積之 **|||||**震下坤上復,亨。 出人无疾,朋來无咎。 又以剛德方長,故其占又爲利有攸往也。 陽之體始成而來復,故十有一月,其卦爲復, 又自五月姤卦一陰始生,至此七爻,而 又内震外坤,有陽動於下 入既得无疾,朋類之 反復其 陽

> 道也。 論也。 迷不復之象,凶之道也,故其占如此。 迷復,凶,有災眚。 中順居尊,而當復之時,敦復之象,无悔之道也。 功。」於剥之六三及此爻見之。 六五,敦復,无悔。 陽氣甚微,未足以有爲,故不言吉。 中,而獨與初應,爲與衆俱行而獨能從善之象。 咎,故其占又如此。 道,往 國,君凶。 又處動極,復而不固,屢失屢復之象。 復,古。柔順中正,近於初九而能下之,復之休美,吉之 於悔,大善而吉之道也。 之主也。 初九,不遠復,无祇悔,元吉。 而 董子曰:「仁人者,正其義不謀其利,明其道不 六三,頻復,厲无咎。 復來,來而 祇,抵也。 至于十年不克征。 復往之意。 又居事初,失之未遠,能 六四,中 用行師,終有大敗。 故其象、占如此。 七日者 行獨 然理所當然,吉凶 以陰居陽,不中不正 以,猶及也 以陰柔居 屢失故危,復則无 復。 所 陽復生於下, 占 復於善,不抵 來復之期 四處群陰之 六二,休 當此之時 上六, 復終,終 以其 非所 以

告,不利有攸往。无妄,實理自然之謂。《史記》作 ■■震下乾上无妄,元亨,利貞。 其匪正有 ■乾下艮上大畜,利貞,不家食,吉。

利涉

妄。 其象、占如此。 下應亦中正,无妄之至也。 陽剛乾體,下无應與,可固守而无咎,不可以有爲之占也。 九非有妄也,但以窮極不可行耳,故其象、占如此 九五,无妄之疾,勿藥有喜。乾剛中正以居尊,而 以去,而居者反遭詰捕之擾也。 之牛,行人之得,邑人之災。卦之六爻皆无妄者 占者如是,則利有所往矣。 六三,无妄之災,或繫 不耕穫、不菑畬之象。言其无所爲於前,无所冀於後也。 知,故其象、占如此。 无妄,往吉。 變,九自二來而居 有攸往。柔順中正,因時順理,而无私意期望之心,故有 而利於正。 無望」,謂 六三處不得正,故遇其占者,无故而有災,如行人牽牛 又二體 無所期望而有得焉者,其義亦通。 若其不 震動而 上九,无妄,行有告,无攸 以剛在内,誠之主也,如是而往,其吉可 於初,又爲震主,動而不妄者也,故爲无 正 乾健,九五剛中而應六二,故其占大亨 六二,不耕穫,不菑 ,則有皆而不利 如是而有疾,勿藥而自愈矣,故 九四,可貞,无咎。 有所往也。 爲卦自訟而 畬,則利 利。 初 九, 上

其義。 吉。 尚之。 大川。 之象焉。 閑興衛,●利有攸往。三以陽居健極,上以陽居 往 極,極而通之時也。 止而不進,有此象也。 卦變言,此卦自需而來,九自五而上。 九二,輿説輹。 九,有厲,利已。乾之三陽爲艮所止,故內外之卦各取 爲利涉大川 正而不家食吉也。又六五下應於乾,爲應乎天,故其占又 剛健,外艮篤實輝光,是以能日 也。 童者,未角之稱。牿,施横木於牛角,以防其觸、詩 「日」當爲日月之「日」。 初九爲六四所止,故其占,往則有危,而利於止 以卦德言,又能止健。皆非大正不能,故其占爲利 大,陽 然過剛銳進,故其占必戒以艱貞、閉習,乃利於有 也。 也。 不家食,謂 又皆陽爻,故不相畜而俱進,有良馬逐 九二亦爲六五所畜,以其處中,故能自 以 艮畜乾,又畜之大者也。 九三、良馬逐、利艱 食禄 新其德而爲畜之大也。以 六四,童牛之牿,元 於朝,不食於家也。 以卦體言,六五尊而 又以内 也。 日 初 乾 畜

● 「日」。《傳義附録》作「曰」,是。注文也應作「曰當爲日

也。 象如此。 易矣。然以柔居中而當尊位,是以得其機會而可制 所 象、占如此。 何天之衢,言何其通達之甚也。 也 謂 放其象、占如此。 六五 楅 衡」者 占雖吉 ,豶豕之牙,吉。 也。 而不言元也。 止 《學記》曰「禁於未發之謂豫」,正此 一之於未角之時,爲力則易,大善之吉 上九,何 畜極而通,豁達无礙,故其 陽已進而止之,不若初之 天之衢,亨。 ,故其

也。 陽。 頤, 者,上之象也。 顛倒而違於常理。 六四之陰 爾 貞吉者,占者得正則吉。 一,顛 ,謂觀 靈 内含四陰,外 口 旁 龜 頤,欲食之貌。 頤 其所以養身之術。 也。 震下艮上 觀 丽 拂 動 口 我 經。 於 食 六三,拂 實内虚,上止下動,爲頤之象、養之義 朵 欲 物以 求養於上,則往 頤, 頤 于丘 N N 初 自 之道 九陽 觀頤,謂觀其所養之道。 貞吉, 区 。 養, 皆得正則吉也。 頭,貞 頤 也。 剛 故 靈龜 在下。足以不食,乃上應 爲養義。 觀 征 故 而得 [X] 其象、 頤, 凶 ,不食之物。 + M_o 自 爲 求 占 年 八卦,上 求 丘,土 養於初 如 初九,舍 勿用 此。 自求口 口 朵,垂 下二 一之高 實。 則 六

> 此。 古。 頤,雖 上九之養以養人,是物由 不正,居尊位而不能 六五,拂經,居貞吉,不可 丽 應又正,而賴 虎視耽耽,其欲 无攸利。 專也。 陽剛在上,故利涉川 上九, Œ 亦凶。 其欲逐 陰柔不中 其養以施於下,故雖顛而 由 故其 頤,厲,吉。 逐, 養人,反賴上九之養,故其象、 逐逐,无咎。 象、 求 Œ 而 占 上九以養也。 以 繼 如此。 也。 處 動 利涉 極 又能 涉 六 拂 大 柔居 古。 四 位高任重 如 大川 於頭 III 是 虎視耽 上而得 顛 矣。 則无咎矣。 六五 頤 六 既 故 耽,下 正,所 陰柔 阿属而 占 吉。 Ŧi. 拂 賴 如 於

懼 之始,而 二,枯楊生稊,老夫得其女妻,无不利。 用白茅,无咎。 外說,有可行之道,故利有所往 重,故有棟橈之象。 大,陽也。 而无咎者也,故其象、占如 **黑**異下兌上大過, 比 四陽居中過盛,故爲大過。 初 陰, 故其象、占如 當大過之時 又以 四 棟 陽雖過,而二、五 此。 橈。 此。 以以 而得亨也。 白 陰柔居巽下,過 稊,根也,榮於下 茅,物之潔者。 利 上下二陰不勝 有 攸 得中, 初六, 往 一,亨。 陽過 於 内 九 者 畏 巽 其

象也。 功也。 仁之事,故其象、占如此。 處過 其象、占皆與二反。 又戒以有它則吝也。 故其象隆而占吉。然下應初六以柔濟之,則過於柔矣,故 九 也,榮於下則生於上矣。 四 夫,无咎无譽。 極之地,才弱不足以濟, ,棟隆,吉。 九三以 九三,棟橈,凶。 剛 居剛 上六,過涉 九五,枯楊生華,老婦得其 有它吝。 ,不勝其重,故其象橈而 九五陽過之極,又比過極之陰,故 夫雖老而得 然於義爲无咎矣,蓋殺身成 三、四二爻居卦之中,棟之 以陽居陰,過 滅頂 女妻,猶能成生育之), 区 , 无咎。 而不 占 過,

實也。 此。 坎 習,重習也。坎,險陷也,其象爲水。 出,故爲有險之象。 以是而行,必有功矣,故其占如此。 六三,來之坎坎 容,凶。 九二,坎有 **其**坎下坎上習坎,有孚,維 此卦上下皆坎,是爲重險。 以陰柔居重險之下,其陷益深,故其象、占如 險,求 然剛 險 而得 且枕,人于坎窞,勿用。 小得。 中,故其占可 中實爲有孚心亨之象 初六,習坎,入于 處重險之中,未能 陽陷陰中,外 心亨,行 以求 小 有尚。 虚 得 而中 也 自

> 得,凶。 雖在坎中,然以陽剛中正居尊位 之時,剛柔相際,故有但用薄禮,益以誠心,進結自牖之象。 六四 占如此。 故其占如此。 牖非所由之正,而室之所以受明 之。貳,益之也。 晁氏云,先儒讀 益深,不可 以陰柔不中 豆,右執挾匕,周旋而貳」是也。 停轉 上六、係用徽纆、寘 以陰柔居險極,故其象、占如此 用也。 酒 Ė 一而履 九五,坎不盈,祗既平,无咎。 簋, 貮用 「樽酒簋」爲一句,「貮用缶」爲一句。 《周禮》「大祭三貳」、《弟子職》「左執虚 故其象、占如此。 重險之間,來往皆險。 缶 納 九五尊位,六四近之,在險 也。 ,而時亦將出矣,故其象 約 一一叢 始雖艱阻,終得无咎 枕, 自 前險 牖, 倚 **、棘,**三 着 而後枕 未安之意。 終无咎。 歲不 以其陷 九五 今從

得正。 也。 吉也。 陰麗於陽,其象爲火,體陰而用陽也。 |||離下離上離,利 牝牛,柔順之物也。 初九、履錯然、敬之、 貞,亨,畜牝牛吉。 故占者能正則 无咎。 (亨,而) 物之所麗 以剛居下 畜 牝 ,貴乎 圃 牛 麗 則

●「其」、原脱、據宋甲本補。

此。 得吉。戒占者宜如是也。 戒占者宜如是也。 中而得其正,故其象、占如此。九三,日昃之離,不 明體、志欲上進、故有履錯然之象。敬之則无咎矣。 咎之道也,故其象、占如此。 麗乎中,然不得其正,而迫於上下之陽,故憂懼如此,然後 盡,故有日昃之象。不安常以自樂,則不能自處而凶 鼓缶而歌,則大耋之嗟,凶。重離之間,前明將 者宜如是也。 首,獲匪其醜,无咎。 如,棄如。 六五,出涕沱若,戚嗟若,吉。 後明將繼之時,而九四以剛迫之,故其象如 六一,黃離,元吉。黃,中色。柔麗乎 九四,突如其來如,焚如,死 上九,王用出 剛明及遠,威振而刑不濫,无 征,有嘉折 以陰居尊,柔 戒占 矣。

朱熹本義

也。 其股,執其隨,往吝。 中正之德,能居其所,故其占動 守者也。二當其處,又以陰柔不能固守,故取其象。 凶 雖主於感,然六爻皆宜靜而不宜動也。六二,咸其腓 下,咸拇之象也。 男女之正,婚姻之時,故其卦爲咸,其占亨而利正,取女則 兌説則應之至。又良以少男下於兌之少女,男先於女,得 初六,咸其拇。 ,居吉。腓,足肚也。 蓋感有必通之理,然不以正則失其亨,而所爲皆凶矣。 兌柔在上,艮剛在下,而交相感應。又艮止則感之專, **则**艮下兑上咸,亨,利貞,取女吉。咸,交感 感之尚淺,欲進未能,故不言吉凶。 拇,足大指也。 咸以人身取象,感於最 欲行則先自動,躁妄而不能固 股,隨足而動,不能自專者也。 [X] ൬ 靜吉也。 九三,咸 然有 此卦

> 其象如此,凶咎可知。 居説之終,處感之極,感人以言而無其實,又兌爲口舌,故 頰、舌。輔、頰、舌皆所以言者,而在身之上。上六以陰 是,則雖不能感物,而亦可以无悔也。 物而无私係。 正固,而累於私感,則但其朋類從之,不復能及遠矣。 因占設戒,以爲能正而固,則吉而悔亡,若憧憧往來,不能 固,乃得其理,今九四乃以陽居陰,爲失其正而不能固。 五,咸其脢,无悔。 下,又當三陽之中,心之象,咸之主也。 隨之,往則吝矣。故其象、占如此。 執者,主當持守之意。下二爻皆欲動者,三亦不能自守而 憧憧往來,朋從爾思。 九五適當其處,故取其象,而戒占者以 脢,背肉,在心上而相背,不 九四居股之上, 脢之 九四,貞吉,悔 上六,咸其輔 心之感物,當正 能感 能 九 故 如 而

二物相與",巽順,震動,爲巽而動",二體六爻陰陽相應。 往。 又必利於守正,則乃爲得所常久之道,而利有所往也。 者皆理之常,故爲恒。 恒,常久也。 **||**異下震上恒,亨,无咎。 爲卦震剛在上,巽柔在下, 其占爲能久於其道則亨 利貞,利有 震雷 而无咎。 巽 (風, 攸 初 四

也。 也。 六,浚 凶 也。 其位,故爲此象。 皆得奉而進之,不知其所自來也。貞吝者,正而不恒,爲可 或承之羞之象。或者,不知其何人之辭。 也。 又陰柔不 應剛中,常久不易,正而固矣。 羞吝,申戒占者之辭。 正,然過剛不中,志從於上,不能久於其所,故爲不恒其德, 理求之,後恒之象也。 不能度勢,又以陰居巽下,爲巽之主,其性務人,故深以常 而不下,又爲二、三所隔,應初之意,異乎常矣。 六五,恒其德,貞。婦人吉,夫子凶。 九二,悔亡。以陽居陰,本當有悔,以其久中,故得亡 也 故其象、占如此。 上六居恒之極,處 九三,不恒其德,或承之羞,貞吝。 然初居下而在初,未可以深有所求,四震體而陽,性 能固守,居上非其所安,故有振恒之象,而其占則 貞 凶 占者田无所獲,而凡事亦不得其所求也。 无 占者如此,則雖正亦凶 震之終 九四二 上六,振恒,凶。 攸 利 然乃婦人之道,非夫子之宜 ,恒極則 田 无禽。 初 與 不常, 四 承,奉也。 爲 以陽居陰,久非 振者,動之速 震 正 而无所利矣。 松則過 應, 初之柔暗 以柔中而 位 理 言人 雖得 之常 動, 上

之,而小人不能,故占者君子則吉,而小人否也。 剛健,有情好而能 子之於小人,惟臣妾則不必其賢而可畜耳。 也。 二陰浸長,陽當退避,故爲遯,六月之卦 而有所係之象,有疾而危之道也。 三,係遯,有疾,厲。 守,人莫能解,必遯之志也。 危之道也。占者不可以 道亨,小人則利於守正,不可以浸長之,故而 九四、好遯、君子吉、小人否。 六二,執之用黃牛之革,莫之勝説。 初六、遯尾、厲、勿用有攸往。 於下,則其勢不可以不遯。 九五當位,而下有六二之應,若猶可以 小謂陰柔小人也。此卦之占,與否之初、二兩爻相 ||||艮下乾上 絕之以遯之象也。❶ 遯,亨, 有所往,但晦 畜臣 故其占爲君子能遯 小利 占者固守,亦當如 一妾吉。 然以畜臣妾則吉。 貞。 處靜俟,可免災耳。 遯而在後,尾之象, 有爲, 下應初六,而 也。 惟自克之君子能 遯 下比 退 故其占. 陽 遂 但 則身雖 避 雖當 以 侵 也。 陰 是。 九五 中 迫 陰 遯 如 當遯 蓋君 ·順自 於陽 退而 浸 爲 此。 九 然 卦

「情」,玉海堂本、《傳義附録》作「所」。

其象、占如此。肥者,寬裕自得之意。利。以剛陽居卦外,下無係應,遯之遠而處之裕者也,故嘉美者也。占者如是而正則吉矣。 上九,肥遯,无不嘉遯,貞吉。剛陽中正,下應六二,亦柔順而中正,遯之

也。 吉。 正固 占。 則用罔也。 居下而壯于進, 進動之物也。 故爲大壯,二月之卦也。 決 則 藩 不失其正。 九三、小人用壯、君子用罔、 雖 羸 不 而已。 藩決不羸 貞厲之占,其象如此。 正 以陽居陰,已不得其正矣,然所處 羸 ||||乾下震上大壯 亦危矣。 其 角。 壯 故戒占者,使因中 罔,无也。 初九, 壯于 剛陽處下而當壯時,壯于進者也,故有此象。 于 承上文而言也。 其凶必矣,故其占又如此。 過剛不中,當壯之時,是小人用壯 羝羊,剛壯喜觸之物。 大 興之 視有如无,君子之過於勇者也, 陽壯則占者吉亨不假言,但利在 ,利貞。 趾 輹。 九四,貞吉,悔亡。 征 以 決,開也。 求正,然後可 貞吉悔亡,與 X 大謂陽 有 貞厲。 得中, 藩,籬也。 孚。 他,四 前有四 則猶可因以 以 九二,貞 趾,在下而 咸 羝 得吉 一陽盛 ,而君子 九四 羸, 羊 如此 猶有 也。 藩 長 觸 困 同

> 進也。 藩焉; 則尚 羊觸 易,无 也。 壯終動極 場之「場」,亦通。 象、占如此。❶ 六五以柔居中,不能抵觸,雖失其壯,然亦无所悔矣,故其 可以得吉也 以陽居陰,不極其剛,故其象如此。 藩,不能退,不能遂,无攸 四 其象如此,其占可知。 悔。 前二陰,則 ,故觸藩 桂 易,容易之意,言忽然不覺其亡也。 體似兌,有羊象焉,外柔而内剛 《漢・食貨志》「場」作「易」。 而不能退。 藩決矣。 然猶幸其不剛,故能艱以 壯于大輿之輹,亦 然其質本柔,故又不能 利, 六五,喪羊于 艱 上 者也。 可進之象 則吉 一六,羝 或 遂其 作疆 獨

接。 之柔進而上行 地上之象,順 言多受大賜,而顯被親禮也。 晉,進也。 坤下離上晉, 而麗乎 ,以至於五。 康侯,安國之侯也。 大明之德。 康侯用錫 占者有是三者 蓋其爲卦,上離下 又其變自 錫馬 馬 蕃庶, 蕃庶 觀 則 而 亦當有 來, 坤 晝日三 畫 有日出 爲 日三 是 六四 接 龍

■ 「故其象占如此」,玉海堂本作「故其象如此而占亦與

本義

九四; 然以極剛治小邑,雖得其正,亦可吝矣。 有其象矣。占者得之而以伐其私邑,則雖危而吉且无咎。 邑,厲吉,无咎,貞吝。角剛而居上,上九剛進之極, 亦必有其德,乃應其占耳。 悔亡。又一切去其計功謀利之心,則往吉而无不利也。 居陽,宜有悔矣,以大明在上而下皆順從,故占者得之則其 也。 六五,悔亡。 畏人,蓋危道也,故爲鼫鼠之象。占者如是,雖正亦危也。 悔者,以其與下二陰皆欲上進,是以爲衆所信而悔亡也。 尊者,皆其類也。 福于王母也。 正,上無應援,故欲進而愁。占者如是而能守正則吉,而受 以陰居下,應不中正,欲進見摧之象。 晉如愁如,貞吉,受兹介福于其王母。六二中 設不爲人所信 晉如鼫鼠,貞厲。不中不正,以竊高位,貪而 晉如 王母指六五,蓋享先妣之吉占。而凡以陰居 失得勿恤,往吉,无不利。 六三,衆允,悔亡。三不中正,宜有 摧 亦當處以寬裕 如, 上九,晉其角,維用伐 貞吉。 則无咎也。 占者如是而能守正 罔 乎, 裕 六二, 无 以 咎。 然 陰

||||離下坤上明夷,利艱貞。夷,傷也。爲卦下

也。 者。 門庭者,得意於遠去之義。言筮而得此者,其自處當 至於暗,而又足以傷人之明。 内難正志以晦其明之象。 淺,故猶可以得意於遠去。 外,故隨其遠近高下而處之不同。 得其首惡之象。然不可以亟也,故有不可疾貞之戒。 此爻之義未詳。竊疑左腹者,幽隱之處。獲明夷之心于出 也。 起於夏臺,文王興於羑里,正合此爻之義,而小事亦有然 上,而屈於至闇之下,正與上六闇主爲應,故有向明除 狩,得其大首,不可疾貞。以剛居剛,又在明體之 切,救之速則免矣,故其象、占如此。 象。占者行而不食,所如不合,時義當然,不得 六二,明夷,夷于左股,用拯馬壯吉。 日不食,有攸往,主人有言。 暗之主,六五近之,故占者利於艱難以守正,而自晦 離上坤,日入地中,明而見傷之象,故爲明 六四,人于左腹,獲明夷之心于出門 蓋離體爲至明之德,坤體爲至暗之地,下三爻明在 初九 ,明夷于飛,垂其翼。 上則極乎暗矣,故爲自傷其明以 五以柔中居暗地而已迫,故爲 蓋下五爻皆爲君子,獨上 六四以柔正居暗地 九三,明夷 飛而垂翼,見傷之 君子于行,三 夷。 又其上六爲 而 傷 八于南 避 成湯 庭。 而未 而 如 其 也 暗 是

占亦在其中矣。 古亦在其中矣。 古亦在其中矣。 六五,军明,晦。 初登于天,後入地,近至闇之君,而能正其志,箕子之象也,貞之至也。利地,近至闇之君,而能正其志,箕子之象也,貞之至也。利少爲暗君也。 六五,箕子之明夷,利貞。居至闇之

主利,以陰居陰而在上位,能富其家者也。 其德爲應,故兩言之。 有悔厲而吉也。 柔順中正,女之正位乎内者也,故其象、占如此。 九三, 居剛而不中,過乎剛者也,故有嗃嗃嚴厲之象。 者當如是也。 有家,勿恤,吉。假,至也,如假于太廟之假。有家,猶 家人嗃嗃,悔厲,吉。 正乎内也,内正則外無不正矣。 卦之九五、六二外内各得其正,故爲家人。利女貞者,欲先 初九以剛陽處有家之始,能防閑之,其悔亡矣。 ■離下異上家人,利女貞。家人者,'家之人。 六二,无攸遂,在中饋,貞吉。六二 嘻嘻者, 嗃嗃之反, 吝之道也。 占者各以 六四,富家,大吉。陽主義,陰 婦子嘻嘻,終吝。 初九,閑有家,悔 九五,王假 如是,則雖 以剛 戒占

古。上九以剛居上,在卦之終,故言正家久遠之道。占者占,而凡有是德者遇之皆吉也。 上九,有 孚 威 如,終是至于其家,則勿用憂恤而吉可必矣。蓋聘納后妃之吉言有國也。九五剛健中正,下應六二之柔順中正,王者以

必有誠信嚴威,則終吉也。

自中孚來者,柔進居五,自家人來者兼之。以卦體言之,則 興曳,其牛掣,其人天且劓,无初有終。六三, 曲相求而得會遇,乃爲无咎,故其象、占如此。六三,見 巷,无咎。二、五陰陽正應,居睽之時,乖戾不合,必委 應,其悔亡矣,故有喪馬勿逐而自復之象。 然後可以辟咎,如孔子之於陽貨也。 惡人,无咎。上无正應,有悔也,而居睽之時,同德 上九正應,而三居二陽之間,後爲二所曳,前 有吉之道也。 六五得中而下應九二之剛。是以其占不可大事,而小事尚 下澤,性相違異,中女少女,志不同歸,故爲睽。 言之,内説而外明。以卦變言之,則自離來者,柔進居三, □ 分下離上睽,小事吉。睽,乖異也。 初九,悔亡,喪馬,勿逐自復。 九二,遇主于 然亦必見惡人 爲四所掣, 然以卦德 爲卦上火 見

三八

寇,婚 遇雨則吉,疑盡釋而睽合也。 也。 也。 負塗,見其污也。 負 六五有柔中之德,故其象、占如是。 陽,悔也,居中得應,故能亡之。厥宗指九二,噬膚言易合。 同德相信。 終必得合,故其象、 當 交孚,厲无咎。 B 睽 之 時 (塗,載 ,而己以剛 説弧,疑稍釋 六五,悔亡。 媾。 鬼 上 然當睽時,故必危厲乃得无咎。 處明極睽極 九 往 猜 車。 也 載 遇 狠方深,故 占如此。 睽孤謂无應,遇元夫謂得初九,交孚謂 鬼 雨 匪寇,婚媾,知其非寇而實親也。 厥宗噬 則吉。 先張之弧,後説之弧 之地,又自猜 車,以无爲有也。 又有髡劓之傷。 上九之與六三、先睽後合,故 九四、睽孤 膚,往何咎? 睽孤,謂六三爲二 上九,睽孤,見豕 狠而 乖離 張 占者 ,遇元夫, 然邪不勝 弧,欲射之 也。 亦如是 以陰居 一陽所 ",匪 見豕 正 往

大人 方在蹇中,不宜走險。 坎上,見險而止,故爲蹇。 、貞吉。 艮下坎上 蹇,難也,足不能進,行之難也。 又卦 利 西南平易,東北險阻,又艮方也 西 自小過而 南, 不 來,陽進則 利 東 北。 往居 爲卦艮下 利見 五 而

其象、占如此。

指九五 也。 之德,必有朋來而助之者。 之,益以蹇耳。 蹇,朋來。 四、往蹇、來連。 凶者,占者但當鞠躬盡力而已,至於成敗利鈍,則非所 失其正也。 吉。 北。 在險中,故蹇而又蹇,以求濟之,非以其身之故也。 見險者貴於能止,而又不可終於止,處險者利於進,而 得正位,則又貞之義也,故其占又曰「利見大人,貞吉」。 六,往蹇,來碩,吉,利見大人。 得 二,王臣蹇蹇,匪躬之故。 中 而卦之九五剛健中正,有大人之象,自二以上五爻皆 九三、往蹇、來反。 當蹇之時,必見大人然後可以濟難,又必守正然後得 退 則 曉占者宜如是也 人 初六,往蹇,來譽。 大蹇者,非常之蹇。 於 來就九五,與之濟蹇,則有碩大之功。 艮 愐 不 連於九三,合力以濟。 進 占者有是德 0 故 反就二陰, 其 九五居尊 柔順中正,正應在 占 往遇險。 日 已在卦 則 得 利 有是助矣。 丽 西 其 來得譽。 有剛健 九 南, 極、往 所 安。 五 不言吉 不 大人 无 中 上 不 利 上 大 六 正 口 m 東

● 「不」下,玉海堂本有「能」字。

者,必解

而去之則吉也。

乎

驗

也。

君

子

有解

以小人之退

者也。 斯孚。 吉 得中直之象,能守其正則無不吉矣。六三,負且乘, 此爻取象之意未詳。 之,則君子之朋至而相信矣。 陰即三狐之象也。大抵此爻爲卜田之吉占,亦爲去邪媚而 故其占如此。 六,无咎。難旣解矣,以柔在下,上有正應,何咎之有? 而安靜; 又得中,故利於西南平易之地。 爲煩擾。 於險之外矣,解之象也。 有孚于小人。 致寇至,貞吝。《繫辭》備矣。貞吝,言雖以正得之,亦 羞也,唯避而去之爲可免耳。 有攸往,夙吉。 ||||坎下震上解,利 然四陽 拇指初。 若尚有所往,則宜早往早復,不可久煩擾也。 且其卦自升來,三往居四,入於坤體,二居其所而 而 九二,田獲三狐,得黃矢,貞吉。 初 卦凡 初與四皆不得其位而相應,應之不以 陰,①其 或曰: 四 難之旣解,利於平易安靜,不欲 陰,而六五當君位, 解,難之散也。 西南。 類 卦凡四陰,除六五君位,餘三 六五 則不同 若無所往,則宜來復其所 九四,解而拇,朋至 ,君子維有 无所往,其來復 矣。② 居險能動,則 若能 與三陰同類 解吉, 解 而去 初 正 久 出

也。 變其所守,乃所以益上也。 守,不肯妄進,故占者利貞,而征則凶也。 其象、占如此。 艮山之高,損下益上,損内益外,剥民奉君之象,所以爲損 人,一人行則得其友。 上應六四之陰,輟所爲之事而速往以益之,无咎之道也,故 已事遄往,无咎,酌損之。初九當損下益上之時 爲卦,損下卦上畫之陽,益上卦上畫之陰,損兌澤之深,益 「曷之用? 二簋可用享」,言當損時則至薄无害。 有攸往。 曷之用? 一,利貞,征凶。 損所當損而有孚信, **Ⅲ**贫下艮上損,有孚,元吉,无咎,可 然居下而益上,亦當斟 弗損,益之。 則其占當有此下四者之應矣。 二簋可用享。 下卦本乾,而損上爻以 六三,三人行 酌 九二剛中,志在自 弗損益之,言不 其 淺深也。 損,减省也 則 真,利 初九, 損 益坤 九

[「]而」,原脱,據玉海堂本、《傳義附録》補。

[「]則」、「矣」,原脱,據玉海堂本、《傳義附録》補。

也。 也。 三人行 也。 是則无咎。 下,有所謂惠而不費者,不待損己然後可以益 時,居卦之上,受益之極,而欲自損以益人也。 占者有是德,則獲其應也。 朋,十朋之龜,大寶也。或以此益之而不能辭,其吉可知。 柔順虚中以居尊位,當損之時,受天下之益者也。 陽剛益己而損其陰柔之疾,惟速則善。 貞吉,利有攸往,得 廣矣,故又曰得臣无家。 兩相與則專,參則雜而亂,卦有此象,故戒占者當致 六四, 六五,或益之十朋之龜,弗克違,元吉。 而 損 然亦必以正則吉,而利有所往。 一人 損其疾,使遄有喜,无咎。 也。 陽上 臣无家。上九當損下益上之 上九,弗損益之,无咎, 而 陰下, 戒占者如是則无咎 人行 惠而不費,其 然居上而益 人也。 以初九之 而 兩龜爲 得 能 其 如 友

九,利用爲大作,元吉,无咎。初雖居下,然當益震、上巽皆木之象,故其占利有所往,而利涉大川也。初而下於下卦之下,故爲益。卦之九五、六二皆得中正,下增益也。爲卦,損上卦初畫之陽,益下卦初畫之陰,自上卦增益。

擊之。 莫益而或擊之。 信以惠于上矣。 問元吉,有孚惠我德。 用圭也,用圭所以通信。 時,居下之上,故有益之以凶事者。 立。此爻又爲遷國之吉占也。 東遷、晉、鄭焉依。」蓋古者遷國以益下、必有所依、然後能 益下爲心而合於中行,則告公而見從矣。《傳》曰: 爲依遷國。三、四皆不得中,故皆以中行爲戒。 之也。占者如此,然後可以无咎。又戒以有孚中行而告公 主。六三陰柔,不中不正,不當得益者也。 以永貞爲戒。以其居下而受上之益,故又爲卜郊之吉占。 弗克違,永貞吉。王用享于帝吉。六二當益下 下之時,受上之益者也,不可 六三,益之用凶事,无咎。 之時、虚中處下、故其象、占與損九五同。 作,必元吉,然後得无咎。 立心 勿恒,凶。 不問而元吉可知。 立心勿恒,戒之也 六四,中行告公從。 六二,或益之十朋之龜, 以陽居益之極,求益不已,故 徒然无所報 上有信以惠于下,則下亦有 九五,有孚惠心,勿 有孚中行,告公用 蓋警戒震動,乃所以益 上九,莫益之,或 然爻位皆陰,故 効 然當益下之 故利用爲大 此言以 利用 「周之

目也。 若濡,而爲君子所愠,然終必能決去小人,而 咎。 往也。 不安,行則不進。 嶠之於王敦,其事類此。 若能果決其決,不係私愛,則雖合於上六,如獨行遇雨至於 夜有戎,亦可无患也。 之時,剛而居柔,又得中道,故能憂惕號呼以自戒備 牽羊悔亡。 三當決之時,❶以剛而過乎中,是欲決小人而剛壯見于面 夬夬,獨行遇雨若濡,有愠,无咎。煩,顴 占如此。 厲,不可安肆,又當先治其私,而不可專尚威武,則利有所 也,三月之卦也。 自邑,不利即 正名其罪,而 前 如是則有凶道矣。然在衆陽之中,獨與上六爲應, 皆戒之之辭。 **顺**乾下兌上夬,揚于王庭,孚 猶進也。 九二,惕號,莫夜有戎,勿恤。 盡誠以 聞言不信。 若不與 當決之時,居下任壯,不勝宜矣,故其象、 以五陽去一陰,決之而已。然其決之也。 戎,利有攸 初九 九三、壯于頄,有凶。 呼號其衆,相與合力。 衆陽 九四,臀无膚,其行次且 ,壯于前趾,往不勝,爲 競進 以陽居陰,不中不正,居則 往。 而安出其 夬,決 號。 无所咎也。 後 然亦尚有危 也。 有 則 九 陽決陰 可 厲 也。 君子 而莫 一當決 以 告 九 溫 L

> 其悔; 反是。 咎。 決之主,而切近上六之陰,如莧陸然。 所號呼,終必有凶也。 无號,終有凶。 爲過暴,合於中行,則无咎矣。戒占者當如是也。 隨其後,則可以行矣。 信,型則轉凶而吉矣。 **莧陸,今馬齒莧,感陰氣之多者。** 然當決之時,志在 陰柔小人,居窮極之時,黨類已盡,无 牽羊者,當其前則不進,縱之使前 占者有君子之德則其敵當之,不然 九五 上進, , 莧 陸, ,必不能 若決而決之,而又不 也。 九五當決之時,爲 夬夬,中行 占 者聞 上六, 其言 无 而 而

卦。 遇已非正,又一陰而遇五陽,則女德不貞,而壯之甚也。 柅,貞吉,有攸往,見凶。 以 決盡則爲純乾四月之卦,至姤然後 自配,必害乎陽,故其 以其本非所望 |||異下乾上姤, 而卒然值之,如 女壯,勿 象、占如此。 羸 一陰可見,而 用 不 豕孚蹢 期 取 初 而遇者 女。 六, 躅。 繋于 姤,遇 ,故爲遇。 爲五月之 金 也 取

^{● 「}決」。原作「夬」,據玉海堂本、《傳義附録》及上下文義

② 「其」,原脱,據《傳義附録》補。

四

其勢不可止也,故以羸豕蹢躅曉君子,使深爲之備云。 以 包有魚之象。 一,包有魚,无咎,不利賓。魚,陰物,二與初遇,爲 (凶,故以二義戒小人,使不害於君子,則有吉而无凶。 止 以 金爲之,其 然制之在己,故猶可以无咎。 剛 可 知。 陰始生 ,靜正則 若不制而使遇 吉, 往 九 然 進

见己,京,已,万。万六正惠出男於二,而下及於己,故其既无所遇,則无陰邪之傷,故雖危厲而无大咎也。 九四,初,上无應於上,居則不安,行則不進,故其象、占如此。然其行次,且,厲,无大咎。 九三過剛不中,下不遇於 其行次,且,厲,无大咎。 九三過剛不中,下不遇於於衆,則其爲害廣矣,故其象、占如此。 九三,臀无膚,

天。瓜,陰物之在下者,甘美而善潰。杞,高大堅實之木象、占如此。 九五,以杞包瓜。含章,有隕自包无魚,起凶。初六正應已遇於二,而不及於己,故其

則可以回造化矣。有隕自天,本无而倐有之象也。上如此。然陰陽迭勝,時運之常,若能含晦章美,靜以制之,也。五以剛陽中正主卦於上,而下防始生必潰之陰,其象

居上,而无位,不得其遇,故其象、占與九三類。 九,姤其角,吝,无咎。角,剛乎上者也。上九以剛

||||坤下兌上萃,亨。王假有廟。利見大

也。 虚中以上應,九五剛健中正,誠實而下交,故卜祭者有其孚 衆以爲笑,但勿恤而往從正應,則无咎矣。 得亨,然又必利於正,所聚不正,則亦不能亨也。 則可以至于廟而承祖考也。物旣聚,則必見大人而後可以 也。 誠 雜於二陰之間,必牽引以萃,乃吉而无咎。 不能自守,是有孚而不終,志亂而妄聚也。 恤、往、无咎。 有孚不終,乃 至乎宗廟之中,王者卜祭之吉占也,《祭義》曰「公假于太 而後有,聚則可以 廟」是也。❶ 萃聚之象,故爲萃。 人,亨,利 ,則雖薄物 六二,引吉,无咎。 坤順、兌説、九五剛中而二應之、又爲澤上於地、萬物 廟所以聚祖考之精神,又人必能聚己之精神。 貞。 亦可以祭矣。 亂 有 初六上應九四而隔於二陰,當萃之時 用大牲吉。 「亨」字衍文。 所往,皆占吉而有戒之辭。 乃萃。 六三,萃如嗟如,无攸 孚乃利用禴。二應五 若號, 王假有 利 有 又二中正柔順 廟,言王者可 攸 握 若呼 戒占者當如是 往。 爲 號 大牲必聚 笑,勿 初六, IE. 萃,聚 應則 以

[·] 引語出自《禮記·祭統》。

萃矣。 咎也。 九五 咎。 利,往 齎咨涕洟,无咎。 亦脩其元永貞之德而悔亡矣。 九五剛陽中正,當萃之時而居尊固,无咎矣。若有未信,則 欲求萃於近而不得,故嗟 戒占者當近捨不正之強援,而遠結正應之窮交,則无 然不得其萃,困然後往,復得陰極无位之爻,亦小可羞 ,萃有位,无咎。 然以陽居陰不正,故戒占者必大吉然後得无咎也。 九四,大吉,无咎。上比九五,下比衆陰,得其 无咎,小吝。 處萃之終,陰柔无位,求萃不得,故 如而无所利,唯往從於上,可以无 六三陰柔,不中不正,上无應與, 匪孚,元永貞,悔亡。 戒占者當如是也。

陰虚 利用禴, 巽於二陽,占者如之,則信能升而大吉矣。 六,允升,大吉。 九二剛中而 征 " **>** 坤 升,進而上也。 有國邑之象,九三以陽剛當升 无咎。 五應之,是以其占如此。 義見萃卦。 初以柔順居下,巽之主也,當升之時, 卦自解來,柔上居四,内巽外順, 九三,升虚邑。 南征,前進也。 7時而 九二,孚乃 進 臨於坤,故 陽實 南 初

戒占者必如此然後可以无咎也

其象、占如此。 之於不息之正而已。 尊位,必能正固,則可以得吉而升階 已者也。占者遇此,无適而利,但可反其不已於外之心,施 上六,冥升,利于不息之貞。 義見隨卦。 六五,貞吉,升階。 六 四、王用亨于 岐 以陰居升極,昏冥不 以陰居陽,當升而 矣。 山,吉, 階,升之易者。 无

于株木,傷而不能安也。 故曰貞。又曰大人者,明不正之小人不能當也。 説,處險而説,是身雖困而道則亨也。 酒 故其象、占如此。 信,又戒以當務晦默,不可尚口,益取窮困 九二爲二陰所揜,四、五爲上六所揜,所以爲困。 用享祀。 于株木,人于幽谷,三歲不覿。 人之象,占者處困能享,則得其正矣,非大人其孰能之, 言不信。 食,人之所欲,然醉 **||**坎下兌上困,亨,貞,大人吉,无咎。 困者,窮而不能自振之義。 征 凶,无咎。 九二,困于酒食,朱紱方來,利 飽 過 初六以陰柔處困之底,居暗之甚。 宜 困于酒食,厭 則 是 反爲 二、五剛中,又有大 坎剛爲兌柔所揜 臀,物之底也,困 所 困 初六,臀困 飫苦惱之意。 矣。 坎險,兌 朱 有言不 紱方 有 其占曰,若能有悔,則可以征而吉矣。 車爲九二,象未詳,疑坎有輪象也。 説也,占具象中。 陰揜,下則乘剛 下既傷,則赤紱无所用,而反爲困矣。 象如此。 位不當,不能濟物,而初六方困於下,又爲九二所隔,故 宮謂三, 征行則非 來,上 而不中正,故有此象,而其占則 赤紱,乃徐有説。 徐,困于金車,吝,有終。 反困於得其所欲之多,故其象如此, 故有困于葛藟、于臲 應之也。 臲 于蒺藜,人于其宫,不見其妻,凶。 而妻則六也。 然邪不勝正,故其占雖爲可吝,而必有終也。 共時 卼, 九二 日 ,故有此象。 故凶 又利祭祀,久當獲福。 動 有 一; 而 悔。 其義則《繫辭》備矣。 剛 利用祭祀。 卼 中 於義爲 日動悔之象。 之德 然剛中而說體,故能遲久而 有悔,征吉。 区。回 初六九四之正應,九四 无咎也。 以 九五,劓刖, 而其占利以亨祀。 處 九五當困之時,上爲 劓刖者,傷於上下。 石指四,蒺藜指二, 困 上六,困于葛 時 然物窮則變,故 六三, , 雖 九四,來徐 以陰柔處困 无 X 困 困 害 陰柔 前 于 于 若 金 其 有 處

鯔異下坎上井,改邑不改井,无喪无得,往 □ ♀ 「木」,原

也。 六居四 井。 而 物,而施者、受者並受其福也。 我心惻, 初六,功不上行,故其象 鮒,甕敝 泥,則人所不食,而禽鳥亦莫之顧矣。 剛爲泉,上出爲功,初六以陰居下,故爲此象。 成而敗也。 瓶 **汔**,幾也。 地出水之處。 來井井。 未爲時用 則凶 井渫不食而使人心惻,可 改邑不改井,故无喪无得,而往者、來者皆井其 雖 也。 得其正,然陰柔不泉 繙, 綆也。 漏。 可 放其象、占如此。 初六,并泥不食,舊井无 汔至亦未 其占爲事仍舊,无得喪,而又當敬勉 以巽木入乎坎水之下,❷而 用 九二 汲。 羸, 剛中,有泉之象。 如此。 王 ,敗也。 編井? 明 用汲矣。 六四 並 , 則 九三以陽居陽,在下之上。 九三,井渫 汲井幾至,未盡綆 羸 一受其 但 其 能脩治, 井甃,无咎。以 然上無正應,下 瓶 九二,井 王 福 上出 明 凶 禽。 則 而无及物 蓋井不泉 不 渫,不停污 其 汲井以及 食, 不不 水,故爲 井 井以 而敗 谷 并 者,穴 可 也。 爲 射 而 陽 其

^{● 「}而」,原作「二」,據玉海堂本、《傳義附録》改

❷ 「木」,原脱,據玉海堂本、《傳義附録》補。

同

也。

其占爲當堅

確固守

而

不

可以

有爲。

聖人之於變

元吉也、 取也。晁氏云: 故上六雖非陽剛 洌,潔也。 有孚,謂其出有原而不窮也。 契其象也。 物之功, 功,故其象爲井甃,而占則无咎。占者能自脩治 圃 陽剛中正,功及於物,故爲此象。 亦可以无咎矣。 上六,井收勿幕,有孚,元吉。 「收,轆轤收繘者也。」亦通。 而其象如此。 井以上出爲功,而兌口不揜, 九五,井洌寒泉, 然占者應之,則必有孚乃 占者有其德則 幕,蔽覆也。 ,則雖無及 收,汲 食。

固也。 皆大亨而得其正,所革皆當,而所革之悔亡也。● 一有不 以其内有文明之德,而外有和説之氣,故其占爲有所更革 其卦爲革也。變革之初,人未之信,故必巳日而後信。 則火滅。 正,則所革不信不通,而反有悔矣。 革,變革也。 **繼**離下兌上革,巳日乃孚,元亨,利貞,悔 黄,中色。 雖當革時、居初无應、未可有爲、故爲此象。 中、少二女合爲一卦,而少上中下,志不相得。 牛,順物。 兌澤在上,離火在下,火然則水乾,水決 革所以固物,亦取卦名而義不 初九,鞏用 黄牛 鞏, 故 又

> 也。 正爲革之主,故有此象。 在大人則自新新民之極,順天應人之時也。 變,未占有孚。 當其時,又必有信,乃悔亡而得吉也。 以悔亡。 已過中,水火之際,乃革之時,而剛柔不偏,又革之用也,是 四,悔亡,有孚,改命吉。 然其時則當革,故至於革言三就,則亦有孚而可革也。 不中,居離之極,躁動於革者也,故其占有征凶貞厲之戒 然必巳日然後革之,則征吉而无咎。 革,其謹如此。 六二柔順中正而爲文明之主,有應於上,於是可以革矣。 九三、征凶、貞厲、革言三就、有孚。 然又必有孚,然後革乃可獲吉。 六二, 巳日乃革之, 征吉, 无咎。 虎,大人之象。 占而得此,則 以陽居陰故 變謂希革 戒占者猶未可遽變 有此應。 九五,大人虎 明占者有其德而 九五以陽剛中 有 ·而毛毯 然亦必自 悔。 過剛 然卦 也 九

●「所革之」、《傳義附録》無此三字。

君子如豹之變,小人亦革面以聽從矣。

不可以往而居

正則

子豹變,小人革面。

征凶,居貞吉。

革道已成

上六,君

其未占之時,人已信其如此,乃足以當之耳。

行也,故占者如之。

有實。 中,本有美實者也 塞 象如此,而其占爲如是則吉也。 爲仇矣。 則爲利矣。 然當卦初,鼎未有實,而舊有否惡之積焉,因其顛 子,无咎。 卦自巽來,陰進 下巽,巽也,上離爲目,而 下陰爲足,二、三、四陽爲腹,五陰爲耳,上陽爲鉉,有鼎之 有實之象也。 而其占无咎,蓋因敗以爲功,因賤以致貴也。 一吉」,衍文也。 又以巽木入離火而致亨飪,鼎之用也。 異下離上 膏不食, 二能以剛中自守 我 得 仇有疾,不我 我仇謂初,陰陽相 居鼎之下,鼎趾之象也,上應九四 妾而因得 初六、鼎顛趾、利出否、得妾以其 居五,而下應九二之陽,故其占曰 ,然以過剛失中 方雨 鼎,元吉亨。 其子,亦由是也。 五爲耳,有内巽順而外聰明之象。 虧 則 悔,終吉。 初雖近不能以就之,是以其 能 求而 九三,鼎耳革,其行 ,越五應上,又居下之極 即 鼎,亨 当。 非 正,則 此 飪之器。 以陽居 以剛居中, 故其卦爲 爻之象如 相陷 九二,鼎 則 丽 品腹之 於惡 出 顛 元 爲 此 之, 矣。 亨。 鼎 卦 प्रम 鼎

> 物。 之。 无不利。 鉉,而以陽居陰,剛而 更詳之。 象如此 利 矣,故其象如此, 渥,凶。 不利而終得吉也。 正 腴,有雉膏之美,而不得以爲人之食。 爲變革之時,故爲鼎耳方革而不可舉移,雖 ,苟能自守,則陰陽將和而失其悔矣。 貞。 九四居上,任重者也, 鉉,貫耳以舉鼎 而其占則利在貞固 蓋有是德則如其占也。 五於象爲耳 上九、鼎玉鉉、大吉、无不利。 晁氏曰 而其占凶也。 「形渥」,諸 者也。 九 能溫 ·, 而 四,鼎折足, 有中德,故云黄耳。 ,故有玉鉉之象,而 而下應初六之陰,則不勝其任 而已。 五虚中以應九二之堅剛 本作「刑剧」,謂 六五,鼎黃 或曰,金鉉以 然以陽居陽 覆公餗 占者如是 承上 重 耳 其占爲大 刑 金, 上九而言 上於象爲 也。 桂 ,其形 堅 金鉉 則 ,爲得其 文明之 剛之 故 今從 初 其

言。 來,當震之來時也。 之下,震而動也。 震驚百里,不喪匕鬯。 匕所以 置震下震上震 學鼎 實。 其象爲雷,其屬爲長子。 虩 鬯 亨。 號,恐懼驚顧之貌。 以 秬 震 震,動 黍 酒 來 和鬱金 虩 也。 虩 笑言 震驚百 所 陽始生於二陰 震有亨 以 里 喅 道。 地 以 降 哑 神 雷 震

之時,恐懼脩省

則可以

无咎

뻬

亦

不

能免於婚媾之有言

索、矍矍之象。

以是而

行,其凶必矣。

然能及其震未及身

者也。 福而不 亞亞、市。 不喪匕鬯,以長子言也。此卦之占,爲能 失其所主之重。 成震之主,處震之初,故其占如此。 初 九,震 來 虩 虩, 後笑言 恐懼 六二, 則 致

状。 耳。 以剛處柔,不中不正,陷於二陰之間,不能自震也。 而 求而自獲也。此爻占具象中。 當喪其貨貝而升於九陵之上。然柔順中正足以自守,故不 震 六二乘初九之剛,故當震之來而危厲也。 能行,以去其不正,則可以无眚矣。 來 以陰居陽,當震時而居不正,是以如此。 六三,震蘇蘇,震行无眚。 厲, 億喪貝,躋于九陵,勿 但九陵、七日之象則未詳 九四、震遂泥。 蘇蘇,緩散自失之 「億」字未詳。 逐,七日得。 占者若因懼 遂者, 又

有事。 故无所喪 无反之意。 于其鄰,无咎,婚媾 上六,震索索,視矍矍,征 以六居五 而能 泥,滯溺也。 有事也。 一而處 震時,无時而不危也。 占者不失其中,則雖 六五,震往來厲, 有言。 N_o 以陰柔處震極,故爲索 震 不 于 危 以其得中, ,億无喪 無喪矣。 ,其躬,

戒占者當如是也。

咎也。 之,是以其心不快也。 過剛不中以止乎上,二雖中 快。六二居中得正,既止其腓矣,三爲限則腓 其利永貞也。 初,爲艮趾之象,占者如之則无咎。 有其身也。 背,則止於所當止也。 而不見其人,乃无咎也。 極而不進之意也。 升,極上而止也。其象爲山,取坤 人者,行而止也。 見其人,无咎。艮,止也,一陽止於二陰之上,陽自下 蓋艮其背而不獲其身者,止而止也,行其庭而不見其 **▓**艮下艮上艮其背,不獲其身,行其庭,不 初六,艮其趾,无咎,利永貞。 如是,則雖行於庭除有人之地,而 六二,艮其腓,不拯其隨,其心不 動靜各止其所,而皆主夫靜焉,所以得无 其占則必能止于背而不有其身,行 此爻占在象中,下爻放此。 止於所當止,則不隨身而動矣,是不 蓋身,動物也,唯背爲止。 Ē 而體 地而隆其上之狀,亦止於 而又以其陰柔,故又戒 柔弱 0 不能 以陰柔居艮 亦不見其 所隨 九三, 也 而拯 艮其 其 , 而 人 庭

「弱」、玉海堂本作「順」。

以 也。 艮其 此,而其占悔亡也。 艮 陰,時止而止,故爲艮其身之象,而占得无咎也。 厲薰心,不安之甚也。 之處,而艮其限,則不得屈伸,而 陽剛居止之極,敦厚於止者也。 其 夤, 膂也。 限 輔,言 列 其 有 止于腓則 夤 序,悔亡。 悔 厲 謂以陰居陽。 六四,艮其身,无咎。 不進 薰 心。 而 六五 上下判隔如列其夤矣。 已,九三以 限,身上下之際,即 當輔之處, 上九,敦艮,吉。 過 剛 故其象如 不 六五 以 中 陰居 當限 腰 危 胯

柔順中 則吉 石 爲卦止於下而巽於上,爲不遽進之義,有女歸之象焉。 无咎也。 无應,故其象如此。 有序而進有漸。 自二至五,位皆得正,故其占爲女歸吉,而又戒以利貞 初六,鴻 也。 也 良下巽上漸, īE 遠於水 ,進以其漸 六二,鴻 漸于干,小子厲,有言,无咎。 干,水涯也。 進 鴻 於磐 漸 而其占則爲小子厲,雖有言,而於義則 漸 而上有九五之應,故其象如此,而占 于磐,飲 女歸吉,利貞。 于陸,夫征 而 益安矣。 始進於下,未得所安,而上復 食 衎 衎 衎,和 不 衎,吉。 復, 樂意。 漸, 婦孕 漸 鴻之行 磐,大 進 六二 亦 也。 也。 又

> 象,故其占爲如是則吉也。 位之外,而其羽毛可 以韻讀之,良是。 者如是則吉也。 得平柯則可以安矣。 儀,吉。 下,而爲三、四所隔,然終不能奪其正也,故其象 終莫之勝,吉。 如之則无咎也。 不中 育,凶莫甚焉。 育, 于木,或得 丽 凶。 无 應, 胡氏、 利 其桷 故其象如 禦 然以其過 程氏皆云、「陸」當作「逵」,謂 九五, 儀,羽旄旌纛之飾也。 寇。 上九,鴻 用以 陵,高阜也。 六四乘剛而順巽,故其象如此。 无 此 鴻 鴻 剛也 爲 咎。 · 而 儀 水 漸 漸 飾, 其占夫征則 鳥 鴻不木 故利禦寇。 于 于 陸 蓋雖極 九五居尊、六二正 陵, 陸 非 棲。 所 其 上九至高 婦 高而 安 不 也。 桷 六 復 羽 雲路 不爲无用之 歲 平 四 如此 口 婦 九三 柯 不 出 孕 也。 用 鴻 而 也,或 占者 乎 應 則 過 爲 漸 人 今 在 占 不 剛

初九 以説 日歸。 不得正。 而 歸 動,皆非正也 妹,少女也。 三、五又皆以 妹 以 娣 兌以少女而從震之長男,而 ,故卦爲歸妹 跛 妹 柔乘剛 征,征 能 履 凶 故其占 征 而卦之諸 无 吉。 征 攸 N N 利 初 爻自二 mi 九 无 居 其 婦 所 至 情 下 人 利 又爲 而 五 謂 也。 无 嫁

爲説之主,女之不正,人莫之取者也,故爲未得所適 其占則利幽人之貞也。 乃女賢而配不良,不能大成内助之功,故爲眇能視之象,而 能承助 應,故爲娣象。 九二 一,眇 妹 陽剛得中,女之賢也,上有正應,而反陰柔不 其君 或曰: 以 能 須,反歸 而已,故又爲跛能履之象 視, 然陽剛在女子爲賢正之德,但爲娣之賤, 須,女之賤者。 利 继 幽人之貞。 以 人亦抱道守 娣。 六三陰柔而不中正,又 九 正而 四, 眇能視,承上爻而 而其占則征吉也。 不偶者也。 歸 妹 愆期, 而 反歸 Œ 象。 四

九一

僅

正

言。

服不盛之象。 面 无 而占者如之則吉也。 六五柔中居尊,下應九二,尚德而不貴飾,故爲帝女下嫁而 妹,其君之袂不如其娣之袂良,月幾望,吉。 而 遲 爲娣之象。 愆期以待所歸之象,正與六三相反。 不終者也,故其象如此,而於占爲无所利 血 歸 有時。 ,无攸利。 然女德之盛无以加此,故又爲月幾望之象。 九四以 上六以陰柔居歸妹之終而 上六,女承筐无實, 陽居上體 而无正應,賢女不輕從人 六五,帝乙歸 也 无應,約婚 士
封
羊

離下震上豐,亨。 王假之,勿憂,宜 日 中。

也。 斗, 而 蔽甚於蔀矣。 宜如是也。 旬,均也。 沬,折其右肱,无咎。 昏暗之主必反見疑,惟在積其誠意以感發之則吉。 爲離之主,至明者也,而上應六五之柔暗,故爲豐蔀見斗之 見斗,往得疑 能守常,不至於過盛,則可矣,故戒以勿憂,宜日中也。 者至此,盛極當衰 豐,大也。 九、遇其配主,雖 非咎也、故其象、占如此。 ,雖皆陽剛 其占爲當豐而遇暗主,下就同德則吉也。 蔀,障蔽也。 遇其夷主,吉。 謂皆陽也。 以明而動,盛大之勢也,故其占有亨道焉。 虚中,有孚之象。 沬,小星也。 而其占如此也。 大其障蔽,故日中而昏也。 疾,有孚發若,吉。 ,則又有憂道焉。 質雖柔暗,若能來致天下之明 當豐之時,明動相資,故初九之遇九 旬 象與六二同。 无咎,往 三處明極而應上六,雖不可用。 沛」一作「斾」,謂 九 九三,豐其沛,日中 四,豐 六二,豐其 聖人以爲徒憂無益 有 夷,等夷也,謂初 其 尚。 六二居豐之時 蔀,日 往而從之,則 幡幔 蔀 六 配 則 主 五 也。 戒占者 中 日 謂 來 有慶 然王 見 四。 見 中 其 初 九 但

譽 而 有慶譽,吉。 吉矣。 蓋因其 (柔暗 而設 此以 開 之。 占 [者能 如 是 則 如

言障蔽之深,其凶甚矣。 无人,三歲不觀,凶。以陰柔居豐極,處動終明極而无人,三歲不觀,凶。以陰柔居豐極,處動終明極而其占矣。上六,豐其屋,蔀其家,闚其户,闃其

如此。 貞。 其象、占如此。 其占可以小亨,而能守其旅之正則吉。 我心不快。 故「貞」字連下句爲義。 賴,旅之最吉者也。二有柔順中正之德,故其象、占如 者,然道无不在,故自有其正,而 六五得中於外,而順乎上下之二陽,●艮止而離麗於明 山止於下,火炎於上,爲去其所止而不處之象,故爲旅。 下之上,故其象、占如此。 九三,旅焚其次,喪其童僕,貞厲。 旅瑣瑣,斯其所取災。 即次則安,懷資則裕,得其童僕之正信,則无欺而 **胃**艮下離上旅,小亨,旅貞吉。 然非其正位,又上无剛陽之與,下唯陰柔之應,故其 以陽居陰,處上之下,用柔能下,故其象、占 六二,旅即次, 九四,旅于處,得其資斧, 喪其童僕,則不止於失其心矣: 當旅之時,以陰柔居下位,故 不 可須臾離也。 懷其資, 旅非常居、若可 過剛不中,居 旅 得童 羇 初 旅 六, 此。 也。 僕 故 以 有 荷

縣,文明之前也。故其象、占如此。 心有所不快也。 六五,射雉,一矢亡,終以譽命。 心有所不快也。 六五,射雉,一矢亡,终以譽命。 就,,中,以之道也。 六五柔順文明,又得中道,爲離雉,文明之物,離之象也。 六五柔順文明,又得中道,爲離稅,,中,於以學命。

能過 然當巽之時,不厭其卑,而二又居中,不至已甚,故其占爲 卑巽之過,故爲進退不果之象。若以武人之正處之,則有 以濟其所不及而得所宜矣。 又利有所往。 象爲風,亦取入義。陰爲主,故其占爲小亨。 巫紛若,吉,无咎。二以陽處陰而居下,有不安之意 初六,進退,利武人之貞。初以陰居下,爲異之主 於異, 巽,人也。一陰伏於二陽之下,其性能巽以 **翼**天巽上巽,小亨,利有攸往,利 而丁 然必知所從乃得其正,故又曰利見大人也 ,寧煩 悉其 辭以自道 九二、巽在牀下,用史 達 則可 以吉而无咎 以陰從陽,故 人也。 見 大 其

^{●「}二」、玉海堂本、《傳義附録》作「三」。

也。 巽在牀下,喪其資 其變之後。 後庚三日,癸也。 三日 也,亡之是有終也。 九五,貞吉,悔亡,无不利,无初有終。 卜田之吉占也。 剛,宜有悔也, 如 中,居下之上,非能巽者,勉爲屢失,吝之道也,故其象、占 亦 此。 竭 ,失其剛陽之德,故其象、占如此 誠 喪其資斧,失所以斷也。 ,後庚三日,吉。 有貞而吉也,故得亡其悔而无不 六四, 意以祭祀之吉占也。 有所變更而得此占者,如是則吉也。 而 悔亡,田 三品者,一爲乾豆,一爲賓客,一以充庖。 丁所以丁寧於其變之前,癸所以揆度於 以陰居陰、處上之下,故得悔亡,而又爲 庚,更也,事之變也。 (斧,貞 獲 九五剛健中正而居異體,故 如是則 九三,頻巽,吝。 三品。 XI ° 雖 巽 正亦凶 陰柔无應,承乘皆 在牀下,過於巽者 利。 先庚三日 有悔是无 矣。 上九, 先庚 居巽之 過剛不 丁也。 初 有

二陽之上,喜之見乎外也。 水而塞其下流之象。 故利於正。 **以**兑下兑上兑,亨,利 貞。 蓋説 有亨道 卦 體剛中 其象爲澤,取其説萬物,又取坎 面 其妄説 圃 柔外 不可 兌,説 剛 以 中 也。 不 故説 戒 丽 故其占 陰 亨,柔 進乎

> 吉凶。 上六, 能妄説以剥陽者也,故其占但 之時而居尊位,密近上六,上六陰柔爲説之主,處説之極 如 説,未能有定。然質本陽剛,故能介然守正而疾惡柔邪也 其説,凶之道也。 区。 陰爲悔,占者以孚而説,則吉而悔亡矣。 其象、占如此。 如 相與爲說,而不能必其從也,故九五當戒,而此爻不言其 剥,有厲。 上承九五之中正,而下比六三之柔邪,故不能決,而商度所 九,和兌,吉。 此則 此。 陰柔不中正,爲兌之主,上無所應而反來就二 有喜矣。 又柔外故爲説 引 兌。 剥謂陰 九二,孚兌,吉, 象、 上六成説之主 九四,商兌未寧,介疾 以陽爻居説 占 能剥陽者也。 亨, 如此,爲戒深 剛 中 故 體而 戒以信于 以 能 陰居説之極 九五陽剛中正,然當説 悔 利 處最下,又无係應 矣。 Ī, 上六則 亦 六三,來 九 剛中爲孚,居 有喜。 五,孚 義 。 引 有 也。 陽以 下二陽 危也。 兌, 放故 于 初 四 求

象,故爲涣。 利 貞 |||坎下巽上涣,亨。 涣,散也。 其變則本自漸卦,九來居二 爲卦下坎上巽,風 王 假 有 行水 廟,利 一而得 上,離披解散之 中, 涉 六往居三 大川

者也。 无悔。 而吉。 有丘 一、故其象、占如此。 與其居積,則 非常人思慮之所及也。 爻皆因涣以 故其象、占如此。 居二,宜有悔 易,又有壯馬 馬 得 居,无咎。 志在濟時,能散其私,以得无悔,故其占如此。 利涉大川。 有號令之象。 九之位 壯 ,故王者當至于廟以聚之。 方古。 下无應與,爲能 又言能散其小群以 匪 陰柔而 而 夷 其 濟涣者也。 也, 可 陽剛 ,其吉可 E. 居卦之初, 所 日 以 司 汗謂 不中 利 然當涣之時,來而不窮,能亡其悔者也 濟 思。 蓋 於 中 貞 涣而无咎矣,故其象、占如 九奔而二机 四 Ė, Œ 如汗之出 知。 九二,涣奔其机,悔亡。 1,故其 散 則占者之深戒也 居陰得 以 九五, 有私於己之象也。 其朋 六四, 涣之始也。 居尊 成大群,使所散者聚 初六非有濟涣之才,但能 (占可亨。 又以巽木、坎水舟楫之象,故 黨之象。 而不反 位 正,上承 涣汗 渙其 也。 當當 涣之時 也。 始涣而拯之,爲力既 又以 六三, 涣其躬, 九五 其 占者 、群,元吉。 涣王居 大 祖 初六,用 ,能散 如是,則 然居得陽位, ,當濟涣之任 大率此 此。 號 考之精 而 若丘 **泱** 如 九 其 順 五異 號 大善 上四 九而 平九 陸 神 涣 王 則 拯 既

> 其惕則出也 所謂 謂傷害。 无 咎。 散 小 逖」當作 上 儲 九以陽居涣極 而 成 大儲之意。 「惕」,與 能 (小畜六四同,言涣其 上九, 出乎涣,故其象、 涣 其 血 占 去 血 如此。 則 逖 去 一,涣 血

亡。 正以通 如此。 節,亨。 正,以 如此。 行之時,而失剛不正,上無應與,知 九二,不出 正,居節之初,未可以行,能 九,不出户庭,无咎。 固 而 止也。 自 然至於太甚則苦矣,故又戒以不可守 有亨道矣,又其體陰陽各半, 居節之極,故爲苦節。 當節時, 者也 **党下**坎上 九五,甘節,吉,往 六三,不 爲卦下兌上坎,澤上有水,其容有限,故 柔順得正,上承九五 故其象、 門庭 非 能 節若 節 節 占如此。 Ŋ 者,故其 亨。 則 節 既 門庭 嗟 户庭,户 而 苦節 處過極,故雖得 有尚。 ,自然有節 上六,苦節 象、 若,无咎。 止者也,故 F) 節 圃 占如此。 内之庭也 丽 二五皆陽,故其 不 外 不知通 所謂當 之庭 可 者也 以 其象、占 貞。 爲正 也 陰柔而 正而不免於 六 ,故其 ,故其象、占 貞 位以 九二 爲 四 X 也。 節 陽 節。 象、 節 如 一當 不中 占 剛」 有 此。 悔 中 安 占 初 得 得 節 限

象也。 泣或歌。 有,而彼亦繁戀之也。 中,「靡」與「縻」同。 焉,則失其所以度之之正而不得其所安,戒占者之辭也。 當中孚之初,上應六四,能度其可信而信之則吉。復有他 利涉大川,又必利於正也。 魚,涉險難而不可以失其正,故占者能致豚魚之應,則吉而 之物。又木在澤上,外實内虛,皆舟楫之象。至信可感豚 得其中,以一卦言之爲中虚,以二體言之爲中實,皆孚信之 月幾望,馬匹亡,无咎。 有鶴鳴子和、我爵爾靡之象。 爾靡之。九二中孚之實,而九五亦以中孚之實應之,故 九二,鳴鶴在陰,其子和之。 貞。 孚,信也。 又下説以應上,上異以順下,亦爲孚義。 見完異上 而與之爲應,故不能自主,而其象如此。 敵謂上九,信之窮者。 爲卦二陰在内,四陽在外,而二、五之陽皆 中 言懿德人之所好,故好爵雖我之所獨 孚,豚魚吉,利涉大川,利 六三,得敵,或鼓 初九,虞吉,有它不燕。 鶴在陰謂九居二,好爵謂得 六四居陰得正,位近於君 六三陰柔不中 我有好爵,吾與 或罷,或 豚魚,無知 六四 正,以居

> 巽之極,爲登于天。 不知變,亦猶是也 爲孚之主者也,下應九二與之同德,故其象、占如此。 爲月幾望之象。 正,亦凶道也,故其象、占如此。 九,翰音登于天,貞凶。居信之極而不知變,雖得其 孚攣如,无咎。 於五,故爲馬匹亡之象。占者如是則无咎也。 馬匹 雞非登天之物而欲登天,信非所信而 九五剛健中正,中孚之實,而居尊位 謂 初與己爲匹,四乃絕之,而上以信 雞日翰音,乃巽之象。居 九五 , 有 上

周易下經第二

^{●「}以」,原作「亦」,據《傳義附録》改。

 \overline{T} pq

鳥

時,事 如此。 也。 也,如此則不及六五而自得其分,是不及君而適 過 此。 時,上 防之,則可以免矣。 而自恃其剛,不肯過爲之備,故其象、占如此。 六二柔順中正,進則過三、四而遇六五,是過陽 其祖, 皆過而不過,守正得中之意,无咎之道也,故其象、占 郭璞《洞林》: 每當過然後得中。 而不下 九三、弗過防之、從或牋之、凶。 遇其妣,不及其君,遇 者也。 飛鳥遺音,不宜上, 占得此者,或致羽蟲之孽。 九四、无咎。 九三以剛居正、衆陰所欲害者也、 宜下,故其象、占如 弗過遇之,往 其臣,无咎。 若占者能過 而 六二, 小過之 遇其臣 反遇陰

陰相得。 恐亦只當作「過遇」,義同九四。● 未知是否。 極,過之已高而甚遠者也,故其象、占如此。 離之,凶,是謂災眚。 其 不能 濟大事 可 知。 六以陰居動體之上,處陰過之 上六, 弗 遇 或曰: 過 之, 週 飛

過

志。❷ 前 既濟,事之既成也。 如是則无咎也。 爻占辭皆有警戒之意,時當然也。 各得其正,故爲既濟。 道 其尾,无咎。 喪其茀之象。 二以文明中正之德,上應九五剛陽中正之君,宜得 ,不可終廢,時過則行矣,故又有勿逐而 ,濡尾則狐不濟。 **||| 離下坎上既濟,亨小,利貞,初吉終亂** 而九五居既濟之時,不能下賢以行其道,故二 茀,婦車之蔽。 輪在下,尾在後,初之象也。 六二,婦喪其茀,勿逐,七日 既濟之初,謹戒如是,无咎之道。 爲卦水火相交,各得其用,六爻之位 「亨小」當爲「小亨」。大抵此卦及六 言失其所以 初九,曳其輪, 行 自得之戒。 也 曳輪則 然中 一有婦 -正之 得。 占者 車不 行 其

厲,必戒。

勿用永貞。當過之時

,以剛處柔,過乎恭

言當隨時之宜,不可固守也。

或曰:

弗過遇之,若依六二

未詳孰是,當闕以俟知者。

六五,密雲不雨,自

我

以陰居尊,又當陰過之時,不

西郊,公弋取彼在穴。

爻例,則當如此說,

若依九三爻例,則

過遇當如過防之義。

往則過矣,故有厲而當戒。

矣,无咎之道也。

弗過遇之,言弗過於剛而適合其宜也。

陽性堅剛,故又戒以勿用永貞,

能

有爲,而弋取六二以爲助,故有此象。

在穴,陰物也。

兩

四 原作「三」,據玉海堂本、《傳 義附録

其 原脱,據《傳義附録》補

周易下經第二

首 其象、占如此。彖辭「初吉終亂」亦此意也。 已過,不如六二之在下而始得時也,又當文王與紂之事,故 之時,以剛居剛,高宗伐鬼方之象也。三年克之,言其久而 而濡其首之象。占者不成,危之道也。 鄰之禴祭,實受其福。東陽,西陰,言九五居尊而時 衣袽所以塞舟之罅漏。 預備而戒懼者也,故其象如此。 後克,戒占者不可輕動之意。小人勿用,占法與師上六同。 六四,編有衣袽,終日戒。既濟之時,以柔居柔,能 三,高宗伐鬼方,三年克之。 ,厲。既濟之極,險體之上,而以陰柔處之,爲狐涉水 九五,東鄰殺牛,不如西 程子曰:「繻」當作「濡」, 小人勿用。 上六,濡其 既 濟

> 字。 明居未濟之極,時將可以有爲, ①而自信自養以俟命, 无咎 悔。 无悔。 N N 征 而失其義矣。 之道也。 有孚于飲酒,无咎。 然文明之主,居中應剛,虚心以求下之助,故得正而吉且无 不能也。 悔亡矣。然以不正之資,欲勉而正,非極其陽剛用力之久 有賞于大國。 行者可以水浮而不可以陸走也。 X 又有光輝之盛,信實而不妄,吉而又吉也。 然以柔乘剛,將出乎坎,有利涉之象,故其占如此。 九四,貞吉,悔亡。 利 若縱而不反,如狐之涉水而濡其首,則過於自信 君子之光,有孚,吉。以六居五,亦非正也 故爲伐鬼方三年而受賞之象。 涉大川。 以九居四,不正而有悔也,能勉而正,則 陰柔不中正,居未濟之時,以 濡其首,有孚失是。 震用伐鬼方,三年, 或疑「利」字上當有「不 六五,貞吉, 上九, 以剛 征 蓋 則

● 「將」、《傳義附録》作「未」。

周易彖上傳第一從王肅本

朱熹本義

以釋經之辭也,後凡言傳者放此。

彖即文王所繫之辭。上者,經之上篇。傳者,孔子所

以時 之大始,故萬物之生皆資之以爲始也。 道 无以爲元也。 龍 此釋乾之「亨」也。 貫乎天德之始終,故曰統天。 首釋「元」義也。 天道明乾義,又析「元亨利貞」爲四德以發明之,而此 以 變化,各正性 成,而 御天。 大哉乾元 乘此 此言聖人大明乾道之終始,則見卦之六位各 始即 六陽以行天道,是乃聖人之元亨也。 大哉,歎辭。 大明終始,六位時成,時乘六 元也,終謂貞也,不終則无始,不貞則 命,保合大和,乃利貞。 萬物 雲行雨施,品物流形。 資 元,大也,始也。 (始,乃 又爲四德之首,而 統 天。 乾元,天德 此專以 變者 乾 節

形之始。 元 ! 利貞 寧。 謂配乾也。 疆 而首言 其意求之,則並行而不悖也。 而致太平之占也。 以聖人而言,則孔子之意,蓋以此卦爲聖人得天位、 間,生氣流行,初無間斷,此元之所以包四德而統天也。 復種而生矣。 則向於實也,貞則實之成也。 所而咸寧,猶萬物之各正性命而保合大和也。 於已生之後。 陽會合中和之氣也。 化之漸, 命以自全,以 ,含弘光大,品 也。 聖人在上,高出於物,猶乾道之變化也。 元 萬物資生,乃順 化者變之成。 順承天施,地之道也。 蓋嘗統而論之,元者物之始生,亨者物之暢茂,利 也。 牝馬 釋「利貞」之義也。 此四德之所以循環而無端也。 此言乾道變化,無所不利,而萬物各得其 至,極也,比大義差緩。 雖其文義有非文王之舊者,然讀者各以 地類,行地无疆,柔順 各正者、得於有生之初。 物 物所受爲性 咸 承天。 亨。 實之既成 坤 首出 坤 卦 言 天所 厚 放此。 此以地 「亨」也。 ,則其根帶脱落 庶 載 始者氣之始,生者 賦 爲 物, 物,德合无 道明坤之義 然而 命。 此言聖人之 萬國各得其 利貞,君 保合者 德合无疆 至哉 萬 大和 . 行天道 四者 或 可可 陰 坤 咸 其 之 性 全

半也。 未可遽謂安寧之時也。 亂冥晦,塞乎兩間,天下未定,名分未明,宜立君以統治,而 造猶言天運。 文王本意。 震之爲也; 陽大,陰小,陽得兼陰,陰不得兼陽,故坤之德常減於乾之 始交而難生。 吉,應地无 此,則其占如下文所云也。 貞,坤之德也。 物而馬又行 子攸行。 不寧。 南 也 動乎險中,大亨貞。 東北 桂 朋,乃與類 險,坎之地也。 以二體之象釋卦辭。 雷雨之動滿盈,天造草昧,宜建侯 雖 地之物也。 有兩義)蒙,山 言「利貞」也。 草,雜亂。 疆。 喪朋 君子攸行,人之所行 以二體釋 安而且貞, 然反之西南 下 蒙亨, 不取初九爻義者, 行; 有險,險 行 昧,冥晦也。 馬, 自此以下釋「元亨利貞」,乃用 地 先迷失道,後 卦 東北喪朋,乃 无疆 ,乾之象,而以爲地類者,牝 地之德也。 以亨行,時中 名義。 以二體之德釋卦辭。 ,則終有慶矣。 雷,震象; 圃 則 如坤之德也。 陰陽交而雷雨作,雜 順而 止,蒙。 始交謂震,難生 取義多端 健 〇屯, 雨,坎象。 矣。 終有 順 安貞之 也。 以 得 所 柔 卦 剛 姑舉 常, 慶。 順 行 象 動, 匪 柔 天 謂 如 利 陰 義。 辭。 矣。 中 也。 正,聖 卦名義。 其可也。 中 我 師

坎。

西

利涉大川,入于淵也。 凶、訟不可 聖之功,所以釋「利貞」之義也。 其志自相應也。 濟筮者二三,則問者固瀆, 之蒙,而又得其時之中,謂如下文所指之事,皆以亨行而當 也。 |求童蒙,童蒙 也。 訟有孚窒,惕 此 ○訟,上剛下險,險而 剛 衆也。 一功也。 以 利涉大川,往有功也。 健 志應者,二剛明,五柔暗,故二不求五 再三瀆,瀆則不告,瀆蒙也。 、
針體 需有孚,光亨,貞吉,位乎天位, 而不陷,其義不困窮矣。 成也。 釋 以剛中者,以剛而中,故能告而 以卦體釋卦辭也。 貞, 師 求我,志 貞」之義。 Ē 中 利見大人,尚 而告者亦瀆矣。 也 吉,剛 以卦變、 應 以, 能 健、訟。 ○需,須也,險在 也。 來 謂 以 九二以可亨之道發人 . 卦 而 以卦體及兩象釋 能 衆 左右 體、卦象釋卦 初筮 中 得 蒙以養正,乃作 正 以卦德釋 正 中 之也。 此以卦德 ,而五求二, 告, 可 蒙以 也。 也。 有節 以 以 以 卦 解。 也 不 終 王 前 正 養 陽 岡川

在

亨。 吉也。 剛中 不雨 也。 以卦 也 此非有老成之德者不能也。 剛中謂九二,應謂六五應之,行險謂行危道,順 釋卦名義 畜之未極,其 志行,乃亨。 義,柔得位指六居四,上下謂 畜,柔得位而上下應之,曰小畜。 於天下,然以其有是才德,是以民悅而從之也。 吉,又何咎矣。 下之中,而 體 以卦德釋彖解。 亦以卦體 尚 不寧方來,上下應也。 而應,行險 釋卦 此三字疑衍 往 名義。 説 氣猶上進也 Ŧi. 也。 而 釋卦辭。 陰皆爲所以 以卦德、卦體而 應 自我 原筮,元永貞, 又以卦體、卦德釋「丈人吉无咎」之義 而 文。 乎乾,是以履 剛 順,以 剛中謂五,上下謂 中正,履帝位 (西郊) 比,輔 也。 ○履,柔 毒、害也。 五陽。 此 能以 言,陽猶可亨也 施未 也 毒天下而民從之, 後夫 衆正 健 下 履 虎尾,不 師旅之興,不無害 无 行也。 而 剛 , 則 凶 咎 巽, 順 而不疚,光 以卦體釋卦名 五 也。 Ŧ 陰。 從 謂順人心。 者之師 其 以 剛 咥 尚往,言 也。 〇 比, 以二體 道 中 剛 密 小 窮 矣。 雲 而 中 此

以元亨。 謂 二、乾謂九五。同人曰衍文。同人于野,亨,利 下 致亨而利涉哉! 也。 大川 小人道長,君子道消也。 交而 子而外小人,君子道長,小人道消也。 中而應乎乾,日同 内陰而外陽,内柔而外剛,内小 之匪人,不利君子貞,大往小來,則是天地 其志同也。 來,吉亨,則是天地交而萬物 明 五陽。 應之, 曰大有。 也 通天下之志乃爲大同,不然則是私情之合而已, 唯君子爲能通天下之志。 萬物不通也,上下不交而 0 ,乾行也。 其德剛 又 以 以卦德 卦 内陽 體 明 健 ,卦體釋卦 文明以健,中 大有,柔得尊位大中,而 之, 以卦體釋卦名義。 而 而 人。 外陰, 文明,應乎天 指 九 解。 以卦體釋卦名義。柔謂 £. 内 也。 應天指六五也。 〇同人,柔得位 健 Ė 通也,上下 以卦德、卦體釋卦 而 人而外君子, 天下无邦也。 而 柔謂 泰 而 應,君子正 外順,内 時 六五 小 交 往 上下 得 否 而 涉 君 大 以 六

哉

王肅本

上

前

柔

F

巽

而

止

蠱

以

卦

蓋

如

此

則

積

弊

圃

至

於

蠱

矣。

卦

解,

言

能

如

是則

天下之所從也。

而

天下

隨時

王肅本「時

「時」字在「之」字下,今當從之。 ·則其居尊者,其德愈光,其居卑者,人亦 體、卦德釋卦名義。 ,君子之終也。 德釋卦名義。 道變盈一 」作「之」,今當從之。 乎 蠱 而 卑 剛 體 四 剛 隨 豫之時義大矣 ? 好謙。 元 | 時 而 、卦變、 豫 變謂傾壞,流 來 應而 時之義大 亨 大亨,貞,无 不 E 以卦德釋卦 順 而下柔,動 而 行。 而 龙 杜 以 流 志 天 德釋卦 謙 動,故 蠱 行 言謙之 謙 下 聖人 尊 剛 剛 順 謂 矣 辭。 治 鬼 而 釋 名 聚 也。 中 戒。 四時不忒,天之所以爲觀也。 聖人以神道設 也。 柔 體 嗑 觀 卦體、卦德釋卦名義。 應,又以卦德、 臨 也。 月有凶,消不久也。 亨,則亂而復治之象也。亂之終,治之始,天運 三日 來 卦 丽 而 而 剛 ○大觀在 當剛長之時,又有此 德、二象: 化 亨, 而 上 ,終則有始,天行 利 浸 頤中有物 行, 也。 涉 文 剛柔 而 剛 大 雖 長,以卦體釋卦名。 釋卦辭。 卦 川 卦 不當 E 分 故 體言卦之善。 變釋卦 教 往 亨。 動 而 順 觀 日 位 有 觀天之神道 天下 而 噬 而巽,中 言雖天運之當然,然君子宜知所 盤 辭 善、故其占 分剛 事 利 明 嗑 神道設教、聖人之所以爲 丽 也。 也 雷 ·服矣。 用 不 大亨以 E 以卦 獄 賁 薦 釋卦 正 ൬ 電 説 先 如 也。 亨,「亨」字 以 文 合 體釋卦 有 此 丽 甲 辭。 而 極言 也。 觀 柔, 乎 正,天之道 順 四 而 又以卦名、卦 治蠱

天地

如之,而

況

建

侯、行師

以

動,豫。

以卦

莫能過,此君子所以有終也。

()豫

光

,卑而

不可

瑜

神害盈

加

福

謙

人道惡

盈

然也。

剛

中

IIII

日

後

甲

至

於元

而歸之。

人能謙

必亨。

天道

虧

盈

而

益謙

地

亨,天道

下

濟

而

光

明

地

道

天地

以

順

動,故日月不過

而

哉

極言之而贊其大也。

隨

而

説,

隨。

以卦

變、

卦

以

順

動

則

刑

罰

清

圃

民

服。

故

小

利

疑

衍

顒若,下

觀之道

也

章,柔得

名義。

暰

觀

時

不太,

天下。

以

至

于

八

時。 變剛 七日 不利 有攸 亦曰:「冬至子之半,天心无改移。 善,本心幾息而復見之端 幾於滅息,而至此乃復可見。 見天地之心乎! 攸往,剛長也。 君子尚消息盈虚,天行也。 以化成天下。 謂各得其分。 理或然也。 之象,故曰天文。 ○復亨,剛 入无 玄酒味方淡,大音聲 來 有 也。 往 疾,朋來无咎。 放往,小人長也。 復,天行也。 以卦體釋卦名義,言柔進干陽,變剛爲柔也。 文明 天 觀乎天文,以察時變,觀乎人文, 反。 文 先儒説「天文」上當有 極言賁道之大也。 以止,人文也。 也 剛反則亨。 以卦體 積陰之下 也。 以卦 正希。 陰陽消息,天運 而言,既生則 以卦德而言。 在人則爲靜極 程子論之詳矣,而邵子之詩 變 釋 順 動 此 陽復生,天地生物之心 掛 言 以卦體、卦德釋卦辭。 圃 而 陽初動 辭。 如 又以卦德言之。 止之,觀象 〇剥,剥 以 「剛柔交錯」四字, 漸長 不 剛 順 然也。 信 反復 處 面 柔之交,自 矣。 動,惡極 行,是以 更 ,萬物未生 也,柔 其道, 請 復其 利有 問 也。 止 包 而

出

弱 剛 解。 犧。]至 大過,大者過 及萬民,頤之時大矣哉 其自養也。 則吉也。 川,應乎天也。 上 健、篤實、輝光,日新其 逆天之命而天不佑之,故不可以有行也。 命之當然也。 卦德、卦體言卦之善如此,故其占當獲大亨而利於正,乃天 之往何之矣? 天之命也。 加 也 過 而尚賢,能止健,大正也。 爲主於内 不家食吉,養賢也。 而 一哉言 復 中,巽而説,行, 以 也 觀頭,觀其所養也。 其有不正,則不利有所往,欲何往哉? 桂 一,學者 釋卦辭。 其匪正有眚,不利有攸往,无妄 體釋 也。 動 亦以卦體而言。 天命不佑,行矣哉? 宜 *** 而 以卦體釋卦名義。 盡 辭。 天地 健 心 , 剛 焉。 本謂 利 德。 養 亦取尚賢之象。 中而應,大亨以正 有攸往,乃亨。 初 萬物 極言養道而贊之。 以卦德釋卦名義。 无 末 以卦變、卦體 自求口 妄, 頭 謂 ,聖人養賢 上,弱 貞 棟橈,本 〇大畜 剛 吉,養正 利 自 謂 以卦 實, 涉 陰 外 又以 釋卦 蓋其 末 觀 以 大 岡山 到 來

信。 也。 亨,是以畜牝牛吉也。以卦體釋卦解。 正,乃化成天下。釋卦名義。 日月麗乎天,百穀草木麗乎土。 重明以麗乎 時用大矣哉! 極言之而贊其大也。〇離,麗也。 地險山川丘陵也,王公設險以守其國,險之 中,心亨之象,如是而往,必有功也。天險不可升也, 亨,乃以剛中也。行有尚,往有功也。 非有大過人之材不能濟也,故歎其大。 〇習坎,重險 卦體、卦德釋卦解。 以卦象釋「有孚」之義,言内實而行有常也。 釋卦名義。 水流而不盈,行險而不失其 大過之時大矣哉! 柔麗乎中正,故 大過之時, 以剛在 維心

周易彖下傳第一

朱熹本義

於其 和平。 通。 能亨且无咎矣,然必利於正,乃爲久於其道。 上居二,柔下居初也。 釋卦名義。 相與,巽而動,剛柔皆應,恒。 極言感通之理。 上剛下之義, 曰: 取女吉也。 感應以相與,止而説,男下女,是以亨,利貞, 天地感而 八道也。 咸,感也。 觀其 或以卦變言剛上柔下之義,曰: 以卦體、 所 天 〇恒 萬物化生,聖人感人心而天下 咸自旅來,柔上居六,剛下居五也。 地 感,而天地萬物之情可見矣。 釋卦名義。 之道 亦通。 一,久 卦德、卦象釋卦辭。 也。 恒恒 恒亨,无咎,利貞, 柔上而 久而不已也。 剛上而 以卦 剛下,二氣 或以卦變言柔 柔下,雷風 體、卦象、卦德 恒自豐來,剛 不正則久非 恒 亦 固

也。 進而 也。 所以壯也。 之情可見矣。釋「利貞」之義而極言之。 卦體言,則陽長過中,大者壯也。 大肚,大者壯也,剛 位 大矣哉! 貞,浸而長也。 矣。極言恒久之道。 久照,四 往 其 天下化成。 靜 道 一終則 而應,與時行也。 相生 矣。 釋卦名義。 以卦象、 上行,是以康侯用 天地之道所以 時 循環之理,然必靜爲主也。 有 大壯利貞,大者正也。 陰方浸長,處之爲難,故其時義爲尤大。 ・卦德、 變化而 始 觀其 也。 明 以下二陰釋「小利貞」。 **計變釋卦辭** 出 **所恒**,而天地 ○遯亨, 能久 久於其道,終也, 長 地 以動,故壯。 以 久, Ŀ, 九五 錫馬 成, 亦 順 以卦德言, 以 一爻釋「亨」義。 遯 聖 Œ 而 蕃 m 而 人久於其 日月得天 明 萬 麗 庶,晝日三 利 已 亨 正大而天地 物之情 乎 入地中, 釋卦名義。 矣。 有攸 ,則乾剛震 遯之時 也。 ○晉, 大明,柔 往,始 利 小 有 剛 道 可 而 接 進 動 明 利 當 見 能 攸 而 以

以

事

其事 説而 也。 夷。 下,二女同居,其志不同行。 卦畫推之,又有此象。 下定矣。上父,初子,五、三夫,四、二婦,五兄,三弟,以 兄兄、弟弟、夫夫、婦婦 君焉,父母之謂 位乎内,男正位乎外。 近親,在其國内,如六五之近於上六也。 而見囚也 難、文王)蹇,難 類 小事吉。 ,箕子以之。 以卦體九五、六二釋「利女貞」之義。家人有嚴 也 以卦象釋卦名。 同也,男女睽 麗乎明,柔進 一以之。 利艱 也,險在 睽之時用大矣哉 以卦德、卦變、卦體釋卦辭。 (貞,晦 以六五一爻之義釋卦辭。 以卦德釋卦義。 也。 前 内文 加 而 ○睽,火動 其 也。 上行,得中而 其 亦謂二、五。 明 (志通 明 男女正,天地之大義 而家道正,正家而天 見險 也。 而 外柔 也 蒙大難 以卦象釋卦名義。 内 而 極言其理 而 父父、子子、 ○家人,女正 萬 難 能止, 上,澤 順,以 應乎剛 天地 物 ,謂遭紂之亂 而 内難謂爲紂 睽 能 一而贊之。 知矣 睽 動 蒙大 而 IE 是 其 而 而 其 享。 矣哉 川 而雷 有 中 哉 İ

志

以卦體釋卦名義。 損上益下,民 虚,與時偕行。 其道上行。 時大矣哉 衆,得衆謂九四人坤體。 无咎,可貞,利有攸往。 有攸往,夙吉,往有功 解利西南,往得衆 解,險以 ,木道乃行。 功也; 也; 二簋 雨作,雷雨作而百果草木皆甲坼。 以卦德釋卦名義 不利東北,其道窮也。 以卦變、卦體釋卦辭,而贊其時用之大也 動, 當位貞吉, 應有 以卦體釋卦名義。 動 極言而贊其大也。 説无疆, 加 利有攸往 時, 以卦 此釋卦辭。 免乎 也。 得中、 體、 損剛 而贊其美。 以 卦象釋卦解。 自 險,解。 Œ 其來復吉,乃得 也。 曷之用? 有功皆指九二。 益 時謂當損之時。 ,中正有慶,利涉大 上下下,其道大光。 邦也。 柔有 損而 以卦變釋卦 〇損,損下益上, 蹇利 以 利見大人,往 時。 有孚,元吉, 卦德釋卦名義。 蹇之時用 益 西 二簋可 南,往 動 天 損益 解。 M 〇益, 解之 地 坤爲 也。 用 大 解 得

牲 終,謂 德。 卦名。 卦 利 剛 聚 之際,聖人所謹。 危 道 致孝亨也。 應,故聚也 下大行也。 相 上文卦體之義。 H 一體言 前 與與 吉,利有 遇 有 乃光也。 決 進 揚于王 一品物 攸往 柔 无 1,謂以 い時 勿 天 變 也。 疆 用 即 地 偕 爲 攸往 剛長 取女,不可與長 萬 咸 庭,柔 行。 指 小人加于衆君子之上,是其罪 利 純 告自邑,不利 健 天 又以此極言,贊益之大。 以 物 九五。 章 乾。 見 〇萃, 桂 而 動 施 乃 之情可見矣。 順 也。 德、 大人,亨,聚 説 乘 異,二卦之德。 地 ○姤 終 姤之時 桂 天 生, 以 五 聚也, 也。 決 體 命 卦 剛 釋卦 其益 遇 而 也 體言。 即 此 也。 也 和 也。 義 名 戎,所 順 釋卦 釋卦 義。 以 大矣 乾下 无 以 剛 柔 孚 〇柔 釋 辭。 釋卦名義 正 方。 〇夬,決 説, 解。 E 遇 遇 號 桂 尚 施 也。 哉 也。 柔乘 解。 坤 假 中 有 副 以 乃 剛 凡 觀 時 也。 上生,亦 正 剛長 窮 厲 有 五. 而 其 用大 天 益 中 幾 升 剛以 , 其 廟 也。 贊 也, 所 而 天 地 之 微 釋 乃 其

革也。 水,井。 時 乎 日 剛中以二、五而言。 乃 名。 以 而 卦象釋卦名義,大略與睽相似 水火相息,二女同 有 邑不改井,乃 南 以 无喪无得、 成,湯 卦 卦 當 征吉, 功 窮 乃孚,革 險以 德 變 也。 也。 釋卦 息,滅息也,又爲生息之義,滅 其 貞大人吉,以 卦 井,養 體釋 、武革命,順乎天 志行 悔 往來井井」兩 説 名。 以 羸 乃亡。 而信之。 杜 卦 其 巽 一德、 以 困 也。 辭 丽 未有功而 餅, 剛 而 卦 而 不 以 居 用 順 體 中 不 是 剛 句,意與「不改井」同 窮 卦 文明 釋 見 也。 困 中 失 其 以 德釋 剛 也。 卦 敗其缾,所以 ,然以相 大 其 也。 X 辭。 中 志 加 以 剛 人 **汽至** 掛 以 所 不 也。 説 而 應乎人。 辭。 揜 息 卦 有言 違 相 亨, 勿 應, ,大亨以 象釋卦 也 而爲睽,相 而 亦 巽 以 天 得 恤 後 |X|未 是 卦 乎 不 其 地 生 也。 故不 以 繙井 信 息 日 體 有 以 名 水 革之時 唯 革 桂 革。 釋 正,革 大 慶 〇革 體 息 而 君 尚 而 復 卦 釋 也 圃 辭。 出 E 未 上 子 几 改 以 爲 卦

也

此

光」言之。

亦止也。

義則止也,然行止各有其時,故時止 與也,是以不獲其身,行其庭不見其人,无咎 匕鬯」四字,今從之。 震有亨道,不待言也。 火,亨飪也。 ,動靜不失其時,其道 震驚百里,驚遠 稷,以爲祭主也。 一啞,後有則 釋卦辭。 以卦體、二象釋卦名義,因極其大而言之。 艮體篤實,故又有光明之義。 ·目聰明,柔進 亨。 艮其 而已,養賢則 極言 ○艮,止也。 以卦象、卦變、卦體釋卦辭。 正 易「背」爲「止」,以明背即止也。 聖人亨以享上帝,而 而贊其大。 一,止其 也。 出 震 謂 響強 前 恐致福,恐懼以致福也。 來 ൬ (所也。 維 懼 程子以爲「邇也」下脱「不 世 虩 上行,得中 牢禮當極 ○鼎 光明。 時 而 邇 虩,恐致 主 而止,止 也。 止 上下敵應,不 象也 祭 大畜於艮亦以 則 也。 其 此釋卦名。 出 止,時 盛,故曰大亨。 也,時行而行 而 或云「出 可以 大亨 福 應乎 也。 以 背者。止 震 守宗 行 則,法 以 木 享帝 艮之 剛, 亨。 「輝 相 笑 則 巽 養 即 喪 中則 也。 明以 動, 義 其位 之交本皆正理,惟若此 也。 也。 涣而來,九進居三; 可以 與則 之所 況於人乎? 不 疑衍,或是「漸」字。 依卦辭作「背」。 窮也。 也。 所歸妹 剛 動 昃,月盈 勿憂,宜 正 故 邦 得中 也。

言啞

也。

廟

社

行

鬯」字之誤。

巽而

耳

貴誠,用

犢

大矣哉

是以

元

也,天地不交而 内不見己,外不見人,而无咎矣。 釋卦名義也。 无攸利,柔 以卦體言,内外之卦 以卦德言漸進之義。 豐。 也。 況於鬼神乎? 則 也。 日 以卦變釋 以卦德釋卦 自 進得位 歸者女之終,生育者人之始。 食 漸之進也,女歸 乘 中 又以卦德言之。 針則 旅而 以卦體言 ·, 宜 萬 剛 天 物 也。 不得其正也。 來,九進居五 「利貞」之意。 地 照 不 ,往有功也。 陰陽敵應 名義。 天 盈 興, ,謂九五。 又以 \bigcirc 下 虚 此又發明卦 歸 歸妹,天地之大 晁氏云,「艮其 桂 也。 征 E 而 與 體 妹,人之終始 ,皆爲得位之正 吉也。「之」字 蓋此卦之變,自 凶,位 不 釋卦 〇豐,大也 假之,尚 時 釋卦 止 相 消 進以 而 與 解。 辭 異,動 也,不相 説 不 外 止」當 男女 E 意 大 當 以 H 而

六六

言。 民忘 初、四。 大人。 處。 JII 民 以 體、針 剛 以 王 來 行,柔皆順 下,命令之象,重巽故爲申命也。 乘 卦 不 假 而 勸矣哉! 利 ı, 説 體釋卦解。 可 體言之。 其勞; 德釋卦 不 貞 有 過 木有功 重異 以 而 以 窮,柔 ,是以 ○兌,説也。 中 廟, 行 **杜體釋桂辭**。 麗 也。 解。 乎剛 乎 王乃 當位 險,當位 以 説 苦節 以卦體釋卦辭而極言之。 得位 也。 順乎 明 旅之時 申 以 一、中正 旅 (,是以 是 命。 在 犯 乎外 ○節 小 不 天 中 難, 指五。 釋卦名義。 剛巽乎中 以小亨, 以 可 亨, 釋卦義也。 而 義大矣哉 也。 小 節 亨, 貞 而 民忘其 應 柔得 亨、 (),其 又坎爲通。 上同。 乎 剛 中 中 剛異 正而 人。 剛中 旅貞 謂 利有攸往 道 柔 Ē 中 異順 志行指 死。 廟 分 乎 以 窮 苸 中。 以卦變釋卦 説 〇 涣 吉 而 而 中 通。 也。 而 外 天 旅之時爲難 説之大, 以 柔 剛 九五、柔謂 入,必 也。 利 Ē 地 而 (亨,剛 先 一,利 又以 外 又以 得 涉 節 而 順 中。 民, 説 究乎 以 解。 見 大 志 而 掛 理 乎 掛

指六五言。❶ 下, 言。 言。 與時 攸 終止則亂, 也。 而 亨,小者亨也。「濟」下疑脱「小」字。 者過而亨也。 利涉大川,乘木 四 貞,乃應乎天也。 利,不 時 位當也。 中孚,柔 大吉,上逆 剛失位而不中,是以 有飛鳥之象焉。 以卦體、 行 成 也。 續 節 、卦德釋卦名義。 其道 小狐汔濟、未出中 以 終 在 以卦體言。 柔 也。 制 内 以卦體釋卦名義與其辭。 得 圃 窮也。 舟 度,不傷財,不害民。 而 中,是 信而正則應乎天矣。 下 雖 剛 虚 不當位 順 飛鳥遺之音,不宜上,宜 得 初吉,柔得 也。 也。 中 〇未濟亨, 豚魚吉,信及豚魚 以 不可大事 以卦象言。 説 小 以卦體言。 也。 事吉 剛 而巽, 孚乃 利 柔 中 應也 貞 濡其尾,无 也。 柔得中 也。 過 也 ○小過,小 中孚以 以利貞, 極言節 剛 以三、四 以二、五 指六二。 既 柔 化 也 也。 利 īE. 道。 濟 邦

^{●「}六」,原作「九」,據《傳義附録》改。

周易象上傳第三

朱熹本義

久也。 躍 也。 也。 則見其一日一周,而明日又一周,若重複之象,非至健不能 天,大人造也。 終日乾乾,反復道也。 潜龍勿用,陽在下也。 物先,故六陽皆變而吉。 下先儒謂之小象。 在淵,進无咎也。可以進而不必進也。 君子法之,不以人欲害其天德之剛,則自強而不息矣。 凡重卦皆取重義,此獨不然者,天一而已。 象者,卦之上下兩象及兩象之六爻,周公所繫之辭也。 天行健,君子以自強不息。 用九天德,不可爲首 造猶作也。 後放此。 〇天行以下先儒謂之大象,潜龍 見龍在田 反復,重複踐行之意。 亢龍 地勢坤 也。 有 ,德施普也。 悔, 言陽剛不可爲 ,君子以厚 天,乾卦之象 但言天行 飛龍 盈 不 或 在 可

也。 時也。 德載 如 求 即 綸,治絲之事,經引之、綸理之也。 屯,君子以經綸。 永貞,以大終 文在中而見於外也。 章可貞,以時發也。 行育德。 括囊无咎,慎不害也。 動,直以方也。 霜堅冰,陰 順,則見其高下相因之無窮,至順極厚 .魏志》作「初六履霜」,今當從之。 ,何可長也! 前 鹿无虞,以從禽也。 物。 往,明也。 六二之難,乘剛也。 雖盤桓,志行正也。 泉,水之始出者,必行 地,坤之象,亦一 始凝 也。 也 屯其膏,施未光也。 龍戦 不習无不利,地 坎不言水而言雲者,未通之意。 馴 初陰後陽,故曰大終。)山下出泉,蒙,君 或從王 于野,其道 致其道, 君子舍之,往吝窮也 黄裳元吉,文在中也 而已,故不言重,而言 十年乃字,反常也 以貴下賤,大得民 屯難之世,君子有爲之 馴 而 ,順習也。六二之 有漸 事,知光大也 而無所不載 至堅 一窮也。 道光也。 也 冰 子 泣 利 〇雲雷 也。 也。 其勢之 用六 以 用 血 刑 果 漣 履 按 經

順以 需 下皆得其道。 違 也。 需 外謂外卦。 恒,无咎,未失常也。 有所爲則非需也。 當需者,亦不容更有所爲,但飲食宴樂,俟其自至而已。 且「行不慎」於經意尤親切。 作「慎」,蓋「順」、「慎」古字通用。《荀子》「順墨」作「慎墨」, 女,行不順也。 于血 行 有言,以吉終也。 速之客來,敬之終吉,雖不當 于泥,災在外也。 子克 《巽也。 雲上於天,無所復爲,待其陰陽之和而自雨耳。 以陰居上是爲當位、言不當位未詳。 訟 IE 順 家 法 敬慎不敗,發明占外之占,聖人示人之意切矣。 君 以 也 〇雲上於天,需,君子 利用禦寇,上下順也。 子 剛 聽 以 柔接 需于 發蒙之初,法不可 困蒙之吝,獨遠 也。 作事謀 衍,寬意。 也。 郊, 自我致寇,敬慎不敗 需于沙,衍在 實,協韻去聲。 酒食貞吉, 不犯 指二、五之應。 始。 以寬居中,不急進 難行 不正 天上水下,其行 實 以 懲 位,未大失 童蒙之吉, 以飲 〇天 禦寇以剛,上 中 也。 也 中正 戒 也。 勿 所 「順」當 與 利用 以 食 用 事之 也。 也。 Œ 水 也 雖 宴 取 相 法

子帥 左次 此取我往比 侯,亦先王所以 或 聖人之戒深矣。 敬 復即 自下 師 也。 大君有命,以 水不外於地,兵不外於民 王三錫命,懷萬邦 上吉也。 雖 違 親 也。 出 小 作事 中則聽不偏,正則斷合理。 以 師 无咎,未失 命,渝安貞,不失 有 訟上,患至 諸侯。 謀 律,失律 言, 始 以 人。 從上吉,謂 地 、訟端絕矣。 其 中 比於天下而 中 比之初六,有它吉也。 地上有水,水比於地,不容有間 正功也。 行 辯 有 地上 X 掇 常也。 也。 明 水, 也。 隨 也 也。 也。 ,故能養民則 人則吉 不 無間 有水,比,先 弟子 師, 小人勿用,必 師 在 也。 永所事,訟 掇,自取 知難而退, 不 者也。 或與尸 師 君 以訟 輿 明 克訟, 中吉 子 訟 自 尸 也。 《彖》意人來比 以 主事 미 一受服 元 大大无 以 師之常也。 「承天 使 容 吉, 歸 食 王 不 得衆矣。 則 亂 不 民 亦 逋 無 可 以 比 以 當 成 畜 邦 功 寵 德 長 建國 竄 中 功 也。 也。 也。 也。 長 也 也 我 萬 足 也 正 從

以

有

凶

一, 位

也。

如

不不

目,三自爲 之则爲无終。 征凶,有 義吉也。 君子以懿文德。 无所終也。 内,不自失 亦傷乎! 下,定民志。 夫妻反 · 明也。 幽人貞吉,中不 一使中 獨 也。 · 當 所 富 也。」有爭惕 懿文德,言 牽復在中,亦 也。 无首則无終矣。 疑 也。 也。 目,不能 也。 外比於賢 以上下之象言之則爲无首,以始終之象言 跛能履,不足以與行 舍 也 程《傳》 逆 旣 得 武 由 風 未能厚積 上之德使不偏也。 正 取 人爲于大君,志剛 雨 ○上天下澤,履,君子 有 則 出 》備矣。 順 旣 正室也。 氣而無質,能畜而不能久,故爲 ,以從上也。 自 不自失矣。 失 ,上合 不自失也。 亂 處,德積 而遠施 〇 風 也。 素履之往 前 志 程子曰: 也。 禽 行天上,小畜, 比之匪 眇 載 也。 也。 也。 能 比之无首, 復自道 顯比之吉, 亦者,承上爻 也。君 視,不 獨 邑人不 説 有 也。 咥人之 人,不 孚 以 行 輻 其 足 子 孿 辨 愬 願 反 否終則 也。 所恃。 榮以 慶也。 子 亂 子 有 禄位榮之。 翩 其不及。 中行,以 愬終吉,志行 以 命 ,則能以 群 禄。 也。 无 傾

畜之象。

位

Ī

中

誡

。 上

城復于隍,其 陰本居下,在上爲失實。 相天地之宜,以左右民。 不富,皆失實也。 〇天地不交,否, 類族辨物。 元吉在上,大有慶也。 拔茅征吉,志在 答,志 天地 愛君爲 光大也。无往 收斂其德,不形於外,以辟小人之難,人不得以 言不亂於小人之群。 拔茅貞吉,志在君 何 命亂 可 也。 交,泰,后 行 念,而 長 天在上而火炎上,其性同 也。 夬履 也。 也 不 以 君子 計其私矣。 大人之吉,位 不戒以孚,中 祉 命亂故復否,告命所以 貞厲 以財 外 不復,天地 元 財成以制其過 以 也。 包羞, 吉,中 天與 位 也。 儉 成 若得元吉 大 德 包荒, 天 正 火,同 位 人 小人而變爲 以 地 辟 當 際 也。 否 不 心 正 難,不 之道 行 一,輔相 ,則大· 也。 得尚 也 「亨,不 當 願 當 願 類 治之 族 也。 也。 有 傷 也。 也。 以 口 于 輔 君 補 福 於

物,所 人于宗, 吝道 以 審 異 丽 致 同 也。 也。 出 伏戎 門 同 于莽,敵 人, 又 誰 剛 咎 也 也

也。 同 不興,安行也? 其吉,則 困 加 反 言不能行。 則 也。 乘其墉矣,則非其力之 乘其墉 義 弟克

則,故吉也。 不足也,特以義之弗克而不攻耳。 同人之先,以中 直 能以義斷,困而反於法 也。 大師 相 遇,

言相克也。 ○火在天上,大有,君子以遏惡揚善,順天休 火在天上,所照者廣,爲大有之象。 同人于郊, 所有旣大,無以 志未 得 也。

直謂理直。

所以順天。 治之,則釁孽萌於其間矣。 反之於身,亦若是而已矣。 天命有善而無惡,故遏惡揚善, 大 有初 九,无

天子,小人害也。 交害也。 大車以載,積中不敗也。 匪其彭,无咎, 明辨哲也。 公用亨于

以發上下之志也。 哲,明貌。 厥孚交如,信以發志 威如之吉,易而无備 也。 一人之信,足 也。 太柔

則人將易之而无畏備之心。 地 中 有 山,謙,君子以裒多益寡,稱物 大有上吉, 自 天祐 也 平

> 也。 故其志未得,而至於行師,然亦適足以治其私邑而已。 不爲過。 子,萬民服也。 以自牧也。 其施,損高增卑以趣於平, 施 以卑 可用行師,征邑國 利用侵伐,征 蘊高 鳴 謙 之象也。 謙貞吉,中 无 不利 亦謙之意也。 不 裒多益寡 也。 揚 服 也。 謙 心 陰柔无位,才力不足 得也。 ,不違 所 鳴謙 謙謙 以 稱 物之宜 則也。 、志未 君子, 勞謙 而平 得 君 卑 言

雷出地奮,豫,先王以 帝,以配 祖考。 雷出地奮 作樂崇德,殷薦之上 ,和之至也。 先王作樂,既象

其聲,又取其義。 殷,盛也。 初六鳴豫,志 也。 一窮凶 也

窮謂滿極。

悔,位不當也。 不終日,貞吉,以 由豫,大有得,志大行也。 中 盱 有

Œ

豫

在 五貞疾,乘剛 上,何 可 長 也。 也 1 恒不死,中未亡也。)澤中 有雷,隨,君子 冥 豫 以

繒 晦 人宴息。 雷藏澤中,隨時休息。 官有

兼與 正吉也。 也。 出門 係丈夫,志舍下 交有功,不 也。 失也。 隨 有 係 渡,其 小 子,

觀,小 疆。 也。 風 之吉,志在内也。 咎,位當也。 臨,位不當也。 者,兌也,容之无疆者,坤也。 澤上有地,臨,君子以教思無窮,容保民无 蠱,終无咎也。 中 方,觀民設教。 用譽,承以 意承考也。幹母之蠱,得中道也。 矣,而事奠大於二者,乃治己治人之道也。 IXI 八爲醜 蠱 也。 也。 地臨於澤,上臨下也。二者皆臨下之事。 咸 人道也。 君子以 有 拘係之,上 臨吉,无不利,未順 孚 觀 德也。 在 我 大君之宜,行中之謂也。 振民 道 生 闚 省方以觀民,設教以爲觀。 既憂之,咎不長也。 裕父之蠱,往 進 觀 〇風行地上,觀,先王以 窮 明 不事王侯,志可 育德。 退,未 女 也。 功 貞,亦 也。 咸臨貞吉,志行 窮,極也。 失道 山下有風,物壞而有 孚于 命 可 未得 也。 也。 醜 嘉 幹父之蠱, 也。 則 也。 〇 山 未詳。 吉, 至臨 幹父之 觀 教之无窮 初六童 也。 在丈夫 國之 幹父 敦 下有 位 臨 甘 正 省 无 IE 事

> 君子之取舍,決於義而已。 咎,得當也。 離明而外艮止,故取象如此。 有火,明不及遠。 其聽之不聰也。 滅趾又有不進於惡之象。 位,未可忘戒懼也。❶ 寇婚媾,終无尤也。 貞之吉,終莫之陵 下有火,賁,君子 毒,位不當也。 敕法。「雷電」當作「電雷」。 屨校滅 自省察也。 明人君觀已所行,不但一身之得失,又當觀民德之善否,以 光,尚賓也。 觀其生,志未平也。 若能審聽而早圖之,則 明庶政,事之小者。 觀我 何校滅耳,聰不明 利艱貞吉,未光 '以明 ○雷電,噬嗑,先王以 也。 生,觀民 當位疑 實其須,與上興也。 噬 庶政,无敢 舍車而 膚滅 六四 ,謂所當之位可疑也。 也。 當位 鼻, 折獄,事之大者。 徒,義弗乘 无此凶矣。 志未平, 言雖不得 此夫子以義言之。 也。 也。 乘 趾,不 折獄。 疑 剛 滅耳蓋罪 貞厲 也。 也。 行也。 明罰 Ш 也。 永 无 遇 匪 内 山 7

●「懼」、《傳義附録》作「慎」。

七

從道 喜也 仁 以 剥牀 也 生,萬物各正其性命,是物物 定。不遠之復,以脩身也。 安靜以養微陽也。《月令》: 也 失上下也。 妄,先王 迷復之凶,反君道也。 復,先王以至日 剥,上以厚下安宅。剥床 无尤,謂 對 也。 宫人寵, 時育物,因 也 小人剥廬 以 不 若 白賁 耕穫,未富也。 頻復之厲,義 辨、未有與也。 以 守 敦復 正 茂 上下謂四陰。 終无尤 其 无咎,上 而 (所性 對 ,終不可 不 无 閉關 與, 時 一而不爲 悔, 亦 也。 育 得志 无咎也。 ,商旅不行,后不省方。 无 是月齋戒掩身,以待陰陽之所 中以自考也。 而與之以无妄也。 私焉。 剥牀以 富如 萬 它 用也。 言未大盛。 〇天下雷行,物與无 君子 患 物。 也。 以 也 「非富天下」之富,言非 休復之吉,以下 无妄之往 足, 天下雷 膚,切 得 中 六 輿, 剥之无 行 雷 以 五. Ш 行, 滅 之吉 獨 在 附 考,成 近災也。 民 先王法此 復,以 下 地 於 得 震動 所 中, 有 咎, 也。 地 也。 志 載 發

茅,柔在下 試也。 於木,大過之象也。 木,大過,君子 順 大悖也。 身之切務。 吉,有慶也。 往,上合志 中,大畜,君子以多識前言往. 少嘗之也。 計其 凶,行失類也。 有雷,頤,君子以慎言語 已,不犯災也。 天在山中,不必實有是事,但以 无咎,固 以從上 利 IIII 既已无妄,而復藥之,則反爲妄而生疾矣。 爲之也。 有之也。 觀 也。 顛頤之吉,上施 无妄之行,窮之災也。 也。 也。 我 何天之衢,道大行也。 以獨 由頤厲吉,大有慶也。 朵 不懼、 初、上皆非其類也。 六四 輿説 行 老夫女妻,過 頤 人 有猶守也。 了, 亦 立不懼,遯世 无悶,大過之行也 得 元 輹,中 吉,有喜 牛, 不 ,節飲食。二者養德養 其象言之耳。 光 足貴也。 无尤也。 邑 也。 无妄之藥, 以 行, 十年 也。 災 相 居貞之吉, 以 无 與 也 勿用,道 悶。 畜其德。 藉 〇澤滅 六 利 有 天 也 山 五 厲 在 不 用 有 可 澤滅 試 之 白 棟 攸 下 利 Ш 口

簋 習,然後熟而安之。 如其來如,无所容也。无所容,言焚、死、弃也。 四方。作、起也。 得,未出中也。 習坎,君子以常德行習教事。治己治人,皆必重 元吉,得中道也。日昃之離,何可久也! 凶三歲也。 坎不盈,中未大也。有中德而未大。上六失道, 五之吉,離王公也。王用出征,以正邦也。 可醜也。過涉之凶,不可咎也。○水洊至, 下也。枯楊生華,何可久也! 橈之凶,不可以有輔也。 ,剛柔際也。 〇明兩作,離,大人以繼明照于 履錯之敬,以辟咎也。 來之坎坎,終无功也。 習坎人坎,失道凶也。 陸氏《釋文》,本无「貳」字,今從之。 棟隆之吉,不橈乎 老婦士夫,亦 黄離 樽酒 求小 突

周易象下傳第四

朱熹本義

易方。 也。 大也。 以虚 久中也。 也。 躁,其動也宜。 所執下也。 不 貞 而 「滕」、「騰 害也。 Ш 通 (吉悔 末訓 感害,言不正而感則有害也。 浚恒之凶 也。 上有澤,咸,君子以虛受人。 不恒其德,无所容也。 不能感物。 言亦者,因 」通用。 九三陽剛,居止之極,宜靜 咸其拇,志在 咸其股,亦不處 未感 ,始求深也。 咸 前二爻皆欲動 害 雷 其 也。 風,恒,君子以 輔、 外也。 憧 也。 頰、舌,滕 咸其 憧 九二悔亡,能 而 而動,可 往 久非其位, 志在 雖 云也。二爻陰 脢, 來, X 山上有澤 隨人, 居 文 志末 吝之其 口 未光 説 不

昭明 裕无咎,未受命也。 則吉,咎不長也。 易,位不當也。 **壯敗**,君子以罔困。 也。 貞吉,以中也。 自勝者強。 黄 嘉遯貞吉,以正志也。 妾吉,不可大事 人自不能近。 體无窮, 制義 安得 天下有山,遯,君子以遠小人,不惡 华 德。 ○雷在天上,大壯,君子 ,從婦 禽也 固 山高有限,遯之象也。嚴者,君子自守之常,而 志 壯于趾,其孚窮也。 昭,明之也。 1 也。 M 遯尾之厲,不往何災也? 婦人 也。 不能退,不能遂,不詳也。 藩決 小人用壯,君子 也。 係遯之厲,有疾 振恒 貞吉、從一 明出地上,晉,君子以自 初居下位,未有官守之命。 晉 不 君子好遯,小人否也 羸 肥遯无不利,无所疑 如 在上 摧 尚 如, 一大无 往 言必窮困 丽 以 罔 也。 獨 終 非禮弗履。 也。 行正 功 也 而嚴。 喪羊于 也 小人以 執用 畜臣 夫子 也。 艱 天 小

也。

遇

主

于

巷,未

失道

同

m

異。二卦合體

而性

身自治,則人畏服之矣。

其刑家。」威

婦子嘻嘻,失家節也。

箕子之貞,明不可息也。 王假有家,交相愛也。程子曰:「夫愛其内助,婦 自火出,家人,君子以言有物而 閑有家,志未變也。 志未變而預防之。 如之吉,反身之謂也。謂非作威 後入于地,失則也。 六二之吉,順以則也。 〇上火下澤,睽,君子以 不同。 衆允之志,上行 入于左腹,獲心 失得勿恤,往有 富家大吉,順在位 君子于行,義不食也。 ○明入地 也。 家人嗃嗃,未 初登于天,照四 見惡 本其正應,非有 行有恒。 中,明夷,君 人,以 也。 失 意 慶 辟 处,反 邪也 ○風 身脩 也。 也。 也。 也。 南 國 鼦 咎 愛 咎也! 退也。 道也。 此。 罪。 見輿 孚无咎, 損 其疾,亦 利貞,中以爲 損,君子以懲忿窒慾。君子脩身,所當損者莫切於 人,以從貴也。 以中節也。 喜之也。 終无尤也。 反身脩德。 雨之吉,群疑亡也。 已事遄往,尚合志也。「尚」、「上」通。 益之,大得志也。 剛柔之際,義无 曳,位 公用射隼,以解悖也。 負且乘,亦可醜也。 、志行 可 解而拇,未當位 往蹇來連、當位 喜 不 事雖不濟,亦无可尤。 往蹇來譽,宜待 往蹇來 志也。 ·當也。 也。 也。 ○雷 厥宗噬膚,往 六五元吉,自上 咎也。 无 碩,志在内 一人行,三則 雨作,解,君子以赦過 〇山上有水,蹇,君子以 ○風雷 初 也。 實 有 九二貞吉,得 也。 也。 終, 自我致戎,又誰 君子有解,小人 往 ,益,君子以見 〇山下有澤, 也。 有慶 遇 蹇來反,内 大蹇朋 王臣蹇蹇,

則家治矣。

也。照四國,以位言。

六二之吉,順

以

異也。

維用伐

邑,道未光也。

鼠貞

厲

位

不

· 當

也

兹介

福

以以

中

正

也。

剛

也。

交

也。

遇

子以

涖

泉,用

晦

而明。

唯義所在,不食可也。

狩之志,乃大得

也。

疑也。

九二

祐

也。

中

有

利見

大

厚事 有風 勝而 言也。 矣。 也。 或益 程《傳》備矣。 決之勢也。 夬,君子以施禄及下,居德則忌。 善則 夬夬,終无咎也。其行次且,位不當也。 過,益之大者,而 言不信,聰 或擊之,自外來也。莫益之者,猶從其求益之偏辭而 事 告公從,以益 往, 惠我德,大得志也。 ,固有之也。 ,姤,后以 也。 遷, 若究而言之,則又有擊之者矣。 之,自外 牽,進也。 、咎也。 施禄及下,潰決之意也。 有 下本不當任厚事,故不如是不足以塞咎也。 无號之凶,終不可長也。 不 過 其相益亦猶是也。 明 来 則 施 以其進,故止之。 有戎勿恤,得中道也。 也。 也。 改。 一志也。 益用凶事,欲其困心衡慮而固有之 或者,衆無定主之辭。 風 中 雷 方。 行 之勢,交相 有孚惠 莫益之, 无咎,中 居德則忌未詳。 繫于金柅,柔道 包有魚,義不及 元吉无咎,下不 〇澤上 心,勿問之 助 澤上於天,潰 未光 益。 偏辭也。 〇天下 一於天, 君子 遷 益 也 善 闡 不 一用 改

乎。 民也。 是,則雖因而亨矣。 无水,困 階,大得 按,它書引此亦多作「慎」,意尤明白,蓋古字通用也。 日澤无水。 山,順事 有喜也。 上篇蒙卦。 君子以順德,積小以高大。 咎,位不當也。 无咎,中未變也。往无咎,上巽 者,脩而聚之之謂。 有隕自天,志不舍命也。 賓 ○澤上於地,萃,君子以除戎器,戒不虞。 也。 齎咨涕洟,未安上也。 民之去己,由己遠之。 其行 志也。 ,君子以致命遂志。 致命猶言授命,言持以與人而不之有 也。 允升大吉,上合志也。 升虚邑,无所 次且,行 以順而升,登祭于山之象。 貞 冥升在上,消不 萃有位 乃亂乃萃,其志亂也。 人于幽谷,幽不 未 一、志未 牽也。 疑也。 九五含章,中正 姤其角,上窮吝也 王肅本「順」作「慎」,今 〇地中生木,升, 水下漏則澤上 光 无魚之凶,遠 明也。 王 富 也。 也。 九二之孚, 用亨于岐 也 未光謂 大吉无 吉 引吉 困于 説見 也 升 耶

嘉也。 乃徐 也。 之吉,信志也。 鞏用黃牛,不可以 火,革,君子以治 食,中正也。元吉在上,大成也。 行道之人皆以爲惻。 井渫不食,行惻也。 潤上行,井之象也。 木 其宫,不 酒 禽,時舍也。 于葛藟,未當也。 食, 皆取井養之義 有 |有水,井,君子以勞民 雖不當位,有與也。 其文蔚 中 革言三就,又何之矣! 説,以中 見其妻,不祥 有 慶 言爲時所棄。 也 也。 大人虎變,其文炳 勞民者,以君養民。 井甃无咎,脩井也。 直 井泥 曆 有爲 據于 也。 小 明 動悔 求王明,受福也。 人 時。 不 也。 也。 蒺 革 利 井谷射鮒,无與也。 食,下 藜, 有悔,吉行也。 用祭 面 劓刖,志未得 勸 四時之變,革之大者 來徐 巳日革之,行 相。 乘 順 言已審。 也。 勸 祀,受福 剛 徐,志 以 木上有水,津 〇澤 相者,使民 也。 也。 從君也。 舊 寒泉之 行惻者 君子 改命 中 井 在 人 也。 也。 有 有 下 无 于 相

中謂中 福也。 震往 也。 艮 震索索,中 其 三止乎上, **游雷,震,君子以恐懼脩省** 耳,中以 而不謹其所往,則爲仇所即,而陷於惡矣。 有實,慎所之也。 以從貴,則未爲悖也。 利出否,以從貴也 謂 也,故有正位凝命之意。 其 〈義也。 「協于上下,以 木 上有 趾 來 震 心。 笑言啞啞,後 厲 蘇蘇,位 亦不肯退 未失 爲實也。 ○兼 覆公餗 危 火,鼎, 未得 承天休」者也 行 正 山,艮,君子以思不 而聽乎二也 也。 也。 不當 也。 我仇 信如 君子 從貴謂 玉鉉 凝猶 鼎而 有則 其 不 雖 也。 何 「至道不凝焉」之凝。 有疾,終无 以 應 在上,剛 拯 事 X 顛 四,亦 也。 趾,悖道也; 正 也。 其 鼎 无 震 在 艮 位 咎,畏 遂 隨, 中,大 震來虩虩,恐致 顛 其 言失信也。 爲取 震 凝 泥, 柔節 趾 限,危熏 未 來 鼎耳革,失 命。 尤 新 而因 未 厲 出 鄰 无 退 之意。 也 也 其 乘剛 聽 喪 光 悖 鼎 戒 《傳 可 位 也 有 也 也 也 出 也 重 》所 實 器 否

七八

亂哉! 志,有 也。 良 能 也。 貞,未變常也。 雷動澤隨,歸妹之象。君子觀其合之不正,知其終之有敝 不可亂也。 莫之勝,吉,得所 禦寇,順 復,離群 言「素飱」,得之以道則不爲徒飽,而處之安矣。 以漸而進。 山 義无咎也。 「正」字羨文,協韻可見。 也。 E 履,吉,相承 推之事物,莫不皆然。 |有木,漸,君子以居賢德善俗。 二者皆當 艮 待而 其位· (其身, ○澤上有雷,歸妹,君子以永終知 相保 醜 疑「賢」字衍,或「善」下有脱字。 行 也。 在中, 漸進愈高而不爲无用,其志卓然,豈可 飲食衎衎,不素飽也。 也。 也。 止 也。 諸 歸妹以 婦孕不育,失其道 願 躬也。 以貴行也。 帝乙 或得其桷,順 恒謂有常久之德。 敦艮之吉,以厚終也。 也。 歸妹以娣, 歸 須,未當也 其 艮其 妹,不 羽 可 以其有中德之貴而 輔 ·如其 以 用 以恒 以 小子之厲, 素飽,如《詩 利 、異也。 也。 爲 中 夫征 娣 愆 幽 也 儀,吉, Ė 期之 之袂 人之 利 得而 敝 跛 也 終 用 不

> 傷矣。 障蔽。 也。 斧,心未快也 道如此,義當喪也。 不 蔀,位不當也。 辭外意。 行 天際翔也。 夷主,吉行也。 可大事也。 雖旬无咎,過旬災也。 至,豐, 留 ,故不尚 得童僕貞,終无尤也。 獄。 О Щ 以旅與下,其義喪也。 君子以 有孚發若,信以 飾。 謹刑如 上有火,①旅,君子以明慎用. 闚其户,関其无人,自藏也。 上六 折其右肱,終不可 折獄 Ш 六五之吉,有慶也。 日中見斗,幽不 終以譽命,上 旅于處,未 無實 ,不留如火。 致 戒占者不可 刑。 承 發志 虚 得 旅瑣 筐 取 旅 也。 逮 以旅之時而與下之 位 其 也。 焚其 也。 明 也。 用 威 求勝其配。 瑣,志 豐其 照 也。 也。 ○雷 次,亦 並 上速,言其 得 行 刑,而 其屋 沛,不 遇其 其 窮 之象。 電皆 藏謂 亦爻 資 E 555 其

^{●「}上」,原作「下」,據宋甲本、《傳義附録》改

朋友 乎凶 水,節 疑也。 志窮 也。 與履九五同。 正中 行事。 譽命聞於上也。 无咎,正位也。 躬,志在外 初六之吉,順也。 和兌之吉,行未疑也。居卦之初,其說也正,未有所 貞,志治 易, 一終莫之聞也。 一,涣,先王以享 〈講習。 也。 也 九四之喜,有慶也。 也 孚兌之吉,信志也。 ,君子以 隨,相繼之義。 也。 正乎凶,言必凶。 田 巽在牀 也。 上六引兑,未光也。 兩澤 獲三品,有功也。 紛若之吉,得中也。 以 制數 涣其 相 涣其群,元吉,光大 旅 麗,互相 下,上窮也。 于帝,立廟。 渙奔 在 進 度, ○隨 血、遠害也。 上,其義焚 退 其机,得願 滋益 議德行。 ,志疑也。 風 孚于剥,位正當也。 來兌之凶,位不當 麗澤,兌,君子以 ,朋友講習,其象如此。 異,君 喪其資斧,正 九五之吉,位 皆 也。 不出户庭 所以 頻巽之吝, 利武 子以 也。 也。 〇澤上有 風行水 喪 合其 王居 涣其 申命 牛 人之 散 于 0

飛鳥以 過 聲小過。三者之過,皆小者之過。 大,可以小過而不可甚過。 行過乎恭,喪過乎哀,用過 天,何可 類上也。 心 孚之意。 子以議 苦節貞凶,其道窮也。 知 或戕之, 安節之亨,承上 嗟,又誰 願也。 也。 通 塞也。 所以不及君 獄 凶,不 初 N 長 咎 或鼓或罷 緩死。風感水受,中孚之象。 有孚攣如 九虞吉、志未 也 如 也 不出 可 何 1 如 道 也 而還遇臣者,以 門庭 〇 山 此 也。 何 位 无咎與諸爻異, ,位正堂也。 《彖》所謂可小事而宜下者也。 也。 上 凶,失時 弗 甘節之吉,居位 變也。 不當也。 過 有 澤上有風,中孚,君 不及其君, 雷,小 乎 미 遇之,位不 臣不可過 過於小 儉。 極 其子和 言 也 馬匹 過,君子 翰 議獄緩死,中 Щ 无 圃 故 上有 所 音 臣 不 不 歸 也。 之, 可 中 登 節之 不 咎 過 也。 以 從 可 于 絕 中 其 於

「于易」,宋甲本作「之凶」。

往厲 也。 正也。未濟征凶,位不當也。 九二貞吉,中以行正也。九居二本非正,以中故得 所,故君子觀象而審辨之。濡其尾,亦不 大來也。 東鄰殺牛,不如西鄰之時也。實受其福,吉 道也。三年克之, 憊也。終日戒, 有所疑 預防之。 上、未濟、君子以慎辨物居方。水火異物、各居其 已亢也。 密雲不雨,已上也。 極」字未詳,考上下韻亦不叶,或恐是「敬」字,今且闕之。 濡首,亦不知節也。 必 君子之光,其暉吉也。 戒,終不可長也。 曳其輪,義无咎也。 濡其首,厲,何可久也! 〇水在火上,既濟,君子以思患而 已上,太高也。 爻義未明, 暉者,光之散也。飲 貞吉悔亡,志行 七日得,以中 弗 〇火在水 知極 遇 此 亦當 過之, 也。 也。 闕。

周易繫辭上傳第五

朱熹本義

大體、凡例,故無經可附,而自分上、下云。今經文。此篇乃孔子所述繁辭之傳也。以其通論一經之繁辭本謂文王、周公所作之辭,繫于卦爻之下者,即

位矣。 者,日月星辰之屬,形者,山 善惡各以類分, 剛柔者、《易》中卦爻陰陽之稱也。 者、《易》中卦爻上下之位也。 純陰純陽之卦名也。 變化見矣。天地者,陰陽形氣之實體,乾坤者、《易》中 以群分,吉凶生矣。 天尊地卑,乾坤定矣。 動靜有常,剛柔斷矣。 而吉凶者,《易 卑高者,天地萬物上下之位,貴賤 在天成象,在地成 川 動者陽之常,靜者陰之常, 動植之屬。 》中卦爻占決之辭也。 方謂事情所向,言事物 卑高以陳,貴賤 方以 變化者、《易》中 類聚,物 形, 象

成物。 而動 爲如乾之易,則其心明白 可久則賢人之德,可 易從則有功。 坤順而靜,凡其所能,皆從乎陽而不自作,故爲以簡 形,而陰之重濁有迹。 陽者,莫不如此。 也。 之成形者。 易卦之變化也。 而坤作成之,承上文男女而言乾坤之理,蓋凡物之屬乎陰 此變化之成象者。 雷霆,潤之以 陽」,此之謂也。 因陰陽之實體,爲卦爻之法象,莊周 而爲四,四相摩而爲八,八相盪而爲六十四。 **蓍策、卦爻陰變爲陽、陽化爲陰者也。** ,即其所知便能始物而無所難,故爲以易而知 乾知大始 易則易知, 此兩節又明易之見於實體者,與上文相發明 六十四卦之初,剛柔兩畫而已。 是故剛柔相摩,八卦 大抵陽先陰後,陽施陰受,陽之輕清 坤 風雨。 乾道成男,坤道成女。 有親 作成物。 簡則易從。 乾以易知,坤以簡能。 而 則 大則賢人之業。 人易知; 日月運行,一寒一暑。 可久,有功則 知猶主也。 如坤之簡,則其事要 所謂「《易》以 易知 此言聖人作《易》, 相 則 乾主始物 盪 鼓之以 有親, 可大。 人之所 此變化 兩相摩 太始。 乾健 而能 道 此言 陰

或有此 推盪 約而 間 也 所以因蓍以求卦者也。 緊以辭也。 N_o 章,以造化之實明作經之理,又言乾坤之理分見於天地 則體道之極功,聖人之能事,可 其中矣。 而 外,故可大。 協力者衆,故有功。 德不同,此言人法乾坤之道,至此則可以爲賢矣。 ,然已足以 悔自凶 天下之理 失得憂虞者,事之變也。 人易 體之也。 悔 象者,物之似也。 而陰或變陽 吝者,憂虞之象也。 從。 而 即 成位,謂成人之位。 剛柔相 致悔 趨吉,各自吉而向凶 德謂得於己者,業謂成於事者。 繫之以 易 ○聖人設 一得矣。 知則與之同心者多,故有親, 而取 ,陽或化陰,聖人所以觀象而繫辭,衆人 有親則一於内。 此 推 益矣。 辭 此言聖人作《易》,觀卦爻之象而 是故吉凶者,失得之象 丽 天下之理 也 針觀 生變化。 得則吉,失則凶 蓋 以與天地參矣。 變化 其中,謂天地之中。 吉凶 也。 象, 故可久" 吉凶悔吝者,易之辭 相對 故聖人觀卦爻之中 繋解 者 得, 言卦爻陰陽迭相 , 進 而悔 而 ,憂虞雖未至 焉 上言乾坤之 有功則兼 易從則 退之象 〇此第 吝居 成 而 易簡 明吉 位 其中 至此 與之 平 而 於

也 辭 之,吉,无不利。 者,言乎其失 者,言乎變者 作易、君子學易之事。 在其中。 其 第。玩者,觀之詳。 是故君子所居而安者,易之序也, 太極也。 即變化也。 之道 也; 玩者,爻之辭也。 柔,流行於一卦六爻之間,而占者得因所值以斷吉凶 夜而陰矣。 柔者,進極而退也。 解, 周公所作者。 无咎者,善補過 剛 也。 動 占謂其所值 柔者,晝夜之象也。 此明剛柔相 則 六爻初、二爲地,三、四爲人,五、上爲天。 柔變而趨 極,至也。 觀 也。 得也。 象指全體 其 旣變而剛 是故君子居則觀 吉凶之決也。 象、辭、變,已見上。 變而 於剛 推以生變化,而變化之極,復爲 三極, 易之序,謂卦爻所著事理當然之次 彖謂卦辭 彖者,言乎象者也。 者 也。 而言,變指 玩其 悔吝者, 天、地、人之至理,三才各 退 則 極極 畫而陽矣; 此卦 文王所作者。 占, 〇此 而進 六爻之動, 爻辭之通 言乎 是 也 節 凡單言變者,化 第二章,言聖人 而言。 其象 以 旣化而柔,則 剛化 其 自 所 例 爻謂 吉凶 樂 偂 天 \equiv m 趨 祐 也 疵 動 是 玩 而 極 爻 剛 於

與天 陽氣聚而 理 鬼神皆陰陽之變,天地之道 以 游 故 以 如 天地之道。《易》書卦爻具有天地之道,與之齊準。 釋卦爻辭之通例。 者,各指其所之。 미 不至於悔吝矣。震,動也,知悔則有以動其補過之心,而 介謂辨别之端,蓋善惡已 謂 M 故 任則有南 語 陽。 者,聖人以《易》之書也。 爾縫之彌,有終竟聯合之意。 以无咎矣。 魂爲變,是故 觀 者存乎 列 貴賤者存乎位 原始反 於天文,俯 地 憂悔吝者存 北 成物,神之申也, 相 、高深。 辭。 似 是故卦 《終,故 故 位謂六爻之位。 原者推之於前,反者要之於後。 以 ○《易》與 知 不 小險大易各隨所向。 察於 知 有小 鬼神之情狀 乎介,震无咎 違 動而未形之時 ,齊小大者存乎 魂遊魄降散而爲變,鬼之歸 死 易者,陰陽而已,幽明、死 也。 地 生之説。 大, 知 綸有選擇條理之意。 天文則 天地 理,是 周 齊猶定也。 辭 乎 有 準, 有 也,於此憂之,則 萬 故 險易。 晝 精氣 者 此窮 故能 知 物 〇此第三 夜、 ,卦,辨 存 小謂 幽 而 上 理之事。 爲 平 明 彌 道 下,地 辭 陰,大 陰精 物, 悔 也。 章, 生、 之 吉 仰 濟 綸 也 彌

也 者,地 謂道。 有形 天下, 乎 中 圍 物 也。 不憂; 也 鬼之謂。 而 相爲表裏如此 濟物之心,而仁益篤。 憂,而其知益深,隨處皆安而無一息之不仁,故 陽。 道 ,匡郭也。 易 性 而 不流者,守正之仁也。 天地之道,知、仁而已。 體 ,所謂裁 調 陰 无體。 不遺, 也。 也。 繼言其發也 繼之者善也,成之者性也。 物之所受,言物生則 故不過; 安土敦乎仁, 如此然後可見至神之妙無有方所,易之變化 知 〇此第四 天地 陽之謂 成者 且仁,則 通乎晝夜之道 此聖人至命之事也。 範 也。 之化無窮,而聖 ,善謂化育之功,陽之事 圍 旁行 道。 章, 蓋仁者愛之理,愛者仁之用 知而 通 天地之化 猶 言易道之大,聖人用之 既樂天理,而又知天命 故 而 兼 不 有性 知周萬物者,天也。 陰陽迭運者, 過矣。 也。 能 不 ,而各具 人爲之範 愛。 流, ൬ 畫 ൬ 範如鑄 一夜即 知 旁行者, 樂 此 不過,曲 是道 氣 聖人盡 幽明 天 也 道具於陰而 心,其 圍,不使 金之有 故 知 也, 行 成言其 神 能 道 死 命, 權 故 性 陰之事 理 不 濟 模範 生 无 如 成 之事 故 忘 之 則 此。 過 天下 能 方 故 神 萬 具 行 所 於 其 其 知

未定者 法之 陽生陰,其變無窮,理與書皆然也。 如 極數知來 極 者,大無外。 之本也。程子曰:「天地無心而成化,聖人有心而無爲。」 也。 富有之謂大業, 造化之功,德之發也。 同 動靜言。 天,仁屬乎地,與此不同,何 其每下者也,然亦莫不有是道焉。 而目爲全體也。 之道鮮矣。 知 此 憂, 者見之謂 周 知 謂 屬 子、程子之書言之備 陰 盛德 乎 來之謂 ,所以通事之變。 坤。 陽 顯諸仁, 陽 日新者,久無窮。」生生之謂易。 不 大業 也。 仁陽,知陰,各得是道之 效, 之知,百姓 ·測之謂 日 占 事,行 用 呈 至 日新之謂盛德,張子曰: 藏諸用, 藏,自外而内 不 也。 通 知 矣哉 事也。 神。 張忠定公言公事有陰陽 變之謂事。 也? 法 矣。 則莫不飲 謂 日 鼓 張子曰 造 仁者 占之已決 日: 用 或曰 顯,自 萬 化 也,用 成象之謂 而 食,鮮 之詳 物 彼以清濁言,此以 見之謂之仁, 不 「兩在故不測。」 占,筮也。 謂機緘之妙,業 内 而 隅,故隨其所見 公者屬 知 上章以 密 而外也,仁謂 能 不與聖人 而 知味 ,故君子 可 乎 乾,效 陰生陽 知 陰 見 者,又 事之 意蓋 富 屬乎 者。 也 有

崇德 所 地。 子曰 大配 之。 〇此第 之説、易簡之德、配之天道、人事 外,而其氣常行乎地之中也,易之所以廣大者以 曰大; 易簡之善配 也 也 而理存。 天 遠,則不禦; 未嘗倚於陰陽也。 加 直,是 闢, 地之間 也。 靜體而 《十翼 天地, 而 坤二而虚, 五章,言道之體用不外 是 《易》其至矣乎! 窮理 廣 備言无所不有。 以 以 》皆夫子所作,不應自著「子曰」字,疑皆後人 動 業 則 用 變 大 則 廣 也。 至德。 知 ,靜别而動 故以量 以 生焉。 通 生 備 崇 言乎 ○夫易,廣 如 配 焉。 矣。 知崇,禮卑,崇效天,卑 天 四 言而日 易之廣大、變通,與 而 邇 交也。 不禦言無盡 乾、坤 夫乾, 時 夫坤 德崇 ,則靜 乎 廣。 則如 陰 夫《易》,聖人 陰陽, 各 矣,大矣。 乾 循 陽 其 有 其 蓋天之形雖包 此。 理 之 動 靜 而 而實,故以質言 靜 耐 則 靜 靜 此 Œ, 其 義 禮 也 也 所以 第六章。 而 於 卑 其所言 配 專 翕 Œ, 其 如 以 以 此。 然者,則 H 地 四 言即 於 所 言 其 其 言 陰陽 而 月, 地 德 以 法 廣 動 動 乎 平 之 丽 見 物

出

之至賾 以行 爻。 列者。 存,謂 其中 化行,猶知 此下七爻則其例也。 廣,此其取 有好爵,吾與 其 其 議 也。 以 ,是故謂之象。 如 會謂理之所聚而不可 存而又存,不已之意也。 室, 以 言善,則千里之外應之,況其邇者乎? 其典禮,繫辭焉以斷其吉凶 見天下之蹟,而 聖人有以見天下之動, 庖 惡猶厭也。 成 加 丁解牛, 、禮存性而道 類又以清濁言也。 出 成 其 不可惡也,言天下之至動 其言 性存 變化。 爾靡之。]子曰:君子居其室 會則 不善, 「鳴鶴 擬之而後言,議之而後動, 存 賾,雜亂也。 其 義 觀象玩辭,觀變玩占,而法行之, 道 (族,而 出 遺處,通謂理之可行而无所礙 擬 中。 則千里之外違之,況 在陰,其子和之。 天地 義之門。 諸 通則 〇此第七章。 成性,本成之性 其 象,卦之象,如説卦所 設位 其虚也。 (形容, 而觀其會通 天地設位 ,是故謂之 m 言天下 象 IIII 易 也。 聖人 其 不 行 而 我 叮 物 乎 存 也。 也。 圃 其

處。

擬

亂

宜

有

其恭也。 德言盛,禮言恭。 謙,君子有終,吉。」子曰: 後實无間。 臭如蘭。釋同人九五爻義。 或語。 也以往,其无所失矣。釋大過初六爻義。 「初六,藉用白茅,无咎。」子曰: 榮辱之主也。 可不慎乎! 邇,見乎遠。 而可矣。 而後笑。」子曰:君子之道,或出 不德,厚之至也。 邇者乎? 釋謙九三爻義,德言盛,禮言恭,言德欲其盛 夫茅之爲物薄,而 二人同心,其利斷金。 「亢龍有悔。」子曰 断金、 藉之用茅,何咎之有? 釋中孚九二爻義。 言行,君子之樞機,樞 言出 言行,君子之所以 如蘭, 謙也者,致恭以存其位者 乎身, 言 語 物莫能間,而其 言君子之道,初若不同,而 用可重也。 以 加 其 勞 貴 同 乎 功 而 同 而 民 下 不 无位 人,先號 或處,或默 動天地也 心之言,其 苟錯 人者 伐, 言 機之發, 行 慎 慎之至 有 高高 發 諸 有 斯 味 「勞 也。 桁 也。 咷 地 圃

八六

則中五爲衍母,次十爲衍子,次一、二、三、 陽奇陰耦,即所謂河圖者也。 第八章,言卦爻之用。 《易》曰:「負且乘,致寇至。」負也者,小人 上,三、八居左,四 在第十章之首,程子曰宜在此,今從之。 天五,地六,天七,地八,天九,地十。 且乘,致寇至。」盗之招也。釋解六三爻義。 之矣。慢藏誨盗,冶容誨淫。《易》曰:「負 之事也; 初九爻義。 也。 无民 君子之器,盗思奪之矣。上慢下暴,盗思伐 不密則害成,是以君子慎 爲階。君不密則失臣,臣不 户庭,无咎。]子曰:亂之所生也,則言 了, 賢 釋乾上九爻義。 人在下 乘也者,君子之器也。 子曰:作《易》者,其 、九居右,五、十居中。 位 當屬《文言》,此蓋重 〇天一,地二,天三,地四 而 无輔, 其位,一、六居下,二、七居 密 密則失身,幾 前 是以 不 此言天地之數 就此章而言之。 四爲四象之位 小人 知 出 出 動 盗 也。 丽 此 而 乎? 語 不 有 簡本 〇此 釋節 乘 事 以 出 悔

皆出 天五乘地十而得之。 閏,故再扐 奇耦生成之屈伸 之以四以象四時,歸奇於扐以 四化生金而九變成之,五變生土而十化成之。 六化成之,二化生火而七變成之,三變生木而八化成之, 十有九。 五奇之積也。三十者,五耦之積也。 與七、三與八、四與九、五 八,九與十,各以 六、八、十,皆耦也。 天數五者,一、三、五、七、九,皆奇也。 化而行鬼神也。 數三十,凡天地之數五十 五 東 次六、七、 ,五位相得而各有合。天數二十有五 南,其數 於理勢之自然, 八、九爲四象之數,二老位於 分而爲二以象兩,掛 則各以其類交錯於外也。 ៣ 往來者。 奇耦爲類而 後 相得謂 而非人之知 掛。 至用以筮,則又止 此簡本在大衍之後,今按宜在此 與十,皆兩相合。二十 大衍之數五 大衍之數 自 與二,三與四,五與六,七與 相 力所 有 得。 五,此 變化謂一變生水而 能 + 地數五者,二、四 有合謂一與六,二 五 象閏,五 天數五, 用四 西 損 益 蓋 以 一十,其 北,二少位於 所以 十有 也。 以 象 泂 鬼神謂 有五 三,揲 兩謂 九。 歲 用 成 地 中 地 數 再 蓋 四 官 凡 天

未

出

之少陰。

四,是爲居四之老陰。 是爲居三之少陽。 圍三,耦方圍四,三用其全,四用其半,積而數之,則爲六、 通計三變之餘,去其初掛之一,凡四爲奇,凡八爲耦 連八,少陽居三而連七,太陰居四而連六。揲蓍之法,則 數生於四象。 掛之後左右各一揲而一扐,故五者之中凡有再扐,然後别 九,而其揲亦九,策亦四九三十六,是爲居一之太陽。 七、八、九、而第三變揲數、策數亦皆 一奇一耦則八,而其揲亦八,策亦四八三十二,是爲居二 極乎盈,故此獨以 自然,非人之所能爲也。 而數之也。 十有四,凡三百有六十,當期之日。 也。 也。 掛 成月,故五歲之中凡有再閏,然後别起積分,如一 二耦一奇則七,而其揲亦七,策亦四七二十八, 閏,積月之餘日而成月者也。五歲之間再積 乾之策二百一十有六,坤之策 其 奇,所揲四數之餘也。 蓋河圖四 一於左手小 三耦則六,而其揲亦六,策亦四六二十 老陽、 是其變化往 一面,太陽居一而連九,少陰居二而 老陰計乾 少陰退而未極乎虚,少陽進 指之間 來、 也。 坤 一符會。 扐,勒於左手中三指 進 ·六爻之策數,餘 三,三才也。 退離合之妙,皆 蓋餘三 凡此策 一奇則 ,奇圓 揲, 百 餘 可 丽 耳。 道 可與 小成。 變而 推

四

起

掛

地也。

間

之兩間

日

而再

法,然亦略矣。 别上文也。〇此第九章,言天地、大衍之數,揲蓍求卦之 是也、皆非人之所能爲、故夫子歎之、而門人加 酢謂應對。 定吉凶,凡四千九十六卦 其爻之變與不變以爲動靜,則一卦可變而爲六十四卦以 類而長之,天下之能事 也,謂一變也。 特舉成數而概言之耳。 百八策,合之得此數。 九十二,得六千九百一十二策,陰爻百九十二,得四千 二十、當萬物之數也。二篇謂上、下經。 一者,其知神之所 而知也。 其可推者、《啓蒙》備言之。 、酬酢,可與祐神矣。 成卦。 謂九變而成三畫,得內卦 祐神謂助神化之功。 期周一歲也,凡三百 三變成爻,十八變則成六爻也。 意其詳具於太卜、筮人之官,而今不可考 四營謂分二、掛一、揲四 是故四營而 爲乎? 二篇之策萬 也。 畢矣。 顯 道因辭顯,行以數神。 六十五 〇《易》有聖人之道 變化之道 道 也。 子曰:知變化 謂已成六爻,而 神 引而 成易,十有八 日 「、歸奇 有一千五 四 德行, 即即 分日之一,此 伸之, 也。 八卦 子日 凡陽爻百 上文數法 是 易,變 こ以 之 故 白 觸 而 酬 視

八八

至。 幾,微 《易》,聖人之所 之體; 唯深也,故能 行者也。 之實。」又曰:參之以比物,伍之以合參。《史記》曰: 有聖人之道 天下之務; 神,其孰 然不動,感 類相準。」此足以相發明矣。 參而伍之。」又曰:「參伍不失。」《漢書》曰: 曰:「省同異之言,以知朋黨之分。 參 伍 所以通 也。 感通者,寂之用。 尤 易指蓍卦。 難 所以 能 曉 志 與 而 極深 唯 四 丽 於 按 通天下之志,唯 遂 成務者,神之所爲也。 神 焉」者,❷此之謂 此! 荀 者,至 以 无思无爲,言其无心也。 通天下之故。 子云: 也,故不疾 極 人心之妙,其 精 深 此四者之體所以立,而用 易無思 窺敵 也; 而 研 制 所以 偶參伍 變, 幾 也, 而 動 幾 研 欲 也。 非天下之至 靜 也。 速,不 幾 子 之驗,以責 也, 伍以 「參伍其賈,以 無爲也,寂 亦 者,至 研 如 寂然者 〇此第十 故 參。 此。 猶 行 能 變 審 易 所以 (陳言 韓 一必 「,感 也 而 成 夫 非

蓋通

究七、八、九、六

總而挈之,

低

一昂

之謂

也。

此亦皆

謂

揲

蓍求

排

一之事。

多寡之實也。

錯者,交而互之,一

左一右之謂也。

之數,以定卦爻動靜之象也。

「參伍」、「錯綜」皆古語,而

之事。

變則象之未定者也。參者,三數之也。

伍者,五

數

既參以變,又伍以變,一先一後,更相考覈以審其

非天下之至變,其孰能與

於此!

此尚象

之也。

[「]右」,原作「有」,據《傳義附録》改。

[「]者」,原脱,據宋甲本、《傳義附録》補。

以

此

齊

戒

之謂

而

不殺,得其理

事則神知之用 設,而天下之道皆在其中。 三者之德,而无一塵之累,无事則其心寂然,人莫能窺, 方、知,謂事有定理。 之德方以知,六爻之義易以 謂使人卜筮以知吉凶而成事業。 察於民之故, 心,退藏於密,吉凶與 定天下之業,以斷天下之疑。 章之意,言 神 者也 而 藏 肅 而不假其物之謂。 以神 武 往 已 隨 然警惕 者也。 感而 而 ? 其 易 明 不殺者夫 是興 易以貢,謂變易以告 夫易, 應, 孰能 之用有 之謂 其 所 德 神 是故蓍之德圓 是故聖 謂无 戒。 與 開 夫! 此 物以 是以 於 ト筮 四 明 物 民 冒天下之道 天 者。 此 成 同 圓 人以 前 貢。 道 神 丽 明 哉 務,冒 物謂 知吉凶 神,謂變化无方。 患。 民 故 人。 於天之道 聖人 用。 通天下之 子 知 書 ,謂卦爻旣 加 開物成務。 神 神以 也。 聖人體具 古之 龜 天下之 日 神,卦 物 聖人 以 : 神武 之可 湛然 聰 知 夫 此 有 然之理也。 也。 也。 利 乾, 興。 兩 而 乃謂之象, 1 筮以教人 儀 用出 闔 兩

來,知

以

洗

明

叡知

志,以

道

如如

斯

何

爲

章,承上

莫大乎富貴。 有吉有凶,是生大業。 詳见《序例》、《啓蒙》。 通莫大乎四時,縣象著明 之次第,有不假絲毫智力而成者。 爲三畫而三才之象始備。 鬼神之能知來也。 一畫以分陰陽,四象者,次爲二畫以分太少,八卦者,次 神者,百姓自然之日用也。 見象、形器者,生物之序也。法者,聖人脩道之所爲, 先言坤者,由 察民故,故知其用之不可不有以開其先。 人,民咸 儀生 易者陰陽之變,大極者其理也。 ,於此焉 形 闢謂之變,往 四 乃謂之器,制 靜 備物致用,立成器以爲天下 是故闔 象, ,齊戒以考其占 而動 用 是故 八卦定吉凶,吉凶生大業。 四 之謂之神。 也。 此數言者,實聖人作《易》自 象生八卦。 户謂之坤,關户 法象莫大 是故易有大極,是生 乾、坤變、 來不窮謂之通 莫大乎日月,崇高 畫卦、揲蓍其序皆然 而 使其心神明 用之謂之法 通 闔闢,動靜之機 乎 一每 者,化育之功 兩儀者,始 夫 是以 地 不測 生二,自 謂 變 作爲 之 見 爲 如

九〇

蓍龜。 則 此四者,聖人作《易》之所由也。 X 利 定天下之吉凶,●成天下之亹亹 勉勉也,疑則怠,決故勉。 ,聖人象之; 天地變化,聖人效之, 富貴謂有天下、履帝位。「立」下疑有闕文。亹亹 河出圖,洛出書,聖人則之。 是故天生 河圖、洛書詳見《啓蒙》。 天垂 神物 象,見吉 ,聖人

日 定之以吉凶,所以 易有四象,所以 ○《易》曰: 示人以所值之卦爻。() 祐者,助也。 「自天祐之、吉、无不利。」子 示也。 天之所助者,順也, 斷也。 此第十一 繋辭焉,所以告 四象謂陰陽老少。 章,專 言 人之 ١ 示謂 也。 筮。

著也。

易之所有,陰陽而

己。

凡陽皆乾,

凡陰皆

坤,

畫

義,然在此無所屬,或恐是錯簡,宜 是以自天祐之,吉,无不利 也。 在第八章之末。❸○ 釋大有上九爻

所

助

者,信也。

履信思乎

順,

又以

尚

賢

也。

其 通之以 見,則乾、坤或 乾、坤其易之緼 字皆後人所加 亦爲後人每章加以「周子曰」字,其設問 變通、鼓舞以事而言。 象之所示者深,觀奇耦二畫包含變化无有窮 八中矣。 設 桂 盡 以 乾、坤 利 ,故有此誤。 盡 ,鼓之舞之以 情 幾乎 耶 毁, 僞 兩「子曰」字宜衍其 ? 息矣。 則 繫 如近世 乾、 辭 无 焉 坤 盡 以 緼,所包蓄者,猶 《通書》乃周子所自 神。 以 見易。 成 盡 列 苔處正 言之所傳者 其言, 盡則 圃 易不 蓋「子 易 如 可 立 此 見 衣之 作 日 矣。 也。 口 乎 而

道 Ů, 而 定位,則二 形 行之謂之通 乾、 而下 坤 息,謂 者成列,而易之體立矣。 者謂之器,化 變化不行。 舉 而錯之天下之民,謂之事 是故 而裁之謂 形 乾、 而 坤 毁,謂 E 之變, 者 卦 謂 畫 推 之 不

意

其

不可

見

乎?

子

日

聖

人

立

象

以

盡

子

日

不

盡

言,

言不

盡

意。

然

則

聖

人

之

⁰ 以」,原 脱 據宋甲 本、《傳 附録》補

也」,原脱 據宋甲本《傳義附録》補

八」,原作「七」,據《傳義附録》改

本 義

易繫辭下傳第六

周

朱熹本義

在其中 趣時 吉凶者,貞勝者也。 卦爻之動而後見。 來交錯,無不可見。 後卦有六爻也。 者,生乎動 六、艮七、坤八之類。 一卦而以八卦次第加之,爲六十四也。 ,則占者所值當動之爻象,亦不出乎此矣。 而命之,動 者 八卦成列,象在其中矣。 也, 者也。 成列,謂乾一、兌二、離 剛柔相推,變在其中矣。 剛一柔各有定位,自此而彼,變以從時。 在其中矣。 剛柔者,立本者也; 聖人因其如此,而皆繫之辭以命其吉 象謂卦之形體也。 吉凶悔吝,皆辭之所命也,然必因 貞、正也、常也、物以其所正爲常 剛柔相推而卦爻之變往 爻,六爻也,旣重而 三、震四、異五 因而重之,爻 因而重之,謂各因 吉凶 變通者。 繋解 悔 坎 吝

觀法於地,觀鳥獸之文與地之宜,近取諸身 之。爻象動乎内,吉凶見乎外,功業見乎變, 者包犧氏之王天下也,仰則觀象於天,俯則 罔與守邦。○此第一章,言卦爻吉凶,造化功業。 義。「曰人」之「人」,今本作「仁」,吕氏從古。 何以聚人? 生,聖人之大寶曰 變即動乎內之變,辭即見乎外之辭。天地之大德曰 聖人之情見乎辭。 此謂上文乾、坤所示之理、爻之奇耦、卦之消息所以效而象 也。爻也者,效此者也; 然示人簡矣。確然,健貌。 動,其變无窮,然順理則吉,逆理則凶,則其所正而常者,亦 也,天下之動,貞夫一者也。觀,示 者也。 天地之道,貞 理而已矣。 天下之事,非 夫乾; 曰財。 觀者也; 吉則凶,非 確然示人易矣。 位。 内謂蓍卦之中,外謂蓍卦之外 理財正辭,禁民爲非,曰 何以守位? 凶則吉,常相勝而 象也者,像此者也 隤然,順貌。 日月之道 蓋所謂非衆 所謂貞觀者 也。 貞 夫坤, 曰人。 不已 天下之 〇古 也。 隤

刳木 以自 澤之象。 退, 離。 而已。 取 遠 遠 使民宜之。 帝堯舜氏作, 中爲市,致天下之民,聚天下之貨,交易 斵木爲耜,揉木爲耒,耒耨之利以教天下 「天」字。 而 萬 取 以 諸 又借「噬」爲「市」、「嗑」爲「合」也。 各得其所,蓋取諸噬嗑。 爲 兩目 益。 利 諸 天下治。 天祐之,吉,无不 物 神明之德,如 舟 俯仰遠近,所取不一,然不過以驗陰陽 天 作結 之情。 物,於是 相 二體皆木,上人下動,天下之益莫大於此。 下 剡 承 易窮 m 繩 蓋 木爲 通其變,使民不倦; 物麗焉。 蓋取諸 王昭素曰,「與」、「地」之間 圃 健順動止之性。 始 取 則 爲罔 楫 作 諸 變,變 ·; 舟 八 涣 乾、坤。 利。 罟, 包犧氏没,神農氏 卦 楫之利 木在水上也。 則 以 以 黄帝、堯、舜垂衣 佃 通, 萬物之情。 日中爲市,上明 通 乾、坤變化而无爲。 神農氏 以 以 神 通 神而 漁, 明之德 濟 則 「致 不通 諸 消息 蓋 如 久。 没,黄 化之, 遠以 本多 雷 取 蓋 兩端 致 而 作, 風 是 H 以 而 諸 利 下 Ш 有

也。 材 於厚。 杵之 此第二章,言聖人制器 聖人易之以棺槨,蓋取諸大過。 蓋取諸大壯。 微 也,象也者,像 以薪,葬之中野,不 後世聖人易之以宫室,上棟下宇,以 取 取 百官以治,萬民以 弦木爲弧 蓋 天下」疑衍。 也。 諸 諸 取 因 此 效,放也。 睽。 諸隨。 豫。 利, 上古結繩 而著。 彖言一卦之材。 萬民 睽乖然後威以服之。 豫,備之意。 , 剡木爲矢, 弧矢之利以 服 下動上説。 是故 牛 此 以 壯,固之意。 也。 第三章。 而治,後世聖人易之以 乘 濟, 活凶 馬 尚象之事。 察、蓋取 封不樹,喪期 易卦之形,理之似 斷木爲 爻也者,效天下之動者 蓋 重門 引 生 取 重 而 古之葬者,厚 陽 上古穴 諸 撃 諸夬。 杵, 致 悔吝著也。 桂 〇是故易者,象 小過。 柝 遠 多陰,陰 掘 以 送死大事,而 無數; 明決之意。 居 威天 地 待 以 也。 待 下 而 爲 暴 利 彖者, 止上 下, 風 野 日 客 悔吝本 天 衣之 後世 桂 處 , 日 下 雨 多 動 過

九四

器也。 節 力矣。 其施用 而 獲之,无不利。」子曰: 隼者,禽也。 六三爻義。 既辱且危,死期將至,●妻其 困 蒺藜,人于其宫,不見其妻,凶。]子曰: 日 : 而屈也,自致者來而信也,是亦感應自然之理而已。 用,而交養互發之機自不能已。 内外交相養,互相發也。 其 窮神知化,德之盛也。 ,皆以釋咸九四爻義。 義,至於人神,屈之至也,然 動, 而困焉,名必辱,非所據 氣有陰陽,推行有漸,爲化合一,不測 至於窮神知化,乃德盛仁熟而自致耳,然不知者往 ,無適不安,伸之極也,然乃所 何不利之有 射之者,人也。 《易》曰:「公用 《易》曰:「困于石 過 動而 此 乃 君子藏器於身,待時 下學之事,盡力於 自 所 以 射 不括,是以出 是以上,則 以 往,未之或知也 而據焉,身必危 隼 可得見邪? 爲 以 ·于高 爲 出 而 人 爲 而崇德之資 致 神。」 亦 墉之上 弓矢者, 用之本, 無所 精義、利 此 非 圃 張子 釋困 L 用 有 所 四 利 其

▶ 「期」、《傳義附録》作「其」。

也。 獲,語 亂,是以身安而 此釋噬嗑上九爻義。 罪大而 此釋噬嗑初九爻義。善不積不足以成名,惡不積 凶。」言不勝其 及矣。《易》曰:「鼎折足,覆公餗,其形渥, 德薄而位尊,知小而謀大,力小而任重,鮮不 亡其亡,繫于苞桑。」此釋否九五爻義。 故君子安而不忘危,存而不忘亡,治而 亡者,保其存者也, 亂者,有其治者也。是 不足以滅身。 不勸,不威不懲,小懲 小惡爲无傷而弗去也,故惡積而不可 子 《易》曰:「屨校滅趾,无咎。」此之謂也。 成 曰:小人不恥不仁,不畏不義,不見利 (神乎! 不可 器 而 解。 動 小人以 任 君子 國家 者 子曰:危者,安其位者也 《易》曰:「何校滅耳,凶。」 也。 也。 上交不蹈,下交不瀆,其 可保也。 此 小善爲无 而大誡,此小人之福 括,結礙也。 釋鼎九四爻義。 《易》曰:「 益 此釋解 而弗爲也 子曰 子曰: 上六爻 不 揜, 其 忘 應也; 也。 識矣。 知幾 三、爻義。 日

以

傷之者至矣。 後語,定其交而後求,君子脩此三者,故 醇謂厚而凝也,言氣化者也。化生,形化者也。 精,萬物化生。《易》曰:「三人行則損 釋復初九爻義。 无祗悔,元吉。」始,危也。 此釋豫六二爻義。《漢書》「吉」、「之」之間有「凶」字。 不終日,貞吉。」介如石焉,寧用終日? 斷可 不知,知之未嘗復行也。《易》曰:「不遠復, 子見幾而作,不俟終日。 人行則得其友。」言致一也。 : 顔氏之子, 其 乎! 危以 子曰: 君子安其身而後動, 易其 君子知微知彰,知柔知剛,萬夫之望。 无交而 動,則民不與也,懼以 幾者,動之微,吉之先見 天地 《易》曰 求, 則民 (始庶 絪緼,萬物化醇; 不與 幾乎! 「莫益之,或擊之,立 庶幾,近意,言近道也。 《易》曰:「介于石 也 絪緼,交密之狀 有不善未嘗 莫之與, 語,則民 者也。 男女構 此釋損六 則 不 全 而 此

名也 陰物 曲 闡 指文王與紂之時也。 也, 德而成,故 心 末,易道中微,文王拘於羑里而緊彖辭,易道復興。 疑字,不可盡 失得之報 微顯」恐當作 萬物雖多,無不出於陰陽之變,故卦爻之義雖雜出 之撰,以 日 而 幽 勿 雜 然非上古淳質之時思慮所及也,故以爲衰世之意,蓋 乾、坤, 小 也。 中 恒 開 而 其 不 通神 Mi 曰:「乾、坤、易之門。」撰猶 其 X 通。 陰陽合德, 一微顯 當名 越。 取 事 作《易》者, 肆 其易之門 此釋 類也大。 明之德。 肆 後皆放此。 · 陳 而」,「開 於稽其 辨物,正言斷 丽 也。 夫《易》彰往 益 隱。 上 貢 面 九爻義。 而」之「而」亦 邪 其 、疑也。 諸卦 其旨遠,其 因貳 剛 類,其衰世之意 ○《易》之興也,其 ? 有 柔 剛柔之體 憂 乾 有 〇此第六章,多闕 以 0 辭 而察來, 患乎? 此 濟 事 體 陽 則 疑 第 也。 民行 (辭文,其言 以以 有 五章。 物 皆以 備矣。 誤。 也 其 體 而微 夏、商之 乾、坤 而不 是故 以 邪 其 稱 天 〇子 坤 而 於 明 稱 顯 ? 名 地 文 差 合

作。 存。 之制 不露。 處雜 遷。 皆至極。 益,長裕而 以制事變也。 以長善。 也 所當執持而 後其德有以爲 也。 而 裕 履 德 也。 辨於物。 圃 困 而 恒者,守不變而常且久。 德 異,稱 有序焉。 恒,德之固 也。 [身困] 常德不厭。 履 之 損 謙以 困以自驗其力,井以 困,德之辯也。 以 以 基 不可 m 履,禮也。 不設。 遠 和 道 自 而隱。 基而立也。 履,和 也 基所以立 恒,雜 亨。 卑 失者 害 行 損 - 而尊且 也。 井不動 欲先難。 也。 謙, 益 謙 而至。 此如《書》之九德。 困,窮 上天下澤,定分不易,必謹乎此 而 以 ,柄所以持。 以 光。 九卦皆反身脩德以 謙者,自卑而尊人,又爲禮者之 損 德 不 ,習熟則易。 制 賱 面 厭 懲忿窒慾以脩身,遷 井,德之地 之 不變其所 ,德之脩 及物。 復陽微 圃 謙,尊 利 禮 柄 通。 損,先 也。 復 困 復者,心不外 巽 而 以 以 圃 也。 益 不亂 井,居其 然後能異 稱物之宜 禮非強世 **但充** 復, 寡 自 光。 也。 難 處憂 於群 怨 加 知 益,德之 德之 長 復,小 後易。 巽,德 善 患 順 而 而 m 恒 所 然 之事 不 於 改 善 本 以 以 而 隱 造 事 理 過 恒

時物而 率其辭一 四爻。 然神而明之,則存乎其 臨 慮。 辭擬之,卒成之終。 書也,原始要終,以爲質也。 虚 之爲書也不可遠,爲道也屢遷。 撰德,辨是 詳,疑有脱誤。 卦之六位。 要,唯變所適。 辨義,異以 周流六虚,上下無常,剛 物也。 行。 父 〇此第七章,三陳九卦,以明處憂患之道。 母。雖无師保,而常若父母臨之,戒懼之至。 己。 方,道也。 而 質謂卦體,卦必舉其始終而後成體。 其出 其初難知,其 揆其方,既有典常,苟非其人,道不 與 行權。 亦要存亡吉凶, 又明於憂患與故 (非,則 人 始 遠猶忘也。 以 人也。〇此第八章。 由辭以度其理,則見其有典常矣。 寡怨謂 非其 度,外 此言初、上二爻。 上易知,本末 少所怨尤。 中爻不備。 周流六虚,謂陰陽流行於 柔相易,不可爲 内 則居可知矣。 六爻相雜,唯其 使 ,无有師 知 辨義 變動不居, 若夫雜物 《易》之爲 懼。 此謂卦 也。 爻則唯其 謂安 ○《易》 保 此 句 而 知 初 初 典 如 未 中 能

時

當殷之末世,周之盛德邪 不當謂爻不當位。 謂卦之一體。 雜,故曰文。文不當,故吉凶 此第九章。 同陽位而貴賤不同。 道有變動,故曰爻。 爻有等,故曰 材,重之故六,而以上二爻爲天,中二爻爲人,下二爻爲地。 故六。六者非它也,三材之道也。三畫已具三 道焉,有人道焉,有地道焉。 功,貴賤之等也。 其柔中也。 謂遠近不同。 其用柔中 懼,近也。 者觀其彖辭,則 二與四同功而異位,其善不同,二多譽,四 〇《易》之爲書也,廣大悉備。 三與五同功 也。此以下論中爻。 等謂遠近貴賤之差。 柔之爲道,不利遠者,其要无咎, 四近君,故多懼。 〇此第十章。 然以柔居之則危,惟剛則能勝之。 思過半矣。彖統論 其柔危,其剛 而異位,三多凶, 柔不利遠,而二多譽者,以 ○《易》之興 相雜謂剛柔之位相 同 兼三材而 生焉。 功謂 當文王與紂之 勝邪? 皆陰位。 物。 卦六爻之體 道 、也,其 有變動 兩之, 物相 三、五 有天 Ŧ. 異位 間。 多

德行 事邪 又知阻,則不困於阻矣。 趨上而知其阻。 是以其有憂患,則健者如自高臨下而知其險,順者如自下 不煩,故簡。然其於事,皆有以知其難,而不敢易以處之, 之道也。 能説諸心,能研諸侯之慮,定天下之吉凶,成 此之謂易之道也。 其道甚大,百物不 行恒簡以 恒易以知險。 〇此第十一章。 知阻。 蓋雖易而能 至健則所行無難,故易。 所以能危能懼,而無易者之傾也。 危懼故得平安,慢易則必傾覆,易 夫坤,天下之至順 〇夫乾,天下之至健 知險, 則不陷於險矣, 至順則所行 也,德 、旣簡而 也

也。 枝。 S) 其辭遊。 皆由此生。 惡相攻而吉凶生,遠近相取而悔吝生,情 相 卦爻辭。 姓之愚皆得 言,剛柔雜居, 天地設位, 感 吉人之辭寡,躁 或害之,悔且吝。不相得,謂相惡也,凶害悔吝 丽 利 變動以利言,吉凶以 而聖人作《易 將叛者,其 害生。 以與其能。 失其守 而吉凶可見矣。象謂卦 者, 凡易之情,近 》以成其 八 解慙。 人之辭多。 其辭屈。 卦以象告,爻彖以 功。 中心 於是人謀 情遷。 卦爻之辭亦猶 圃 疑者,其辭 誣善之人, 不 鬼謀, 是故 畫,爻彖謂 相 得 雖 僞 愛 則 情 百

〇此第十二章。

爲,故象事

可

以

知器。

古

事有祥,故占事

可

以

知

天

爲,吉事有祥。

象事

知器,占事

知來。變化云

地設位,聖人成能。

人謀

鬼謀,

百

姓

與

能。

故有以定吉凶。

研諸慮,故有以成亹亹。

是故

變化

云

會,乾之事也。

研諸慮者,理因慮審,坤之事也。

説諸

心

天下之亹亹者。「侯之」二字衍。

説諸心者,心與

理

九八

周易文言傳第七

朱熹本義

餘卦之説因可以例推云。此篇中《彖傳》、《象傳》之意,以盡乾、坤二卦之蘊,而

以 君子體仁足以長人,嘉會足以合禮,利物足 爲知,而爲衆事之幹。 夏,於人則爲禮,而衆美之會也。利者,生物之遂,物各得 之長也。亨者,生物之通,物至於此莫不嘉美,故於時爲 者,義之和也。貞者,事之幹也。元者,生物之 所愛之中,故足以長人。 貞者,生物之成,實理具備,隨在各足,故於時爲冬,於人則 宜,不相妨害,故於時爲秋,於人則爲義,而得其分之和。 始,天地之德莫先於此,故於時爲春,於人則爲仁,而衆善 和義,貞固足以 元者,善之長也。 幹,木之身,枝葉所依以立者也 幹事。 嘉其所會,則無不合禮。 亨者,嘉之會也。 以仁爲體,則无 一物不在 使物各 利

> 謹,閑 也。 所謂 《易》曰「見龍在田,利見大人」,君德也。 子曰: 龍德而正中者也。庸言之信,庸行之 九二曰:「見龍在田、利見大人。」何謂也? 抵乾卦六爻、《文言》皆以聖人明之,有隱顯而無淺深也。 樂則行之,憂則違之,確乎其不可拔,潛龍 乎世,不成乎名,遯世无悶,不見是 用。」何謂也? 傳者欲以明此章之爲古語也。 之,而夫子亦有取焉,故下文别以「子曰」表孔子之詞。蓋 與《春秋傳》所載穆姜之言不異。疑古者已有此語,穆姜稱 行此,故曰:「乾,元亨利貞。」○此第一節,申《彖傳》之意 德者,故曰:「乾,元亨利貞。」非君子之至健无以 得其所利,❶則義无不和。貞固者,知正之所在 知而 龍德,聖人之德也。在下故隱。易謂變其所守。大 邪 弗去者也,故足以爲事之幹。 存 其 誠,善世而 子曰: 龍 德 初九曰:「潜龍 不伐,德博 丽 隱者也,不易 君子,行此四 而无悶 而固守之, 而化。 正中 勿

❶ 「所」,原脱,據《傳義附録》補。「其」,宋甲本作「所」。

周易文言傳第七

九二也。 邪存其 未 九三 誠、無斁亦 躍 之時 曰 也。 ? 保」之意。 常言 「君子終日乾 亦信 . 言君 常 行 德也 亦 乾, 謹 者,釋大人之爲 夕惕若厲 德之至 也 從其 物 流 覩。 濕

閑

不 潜

丽

也。 忠信之心,然非脩 信 以 无一念之不誠也。 乾乾因其 知 无 此 至 旃 咎 知終終之,居業之事。 故 是 以 至之,可 也。 故 何 進 可 時 居 德 謂 上可 上 也。 愐 也 解立誠 與 脩辭 位 惕,雖危无咎矣。忠信,主於心者 下, 幾 脩辭 而不驕,在下位而不 子曰 不 ,見於事者无一言之不實也。 也。 則 騸 所以 无以居之。 文 不 知終終之,可 憂, 其 終日乾 君子 (誠,所 所 以 乾 知至至之,進德之 進 无 圃 咎 以 德 夕 也。 居 脩 猶惕若者。 與 憂,故 業也。 業,忠 存 九 雖有 義 四

賢人在下位,謂九 下 助之也。 龍 无民,賢人在 本乎天者謂動物,本乎地 人類之首 何 終日乾乾」,行事 也。 有 謂 悔。」 類 也 火 ○此第二節,申《象傳》之意。 本乎 ? 也,故興 也 就 見 何 燥,雲從 子 龍 作,起· 天者 謂 下 五以下。 起於 日 在 也 ·位而 田 也。 ? 親 也。 上則 同 者謂 龍 上,本乎 无輔. 聲 无輔,以 子 物 人皆見之。 時 「或躍 風 植物。 猶人也。 日: 相 舍 ,是以 從 應 上九 也 貴 虎 地 在 物各從其 同 覩 淵」, 過 上九日 者親 而 動 言 潜 釋利見之意 聖 氣 高志滿 无 未 而 龍 相 人 位 爲 類。 自 下 有 勿 作 求 時 試 悔 不 用 高 聖人, 用 則 面 ·來輔 元 也 也 也 也 而 水 萬

用」, 天下 以治下。 柔,天下无不治 未遽有爲,姑試其可。 治 陽氣潜 也。 元 龍 言 矣。 藏。 乾元用 有 0 悔 此第 「飛龍在天」,上 見龍 九、見與它卦 窮之災也 節 在 田 再 」,天下 申 前 不同 意。 乾 治 君 文明 元 也 道 潜 用 剛 龍 居上 而 九 勿 能

及時

而進

也

九

五

日

飛龍

在

天,利見大人。」

德、學言

外卦以時

位言。

進德脩業,九三備

矣,此則

欲其

君子

進

德

脩

完業,欲

及

時

也。

故

无

咎。

内

卦以

上下

无常

非

爲

邪

也

進退

无恒,非

離

群

也。

日

或

躍

在

淵

无

咎。」

何

謂

也

?

子

曰:

揮

丽

有動

以

剛无柔,不得言中正者,不然也。天地之間,本一氣之流行 惡,蓋剛健中正之至極,而精者又純粹之至極也。或疑 剛以體言,健兼用言。中者,其行無過、不及。正者,其立 利天下者,利也。不言所利者,貞也。或曰:坤利牝馬,則 言所利矣。 利天下,不言所利,大矣哉 而能柔,天之法也。 即天位也,蓋唯有是德乃宜居是位,故以名之。 上,變革之時。 上位,然天下已被其化。],與時 育耳。 亨者也。 通 當然也。 收斂歸藏,乃見性情之實。 其動靜分之,然後有陰陽剛柔之别也。 者乾之德也。 情 大哉乾乎 也。 以其流行之統體 偕極。 飛龍在天」,乃位乎天德。天德 始則必亨,理勢然矣。 旁通 或躍在淵」,乾道乃革。 〇此第四節,又申前 純者不雜於陰柔,粹者不雜於邪 猶 乾元用九,乃見天則。 言曲盡 剛健中正,純粹精 而言,則但謂之乾而无所不 終日 時 乾始能以美利 乾 乘六龍, 始者,元而亨也。 意。 乾, 利貞者,性 乾元 六爻發 與 元 離下而 以 時 者, 也 御 龍 剛 偕 乾 時。 仁以 見耳。 首章之意。 天

情

也。

始

m

不在

行。

時

不偏。

四

天也。 深明九二之爲大人也。 神合其吉凶。 人謂三。或者,隨時而未定也。 者,疑之也,故无咎。 在天,下不在 矣。重剛謂陽爻、陽位。 潜之爲言也,隱而未見,行而未成,是以君子 御天,則如天之雲行雨施而天下平也。 合其德,與日月合其明,與 天,下不在田,故乾乾因其 人。」君德也。蓋由四者以成大人之德。再言君德,以 弗用也。成德,已成之德也。 行之。 君子學以聚之,問以辨之,寬以居之, 且 雲行雨 君子以成德爲 弗 《易》曰:「見 違, 田,中不在 先天 施,天下平也。 圃 九三 況 而 九 九四非重剛,「重」字疑衍。 於 天 四 重剛 人乎? 行, 初九固成德,但其行未可 弗 人,故或之。 夫大人者,與 重 時 四時合其序,與 龍 違,後天而 剛 日 而 而惕,雖危 在 〇此第五節。 言聖人時乘六 加 不中,上 可見之行 田,利見大 不中,上不 況 於 或之 鬼 天 不 无 復申 龍 神 鬼 咎 地 在 在

平

知進 乎夫子之所論,然其至公無我,亦可謂當時之大人矣。 亢 避害者也。 此行當見一大人而還。」其占蓋與此合。 天,謂知理如是,奉而行之。 格 於 形 體 可當之。 ○此第六節,復申第二、第三、第四節之意。 知其理勢如是而處之以道,則不至於有悔矣,固非計私以 之爲言也,知 後之可言哉! 彖傳》之意。 利」字。 生物有常。 動 而 也 退、存亡 不知喪。 承天 剛 而不能相通。 人與天地鬼神本無二理,特蔽於有我之私,是以 人即 含萬物 再言「其唯聖人乎」,始若設問,而卒自應之也。 而 至 積善之家必有餘慶,積不善之家 後得 釋爻辭所利見之大人也 先天不違,謂意之所爲,默與道契。 進而 時 一靜 而 所以動 行。 而化光。 不失其 主 而 德方。 而 不知退,知存而 大人無私,以道爲體 而有悔也。 復明順承天之義。 有常,程 回紇謂郭子儀曰: 正者,其唯聖人乎? 復明亨義。 剛、 方釋牝馬之貞也。方 《傳》曰:「主」下當有 其唯聖人乎? ,有是德 若子儀者,雖未及 不知亡,知 坤道其 ○坤,至柔 ,曾何彼此先 〇此以上申 而 「卜者言 當其位 後天奉 順 乃 必

得

乎

加

暢於四支復釋居體。 尊位而居下體,釋 黄中,言中德在内,釋「黄」字之義也。 化,草木蕃;天地閉,賢人隱。《易》曰 孤言大也。 四支,發於事業,美之至也。 囊,无咎无譽。」蓋 也,臣道也。 美,含之以從王事 義謂裁制,敬則本體之守也。直內方外,程《傳》備 利」,則不疑其所行也。此以學言之也。 敬義立而 正也,方其義也,君子敬以直内,義以 《易》曰:「履霜 「順」、「愼」通用,按此當作「愼」,言當辨之於微也。 夕之故,其所由來者漸 有 餘 殃。 疑故習而後利,不疑則何假於習。 德 臣 不孤。 地道无成而代有終也。 「裳」字之義也。 弑 陰疑於陽必戰。 其 堅 言謹 ,弗敢成也。 「直、方、大,不習无 君, 冰 至。」蓋言順也。 矣,由辨之不早辨也。 也。 子 弑 美在其中 君子黃 其 美在其中復釋黃中、 正位居體 地道 父,非 爲其嫌 中 也,妻 正謂本體 天地 陰 丽 方外, 通 [: 「括 矣。 暢 雖 直其 朝 古字 雖在 於 於 變 道 有 不

傷也。○此以上申《象傳》之意。 「無國,蓋氣陽而血陰也。玄黃,天地之正色。言陰陽皆 疑謂钧敵而无小大之差也。●坤雖无陽,然陽未嘗无也。 疑謂钧敵而无小大之差也。●坤雖无陽,然陽未嘗无也。 大玄 黃 者,天 地之 雜 也,天 玄 而 地 黃 。

「而」,原脱,據宋甲本、《傳義附録》補。

一 〇 三

義

周易説卦傳第八

朱熹本義

方者 道得,而蓍莖長丈,其叢生滿百莖。」參 逆,統言之也。 故揲蓍三變之末,其餘三奇, 數,天圓地方。 而 ,盡人物之性,而合於天道,此聖人作易之極功也。 於義, 立 兩二一三則爲七, 幽贊神明猶言贊化育。 卦,發揮於剛 昔者聖人之作《易》也,幽贊於神明 而圍四,四 ○昔者聖人之作《易》也,將以順性 窮 理 理 圓 調 杰 合二耦,故兩地而爲二。 [者一而圍三,三各一奇,故參天而 隨 性 事得 兩三一二則爲八。 柔而生爻。 以 至 其條理,析言之也。 則三三而九、三耦, 《龜策傳》曰:「天下和平,王 一於命。 和 和 天兩 觀變於 順 順,從容無所乖 數皆倚此而起。 於道 地 則三二而 窮天下之 德而 陰 爲二。 而 而 〇此 陽 倚 生

見乎離 章。 坤,推未生之卦也。 兌以説之,乾以君之,坤 風 艮 離、兌以至於乾,數已生之卦也。 往者順、知來者逆、是故易 西 南,坤北,離東,坎西,兌居東南,震居東北 不相射。 剛,故《易》六位 之,故《易》六畫 日 上章同。 命之理,是以立天之道 北,於是八卦相交而成六十四卦,所謂先天之學也。 [柔與 以 坤爲次,故皆逆數也。 又細分之,則陰陽之位間雜 散之, ○天地定位 剛,立人之道曰仁與義。 ,致役乎坤 〇此第四章。 八卦相錯。 雨 以 《易》之生卦則以乾、 潤 而成卦。 而 山 之,日以 ,説言乎兌,戰乎乾 成章。 〇帝出 澤 〇此第三章。 邵子曰: 通 日 以藏之。 氣 而 分陰分陽,迭用 陰 乎震, 自巽而歷坎、艮以 兼三才而兩之,總言六 烜之,艮 雷 逆數 成文章也。 此伏羲八卦之位。 與 風 兌、離、震、 陽, 〇雷以 兼三才 ,巽居西南 也 齊 此卦位相對與 相 立 乎 以 薄,水火 〇此第二 起 地 ·巽,相 止之, 動之, 、巽、坎、 震 之道 而 至於 ,艮居 而 數 柔 兩 歷

乎艮。 卦 取諸 莫 乎澤,潤 爲言者也。 章,所推卦位之説多未詳 陽相薄也。 也。 王所 疾乎風,燥 也,萬物之所歸也,故曰勞乎坎。 E 之卦也。 絜齊也。❶ 坎 八盛 説言乎兌。 致 也,萬物之所成終而 定,所 成言乎艮。 一役 乎艮。 此 齊乎巽,巽,東 上言帝,此 乎坤。 也。 萬 謂後天之學也。 聖人 物者莫潤 萬物者莫熯乎火,説萬物 離也者,明也,萬物皆相見,南方 動 坎者,水也,正北 故 坤 萬物者莫疾乎雷 戰乎乾,乾, (南面 水火 兌,正秋也,萬物之所説 也者,地 帝者,天之主宰。 言萬物之隨帝以出 者。 南 相建、雷風不 而聽天下, 嚮明 乎 萬 也。 也,萬物皆致 水,終萬 所 物 神 成 西北之卦也,言陰 齊也者,言萬物 出 始 也 邵子曰 方之卦也,勞卦 乎震,震, 者, 人也。 也,故曰 橈 物 艮,東北之 相悖 妙 始 萬 ,此卦位 養焉 Πij 者莫 〇此第五 萬 萬 物 也,故 治 成 物 者 東 山 物 蓋 故 乃 説 莫 言 者 而 之 方 文 巽 0 得

女。 八章。 離爲 男,故謂之中男。離再索而得女,故謂 其義。 〇此第九章。 止 動 專言六子,以見神之所爲。 也,故稱乎母。 爲耳,離爲目,艮爲手,兌爲 通 女,故謂之少女。 也。 也。 乾爲馬,坤爲牛,震爲龍 氣 一索而得女,故謂之長女。 艮三索而得男,故謂之少男。 、雉,艮爲狗,兌爲羊。 然後 〇此第六章。 ○乾爲首,坤爲腹,震爲足,巽爲 兌,説也。 巽,人也。 能 ○乾,天也,故稱 變化, 震一索而 〇乾,健 此言八卦之性 坎,陷也。 旣 索,求也,謂揲蓍以求爻也。 然其位序亦用 成 得 也。 萬 遠取諸物如此。 ,巽爲雞 物 男,故謂之長男。 口。 乎父。 離 也。 情。 坤 坎再 近取諸身如 上 麗 〇此第七章。 順 此 章之説,未詳 兌三索而 次坎 也。 也。 去乾、 索 坤, 股, 爲 〇此 之中 而 坤而 艮, 得 地 此 坎 男 第

[「]絜」,原作「潔」,據宋甲本、《傳義附録》改

〇六

女指

桂

中

圜

爲黑。 帛,爲漿。 子母牛,爲大輿,爲文,爲衆,爲柄,其於地 坤爲地、爲母、爲布、爲釜、爲吝嗇、爲均、爲 荀九家有:爲牝,爲迷,爲方,爲囊,爲裳,爲黃,爲 震爲雷,爲龍,爲玄黃,爲旉,爲大 也

家有:爲玉,❶爲鵠,爲鼓。 其於稼也,爲反生。 於馬也,爲 善鳴,爲馵足,爲作足,爲的 其究爲健、爲蕃鮮。 巽爲木,爲風,爲長 荀九 女, 顙。

塗,爲長子,爲決躁,爲蒼筤竹,爲萑葦。

其

多白 不果,爲臭。 眼,爲近利 其於人也,爲寡髮 市三倍。 其究爲躁 爲 卦。 廣 顙 爲

爲繩直,爲工,爲白,爲長,爲高,爲進退,爲

矯 輮 家有: 爲楊,爲鸛 坎爲 其於人也,爲加憂,爲 水,爲溝 瀆, 爲 隱伏,爲 心病, 荀九

> 於經亦 輔頰。 多心。 地 爲多眚,爲通,爲月,爲盗。 少女,爲巫,爲口舌,爲毀折 堅多節。 指,爲狗,爲鼠,爲黔喙之屬。 徑路,爲 也,爲科上槁。 卦,爲鱉,爲蟹,爲贏,爲蚌,爲 爲甲胄,爲戈兵。其於人也,爲大腹。 爲蒺藜,爲桎梏。 也 不盡合也 〇此第十 荀九家有:爲宫,爲律,爲可,爲棟,爲叢棘,爲狐 剛國。 小石, 荀九家有:爲鼻,爲虎,爲狐。 兌爲 下首,爲薄蹄,爲曳。 Щ 卦 章,廣八卦之象,其間多不可曉 離爲火,爲日,爲電,爲中女, 爲門 爲妾,爲羊。 荀九家有:爲牝牛。 ,爲赤。 闕,爲果 其於馬 爲 其於木 荀九家有:爲常,爲 蓏 其於木 附決。 龜。 也, 爲 艮 其 爲 閽 也 爲 於 其 寺, 澤,爲 美脊 者,求之 也, Ц, 一,爲堅 興也 爲乾 其 於木 爲 於

⁰ 玉」,原作「五」,據宋甲本、《傳義附録》改。

朱熹本義

以需。 比也。 之始生也。 泰」二字。 者,衆也。 受之以訟。 蒙也,物之穉也。 唯萬物,故受之以屯。 物不可 後有禮,故受之以履。 否,故受之以同人。與人同者,物必歸焉,故 有 需者,飲食之道也。 比必有所畜,故受之以小畜。 天地,然後萬物生焉。 以終通,故受之以否。 然後安,故受之以泰。泰者,通也。 衆必有所比,故受之以比。 物生必蒙,故受之以蒙。蒙者, 訟必有衆起,故受之以師。 物穉不可不養也,故受之 屯者,盈也。 履而 飲食必有訟,故 泰,晁氏云,鄭無「而 盈天地之間者 物不可 屯者,物 物畜然 比者, 以終 師

> 也。 謙。 畜。 之以賁。 嗑。 隨,故受之以隨。 受之以无妄。有无妄然後可畜,故受之以大 剥,窮上反下,故受之以復。 故受之以剥。剥者,剥也。 之以臨。 之以蠱。 受之以大有。 所麗,故受之以離。離者,麗也。右上篇。● 以終過,故受之以坎。 故受之以觀。 不養則不可動,故受之以大過。 物畜然後可養,故受之以頤。 有大而能謙必豫,故受之以豫。豫必 嗑者,合也。 賁者,飾也。 蠱者,事也。 臨者,大也。 有大者不可以盈,故受之以 可觀而後有所合,故受之以噬 物不可以苟合而已,故受 以喜隨人者必有事,故受 坎者,陷也。 致飾然後亨則盡矣, 有事而 物大然 物不可 復則不妄矣,故 後可大,故受 後可以觀,● 頤者,養 物不可 以終盡 陷必有 有

- 以」、宋甲本無。
- 右上篇」 據宋甲本、《傳義附録》補

周易序卦傳第九

〇八

益。 上者謂之升,故受之以升。 也。決必有遇,故受之以姤。姤者,遇也。物 失,故受之以損。損而不已必益,故受之以 以終難,故受之以解。解者,緩也。緩必有所 乖必有難,故受之以蹇。蹇者,難也。物不可 人。家道窮必乖,故受之以睽。睽者,乖也。 者,傷也。傷於外者必反於家,故受之以家 受之以大壯。 受之以恒。恒者,久也。物不可以久居其所, 後禮義有所錯。夫婦之道不可以不久也,故 子然後有君臣,有君臣然後有上下,有上下然 晉者,進也。進必有所傷,故受之以明夷。夷 故受之以遯。遯者,退也。 有男女然後有夫婦,有夫婦然後有父子,有父 益而不已必決,故受之以夬。夬者,決 而後聚,故受之以萃。 有天地然後有萬物,有萬物然後有男女, 物不可以終壯,故受之以晉。 萃者,聚也。 升而不已必困,故 物不可以終遯,故 m

> 也。 妹。 終焉。右下篇。 受之以節。節而信之,故受之以中孚。 漸。 故受之以旣濟。 信者必行之,故受之以小過。 故受之以涣。涣者,離也。 之,故受之以兌。兌者,說也。説而後散之, 所容,故受之以巽。巽者,入也。 震者,動也。物不可以終動,止之,故受之以 艮。艮者,止也。物不可以終止,故受之以 故受之以鼎。 主器者莫若長子, 故受之以震 井道不可不革,故受之以革。革物者莫若鼎 受之以 得其所歸者必大,故受之以豐。 漸者,進也。進必有所歸,故受之以 窮大者必失其居,故受之以旅。 困。 困 乎上者必反下,故受之以井。 物不可窮也,故受之以未濟。 物不可以終離,故 有過物者必濟 人而 豐者,大 旅而 後説

^{● 「}右下篇」,原脱,據宋甲本、《傳義附録》補。

周易雜卦傳第十

朱熹本義

或求。 无故, 也。 聚而升不來 无妄,災也。 昧,艮光明也。 屯,震遇坎。 陰外見,巽陰内伏。 艮,止也。 有與、求之義。 蠱後 賁,无色也。 乾剛坤柔,比樂師 以我臨物曰與,物來觀我曰 當 震動故見,坎險不行也。 飭。 損、益,盛衰之始也。 或曰: 屯以初言,蒙以二言。震,起也。 屯見而不失其居。 止健者時有適然。无妄而災自外至。 也。 剥 随,无故也。 謙輕 白受采。 爛也。 憂。 而 豫 兌見而巽伏也。 復,反也。 臨、 怠 蠱則飭 水。 蒙,坎遇艮。 也。 觀之義,或與 或曰: 大畜,時 蒙雜 噬 也。 晉, 嗑 二卦互 而 坎幽 隨前 食 也。 著。 萃 書 兌

> 反對 衆也。 也。 之終也。 過,顛也。 也。 常久。 不處,行進之義。需,不進也。訟,不親也。大 也。火炎上,水潤下。 也。 剛柔相遇 也。 男行也。 親寡,旅也。 也。大壯則止,遯則退也。 或疑其錯簡,今以韻协之,又似非誤,未詳何義 君子道長,小人道憂也。 小過,過也。 明夷,誅也。 睽,外也。 涣,離 同 而剛見揜也。 未濟,男之窮也。夬,決也,剛決柔 頤,養正也。 人,親 **遘**,遇也,柔遇剛 也。 既明且動,其故多矣。 家人,内也。 也。 節,止也。 誅,傷也。 中孚,信也。 咸,速也。 小畜,寡也。 革,去故 旣濟,定也。 井 解,緩 止謂不退。大有, 也。 通 否、泰,反其類 恒,久也。 自「遘」以下,卦不 也。 加 離上而坎下 豐,多故也。 履,不處也。 漸,女歸 也。 困 鼎,取 歸妹,女 相 蹇,難 遇 感速。 也。 待 新

0

周易五贊

木熹系述

象

原

旣 偶 偶 奇 偶 奇 惟 奇 兩 太 偶 加 榦 奇 奇 偶 而 皇昊義 旣分, 肇 以 而 加 乃支,一 而 面 而 奇,陰 判 奇, 奇 奇 奇 奇 次三 仰 巽 初 艮 陰 日 陽之 各 居 居 復 内 降 觀 生 次 日 日 生 次 陽 俯 陽 陽。 乾。 七。 離 兩。 兩。 外。 升。 五 陰陽 偶 偶 偶 陽 奇 奇 奇 奇 一才在 偶 奇 偶 奇 復 偶 而 交錯 以 而 旣 而 而 而 加 加 偶 目 偶 施 偶 偶 偶 偶 陳 陰與 兌 坎 陽 陰 四 以 兩 六 卦 坤 次 震 陰 文 儀 兩 陰 以 斯 以 指 以 四 斯 而 焉。 掌。 會。 設 畢 睹 隨 章 象。 承

> 遭秦 建官立 降帝 交易爲 象 文王 離 乃乾斯父, 因 初 陳 南坎北, 書 mi (井) 燼 數 一繫彖,周公繫爻。 而 重 爲 禮,往 師 之,一 列 王 儀 ,及宋 ,命曰《周易》。 震東兌西。 乃坤 傳 言 中 夏 貞 盡 此 畫 斯母。 丽 歷 理 來 八 爲 得。 明。 商。 彼 悔 象。 乾、坤、艮、巽,位以四維 震坎艮男,巽、離、兌女。 視此 有占. 彌 邵 變易 六 孔聖贊之,是爲「十翼」。 Ŀ 億 傳義畫,程演周 + 畫 無 萬 爲 八 四 卦 卦,二純 文,民 年 用 桂 成 永著常式 時 由 文斯 用 靜 内 六交。 弗 達 時 經 動 章。 外。 朗

述旨

昔 作 仰 風 .觀 氣 爲 在 上古 君 旣 俯 師 察 開 開 始 乃 世 生 鑿 畫 質 奇偶 (民淳。 户 聖 牖 人。 教之ト 聰 是 民 用 明 非 容智 不 莫 筮, 迷, 别 以 以 出 利 有常守。 斷 類 害 超 可 不 否 群

大哉孔 爰暨末 惟 恭惟三古 居省象辭 乃作《彖》《象》,「十翼」之篇。 語 乃 穆 降 匪 曰 因 予小 豪日 是學者,不 子 事 本 穆 及 l滋荒 惟 設 桂 文 中 子,旣 氂 子 流 孝 教 ,淫于 語 晚好 四 匪 匪 動 世 微 本 聖 察變占。 寧詳 差 此 臣 術數。 其 二心。 是 匪 滋 且 則 彖 大 風 繆。 書。 忠。 陋 初。 密 辭 難 漏 移 文辭 假 存亡 維 必 鑽 韋 僂句成欺,黃裳 爰及 垂象 鉤 安土 我數年 仰 編 深 争 澆 用 專用義理,發揮經言。 象數 炳明 進退 存 旣 必 樂 没身,奚測 闡 周 質 絕,八 疑 微 Œ 天, 喪 千 戎 ,六爻是資。 或肆 敢 庶 , 陟降 惟 如 民 載 索以 日 無大咎。 亨乃吉。 日之中。 世 僞 奚究 .飛潜。 亦誤。 垂後 是 之 或 日 施 袪。 拘 患。 滋

明筮

倚數之元,參天兩地。衍而極之,五十乃備

數之可 變視 老 旣 乾 或 三少爲 置 初 乃 三亦如之,奇皆四 再扐之奇 信 是 少 扐 占 變 極 得 以 四 變一爻,通 此 手 日 其 兩多,少陽之七。 右手 平分 用 或 掛 左手 初 大 而 而 爻,復 爻, 九,是 察, 扐 九 他 五 變, 衍 揲 ,通掛之筭。 兩兼 其 再 視 少 無 坤 新 置 虚 守 十八 合前 彼 名 占 日 辨 成 用 左之策 右 用 首 指 其 老 所 舊 伊 存 於 無 變。 毀。 存。 常。 蓍。 陽。 間 几 尾。 何 八。 策。 爲 ? 四 消 \equiv 泰 變及三爻,占兩 四 孰八少陰,少兩 三多爲六,老陰 分掛 不五 右策 四二五一,二分 六爻皆守,彖 六爻發揮 四 取 其 愕 息 + 變旣 五 爲 四 右 爲 之餘 揲 左揲 匪 盈 則 有 用 備、數 少,八九 虚 九 歸 九 蓍 者 一,舍此 復 是 ,將指 歸 掛掛 赴 如 姤 四 體 前 斯 謂 之于 辭 準 + 左 爲 多一。 是當 之爲。 是安。 來 視 卦 是 可 口 前 小 九 多。 專。 見。 變。 扐。 彼 體 式 指

稽

類

艮止 常 凡 貞 得 凡 坎 乾健天行 彖以情言,象以 八卦之象、《説 位 險水 悔 陽 可 桂 爲 爲 體 六 類 斯 虚 求 淑 分 正 Щ 泉,亦雲 君子 、爻以 三五五 一,奇偶 兌説 變非 坤 順 性》 詳焉。 居之。 位應。 象告。 爲 爲 地 例 殊 亦 中。 位 澤。 從。 測 雨 陰 凡 非常曷變?謹 奇 以 離 震 惟是之求, 考之於經 陰 陽 臣 陽 是 麗 動 斯慝 爲雷 文明 相 Ŧi. 偶 舉之,其 求 君 陰,各以 小小 巽 ,乃得其一 初始 電 斯得 其 人是爲。 要斯 入木 此 日 用 人其類。 爲 上 其 而 弗 得 事。 則 Ī 終。 風 火 要。

于

桂

于爻,如

쓨

斯

得

假

彼

象辭

爲

我

則

讀

易

之法,

先

正

其

心

肅

容

端

席

有

其

臨

惟 在昔 潔 稽 理定 平 毋 字 寛以 易 斯 靜 實 否 從 程 待 旣 未啓,以俟後人。 精 從 日 其 微 實 氏 容 虚 略 臧 訓 繼周 ,是之謂 存 事 自 毋 如 旬 體 來 表 密 目 逆 紹孔。 尚 應 以 斯 其 而 易。 用。 窮。 見。 裏。 虚 情 小子狂簡 奥指 執古: 體之在我 用 及 毋 日 事 應 其 固 止 因 宏 御 始 貫 其 日 而 綱 今, 之, 有 可 行 理 敢 述而 體 星 動 由 萬 毋 如 意 事 足 陳 有 靜 該 必 適 申之。 常 其 極 制 本 斯 而 拱 吉 動 無 理。 通 踐 平。

428

牀。 韜以 央。 向受命。 向 漆版一于爐東,東上。筮者齋潔衣冠,北 洒掃拂拭,滌 櫝以竹筒或堅木或布漆爲之,圓徑三寸,如蓍之長,半爲 南,香合一 各五寸許。 南,居牀二分之北。 底,半爲蓋。 ,則主人焚香畢少退,北向立,筮者進立於牀前少西,南 , 盥手, 焚香致敬。 當中爲兩大刻,相距一尺。大刻之西爲三小刻,相距 牀大約長五尺,廣三尺,毋太近壁。 纁帛,貯以皂囊,納之櫝中,置于牀北。 擇 主人直述所占之事,筮者許諾 地 下施橫足,側立案上。 下别爲臺函之,使不偃仆。 潔 于爐 處 研 爲 南, 蓍室, 注水,及筆一、墨一、黃 日炷香致敬。 格以橫木版爲之,高一尺,長竟 筮者北向,見《儀禮》。 南户, 置香爐一 置牀于室中 設木格于櫝 主人右還 蓍五十莖, 將筮,則 于格 若使人 西 向

半,所謂「歸奇於扐以象閏」者也。 間。 之策於左大刻。 三,或四,而扐之左手無名指 二以象兩」者也。 四揲左手之策。 策,置格之左右兩大刻。 其一策反于櫝中,而以 吝憂虞,惟爾有神尚明告之。」乃以 北,出 而以右手取右大刻之一策掛於左手之小指 知可否,爰質所疑于神于靈。 其説並見《啓蒙》。 爾泰筮 立、筮者右還北向立。 時」者也。 策,兩手執之,熏於爐上。 此第二營,所謂 蓍于櫝,去囊解韜,置 有常。某官姓名,今以某事 次歸其所餘之策,或一,或二,或 次以左手取左大刻之策執之, 命之曰:「假爾泰筮有常, 此第三營之半,所謂「揲之以四以象 「掛一以象三」者也。 遂取右大刻之策執之, 兩 手奉 左右手中分四 此第一營,所謂「分而爲 櫝蓋 次以右手反過揲 此後所用蓍策之數 于櫝東。 間 吉凶得失、悔 置 次以右手 于格 此第四營之 云云,未 右手取 合五 南 九 而 假 爐

쓨

儀

pц

格上 復四 策。 刻之蓍合之,或四十策,或三十 其四而爲偶。 策,不五則九。 策 以 於格上第二小刻,是爲二變。二變所餘之策,左 奇者三而偶者 左二則右亦二,左三則右必一,左四則右亦四。 所謂再扐以象再閏者也。 兩手取左右大刻之蓍合之,或四十四策,或四十 大刻,而合左手一掛二扐之策,置于格 則右必二,左二則右必一,左三則右必四,左四則右必 小刻。 變 左 如 通掛一之策,不四則八。 復四營如第一變之儀,而置其掛扐之策 旣 第三小刻,是爲三變。 營如第二變之儀,而置 前 手四揲 畢, , 加 以東爲上。後放此。 奇、偶各得四之二焉。 扐之左手中指之間。 也。 乃視其三變所 五以一其四 之。 此第三營之半。 次以右手反過揲之策 一變所餘之策,左 而爲奇,九以 四以一 是爲 得 三變餘 其四而爲奇,八以 其 六策 又再 次歸 掛 掛扐之策於 變。 兩其四 扐、 此第四營之半 ,或三十二 策與二變同 取左右 其所餘之 則右必三, 過 通掛一之 而 提 提 之 再以 E 於 爲 偶。 大 第 右 兩

> मु 偶。 退。 加 卦。 策, 有圖説 二、第十五、第十八凡六變亦同。 以下不命,❷而但用四十九蓍耳。 第四、第七、第十、第十三、第十六凡六變並同。 其畫爲×,所謂交也。 十一策,則過揲二十八策,而爲少陽,●其畫爲一,所謂 二策,而爲少陰,其畫爲 畫 、第十四、第十七凡六變亦同。 爲一,所謂重也。 蓋 掛扐三奇合十二策,則 掛扐三偶合二十五策,則過揲二十四策,而 圃 如 乃考其卦之變而占其事之吉凶。 ,見《啓蒙》。 畫 **.使人筮,則主人焚香,揖筮者而** 斂筆、 其爻於版 研、 掛扐 禮畢,韜 墨、版。 如是每三變而 **深兩奇一** ,所謂拆也。 過撲三十六策,而爲老陽,其 掛 扐 蓍 偶合十七策 之數 第三、第六、第九、第 第二、第五、第八、第十 凡十有八 再焚香, ,襲之以囊,入 掛扐 退 Ŧī. 四 成爻。 兩偶一 爲 ,則過 奇, 致 變 但第 爲老 一奇合二 九八爲 卦變别 探三十 敬 而 櫝 陰 mi 成 單

⁰ 「三」,原作「二」, 而 爲」 原作「所謂」 據宋甲本、《 據宋甲本、《傳義附録 傳義附録》改。

楊氏易傳

[南宋]楊 簡 撰

目 録	訟 四八	需 四五	楊氏易傳卷四 四五	蒙	五	易傳卷三 二 五	楊氏易傳卷二 二二	乾	楊氏易傳卷一 楊	楼窓沟外生写俱叙 ⋯⋯⋯⋯⋯⋯⋯⋯		屋 分 書 摫 要		黒흱凡	~ 站兑月		自	Į.	
			去皿	観	易傳卷八				易傳卷七	大有 七七	同人 七四	否 七二	泰 六七	楊氏易傳卷六 六七	履 六二	小畜 五九	比 五六	楊氏易傳卷五 五六	師 五一

家人 一六六	明夷 一六四	晉 :: 一六〇	大壯 」 五七	楊氏易傳卷十二 ::::::::::::::::::::::: 一五七	五	恒 : 一五〇	咸 一四六	楊氏易傳卷十一 一四六	離 一四一	坎 一七	大過	頭 一 , 一 , 一 , 一 , 一 , 一 , 一 , 一 ,	大畜 一二八	楊氏易傳卷十 「二八	无妄 一一	復 一	剥 一五	賁:	楊氏易傳卷九 一二
艮	楊氏易傳卷十七	震一八	鼎 … 二 一 四	革	井二〇八	楊氏易傳卷十六 二〇八	困	升	萃 一九七	楊氏易傳卷十五 一九七	姤	夬 一八九	益 八四	楊氏易傳卷十四 一八四	損 一八〇	解 上五	蹇 上二	睽 一六九	楊氏易傳卷十三 六九

:

40

		楊氏易傳卷十九 二四九 涣 二四五		中孚 二五一	小過 二五五	既濟 二五八	未濟 二六一		/ 易傳卷二十 二六四	總論······· 二六四 楊氏易傳卷二十 ······· 二六四
--	--	-----------------------------	--	--------	--------	--------	--------	--	--------------------	--------------------------------------

十年九月七日縣後學馮貞羣校訖題記 編入《遺書》、《啟蔽》未見傳本、約園儻能訪求之乎?二 傳》也固宜。文元别有《已易》、《易學啟蔽》之作、《已易》 是始傳《詩》、《易》、《春秋傳》、《曾子》。」據此,則其名《易 上,更名慈湖,館四方學子於熙光詠春之間而啟迪之,於 鈔者互有竄易歟? 望《浙江採集遺書總録》。朱彝尊《經義考》作十卷、疑誤。 《國史經籍志》、錢謙益《絳雲樓書目》。 林汝韶、豫章饒伸校刻。 慈溪楊簡敬仲著,明後學廬陵劉日升、豫章陳道亨、漳浦 有六、訛奪衍文、多見閣本。 萬曆本卷署宋寶謨閣學士 書號或曰《周易解》、《慈湖遺書》。或曰《慈湖易説》,焦竑 蓋閣本原出於此、蔡國珍序佚去、涣卦末脱文六百五十 校讀卒業、爲補目録、文元公遺像、《赞》文於首。 刻既成,屬爲校警,乃發篋出萬曆乙未刻本校之。 右《楊氏易傳》二十卷,約園主人從杭州文瀾閣鈔 錢時撰《文元行狀》:「築室德潤湖 匡作雙線,半葉十行,行二十二 或曰《慈湖易解》,王宣



校點説明

省)人。 契,遂定師徒之禮 學士正奉大夫慈湖先生行狀》、《宋史·楊簡傳》。 博士、嘉定初授秘書郎、出知温州、 慕尚象山 迪,恪守忠孝仁義,克己勤學善思,爲文務明聖經, 師,平生履踐無 省已非,聞 正廉儉,倡行仁政,民心敬愛。爲人恭謹謙讓,常 湖,學者因稱其爲慈湖先生。 士、太中大夫,卒諡文元。 六九),楊簡舉進士,授富陽主簿,紹熙中,國子, 楊氏易傳》二十卷,南宋楊簡撰。 簡自幼清夷古澹 他曾築室於慈谿 一二二五),字敬仲, 學問,官富陽主簿 過即改、兢兢敬謹、齊明嚴恪、其行 瑕玷,廣受稱頌。 ,卒爲陸門大宗。 ,淵乎受道之器,承其父訓 德潤湖濱,將湖易名爲慈 《宋史》有傳。 時會陸 明州慈谿(今屬浙 宋孝宗乾道五年(一 官終寶謨閣學 楊 九 蹟詳《寶謨閣 簡作爲陸 淵、問答有 楊簡(一一 他爲官公 即 江

> 《慈湖詩傳》、《楊氏易傳》、《先聖大訓》、《五語解 的 今人張 録慈湖著述十二種《慈谿縣誌》收録有二十四種。 部分,在相當程度上,可以說是他與陸九淵共創了 解 「心學」。 的 一位。《宋史》楊簡本傳和《宋史·藝文志》共收 作了較爲 重要接續者和發揚光大者, 楊簡著述十分豐富,是陸門 壽鏞《慈湖 詳 細的 著述考》稱有三十種。 説明, 發揮了陸 對 弟子中著述 象山學説 氏學 说 現 的 主要見 存有 最多 核 in

《〈周易解〉序》,其書名或 《國史經籍志》、明末清初錢 但 雜 者互有竄易 爲《慈湖易説》 浙 論。 楊氏之說影響甚大,特别是到了明代,其說 至卷十九爲說解經文,卷二十爲泛論《易》學的 步發展了「心性」之學、後儒對其觀點毀譽不一。 江採集遺書總録》作《慈湖易解》。 《楊氏易傳》書名有不同 説《周易》以「人心」爲主,通 而至此。 清 朱彝 《楊氏易傳》共計二十卷,卷 尊《 日 謙益《絳雲樓書目》稱 稱謂。 《周易解》; 經義考》、清王 《慈湖 過解《易》進 大概因傳鈔 遺 明 亶望 焦 シ有 大 並

及《慈湖遺書》等。

行。

校雠。 因此,此次校點以四明本爲底本,以明刻本和四庫 皆脱文六百五十六字; 四明本内容完整全面,明刻本和四庫本中,涣卦末 抄自杭州文瀾閣《四庫全書》,由馮貞羣用明刻本 四庫本本採用清吴玉墀家藏書。 豫章饒伸校刻,框作雙線,半葉十行,行二十二字。 著,明後學廬陵劉日升、豫章陳道亨、 本」)。明刻本卷署宋寶謨閣學士慈谿楊簡敬仲 曆乙未刻本(簡 本爲校本。 本(簡稱「四庫本」)、《四明叢書》本(簡稱「四明 《楊氏易傳》的宋刻本今已不傳,今存有明萬 比較而言,四明本優於其他兩種版本,一是 稱「明刻本」)、文淵閣《四庫全書》 二是四明 四明本乃張壽鏞 本錯訛較少。 漳浦林汝韶、

校點者 曾凡朝

贊一 明黄潤玉 孟清

祠,四方是式。 象昭融。臨民若神,處己即易。巍然宫慈湖啟教,象山是宗。一誠貫澈,萬

贊二 明李堂 堇山

民,維禮爲配。 山嫡傳。守正不阿,穆陵之對。處己臨 先生之學,徹微究玄。教承忠信,象

民國二十一年正月三原于右任録

439

四庫全書提要

《楊氏易傳》二十卷。

本卷首 異。 覩 曆以 五年 易學之語,亦間 書前十九卷皆解經文 數皆與此本不合。 陳道亨所刻。 蹟具《宋史·道學傳》。 慈湖 簡 後 明人凡 之原本,亦莫詳其 進士,官至寶謨閣學士、大中大夫,事 宋楊簡撰。 易解》十卷,又《己易》一卷,書名、卷 尤 題 甚,此或 語 刻 相 古 案: 有與 司 簡字敬仲, 書,多以 而 所載《自序》一篇,與此 日 序文相複者。 無其前 升等 朱彝尊《 ,第二十卷則皆泛論 何故 是書爲明 私 所 也。 慈谿 數行,亦爲 意 妄 經 改 竄 簡之學出 義考》載 敷? 亂之,萬 、劉日升、 今既不 其 小

> 《易》,遂以《冥 政 數 陸九 世,故至於明季,其説大行。紫溪 弟子之冠,如朱門之有黄幹, 書僅存,不甚爲學者所 傳及簡。 莊説《易》始魏王弼,以 言,故明 諸身」一節爲不 士,皆孝宗時人也。 談高遠,有以致之也。 録》稱「楊敬仲文字可毁」云云,實簡之務 而元董真卿論林栗《易解》,亦引《朱子語 續可觀,在 事物皆 夫《易》之爲書,廣大悉備。 淵,故其解《易》惟 楊 宗傳,淳熙中 在 時 所 南 喬 略,甚 冥篇》爲名,而《易》全人 知道者所爲作, 非孔子之 宋爲 作《傳易考》竟斥爲異端 顧宗傳人微言輕, 至謂 名臣 誦習。 考自漢 進士,簡,乾道中進 心性説《易》始王宗 以 《 繋 ,尤足以 人心爲主 又歷官中外, 辭 簡則爲象 以來,以 聖人之爲 中 籠罩 蘇 · 近 濬 而 禅 解 老 象 Ш 其

下「爲」,通行本《四庫全書提要》作「僞」

意云。《易》中,特簡等專明此義,遂流於恍惚虚無耳。昔朱子作《儀禮經傳通解》,不删鄭無耳。昔朱子作《儀禮經傳通解》,不删鄭無耳。昔朱子作《儀禮經傳通解》,不删鄭意式。

見 偏 物、象數 湖 其 略 而 王 元 也。 於義 董真 宗 幻 與 義 儒 己,己有其易, 《易》惟 明 育 宗 傳 理 掃 卿 慈湖既作《己易》,以 傳 宗旨 理 而 除 四 義 時喬 至謂 余 以 庫 則 祖 歸 古 理三 竊 其 諸 以 人 有之,必謂 法 相 作《傳易考》竟斥爲異端, (玄虚 楊 人事 以 慈 心爲主 同 ,實從是 者,固 爲 湖 慈湖之學出 則易道 祖尚 ,故似淺近 不 而 文字可毁,且以慈湖 然。 索諸性天,故似 不 而象 其 玄虚 萌 由一己而 可 (幻育, 芽。 夫《易》之學,事 天地 一廢者 數事 以 陸 而 然 闡 象 則門户之 物皆 萬 也。 醇 發義 胡 Щ 充之者 物 實。 程

先,而 端 者 乎? 事 廣業也」。」慈湖之意,利用、厚生以 舜曰『道心』,孔子曰『夫《易》,所以崇 因 其釋乾卦 物之變化皆吾性之變化,尚何本末、精 洞見天地人物盡在吾性量之中,而天地 大 日 大小之間?'」其傳《易》之旨,盡 也 介余 利 小。 明人之道心,是謂 ,器用於人爲 百 欲 悟 用,日 莫不 所 廣業以崇德爲本。 物 無 恐 諸 慈湖開宗明義曰:「物有大小, 德有 言 門 以 生 己 也 厚生。 圃 由 臨 馬」,然 三,又 弟 優劣, 曰:「唐虞之三事: 易 下 子 此 理 乎? 日 所 利,是二者皆有 厚生者,養生之事 所 皆 道無優劣。 則 「天何言哉? 不 以使 備 及, 正 孔 民 0 德。人心 子 非 民 孔子言性 生蚩蚩,安知易 所 亦將 不 以 所 言 事 其心通者 以 譏 此 性 IE 親 即 日 應 以 正 四 也 不 德 道,故 利 IE 子 所以 德 德 時 道 幻 口 焉。 德 行 萬 爲 用 且 無 而 窅 得 E

理。

與

丽

在

所

故

其

備於

慈湖

高

深

慈

祖

序

我也。 下也。 道 ? 之,因書以 明固自 事而不知有道之天下也,亦相殺相亂之天 於公明之人。」嗚呼! 甚者相殺相亂,其勢必相與爲公,以求決 勢必至於争。争而不已,必至於相傷,其 其易之精藴乎? 則乾在我矣,天在我矣。雲之所以行者, 得不推窮其始,導人思其所始,而忽覺焉, 且曰:「天地之間,羣分類聚,各有所欲,其 復,其見天地之心乎」,人心即天地,其公 咸 有其 天下之變,固有不得已。消息盈 雨之所以 惟見事而不見道,聖人於是乎不 也。 、爲序。 讀 芒芒萬物,難 非慈湖發之而誰發之? 施者,我也。天與人通, 慈湖《易傳》,庶 今日之天下,知有 於辨明。 有以救

時民國二十一年二月後學張壽鏞

楊慈湖先生易傳敘

識雋, 學,精深融貫,要在一而能通示人,專事 傳也,明所學也。 盡合易旨,然借《易》以發其自有之奇, 後,微言絶, 也,敘何可已? 學不可以終棄,則傳言學者不 傳》成,屬余敘,余讀之,又一奇也 頃之,封司劉君、功司陳君復刻楊敬仲《易 長公《易傳》相示 而易有所不可盡 也。 其文雄,往往 秋,余入南銓選部,陳君 楊氏因《易》之理,以發攄其 而程 也。 ,余讀而 朱傳行,謂 夫易道大矣,自周 余不學,其何敢敘? 道人所未 今觀蘇氏傳,雖未 卒業,已謂奇矣。 可以盡《易 經道,其卒 敢 以 不 所 致 孔 獨 刻 斯 其 必 意 然 而

傳》, 抉其 傳》。 乎? 植犂 自 ൬ 也,不必復益 效,而誠不必成。或疑允若兹,是人皆 誠矣。」斯語 於此也。」又曰:「子思不曰 行之健也,非天行之健在彼,而君子效之 舉扇訟而得其本心,遂悟所學,乃發爲《 學,楊視蘇爲要焉。 味之也。是二氏俱深於《易》,求其有 橘 即 而 柚 事 遂通天下之故」。 成,是於誠實之外復起自成之意,失其 不 要。 橘 唯愛「無思也 以 外,非直 於乾有曰:「君子自强不息者, 然善語道者必反其本, 而 柚 明 凡爲樝棃橘柚之類者,皆可 雜 理, 慈湖先生嘗云: 也 陳 探本 以 楊 m ,亦猶是心也。 人力也,不幾於溺人 溯 皆適於口,楊則即一 原者能之乎? 源 故其傳益則以善之不 抑楊氏始因象山 無爲也,寂然不動, 以 該 流。 誠者自誠,而 善察言者 唯是健 少讀《易 譬之,蘇 要之,蘇 以以 即 樝 先 推 補 不 大 虚 天 生 於 如 而

人唯一 《易》之羽翼 《易》,且益學者哉。 耳。 未 明,可覘矣。 傳,信大寶之顯 之迹、遂謂其不操舟也? 里,是不操之操,操更力耳。 操舟者然, 其所以致者,在何思何慮而不失其寂然者 恐懼脩省。夫曰「不能 我 舍玉之懼乎? 不在是。 而三君與諸同官之志於《易》,及易道之益 恐懼脩省」,則何嘗不責人之致力? 本 上月人日南京吏部尚 蓋用力於其本而不泛用者也。 知恐懼脩省,學者事耳。 無體,復何 過之難改「皆始於意,意本於 持是見者,不惟 順流帆風,楫櫂隨之, 也, 獨愧余莫爲倡,其獨無人 兹 晦 顧湮没久矣,待三君而 遷 敘 有時哉。 圃 吁! 也 何 爲」, 書蔡國珍書❶ ,并以 改? 不 審然者不惟 此 知易, 曰「難改」, 庸可以 自 謂易 與蘇 勗 震 時並 瞬息 云。 道 我 亦 又 傳, 譬之 無 不 日 山 始 操 益 知 均 日 微 知

「書」,四庫本作「序」。

宋慈谿楊簡敬仲撰

言》雜入卦中者,自費氏始。不然,則 《文言》參解《易》爻。 《繫》、下《繫》、《説卦》、《序卦》、《雜卦》。 嗣之意,《象》本釋經,宜相附近,分爻之 梁丘經,或脱去「無咎」、「悔亡」,惟費氏 徒陳元、鄭康成之爲歟? 晁氏云: 小《象》、《乾・文言》、《坤・文言》、上 經與古文同。《漢·藝文志》《易經》十 立於學者,劉向以中古文《易》校施 二篇,謂上《經》、下《經》、《**彖》、大《象》**、 今《易經》乃漢費氏所傳古文而不 老儒謂費直專以《彖》、《象》、 以《彖》、《象》、《文 孔穎達謂 其

楊氏易傳卷

末、精麤、大小之殊也。故孔子曰「吾道 艮、巽、離、兑,其實皆易之異名,初無本 者名之曰坤,其一雜者名之曰震、坎、 者,易之一也。其純一者名之曰乾,其純 又次之。噫嘻,末矣!一者,易之一也。 以乾爲大,坤次之,震、坎、艮、巽、離、兑 道,昭昭於天下矣。而諸儒言《易》,率 而後八卦之妙、大易之用、混然一貫之 乾焉」。 時、《歸藏》之易猶存,故曰「之宋而得坤 矣。先儒謂文王重之,非也。孔子之 八,其别皆六十有四」,則卦之重也久 爲首。 夏后氏之易曰《連山》,《連山》者以 時猶今 爲首。《周禮》大卜之官曰「其經卦皆 重坤爲首。周人之易曰《周易》,以 象》辭各附當爻,則費氏初變亂古制 商人之易曰《歸藏》、《歸藏》者以 乾 於戲,至哉! 合三易而觀之, 卦 《彖》、《象》繫卦之末歟? 重乾 人重艮

所日 傳》曰「百姓日 尚 其 物 中,而天地人物之變化,皆吾性之變化, 小,道無大小, 有父母六子之稱,其道未嘗 几 [卦者, 心通者, 以 何本末、精麤、大小之間? 不寬」。 用 貫之」,子思亦 者,亦 又變化中之變化 洞見天地人物盡在吾性量之 八卦者,易道之變也 一也,惟有知、不知之分 用 前 德有優劣, 不知」,君子小人之 日 天地之 也。 不一。 道 雖《説卦》 道 無優劣。 一,而六十 物有大 其 爲

■ 乾 乾 上 下

龍在 悔。 九五 夕惕若,厲,无咎。 乾,元亨利貞。 一飛龍 田田 用九、見羣龍无首、吉。 ,利見大人。 在天,利見大人。 初九,潛龍勿用。 九四,或 九三,君子終日乾乾, 躍在淵,无咎。 上九, 亢龍有 九 二,見

> 曰 所 地 廣效法,蓋以人心未能皆 知崇禮卑,崇效天,卑法地, 子曰:「夫易,聖人所以 事 姑因情立言曰 利用,聖人繫之辭,因明人之道心,是謂 厚生,惟和」。 有 事,「利用」者器用於人爲利,是二者皆 而易行乎其中矣。」明三才皆易之道,崇 「正德」。 同 「百姓 相 正德焉,故《大禹謨》曰「正德、利用、 「利用」, 一,萬理 凶 有 似 夫道一 無間 故易之道亦人所日用。 人心即道,故舜曰「道心」, 日 曰「厚生」。 用 而已矣,三才一 則自信其本一矣。 而 「效法」,而進至於果與天 和, 唐虞之三事, 不 同 知」,惟其不 也。 「厚生」者養生之 崇德 悟本一之妙, 卜筮者,民之 ,萬 天地 而廣業也。 曰「正德」, 知, 物 此 上《繋》 設 故背 心人 位 孔 萬

大哉、《易》乎! 天之所以高明者

端,皆 此? 其 講 無 者又此,三才中萬變萬化至於 此 識 是 以 此,所以臨 事 兩 畫 非此。 可 明 地 親者此,所以事君 與今在堂之人所以聽者 者之間 而 又孰得而究窮?● 加 畫 示斯 爲 包犠氏 之所 此。 而不 不二, 某之所以聽者此,某 世與 0 與 以 下、所 誰 可 於戲; 夫 深明乎此,既不能言,又欲 博厚者此,人 能 言, 萬世,而無以形容之, 萬 而 出 以 物之所 可 庶幾乎 能 不由 使 言而 者此,所 通。 民、所 户, 以 不可 近 之所 夫孰得 生 亦 何 似之矣! 以 以 此 生 之 不 議,但 莫 應 事 所 以 口 由 怬 圃 勝 位 不 説 測 乎 以 萬 者

繫之以 此 也,是爲三也。 也 ,所以爲 解曰「乾」,言乎此至 而 人者此 成卦 聖人又 者,明乎 也 欲 一,所 以 以 所 發 健 爲 以 至 明 地 爲 其 剛 者此 天者 道,

> 其 以 有 坤 濁,清陽濁陰。 地 濁 則合天地一體 正 物資始,乃統天」,繼言「品物 中矣。 ·坤道· 必。 性命」 物 古 ,因卑故言 以 未 濁 君 不 畫之坤 始 分,混 爲濁者 而 分而 也 也 貮 」,則地之所以發生 未嘗息也。 6 今爲渾天之説 」、《乾·彖》 坤者兩畫之乾, 故 然 亦此 爲二。 也 妻言 日 明 丽 君 侕 此 己, 子思 也。 臣 已矣,但 臣,有尊有卑,有清 以 「明此 然則 然所以 迨乎 夫婦,未嘗不兩, 北 坤者 曰 日 神何以 以 面,舜之所以 者, 重 非乾道之外復 大哉 南面,堯之所 天地之道,其 兩 爲 萬 因 濁 地 清 物者,盡在 流 畫之乾,乾 重 --? 乾元, 者此 在 形」、「各 濁故言 凝 天中, 0 有 萬 故

[「]究窮」,四庫本作「窮究」。

^{[]」,}底本與四庫本皆作[]」,今據文意改

[「]一」,底本與四庫本皆作「一」,今據文意改。

不 十四卦,又謂之三百八十四爻,又謂 坤、八言之謂八卦、又别而言之謂之六 震、坎、艮、巽、離、兑,乾之變錯者也 子何以曰「予一以貫之」?《中庸》何 又 二乾也。 人貌象不同而 日 以辨上下之分。 臣 象》何以有「大哉」「至哉」之分? 同 日 也 有一千五百二十,又謂之無窮,皆 「天地之道,其爲物不貳」? 明乾坤之實未始不 也 加 「大哉」「至哉」,所以致君臣之辨,所 「以大終也」,是坤亦未嘗不大,於 無 難 一言之謂之乾,兩言之謂 者 道 日 無二道也,五行萬化變態 也。 而 坤爻又曰「直方大」, 乾 坤者乾之耦 坤 也。 之道 不然,則孔 果 天地 者 應之 也, 此 之 與 之 則

陽,地有剛柔,人有仁義,未嘗不兩也,三畫之卦何以重爲六? 天有陰

之二四是爲六也,是五 凶 測度,謂之神。 以損毫髮焉,謂之中, 此 蒙謂之蒙。 四五,三天數之一三五 乾之爻則謂之九,其 謂之亨,其利謂之利,其正謂之貞,其 兑,言乎其屯邅謂之屯,言乎其 之離,言乎其止 謂之巽,言乎其陷謂之坎,言乎其 健謂之乾,言乎其 之禮,其 謂之仁, 皆 此 ,其補過謂之無咎,其始謂之元,其 爲參焉,謂之天, 一也。言乎此不可以 乾 道之變化 何以 和謂之樂,其 其 間 九? 其 咸 /變無 也。 得 其得謂之吉,其失 謂之艮,言乎其説 坤 動謂之震,言乎其 其宜謂之義, 變化 窮,其言亦 何以六? 在 、知謂之智,言 言乎其 是爲 行之生數 加毫髮焉,不 坤之爻則謂之 言乎 云 爲 九,兩 (變化 此 清 無 不可 其 明 也 窮, 謂 生 謂 不 乎 節 有 , 天 通 之 可 以 可 皆 而 之

用九 所 智所 九 也,故「無咎」。能用 進,「或」之者疑之也,「淵」者退處之所 在 故在五則能「飛」,能使天下「利見」而 不爲九所用,故在四「或躍」而 「惕」,故雖危 固 地 大人」之德業。 所 用故 而 下 用 爲 者 火 之 則 此 下 剛 木 本 用,爲陽 而不爲 潛,能善乎世而人皆「利見」之。 使,而能 則 情,故 也。 六六爲 道 金 數 能 在 也。 也 土者也, 「潛」,不爲陽剛 二則能「見」,不過 九所 ,所以用六者此道 動 陰爲 剛 「厲」而「無咎」。能用 「勿用」。 能用九 五行 則「有悔」。 所 用,故在三則「乾乾」能 惟上九 使,故以 無一 柔,陰陽剛 者,此一之變化 九 加 能用九 道 而 不 不 也 不爲九所用, 所 爲 若大有之上 貴 能用 使,不爲 而 九所用, 柔雖 而不爲 也 故 不敢必於 躍,又不 九 所 九 不 九 而 以 見 能 爲 致 九 而 * 同 故

己,好 利。 故 然,不見其首也。 取 禹 發見於諸爻諸陽而不見其爲首。不見 以君天下,故乾爻皆取 孔子曰「古之治天下者必聖人」,而後足 物,變化不測,濡澤 九,乃取 九,凡百九十二爻之九皆同此 人也,皆尊仰之之謂 人,故二、五咸言天下之利見,其 曰「大」或曰「至」,一也。 一、五之位 有天下 爲首者,己私不 剛過之象,故「亢」而「有悔」。龍, 亦上九 周公繫爻辭,孔子作《象》辭, 天祐 剛 超然乎萬物之上之象,所謂 好 而不與焉,故吉。乾之上九 而天下有 也 進 之,吉無 安得 圃 能 形,意慮 意慮微作, 博施,有聖王之象。 用九,不 不 不 不 見,皆蒙其澤之謂 龍象。大人即聖 爲 利」。 利見之者,非 首? 用九之道, 不作,洞然 '大有之上 爲 則 用 九 爲 所謂 也 私 有 丽 自 雖 則 或 大 居

六

之用 則 無二也,故 愐 六 知 亦 百 九 同 + 日 此 也。 「通乎一,萬 也 乾坤 之名 圃 『事畢」。 知 不 萬 同 也, 而 用 坤

《彖》曰: 天。 位時成,時乘六龍 正性命,保合大和,乃利貞。 可 雲行 寧。 然,神應切中,占者自知 勝 紀,其應 右 雨 釋卦爻,雖則 大哉乾 施、品物流 萬 變不 以御天。 元! 形。 可 云然,所 萬物資始, 執 首出 乾道變化, 大明終始, ,厥後 筮 庶物, 事 乃 卦 情 各 爻 統 萬 不

或

咸

明道垂 斯旨。 作《乾 人之道 於聖人之道者觀之,曰: 也,聖人 筮 孔子 心。 教、爲無 mi 也, 彖》,雖多言天,然孔 得乾之卦者, 欲使 使專言天而 或進 益之辭矣。 爲君爲 於聖人之道 不及人, 父爲夫者 君也,父 當先 吾得斯卦, 子 者。 專 明 則 也, 孔 孔 何 意 進 子 明 夫

> 乎? 有乎? 易大 道」、「發育萬 無 也,名稱 出 首,有天地然後萬物生焉,易道於 天地」、「曲成 比,上《繫》曰「與天地相似」,又 流形」,果吾之道乎? 大 孔子曰「乾 獨天有之,吾無之? 變化,物物皆正性命,合大和 天何言哉? 乎 息言之故曰「乾」,自 生無窮,故 加 ? 果 乾坤 天乾即吾之剛健中正者也,0豈 能 不 果 同 統 ·坤,其易之門邪」,學者遂 元 日門。 小,誤矣。 萬物」、《中庸》曰 爾。 物」,三才一 天 乎? 四時行焉,百物 乎? 自其 非 果 孔子「欲無言」, - 謂易 《周易》乾 雲 萬 其 統 終始六位, ,萬理一。 行 勢 括 物 與乾 專 無 雨 之 ,果吾之所 「聖人之 生焉」爲 外 日 施 而 所 坤 博 一範 是 坤 異 乘 밂 資 謂 自 量 以 龍 始 物

貞自 故 承 自乾、坤自坤、元自元、亨自亨、利自利、 貞」,總言變化 天 貞 利故曰「利」,又言其 「元」,又言其 而發生言之故 也,一體 而殊 而無窮故 (亨通 日 稱也, 「坤」,推 故 日 日 Œ 「易」。 亨」, 物 非邪故 窮 加 其 殊名 又言 非乾 本始

道? 爲,我 形雖 所以 不得 即道 推 學者明道之路也 從 言 而 而 始 剛 不推窮其始而有元之名,且天行 即道,人惟 思也,無聲無臭,不識 其本 夫三才混 自有之,其曰「大哉乾 人惟 健 乎 雖 運 見事 始 即道,人惟 化 始吾 也 m 然 而不見道。 覩 ? 無息者,其行其 둪 形而 知始則知終矣,知本 民 而 · 得 生蚩 知 已矣。 而 不覩 氣 不 知 聖人於是 III 士 元」,所 知, 也 道 不 何),始吾 安 無 爲 知 知 以 思 乎 道 事 之 易 抬 無 不 何 平 雖 No

其所始,於是而忽覺焉,則乾在 以爲本一也,不明者自以爲 皆常人 事 事 之所以行者我 之者,於是 所不通矣。 是固足以統括乎天者也。 限量,無所窮盡,謂之曰「大哉」,是宜 ∭ 也,人自不一。 而驟違之,亦姑從 則 大哉」,是故萬物之所資之以始者也 乾元」者,元即亨之始,亨即元之發, (執乎天,故導人使因天而思其所以 物之元以始者,以人滯於物,導人思 也。 理一 知 不自 末 貫也 自分裂之,自 矣。 日事日理, 知,是亦可言亨也。 加 天即乾元,統 始 忽 非 也,雨 易之道,本無方無體,無 終 事 日 而爲是言也。 馬 外 物也,本 本日末,日 之所 有 ,則天在 立是名,君子不 理 以 乎天者,亦 物即 也 施者我 , 非 末一 實 我 而貫之日 一我矣, 一始日 乾元,而 明者 不可 矣。 理 致也, 也, 自 以 得 統 無

八

利。 爲,各正性命,物物皆 爲六爻。 潛 之終,至於六 體 離爲合,爲保 君體,能用陽剛,所用乘時變化 六龍。乾元乘氣,不爲氣所乘。 有 不亢無悔 乾元」,所 和 非 事 元 而 而 , 何 邪 亨。 勿用。 氣致 殊 物各得其時,事各得其宜 也。 物 無 名 以能 有 是爲真。 夫道 不 其 乾道 則 以 天道 曰 明。 正 人道之終,亢 和,是 和 爲 陽,與時 明 元 始 一,故利 天象,變化日 ? 日 四 和, 之始,陽 而已矣,是道 六位於是 亦有 亨, 德 謂 使其本不一 道之正 爲利 即貞 之 利。 偕極。 無 妙,感者自離 始 不可 爲貞。 氣 終。 致 是道 者 貞 隨 而 潛藏。 也。 無 龍,六爻曰 有 即 時 人道之始, 者,貫之曰 超出 一,何以 初,始也。 至正, 非思 悔 不 利 使其 龍 而 有乾 利 成,是 則昏, 天道 陽 乎 利 得 不 其 能 本 非 物 用 則

> 物之 天人之一致。 造草昧,宜建侯」,言人,合而一之,亦 發此旨,聖人之致教深也。 觀之,疑不 或 人一致,使學者不得 本一,則知乾 成 安 表 似言天,「 寧, 故 可聯言,合而 故 日 矣。 萬國 首 萬 出 《彖》既釋卦辭, 咸 或 庶 Щ 寧」,似言人, 物 兩之。 咸 言之,所以 寧」。 《屯》之「天 知天 道 「首 能 又特 學 明 出 致 明 之 萬 庶

(象》曰: 天行健,君子以自强不息。

子自 孔子之自 學而不厭,孔子非取之外也。 也,天人未始 健 何 口 也 ,非天行之健在彼而君子倣之於此 以 發憤,學乃 君子之所以自强不息者即天行之 孟 思 子亦曰「人之所不學而 强不息,此 慮 得 不 也 孔子自學,忘食、不厭 ____ 一, 故 也。 孔 不 孔子發憤忘食。 子 可 以 日 天 言語 發憤乃 下 能 何 思 即 FL

也。 真。 兄,事 之童 本心矣。子思蓋習聞孔子之訓 子思之《中庸》篇多「至誠」。於「誠」之 誠實之外復起自成之意,失其誠矣。 故 自誠」而曰「自成」,是猶有成之意,是於 能、慮而知哉? 義禮智,迭出互 良 何麤,微起思 子之言謂「忠信」。大道何深何淺 上加「至」一言,亦復其意,不如孔子曰 知敬其兄者」。 今夫人之良心,愛親 而道自道也。」亦頗得此旨,然猶未得其 「主忠信」。 ,不明其心而外求焉,故失之。 能 無 大道簡易,人心即道,人不自 何以知其 也 君 ,所不慮 不知愛其親者,及 事 ,長,惻隱羞惡,恭敬是非, 忠信即 慮,即 未得其真? 用,變化云爲,此豈學而 而 子思曰:「誠者自成也, 知者其良知也。 失其 人主本、《大戴記》孔 忠 其 信 不曰「誠者 長 矣,即 也 一何精 明其 差者 失其 無 敬 提

> 然,六十四卦亦然,即一可以知百也。 見,使人知夫乾者特一 初未嘗有定名也,故又曰「健」。八卦皆 曰「乾」而曰「健」者,所以 始不神,未始或息,則乾道 神是謂聖」,明乎此 非求之外者。孔子又嘗告子思「心之精 復禮爲仁」,能己復 曰「爲仁由己,而 由 人乎哉」,又曰「克己 固 心之未始不善,●未 有之禮則仁矣, 時始爲之名,而 破人心之定 在我矣。

潛龍勿用」,陽在下也。

如陽氣之在 下,陽氣寂然安於下,未嘗 天地爲一,不失其心矣,是之謂得易之 心,至神至明,與 之意者,動於意而失 人之所以不能安於下 下,寂然無進動 天地爲一。 八其本心 動 也。 而 之意,則 也。 方陽 人之本 有進用 能

● 「之」,四庫本無此字。

「見龍在田」,德施普也。

發於德者有幾? 之施,斯普是謂龍德,是謂得乎易之道 應,如天地之施生,四 人心於此,逐乎物 尊位,亦可以 九二居下卦之中,亦得 見諸 施 有德之施,安止 而擾擾者多矣,其能 行,可以及物。 時之變化,斯爲德 位矣,雖 ൬ 自 然 非

「終日乾乾」,反覆道也。

易之道。 知」者,因物 之錯行,如 攝,上下反覆 哀懼皆道心之妙用,彼「百姓 乾乾,至於夕而猶然,亦皆道 乾乾皆道,反覆皆道 日 有遷,則 必 月之代明? 至於擾擾,豈 其恐懼必至 也。 未可 能 日用 也 君子終日 謂 如 之得 於交 喜 四 而 怒 肼 不

「或躍在淵」,進无咎也。

也。 心。 物違道,凶咎立至。 能,苟惟不然,•其心微動, 咎」。「或躍在淵」,非道心之已明者不 德,弗嗣」,未嘗有必進之心,此非爲 之,舜心未嘗動毫髮意念也,故「讓於 也,已爲衆望之所 心,故雖躍 變化,故當躍斯 血氣,澄然如太虚 而舜從容於其間,鼓琴二女侍,若固 如此而往,何咎之有? 人之本心,是謂 人皆欲進, 而未離 躍 帷 當 隨 歸,已爲帝心之所屬, 得道者未嘗有欲 於淵。 道 感而 疑 心,道 斯 故 應,如 疑,無必進之 人已不服,觸 故曰「進無 心 舜之歷試 無 四 體,非 時之 進 有

飛龍在天」,大人造也。

天地之間,凡血氣心知之屬,羣分類聚,孔子曰:「古人有天下者必聖。」蓋

聖人之異名。 爲,非大人則不足以有爲。「大人」者, 此位。曰「大人造」者,言此大人之所造 君,立爲天子,然則非聖人則不足以當 爲公推其有大聖之德者,共尊事之爲 必至於争不已 能皆賢不能無争之君而 諸是君苟未至於聖,則 決於尤公尤明之人,於是乎有國君。而 至,各有所主長。 不能無彼此之争,彊理之訟,於是又求 也 一於相 有 相與爲公以求決於公明之人,所是所 不能 所欲,其 傷 無事 ,其甚者至於相殺相亂,其勢 勢必至於争,争而 ,其繼世不能皆賢。 而相争相伐,於是又相 至於其所主長者, 亦莫能相尚, 相與比鄰,其勢 不已, 以不 與 其 又

亢龍有悔」,盈不可久也。

可 大道 月盈 正中,無過不及,亢龍過之,焉 則食,寒暑則衰,天道不

> 能 違, 而 況 人 乎?

用 九、天德 不可爲首 也。

之會也; 《文言》曰: 元者,善之長也, 四德者,故曰「乾,元亨利貞」。 利物足以和義,貞固足以 幹也。君子體仁足長人,嘉會足以合禮, 我,是謂人而非天,非易之道。 謂本心,是謂天德。 德能用九者。中虚無我, 所使,是爲九所用、不能用九 才,皆九也。人皆爲位勢所移 九陽剛之物也,崇高之位 利者,義之和也; 。意動 幹事。 則 何思何慮,是 爲 貞者,事之 者 君子行此 一,爲資 首 一陽剛 是爲 亨者,嘉 則 天 才

無害,謂爲善之長則害道,道一而已矣, 廢言,今惟當以正道斷之。謂 惡,而其言之或合乎道,則聖人不以人 言》皆非聖人之言,則過矣。 歐陽子謂此魯穆姜之言,遂謂《文 穆姜雖大 元爲善則

能亨? 所以 彼百姓 子覺此 敬 所 矣,何以能利? 會通 者,始而亨者也」,此得於聖人之誨 次少異體,即害道矣,故當如 枝葉皆生乎根本,今謂之長,則截然 亨與利 故《彖》舉其大體曰「乾元」,非謂元異 昏,無從啟 云爲之所自 元 之有節文者,世謂之禮,故曰「合禮 同 亨利 「事之幹」。 而 與 與貞 物 ,君子先覺,衆人後覺爾。 貞 之病生於善長,君子先覺我 日用而 心思之所自出 嘉則善矣,與物會而不善,焉 利者義之和合,失義則害隨之 之,姑使 雖 也。 通 出 四 孟子曰:「仁,人心也。」君 者,無 不知 而 則 貞正也,事以正成,故 今謂元 實一。 知 究原 爾,不必言「體仁」。 非此 無所不通之道矣。 則乾元在我矣。 爲善之本則可, 本始,使知變化 聖人患人 心之 下言「乾元 誠, 故誠 心之 一之昏 君子 乎 何 與

> 此 必濟, 此言 自與 四德,故曰乾元亨利貞」,則天人一 之亨,推 謂之正,言其 已,利物 矣,非吾心之禮 得諸聖人者歟? 四德,辭旨分裂,至於言「君子行此 貞固 文合,非求合也。 其 而 公無 本 不 和義謂之利,言其嘉 變,斯足幹事。 始 非 也。 謂之元,名 義。 君 子 貞 求合者僞 而 致 四而 不固 利 言其 利 實 事 不 物 道 而 邪 未 加

无悶, 初九一 之,確乎其不可拔,潛龍也。」 德而隱者也。不易乎世, 日 不見 「潛龍 是 勿用」,何謂 而无悶,樂則行之,憂 也? 不成乎名, 遯 子 Ė. 列 違 世 龍

變易 雖 當當 遯 潛龍」。 一而輕 潛 世屏處 龍德,君德也。 而不當見也。 動 身在 M 其 無悶心,雖不見是於世亦 心 乎 以 .潛 出 有 是是 雖 ,不使名學之著。 君 大亂 天 德 命 而 不爲 在 在 隱, 潛, 世 一所 則

子曰: 化。 九二 作 不 作意固守也,義不 可憂,非私憂也 不見知 憂則 悶 (是之謂易之道,夫是之謂潛龍之道。 意 可拔也,苟作意 曰「見龍在田,利見大人」,何謂也 閑 可 「龍德而 心。 而惟意之從則可拔,貞不可拔矣。 違之」,於時終不可行,終不 邪存其 以 曰『見龍在田 ,則與世 「樂則 行道 正 誠,善世而 中 及物,樂 日相違。 行之」,時忽 者也。 而守,其守必不固,不 可行而止,而 「確乎其不可拔」,非 ,利見大人」,君德 道不可行,世亂 庸言之信,庸行 不伐,德博 變而 非 私 人以爲 口 而 ? 則

龍 其 正中,隨爻 龍 攷古 Œ 中 德 也, 志記 之 德 同 象 也 在 而 所 初 二言 微異者,見記者之 著 則 而 言 言之,非 其 其 隱, 記 録 在 之差 謂 則 潛

九三曰「君子終日乾乾,

夕惕若,厲

无

人將不 也。 德斯 道,惟 於是乎 即謂之庸行,如此則無斯須放逸矣。 邪。 意動則窒則 德性未始 邪矣,斯伐 故也,有功而伐,皆因意念之動,動斯思 世,故有善世 誠 至於失謹。 用之間 乃道之異名。天道甚 得 庸行 著,於是申言之,非謂 誠,信也,忠信之心即道心, 日用或有邪思亂之,故足 邪閑則誠存矣。九二既出 服 失,屢驗之。 ,庸言而不至於失信,庸 ,何以 不必作去聲,凡平常 不博,何思何慮,何際何畔? Œ 起意皆爲邪 矣。 蔽,則不博矣,意動 中之義。 之功。 能化? 德博 此二居下 不伐者,私意不作 Œ 斯 邇,不離 ,邪不作是 化,不博 一德博 不邪,中不 潛 微 龍 而 乎庸 則伐矣, 卦之中, 以敗 有 而 無 化」,君 人心 行 不 行 見 爲 常日 而 開 德 於 其 即 不

459

與 也 存義 何 故乾乾因 謂 也 至至之,可 進 是故 ? 也 其 居 日 脩 與 一時 L 幾 辭 应 而惕,雖 君子 也。 立 而 其 不 進 誠 驕,在下 知終終之, 危无咎矣。」 所 脩 以 位 居 而 可 忠

爲溺 忠信 如? 之中而微動 信者,本心之常,即道心 如文王之「不 進 義 子 ,爲昏 將 無 」,明乎忠信即主本,苟於忠信誠 忠信 九三居 敢失於 自 入井,自然有 知也」而 爲亂,誠能 有 加 有 其 下卦之上,進之象焉,故 臣 已,不 識 羞 已有德矣,自此 恭 意 一妾,亦 惡之 不 敬 馬 萬 之 知,無非帝 可 善 心; 惻 心; 則爲支爲離,爲 自 不失本心之忠信, 復 自 也。 有 有敬 其 其事 所加 孔子曰「 今人 則, 不 而 尊 敢 往當 也 如孔 其 見 陷 發 主 實 與 何

端, 常, 者 惻 若此情僞,古今同情,不知其 無 錯,無情 德 至 面 至 君 順 德之見 非 餘 一於隳 道心 於失信 如 忠 文 子於是 物狗情,造次發語 隱 非 應 以 無非 信 飾 不 義 此 是 是 酬 爲不 敗 於 也,道 爲 敗 純 爲 萬 私 ,皆忠信 萬 萬 矣,故 物 也。 若 ,於交錯 有修辭,使不 應物 曲、不無失信。 變,相 善,不 一,無間 得不 出 恭 自 心 人情 行 與 進 敬 然 日 如此, 無 學 刃 而已矣。 應酬、 夫 德修業」,此萬世之通 「居業」。 事者謂 是 知 無 相 而 所 僞 往往往 動 某 爲 雜 能,不 靡。 不 爲 不 禮,羞惡是爲義, 至於 豈 擾 則 通, 是爲 之業,應 云爲,變化 如此將 隨世 擾 何者? 無 世 君子居其間 不岌岌? ·慮而 居有安居不 無所 忤物,又不 、慚蠹忠信 非 萬 俗 非 變之中, 隨流,不 德業,不 習 知。 取禍 不 酬 以 交 進 萬

九四曰「或躍在淵,无咎」,何謂

也?

子曰

上下无常,非

爲邪也。

進退无恒,

非

離

羣

君子進德脩業,欲及時也,故无咎。」

之錯行,如日月之代明 之,是故「居上位 患,不 疑之地,何咎厲之有? 其因時之危而惕,皆 周,舜視天下 其可至而至之,名曰「知幾」,知其可終 君子無適莫也,至則堯、舜、禹,終則伊、 而終之,名曰「存義」,一也。 猶臣體,四則有君體矣。 菑及其身」、《小雅》曰「盗言孔甘」。 三下卦之極,上下之際,乾德居之,卦三 ,則民作忠」,又曰 以崇高富貴 其乾乾乃其 可 不講《表記 如敝 微 而 未 屣 一口惠 不 動其心者,君子 始 》曰「君子不以 應 ,顏子簞食瓢 ·驕,在 個 有荒怠,其惕 如 變化, 方其在三, 而實不至, 此則 惟義所在。 下 位 雖 如 飲 處 四 而 危 恥 時 乃 不 而 知 九 譽

道。 行,如 離羣 進、是爲 無思無爲,寂然不動, 久處之地。 嘗有邪心。 日 君子進德脩業」,應時 上 而進之心,是動於思爲,爲邪爲咎。 以 下 日月之代明,斯爲乾道 爲 失時,亦爲失道。 無常」。 E 其進其退,亦 恒, 則 非 久也。 此非常之位 君 以 感而遂通。 進退不久,此 而 爲 無 動,當進而 下 如 離羣之心, 則 也 四 ~,斯 非 時 臣 苟有 之錯 而 不

類 九五 本乎天者親上,本乎地者親下, 子曰:「同聲相應,同 就燥,雲從龍,風從虎,聖人作 也。」 日 飛 龍 在 天,利 氣相 見 大人」,何謂 求。 而 水流溼,火 則各從其 萬物覩。 也

天。 山川 日月星辰,此 三才 草木,此地之類,故 雖 同 體, 天之類, 而 其 同 故 類 常常 常 者 親 親 相 附 附 應 於 平 無

六

惟賢 所以 孔 諸 故 萬 其同 諸己,不可 IE 有聖賢之臣 不可化也,不可 而 君 物 子深察斯情,故諄諄設 知聖。 子不 類 明聖人作則 天下歸之矣。衰世之君,往往率求 感應,作 多方設術以 者 居 天 可 ,所患聖人 求諸 求諸 地 前 何世不生才? 之間, 物 歎當世之乏才共理 外也,不可罪民之頑 物無 外, 不 治之, 應者,非 不作 當反 凡 不應。 m. 喻,重復言之, 耳。 圃 水 氣 人愈不服。 惟聖 諸己,其身 聖人故也。 人君必求 聖人作 知聖, 也。 而 則

而 上 九日 无 位 一
亢
龍 加 有 加 悔也 无民。 有 悔」, 賢 何謂 人在下, 也 ? 位 子 而 日 无 輔,

狂 君 亢 臣 龍 狂 相 ,君德之失也。 之分,一 與警戒規正,何 念之 間 嘗 耳 惟 敢 聖 唐 有 罔 虞 足 之

> 悔。 足, 自 其無忽也。 存不知亡」,猶以聖人爲言,則 明聖賢之過,所以 聖之意? 不復詢 孔子推言至於無位 末章雖 於衆, 恃 其 忽 聰 言 止 明 略 言 知 、無民、 睿 愚 有 進 賤 知 而 則 知此爻所 知 無 自 動 退, 輔 以 必 欲 知 爲 有

窮之災也。乾元用九,天下治也。「終日乾乾」,行事也。「或躍在淵」,自試「潛龍勿用」,下也。「見龍在田」,時舍也。

静觀 有所安舍也 在天」,在上而 時舍」、日「行」、●日「自試」、日 潛 氣 不 龍勿用」、「見龍在田」、 無 一,時 丽 非 治天 隨 在 旨 時 下之位故也。 也。 泛 下也。 應, 「亢龍 虚 日 中 有 無 下、 隨 飛 我, 在 曰 而

462

物,隨 無思· 則豈 者也 治,在上而不亢,故曰「天下治也」。 而見,在 無 能 也」,亢,亦 時 用 爲,如日月之照臨,如 而應,各當其所,在初 九而 三而惕,在 用 不爲九所用? 無 九,天下治 非 道者, 四 而躍 也 此 能 易道 水鑑 在 而 用 非 潛,在 之燭 之災 Ŧi. 乾 九 則 而 元

九」,乃見天則。 德。「亢龍有悔」,與時偕極。乾元「用德。「亢龍有悔」,與時偕極。乾元「用在淵」,乾道乃革。「飛龍在天」,乃位乎天下文明。「終日乾乾」,與時偕行。「或躍下文明。「終日乾乾」,與時偕行。「或躍「潛龍勿用」,陽氣潛藏。「見龍在田」,天

十二月之説,或以 萬物化生,即 爲 藏 文 寅 ,即人之潛 前皆言人 明之漸 月。 丑月 君德之見也。 八事,此· 矣。 隱 則 九二爲丑月,或以九 勿 斷 善讀《易》者,正不必 用也。 多言天 無 文 明 八道。 或者拘於配 天下文明, 之狀, 陽氣之 寅 則

躍。 人事 非天德, 道之變革也。 所不 不亢矣。 之矣,悟孔 之所能解 大易之道,斯 言《易》矣。凡天道之有變,即 革」,四升君體 如 九三之乾乾行事,亦隨 時立言, 此 裂德與 一萬物 通 拘 配月,配 而 執配 非 與時偕極」,則雖 行」,此言天人之合,時者天也, 惟以天下文 也,非智思之所能道也。 一以貫之曰「位乎天德」,斯 天 子 欲使讀者稍 位 之於月。 道 體,悟曾子之皜 風雨 月則 爲「飛龍在天」,此非 貫 而 知天人之無二,則 ,變之大者。 (之,則 故曰「乾道乃革」,謂 爲二,則位 霜 牽 露 明 ·彊 乾 可 人 之無 其 明 拘 道 曉 即 處乎上之位 時 見 執。 無 然不以 時 非教, 非天位, 龍 皜, 則 而 所 時時 九四之或 乾 之 不 可 則 即人。 類 統, 訓 此 則 以 漸 知 爲 窺 才 德 與 乾 爲 乃 亦

潛、見、飛、躍、皆有 曰 曰「乃見天則」。非 人之所爲者,必非 極 凡 此,皆 與 時 偕 所 行」,果能 以 人爲故 其 明 ·天則 (則,不 乾 元 造 用九之道。 可亂 此 天則」,荀 則 也 自 故

乾始 天也。 哉! 乾 六爻發揮,旁通 完 能 者,始 大哉乾乎 「雲行雨施」,天下平也。 以美利利天下,不言 ൬ 亨者 ! 情 也。「時乘六龍」,以 剛健 也 中正,純 利貞者,性 所 粹精也 利 情 大矣 也 御

之有聲 知 元 同 元 亨利 (亨利貞,前既裂 也。 元 亨利貞 `與夫《彖》言乾元以統亨利貞之旨 至哉聖言 真以 也 夫天地間 如言 ,豈有二金哉 爲 金 是 四四 安得有二道哉? 日 | 者 而四之矣,今又合 非聖人豈 黄 一元」曰「 而 日 非 剛 又如言玉 一,則亦 亨」日 能道 從 革 安能 荷分 此 m

中正 其前後 乾 體 元亨利 哉! 獨 之乾? 彼,利於一不利於十百千萬,則 道也何所不利? 乾元之性 所歎息, 日 又曰「乾始能 無 白 心之妙用,不知其爲四也。 利 方, 日 「始」,又通之於利,則貞 乾 體 瑩 日 猶 無 異 無 貞亦易之異名,故又云元始, 「貞」,日一 日 言 能 粹 何以謂之易? 乾者易之異名, 以 無 所 情 同, 不 潤 玉之白 爲縱 反 則 不 也 可者。 日 非 求 也」,此七 以 不 通 ,元亨利貞,皆性 扣 美 出 諸 横 口 之 **瑩潤**,言 利 曰 儻日 皆妙者 於一人之言, 則 己 得 「大哉乾 有聲 ДЦ ,默省神 日「元」日「亨」 利天下」。 而 德者,非果有 利 屈 皆 也 也。 故 金之黄 於此不利 口 所 歐陽子 乎! 知 以 心 豈 情也,故 性情者, 何以 變元 矣。 之 IE 發 有 (剛革。 剛 剛 吾之 無 方 揮 謂 而 與 於 疑 此 玉

行若 在我, 得 不正 故 可覩 情之邪者,若夫正 潛、見、飛、躍之正情也。至於上之亢 純 何 矣,使亢者能内省亢情之無體 有 也 也」,龍與天若可 星之運 健」。今夫行之所以健 所偏 道 有 體 而不純 不粹不精。此不可 之變化 ,故曰「正」。 可覩,其所以運不可覩。 不正,此不可覩者無思 則 無其 何亢之有? 轉爾。 倚,故曰「中」。 有 不粹不精? 息, (形)設 日 也 ? 初 雨 範 無 覩 有其 施,天下平也」,此 無天體之可 體 此 圍 人惟 「時乘六龍, 一則與 天 則 孰 乘 覩者無思 形,不覩其機。 地之化」、《中 六爻皆所以 無 非聖人 而御之者何 人惟 動 時皆極 加 息, 於 無 執,設 意 無 動 息 無 之 此不覩者 無 欲,故 爲 於 不爲 息 所 以 則 惟 (意欲, 故故 、發揮 孰 乾 見 御 故 有 非 無 則 不 日

實説也。曰「聖人之道,發育萬物」,此非空言也,

也。 一,行而未成,是以君子弗用言也,隱而未見,行而未成,是以君子弗用君子以成德爲行,日可見之行也。潛之爲

違; 之。 子 凡 以 之外,不能 不動 潛 也」,德性 ൬ ·不敢 此 無 者。 盡 潛者,有德未 皆 闕 精一之至, 日 潛 月至則寂然不動,行之一月,一 能行之一日,一日之外, 遽 ·德隱 至月至,皆有 失, 此言 有二義, 用 雖 無違。 未 於世 内 而 一成 能 未 明 則發諸容體,見諸行事, 成、未 有 也 動 德 著, 侕 不能 己德 爲 未能見之於 德者,日至則 行 周 可 行 無違,則猶 己 M 旋, 以 未 盛、 日 推 無 成,是以 可 而 時 不 見 行 及 未 中 之 能 寂 可 君 月 行 無 伙 有 而

君子學以聚之,問以辯之,寬以居之,仁以

德也。 行之。《易》曰「見龍在田,利見大人」,君

寬 ? 後人。 天 孟 和。 此 凡 者多矣,故諄 明其實也。 子博學於文」。 夷 梏 催 及。 地之化」,庶 猶 子 下 盡 「君子以多識前 於己 日 學 寬之至。 未足以 惠惟不 不博 學不 何患不仁? 後人問辯,未得其實而自以爲 「養而 可 以聚之」,無 可以 以 學, 一私、執於 盡 言 博學,故後雖至於聖而偏於 辩 復而誨之。誨之以寬, 故後 無害,則塞乎天地之間」, 寬 乎其寬矣,然此 孔子曰「言不盡意」, 而 不博,不博則 學必有疑,疑必問, 而果得其實,則 之至。 及 言往 然聖人垂訓 雖 小 者,猶 所 至 道者,庶其 《大傳》曰「範 行」,《語 於 不學也 有 聖 偏 涯 而 猶可 則 畔,)、《大 ,所 偏 何 日日 孤。 有警。 於 以 患 未 孔子 欲辯 以 畜》 「君 足 實 則 言 軍 啟 不 伯

> 乎哉? 言君德、故於此復詳言。 境,未盡其妙而輒止,溺 聖人復言仁者,人之學道 未至於此,則猶未可以言仁也。 如雷電風 之仁,故子曰「仁以行之」,如 心思之所及。 諄諄告門弟子曰「毋意 無知也」,此 雨之震 然則寬即 動變化,而後可 非訓 」,又自 於静 討 ,固有造 之所 四 虚 時時 謂 一即寬。 以言仁, ,無發用 能 之錯行, 九二正 廣 大之 有 而 非 知

故乾乾因其時而惕、雖危无咎矣。 重剛而不中,上不在天,下不在田,中不在 九三,重剛而不中,上不在天,下不 則 雖 ,故或之。 危疑 剛 在他 健之至德,他人之重剛 而 卦重剛而 无 或之者,疑之也,故无咎。 咎者,乾乃聖人之德, 不中 必有凶,而 則 爲 剛 九四, 在 此 重 田 剛 則

^{● 「}他」,原作「也」,據明刻本、四庫本改

事固· 之照物,故曰「因時而惕」,非心思之所 之,聖人於此,亦未嘗曰吾如是而 德。舜心如天地, 中爲 及,非訓詁之所解 如四時之錯行, 故天下咸服 在天,下不在田」,皆非龍之正位, 此之不中乃謂 人,故或之。或之者,疑之也」,惟其疑, 故无咎」,如不復疑而必於進,則天下 九四則升之上體 有不可必者。 德之不 而 中 無咎。 所居之位 如雷電之震動,如水鑑 隨卦象 如太虚,誠無意無必, 方舜既 九三因 ,故又曰「中不 而 不 歷試,猶 見 ·中,他 也。「上 其 時 人 動也。 譲於 而 故危 知

於人乎? 況於鬼神乎?天弗違,後天而奉天時。天且弗違,而況與四時合其序,與鬼神合其吉凶。先天而矣大人者,與天地合其德,與日月合其明,

九二,在下之大人。九五,在上之

之序; 見之。 大人。 傳》亦曰「範 地,吾之厚; 固宜,其 莫執厥中,莫窮厥 心也,是三名皆有名而無體,莫究厥始, 方,易無體」。 神」,雖有其名,初無其體,故曰「神無 子曰「心之精神是謂聖」,曰「心」曰 大人之思爲,不知大人之思爲之神。 覩大人之形 餘爻亦以 而不遺 大人 何獨 謂之弗違 鬼神、吾之吉凶。 文乾欲明 圍 此二爻? 者、聖人之異名、天下 不 覩大人之神, 非神自神、易自易、心自 天地之化而 日月,吾之明; 他義,故不及之。世皆 也又何 終。 乾者,聖人之象, 天,吾之高; 不過,曲成 . 疑? 其謂之合也 四時, 世皆知 故《大 咸 利 精 孔 吾

知亡,知得 亢」之爲言也,知 此 句屬下文則亦 而 不 通 知 喪。 進 人乎! 而不 其 唯聖 知退,知 知 進 王 退 一肅本作愚,然 存 存 而 ൬ 不

不失其正者,其唯聖人乎!

作書以 吧。 間。 則動 乎」以發明之。 保其不流而入於邪。 心不動,故常不失正,故兩言「其惟聖人 亦或知進退存亡,而 相規,不敢怠荒 m 戒舜以「無若丹朱傲」。 即失其明。 此所言其過大矣。日月至明,雲氣翳之 不知退,知存 禹曰「安汝止」,深明微不安不止, 而 爻《象》曰「盈不可久」,其過尚小, 故古之聖人恐懼兢業,常以克 逐物、物蔽之而昏、遂至於「知進 戒武王,深知聖狂不過一念之 惟聖罔念,即可作狂,故禹 也。 而 不知亡,知得 不本於道心,則不 其有雖曉達事情, 惟聖明 西旅獻獒,大保 白四達,道 而不知 艱

亦隨事而變,六十四卦、三百八十四爻

書不盡言」,筮者事情無窮,卦爻所應,

右所釋卦爻之義亦詳矣,而子曰

楊氏易傳卷一

1

皆不可

執。

楊氏易傳卷一

不慈谿楊簡敬仲撰

##上下

吉。後得主,利。西南得朋,東北喪朋。安貞後得主,利。西南得朋,東北喪朋。安貞坤,元亨,利牝馬之貞。君子有攸往,先迷坤,元亨,利牝馬之貞。君子有攸往,先迷

終有慶。 貞,「君子」攸 天。 物咸亨。 西南 Ĕ: 坤 得朋」,乃與類行。 厚 「安貞」之吉,應地 「牝馬」地 載物,德合 至哉 行。 坤元 先迷失道,後 類 无 行地 疆。 萬物資生,乃順 東北 无 无疆。 含弘 疆 蚆 順 光大,品 柔順 朋 乃 利 承

乾爲天爲君爲父爲夫,坤爲地爲臣爲母乾爲之道一也,分陰陽而言之,則

於地 坤 未芽未甲,物安在哉? 貳。」萬物自何 終也 大」,六二「直方大」,用六「永貞」,以 以言至,坤亦 異也。 亦如此。「至哉」者,極至之稱 貫之妙而已。所謂 象,象也者象也,姑以 異稱者,姑以此 也。 之元,即 君 雖 也。 妻,傳 順 也 一。《中庸》曰:「天地之道,其爲物 一,天體 天地 承天」。 既 所謂 坤畫即 於地矣,地 乾元 明 此 氣, 乾之一畫,亦 至大,無所不統,故《乾 可以言大、《彖》曰「含弘 也,而 「乃」者,有所 乾畫之兩 明 而 以 著 乾 生? 此 北 君臣夫婦之辨,其 坤 形 乾者如此 有「至哉」、「大哉」 以 面, 在 象夫 一道,推 南 雖 者 舜之所 下,其勢承天, 是謂元。物生 面 耳,未見 非 易 ,堯之所 因之辭。 因 ,所 乾果 道 本而 地 以 乾 混 謂 而生, 坤 淪 有 其 亦 爲 言 以 光 大 可 此 爲

469

氏易傳卷

75

謂並 天」。 也。 物也,惟 之德,惟坤 露生,無非教也。」孔子以此教學者, 無疆,萬物化生,妙不可言。 二,易道 地載神氣,神氣風霆,風霆流行,●庶物 行而 道即形 於以 其卑而 「乃統天」。 則 坤 不 明乾坤之道 以 以道言,地以形言,其 一,故曰「德合無疆 ,形即道 相悖。 承 德言, 天, 地 「坤厚載 一無疆 地以形言,人言 故《彖》曰「乃 在 一,因形 天 之形 中, 物」,地 孔子曰: 即即 發用, 卑 實 無 地 厚 而 故 有 疆 載 是 廣 承 承

《易》,筮而教以 利,地道光也」,曰「光亨」,曰 所思爲,此 此教隳矣,而況於秦漢而下乎? 化之速者,❷因民生日用教之也。 皆因厚生而教以正德、器 范金、合土、刳木、剡 和 不侈之類,皆因利用而 之教,使五十者衣帛、七十者食肉之類, 生民之所日用,聖人因其 生」、即水、火、穀足以 易》多言「光」,曰「輝光」,曰 光」言其如日 」,是謂「六府三事」。 明道。 不 含 藏,豈 言 品品 坤 月之光,凡光雖及物 物 正德, 德 不甚 咸亨」, 以明人 木 五帝三王所以 養生之類。 弘,萬化廣生? 教以正德。 之類 所 日用 心 無 有常制、不 謂 非 「不習無不 「光明」,皆 而致 利 貫之妙。 所 妙者,林 用 謂「 周衰, 至於 凡 而無 坤元 E 荷 致 德 皆 即

之設教,知空言難以

告人,因

民生之所

用

因

致其教,因

以

發神明之德,因以

萬

之情。

曰「水、火、金、木、

、穀、惟

修

IE

德、

利用、厚生,惟

教亦多術矣、《易》本占筮之書,古神聖

者,故其言顯

因人心以爲二,故合之。

其言精。

《易》之《彖》辭,孔子以

教

統

^{)「}風霆」,明刻本、四庫本無此二字

[「]致」,四庫本作「教」。

陰類。 得常。 失道。 安則 得主,利莫不焉。君臣之分、夫婦之序, 疆 終有慶」。 臣舍其私 故曰「喪朋」,女舍其 乃與類行」,異離坤兑,皆陰卦 麤,是常即 是爲天秩,是爲天常。 先臣後,夫先妻後,當後 貞,爲回爲邪 皆妙 一,牝 正 Œ 而行,柔 並則爲 君爲臣之主,夫爲妻之主,後而 一, 正 東北之卦,乾坎艮震,皆陽 得常則利,失常則害。是常非 則 人之本心,是謂 朋而從君之陽,雖失其朋,「乃 安正則吉,失正則 利爲吉,邪則爲凶,得此 ൬ 道,萬世攸行。 ,爲諛 皆元。 順 不安,於道 而貞,其利無疆,柔而 雖 强 爲 牝 (陰類 必 儒 坤後爲順,是爲 疆 加 馬 ,君子不行。 道心,本正,正 猶 加 先爲迷,迷爲 地 「西南得朋, 失,禹 以凶,無 從夫之陽, 臣 道 也,是爲 日 道 非 地 不 道 則

實同。 無疆。 正。 之所 犯之,輒蹄齧不可近,蓋得之牧者云。」 寧」也。 致,亦猶《乾·彖》言「首出 地,而聖人合而言之,正以 也。安貞之吉似言人,應 地之無疆相應爲一者,亦未可 安貞,即地之安貞, 疆,故曰「安貞之吉,應地 惟其安正 不動,非 實 大抵道之正者,自然廣大, 妻不 以 未可以言安正也; 博 人之自視其安 三才之名之形不同,三才之道之 樓尚書曰:「牝馬最貞,既從牡 安乎? 厚無 安 ,是以無 IE 動 必 疆 者,以 凶 不 疆 即即 動 臣 動 IE 地之無疆,即 加 不 其安正 其 未能與 安正 不 順 無疆」。 無 庶 地 明三才之一 自 安, 、疆、知 物,萬 無 視 以言安 必 也,寂 矣,他 疆 自 地 E 必 未 N N 爲 能 其 至 然 乎 似 或 無 正 與 安 ? 然 失 地

《象》曰: 地勢坤,君子以厚德載物。

六

初 冰」,或曰衍 安得 載? 坤。 心實 德。 物所 厚 擾阻 則動,有以拂亂吾意則動,恐攝疑惑,膠 爲伍矣,則安得 然之意,是塊然者與物爲伍。 也,非作意勉强爲是不動 德,有毫髮之異者,終不足以言厚德。 履 加 鬱、千態 無 動者,不足 君子之載 君子 地 彼爲物所動者,妄立己私,妄守塊 霜,堅冰至。 載 此 疆, 勢 物乎? 「堅冰」字。 以 在下,其 無 萬 德 物 疆 狀,且將 博 不 以 非 則 厚 八言載 動 君子之厚德,即 陰始凝也 、勢卑 何 《象》 作意 無 ? 所 疆 物,不足以言 爲物 順,故 無以順 不 勉强 也,君子中虚 曰: 無 容,何所 馴致其道, 所載矣,尚 所 既已與 「履霜 以 日 不 適 順 載 坤之 吾意 地 承之 物物 不 厚 勢

至堅冰也 悪。 陽 惡之始萌,戒不可長。 爲君子、陰爲 小人, 陽爲善、陰 涓 涓 不塞,

> 幾惡。 是爲篤敬,幾有善惡,敬則幾善,不敬則 將 君子以此治己,以此治人。 兢業,愚者則曰未必至此, 也,念慮之始也。 唐虞之際乎? 多事,尚不至於一二日而 安汝止」,安止 成 「兢兢業業, 江 智者於履霜而 河。 纖 念慮則 纖 崱不 不伐,將尋斧柯。 或者謂 日二日 動 知堅 ,則不 有之矣,兢兢業業 有 萬幾 故卒罹其禍。 冰之將至,故 萬 萬幾。」幾,微 ·萌矣。 事,而 萬物、後世 況 禹 於 陶

光也。 六二,直方大,不習无不利。 二之動,直以方也。 「不習无不利」,地道 《象》曰: 六

遠也。 不必求之遠 容道 ,故曰「直方大」。 直者,直 方者,如 心之言,非 也。 而已,不曲而已,不必求之 物之方, 曰「直」曰「方」,皆所以 有二理也。 此道乃人心之所自 不 可轉 移而已, 此 道 甚

道矣。 神用 之道 習、未克頓 動 然,道則然矣,不至於得至動之妙,固不 酬萬變而未嘗不直不方者,斯爲得坤之 者,未足以 實。彼學者 直自方,自 忘習,斯無 足以言得道矣。 而自得其妙焉,斯足以 有 十方耳順, 「, 初 方立,至四十不惑,五十方知天命,六 雖已妙,雖已著不習之實,而 《象》 也。 發光,如 假 然則此豈循習之所能 修習 實 習未 辭 、驗得 不利 尚 釋。 體 廣 獨 以 四 須 自 圃 自大,變化云爲,隨 居 精純,雖善 動 ,至於此 學習。 故孔子十五志學,至三 道之實也,於應 得。 時之錯行 脯 神 爲 净處,爲 有學焉,道 自明, 言者,惟 人之本心, 學者,習此 驗其實; 則 如如 自 未 得静 地 中 備 道 動 日月之代 雖 到 自 在 止 惟 侧 猶 乃 一我矣。 一之味 不 交錯 驗 處 有 於 有 明, 習 故 應 而 雖 其 皆 虚

> 中,於是發明坤道之正 此 明 無 道 思 之 無 光 爲,變化皆妙, 如 此。 六二 正 地 道 居 之 下 光 桂 之 如

事」,知光大也。《象》曰:「含章可貞」,以時發也。「或從王六三,含章可貞,或從王事,无成有終。

義。 之長者,己私實作之也,道心不如是也。 無莫,惟義之從。不能含章而喜於出己 易之道也。 臣,懷不能自已之心,至於專成犯禮,非 故,臣道當盡其終,不當 言,取臣之章,皆自其君,匪 臣不可 或者往往疑含章非正 口 有含藏之象。 輔則當去,可輔 臣之盡言於君 三爲陽, 以自用,用之者君爾。 道心中虚 爻著此象,聖人於是發此 陽有章之象。 六爲陰, 則當 ,含章疑其非道, ,故聖人教之曰 無體 順 專其 事 無 由 事。 乎臣, 我, 用 臣 雖 君 有 無 是 之 忠 然 滴 不 陰

臣之道 常也。 也。 意無 也」,聖人所以明易之道也。 自以爲能,往往以「或從無成」爲懾 於含藏,時 章而 小,故聖人正之曰 「光」,曰堯「光宅天下」,曰文王「耿光」 可 미 必 無 爲言、此立言之法也。 盡 也。 無 彼己私之不能忘,好自 成無終,亦不 道 貞 即即 我。 可發則發,未可發則含藏, E 天始地終,君始臣終,道之 也 Ē 「或」之爲言,無必之辭 矣,其有 可 此乃所以 者通上下之辭 可也,「無 未 含章亦非 盡者, 爲「智光大 聖人每言 成有終」。 以 爲功, [編卑 故 專 以 無

文在 六五,黄裳,元吉。《象》曰:「黄裳元吉」, 咎也。 免禍 四,陰而又陰,又無應,括囊之象著矣。 諄諄,凡以消人之私意,使之從道,使之 又教之曰「無譽」,言乎自無譽也。 譽之不聞,此 理之常。 括,何適 此,道心清明,無體無我。 不謹、己私 無己私者,往往多不 囊乎? 慎不害也」。 中也。 爾。 含章已爲人情之所 必括則 括囊 彼未能 何莫? 人之私意殊 中 意一 則謹,括而 潛 上無 不發,不發則無 時一 無私意者,往往恥 時 動,又不能括,故聖人 不可 陽 括,雖知 一突發。 明之君,以六 難克,故教之曰 難 不 發 發,其 矣, 發則發,括 IIII 所括, 易道 必欲 丽 譽, 況 此 於 其 於 往 名 事 取 往 則 如

裳 下,故 黄, 中 取 央之 袋以 土 明 色, 下。 故 取 Ŧi. 上卦之中, 明 衣

咎」,慎不害也。

六四

,括囊,无咎无

《象》曰:

「括囊无

明」,曰「輝光」,曰「君子之光」,皆所以

周公「光於上下」,《易》曰「光大」,曰「

光

明

昭

也。

荷失乎此,動乎意,必昏必

差。

乎道心,不作乎意,無思無爲,

而

理

得中道 明道 書也 非作於外者,由 日 君,而此六五自發大臣之義。 之,爲其得道焉,故曰「元吉」。 裳矣,能中則能下矣。既 卦有君象,在 臣位。然必曰 臣下,下者臣位 舜、禹、伊、周之所以爲臣 舜、禹之相 道之異名, 有 公知終而終守臣位,道在臣位也。 面,堯之所以 殭 中象。 「文在中也」者,於 勉 屢遷,取 爲詳也,其吉大矣。 飾 ,自安臣體,皆中 外之意,言文在 六陰 傳,惟 象非 六四 偏 一黄日 爲 體 中 也,臣體 君 無 ,坤體,有下象。 日 而 倚, 一,不可執固。 則視五爲非陽 也 裳者,合此二字,以 「執中」。 法,●動静云爲,自 以 非道 明君子之黄裳 心之所爲 也。 明此 中而 得中道, 大不足以 也 mj 《易》之爲 明 能黄則能 何? 伊尹 以 不在外。 五在他 此 無毫 北 明之 君 以 盡 安 -

> 思爲之所能及也。 昏其明,在學者 外而非中也。此非訓詁之所能 子貢之文自外也,雖極其恭敬之意而 位,公降一等而揖之。曾子之文自中 者曰:已告矣。及曾子人,卿大夫皆 子與子貢俱入廐,修容。子貢先人,闇 文者自 巧言、 令色、足恭」,作 然 加 生,文 也。 聖人能啟 非 口 也 以 非 作 以其端日 文也。 解也, 而 就 爾, 也 非 其 亦 而 澼 曾

戰于野」,其道窮也。 上六,龍戰于野,其血玄黄。《象》曰:

故稱 於無 玄而 血 陽也,故稱龍 《文言》曰:「陰疑於陽必戰,爲其嫌 地黄。」蓋 舉天下純終爲陰,幾於不復有陽 焉。 夫玄黄者,天地之雜也。 調陰 焉。 丽 至於 猶 未 上六,極 離 其 也, 其 天

「法」,明刻本、四庫本作「發」。

類。 也。 野。 其 可磨 復贅 有君在。 故特稱龍,以 之心,所以 日 於無陽,故稱天 血陰物也,又稱 已,復知 野 有變,故戰。 釋。 滅者 凡此數義,已明已著,故《文言》不 曰血,兼著陽陰之 日 天色玄,地 然陽 地 有 聖人爲此 猶 日 雖 人心終不忘其君 陽 明天下之大道。 黄, 在 甚 哉? 著其 也。 微, 色黄。 血以明上六猶未離於臣 當是時,人知 亦以 稱 猶 聖人 名分則貴,人 玄, 爲陰者致疑於陽, ,皆所以折天下無君 明 有龍 明其 俱 未 日 嫌惡其無陽也 天 在,以 離 傷,不獨陽 猶 日 不 其 君君臣 有上六 区玄,亦 山 類 有陽也 明其 心 故故 所 也 而 傷 稱 猶 慮 不

大終也。 用六,利永貞。《象》曰: 用六「永貞」,以

道之正也。

龍戰之禍,道之窮也

坤之用六,即乾之用九。是道也,

必能 至失 道之即乾者,不足以與此。 道,以大終也。 失道則害。 能 心 而 永貞,微生己私,即失之矣。 則易之道豈可一 而 在 無 貞 乾 爲 爲 能 Ē 六 所 則 永於貞也,不永於貞,●亦失道也。 體 用,不 所 用 永,是爲 何物驗之? 貞,正 用,不 九 是道也大矣,坤 能用九,故 在 止以乾道爲天,不 得道。 能用 也。 坤 日不 則 知 六,故至於戰。 用六,一 明於天下哉? 爲臣之失道者必 爲正者有矣,未 道心無體,清 至於亢, 雖位利貞之 得道 也。 則 · 知 坤 居 居 利, 明 道

《文言》曰 方,後得主而有 其順乎? 承天而時 坤至 常,含萬物 柔而動也剛 行。 而 化 至 光 静 坤 而 道 德

坤之爲言,乃道之至順之名。非乾

無體 乎? 私焉 道心 坤一 之道,爲臣爲妻,不得此至柔動剛、至 益 止,不 德方之道,則爲臣不盡忠,爲妻不 也」,亦無不 時 而 之道,故有 四 桂 自 止此證,亦猶《謙 謙 土 乎動,動 有 無所爲,而 道,雖 之剛 無體 ,則不 地道 之静,斯 自 乾 有體 可轉移,其方可 卦卦 之道 其 剛 柔 無 而 之静,未爲至静,暫 皆妙, 柔 變盈而流謙」。 於坤曰 可 矣。 體 不可屈,義不可奪,非 莫禦,其剛 其德方而 爲 坤 有 也 可執,非至柔乎? 至 剛 自 何必指 • 彖》曰「天道 卦卦皆易。 有體之柔,柔 不偏 静,真不 有 「剛健中正, 道 坤 驗。 不可 事爲 一之道 可驗, 而 於一 殊 動矣。 曉愚喻昏,始 智者 轉 験? 静復 隅。 惟 非 則 純粹 通 故 虧 其 厚重 也。 六 盡正。 立己 乾坤 達 動 動; + 盈 該 有 至 六 體 精 乾 别 疑 而 静

> 萬也。 道,其爲物不貳」,故「其生物不測」,又曰 陰陽之氣殊,而實一也。 之統天。坤之生物於春,長物於夏,成物 其順 也,真 氣發於地而 長物之成物之藏物之時行也,名殊形殊, 萬物乃坤之化,物者坤之物,萬者坤之 於坤道之中。 於秋,藏物於冬,時行也,即乾之生物之 行,如日月之代明。 道 後 手執、足行、心思而人一也。● 並行 得 乎? 主 坤之順即乾之健,坤之承天即乾 亦 而 而 方 可 不 承天 有常,含萬物 矣。 摇 雪霜降 相 動 萬物既生,非 悖」。 而時 道 3 心 於天,故曰「天地之 無 譬猶 萬物未生,乃含藏 行」,如 無 體之方,不 惟其實一,故陽 體, 而化光。 人之目視、耳 隨 離於坤 四時之錯 荷惟 而 坤 可 也, 道 摇

「人一」,明刻本、四庫本作「一人」。

餘殃。 之故,其所由來者漸矣,由辯之不早辨也。 積善之家,必 知 ,不 豆弑其 惟不知乾,亦 有 君,子弑其 餘 慶。 積 不 父,非 知 不 坤 善之家, 朝一夕

必

有

易》曰「履霜堅冰至」,蓋言順

也

皋陶 敬? 惻隱之心」。 其見賓客,孰 其兄」,「乍見孺子將入於井,皆有 無不 微」,心動之始 念之作爾。 所謂天惡者,何也? 動,其幾不詳。 止,安止 復清 知愛其親 曰「一日二日 人性至善,無不善者。 而 人性之善,於此著驗。 明,爲昏 不可掩,罪大而 加 動, 禹曰「安汝止,惟幾惟 其幾 也。 不安止之動 爲擾,順 及其長 萬幾」。 必 心實無 其端 康; 不可 流 也,無不 甚微,始 丽 「孩提之童 如如 體,常 幾者, 解。 下,遂 然而 不安 不舉手致 水撓濁, 止 安常 怵 知敬 至於 動之 康 於 亦 惕 m 有

> 安得 矣。 謂 之所誠。 思慮之所及也。 業」,孔子之所 光,至虚 未 則「牽復」,亦危矣,「頻復」大危,亦聖賢 動 「好學」,皆所 則 不 辨之於早? 自 而 不克頻復,代日 清 用神, 自 以二 明 以蒙養保護乎此, 其次則「不遠復」,又次 發憤 臯 自 陶之所謂 早者,未 安自 忘食」,顔子 而放,堅 止 **無** 動之初 「兢 體 冰 之 兢 而 而 也 所 非 發

直其正 以方外,敬 无不利」, 也,方其義 則不疑其所行也 義立 mi 德 也。 不 孤。 君 子 「直方大,不 敬 以直 内,

庸,故 者直 之外又有 義也」,明方非執方而合宜,非執 欠,聖人慮學 心以 爻辭 公曰「直: 往,率意而 正 日 其 直真, 也。 者直方不 正 一也」,則不入於邪, 爻辭 本 無 行,爲無忌憚 合宜 曰「方」,本 虧 欠,聖人 ,故曰「 方之外 方其 非 之 慮 無 中 直

不孤 行,如 者固 謂 言》深 於外,不爲事物所 錯,其直不改,故曰「方」也。直心 曲 自 又 明方,而 物,不無 隨庸衆常情言之。 而 云爲,無 「直矣。 有 以 方也,直心之發,與 ,惟起意故曲爾。 未能直,故教之以 發揮 ے 有道 明乎方外之義。 有 日月之代明, 立」,内外應酬交錯,如 也。 四 「直方 非 轉移,此猶爲德之未全,故《文 直者本心,未始不直 前言之所未 心清 者也。 又有隨宜 義者,故 直方 大」,雖然 明,既直内矣。及乎 正 轉移 斯爲 義、皆發 日 方非直之外復有 人又慮 中節 敬,敬則 日「内」日 盡 「義以方外」。 ,應酬交錯,變化 義者,處事之名。 外物接, 義 盛 之理 不可 伯夷、柳 德 學 明 故 四 心 此 者 「外」,姑 奪,足以 應酬 時之錯 未 不 雖 道 日 而 孔 始 放 之 欲 一德 學 所 應 達 交 逸 或

> 無意 足以 之中 也 皆能 自信 行必疑阻,終不 義 無 及,非心思之所到。 闢,變化皆妙。 天地之變化,雷霆交作,風 而 何疑之有? 窮高 也 能,不慮 ·者之所 節 盡 則無疑。 直 由外鑠我 聖言千萬,皆以明人 極妙,不可 大人之至也。 内方外矣, 有未 而知。 見,不知聖 吾亦 無疑之妙,非言 盡 也,皆我之 疑起於意,有意則有疑 通 習 俄 猶 達。 能 何疑之有? 或者 一而能、 而 敬 此直 未 人未嘗彊 所 至,此 能 爲 不察, 行 義 雨散 慮 所 此 盛 心之所自 矣,而 不 方 固 而 德 不 疑者, 此 也, 施、天地 知者,所 有,不習 語 六通 自 往 之所 之所 往 知 於義 敬 猶 此 不 如 四

終 道 陰 也 雖 也,妻道 有 美, 也,臣 含之以從王 道 也 事, 地 弗 无 敢 成 成 加 也。 代有 地

楊 氏 易 傳

天地變化,草木蕃,天地 私主之於中也。 理 「括囊,无咎无譽」,蓋言謹也 甚 明 無 而 成 有不 而代 安於此、越 .有終」,地道之常也。 大道甚明,私意亂之。 閉,賢人隱。 位犯分者,己 [《]易

也? 日 避 塞 時 福 不發。 且姑避 ,饑饉荐臻,草木衰減,賢人在 泰通,草木蕃蕪,賢人在位 即 天地 誰 道, 能 凡此皆大易之變,不可以爲此 過禍耳 其曰「謹」云者亦道。 出 氣也,一數也,一道也。 不 ,非易之道也。 由户? 何莫 事 由 及時 即道, 隱,括 斯 孔子 道 否

於四支,發於事業,美之至也 君子黄中通理,正位居體,美在其中, 面 暢

又 日 正 通 中以釋黄之義也,慮斯 理」。 位居體」,皆所以釋裳。 下者臣之正 · 位 義 下者臣 未 惟其 明, 通 之 故

> 意,則 體 誠者,終不足以致吉免咎。 論禮者曰「著誠去僞」。 後爲美之至也。 支,發於事業」,自有黄裳之實矣, 自恭敬,自有粹然温然之容。 心無他 起意,則意已動,已在外,非其中矣。 虚名,曰「美」曰「中」,亦皆虚名。 理 一,故 也。 意 能居體,非通 道 ,惟誠惟實,非意自中自正,自 心有倚 心 加 倚則 作意則僞,是故,古之 已矣 理自通 偏,非黄中矣; 道 卑恭不出 心 理、居 無 「暢 體 體 一於中 夫然 於 姑 自 卑 四 起 立

陰疑於 玄黄」者,天地之雜也。 龍」焉。 坤《文言》,略者前 陽必戰,爲其嫌 猶未 離 其 類也,故 已詳,餘可通也 於无 天玄而 稱 「血」焉 陽 地 也,故 夫 稱

楊 氏易傳卷二

楊氏易傳卷三

永慈谿楊簡敬仲撰

《彖》曰: 建侯而不寧。 中,大亨貞。 屯,元亨利貞。 屯, 雷 剛 勿用 雨 柔 之動滿盈,天造草昧, 始 有攸往,利建侯。 交 而 難 生,動 乎 宜 險

《連山》,如《歸藏》, 其義也。又曰: 易》之序而言之,則剛柔始交而 屯者何也? 首乾次坤,反對之序也,其又次 天 地之間 六十四 也。」此又其 「有天 者惟萬 無不可者。今就《周 卦,錯而 地,然後 物, 義 也,無不 故受之以 置之, 尚 萬 屯, 物 此 生 如 之

化也。 既濟、未濟即乾、坤也,分本 此《易》之屯也。 發之於《彖》 而 有 險,險爲難。 陰陽剛柔之始交,其象甚 學者爲啟愚昏,或 乾、坤不必專言先,屯、蒙不必專言後, 者、《易》之屯也。 道。 孔子之旨,猶未達三《易》之旨也。 原」,則求原於彼。 孟子習聞左右皆原之説,而贅曰「逢其 本也」,言其時時皆本也。「五聲六律 二管,還相爲宫也」,言其 未通,六畫之中,斯象著見,孔子於是 屯難焉,又震爲動,動乎險中,猶屯塞 孔子曰「五行四 固 剛者乾陽也,柔者坤陰也,震者 執 其 解。 下震上坎,其始交而未通 一者,不 昧者徒見其爲屯難 嗚呼 推本而言,聖言之變 乾、坤不必專言小 以「逢」爲言,猶未達 時十二月,還 足 以 此易之道 律律皆宫也。 著 與 與末者陋。 也。 論 夫 坎爲 易之 相 + 爲

三六

桂 已 元 亨利 ()貞」, 與乾 等 也 心 思 子

始,屯 之元 也。 思之始,非 思 也

於此,故不 曰「天下何思 言 也。妙 何慮」,謂此 哉屯 也,不 元 以 復 此 諄 處 諄

利, 屯則屯通,非 非 利乎? 亨乎? 斯元斯亨斯 以 此 處屯 利,有 則 不貞 無

不

乎? 亦可 也。元爲始,爲大,爲善,爲仁,通 四言之可也,三言之曰「大亨貞」

交動 言之曰「亨利貞」,皆可 mj 滿盈,大亨貞之時也。 也。 震雷、坎 大亨非

而

雨

坤已詳言之,此則略焉。 推本始之言也,夫言豈一端而 或者此 已? 心之偶

昏,不能 者作也,故戒之曰「 焉,益屯之道 明照。 也。 屯時之未 聖人作《易》,爲 勿用 有 口 攸往」,「 遽 往 未 丽 明 建 攸

侯」是矣。

夫

事

之所

以

不

濟

情之所

不通者,未得其人以理之也。

得賢

其造如 未明。 道矣。 體、三才之一體。 之吉,應地 言「首出庶物,萬國 其言「天造草昧」,似言天,繼言「宜建侯 之時乎? 侯」其 惟 而不寧」,似言人,合而言之,亦猶《乾 相戒、猶諄諄 而 無怠無荒」、曰 不寧」者,不遑 兴此 徒 建 理 爲 元亨利貞之道,此易之道。 理之緒 人情居屯,往 理 天,①則 侯, 其事,不 屯 此乃 何 無 如 也 事 疆」,皆所以 日 無 理絲,固 任 康寧也、堯舜之世、君 ネ 孔子發卦辭之所未言。 「兢兢業業」,而況於屯 「克艱」、日 思 不得其緒 其賢, 濟 「草」言未齊、「昧」言 無 咸寧」、《坤》言「安正 往 ? 爲, 動 棄 自 何 心,墮於人爲, 而 明天人之一 有 屯 本從末,失其 自通天下之 徒擾 不 其 亨? 戒 緒, 益亂 雖不 臣

四 庫本作「於」。

之變化, 寧,兢兢業業 如日月之光照。 而 不 動乎意, 如天地 四時

雲雷 , 屯。 君子以經綸

雲雷君子自是一體,三才一體。《大傳》 口。 我心之所同然耳 非聖人獨有之而衆人無之也,聖人先覺 廣大。其曰「範圍天地」、「發育萬物」, 育萬物」。 易之道也。然則何以能與雲雷 也,即雲雷之道,其有毫髮未與雲雷 之,舒徐而理之,不理之不可,急 滯之象。君子之濟屯也有道焉,經 曰「範圍天地」,《中庸》曰「聖人之道,發 一者,終未能盡 曰「經綸」,正理屯之道也。 雲方布於上,雷方作於下,故 人心無體,至善至神,至明至 經綸之妙也,終未盡 爲一? 是 亦 有 而 乎 爲 道 不 屯

盤桓」,志行正也。 桓,利居貞,利建侯。《象》曰 以貴下賤、大得民也。

九之剛也。

乘馬班如而不進,不得行

屯? 動 是,發文辭之所未言 建侯之外,又利於以貴下賤。 得民心。屯之初,雖未可 之下,有以貴下賤之象。以貴下賤,大 故曰「利建侯」。 嘗不正,苟惟不正,取禍之道 行,而亦利建侯焉,恐人謂一切不可行, 可行正,而事未可行正也。 往往怠忽。 可已也。 m 行正。《象》曰「志行正」者,明持志 初九有盤桓 「居貞」者,言止可 陽爲貴,陰爲賤。 初九陽明非昧者,故其 卦爻辭重復者,於此不 不進之象。 静而 遽有所爲,而 事雖未可遽 初九居羣陰 也,何 昧者盤 居正,未可 孔子於 志未 以

六二, 屯如邅如, 乘馬班如。 之難,乘剛也。「十年乃字」,反常 女子貞不字,十年乃字。 諸爻皆屯,惟六二屯而 《象》曰 匪 屯者,乘 也。 寇 婚媾。 初

٠.<u>:</u>

楊 Æ 易 傳

焉。 之惑爾。 無 千變萬化, 難義,當反常慮,或者執二十之常禮,惑 得九五正應合也。 也 後人之疑。聖人立言垂訓,凡以解人心 六二之貞心,故孔子明反常之義,以破 而嫁,常 屯之極必通,故曰「十年乃字」,言其終 節,不肯妄從人自育,雖十年之久,不變 初 合,終不與 不與寇爲婚媾。 定論。 有求二之想, 有寇象 然天下無終屯之理,數之極必變, 陰陽之物, 也,無更待十年之理。今也有 人心無惑,則易道自 初九本爻自善,自六二觀之則 無可言者。《易》書取象, 寇 而 往往多合。 而六二守正 雖九五之正應,屯塞未 失正。 「反常」者,女子二十 如女子終守貞 初、二相 視爲初寇 在人心。 比

六三,即鹿無虞, 舍、往吝。 《象》曰 惟 :「即鹿無虞」,以從禽 于林 中。

> 也。 君子舍之, 往 也

於林中 往 也。 與 無虞則 也,不得鹿而已,未爲凶也,故止於吝。 不如舍之而不即。 也,惟類同故有應之象。然一陰一 之,則上卦之四 人則可以即禽。今即鹿 三與上六,兩陰也,故無相應之象,而 相應,兩陰 五即下卦之二也,上卦之上即下卦之上 即鹿無虞」之象。 上爲 ,不省其不可 初 大抵 《象》曰 八卦 心知其難 而已,不能獲禽也。 應。 在乎禽,爲 初 不 IIII 何 與 相應,兩陽不 「以從禽」者,夫無虞 已, 桂三 . 為 四 也。 即下卦之初 矣,而漫往,有不改過 爲 乎相 禽所 不舍而往,致吝之道 古者山澤有虞,得虞 應,二 動 畫 應 於利 蔽 而 一與五 丽 也 雖 無虞,則惟 相 禄, 也,上 ? 己, 君子於此 應。 爲應, 及 重 不 虞 桂 土 其 此 陽 由 而 故 道 之 則 即 有

從水,汗謾謾然。 必失道之象。 則 而 心之惑 窮 漫 往 也 求 將 者如之,君 也 以 毛義夫云: 求通,反 三爲陽, 子 動 得 則舍之,往 **謾從言** 窮 焉, 不 ,無去音,欺謾 中, 所 以 則 動 破 吝

《象》曰: 求而往,明也。 六四,乘馬班如,求婚媾,往吉,无不利。

象也。 明 動之象。 輕 者能之。 往則吉無 先往焉。 而 拉動也。 7,所以 先往,故孔子於此 乘馬班如」,如班 曰「往」,言六四不 誘掖人之良心,使之自 人心之急於婚媾者,多不 不利矣。 以六居四,皆陰,有 夫初九之求我爲婚媾也,然後 俟求 費 列然不行,屯之 而 言 可不決於此 後 求 往 至 圃 者,惟 貴 静 往 之 待 不 而 爲 先 無 求 明

「屯其膏」,施未光也。 九五,屯其膏,小貞吉,大貞凶。《象》曰:

> 欲 當小而大,皆非。 足以盡大者之道,故曰「施未光也」。 行也,行之必凶。若此類,是謂大者 甚無謂也,若減削之,不爲不正 故正故吉。 天下事理,惟其 貞亦凶。大者之施,不可不光,不光不 謂如今時頒賜軍 者行之,如 而 其博大,不欲 ·乃屯焉,雖其事出於正,猶爲凶也。 九 五 m 有司出納之吝,則義當屯吝, 若大人者行之,如人君之施 屯,爲屯 其 稱 賞從厚,無功 屯嗇。 m 其 已矣,當大而 膏之象焉。 若其居位 然不 而 厚賞, 小 與 雖 口 夫

血漣如」,何可長也? 上六,乘馬班如,泣血漣如。《象》曰:「泣

焉,豈可憂愁 不可處之事,易窮則 失道之象,故至於「泣 上六重陰不中,爲 無 聊 賴 變, 如 . 血 此 屯之極 變 漣 其 厠 如。 甚 通 ? 自 天 有 陰 顔 下 道 闇 有

豈無 深固 長如 於泣 亦 死,痛裂慘 居 於 覬 哂 一, 故 脱 其變也 此 血 聊 巷 也,非告語之所可及,惟 難 漣 至 而 至此 如 ? 於 極 一變則 如文王之囚 此 ,亦氣血 也。 孔 彼昏者因物 極哉? 子 庶乎通矣。 「何可 遭 厄 之變化 雖 [於羑 加 長 絃 不 一者,言. 歌 有遷,執 爾 里 幸 一,文王 深憫之, 不 加 亦 何 何 物 可 於 亦 至 亦

良坎 上下

再三賣,賣則不告。例真。蒙,亨。匪我求童蒙,童蒙求我。初筮告,

聖功也 《彖》 求我 再三瀆,瀆 亨」,以亨行時中 再三瀆, Ě 志 瀆則不告」, 瀆蒙也。 應 則不 蒙, 也。 山 告。 下有險, 也。 「匪 初 利 貞。 筮告」, 我 險 求 而 以 蒙以 童 止 剛 蒙, 童蒙 養 中 Ē 也。

艮爲山爲止,坎爲險。此卦上艮下

於此 長、忠 見其 險 ? 孔 蔽 所 則 미 目視之,不可得而見 於此則不蒙矣。 時,春秋冬夏,風雨霜露, 方」,達於此 蒙者,非 坎 處事物之外也。 得而聞也」,夫哀樂必 物 子曰不可見不 不蒙矣。 之,是 ,是謂「上下有險 無非 則不蒙矣。 爾。 信孝弟、 何阻之有? 能 謂蒙。 孔 物,無 高舉遐遯,不寄天 何必 則 子 視 不 曰「無 非 又曰「哀 明者知 聽言 可聞, 孰 忠信 此 ·蒙矣。 蔽 何蒙之有? 知 0 九也,傾 ? o 聲 動 孝弟,若至易 夫 物 何也? 有 其 雖 因 之樂, 無 Ш 又曰 樂相 非 起 聲 無 耳 近 險 非 非 必 蔽 地 居飲食, m 非 之 而 教也」, 一天 Щ 生,正 有狀, 聽之, 我,我 道,蒙 之間 事 達於 日 止 不不 有 謂 聞 達 此 明 自 者 事 而 達 離 非 四 四 知 不

「上」,依《彖》文當作「山」。

四〇

孔子如 蒙。 無所 爾。 子曰: 靈 語 可 爲,不可度思,是謂「時中」。 不 往 説 此 也 中,中不可 不可以意推,不可 蓋亨則行無不通,通是亨, 是説 慮 所 至神,特不自覺自信,致此 之莫知。 以語人。 則不蒙者,蓋人之知此者寡矣。 起居飲 倚, 而尚 至 而 吾無行而不與二三子者,是丘 [二三子以我爲 非,説 知, 一而是。 此 無所黨,平平蕩蕩, .謂 明 能。 動容周 食、若無 明者深念蒙者之性,至善至 然亦不敢無故 孔 石白以 晝説夜,而其實不然者,往 然則何以謂之不蒙? 不可以語人,言之不盡, 自神 子不明告者,是之謂蒙。 旋,喜怒心思,變化云 加一毫,不可損一毫, 示矣,信此 可言者, 自 、隱乎? 吾無隱 明, 而 不可以言論, 自信自覺,不 而 不學而能, 彊告之,必 蔽塞,甚念 無時而不 者謂之不 必 日 也。」 孔 乎 年

待蒙 言! 而 剛中之心也,煩瀆 之。蓋以 事,終未足以盡正之實者,非説之可解, 無所利,獨利 無濟也。其曰「利貞」,何也 又告之,是又告者反瀆蒙者,益亂益昏, 告。一告即發則善,告而不問,發之再 即道心也。特未 他,澄然不動,無偏無畔。 況於初乎? 人之所知,初不 三,其機已失,其意已亂,違道遠矣,非 已。 相 筮者 者 向 ,長而已,忠信 所以啟佑 人不自覺,雖 求 初 如 我 明告之不聽。 ト筮 筮之心,剛堅 而 於貞。 如 後告者,欲 萬 高遠,初 此而求於 明 然,竭精 世,何其妙也,蓋曰 而已,故不當告。 與 爾,易於啟 貞,正 習聞 物 不 m 其 中 我 是剛 盡 其 己,視聽言動 幽 也。 童 誠,誠 ? 説,習學其 者,則當告 誠 志 深,事親 有 發,故當 正者, 應 中之心, 而 至哉聖 順 也, 無 夫 而

皆通,通乎一也。 也 作聖人功。 ,聖言偶不及之爾。 不 知 之所習。 之謂 蒙不 蒙,以不習不知養之,是謂 不習 言元,非不 示 知 蒙即元也,餘卦 ,變化 可 云 以 爲。 言元 不

《象》曰: 山下出泉,蒙。君子以果行育

焉,則 而 之珠,泥沙 德性無體,本 假復求,順而達之,無 於是發蒙微使達之。 不混濁之,則水性不失矣。 行得,是謂 ,有蒙稚之義。 達,是謂「果行」,果所以 蒙有昏蒙之義,有無 德性 混 得 無所 德行,行虧則 所 之,失其 養矣。果者實之謂,是 上艮下坎,出泉之象, 動,本不磨 。德性之所自有,不 (明矣; 不善者。 思 育德 亦能 無 順本正之性 滅,如夜光 慮養正之 有行實 使德昏。 如水然,

初

,發蒙,利用刑人,用説桎梏,

以往吝。

《象》曰:「利用刑人」,以正法也。

自處桎 梏之爲 免於桎 則 在足 處,病在 舉天下皆不蒙矣,皆聰明睿智矣。 以桎梏爲美而好之者,多矣。 用也,用正法以刑之也。有正法 改過之意。《象》曰「以正法也」者,以, 梏愈固,不復能改,故曰「以往吝」,有不 自東,意狀切類之,蓋亦自 不知故蒙,故誤認非 人之不善而刑之。如我無 儻不於發蒙之始,痛掃除之,則厥後桎 本 桎梏可脱,是謂以 明, 曰桎,在 發蒙之初,即 梏之中。 **| 桎梏,則亦豈肯自囚自** 一梏,安能脱人之桎梏? 天下之 某處。 因 何以 手日 因 蔽,因 惟明者深知 其 宜刑 梏。 爲是,誤認惡爲美, Œ 何而 法刑 處 人以脱 人之昏蒙, 病 Œ 無如之何矣。 蒙, 蔽 人,每 所 法,我猶 使皆. 人之性 m 東? 其 丽 刑之, 桎 惟其 歎以 在 知 後 本 知 桎 人 則

滅也。 邪 其昏昏,使人昭昭。 者以不正之法刑人而欲人之正,爲 亂,往往而是。所賴人有常性,終不磨 阻之遏之,人心不正而反進之導之。 者以不正之法教人而欲人之明,是 一代衰,正法不行,以蒙治蒙,以亂治 法刑人、益人之桎梏者多矣。 蓋有人心自 爲 E 謂 人上 m 自 師 反 以

「子克家」,剛柔接也。 九二,包蒙吉,納婦吉,子克家。《象》曰:

也。 子明,故子克家。父子分,雖嚴而 啟之,如此 體爲不順。 稱忠,古道 藏其用,不露其迹,如孟子之事君,順 包蒙、順 有得道之象焉,則能包蒙者也。 九二陽明,六五陰蒙。以下發上, 協之意,如納婦焉則 無 者吉。 而九二居下卦之中,中,道 取。 若直攻君之蒙,後 「納婦」者,所以詳 吉 婦 不爲 世 明 丽

> 可。 《子之親,亦皆有信其父子之誠而後然則亦難也。凡下明上蒙者,必其情如然則亦難也。凡下明上蒙者,必其情如然,不可柔接」者,言乎必情親至協則可,不甚嚴,又情親,故子可以克家。《象》曰

利。《象》曰:「勿用取女」,行不順也。六三,勿用取女。見金夫,不有躬,无攸

彼以蒙求,則 陽,以昏求明,其心雖求親於我,而失其 求明則正,以女求夫則不正。孟子不答 矣,得則吉,失則凶,得則利,失 道焉,我不可受。夫天下惟有此 故有「見金夫,不有躬」之象。以陰求 道之象。三與二非正應,而坎水就下, 以六居三,三爲陽,動又不中,不中爲失 取以 而來,君子猶 金夫,九二之象。女,六三之象。 女求夫、不 其 不可受,故不曰以蒙求, 事 有躬之義,蓋謂以蒙 雖善,而 其 間有以非 道 則 一而已

四四四

遠實也。 「四、困蒙、吝。《象》曰:「困蒙」之吝、獨 所也」、凡以罪其不順而已。 滕更、其求不以其道也。《象》曰「行不

以巽也。 六五,童蒙,吉。 實? 道。 爲好嗜者爲實,●不知其不實也。 惟以蔽焉。 云。 禍福毀譽靡定,然則惟 夫蒙闇者之自安於蒙,不以蒙爲美也, 是,不應乎陽 諸陰皆應陽,獨四 四遠乎二,遠乎實也。 六陰, 惟道爲實,萬物皆變,惟道不變。 四又陰,蒙闇之甚,自以 安於所好,溺於所嗜, 《象》曰:「童蒙」之吉,順 明,故 爲 不應,故曰 困 道爲實,明者得 蒙」爲「吝」。 聖人憫之故 「獨」。 自以 何謂 爲

上九,繫蒙。 之至,柔順 六五雖陰而 而聽 不利 如 爲 未明,而 童然,故吉 寇, 利禦寇。 能 應九二 陽 象 明

曰: 利用禦寇,上下順也。

已矣。 行,其效如此。 順,而蒙者當亦 日 蒙,因其禦寇而繫之,又至於大甚, 者而已,去其悖道之心而已。 矣。彼爲蒙爲寇,悖道大 不過私,上下當靡然順服,不惟輿 極、悖道之甚,我不得已,以道繫之, 反失乎道,是繫之者又爲寇也,故戒 不得不甚。 意而治之大過哉? 「不利爲寇,利禦寇」。 昏蒙之甚,至於此 夫不得已而 然治之雖甚 順 聽 至於繫,則 而心服。 繋者,繫其 一,不過禦其 極, 甚, 自其昏蒙之 則 荷因 則治 夫由道 岢 惟 蒙 動 有 論 之亦 而 其 爲 而 於 繫 則 之 而 咸 我 繫 寇 己 私 面

楊氏易傳卷三

上「爲」,明刻本、四庫本作「所」。

楊氏易傳卷四

不慈谿楊簡敬仲撰

★ 乾 上下

往有功也。往有功也。「利涉大川」,言」,位乎天位,以正中也。「利涉大川」,陷,其義不困窮矣。需,「有孚,光亨,貞陷,其義不困窮矣。需,「有孚,光亨,貞吉。利涉大川。

乎道 象著乎九五之一爻。 而遽 塗中,其義 故 孔子曰:「天之所助者順也,人之所 往,則陷乎險。 坎險在前,健剛 也。 不困 曰「有孚,光亨,貞吉」者,其 窮矣。 五爲天位,又正 剛健 而能需待,不陷 剛健者多不 而能需者,得 能 需

皆天道 涉大川」,言有孚、光亨、正吉,則雖 所以共明斯道,非有異義也,一也。 「利 謂位者人之位,不知其 亨。乾,天也。 爲全吉。需而有孚光亨,必得位乃孚乃 光之無所思爲,而或不出乎正者,亦未 聖人善於明道如此。 失其正,故吉,亦有人情相孚,其亨通如 焉,寂然不動,如是 於需待,於得所需,能不動心,今如光 我,則得所需矣,則亨矣。其亨也光,如 信爲切,需待乎彼,正與人情交,故首 日月之光,無思無爲,自無 助者信也。」人非不助順,大抵人情 有孚」。 濟矣,往必有功也。此承上文,非利 而非人,則 曰「中」,曰「孚」, 。我有需待乎彼,而 下卦乾而有天象。 無 而亨,是爲「光亨」, 思 需而孚,光亨而 無爲 爲 天位也,知 曰「光亨」,皆 所不照,人情 而光亨矣。 彼孚信 人咸 大險 其 不 乎

孚、光亨、貞吉、 也 涉 需,苟曰 易之險 也,則不足以讀《易》。 一,有孚、光亨、貞 大川 也 别 此人事物情 有 剛 義 健 也 利涉 丽 吉 不陷,易之剛健 需者易之需 也。 而 侕 己, 利涉,又易之 日 非易道之至 屯,日蒙,日 也, 不 險 有 陷

《象》曰: 雲上於天,需。君子以飲食宴

道 聖人作《易》而 情之所需者,飲食爲急,朝夕之所需,未 及此,故大《象》發之。 雨 宴非 ,非易之道。 何 飫 有需待之象焉。 所不在? 雲者,坎水之升。 何 如 1大何 天地之變化,如四時之錯 自飲 小? 食也,與衆人共之也。 取此? 達之者、羣羞盛 何所 學者其無謂 君子所 不 夫飲食之微 嗚呼大哉 雲上於天 通? 以 飲 味 何 飲 食 宴 而 食 行,何 至 何 未

> 初九 失常也。 于郊」,不犯難 可 ,需于郊 度思,矧 利 可 行 射 用恒 也。 思 「利用 无咎。 恒,无咎」,未 ^ 象》曰:

也。 于沙」, 衍在中也。雖「小有言」, 以吉終 九二,需于沙,小有言,終吉。《象》曰:「需 也。 易道不在遠,在乎人心不放逸而已矣。 惡静、能暫 失常道,故聖人未 久于此則 「需於郊」,不犯 初九遠於險矣。 無咎,恒久 不 能久,此 失常 于此,或疑久固,恐 險 「郊」者,遠之爲 也。 難 皆放逸之常 而行 人情喜動 言 加 恒

九二 在 近 而 險 中」者、言九二胸中, 需 居中, 焉。 九二 也,故雖「小 稍近 偶 有得其道之象, 其 所處稍近 于險矣,故 有言」而 寬衍平夷。 **险**,非 日 故 終 「于沙」 :好進 亦 未 嘗 而 初 進 是 衍

血

順以聽

也

是終吉,以九二得其道故也。●以進動其心,亦不以小言動其心,夫如

L。 泥」,災在外也。自我「致寇」,敬慎不敗九三,需于泥,致寇至。《象》曰:「需于

六四, 云 服」,服其 寇至,我不致之則寇亦不至,故曰 泥則迫險矣,故曰「致寇至」。 險之地,致寇則寇至,不致寇則寇不至。 不敗也」。甚矣夫人 初 殃 未 「禍不入慎者之門」,正謂 於郊「無咎」,二於沙「小有言」,三於 需于 至 日 入險中,災猶在外。 坎險在前故需,諸爻以遠險爲善。 「自東 Щ, 慢藏 心 也。 出自穴。 自西,自南自北 則 盗 心爲善則祥至,爲不善 至,冶容則淫 心之神也,雖 《象》曰 「自我致寇」則 此。 雖然,三 無思 至 需 「敬 處 于 慎 迫

> 之象。 也? 以一 其處之亦有道。 之爲道,無所不 六四 陰當其 能需 人險 欲進,三陽自下 而 前,其傷 退 通,雖 聽,「出自穴」故也。 而 六與四皆柔,故有順聽 傷,然不言吉凶,何 必矣。 如四之人險而 丽 血 進,而六 ,陰物,傷 四

吉」,以中正也。 九五,需于酒食,貞吉。《象》曰:「酒食貞

異名也,即 正德以需之,庶 下,不在求之他求之外,惟 事,非取象。 大《象》「君子以 自養,求 食,自養之象也。 正德也、《象》曰 諸 九五、君象。 政 己 飲食宴樂」, 也。 咸熙矣。 貞,正 爻辭多取 「以正中」, 求諸 人君之治 中正, 則直言 也 己 道之 自 而 天 養 已 其

■「以」上,明刻本、四庫本疊「終吉.

四八

通之士無取焉。也。學者或巧致其辨而通乎道,内明心

雖不當位,未大失也。●吉。《象》曰: 不速之客來,「敬之終吉」,上六,入于穴,有不速之客三人來,敬之終

穴。 不召 則得 之使 所去,而三陽又至,非上六之所欲也,猶 之已安,不敬君子,則小人悖道大甚,必 謂 勢終必進,故 「宿」,謂於一宿之前致請也,或作「肅 起 小人之勢已安不可去,因 陽,君子之象。 、敬君子,則 速人也,音同 敬以延之使人也,此作「速」,謂導 而客自至。速,猶召也、《禮》或作 所需之變,故不曰 大抵天下之事,理極 六陰穴有小之象。 有「不速之客三人來」之 小人 義 上六入於穴,已得 亦終吉。 亦畧同。 需 三陽 則 而 一以教 如恃其勢 需 曰「人於 需 於下, 之極

> 之禍。 客,或比象生義,皆不可執一 也,敬之終吉。 至,不速自至,雖不當賓客之位,未大失 君子小人。 卦、三百八十四爻,皆不可 筮者事情無窮,亦不可 當位、若能敬君子、 有 X 「穴」者所安也,泛言事情,不 矣。 爝火不息,或至燎原。 小 我已得所安而 位當居 若責其小過,或 ,亦未 下, 執 爲大失 一論。 今居 有不 執一 一論。 上 論。 或 速之 必 六十四 也 實 忿 專指 德 客 争 又

乾坎上下

「有孚,窒惕,中吉」,剛來而得中也。「終《彖》曰: 訟,上剛下險,險而健,訟。訟,

也。「不利涉大川」,入于淵也。凶」,訟不可成也。「利見大人」,尚中正

者,惟 剛 既 訟者之所求也,不遇大人,則 而訟, 終成也。 而能 其外,窒也。 如以詐 之道也。「利見大人,尚中正 而人不信之也,而有窒焉,故 本乾,亦爲健。 之可行,不得以用夫剛,故 實而 險又健,訟於是成。 中,必惕必懼。「終凶」者,訟不可 ,勢自可以行,故用剛, 者勝,亂之道也。 訟之爲卦,上乾剛,下坎 惕惟 勿終焉可也。得已而不已,終凶 來險 圃 訟非君子之事,有變通不得已 已矣,則安可訟也? 懼,勿過而 居下卦之中,得中也。訟 中,剛實,孚信也。 險而 不健,未必 中則吉。 夫人惟自信其直 履正 道 用 而下則 中正 也」,中正 [[]] 險。 險。 或可訟。 《彖》 訟非 後可 二陰揜 2成訟。 者禍 訟之 無勢 在 善 日

> 險難 深,不可出 愈陷之道也。 也,不以 也。 Œ 「入於淵」, 道 丽 欲以 訟 言其 濟之,愈 入 險 險 愈

謀始。 《象》曰: 天與水違行,訟。君子以作

事

初六,不永所事,小有言,終吉。 其辯明也。 「不永所事」,訟不可長也。雖「小有言」, 訟。 之不謀,輕愠 謀謹其始焉。 之象也。 於其始謀之,微也已之,則不難矣。 天行乎上,水流乎下,其行相 君子深念夫訟之不 遽 興訟之端,其始甚微,始 忽,施 報滋 甚,故 韙 《象》曰: 也 違, 成 於

必與競也。人之所以訟者,爲其己直而小有言,其是非之辨已明,人皆知之,不事,故終吉。能不永所事,終足致吉,雖訟之初未深,小有言而已。既不永其訟之初未深,小有言而已。既不永其

7二,不克訟,歸而逋,其邑人三百户,无以不訟矣。聖人善解人心之蔽如此。見屈於彼也。今曰是非之辨自明,則可

訟上,患至掇也。 眚。《象》曰:「不克訟」,歸逋竄也。 自下九二,不克訟,歸而逋,其邑人三百户,无

古皆國邑、非如後世郡縣。 矣,故可免眚。 其至易也。 所以不克訟者,自下訟上,大不 有歸之象。 不能也,故歸 善義,唯聖人之所發明。二五皆剛,其 爻發九二之善義,《象》發九二之不 歸 加 逋之邑,惟 如其邑大,則 逋竄。 致患如 三百之邑,小 一爲陰 彼 掇 將 順 取,言 不 也 釋。

成。《象》曰:「食舊德」,從上吉也。六三,食舊德,貞厲,終吉。或從王事,无

「食舊德」,舊禄也,度德受禄,故曰「舊不訟。訟之時,君臣之際,尤宜慎謹。三應於上,以柔從剛,非訟者也,故

夫臨 易之道惟 無所爲也、「或從王事」、不敢專成。 也。 士所能學哉 六三,以從爲吉。 爲厲,六三處之有道,故「終吉」。 去,亦在其義尚可留也。 曰「貞」。 德」,言食則知 此在 九二未順君命。即則 他 其 何爲乎不去? 時 時 爲禄。 則 而已矣,無定 非 易之爲道,豈執方之 Ī 退 在訟時 食 然居訟之時 已在中勢未 亦可以專成。 | 舊 論 禄, 則正, 也 不敢 一、訟之 終 故 可

九四與初六應,雖在訟時,無終訟曰:「復即命渝,安貞」,不失也。九四,不克訟,復即命渝,安貞吉。《象》

而即於命,變而安於貞,吉之道也。渝,性不安於命,故欲以人力争訟,今不訟之象。九剛四柔,有始訟終退之象。人九四與初六應,雖在訟時,無終訟

❶ 「九二」,原作「九三」,據臨卦九二《象》文意改

曰:

以訟受服,亦不足敬也。

六三以柔應之,有錫鞶帶之象。訟

何難之有? 失,去其私意,則道在我矣,何遠之有? 不失也。道不遠人,人以私 道,今不克訟,復即 變也。始訟,始不 即命 命,變而 不安正,雖爲 意行之,故 安貞,則 今 失

正 九五、訟、元吉。《象》 也。 曰:「訟元吉」,以 中

也。

上九, 字。 武之征伐,周公之誅管、蔡,孔子之誅少 IE. 而 |卯,皆訟之元吉。聖人行之,無非道 必,如舜之誅四凶,禹之征有苗 或錫之鞶帶,終朝三褫之。《象》 又卦《彖》已發其義矣,乃贅乎? 《象》曰「以中正也」,中正,道之異 或曰五爲聽訟之大人,既妄增 元即乾元坤元之道也,其爲吉大 訟誠不美,然天下之事變,不可得

> 褫」。 服,亦不足敬」,皆所以遏人欲,明正道 言三褫,著人心之不 帶之錫焉。 不可終,上九過中失道,終訟 聖人慮訟勝者 人人心 不 服 以受助其 服,又曰「以 也, 故 而 終 私意,故 勝, 訟受 獲

川 坤坎 上下

師,貞,丈人吉,无咎。

《彖》曰: 毒天下,而民從之,吉又何咎矣。 正,可以王矣。 師,衆也。 剛中而 應,行險而 真,正 也。 順,以 能 以 此 衆

人心服,失此則人心離以困也。能用衆 不同,其實則一。於師卦曰「貞」,貞則 日月四時之道,鬼神之道,人之道,其名 而 正而已矣。正者,易之道。 皆 正,可以王矣。 「師,衆也。貞,正也」,用衆之道, 天下皆歸之, 天地之道, 何

明之言 言,皆所以 無思 行 平夷之事,故 合乎人心, 者,周衰秦漢 用 道 剛則物莫能動 也,「行險 丈人之道, 曰「 功,無咎則 然者故也。 之人也。 而 險 民 其衆? 也 不服 咸 而 天下 ൬ 順 不 從之矣, 吉矣, 順」,行 《詩》云「自西自東,自南自北 之道 同 」,服其正 而 故人 明此 無二 人不怨咎。 何以致吉 不得天下之所同然者,何 順」, 曰「行險」,非 而 而 尊者之稱, 剛中 中德無 下 即 乎險中 咸應之。 道, 道 道 發上 往 剛 無 故 也,合乎天下之所 往 而應」,發九二之象 中 與無 也 不 無咎矣。 有二物也。 偏無黨, 剛中二 雖成功 下二卦之象也。 而 同 而 丽 天下之所 是。 用師 ※咎? 應 得 IE 奸 之道 〜 險之 其 道 此 《彖》詳言 丽 道 征 ,丈人 吉則 毒 丈人强 有怨咎 險也。 伐,非 故 也 天 尊敬 此 一,發 也。 下 道 成 之

> 無 力 不 而 應 兼 也 行 乎此,丈人 是以謂大易之道。 行人 心 之所 同 然 而

衆。 象 日 地 中 有水,師。 君子 以 容 民 畜

之。 道也。 衆,而 然,民 衆」。 不鑿 以 則 容之,無由 水 焉,則 聚 水行地 亦衆 師,衆也。 人心悦 卦《彖》未發此義,於《大象》 井、鑿十 也,豈有居 中, 井之水亦不聚,此 而 而服 聚也,是以 有以容之則聚。 不特行師,其 之者 井 則 上不 乎? 水 聚 君 寬,量 + 此又易之 子「容民 無他 井, 臨 不 民 發 容 亦 畜 井 井 無

498

初六, 以 律」,失律 師出 X 律, 也。 否 臧 XI. ^ 象 日 : 師 出

行 師之道, 用 律 爲 善也 苟

四

同。 此斷 焉」,所以 亦 兵者,惟得此不敗,不得此, 通 不 不 善用兵,以其失律,故終於敗。 順 否臧」,不臧也。 不愆于四伐、五伐、六伐、七伐,乃止齊 有 一可易。 善 ,至於兵法,亦深 爲臧,逆爲否」,蓋 斷不易之論,此 於 時乎敗。 用 以 用律也,兵 則 是 X 知聖人聰明睿 如李廣,如薛 ,此古今行 用 律 識 家常談,惟整者勝 易之道也。 其要。 謂 而 逆 不善 師之定論 則 萬 雖善用兵 智 自古善用 不 徹,非不 無 與 ^ 莊子曰 ·臧矣。 書》云 無律 所 不 斷

陰,一陰爲主,同人、大有是也。大抵陰主,師、比是也。一陰五陽,則五陽歸一一陽五陰,則五陰歸一陽,一陽爲

心共 言。 在 錫 補爻辭之所未言者,此之謂也。「王三 寵」,此明衆 不出於私,出於公,有大惡亂 受命,奸譖一行,首領不保,何以 誠盡禮於將臣也。 也,何不可之有? 之中爲將帥則吉。 與陽 人心咸歸之,殊非人臣之所宜 「不相得」者,皆陰故也。今五陰盡 象》曰「在師中吉,承天寵」者,言行 一之一陽,則九二爲主。 命,懷萬邦也」者,此亦補爻辭之所未 殺 其 也 王者之所以三錫命於將臣者,志不 怒,是爲天命 情 ,所以懷受萬 相 咸 得,《革》之「二女同 應之道也。《象》辭 「王二錫 君心不篤,將 羣陰咸應者,上 殛之,❶ 邦也 九二,臣 是謂 命」,所 彼惡 倫虐民,衆 一,惟在 亦 成 不承 大馬 居 也 亦 難 咸 應 功 以 ? 天 有 於 推 九 而 師 應 師 而

「爲」,明刻本、四庫本作「謂」

征 明「三錫」之義,疑其志於殺 或 亂倫 之。 安衆也 征 焉,或虐民焉, 故曰 者,正 「懷萬邦 其不 正 也」。 諭莫從,故命 鋤 剗 也,故特明 慮或者 亂弱 不 所 將

尸」,大无功也。 六三,師或輿尸,凶。《象》曰:「師或輿

上,有權不歸一之象。 必無成功。九二既作帥,六三居二之。 「大無功也」,甚言其不可。衆所不一, 歸一將,使衆主之,凶之道也。《象》曰 與,衆也。尸,主也。行師之法,權

咎」,未失常也。 六四,師左次,无咎。《象》曰:「左次无

辱。 君子之心,則左次固 無知者以 知者不然 六陰,四 前進 又 爲快 ,惟其宜 所 處 八爲榮 偏, 其所安也,未爲失 而已矣。 以 有「左次」之象。 左次爲 殺人非 飛飛馬

所與也。齊桓伐楚而次於陘、春秋》之

中行也。「弟子輿尸」,使不當也。弟子輿尸,貞凶。《象》曰:「長子帥師」,以六五,田有禽,利執言,无咎。長子帥師,

害、自古通患、故特重復言之。 長子之謂 帥師」,非獨指長子,凡任而 之,則不惟 可 正者咸懼。 之罪以爲言、聲罪而征之,使天下之不 義六三已發之,而又言於此,行 義當去其害稼之禽。「執言」,執其害稼 不 濟、若使弟子衆主之、雖所任弟子賢 「長子帥師,以中行也」,中者,道之異 可,故曰 義理所在,人心之所同 田 所以養人也,而有禽焉害稼, 也。 敵國怨咎,舉天下皆怨咎之 若無 「貞凶」,言雖正 行師 辭可執,徒以私意欲 事 權、必出於 爲帥 也。「長子 亦 《象》又 師大利 M 即 此 則

用」,必亂邦也。
「弟子輿尸」,是人不當也,非易之道也。
「弟子輿尸」,是人不當也,非易之道也。
「弟子輿尸」,是人不當也,非易之道也。

使,此非君子之言也。 必不可。 去一害民者,又用一害民者,以亂易亂, 必亂邦也, 則難於不賞,使之開國承家,則害及民, 原其始也。用小人爲將帥,幸而 小人也。 卿大夫也。 也。 功 心咸興; 「開國」,封之爲諸侯,「承 師之終功成,「大君有 有日 「正功」,言賞必當功, 於此始言「勿用」者,因此賞功 後世雜霸之説興,逆取順守之 用得其道則天下徂詐 **豈聖人君國子民之大道**? 開國承家之始,其初 用一小人,天下小人心 用一詐者,天下 命」,所 不 家 可 不 成功, : 咸作 差失 可用 以 以 爲

> 咸肆。 子之用 之爲將者,胡不用 下」,君子斷不爲也 正兵,二子之善用 於目前,貽禍於後日 正兵之法可用,諸葛 也。 正 行一不義、 不用詐 此 君子之所與也,易之 兵,諸將無及。 亮以 ·, 其 殺 用 師 而 獨以 一不 應如響。 正兵,李靖 而 詐 用 辜 詐 歟 而 後 自 取 得 世 以 有 勝 天

楊氏易傳卷四

楊氏易傳卷五

谿 敬 仲 撰

宋

坎 坤 上 下

後夫凶。 比,吉。 原 筮, 元永貞, 无咎。 不寧 方 來

窮也。 《彖》曰: 也。「原筮,元永貞,无咎」, 不寧方來」,上下應也。「後夫凶」,其道 比,吉也; 比,輔 以 也 剛 下 中 順 從

初 從,何爲乎不 輔 元 **从也。** 善永正之主而比之,則他日必 也 比 人相比 筮者精誠 即吉, 古? 輔 何 以 ,何爲乎不吉? 下情順 而求之,其初 知 比道 比 之即吉 常謹 其 竭 也 初。 誠 ? 而 比 求

> 窮」。 乎? 服,是違衆 之,是違道 者凶矣,神之所共惡。 爲 也。 西,自南自北,無不 正之德,則 正無我,物莫 Œ 禍不及之者。 不 正,故莫能永兹正也,非作於人欲 不正 中正 剛足以 動, 非元善乎? 元,大也, 圃 如此 也。 也。 不寧者皆 立,物莫之遷,中無所 求, 。「元永 遷動,有不永乎? ,非貞乎? 違衆 衆咸 不 咸 可 貞」之德、剛 親 來,其 服 反道,是謂之「道 以方來。 彼有 也, 乎 彼 獨 未 道 夫惟以人欲 加 後 有 뻬 有元 自 我 我 而 不 中 獨 東 IE 服 自 不 服 永 静 大 而

《象》曰: 親諸侯。 地上有水,比。 先王以建 萬 國

E 一則散 人兼治四海之民,故必屬 水由 漫 地 無統。 中行, 先 則 王 各 雖 得 其 聖 而 智 所 理之,萬 水 能 在 以 地

或 縣,亦古之萬國,惟不擇賢久 古先已建萬國 易道而行,無一 且,民失其安,風俗益 比其民,民各附 於是乎建,是 ,故稱「先王」。 夫不被堯舜之澤矣。 其 E 所 者 統 親 壞、藩籬 屬 比 矣。 諸 侯, 任,故治 不 世之郡 固 侯 各 荷 遵 親

他吉。《象》曰: 比之初六,有他吉也。初六,有孚比之,无咎。有孚盈缶,終來有

則此忠信之心、未始不明、貞其初發,自 信,以此 然忠信。 亦然,人心未始不正,人心未始不忠信, 有孚比之,無咎」,此言其大略也。 初 即 而比之,自無不明,必無咎。 心 此 缶然,則不止於無 天下萬事,惟初心爲正,相比之道 初 ,轉而遷之,委曲不直,則不忠不 比 心 忠信謂之有孚,即此初心,孚 人,安能 之孚,純 免咎? 無 咎而已。 間 ,無少虧 怨尤信矣。 苟不自

> 必 吉也」,惟 可 有 吉可勝言哉? 致吉 以知 Ī 他 一方」,雖 而 無失,雖聖人之道,無能 末。 也 初有之,失其初則 昭 道在 昭 不 矣, 《象》曰「比之初 口 通, 即 預 即 初 定 此 可 其 以 未起意,象 爲 否。 占終, 何吉, 外 六,有他 面 其

内」,不自失也。 六二,比之自内,貞吉。《象》曰:「比之自

遠而 親 養」、《晉》曰「自昭明德」,《比》曰「不自 自 之人,不與 可以其近 上,親於九五,自比於貞 不可與比,二居中,中正之人也。 一明,逐 一自 比 者,不可不於正。 不 人情多比 牧 親。 外則昏。 」,《復》 而 陰邪合,近舍陰邪,内 孔子曰:「愛衆 加親。 近 日 而 自 正雖在 違遠。近未必正, 乾》曰「自强」、《謙 知」,《 六比近皆陰邪, 正,故吉。 遠,不 而親仁。」所 頭》 可以 中正 其

卦,下卦亦 居内卦 皆所 之中, 以 日 明人心 内 故 卦。 有 内 之自 象。 靈 上卦 自 明 亦曰 也 外

亦傷乎!六三,比之匪人。《象》曰:「比之匪人」,不

爲君子,故有「比之匪人」之象。《象》解要匠人必凶,此萬古不易之道。《象》解更下之,故有「比之匪人,不亦傷乎」,豈有親比非其人而不及於禍者乎? 親正人必吉,親正人必問人,不亦傷乎」,豈有親比非其其終而言之,知其必傷也。

賢,以從上也。 六四,外比之,貞吉。《象》曰: 外比於

乎九 X 惟 其 ,明其惟 正 舍其 五之賢,貞 四 而 與初 已矣。 私 .九五也,五居四上。 黨、從 同類,今不應乎初,而 也,故吉。 由乎正者吉,失乎正者 乎 公 正,易之道 夫天下之道, 外比

> 誠,吉。 舍逆取 九五, 使中也。 顯比, 順, 《象》曰: 「失前禽」也。「邑人不誡 王 用 顯 比之吉,位 失前 中 正 邑 也。 人

道焉。 比。 心即 道,皆相比之道 言以蔽之, 日中正而已矣。 凡中正之 也,夫婦也,朋友之交也,此其大倫也。 何 行之,此其所以能顯比也。 禽,闕其一 而其顯比之道,不可勝窮,不可勝言,一 而顯之也? 前禽 彼此之相比,上下之 離,即失其心。而九五又得尊位 人羣處 九五爲比主,顯著相比之道 雖失,不 画。 於天地之間,勢不 順 也。有一不於中正,人 君臣也,父子也,長 我 彊 者 取 取 也。 之,逆我 相比,皆爲 王用三 止於三驅, 容 者 不 面 幼 如 相 有

而言。 感之也。 不 中亦可,言正亦可,并言中正 正,此省文也。中與正皆道之異名,言 自能使邑人中正也。 化於中正之道者,上之人行中正之道, 卒之七旬有苗格 益至誠感神之言而遽班 心之所同 不彊,亦中正之道也。 ·敢强人之必 致邑人初不待諄 其有姦宄頗 我 從也。中正之道,固 者,中正之道,自足以 中即正,上已言中 師 禹征有苗,聞 解 , 失前禽也, 不 諄誡諭 亦可,隨宜 比於我,亦 而自 伯

首」,无所終也。 上六,比之无首,凶。《象》曰:「比之无

已言「後夫凶」、《彖》又明之,此又言之無始何以能終? 故曰「無所終也」。卦與,凶之道也。首,初也。有始則有終,與。因於而始求比,不忠不信,人所不初,及終而始求比,不忠不信,人所不

異 覧 上下

不雨」,尚往也。「自我西郊」,施未行也。畜。健而巽,剛中而志行,乃「亨」。「密雲〜家》曰: 小畜,柔得位而上下應之,曰小小畜,亨。密雲不雨,自我西郊。

畜有包畜之義。昔者齊景公問於 晏子, 晏子正言而忠告之, 至巽順也, 景 经傳亦多此義。《易》有大畜、小畜。陽 經傳亦多此義。《易》有大畜、小畜。陽 為大, 陰爲小。今小畜之卦, 六四以柔 得近君之位, 而上下諸陽皆應之, 是以 得近君之位, 而上下諸陽皆應之, 是以 得近君之位, 而上下諸陽皆應之, 是以 得近君之位, 而上下諸陽皆應之, 是以 得近君之位, 而上下諸陽皆應之, 是以

● 「聞」,四庫本作「因」。

五九

言 瑩温潤,皆言一玉, 以 能 有 道始明, 殊名,非果有 中 中,四得位而 下 加 日 於太 雖備 故爲 之 動, 行, 亨也。不健則 志行之象。 卦 而 又必得位 「健」日 金。 間 悟 上巽,有 中 剛 有亨之道焉。 未 聖人之德 甲, 亨。 誠 以 而後小可以畜大,臣可 亦明 合健巽剛中之四言,而小畜之 深 「巽」曰 其始 明 然 相 而 上下皆應、故志行、故 改 其 天未大雷 四者之殊體也,猶 其 健 知 惟健巽剛中而又志行 志行而後能亨。 過 不 有 實 而不 mi ,則志亦 「剛」曰「中」,皆道德之 不能有爲,不巽則 ,則伊尹之志於是 可謂之亨,及太 德, 實德,實德 巽之象。 何以 日黄日 得位、雖得 實德 電 難行 知 以 其 風 無 堅曰 二五皆 至剛 能 成 偏 以畜君 古者 位 日 如 亨 王 1聲,皆 無 白 甲 犯 有 伊 而 而 也 倚。 翻 尹 H 方 君 古 未 图山 別川 故

> 陰陽未 終不 是畜 畜 執 而 也,猶過去也,言其未 徒自 書以 絪 可 猶 緼 通 在 謂 泣 未 和 和 乎 通。 小畜之亨。 則 暢 西 ,未雨,則澤未施 而 周公之志終不可 郊。 曰「尚往 爲雨。 西,陰方,臣之象也 、通也。 夫陰陽之氣 今「密雲不 也」者,往 于下。 密雲不 謂 猶 雨 相 文 雨 包

德。 《象》曰: 風行天上,小畜。君子以懿

道 初 武爲 之以 九、復自道、何其咎、吉。 勝 」,其義吉也 盡 無 美乎? 剛 形 剛 小畜 间 天 至柔 德,懿者尤其盡善盡 可 勝强 大者, 謂 此易道之見於小畜者然也。 也。 尊高矣,而風行其上者, 而況 惟以 剛爲人 於用 柔德。 ,柔爲小。 《象》曰:「復自 柔 德 美之稱。 文爲柔德, 而 又盡 天下 柔 風

人之本心即道,故曰「道心」。 孔子

不自失也。 九二,牽復,吉。 復。 何患吉之不至? 此甚言此義之善。 如此則何咎之有? 又有吉焉,象吉矣, 雖有復之名,初無復之實,是謂不復之 明,自不動,自即道,故曰「復自道」。 也。禹曰「安汝止」。 初也而復之,是於思慮未作之初 道,至此爻益驗。大人以道事君,於其 《心也。〕某年三十有二而省此心之即 "「心之精神是謂聖。」孟子曰:「仁, 《復》卦謂之「敦復」,不動之復也。 《象》曰:「牽復」在中,亦 人之本心,自神自 而 此 安

反目」,不能正室也。 九三,輿説輻,夫妻反目。《象》曰:「夫妻亦不自失也」,不獨君臣,凡小畜大同。象,然已復矣,亦吉。《象》「牽復在中,象,然已復矣,亦吉。《象》「牽復在中,不能復君於初,至於過失已形,牽

> 耳, 反目,不復能正室矣。 於其初,次又不能 而力諫,上不能 未害也 《大畜》九二「輿説 一,此説 堪,爲乖爲離。 輻 牽復,至於過失益 則 車 輻」者,特不行 壞 是夫妻 復之不

有孚惕出,上合志也。 六四,有孚,血去惕出,无咎。《象》曰:

九五,有孚攣如,富以其鄰。《象》曰:「有 《象》曰「上合志也」者,旨哉言乎 畜之得其道也。夫人臣進言於君,所以 之德。」臣 内,爾乃順之于外,日斯謀 名好己勝,不與上合志, 至於乖忤者,往往由臣 有相得之象,六四九五,志合心同,六 君臣相信而和,無傷無惕無咎。 書》云:「爾有嘉謀嘉猷,則入告爾后于 六四至柔,又巽體,畜君而柔巽,故 君 如 此,何乖 未能無私 斯猷,惟我后 故乖忤 件 之 陰陽自 一,或好 有? 也。 四

氏 易 傳

如 不獨富 也

猶富 爵, 獨富」也 故曰「有孚孿如」。 六四之賢,與之同 與四 而能用 此爻 共天位,食天禄,以 九五,乃人 其 、鄰者,以能推財於鄰,「不 心 大臣 協 臣 力 居 居權 以 大 事 畜 臣 勢,靡 一之位, 其上,是 其 君 好 知

載也。 望,君子征凶。 上九,既 「君子征 雨 既 處 《象》曰:「既雨 凶」,有所疑 尚 德載,婦 也 貞 既 處 厲。 月 幾

亦厲。 九 之道,婦有畜夫之禮。● 可更進,惟尚以德承 通 別 則 ,如月 君子而 和 禍,故曰「厲」。 上九居卦之終,有畜而 牝雞之晨,終焉家索,終不順,恐 而成 幾望, 征亦 雨,既通既和,則當止處,不 凶。 陰 氣 征者、往也。 之盛,復 載其上。臣有畜君 以小畜大,至於上 以婦畜夫,雖 加 終通之象。 則凶, 雖 正

> 其畜, 也。 也,凶道也。 犯矣,非其道 也」者,既畜而通矣,而又往致其畜, 説輻、反目 臣惟平居不能以道事君,故至於牽復、 於道之時,當積 少怠,平居事至,是人臣 德積 《坤》上六曰「陰疑於陽」,亦 尚 載」者, 以 也。 德 也。 明畜 承 又曰 載 累致德,不可已也。 其 「有所疑 通之後, 「君子征 上, 以道 丽 德 雖 事君, 凶,有所 疑其 載 不 不 口 此 不 復 復 可 疑 君 疑 順 則 以 至

— 乾 兑 上 下

履虎尾,不咥 人,亨。

《彖》曰: 以「履虎尾、不咥人、亨」。 而 不疾,光明也。 履,柔 履 剛 也 0 剛 説 中 而 IE 應乎乾,是 履帝位

明刻 本、四庫本作「無」。

又莫柔 也? 莫柔 道者爲能 之,及物觸之己私突發,柔變而 道 道 則 剛而不見咥傷,亦可謂妙矣,可謂亨矣, 尾,不咥人」象也。 夫天下之難 我於中,不能柔也。 柔者寡。 上下卦觀之,兑説 陰柔 無往 之卒勝其剛如此。 ,則「履 弱 本乎和柔。 履之爲言行也 柔 履 平風 於 而 不利,失其道則無往而利。 平地 而 何爲乎寡也? 五陽咸應, 柔也。以一卦觀之,則六三以 水, 虎尾,不咥人」 已。世之言柔者多矣,而 風 制者唯剛,而柔 ,猶傷其足。 而 無形 反堅强者莫之能先; 柔勝 而應上之乾剛、「履虎 和説 柔履剛之象也。 而發大屋、折大木, 雖 熟觀天下萬事,惟 人行 剛 知 亦柔道 弱 履之道, 也; 有己私焉, 乎世 柔 勝强,天下 履之,惟 爲 也,履乾 一,得 爲剛矣。 善而 不 . 得 何 得 其 得 Ý. 能 道 其 其

定民志 象》曰 意,知 智。 者自覺自信,未覺者必疑,通者自知 光」,曰「君子之光」,《詩》曰「昭 於上下、《易》曰 思爲而萬 得其一者,自無不宜,如日月之光, 宜 柔 融」,皆所以發明大道。 方,神不可測。 剛,是謂不識不知,順帝之則, 有無體之心而 明者内心光明,是爲道心,是爲 而已矣。 爲勝。 Œ ,斯能無疾病,惟光明者乃能 然則 圃 柔知剛。 不入於邪,又 上天下澤,履。 道心無體,本無剛柔。 若夫用 用剛之難如此,雖然,夫道 物畢 行之,而旁觀者自 照。 「光大」,曰「明」,曰 舜光天之下,文王 剛 剛 柔異 道 則 履 必 心光 君子以辯上下、 中 名,其 帝 此惟道 M 位 明,不 無 君 道 所 心聰明 即 之。 體 心 田 無 則 偏 内 明 耿 動 無 柔 此 則 輝 光 平 所 無 日 本

氏 易 傳

爲, 幾? 地,故天下之最下者莫如 所 無窮,情僞 易道之未易遽學如 猶曰「五十而 家之學,未學乎《易》者也。 葉,不見宗廟之美、百官之富。 治天下國家? 氏謂禮爲「忠信之薄,亂之首」,則安 於上,下者安於 等,天秩之序也。 上下、定民 能 無非 盡 人之 聖人於是 識 典禮 也。 萬 行 志之道。 狀, 皆欲 誠 後學《易》, 樓尚 發 下, 老氏窺本見根,不覩 而欲動 非 書日 致其 前 澤。 E 此。 則民志定矣。 上下有章,貴 進 於清 天下澤之象, 辨焉,使上 中機會,變化 其 地 蓋 可以 在下矣,澤又下於 能 虚 天下之變化 孔子大聖, 浄 静 無大過」 寂 習乎道 退 者之 者 彼 賤 發 者 能 枝 老 安 有

往 初 九, 素履,往无 願 也 咎。 《象》 日: 「素履」之

素履,貧賤 之所 履也。 以 素履 往,

> 九二,履 人貞吉」,中不自 明此 其本初固在下也,固未有華 素有質義,有 之精神是 也」,此 由 獨行 貧 自 心者 賤 道 神 願」者,自行其心也。 得 而 坦 自 行 自寂 乎易之道也 謂聖」,深明此心之即 坦,幽人貞吉。 不 明, 本義。 亂 然,自變化,自 私 願 也。 乎 欲蔽 其外, 人無生而 之, 人心即大易之 《象》曰: 故 ,始昏 孔子曰 日 也 貴 無 獨 外 道 始 行 也。 出出 則 願

體,自 者,因物有遷,作好作惡,自 自 人之心無以異於擾擾者之心。 中擾擾矣、豈能 行乎世,道甚坦 ,皆其變化。 繆亂爾。 九二居中爲道,於是乎明 清明,自寂 幽人不昏,故中不自 彼 坦, 幽 武哉? 然 昏者自 無疑 不 動,視聽 幽 無 不明 阻 人 香 人貞 一履道。 ,自擾擾, 自 而 言 (吉」, 心 亂 人自 自 動 無 幺 胸 亂

旨,故入於無忌憚。 庸,晉人近之矣。 欲不踰矩,幽人之貞也。 人無忌憚」之中庸 不自亂由己,非外取其道也。 正 也,正 者道之異名,又足以明 晉人不能 也。 孔子七十而從心所 彼無忌 自明貞 其曰「貞」 憚之中 (非「小 正之

君」,志剛也。「咥人」之凶,位不當也。「武人爲于大以有明也。「跛能履」,不足以與行也。武人爲于大君。《象》曰:「眇能視」,不足武人爲于大君。《象》曰:「眇能視」,不足六三,眇能視,跛能履。履虎尾,咥人凶。

此 其致咥人之凶也可必。 以有行。 而視,實不足以 上,才德不足以當 以 爲 勇,己質雖不堪,奮而進乃合正道。 六三以陰闇小弱之資,而居下卦之 於大君,則不爲 不量力妄進 (有明; 位 mj 如 强有爲焉,是眇 N_o 雖然,使武人用 跛 此,是履虎尾, 而 何則? 履,實不足

> 之道。 人用之則正,他人用之則非,是謂變易「大君」,天子也。征伐當自天子出,武

終吉」,志行也。 九四,履虎尾,愬愬,終吉。《象》曰:「愬愬

位 九 五 正當也。 剛 愬愬之象,故終吉。 九四志不行,故終於志行。 則志行矣。大抵天下之理,欲者不得, 尾」之象也。 不欲者得。六三欲志行,故不得志行。 一,夬履 九四剛而能柔,此吉凶之所以相反。 九四居近君之位而 ·貞厲。《象》曰:「夬履·貞厲」, 而四有柔之象 愬愬非志也,終吉 體剛焉, 六三柔 也,有能 而好 履 虎

位所轉移,謂天下莫己若,與奪自我,威 用九,用剛也。 九,言其必有以 君體雖 剛 徒以 用夫九,不 面 有 用 居崇高之位,爲勢 剛之道。 一可爲 九所用。 乾 日 用

六六

我 與,豈以位 以 正 福 神禹 自 也, 他 我, 偏必 豈 属 視 M 棄 位 中 自 也。 拜 用 爲己有! 蔽 天 Ė 爲 昌言,苟 自 下 · 面 以 己之位。 光明之道 專, 堯 如 況 舜 敝 於 以 屣,禹 大聖 、夬決 胸 夬 正當其位,故 邪 中 決 ? 爲 而舍己從人, 爲 未 有天下 履 黄屋 履 能 乎 洞 雖 然無 而 非 不 : 堯 不 不 此 失

吉在上」,大有慶也。上九,視履考祥,其旋元吉。《象》曰:「元

之象。 旋反 此 弱 神是謂聖。」孟子曰:「仁, 日 旋? 冠 心矣, 豈不大哉? 《者獲元吉。上九應六三,亦 而 視其 上九爻凶吉未定,故 聞 但乾體居 人心逐逐乎外, 先 (所履 訓 啟道 而考吉凶之祥 上,未必果能 德之端, 孔子曰: 惟能 人心 聖 人 自 旋者 也。」某 旋 「心之 、發其 是 有 則 反 則 旋 其 復 反 何

> 哉 時之錯行,如 及,非上行之可到 也 物 而自得旋反之妙。 物,不勝其多,今也能於 蓋謂上者履之極盛,居卦之外,擾擾萬 我矣。《象》曰「元吉在 馳,不一 可度思,始信此 生之言,忽省此 力索者 而 」,是在 知 五志學,三十而 而 天命, 曰「不與焉」者,在上而 故《象》曰「元吉在上,大有慶也」。 十餘年,至三十 反觀,一 上而 而日 日 旋 心之清 月之代明, 豈小者之道 心之即道,深念人多外 「吾 反觀 也。 非 文 舜禹 一,四十 有 是旋非 進退之可言,如 有 忽識 明,神用變化, 知乎哉? 上,有大慶」者, 有 極上擾擾之中, 丽 天下,勞勤 旋也。 酺 此心即道在 不惑,五 心思 聞 象 之 孔 Ш 四 所 知 萬

楊氏易傳卷五

楊氏易傳卷六

壨 坤 乾上下

泰,小往大來,吉,亨。

地交而 《彖》曰 子道長,小人道消也 m 外陰,内健而外順,内君子而外小人。 萬物通也,上下交而其志同也。内 泰,「小往大來,吉,亨」,則是天

天 泰,爲吉亨。道之不正者,爲不和,爲不 道之正者,爲和,爲 同,爲失宜,爲亂,爲否,爲凶塞。 陰往而居外,三陽來 氣下降,地氣上騰,二氣交和而 陽爲大爲君子,陰爲小爲小人。三 同,爲宜,爲治,爲 而居内,道之正也。 故夫

> 道,輔相天地之宜,以左右民。 象》曰: 物,與 不 此無非道之正者,此特言其大略耳。 夫詳言,凡正之類奚勝窮? 小人,不使居内亂正,其道消而已。 外小人,小人道消。聖人不能使天下無 内君子外小人 外順而宜,内健中不 利,邪無不害,人道謹諸此 通 色厲内荏之小人異矣; 此道 天地交,泰。后以財成天地之 於氣 之 正 血 而治,内君子,君子道長, 者。 爲 安 可 和 内 屈 陽 外順 於德 外陰, 而已矣。 大抵正 無忤 於 於政爲 内 時 若 凡 無 於

四時之序而平秩之、順十有二土之宜 成之也。 掘地決川、烈焚山澤之類,加人力以裁 財,裁也。裁成天地之道,若置閏定時、 當天地交和 財成輔 輔相天地之宜,若賓日餞 相 泰通之時,元后 以 左右 斯 民 亦何所 m 月順 而

Æ 易 傳

又以 知 民 又 害之故也。 利,導民之私 凶災,饑饉洊臻,民困窮無告,又立法以 無禮樂刑政以左右之,三才之氣,乖亂 敘 故左右而養之。後世不知民性之本善, 過而協於中,凡此皆所以左之右之。 左右之,使飢寒不切其身,不拂亂其性, 「匡之直之,輔之翼之」,知民性之本善, 左右民,使得 成 益 輕 民 必 肆犯,則又曰 則和 輔 毓 刑,罪 性 重 亂 五禮防其僞而導之中,以 相, 之之類 本 不 不當,爲 則三才之氣 育蕃昌,故夫財 善,不左右之而 知 重 順順 所爲,盡 者 欲,以 其 民頑 得 其 善者者未必 所。 輕 所 亂法導亂 刑,罪 胥 不可訓,遂傷殘之, 民 宜 順 性 脯 而 成 正 困之,又直擾 輔 爲 自 輕 協 輔 悪 善善 相之也 者 免,爲惡者 民,及民抵 相 敘 五 占皆 得 自 肾断 順 刑防其 重刑, 中,惟 由 不 以 協

> 初 九 ,拔茅茹以 征吉」,志在 其 外也。 〈彙、征 吉。 \wedge 象》 日 . 拔

六八

與,非己之利,故 子,非心惡之 爲亂,義不得不遠之也。 與小人,非私乎己 求」,故君子小人率不相能。君子之不 之必我與,惡人知善人之必不我與。 假納約,不召 同,同歸於 之類。爲善不同,同 拔茅連茹, 「水流濕,火就燥」,「同聲相應,同 道 初九, 善人自有善人之類,惡人自有惡 君子之類當進。 牽連 亂。 君子之類也。 圃 也, 善與善親、惡與惡 而 應,何也? 知其非 必去之也。 也,小人爲不正,爲利 至,三陽以類而進之 歸於治 征,進也。 小人之不與 吾類,必不 泰之時,天下 善人知善人 彙,類 爲惡 氣 也。 我 相

善人」、「惡人」二句之「之」,明刻 本、 四

也。 也。 日 志在 邦有道,貧且賤 君子 以私乎己之心而往者,小人也 外」、志於出、不於處 由 Œ 道 III 焉,恥也」,此道之正 行,無私乎己之心 也 孔子

以光大也。于中行。《象》曰:「包荒」,「得尚于中行」,九二,包荒,用馮河,不遐遺,朋亡。得尚

子 土 則天下之善心無不興起,可以使人皆有 未罹於咎,君子當包受之,寬以 遷,斯昏斯亂。 之也? 者,疑在所棄,今九二則包之。 茅茹在九二不必言,九二大賢,學之荒 君子之行。 畏懦之象。 然 大哉,九二之道 圃 而泰之時,上下交而 人有常性,本善本正,因 道長,小人居外而道消,三陽 「馮河」者,勇進直前、 謹畏不敢發,君子之常 荒者不協 也。 於極 惟賢. 其志同,君 知賢, 何以 教養之, 而已,猶 物 無 有 包 拔

賴? 賢者智者,自過之而失其中,不肖者愚 荒,用馮河,不遐遺,朋亡」,九二備此 不知, 道 者,自不及而 所進也。 非其小者也,然此亦非於常性之外復有 德,得道之上。尚,上也。得乎道之全, 之,而況於以賢人吉士稱者乎! 朋者所親也,朋亡則不止於所親,雖 所至,人力所通,睿智周之,光被 也 破君子畏懦之蔽, 啟以 伽 才力之所不逮。今九二不遺 並 小智觀, 已矣,中無實體。 也。 一,荷 進 至治 凡一言之善,一事之能,尚皆用 猶 羣 遐,遠也。 賢 畏 雖大聖與下愚,其常性則同, 則謂之大,自道 畢 何由致哉? 懦 失 集,九二 不 八其中。 敢 遠者人情易以遺忘, 輕 賢者智者,未能忘 發 又 九二之道,自 變通,大有 用 得 觀之,則 則 馮 位 退遠,舟車 斯 泂 所 民 於 《無外。 :爲之 以 斯 「包 發 四 所 所 時

之秉 光明, 我,虚 無 意乎中, 中而 慮、 「光大」者,乃言其道 正者,未必能中虚 明 無偏 意 必有 無 不 皆 洞 所 平 日 有 無 私 照 思 彼 正 倚 所 有 萬理,苟 爲 者, 則 之虚 倚 意 而 意 中正 有我,必 非 萬 乎 名,非訓 中也。 無 未 物 此 雖 心 畢 我 至 不不 無 光 一於如 也 照。 有 明 彼 詁之所到 中者,無思 道 不 道 惑。 日 如 此 而 月 心 日 之 世 惟 無 月 又

天地際也。 恤其孚,于食有福。《象》曰:「无往不復」, 九三,无平不陂,无往不復,艱貞无咎。勿

往 正,亦 息 圃 盈 ,他日將 不 「於 虚 陂者, 有平必 可 勢 食 無 不可 有 咎。 復,今雖治 無 有陂 福 有往 止 勿 , 用 然亦 禄之可保也。 有往必有復 而 憂 平, 不 恤 有道焉,克艱 復 此 後將陷 者。 理 之可 小 無 者 有 信 京 禄 平. 雖

> 者。 是爻見之。 禍敗,補天地之不足,有如 位 미 地陰陽消 而 食 以艱 失,以 之謂。 ,聖人成 《象》 貞 艱 致 長 所 日 能。」蓋 正 患 福 之 無 间 在 也。 際則 往 得,未有 我之失道 道 不復,天地 《大傳》曰: 然,不言人道, 可 以 得 通 此之神用 爾 乎 乎 際也 道 道 造 「天地 而 以 化, 明 致 放 於於 設 亦 天 禍 逸

孚」,中心 六 四、翩翩,不富 翩 翩,不 願 也 富 其 皆失 、鄰,不 實 戒以孚。《象》 也。「不 戒 以

用其 其中心之所願 富爲實,小人之情也,聖人不然。 不富」之辭 、於此,明著小人之情以 鄰、六四 翩翩、羣衆皆來之象。 同 類 加 陰 ,皆失勢位,皆欲復來, ,故不待約 發之日 虚 不 富, 「皆失實也 而 教君子。 而自爭應。 乃能 夫惟 以 富 小 又因 其 乃 聖 以 鄰 能

聖人之微旨,惟明者知之也。昏迷,自不知本性之善,爲失實也。此

六五,帝乙歸妹,以祉元吉。《象》曰:「以

祉元吉」,中以行願也。

乎? 也 道焉,中者道之異名,蓋其心所願, 明六五非利於此而勉爲謙降也,六五得 言「祉」明吉之盛象。 日 謙虚,所謂謙虚者即道也,故曰「中以行 亦猶帝女下嫁。 ,孔子曰「心之精神是謂聖」。 也」。得道者非於心外得之,心即道 「帝乙」者,豈歸妹之禮至帝乙而明備 六五謙柔中虚,以用九二之大賢, 帝王之女,不嫁公侯,自古有之。 謙虚用賢,必獲元吉。 曰「中以行願」者。 自爾

至此,勿復用師,徒驅亂民置之死地,不城隍,塹也。城圮而復於隍,世亂《象》曰。「城復于隍」,其命亂也。上六,城復于隍,勿用師,自邑告命,貞吝。

也。 君,往往終於文過。 與言哉? 至此 復文飾、暴白己過、誠心改更、則亦可 有!!」垂亡之君,有能翻然悔悟已過,不 亡者。不仁而可與言 中,聖人亦略致其誨,庶其小支,曰 然則前 邑」,周公「作新大邑」, 古書多以己 動國人。人之愛敬其君,天下之所 亡之君,難於扶持。 正,猶終恐不免於吝。吝者,文過。 「自邑告命」,言姑自近 邑翼翼, 人道亂則天命亂, 此以誠感,彼以 徒倒 不可 安其危而利其災,樂其所以 所居 收拾。 四方 戈矣,用師 (之極」,盤庚「不常厥 邑曰「邑」,王率割 於大亂 孟子曰:「不仁者 誠應。 天命無常, ,則何亡國敗家之 皆謂己邑。 曰「其命亂也」。 極之,雖出於貞 適足以促其禍, 所患亂 不可收拾 惟人所 邑 感 司 之 可 亂

乾坤上下

小人而 《彖》曰 來」,則是天地不交而萬物不通也,上下不交 而天下无邦也 否之匪 外君子,小人道長,君子道消 人,不 :「否之匪 利 ,内陰 君子貞,大往 人,不利君子貞,大往 而外陽,内柔而 小 來 外剛, 也 内

其力。 則 地 隱。 大易之道不然,道必無我,如太虚 誨之曰「否之匪人,不利君子貞」,欲 君子知否之自天而非人,則君 人,既 不已,是謂 君子當退,而憂世不 則 如 一彼彊 於家, 止, 四時之錯行 已否矣,故「不利君子貞」。 孔子曰:「天下有道則見 不日 미 聒 達 以 彊 不已之君子,雖忠而 匪 久 則 聒,必 則 行於天下,一也。 而 一可以 久,可以 取 已之君子,猶 否 干時之禍。 匪 仕則 人者,時 速則 子 仕 無 速 無 非義。 陽 미 聖人 如天 道 所 進 以 爲 則 用 使 説 則 匪

> 之情 爲小 與物,今乃内 類 不屈,今乃外 告之曰上下 之中,難乎盡 爲不 上下 大 也。 八爲 不交,知所警 通,爲無邦。 爲小人,當居 君子,當 交之道。 餘已見泰 木 柔 剛 居内, 知治亂之情狀, 交即 故凡不正之 而 推 以 人君生長乎富貴崇高 而 外, 懾懦,失道之正,皆此 忤 爲 今乃往 圖 物 無 今乃來而居内, 也。 邦,庶乎因 外 而 中德宜 類 居 禮 聖人 爲不交, 外 宜 柔 剛 F 於是 下 而 而

難,不可榮以禄。《象》曰: 天地不交,否。君子以儉德辟

矣。 用, 君子道消」,此又言 不 可榮以 勢必至於求 卦辭已 君子退處 意之難忘也,故聖人諄復言之。 禄」者, 明「不利君子貞」、《彖》又言 無 禄, 禄 人情 丽 水 「儉德辟難」,又曰 不 好進 窮迫之, 儉, 則 惡退,好 無 其 以 志 供 亂 其

「拔茅」、「貞吉」,志在君也。初六,拔茅茹以其彙,貞吉,亨。《象》曰:

高「亨」。 《泰》曰「志在君」者,明君子之志,非怨不當征當退,泰當征不當退,其一也。 不當征當退,泰當征不當退,其道一也。 本學》曰「志在君」者,明君子之志,非怨 一志子君也,志未嘗不在君,君不見用, 一本。 一也。

曰:「大人否亨」,不亂羣也。六二,包承。小人吉,大人否亨。《象》

而能亨,包承則亂羣矣。大人否亨,則人吉」者,事亦有勢,未得遽去,則當包承而不敢拂,故吉。此亦君子處否之承而不敢拂,故吉。此亦君子處否之承而不敢拂,故吉。此亦君子處否之承,若夫大人則於否而能亨,蓋大人之 為 事亦有勢,未得遽去,則當包不能亨,包承則君子當去,而此猶曰「包承,小

不亂羣。

命无咎」,志行也。 九四,有命,无咎。疇離祉。《象》曰:「有

君子尤之,小人怨之。 日中則昃,天下事理,過中則變。 君子尤之,小人怨之。

L: 四

桑。《象》曰:「大人」之「吉」,位正當也。九五,休否,大人吉。其亡其亡,繫于苞

己, 《象》曰「大人之吉,位 象。 其根 惑慮之言。 中 否, 中,故能 大人之道而不居正當之位 乎道, 亦無大功。 亦未易休。 愈盛 使君臣皆若是,則 休息否禍 止 則 愈 亂,不然 亂 桑根最盛,苞桑,叢生之桑, 固。 難 ",惟大人則吉,非大 大人得道大全,每 止。 「繋 則 「其亡其亡」, 于苞桑」,慎 正當 「休否」者未 可使永 也」者,言 則權 無 不自 固之 恐 能 人 發 否。 有 懼 皆 皆 則

則傾 上九, 餘旨。 何可 傾 否。 長 先否 也? 後喜。 此疑有闕 程 象 《傳 **>** 日 》、《本義》亦 : 否 終

■ 乾離 上下

同人于野,亨,利涉大川,利君子貞。

乾行 同人。 唯 《彖》曰 君子爲 也。 同 : 人日 能通天下之志。 文明以健,中正 同 人,柔得位得 同 人于 野 亨, M 中 應,君子正 而 利涉大川」, 應乎乾, 也。

矣,得 人臣 以 者 既柔又得位 君之事,人臣不得 同 同 日 人於野,亨,利涉大川二,則乾行矣。 八心亦 於野」, 涉大川 矣。 可知矣,故曰同 ,剛健之勢,或剛健之德,猶相 「同人日」。 之事,人 與 何謂 位矣,得中矣,而又應乎 柔 不 人 則無 IIII 和 服。 濟險難,此乃乾體之所行,非 君子之貞? 不得位,則無勢,亦不能 丽 同之道,必以柔 臣 所不 「野」者,廣莫之象。 中者, 不得中焉,爲不得道 豈 人。至於「同 同。 而與,故首特異 能 致 道之異名 言乎文爲條理、 始爲亨通,始 如 此 行之,則 廣 人日 大之事 應而 乾。 也 其 同 同 和 辭 和 則 口

應。 言乎無思 乾,六二上應乾卦之象,離文明,乾健, 心自明自神,自無所不通故也。庸人非 中之萬象。 不覺爾。 之志」者,人心一而已矣。心即道,孔子 猶曰白曰瑩曰潤,皆言一玉,曰黄 子之正道,有此六者之言,其實一也,亦 中、正、應,非 不能通,惟昏故不通爾。 曰:「心之精神是謂聖。」聖人先覺,衆人 曰聲,皆言一金。「惟君子爲能 謂明,言乎日應萬變、不屈不息之謂 光輝著見之謂文、言乎辨析洞照無蔽 一五中正而 彖》辭可覩矣,六十四卦皆然。 而 道心無體,神用 無邪之謂正,言乎交際泛應之謂 以明照昏,以一知萬,如 無爲、無偏無倚之謂中,言乎 應。觀乎卦之六畫,而卦辭 不勞思慮而毫髮無遁者,此 實有此六者之殊,形容君 無方、文、明、健、 柔得位 得中應 通天下 水鑑 日 图门 之

《象》曰: 天與火,同人。君子以類族辨

異而同, 失其道者,雖同而異。則上下無章,名分大亂。得其道者,雖同,族不復類,則婚姻無别,物不復辨,類族辨物」者,異中之同也,使一於混類族辨物」者,異中之同也,使一於混

人,又誰咎也?初九,同人于門,无咎。《象》曰: 出門同

六二,同人于宗,吝。《象》曰:「同人于偏不私,故人無咎之者。 初九,初出門之象。同人於門,不

宗」,吝道也

曰「其道窮也」,此曰「吝道也」。百姓日能出不由户,何莫由斯道?」《坤》上六矣,故吝。吝有小狹之義。孔子曰:「誰友,有於宗之象。止同其宗人,亦不廣西,有於宗之象。止同其宗人,亦不廣

一也。廣矣大矣。六十四卦、三百八十四爻,用而不知,故昏故亂故吝,一日覺之則

興」,安行也。《象》曰:「伏戎于莽」,敵剛也。「三歲不九三,伏戎于莽,升其高陵,三歲不興。

塘」,義弗克也。其吉,則困而反則也。 九四,乘其墉,弗克攻,吉。《象》曰:「乘其

亦非

Ē

應,又九三間之,故乘墉而

攻。

者乎? 同人之道。 既弗攻矣,其事反於典則矣,亦吉。 而 從,鬼神不祐,自弗克也。雖非本心,然 弗克攻,乃以非正應,非義而 四 四之所欲者是已。 四,始剛終 反則」者尚能獲吉,而況於誠心反則 居三上,有 六二不必謂果有其人,但言九 柔 乘墉攻 ,故有「弗克攻」之象。 三與四皆以私 下之象。 往,人心不 然 以 九 木

相遇,言相克也。《象》曰: 同人之先,以中直也。「大師」九五,同人,先號咷而後笑,大師克相遇。

三、四 故號咷也。 相 之所助, 故「先號咷」。 遇,故後笑,此亦理勢之自然也。九 九五、六二爲正 .爲間,必用大師克之,方能與六二 而況於以九五之利勢行之乎? 義之直者,天下之所與,人 九五之中心, 應,三而 自以 與 四 義直, 1間之,

如 ൬ 義 五 三二歲不 能 此 後遇也。 正直故也。 用兵師克之而 興」,九 得正直之道者,其莫能 大師 四 而後 卒獲 義 相 「弗克攻」,唯 相遇,言必 遇者,九 和克 遏 五 之 九 抑

郊」,志未得也。 上九,同人于郊,无悔。《象》曰:「同人于

遠 時錯 爲得 如天地之變化,風 九 五 外,避悔咎,未爲同人之大道 行, 也。 號 同人於郊」, 郊者,遠外之地。 叫 自得亨通之道,斯爲得矣。 蓋道 相克之難,亦無悔尤,志亦未 心之神, 雖無 雨散 潤, 三、四之争,亦 雖 上九 與 日月照臨 萬衆應 處一卦 四四 無 之

離 乾上下

大有,元亨。

《彖》曰: 大有,柔得尊位,大中而上下應

時行,是以「元亨」。之,曰大有。其德剛健而文明,應乎天而

所遷 變化 明如天,如 作惡,無偏 亦無以異於賢人之中, 大小,人有大小。 中」、《大有 得有大小之異? 此古今之常情,不可違者,故二卦皆用 柔尊位,則勢之所行者廣。 上下皆應之。 得位得中而應,而大有則得尊位大 一之,賢者未盡,故大中之道 熙光明, 移,即 正 賢非 大有、同人,皆五 大,則非賢人之所及也,是謂「大 剛健 無 物莫之蔽,即 日月之代明,如 無 \forall 則曰「大中」,何也? 剛 陂,無反無側。 夫與人必柔,剛則忤物, 也,發諸文爲條理不亂, 健 賢人之中,無作好,無 文明之德,不爲事物 而《同人》止曰「 陽一陰。 文明 而剛 四 中,一也,安 健 . 時 ,惟聖人可 也,惟聖人 聖人之中, 之錯 如天,文 同 中無 八中而 人柔 得

氏 易

故「元亨」。 節之妙,特聖人不失其全,賢者猶未精 萬善,自與天地無二,自 靈,人心自明,人心自 乎天矣,而文爲舉措,有一不能隨時 天下,非有其土而已,有其人也。 誠服而應之矣,故曰「大有」。 人君之有 之位,又以其道行之,其上下無不心 事,故曰「大中」。 人。」六五 中之亨通 有毫髮不與天爲一,是爲不應乎天。 有若是不同之實也。 人心自善,人心 人者,有其心也。 宜, 當之。 未全,故不同。 「文明」,曰「應乎天」,曰「時行」,非 則猶未盡大中之道。 柔得 孔子曰:「古之有天下 元者,大中之本。 尊位,王者之事,聖人 以聖人之道,居至 有剛健文明之德,而 聖人盡此大中之全, 神,人心自備衆 有變化 日 亨者,大 隨 剛健」, 者 有其 時 必 之 説 中 果 而 應 聖

> 象》曰 順天休命。 火 在 天上, 大 有 君子 以 遏 惡

也,卦中自著此象。 别白善惡之象,以是知遏惡揚善,天道 遏之間而已。火在天上,明照萬 民不被其澤。治亂安危之機,在善惡揚 亂,則民被其毒,善不揚則正道不行 天之心也,惡者非天之心也。 謂天之休命矣。君子何 柔得尊位,大中 前 以順之? 下 惡不遏則 應之」, 善者

日 : 初 九,无交害。 匪咎, 艱則 大有初九,「无交害」也 无

謹 入而 不交則害者,害道 初 正 道 艱則無咎。 九雖在下,亦當出而交。 ,聖人誨之曰出 出 有之時,聖君在上,四方 疏 動、當 《象》曰「大有初 出 也、害吾之德也 m 加 交 人爲 匪 當出 爲 固 九,無 避,皆非 咎也,克 而交而 咸 交

《大有》之初則貴其「交」也。其「不犯難」、《履》初則貴其「獨行」,惟必害也。《乾》初則貴「潛」、《需》初則貴害也」,謂在大有之時則害,在初時則未

「大車以載」,積中不敗也。九二,大車以載,有攸往,无咎。《象》曰:

此人臣之大有也。有人臣大有之 德,方能成人臣大有之業。臣之事君, 德,方能成人臣大有之業。臣之事君, 如車載物。大車則無所不載,豈惟無所 不載而已,亦可載之而往,言車力之有 。德之大者,無所不備,無所不濟,泛 應曲當,通行而無礙,必無咎。九二陽 剛中正,有大車之象。「積中不敗」者, 所不堪任也。若德之小者,得其一,失 方不堪任也。若德之小者,得其一,失 之咎尤矣。

九三,公用亨于天子,小人弗克。《象》

曰:「公用亨于天子」,小人害也。

小人無德而居此,往往多爲亂。道德全備之稱,公即能敬亨於天子。●下卦之上,是人臣而居高位爲公。公者下卦之上,是人臣而居高位爲公。公者

咎」,明辨晳也。 九四,匪其彭,无咎。《象》曰:「匪其彭,无

- 「亨」下,四庫本有「于」,《左傳》僖公二十五年作「公
- ② 「即」,明刻本、四庫本作「則」。

也。 平易,初無戒備之意,而 天地之變化,故曰「易而無備也」。 坦 如之吉,如鑑中之象,如日月之照臨,如 心,無思無 以備防臣下之僭越也。六五大中之道 有 無 「威 制無威之象。而六五大中離明,自 如」之吉,是威非六五有 五 謙 爲,寂然不動,交如之孚,威 柔 任 賢, 誠 信交孚、疑 自有道德之威 意立威, 有 坦 太

有上吉,「自天祐」也。上九,自天祐之,吉无不利。《象》曰: 大

信尚賢之象,不必以順信尚賢爲言也 信尚賢之義,●非專釋此爻也,舉 此爻爻辭並不言所以致祐之由 矣,縱橫言之,無不可者,特以此爻無 於人,故推言及順信尚賢。 自天祐之,吉無不利」者,何也 孔子嘗舉此爻,兼 明 人助 夫道 此 并 而遽曰 而 發 致 所 順 E 教 順

> 尚 無爲,照臨不遺,順亦在斯,信亦在斯 知,人不知,惟天知,無知 我者其天乎」,又曰「吾無知也」,惟其 吉,惟天知之,故「天祐之」。 之大有。大有之上,難乎具吉。 中,善有不有,善外非離,爲無所爲, 大之世,上九超然一卦之外,不墮 可度思,矧可射思」,天人一道,故天 賢亦在 加 天自祐之,天道無 斯。 爲故 即 無爲。 也。 孔子曰「 大有上 大 一於有 無知 有 祐 無 知 不 登

楊氏易傳卷六

■「順信」,明刻本、四庫本作「信順」

亨乎?

月盈

則虧

日

中則昃,天道之虧

非亨乎?

地道卑

謙

矣,而地

氣上行,非

驗。

天氣下濟於地,謙矣,而天體光明,

終,謙之效也,是故《彖》詳

言「謙亨」之

謙

乃亨。

愚者觀近,智者知終。

君子有

謙損謙退,人疑不亨,智者觀之,惟

楊氏易傳卷七

楊簡 敬仲 撰

坤上

流謙 《彖》曰: 謙,亨。 卑而上行。 而光,卑而 鬼神害盈而 君子有終。 謙,亨。天道 天道 不可踰,君子之終也。 虧 福謙,人道惡盈 盈 吅 益 下濟而光明,地道 謙 地地 道變 而 好謙。 盈 而

喻。 卑恭而 於卑坎 當剛則自剛,當柔則自柔,當 我無體,如天地,如 省也,亦猶《乾·文言》水火雲龍風 好謙 此。 私如此,故詳其言,指切其 伐者衆矣。聖人深知夫 聖,特以「不矜」、「不伐」稱,則人之好 争,愛則喜,有怒之則啼。 乳曰己乳,少長而食曰己食,有奪之則 夫 譽之則喜,有言其失則 於此者,何其辭費也。人生而私其己, 丽 盈 光也,不 益 「謙亨」一言足矣,而聖人諄諄復復至 使人之己私消盡,則道 鬼神 謙 謙 實不可 則 如 似卑 又 受衆 此。 可踰也,此「君子之終也」。 害盈 瑜 ·而實 山高 流 而 尊, 福 地 日月,如變化 所福也,所好也,尊 而 謙,人道 道 崩,水溢則決, 似 不樂。 變盈 人情難 晦 驗,庶幾其 又其長也,人 心心 謙 而 流 又惡盈 虚明,無 則 實光, 大禹 克 謙 自 自 虎 其 又 之 或 矜 神 雖 如 而

如 四 時 行 也

寡,稱物平施 象》曰 地 中 有山 君子以 裒多

等。 平,非 隨其 平也。 謙, 則 謙之類, 人,以其多者爲盈,理宜裒之,不 中 平 稱物平施」。 稱物平施」者,裒多益 益之,於義 施」之象。 理宜益之。多者 等稱 貴賤、貧窮、大小、長幼 地中有山 地卑下,乃在山之上。 列 切平齊之也,稱物而 此道天地神人之所同也。 爵惟 其物, 爲 五有 一, 昭 山崇高,今乃 有多 平,於人心爲平,是爲 然 五等,分土惟三有三 有 馬 高盈之類,寡 「裒多益寡、 寡之謂。 川則良 之,有少 各有其等, 施之,得其 降 君子之治 而 然所 者 足 繼 在 稱 謂 日 卑 爲 地 物

謙謙

君子」,卑以自牧也

謙謙

君子

用涉

大川

其曰

推其

自不

則

無

有

犯

其

應

當

之

《象》曰 益 乎? 自 忿 之辭,未嘗 能 子,乃能濟之者,以謙 敢自矜自伐, 於外,始作於 賓主交際,未嘗 勉彊致力, 者,非謂 至 之所福,而 言爲謝,此 自 1年自 無 響,此 濟 也 牧, 而況 險? 私 大 1、其謙 恭, 爲 柔 致 足]1] 謂 於 而 自 則謙 力彊勉,以「自牧」也,使猶 夫 以 不 餘 不 險 天 謙 又 八心自 自 忿 無有毫髮彊勉之意。 待 乎? 衆 驗 退 謙 道之所 難 居 爲 不 然,繼 而 矯 不 不出於誠,人將不信, 人 乃 人 殊 下, 敢 君 未始 疑 其 不 心 揉 相 《象》曰「卑以自牧」 子, 尚 謙。 爲 卑 常常 之 敬, 審 是 益 爲人之所好, 以 難濟, 人,其發於容聲 性 損之至,盡 本謙,及其 不 處 謂 而 者。 忽有 謙 至於君子 謙,嘗謂 所 而 況 抑 謙 自 施 險難 今謙 於二 不 面 謙 有 也 敢 致 謙

謙

推

舉

平

時

假

安

有

可

鬼神

謙

君

善 加 雖大險尚 面 知也 美以 自足 以 與 人,將 能濟之,其無所不利,可不問 牧養,自有 不 能自安養,故 「利用安身」之報。 日 雖 卑

於外,六二「鳴謙」發於中。 六二,可謂「中心得也」。 鑠之,非取諸外也。 中有中心之象,又有中道之象。六二之 有宜而過者,皆不 正有不正,其心不 中,由中之象也。鳴謙雖 發於中者,有發於外者,上六「鳴謙」發 自不信,是雖有此良心而猶失也。 心所自有。 「貞吉」,得中道故也。六二之貞,非外 謙多發於言,故 此心人皆有之,而自不知, 必 Ē 鳴謙也,貞也,皆中 施 曰「鳴謙」。 也,故貞 而 中, 施 二居下卦之 、與夫 而施之有 正則吉。 鳴 (施之 至於 謙 有

君子」,萬民服也。九三,勞謙,君子有終,吉。《象》曰:「勞謙

六四,无不利,撝謙。《象》曰:「无不利,撝有外,而沉於有勞而謙。」 萬民之服也, 解,而沉於有勞而謙。 凡謙必有其然,而沉於勞而謙乎。 凡謙已爲人之終,而況於勞而謙乎。 凡謙已爲人之為,而況於勞而謙乎。 凡謙已爲人之為,而況於勞而謙乎。 凡謙心有其

《範》,所以諄 惡,無偏無黨,無反 其中正 坤體又陰,柔又不中,有過乎謙之象,故 昏而差,差而過,過而亂也。六柔四柔, 平正直」,所以深明乎人心之本正 心本中本正,惟其 《易》之所以尚 ,微損焉 諄 則失 復復乎「無作好,無作 動 無側、王道蕩蕩, 於意 中正 其 中正。 者 面 微 何 加馬 也? 箕子作 一懼其 則失 平

謙

」,不違則也。

之心,自昭明 取之始得 言雖撝去其謙,不至於違則 聖人教之撝 不利, 撝 中也,去其過焉,則本中本正 去其謙 謙」。 矣。 《象》曰「不違則」者, 又恐其 也。 疑 也, 多者裒 又曰

《象》曰:「利用侵伐」,征不服也。六五,不富以其鄰,利用侵伐,无不利。

服 不富 也。 之所好施。 服之人,攻所共怒者,其利也孰禦? 深得人之心也。 其鄰者。以,用也,惟富乃能用其人,今 柔,而謙之至乎? 故不 而況於六五居君位而謙。 服,徒以私怒貪地而征之,則適足致 ,而有不 而能用鄰者,以人君 謙者,天地之所益,鬼神之所福,人 謙,德之柄也」,言謙之足以用人 服 謙即能用人,人樂爲之用, 焉,天下之所共 有君如此,天下所 一必富 圃 六柔,坤體 至謙,足 、怒。 而自 能 以 咸 咸 以 又

曰:「鳴謙」,志未得也。可「用行師征邑上六,鳴謙。利用行師,征邑國。《象》—禍。

不由 翼,四方之極」,盤庚「不常厥邑」,武成 有已邑之象,夏王「率割夏邑」,「商邑翼 征邑國」,請當自反,攻治其己也。 己。其身正 謙,人所不服也,所不 六二曰「中心得也」,同人之上九曰「志 志之得爲道之得,心志之失爲道之失。 也」,言其心志之有失也。人心即道,心 未得也」。夫不以中心與人而外爲鳴 人不治反其知。 愛人不親反其仁,禮人不答反其敬,治 我大邑」,周公作「親大邑」,皆謂己邑。 中之象。 上六居一 而天下歸之。」「可用行 卦之外,有「鳴 謙不由 行有不得者,皆反求諸 應也。志有之: 中,其「志未得 謙」於外 邑國

又曰「歸而逋其邑」,亦己邑。

震坤上下

豫,利建侯,行師。

乎? 水。 《彖》曰: 順以 大矣哉 聖人以 天地以 動 故 豫,剛 順 順 動,則刑罰 天 動 地 放故 應 如之,而況「 而 日 志 月 行, 清 不過 而 順 民服, 前 建 以 侯 動 四 行 豫之 時 師 不

近君 之道 有 非道 矣, 剛 故 以 ൬ 德,而 有剛德足以 夫卦之所以 也,必 IIII 令天下, 志行,又 以 下 五 坤 示 其 陰咸 致豫之道 順 應 有 順 而 立,又人心應之, 上震 爲 亦 應之,位 未 動 豫者, 非 心 不 盡 動,有 道。 也。 失其道,合是 道 猶 ,是其應 又近君 何 剛 世 也 順以 固 不足 ? 有 之 四 動 執 以 此 其 九 立 數 位 正 之 志 四

是道不 即 化, 也。 之本。 度,四時 悦 是 師 下 折變異之狀,聖人所以 其所以名之曰《易》,「易」有變之道 折之狀者,道 則 或 不應,自 言 豫 者 天之順動,聖人 師 何思 志 人自 亦 往 順動之狀,故曰 天 豫,悦也,建是侯 圃 不 殊 道 人悦 地 何慮」之妙也。「豫, 離乎人心,人之道心 往溺諸人情事狀,不 間問之 自 順 能順動。諸卦《彖》 不 豈 不 動 圃 亦 可 則行之。 曰 芯 順 其大旨也,順 固 弗克 忽。 已 吾 動, 加 有如 矣 有 以 雖 致 剛 日 常序。 順 加 「言不盡 是曲 豫 矣 然則何 而人悦則建之,行 月自不過 乃有. 明大 順 不 順 哉 動 得 折 聖 動 動 如是云云 · 悟 其 易之道 自 辭,多言曲 利建侯,行 萬變也,此 近 意 天 以 人 圃 正言豫道 剛, 君之位 自 地 致 實 之 面 (即「天 之道 又 人 自 順 有 不 也 也。 自 之 能 常 動 無

時,尚 則。 得 而 甚大矣哉 時,日月不過之時, 豫卦之義也。 四時不 忒之時哉? 之時,亦安 之時,亦豫之時也,其義 動之義 義也,六十四卦之義也,三才之義 以其狀 刑 而 欲 索其義也。其義莫得 罰自清 服,豫之時 又《詩》稱文 也, 使 無 狀 不能自知,而 也。 言。 有 不 知 孰 知 可 日 順動之義可言也,而 而 大矣哉之《易》義,大易之 又 其 順孰 得 有識,則 此尚 月之所以不過、四 不繁,民 也, 日 所 而 王「不識 動, 以 其義 四 況 執 吾有 德 又曰 於日 . 時 爲義哉! 而 也。 其 心自服而 不足以言 爲 爲 不忒之時,誠莫 言,至於民 (機 知 豫 不 月 如 如 平 而索者,豈 民 不 知, 何 不過之時, 哉 何? 之所 可 順以 ? ? 順帝之 得 民服之 亦 化。 時之所 「順矣。 服之 動」, 以 而 不 民 民 無 不 服 服 刑 知 可 知

> 以三 以 也 미 ? 以 四 不 通 卦 隅反也,聖人亦已屢舉之矣,他 芯 皆言之,則繁也, 者, 也。 此 此 也。 也 丽 易 聖 贅也,舉一 \Rightarrow 人不皆言之, 卦之所 以 隅 爲 挂 何 可

德,殷薦之上帝,以配祖考。《象》曰: 雷出地奮,豫。先王以作樂忠

非以縱人之欲也。 之聲,即雷之聲也 樂有邪正焉。其樂由 達,達之於金、石、絲、竹、革、木、匏、 樂,故先王之樂足以感人中 言之,嗟歎之,不知手之舞之,足 而作者, 非 敬 雷 朝 德者, 出 則爲淫靡之音、繁急之音、 歌 之音、 地 北 奮 鄙 無非 和 」,有暢達之象。 之音。 平之音, ,無二聲。 人生不能 正者。 [德性 先王 丽 其樂由 無 Ė 生 無樂,而 先王作樂, 作 莊 者 人樂 敬 之 放 性 正 雖 和 蹈 之 之 永 其 暢

逸淫 也。 狀,自未始不 則餘不同者亦漸通矣。孔子曰「予一以 取其象同者類而言之,所以漸明其道同 先王取此象而作樂薦帝配祖考也,聖人 考,即雷之自地 之心,是謂 周之學淺矣,亦曰「勞神明爲一,而不 貫之」,非止一二事比同而已,三才萬 愚不肖賴樂以感動,而賢智亦 以感之。今中正之音感之於外, 乎人心。 善於樂」。 上帝之心,祖考之神,樂之德,一也。 自動,其化甚敏,故曰 (同也」。 人心之蔽,未易頓啟,漸明其同者, 殷,盛也。 靡繁急之心,故曰「移 中正之心, 蓋聲有無形之妙,足 易直子諒之心,足 , 盛薦之上帝 而出 而蔽者自 人所自有,惟其 奮而達 「作樂崇德」,不惟 風 紛紛 加 移 以 於上也。 則 以 以 配 俗 也。 消 樂 其 人放 以 非 莊 知 養 機 祖 無

> 窮凶也。 初六,鳴豫,凶。《象》曰:「初六鳴豫」,志

有? 於豫, 道之象。 求,失道妄求,必致凶。初六不中,有 下,未爲窮 居下位之道,當安静無 遽鳴 今初六豫 也。 加 超之,凶道 加 顏子陋巷節 鳴, 其志窮矣。 也。 飘,何窮 動, 夫位 今也 鳴 之 之 在 失 則

終日,貞吉」,以中正也。六二,介于石,不終日,貞吉。《象》曰:「不

遷於物者爲 自静自清明,惟因 陰,静也,有至静不動之象。 人心本清明,惟動故昏。 而 固 執 水静則清,清則明,人静 之也 介爲 ,作意固 如石,其實非致力作 物有遷者多,故以不 執 非 六陰,二又 静 人之本 也,非如石 !則清 冷陰, 明。 意

● 「移俗」、《孝經》作「易俗」。

則詳 也。 之謂之正 微,已知吉凶之報矣,何待終 則 識 爻首發 言其 貞正之道,此謂吉之道。 也 則 尤清明之至。 矣。」蓋 有 子 明之,故又曰「中」。 不流於邪謂之正,言其無所偏倚謂 中正皆無實體,皆所以發明道心, 不 所 人心微 Ħ 動 . 偏 可 不 「介如石 爲悦 流之旨, 也,兩言之謂之中 動 流 性 則 豫 偏 自 流 所 焉, 故曰「貞」, 倚, 無所 矣,流 動 寧用 無 中即正,一言 不 不照 非邪者。 則有 終 日 爲 , 動 動 日 ? Ė 而《象》 :所倚, · ; 斷 所 亦可 此 雖 此 謂 幾 可

有悔,位不當也。六三,盱豫悔。遲有悔。《象》曰:「盱豫」

九 有 其 進 之陽,陽 议 、道之象。 盱者,上視不 求豫之象,而三與四 有豫 四,震體。 悦 之象,而六三上比之, 直 之貌。 震,起 六三上 非 Ē 也 應,有 一,無下 比 四

大全也。

大行也」,皆所以贊其大有爲,啟易道之

也,勿用致

疑

朋

來感應,如

萬髮合總

無

髮

人之不順。

象》又曰

「志

日 九四,由豫,大有得。 況 也。 之澤者矣。 猶爲未盡, 太過,失大 心,克艱克 君,君臣道 天下皆由之而豫,況上承 動,有遲 豫之象。 三居下卦之位,亦尚失其德如 「由豫,大有得」,志大行也 象心並 夫求 九四以陽明之大賢, 疑 然 應,無 丽 同 有爲之時,則 謹,不患違道,兹乃 而 不欲進之象,故 故 則三 志合,未見有毫髮間之象, 不 四 日「大 獲, 海之内,必 可 進 勿疑,朋 疑 有 而 有得」,言其 者。 多 求豫 悔。 亦於大易之道 中 五陰咸應之, 有 大抵賢者之 盍簪。 益 此 致 、恐其 正柔德之 不 增 爲 被 悔 其 無 堯 戒 陽 之 悔。 道 失

在上

可長也?

上六,冥豫成,有渝无咎。

《象》曰:「

冥豫

疾」,乘剛也。「恒不死」,中未亡也。 六五,貞疾,恒不死。《象》曰: 六五「貞

乎豫悦 五 者。 乘剛之象,以 乃外意爾,非虚 堅物,人執義之堅如之,然此乃妄意,强 亡,故爲正道之疾。 之中而 而 立己私。 大體非紛紛動者,特其中未能全無我 「乘剛」者,九四爲 ,而其中隱然未能脱然 是,故聖人於此致其誨 恒不死」之象。 「恒不死」,言其意終不死。《象》曰 六五之象,不逮六二。 寂然不動。 六五陰爻, 亦非逐 者,惟其未能無我,其中未能 此心中虚,實無我,其妄立我, 明其 中之所有,故《象》特發 剛,六五乘之。 在外。 學道孜孜,學不 疾者,病之小者。 六静 圃 六二於豫 虚者,往 也 剛者 往 動 有 悦

> 位,是播其惡於衆,故其致禍速。 不久矣,何可長如 於救矣,而聖人教謂 何可長也」,言其冥豫而又在上,禍 人患不能改,改 沈冥於豫樂,至於此 此 也? 於 八則 此 無 可 渝變, 不仁 過。 謂 已 **《**象 m 亦 成 在高 미 而 至 日 無 難

隨,元亨利貞,无咎。

哉。《彖》曰: 隨,剛來而下柔,動而説,隨。

居二陰之下。 利貞也,有言焉,舉一 釋,言之詳矣。 民 乎人之心也。 也。」元亨利貞之義 剛 本居 上,柔 《易》曰: 六十四 動 而 本 隅可以三隅反也 説,隨」者, 居 卦皆可以言元亨 「以貴下賤,大得 也、《屯·彖》所 下, 今也 以 剛 深 乘 得

楊氏易傳

無咎 挂 變之狀 也。 際,人多失正,至於大亨尤難,大亨而 横言之可也, 以 不 之則 失其貞正,則非得道者不能。大亨貞 可 以 不 惟道德之全者 矣,而亦未免於咎尤者,於道尤爲未 應,舉不失義,非 之 於此? 掛 必 也 通 隨 中節,故「大亨貞, . 異 贅 自 餘 而 蓋人情有曲折、 時 無尤,而 也 也 而無不 桂 餘 無 1 變忽生,人情 也。 卦 定, 通内明者觀之,縱言之可也, 亦 不言可 猶 無不 則 古 + 隨 元以始言可 通 ,睿智畢照,變化云爲, 隨 曰「大矣哉」, 無 時之道 四 矣。 得 通也。 時之義,豈 可 卦皆易 易 也,偶於此言之,可 時變、習俗之不同 無咎」,而於天下可 稽之典, 道 忽 時變之來無窮, **沙變,而** 之大全,其 盡矣。亨通之 大亨貞正,又 也,以大言亦 也 , 勉 欲 近 無 獨 大 强 無 隨 土 之 孰 可 時 所 時 靡 正 此。 不 能 法 而

> 矣。 無不 皆中,此 習思慮之所至乎? 尚不能詳言其義,惟曰「大矣哉」, 照萬物,自神自明,不 能 「天下何思何慮」,惟無 ? 利, 得此義如 豈 有所倚,必有所偏,必 一學習之所 義與六十四卦之義同 惟不 水鑑 習者得 到 洞照萬象, ? 以學習思 此 可度思。 思 《易》 義矣。 無 不 慮者得此 日 能 如 《易 一不 自孔 慮 日 隨 月 時 而 習 至 而

宴息。《象》曰: 澤中有雷,隨。君子以嚮晦入

焉。 息 顧 在 息 也。 道道 百 君子,則當 通 吾見 姓 澤中有雷, 無二也。 通乎一,則雖 日 學 者毋 用 動 而 嚮 一静, 不知,索之隱 日 晦 聖 雷隱於陰晦 宴 香 暮之時 息 不一者,皆通皆 姑 無 末 非 取 也, 其 易道之妙者, 而人 之中 類, 即 易道 内寢 使人心 君子之 也, 不 在 宴 其

矣。

不失也。曰:「官有渝」,從正吉也。「出門交有功」,初九,官有渝,貞吉。出門交有功。《象》

N_o 也」,初有「出門」之象。 則失小子。《象》曰「出門交有功,不失 私係,則人情 也、能正、吉也。 吉」之義不可變也,●故貞則吉,失正 隨時之義 壓於勢變, 輒失其正者多矣, 蓋有所係 六二係小子則失丈夫,六三係丈夫 官司各有所守,不可 咸 也。 則 若有能出門 應 有所失,無所係則 其事 而 有功,不 可 變 渝變也,今渝 而交,無 也,其「 止 一於吉 区 無 道 崱 貞 所 所 而

院, 凡。 随有求得,利居貞。《象》曰:「係丈夫」,志 子」,弗兼與也。六三,係丈夫,失小子。 六二,係小子,失丈夫。《象》曰:「係小

> 應,今也兩陰本 爲貪小失大之戒。 九四之丈夫,而失六二之小子。《象》又 之善者也,故曰「係丈夫,失小子」,謂 近也,三乃不隨六二而惟 四之陽明,六三變常而隨近,則六二亦 雖六二與九五亦有陰陽 變之不善者也,故曰「係小子,失丈夫」。 之象,人乃變其常近,係 常,故六二雖與 陰與陽有相得之象。 曰「志舍下也」,言舍其陰下也, 已近係於初九,則勢 象》曰「弗兼與也」,言係一 得之象,故六三有舍六二之象。 陰 與陰 不 相 九五 無相應之象,惟近 得, 六三雖與上六本正 正應,九五 隨 陽 無 與 初九 時 相 兼 隨 陽 適變,不主 應之象,然既 與之理,故 則失一,以 於四 不 而相得,此 相得 有丈夫 兩陰無 此 雖 係 變 九

▶ 「貞吉」,明刻本、四庫本作「貞正」。

į L

於四 變常患 之爲言,雖暫正 隨 時 得 乎 適 其 失正 變之善,然變者 所 隨 ,故戒之曰 而不能安也。 故隨 所 求而皆得。 「利居貞」,居 君子之所 此

在道」,明功也。咎。《象》曰:「隨有獲」,其義凶也。「有孚九四,隨有獲,貞凶。有孚在道,以明,何

我后 可 者,固以 而 失其道矣,故雖 九四不可以 如 況 此 私 心之隨, 不敬懼乎? 於 也。 之德」,苟有毫髮以爲己能之心,則 ,心不免。●「有孚在道 ,則雖正亦 九四下有二陰,相隨之象。 臣 我之正也,不正 乎? 有私 而陽 爲己有,當曰「斯謀 己者,雖 凶也。 故 實自任, 而 正亦凶。 日 況 「其義 於居 夫人 人君 則人 以爲己之所 夫有 近君之位, IXI 心之所以 一,以 不 也 不服。 能 獲之心, 斯猷,惟 九 明」,則 免凶, 四 其 應 獲 得 而

> 明無 見,此聖人所以由致誡告也。 臣 所本無,惟昏故私,惟不昏則吾即道,虚 明 也? 道心人人之所自有,己私人人之 也,而《象》又專言之曰 己 不 合道,而 無 私 近君,疑問易生,恐正人自信,自以爲 以爲己獲矣。 我, ,則自足以 己 私。 其實未 本 無 然則 所 取信於人,無 明 私 道心之中無己私 乎也,道 ,故歸 至於禍 「明 功於明。 也 已成 功也」者, 己私 明 而 也, 則明, 又大 果無

位正中也。 九五,孚于嘉,吉。《象》曰:「孚于嘉吉」,

吉也。 者善美,則所用者賢矣。用賢,人 惟聖知聖,惟賢 孚,信 孚信 也。 亦 知賢 有隨之義 嘉,吉 ()惟有 美 也。 也者, 中正之德者, 九 何也? 五 君之 一所信

乎德之正中。曰「位」者,言乎得專位而 心之正不正。 甫,以一人之身而賢否異任,一視夫君 明皇,始正 又有中正之德也。 陶,惟湯知伊尹,惟 五之德亦 能知中正之人。 嘉。 加 惟 然則九五之孚於嘉,一本 信姚、宋,終邪而信 堯知舜 九五所孚者嘉,則知九 武王知十亂。 知 禹、稷、契、泉 至唐 李林

《象》曰:「拘係之」,上窮也。上六,拘係之,乃從維之。王用享于西山。

陳》、《畢命》三篇,備見寬維之意。山有商,在之語、故周公亦非一於用威,其曰而不問,故「拘係之,乃從維之」。周伐而不問,故「拘係之,乃從維之」。周伐一次,以為未從,故周公遷之洛邑,即拘係之,乃從維之」。周伐不問,故「拘係之,乃從維之」。周伐不可。然周公亦非一於用威,其曰。然周公亦非一於用威,其曰。然周公亦非一於用威,其曰。

於图 係之也。 上窮也」者,謂事至於此窮極,不得不拘 行,●此亨通之效 王者於此,必 阻 隔 吾 不通之象。西者,陰幽昏塞之象。 空虚四 有道 1十年, 也。 以 亨通也。 《象》曰「拘係之, 人皆有士君子之 周之治卒

U 見 見 上 下

始,天行也。《彖》曰: 儘,剛上而柔下,巽而止,蠱。《彖》曰: 蠱,剛上而柔下,巽而止,蠱。

之陰,有自上而下之象。夫剛來而下柔上九之剛,有自下而上之象。初六

「有」,四庫本無此字。

亨? 子曰 也。 識 始,其元乎? 也, 動 止 則 也,何道 而 一則事 於從, 下,剛 事 大 亂 於 昭 説 妄之「不可往」 不知,順 ,故利涉大川 思慮, 卯 此元 世。 「吾有知乎哉? 隨, 何 則 今天 矣。天下 也? 安得 能致天下之治? 柔 蠱 E 非遠,近在 然則 於柔 亦謂之元,乾元 不交,上 帝之則」。 下 下 益 動於思慮 故曰 圃 不 六十四 蠱 治蠱 、異 不 交 無事之時 弊, 與 壞 蠱 、聽從, 17天下 則 剛 蠱之「往有 益 有道 壞? 利乎往 人心,念慮 m 非 否。 人惟 無知 卦之道 而 壞矣,何 後 有 好 不 ·何思 乎? 流 神元, 7自任 今 也」,文王 巽柔艮止, 所 元 因 敢 則 有 剛 也 而 事 亨 何 不 物有遷 有 所 不交, 一易之 下 自 事」, 能 焉 則 所 一復 [慮], 未 即 事 斯 有 미 動 此 不 道 以 道 其 而 孔 ПП IIII

也, 也。 惟其 免。 弊,其治之多失之剛 散 照 極則 以消息盈 之,後事三日又慮之,慮其始 也 此思慮之時 何 時不患乎 天下事大抵 不剛,故曰 慮 動 萬 柔故取焉。先三日後三日者,事 如 惟 交錯 當於道 否,治! 惟 至於巽卦, 其 無 此日 可 地之 雖 時 前 思 不 虚 不 曲 庚。「先庚三日 極 也 實亦 當 無慮 遠 而 剛 ,「終則有 變 深慮遠思。 天 折 則復 剛 惟 已矣,一也。 化 萬 地 則人情柔 思深慮」者,何 患 則 者, 其 何思 變, 無 不柔 剛 蠱 雖 乃能 思 始,天 風 也。 而 何慮 不可 當柔則柔。 此 無 爾。 水鑑 先事三 雨 非 遠 異 慮 ,後庚三日」, 不 思深 之時, 甲屬 易之道 前 行 也, 面 電 無 情 如 戒, 也 日 也 圖 水鑑 日 怒 必 霜 思 東方, 慮 患 戒 得 無 何 ൬ 不 其 也 之 即 亚 平 慮 思 則 圕 可

始終。 則 此 爲 而 得 後 得 可以爲得易之道。 非外得,道心 非 思爲 人心即道 ,變化 覺 無

《象》曰: 山下有風,蠱。君子以振民育

禮樂 此 又從 防民 他 民。 其 必 事。 堯 職 (作之不可過之,不可擾之,使勿傷其 也。《書》云:「惟皇上帝,降衷於下 不 有 若有恒 刑 以 m 之情,刑協民于中,政率民 ,順民常性,使安其道而已。 正之習害道者, 「匡之直之,輔之翼之,使自 Ш 知民有德性 後世 振德之」,自秦漢而下,不復知有 政,一出乎此。 下有 振作之,振作之者 .性,克綏厥猷惟后。]人君無 忿民之非 風,有振 而育之哉? 動育物之象。 以養育其德性耳。 .. 僻 禮防 蠱 ,所以救 弊 民之僞,樂 III 漢武 振 以正。 得 凡其 作 蠱 之, 遺

《象》曰:「幹父之蠱」,意承考也。初六,幹父之蠱,有子考,无咎,厲,終吉。繡衣直指之使,惟誅擊之而已。

之蠱」,得中道也 九二,幹母之蠱,不可貞。 其義, 得已 也。 《象》曰「意承」者,初六有柔順之象,不 所 承 豈不危厲哉? 過咎矣。考之蠱至於終考之身不能改, 之象。考有蠱 在六四,六與四皆陰,至陰而 其 以 彰父之惡,非孝也。 而幹父之蠱,其意未嘗 事則蠱弊終不盡除,蠱不盡除,乃 其意則承,其事 蠱諸爻皆取幹蠱 於順承,因乃蠱弊,殊爲失義。 而子幹之,有子則考, 有子能幹,故「終吉」。 則 之義。 不 《象》曰:「幹母 固 可得而承矣, 有孝子不明 不順 在 初六之 上 一,有考 承者 應

乎六四之至陰。六爲陰,五爲陽,非純二剛陽在下,六五以陰而居上,異

Æ 易 傳

二居下卦之中,有道之象。 權者,雖用正而不過,故曰「得中道也」。 不可正以幹之也,其幹之當用 陰者,故有母之象。 不幸 而 有 其權 母 之蠱 焉。

九三,幹父之蠱,小有悔,无大咎。《象》 「幹父之蠱」,終无咎也。

過之,於道爲未盡耳,故「終無咎」。 悔之曰「悔」,人尤之曰「咎」。 其有過差,亦自知之,故心亦悔之。 如此,亦過中矣,不能無悔。 大咎之者,既幹父之蠱,則子爲正矣,特 九剛,三又剛,雖異體,然幹父之蠱 人心至靈。 所以人不

之蠱」,往未得也 六四,裕父之蠱,往見吝。 《象》曰:「裕父

《象》曰「往未得」者,言子之所以裕父之 此 ,以此 而 六柔,四又柔,不能幹而裕之者也 往,則循父之蠱,有不改過之吝。 |而往,不以爲愧其心,蓋以爲孝

> 也」,言乎如此 也,以爲 得也。 而往,未可以爲得也。 故 孔子正之日「 往 未 得

六五,幹父之蠱,用譽。 」,承以德也。 《象》曰:「幹父用

外也。 毎日 德也」。子幹父蠱,未嘗不承於父也,故 誤認其旨而 自不知其有德,故此 之,故有譽,無 「承」。承亦德性之所自有,非動 六五有中正之德,而又得尊位 求諸 譽 則 外也,故《象》曰「承以 無 以 德 譽驗之。又慮人 可 知矣。 以 君

事王侯」,志可則也。 上九,不事王侯,高尚其 事。 \wedge 象》曰: 示不

臣 則是屬與君臣之義不 蠱壞之世,故有不事王侯之義。 則 此爻不言父子。在父子則父子,在君 君 君臣以義合,有道 臣,其實一也。曰「高尚其事」 同,無不事之義, 則 見,無 若父子 道則隱。

楊氏易傳卷七

九七

楊氏易傳卷八

宋慈谿楊簡敬仲撰

Ⅲ 坤 兑 上 下

《彖》曰: 臨,剛浸而長,説而順,剛中而臨,元亨利貞。至于八月有凶。

應,大亨以

正,天之道

也。「至于八

月

有

」,消不久也

應也。 順 不中也。「應」云者,又以明人心之無 者,自若也,一 之道 小人,其與人未嘗 也。 長,其與人弗克 二剛浸而長,君子之道長, 雖説 人心之差,千狀 M 無 順, 所 不 而 偏 和 剛 和説者有之: 萬 説 德 態,自以 也,未 無所倚,未 之不 可移 嘗 出 不 mi 己 不 臨

學《易》」,則知變易之道,非大聖大智、 説 德之一也。聖人設教,合五者以明道 者,皆反求諸己」,己者,心也。心者, 道立德備者 設施亦有未盡中乎人情。 順矣,未 和 玉。 道一也。曰白曰瑩曰 之全。道心之見,其可言者有五,使 順、又學剛、又學中與 順也、剛 非學者所能 者,此必其智有所不燭,明有所不及,故 道 焉者,知己德之未備,知此道之未全, 過順剛 説 説 矣, 元,大也。 日黄日 中, 順 也、中也、應也、非既學説、又學 必有剛德, m 其 不 遽盡。 剛 ,終有所未盡。 别川 德備矣,而 能 日 日 「元亨利貞」、《彖》 不 從 中 拂 孔子必 革,皆所以明一金。 E 逆者有之; 剛矣,又未 温潤,皆所以 應也。「行有不得 應,皆 人情 易道萬變,誠 日「五十而後 然而 所以 亦有未 必 説 明一 明 中 説 也 其 闕 心 應 五 矣

不流 大亨乎? 大亨而不失其正者,非人之 應酬交錯,與物亨通,往往失正 之,皆是物也。惟民 皆元,念念皆元。 猶此曰「大」而 後又一之,又不曰「元」而止曰「乾」,亦 言之,或兩言之,或三四言之,或易而 「利」, 曰「大亨以正,天之道也」,非貶 以正」,非元乎? 夫道一而已矣,或一 乾·彖》以「元」統之、《文言》又四之、 爲 ,自是至 也,而曰「天之道」者,明其不加人爲, 不失正,而人自知自信者寡。 道 天性之妙,是謂天之道也,是謂 入於人心。至動至變,無思無爲, 也、天道也。 一也,無不通 心,人人所自 一動 至 不曰「元」,曰「以」而 變,自 大亨,人亨也,正,人 一大 也。 是 有。人之本心 生厚,因物有遷。 亨」,非元 無 物物皆元,事 思 無爲,自大 於乾 ,而況於 乎? 不 即 言

歎曰 知 之曰「八月」。人心亦易之道也。 陽爲君子,人心 乾、姤、遯、是爲 陰長,相反 凶」,指二陰長之月也。臨二陽長,遯二 乎」,夫是之謂天之道也。「至乎八月有 力索之而 誠 從 如 故 説 於 復曰「七日來復」。今臨曰「八月」者,自 聖人 自信 非學者窮思竭慮之所能 日 陽之始而計之復、臨、泰、大壯、夬、 心 順 臨 「七日」。 所欲 「莫我知也夫」,又曰「知我者其天 月之代明,五十而學《易》,「七十 剛 自 通 則 中 説 不踰 而 不獲,力爲之而不至。孔子嘗 加 易道在 也。 陰爲小人,人心惡之,故遲 自 言之。 應之道,即 順 矩」,是大亨以 凡一卦之變歷數七,故 八也。 欲 自 我矣,果不 其速至,故特促其期 孔子如 剛 陰言月,陽言日, 大亨以正之道, 自 到 四 中、 失其 ,門弟子蓋 正之妙,此 時之錯 自應

成。 区 。 理? 人道 陰陽之氣數。特以 持守,道也。 所算,亦不能盡驗,於以知氣數亦 息盈虚之數,鮮有能易之者。孔子 必至此也。泰「艱 毋玩也。蓋人情慢忽,以爲未遽至此 「不久」者,所以警之懼之,使君子毋忽 窮之妙,陰陽變化 食,乃數之不可易者,而孔子云然, 聖人在上,日不食。」今曆家謂日月之 包桑」致戒,皆以明警之足以持盈 一修明而潛彌其災者,此易 蓋消息盈虚,陰陽之氣數也 善言足以 三才之機,一而已矣。 人之道 君子之道終於消,不可 凶者,明其處之盡道,容有無凶之 陰陽生乎道,故道 長,君 退熒惑,孝 無 貞」亦可免咎,「休否」 人之盡道者寡,而 子 一日不 於是遯 婦 ·自道 口 一,故 道 玩忽 以 可 1 日 有 而 化 曆 日 以 警戒 也。 者 以 轉 守 生 無 消

窮,容保民无疆。《象》曰: 澤上有地,臨。君子以教思无

能盡 於後, 君 臨 之。」其間曲折萬狀,誠非苟簡 思極於無疆。 之,所以保之,非徒保其生,保其常性 之,輔之翼之,使自得之,又從 不可也。帝堯曰:「勞之來之,匡之直 可苟也。居上當寬,寬以容之,亦非縱 之職,如斯 云:「民有恒性,克綏厥猷惟后。」君人者 臨澤,有君臨民之象,又有容保之象,又 有深遠無窮無疆之象,象義著明。 樂又防 卦已發君子臨小人之義、《象》又 民之義,皆臨 以禮 非無窮也; 既 制産使之給足,又設庠 教之,又以樂教之,禮 其 而 淫,又政以行其教 已,故施教則 教可以行於今,不可以行 也。 知其利,不知其害。 澤上有 、思其 率略 地 無窮,不 以 而 又 序 防 之 防 振 則 所 地 發

也? 以 患,刑 又命禹「出納五言,女聽」,深知人心易 亦無窮,故舜命龍「作納言,夙夜 作意而支之,或不及而縱之,苟以爲 此序,朋友以 \mathbf{H} 正救之也。 窮,故命官使之納五方之言,又出言 差,差則失正,則爲亂爲奸,其禍 萬物以此生成,君以此尊,臣以 殄絶不中,誠足 容保之。 而安之,千岐萬轍,人之意無窮,其有 而已矣,天地以 凝問盡 壞,學校 此慈,子以此孝,夫婦以 原,爲刑名,爲任俠。 説之似 以 輔 一舜何爲乎「堲讒 其 廢,教養之具亡,民 周 高 所 此 教 衰,雜説蜂起,爲權 以 此建立 信。其有異學邪説,或 以 丽 以 順民之常性而左右之 實 惑衆亂常。 禁其非。 不 ,日月以 Ē 比周之亂也, ,行之詭異而 此别,長幼以 精慮遠 説殄行」 天道,正 此 此卑,父 無 出 不 照臨 利, 可 納 勝 以 差 是

保,不勝大亂矣。

曰:「咸臨,吉,无不利」,未順命也。志行正也。九二,咸臨,吉,无不利。《象》曰:「咸臨貞吉」。

咸 乎初之「貞吉」矣。 得中爲得道。 名,而天下亦有正士而未得乎道者,惟 得道者,以其中正也。 大抵《易》諸爻多以二、五爲得道 志行正矣,而未至乎九二之得中道也。 乎志之行正而已,非有他也。 又曰「志行正也」,言乎所 足以感人,而《臨》之初曰「貞吉」、《象》 不及九二之中,故《象》止曰「志行正」, 民,六爻又發凡 感也。 故九二之「咸臨 卦辭言君子臨小人,大《象》言君臨 初與二位皆在 堯授舜,舜授禹,惟曰「執 上下 君臣感應相得之深, ,吉,無不 彼此 中正雖皆道之異 以感臨者,本 下,皆以其 相 然初之德 臨之義。 一,所以

得聖哲之君而後可。 君 亦 命、弼違補過者矣,此惟盛德之士,而又 足 臣 以 大有 德一心,咸 爲矣。 感之至,亦 《象》 Ĕ 未 有 順 命」者 未 順君

六三,甘臨,无攸利。 既憂之,无咎。《象 「甘臨」,位不當也。「既憂之」,咎不長

以甘説 之象。 所利。 也 不以德,殊不當也。 六三,下之上,位稍高 二之以德感人,唯以甘説臨人。 ,既憂之則咎無,亦不長矣。 兑爲説, 兑之成 臨人者多矣,人心終不 不安則憂,憂則改矣,故無咎。 而以六居三,陰陽雜焉,有不安 人自爲咎,人心違 卦在三,不 矣,而臨 服, 人以甘, 小人之 如初 終無 與

四,至臨,无咎。《象》曰:「至臨 四 不得中,又無陽明之德,而 ,无咎」, 亦不

位

六

《象》曰 物。 稱,而過尤亦不著。 无咎」,言其至 尤之可 止言其位,則知其德不足 至於爲六三之「甘臨」,天下故多此 既 二位當· 至 指,故人亦不咎之,故曰「至臨 四 之位,其 也」者,言其 此 位 位 而 則 臨 稱 位 臨 無 也,雖 當 乎下, 尤之者。 臨人也, 不足 等人 無過

之宜」,行中之謂也。 六五,知臨,大君之宜,吉。 《象》曰: 「大君

得大中以臨 子曰「古之有天下者必聖人」,則大君 者,猶不得之,則今六五之得中,豈不爲 孔子曰「中庸之爲德也,其至矣乎」,又 中」,禹以是傳之湯,湯以是傳之文武。 大智矣乎? 其不爲大君之至乎? 曰「賢者過之,知者過之」。 夫以賢者知 堯命舜曰「執中」,舜 而 己。 天下。 禮以 教民之中,樂以 夫大君所 命 以 禹 臨 曰 「執

以正 之,輔之翼之,使自得之,又從 之謂」者、禮樂刑政之行也。 以是臨民,不爲 惟湯,周惟文王武王,自武王以下 雖知有此道,而 矣,而況於得其道乎? 以道化斯民,秦 之和,和 樂刑政四者也,不能行則無以 之」,堯之行中,如此 能行於天下者,容或有之,帝堯「匡 而 與馬。 ,綏民之猷 民, ,中之發也 正猶 然則得 中 而 知臨 漢 實 己。 也 中道者,不爲 得 而 乎? 其 自古聖 之者誠鮮 人君之職 下,不復 刑 介精 以 三代而上,君 《象》曰「行 協 也,其具 王 得 民 、臨民。 知 一,未嘗 ?於中, 有此 圃 中 知 一之直 乎? · 不得 則 振 而 德 中 臣 事 不 商 政

矣。《書》曰:「惟民生厚,因物有遷。」厚 敦有厚意,又有不動意,厚則不動 吉,志在内也

上六,敦臨,吉,无咎。《象》曰:「敦臨」

可驗。 化,小 則逐 也。 也。 爾。 則 之義,非天下有二道也。 與六皆陰,又有 五之「智臨」,而必異其 明者自知之。 應變接物,如四時之錯行、如日月之代 也,有留猶未爲内也,有内與外,猶非 也」者,以人多逐外,故聖人 物、泛然有 動,見其厚。今不失其本性,雖臨 ·敦臨」,故「吉,無咎」。《象》曰「志 居一卦之表,有不墮 善,厚則 孔子曰「清明在躬」,非 然言不盡意,聖人非謂留其志 此道不可以意度,不可以 物 德川流」,則敦有 俗以堆阜之類謂 以 遷 爲,而 不 動矣。 薄,薄 此即九二之「咸臨」,即六 至静 其心未嘗 則失其厚善之本性 之象,故發「敦 中 於事物之象。 辭者,隨爻發 之墩 不動之義, 庸 **>** 遷 曰「大德 亦見 實有 反 言盡。 動, 圃 所 於内 言之 是謂 民 於是 在 其 惟 在 應 内 内

巽坤 主方

觀 盤 m 不薦,有孚 颠 若

也。 下, 《彖》曰 道 設教 ,而天下服矣。 天之神道, 盤 大觀 加 不薦 在 上,順 丽 四 有孚顒若 時 而 不太。 巽, 中 下 聖人 Œ 觀 以 以 而 神 化 天

邪,以 拂,巽 哉? 此 可 自 四 東 明純 自 海 强 心 然 己 之内, 私矣, 西,自 ,不以己私窒之,則此 而 夫王者大觀之道,豈小者之所 其道 此 而 有己私 粹。 一陽在 服 觀 不 也, · 件, 中 甚 南 天 如春如 同 夫有己私 上爲下觀,爲下 自北, 大, 此心 不 下, 則作好作惡,必有所 미 何以 而 故 和 以 也。 無思 無 天 氣 巧 明此 所 下 則 此心即 而得 不 偏 瞻之仰之,「 弗 服 倚,正 順 ? 心 克 也, 所 無 _ 其巽,乃其 道 順異。 道,不 觀 體 人心 順 而 無 天下 能 謂 不 而 失 自 之

之初 邪, 中, 夫是之謂「大觀 自 僻 民 設 知 動,不足 惟 已 可 而 同然之心,如響之應聲,如影之隨形矣, 爲中爲正 有 「正」,皆所 其 道 己。 無 所 自 教 不 日 初 邪 自 純 如 也 偏倚, 觀 也 實直矣,已動矣,已僞 偏, 無 非意之可度, 姑名之 則 IE 感 誠,不 未 盤 切 盥之時,不 以 此 不 偏 也, 潔之時,其 而孚化矣。 明 有 以 IE 矣 自 則 日 可 此 語,有誠之意 聖人 的 :所薦 發 中, 不 今無 旨 以 明 順 矣。 中, 一,惟 私 意 必日 道 不 也。 盤者, 慾 度 日 失 己 則 \C 心 「顒若」,服 日 盥 「巽」 言 私 八此道 縱 薦 不 觀之爲 何 非爲 喻 盤 而 縱,自 於欲, 盥手 如 則 日 己,已 薦 矣, 不 矣。 Ľ, 日 ? 誠 好 異 薦 獻 則賢 而 爲 非 道, 不誠矣, 「中」 惡不 非 不 聖 而 又 信 則 誠 潔, 其 言 天 爲 人於 於 人之 愚皆 意 則 如 也。 斯 下 之 或 非

化自 焉,一 自 故 道 乎? 自服。 道,亦 誾 默感乎人之中正之心,自不知所以然而 土、革、木,以六律六吕和平 其所自有爾,而人之由之,冥符默契,自 之心,而順以導之,無敢小拂焉,無敢 豈 也 婦、長幼、朋友之禮,所以因 得而略 化也 其 有 致於淫,於是作爲 心之神用也,人惟不自明,故昏故邪。 不 神 甚 誠信 得,自不知也,非「以神道設教」 循夫大中之性而左右之,使不失 聖人又因夫人心之不能樂,樂者, 神 禮樂 神? 非「以 言也 故 道 族有 如 79 刑 無二神二道,故設教 神, 時之行無差忒。 此 師、黨 神 聖人 政,皆聖人設教之具,可 道 無 道設教 即 他 爲是父子、君臣 有 天之道 奇 金、石、絲、竹、匏、 Œ 功 乎? ,書其孝弟 而 人慈愛恭敬 一天道 中 感 比 正之音 應者,此 而 有長, 至 、即天 天 一、夫 下 過

> 糾其 其本有,感其 所有,今既有以 無 逸之私,欲 婣 矣,非「神道」乎? ,書其德 也,故强之而 過 復 行 刑 其 道 同 一藝,以 發之,又約而歸之,則復 莫從,而 本有之道 然之機,殆又捷於影 其 罪 尤,又有 ·發其· 道心也者, 本有之道心, 夫惟 以 約 其放 其 所

民設教。 《象》曰: 風行地上,觀。先王以省方觀

彼章. 爲道 狩 於觀乎? 觀於下 聖人於是發「省方觀 而 亦有觀之義,或言爲觀於天下,或言上 省 方觀 句訓詁之士,往往窒泥。 本明變易,設教之略,前已言之, 風行地 民。 古者天子巡狩諸侯,「命太師 民之道,又爲 心通内外之士於此乎何疑? 天下之義,無所 上, 有無 民 急務。 所不 設 教」之義。 不通,而 周徧之象, 夫《易》之 方,巡 況

初六,童觀,小人无咎,君子吝。《象》曰 歲則布 皆所以左右斯民,使無失其常性, 説,紛紛擾擾,致禍於無窮者,失省 説殄行」,自以爲是 以正救之,又有訓方氏「誦四方之傳 之歲,則有納言之官以 於道德也,此又神道設教之詳者也 民之教也。先王 衰之世,鄉原、任俠、刑名、縱横,異端 心,志淫 :,禮樂、制度、衣服,正之」。 其非 以 觀 圃 民 好僻 訓 風, 四方,以 命 命典 市 隨方設教,不主 納 而 (禮考 觀 非, 價 新物」。 納民言,又出 以 時 亂德賊 觀 月,定日, 民之所 「舜堲讒 道。 ī 方 觀 巡 一之 説, 道, 邪 周 狩 好 同

初六童觀」,小人道也。 則 雄 無以 一、禍毒 童 初 幼 治國平天下, 陰居下,不應 不 何知? 深 故 無 小人 咎」。 無 乎陽,有「童觀」之 童 以 啟佑後學,故 觀,則不 君子而 無 - 爲姦 知,

六二,闚觀,利女貞。《象》曰:「闚觀」,「女爲得宜,故曰「小人道也」。 吝。 吝有鄙君子之意,其在小人,則乃

貞」,亦可醜

也。

至 欲 孔子没,果與子張、子游以有若似聖人, 微,而孔子戒之曰「女勿爲小人儒 至,而下則有日至而已。子夏雖 其人,自顔子「三月不違」,而下則 則務小不敢自大,從父 大受而可小知也。」自孔門大受者 可,獨曾子 亦可醜也,士而闚觀者多矣。 而已,故於女爲合道 君子不可小知 童觀」, ,謂閔子、冉伯牛、仲弓、曾子之徒爾。 所事孔子事之,强曾子,曾子獨 闚觀」小有所 亦 可 可醜 以 免闚 加 也 可大受也,小人不 觀之醜爾。 知,雖異乎初六之 者。 施 而已,嫁則從 之於女子而 夫士而 孔子曰 好論 闚觀 三,及 有 猶 口 天 月

六三,觀我生進退。 爾。 至動 風 惟知道者得中之妙。六二重 孔子之徒,於子游、子夏、子張,所 霜露,無非 也。」又曰:「天有四時,春秋冬夏,風雨 霆 2非告語之所及,非心思之可到 [之者至詳矣,尚不躋之大道 中之妙者,故爲「闚觀」,爲不知道。 二二三子以 流流 而實未嘗動。 吾無行 形,庶物露 教也。 而 不 我 地載神氣,神氣風霆, 爲隱 《象》曰:「觀我生進 與二三子者。 生, 孔子曰「知者動」,明 無非教也。」此道 乎? 陰,非能 吾無隱 然 是丘 孔子 則 以 知 乎 此

我生 之道以澤斯 者,我 邪 也。 六三居下卦之極,將升上卦, 則進,其 君子之進,非 日用 民 而已,當先 、未善未 之所爲 也。 可 日 以 自 樂利 觀我之日用 進也 「觀我生」。 也 一,行吾 則 進 退。 退

退」,未失道也

也一 夫其 常也,旨不因乎進 而 聖 一人許之 八自觀 語,乃繼退 未 善 日 而 未失 而 退 也 少,因以 生文,古者立言之 道 也。 未盡 「未失道 乎道也,

「觀國之光」,尚賓也。六四,觀國之光,利用賓于王。《象》曰

矣。 利,地道光也」、《大畜》「輝光」、《艮》「其 聖賢,有道之禮樂刑政,無作惡作好,不 濟》「君子之光」,皆明安正不動 道光明」、《需》「光亨」、《履》「光明」、《未 故利用賓於王。《坤》卦曰「不習 動乎私意,如日月之光,無思 物自廣,必如此 五賢明,中正在上,上九亦陽 云爲之妙。《象》曰「尚賓也」者,明 尚 賓賢可以進也, 六四之進,乃觀國之光輝 六三有退之象, 而爲有道,賢人斯敢進, 則六四有進之象 明 其禮賢,國有 無爲而 明。 山 丽 進 l無不 見於 或 其 多 國 及 九

道必尊賢禮士, 又以明士不可苟賤,

必有禮賓之道而後可進,若自苟賤,則

九五、觀我生、君子无咎。《象》曰:「觀何以行其道? 重己所以重道也。

我

生」,觀民也。

生」,志未平也。 上九,觀其生,君子无咎。 邪。 《象》曰「觀民」者,人患不自知,聖人 是,民亂則我非,民樂則己正,民憂則 教之欲觀我生,則觀民 而 凡我之是非邪正,一觀諸民足矣。 [已,故「觀我生」,惟君子則「無 五君位,故言君道。 行而已。 《象》曰:「觀 天下之治 民治則我 於是 咎」。 亂 其

崇高 丽 士民之上,萬衆 上九苟未能免萬目之聳觀,則猶未 後無咎。 官富貴。 蘇子曰「觀其生」,謂下民觀人 居人之上 象》 咸 Ĕ: 仰 「志未平」者, 一難哉 而觀其生,必 人主 主之 能 君 一高 明 乎 子 處

> 禮,上 孔子 於未平,大亂矣。 高縱觀秦皇帝曰: 有? 賤之禮而無不足之意,上下皆安行於禮 卑,貴者安於貴之禮 男,皆有等; 如此矣。 失其所以藏身者,故漸 宫室有等,皆禮也。 化定 義道德之中,如萬物之於天地,何觀之 夫而士,士而民,皆有等, 民,未 自王而 詳 言 聖 一頓失其所以藏身者, 何未平之有? 秦使民觀 能 公、公而 人藏 以 自君 德化 身之道,惟 其 而 民、民 侯,侯而伯 尊者安尊, 而 嗟乎! 生至於此,又其止 周衰漸廢其禮, 卿, 不過,賤者安於 Ť, 卿 志 故頓亡。 車 而 猶 秦頓廢 以 大丈夫 服有等, 大夫,大 未平 ,伯而子 卑者安 禮 也。 其

離震上下

噬嗑,亨,利用獄。

中而上行,雖不當位,「利用獄 分, 頤 中 動 · 有 丽 明,雷 物, 日 電 合 也也 m 噬 嗑 柔 得 丽

除之, 際,●人情多失之偏,多有所 章言其有理不紊 如電之明。 剛,亦不偏於柔。 暴,奸暴亦梗政者,亦除間 之國,則除之。 之,則除之; 者,除間之道也。 之物, 噬此 嗑之道乎! 加 有頤之象。 間之時 物亡而嗑,則 頣 卦初 四方已服已和同,有不軌不 剛 物則 此卦又九四爲奇,是 噬嗑之時, 上皆奇,而中爻四 柔 三剛 國已治,有巨姦間之,則 凡國之五刑,所以治奸 明 嗑矣。 事 、亂也。 動,合而成章,不偏不 「動而明」,如雷之動, 君子在 三柔分 濟矣,非亨乎? 惟 明 夫用畏除 動 丽 上,有小人間 有物故噬 也。 不 合 平,不偏於 相 而成章, 至哉,噬 爲 間之 今也 頭 宛 服 暰 中 然

> 變,各有攸當。 節之妙,「不可度思,矧可射思」,此大易 巨奸,則才之柔者,非所利也。易道適 不經」,聖王之所哀矜。 刑獄之道,本於仁柔,「罪疑惟輕,寧失 柔順,雖才「不當位」,然「利於獄」也。 行則得位,又得中道。 於除間之時 之道也。至於六五「柔得中而 感而遂通 亂,豈心思人力之所及哉? 無思無 如如 雷電之合,作變化 若夫除 E 小人,除 之神,中 一行」, m 用

《象》曰: 其仁厚之意,罰罪之輕者,謹 或讀之於間,又讀之於族,又讀之於黨 一之或差,則民知其不可欺 法書 雷威電明,噬嗑之正象。 雷電,噬嗑。 亦 平時 勑正之,或 先王 以明罰 垂之象魏, 而明之,無 而 先王又致 不敢犯 · 勑法。

■ 「畏」,明刻本、四庫本作「威」。

_

0

趾」,不行也。初九,屢校滅趾,无咎。《象》曰:「屢校滅於,人,以數戒之,欲其無犯。

(C.) 送了战争, 记字。《是》曰:「送了战时,则其惡不行,亦「無咎」矣。也, 今校之滅之, 則不行矣。禁之於初也, 今校之滅之, 則不行矣。禁之於初極如校焉, 遂滅其趾。屨趾所以行

鼻」,乘剛也。 六二,噬膚滅鼻,无咎。《象》曰:「噬膚滅

惡尚 梗吾政 而 當噬也。 者必剛,六二乘初 滅之使其惡不得滋長 二之噬之,何以 易 也 制 淺,故噬之易也。 人疑其 噬 者,義之所不容也 也 一膚」, 六二至柔 其 矧六二得位,又以 致 所 言其易也, 怨 如「噬膚」之易也? 心咎 以 九之剛,以 噬 也,初九剛以 聖人正之日 鼻,上通之象也 圃 易 亦言爲間 ,矧其惡 也。 通 一剛爲 中正 也。爲間 噬 梗政, 間 無 一之道 者長 一尚 淺

> 於他人乎 也。 彼 爲 ? 間 而 遭 噬 者, 往 往 心 服 而 況

未光 金矢 六三, 噬腊 間,三噬而 之盛德,又以尊位行之,無毫髮之失也, 肉」,止爲次難者,以其有黄中金剛貞 深,尤難。 除間於膚淺,三漸 以彼間之淺深,與己德大小 正 故曰「得當也」,故 肉、次乾肉。 無 《象》曰: 也。 ,利艱貞,吉。 遇毒」,位 德 難 噬莫易於噬膚,莫難 焉, 濟。 六五, 噬 肉, 至五當益深益難,而 不當 除之,當 「貞厲无咎」,得當 雖 小物之乾者曰 不當也。 遇 然,三非間 位 乾肉,得黄 毒, 《象》曰 雖 也,無 也,而 深,故爲 小 厲 九四、噬乾肺、得 而 吝, 无咎。 德者 無咎。夫彼爲 反「遇 者,彼爲 於 金,貞 「腊」。 利艱貞吉」, 爲難易。 次 乾 也 雖 難 脯 日 行 毒」者, 次次 間 噬乾 此 四 腊 IE 又

楊氏易傳卷八

《象》曰「未光」,言九四之猶未盡乎道 故曰「中庸之爲德,●其至矣乎,民鮮久 中」者,貞可以勉而至,中不可勉而能。 六五之黄中,非九四之所能勉 也。《易》諸卦爻,惟曰「艱貞」不曰「艱 如黄金中剛之善矣,故利於艱貞則吉。 夏在孔門,當從其本文。 三除之,於義爲正,雖有「小吝」,終於 噬乾脯」,或作「胏」,子夏作「脯」。子 無咎」。 至於四 則 間益 四剛失直,●不 深益大,故曰 而至也,

耳」,聰不明也。 上九,何校滅耳,凶。《象》曰:「何校滅

也。人心本善,因昏而失,言其非無良本於昏而已矣。「聰不明」者,昏之謂首足之校,聖人於是猶發揮其本始,曰九始于足,上九登於首矣。今獄具亦有此過一世,

● 「四」,原作「五」,據文意改。

→ 「爲」,明刻本無此字。「德」下,四庫本有「也

楊氏易傳卷九

楊簡敬仲 撰

艮離 上下

賁,亨。 小利 有攸 往。

剛上 文明 《彖》曰 以 而 觀乎人文,以化成天下。 文柔,故「小利有攸往」,天文也 止,人文也。 賁「亨」,柔 觀 來 뻬 乎天文,以察時 文剛,故亨。

剛偏柔,不可獨用,必資 上九而文坤。 爻,來爲六二而文乾,分乾之中爻,上爲 而 班 師,以柔文之也。 舜命禹征 先儒以爲此卦本下乾上坤,坤 静觀六畫,誠有斯象。 有苗 ,剛德也。 成王,質之柔者 相濟,相實以 伯益贊 之上 禹 成

六十四 有, 易。 至此 也。 此,天文如彼,其事 無失其所有,而 則「人文」也,人倫是也,尊有常尊,卑有 也、天也。其君臣 得益、禹,周公之遇成王,非人之所得爲 可不觀而 常卑,禮有常序,其文甚明,而萬古不 功業大小,皆天然之文,非人之所能 大故也。 質剛大,柔來文之,則亨。 也 「小利有攸往」而已,本質小故也。舜之 事,不 周 自善自正,順 夫君臣 至於「文明以 卦,往往 公以 「卦,其 省其 本質陰柔,柔雖 察之也。 大聖輔之,剛上文 剛柔之所遇,時變之形,不 (道。 不能 事 不 自化自成矣。人文如 而導之,左之右之,使 《大傳》曰「百姓 同,道 相遇,剛柔相遭,相之 不浸而 止」,一定不易之文, 人文,人心之所自 不同,而文則一也。 則 轉 其功大,本 剛往文之,僅 於事,惟覩 也。 柔 也。 日 質 用

而不知」,不可爲不知之百姓告也。

无敢折獄。《象》曰: 山下有火,賁。君子以明庶政,

明斯旨。
山者,生育之所,其下有火焉而明, 山者,生育之所,其下有火焉而明, 不在乎民也,在卷之而已,未有庶政而已,不在乎刑也,在養之而已,未有庶政而已,不在乎刑也,在養之而已,未有庶政而已,不在乎刑也,在養之而已,未有庶政咸得其道而民不化者。刑忌,未有庶政咸得其道而民不化者。刑所,其下有火焉而明, 其下有火焉而明,

而徒」,義弗乘也。初九,賁其趾,舍車而徒。《象》曰:「舍車

徒; 寡矣,故聖人於是發之。 不以車爲榮。 初九在下,義不乘車。 義在於趾,其 義在於 育在 趾。 徒 君子以 人達 其榮在 此 義 者 爲

也。

也。

也。

《象》曰:「賁其須」,與上興六二,賁其須。《象》曰:「賁其須」,與上興

吉,亦免凶,自知之明也。 以弱才獨任,有覆餗之凶矣。六二雖 三而成賁。其有不度德,不量力,妄欲 之象。六二離體,自知也明,故能依 上,有頤之象。六二耦而 須不能自興,從頤 六二柔不能自立,依 圃 興。 附於下, 剛而立, 九三二 陽 有 亦 無 九 須

之「吉」,終莫之陵也。 九三,賁如濡如,永貞吉。《象》曰:「永貞」

濡 居乎小人之間而不失其體,若爲小 濡染君子之象。天下之變,固有 所善也,而九三居二陰之間,乃有 柔。臣之事君,不得已也,比肩而 剛爲美,剛以比柔爲醜,卦 而 實不濡也。 實卦雖以剛柔相濟爲實, 而柔以 「賁如濡如」,此君子與 分剛 不 小人 得 圃 得 所 文

陽,無相應之象,故有與上下陰相 害吾之德,雖謂之「陵」可也。 惟道心昭明,道心無我,道心非意,有意 也,故小人終莫能 之不永者,作 君子之言,當如是嚴 正之不永者,利欲動之而不固 有盛 人相處之道 正焉,其正又未嘗不久。 (之間者,未必能正,正又未必能久。 其有濡如之迹也,而孔子未嘗失 衰, 無意則 意 爲之,故有時乎衰也。 孔子見南子、子路不 陵我 無盛 也。 也,爲其所 |衰也,終始 九三與上 他人之居乎 此 也, 聖人 九皆 動 之 Œ mi

媾」,終无尤也。《象》曰: 六四當位,疑也。「匪寇,婚六四,賁如皤如,白馬翰如,匪寇婚媾。

相比,疑有相與之情,故曰「當位疑也」。六四與初九正應而下比九三,陰陽

媾。 乎正,一無駁雜,斷 之,終不尤之也。 如」,言其潔白 故以三爲寇。 也 圃 「白馬」之釀往,應乎初九之陽,志 六四 之於四,非 不與九三之寇爲婚媾,則人雖 正者君子之道,不正者小人之道 Ē 應於初 正德 皤,白 不爲小人所染污也 也,四之於初,乃正應 應於初,不 不與 也。 九三之寇爲 六四「賁如 比 於三矣。 專 如如 婚 應

《象》曰: 六五之「吉」,有喜也。 六五,實于丘園,東帛戔戔。吝,終吉

出,有丘園之象,六五出民中爻,艮爲山,有丘園之象,六五以丘園爲實。實 做陋,雖於實之時爲吝嗇,而終於吉。 像陋,雖於實之時爲吝嗇,而終於吉。 情之所不快,而實可喜也。六五有「丘 園」之象,故有「養養」之象。 東帛養養然 園」之象,故有「養養」之象。

上得志也。上九,白賁,无咎。《象》曰:「白賁无咎」,

所 者,人心本善,本純誠而不雜,禮文之 忠誠相與,人必不咎。 周文之敝,繼周者當用忠質,亦人心之 僞,故曰「上得志也」,正人心之本然也。 賁,❷則一由 興,人心未必不流 卦之外, 乎「去僞」,又曰「防民之僞」。 示之曰無咎尤也。 厭也。 用質實,疑人情之所不說,聖人於是 賁飾至 乃艮 如 中心行之,無毫髮致飾之 止其 此 極矣 而入於僞,故《禮》 (賁,一 人情不至於不說, 《象》曰 以 上九超然於 白 「上得志」 一爲 今也 賁焉 資

長坤 上下

剥,不利有攸往。

《彖》曰: 剥,剥也,柔變剛也。「不利有

子尚消息盈虚,天行也。 攸往」,小人長也。 順而止之,觀象也。

君

之未可 息 可以順 毫髮未與天爲一,君子恥之。 天下」,進退 於其間哉? 止之象,不可必也, 則 可 知 圃 之道長日盛,君子不 小人,剛象君 盈 也。 也 止之」,卦有此 順 虚 而 止之理。 小人 五 小人既盛,不可遽止,順 止之,如其未消未虚,是以 之勢如 陰剥 聖人所以 作 「窮則獨善其身,達 既極其 子,「不利 止 何, 一陽,「柔變剛 然 象,坤順 無非天之所行 小人 不可 繼言於後者,深 (盛,盛) 君子 利 有攸 果有消 有 必 亦 所 也,一 艮 極則衰,亦有 何 往」者, 止 往 也」。 敢 也。 一,觀 虚之勢, 觀天消 置 而 則 也 己 天 象 知 止 柔 小 之 意 可

- 「情」、明刻本、四庫本作「心」。
- ② 「曰」,四庫本作「白」。

)曰: 山附於地,剥。上以厚下安宅。

道。 必 道 反。 其私欲。今欲救剥 知 上之安宅, 人,剥不必厚下,小人不剥 剥君子也。 下安宅」之象,何也? 無剥 也,豈 心 省 離,人心離則 厚下,君子之道也,君子小人率 ,聖人於是發之。 「民惟邦本,本固 剥 之義,悉具 不 如山之附於地,其安固若此, 甚 而 危? 艮 山 誰與 於卦 附 之禍, 厚下則民戴其上。 於坤 邦寧」,剥其下則 剥之禍 八守邦? 剥之爲 畫之中,而 下,則 當 地,乃 用君子之 生於用 (卦,小人 取 無 有「 禍之 所 便 厚

初六 凶 以 足 ,剥牀以足,蔑貞 以 滅 下也。六二, 「剥牀 以辨」,未有與也 N_o 剥 《象》曰 牀 以 辨 . 蔑 剥 牀 貞

「辨」,取象乎牀者,牀,人所安處。今曰足最居下。辨者,上下之際曰

E 則雖 與也」,言未有陽爲之應,未有君子與之 凶。 下所以奉上之私欲也。 二小人之勢未 剥 象》曰「以 救也。 床 貞,正 六爻惟初 欲正之,亦 庶 也。 滅下也」,明小人必剥下 居 E 與二曰「蔑貞 甚壯,尚 者, 無 及矣,禍成矣。 剥 知 可 所 二《象》曰「未有 牀 懼 正之也,過 無能 凶」,言初 也 正 之 剥 初 此 則 與 無

失上下也。六三、剥之、无咎。《象》曰:「剥之、无咎」、

人相失也。《象》言其與上下衆小應。此小人稍識邪正,不與君子相違,亦三在羣陰之中,獨與上九一陽

膚」, 不 六 利。 四 切 剥牀 《象》曰:「以宫人寵」,終无尤也。 近災 以膚, 也 六五 N_o 一,貫魚 《象》 日: 「 以 宫 人寵,无 剥 牀 以

尤也」,無怨咎也 人良難,恐其不利也。 寵愛之如宫人也 宮人」,則「無不利」矣,故《象》曰 貫魚, ,陰類,宮人,亦陰類,皆小 以柔制之也。 一,皆順 而止之道。 如「貫魚」, 以以 宫 「終無 如寵 龍 人 制

廬」,終不可用也。《象》曰:「君子得輿」,民所載也。「小人剥上九,碩果不食,君子得輿,小人剥廬。

斯廬,終不可用,無庇身之所矣。 子本爲人心所敬,況今將復 將復,故曰:「君子得輿,小人剥 生,當是時,小人盛 陽無偏絶之理,故「碩果 陽爲大,君子爲大。 小人爲人心所賤,況今勢衰, 陽實,有「碩果」之象。 |極勢衰,君子衰極勢 陽極衰而復生陰, 不食」。 、民咸 碩,本也 復於下 廬。」君 載之 如

七日來復,利有攸往。復,亨。出入无疾,朋來无咎。反復其

道

《彖》曰: 復,其見天地之心乎 日來復」,天行也。 以「出入无疾,朋來无咎」。 復「亨」,剛反。 「利有攸往」,剛 動 「反 圃 〈復其 以 順 (道,七 長 行,是 也。

矣,安能「出 雖爲人心之所喜,雖已反復於内, 《剥》「柔變剛」,小人剥君子也。 而不以順行,即失人心,即轉而爲 人心如此也。 内,今復其所也。 亂也,言反,喜其復也,謂君子本當 物發生,君子復則治 剛反」,君子反復於内也。 惟有道而已,順之則善,逆之則害, 復,陽復也,君子復也。 人無疾,朋來無咎」? 人心即易之道 喜君子,惡小人,萬 康,是 言變,惡其 也。 陽復 謂「亨」。 夫天 小人 苟動 君 則 子 在 萬

八

乎? 有數 道。 是故,君子反復,動必以 道 雖 陰雖衆,其勢則消, 虚,咸有其 曰「七日」。 月」,亦以易道欲君子之早復,故近其期 陰,觀四陰,剥五陰,坤六陰,至於復,是 日 『反復其道,七日來復』,天行也」,反復 天道 違 無疾害, 也,異 馬, 之, 之害, 動者 異,意 人自不明,意起 而況 陽言 不 則 自姤之一陰生,遯二陰,否三 天之動 能 有 雖朋 於以 乎 勢,一陽 消 違,而 然 日 欲泯, 天,無 念違之,則有一念之害。 消 ,陰言月,故《臨》言「八 日之害; 類咸 順 也 息 況於 行乎? 而 雖微 盈虚之勢,七之數, 以 欲興,人心始昏,始 來 本清本明,云爲 静 況於君子之朋來 亦 爲人,人心即 者天之静也,反 人乎? 順 ,其勢則 無咎。 事 行,而後出 必無咎尤。 違之,則 消息 天人之 長、五 天 盈 有

地 易 意也,亦天道 道 復矣,則 其 生,思自何 云 究 即 地 循 明者無俟乎言,不 乎」,三才之間,何 ൬ 復 即即 道,即 明之所而 長,故君子 之不窮。 之心, 豈不 而 非天地之心? 感 天之反 難 復生,其來無階,其本無根,然則 通 莫知其自,非天地之心乎? 萬 何始 於辨明。 物 易 「利有 無干 復也, 之道 而 視聽 即 何終? 啟之。 來? 昭 利 , 時 萬 也。 攸往」矣。 陽窮 即即 有 之禍 如 事,即 言 明而欲啟之,必 物非天地之心? 「復其 是 攸往,此非君 可見乎? 何理 思歸 動, 人,即人之心, 萬物芒芒, 上剥盡矣, 則全體 無 無 思既往,再 萬理,言之不盡, 仁義禮智,變化 於 非 作 剛長,君 見天地之心 何 天 意之咎。 .處? 天道 天地之心 地之心? 萬物 而 子之私 從 子之 莫 思 即 忽 寂 究 其 反 既 何

此 天地之雷霆 此 心 戲至哉 也, 四時之錯行、日月之代 哀樂相生, 尚不 乎? ,則變化 傾耳 可以 萬 何往而: 萬 物 而聽之,不可得而 明目 風 殊皆此妙也 萬 名而 FI 事 霜雪 非天地之心也。 而 萬理,一 可 視之,不可 以二名乎? 明也。 也; ; 乎? 應酬交錯, 喜怒哀樂。 聞 孔子曰: 得而 三乎? 也。」於 通乎 見

關,商旅不行,后不省方。《象》曰: 雷在地中,復。先王以至日閉

オー體 静,亦以明人與天地 天地乖戾,感觸上下,爲災爲害,亦以 地 爲之不安,爲其皆一人之身也。 月朔 不可相違。 後,無不可者。 三才一氣,三才一體,是故,人與天 巡狩 故 也。 」,往往 腹臟作疾,則首足四體 雷在地中静,人事亦 於至日則不行耳 致。 舜禹「十 人事與 有

遠」之復,以脩身也。初九,不遠復,无祇悔,元吉。《象》曰:「不

過矣。 無際 明 於 微 水、泯然無 繼益 再起 應酬交錯,如四時之錯行,如日月之代 自孝,事兄自弟,事君自忠,賓主自敬, 人心自善,自神自明,自 之謂意起,即覺其過,覺即泯然,如虚之 善、未嘗不知、知之未嘗復行」者。 不遠之復,孔子獨與顔 悔 雲氣初 動 如水鑑中之萬象。 於意 如 戾。 滋 也,是謂「不遠 意起爲過,不繼爲復。 初 顔子清明,微過即覺,覺即泯然, 後雖 祇 生上,未知其爲 而 際 神 即 ,適也。 明 能 復,不發於言行,則 復,不 如初,是謂「不遠復」。 如氣消空,不可致詰。 復」。意 某當自 意微起焉,即 可謂「不遠復」。 子, 無污穢。 何 意,而 覺意初 謂其「有 起 不繼者,不 不已, 不人 親

身也」,明乎脩身當如此 其曰「元吉」,吉孰大焉! 謂之大,又謂之道心,又謂之天地之心。 復於意未動之始也。 若交又起 然復矣。 元。元不可思,元不可度,姑謂之始,又 某 而 何者猶爾,而況於顔子乎? 往 ,則人於悔 是元即 而脩。 矣。 《象》 乾元 元,始也 曰「以脩 即

下二也。六二,休復,吉。《象》曰:「休復」之吉,以

六三,頻復,厲,无咎。 虚心 之心日熾,親仁賢則復 之美,助好善之心。 卑辱,而聖賢則灼 「下仁」,所以明爻辭之未著者也 休復,吉」。 以下初九之仁,世俗衆人往往 休者,美之之辭。 所以 知其 破 夫人親· 《象》曰:「頻復」之 俗俗 行道 情 爲 六二親賢樂善 休美 之蔽,彰六二 矣。 小人則不善 也,故曰 《象》曰 以爲

厲,義无咎也

咎」。 恶, 象。 豈不甚危? 頻 六 復 陰 亦 三陽, 危 厲 動善惡 矣,其 既 復 有 雜 則 無 不復,則入乎 ,有「頻復」之 過,故「無

復,无悔」,中以自考也。 《象》曰:「敦從道也。六五,敦復,无悔。《象》曰:「敦六四,中行獨復。《象》曰:「中行獨復」,以

子發: 變化 得道 何以 由道 自考」,略相似而 此六四之「中行獨復」,與六五之「中以 四爻居一卦之中,故亦有「中行」之象。 復」爲言 體 成德? 憤 而 而 《益》六三、六四皆曰「中」,以三爻 云爲,渾焉 是我無方,是我無思,是我 行矣。 忘 不 能 食者此也,顏子好學者此 ,猶以「從道」爲言,何也? 行,則 是中行之復 中者道之異名,而猶 不同。 焉, 意 不能 猶 既曰「中行」,則 我 動 也,何思 圃 ,過未能寡, 無爲。 何慮, 是我 也。

矣,聖功等級有此。 復,異乎諸爻之所 實無復之可言。 無 自考」者,考,成也,中以自成,無俟乎行 悔」,敦,不動也,不動而復。《象》曰「 而自成也。 正」、作聖之功也。 爲而行,是謂「中行」; 「獨復」,是謂 「敦復」雖自卦而 蓋 「從道」,是謂「蒙以 以 日復敦,復敦不動之 至於六五「敦復 爲復矣。 無 倚 有復名,而 無畔, 進乎天 以 無

曰:「迷復」之凶,反君道也。 敗,以其國君凶,至于十年不克征。《象》上六,迷復,凶,有災眚。用行師,終有大

應筮者之問,所告切的,庶幾警懼而改師」、「國君」者,復舉此二大事而言,以也。如此而言,已包括矣。而經言「行也。如此而言,已包括矣。而經言「行也,不止於凶,又有災告。災告,天譴無「頻復」,放而不反,至如此極。 迷復既不能「不遠復」,又不「休復」,又

正者, 也。 國之上也。天下之君,則其德足 使知懼也。 下之上。今迷復是反乎君道也 長一州之人也。 「十年不克征」,亦繼繼不可之辭, 黨之所正。 夫族師 國君,則其德足 者,一族之所 州長 者,其賢足以 以 以 師。 居天 居

乾震上下

往。 无妄,元亨利貞。其匪正有告,不利有攸

之矣? 天命不祐,行矣哉? 「其匪正有眚,不利有攸往」,无妄之往,何而健,剛中而應。大亨以正,天之命也。而健,剛中而應。大亨以正,天之命也。

復則不往矣,❷未復則物爲主,復則

^{■ 「}繼繼」,四庫本作「斷斷」。

②「往」,明刻本、四庫本作「妄」。

云爲。 客於外。 之所從起。 我 虚 屈 内 猶金之混於沙 所從起。 視者。耳之於聲,人惟聞聲,不知 内外之辭。 故 心思之於爲事,人惟覩 命 庸,其 非外 之香,不省平 明 有 在 爲 斯。 告。 覺則復而爲主於内,不覺則放 主。 而 無 内,復 應,羣 動 「大亨」,足以明矣。 所以至於無忌憚者,蓋 所 元,始 道 與 此心有至剛不 起莫 而健,不 偏 八物亨 心 視者即聽者,聽者 目之於色,人惟 姑 心 者自知 泥 分知其 無外 内 也。 自 通 名 . 隨。 明猶金之出於泥沙。 隨 而 惟 「剛中」。 内, 元, 所從,用莫 流 失其正,是小 氣 「大亨以正」,天 外 萬 知 可 乎 大 以 無所 事,不知 磨滅之妙,昏 心 外 也。 衰。 下之至動 豊 即 見色,不知 即 是故姑 思豈 思,變化 内 由於斯 始難於 剛 知其 心 聞 心, 人之 思之 心 而 者。 所 所 思 爲 設 惟

> 茂對 《象》曰: 從心 之妄矣,故曰 言所利 無 足以 也,何以能行? 無妄而之妄,離天命而之人欲,天不 動則往矣,往則爲妄矣, 曰「安汝止」是也,言其本止而 妄, 時,育萬物。 所欲 發揮 利 天下雷 動 而 無 在 愈 不踰 妄之至神,徒静 「無妄之往,何之矣」。 其 神, 非天不祐,自取之也。 中。 行,物與无妄。 矩,「大亨以正」也。 是 謂 不不 無妄之貞。 動則離 利有攸往 猶妄, 不 先王 無妄 動。 一,禹 孔 至 以 意 祐 離 面 子

妄? 之或 無 則 物生,無 也 因 在 妄,聖人 斯 省 與,猶皆也。 無妄 其 也。 動生之機 妄可言 非 本 於是指 謂 · 無 何 性 而 以 可 (,發而 此 不可 言 明 無妄以示人,庶 「天下雷行」,萬 時 是 本 知,不 無 時 易明 無 妄, 萬 可 識 也,省 物之 他 思。 不 時 知, 皆 則 則 物 物 皆 妄 動 無

行木「毋有斬伐」,皆所以順天道也。伐桑柘」,孟夏,「毋伐大樹」,季夏,虞人春,「罝罘羅罔,畢弋」、「毋出九門」、「毋害。仲春,「毋竭川澤」、「毋焚山林」,季我一矣。先王對時茂育萬物,禁其傷

得志也。初九,无妄,往吉。《象》曰:「无妄」之往,

之往, 《彖》辭謂舍無妄而 心者,人之本心 圃 日 也,雖動 往 「得志 也,乃真心 此無妄之往,異乎《彖》辭之云。 動於意 也 而 未 嘗離也,正吾心之本也,故 而 一而往 也。 離,是謂失其道心。道 他往也,此謂以無妄 也。 真心,非放逸之心 《彖》所言無妄

曰:「不耕穫」,未富也。 六二,不耕穫,不菑畬,則利有攸往。《象》

田一歲 必 耕 愐 日 後 菑,三歲曰畬,斷 可穫,斷 無 不 耕 無 而 不 穫 之 菑

得 也。 也 告語之所及也。 酬,「終日不食,終夜不 道之象,聖人於是發揮其妙,蓋 之妙也。 愐 而視,不 詐不信,色勃如,屏氣似不息 子「不逆詐,不億不信,而抑亦先覺」,其 物,如四時之錯行,如日月之代明。 靈,至神至明,變化云爲,如水鑑之照 知、不爲 而成、作之而 畬 丽 一,而曰 智者之所默識也。 而 則 畬之理。然 [吾無知也],此非訓詁之所 聞 不爲 利 也、一夫哀樂皆 不見 可 有 六二至陰至静 而爲者,無妄之妙也。 而自成、不作 得 攸往」者,其 日 m 得者,皆萬 m 不 見 又曰「哀樂相 聞 此爻曰 也; ,萬古之所莫解也 禹曰「安汝止」,人 可見也,皆 寝,而思」, 而自得 傾耳 而 義 世横目之所 「不耕穫,不 得中,有 何 而 也? 沙終年 者,無 聽,不 解 生, 道心 也,非 爲 可 明 而 思 得 至 其 妄 又 應 丽 知 口 孔

四

皆放逸 攸往」。 也。 固 與 虚無 也 昏,故夫 而未嘗動 心 一,終日心爲 ,戒其我,皆所以攻其害道者,使虚 門弟子言,每 自有寂然 實之謂 也,何 禹 往者以 也,如 之所 不 利 而未嘗動 因 動 每 之有? 不耕 無 此則不妄,如此 謂 之 戒 妄 止, 心妙,惟 其意,戒其必,戒其 穫 面 非 也 而 「未富」之者, 往 無喜 一,●雖有 發此義。孔 不 也,不然則 安 怒 而 則 喜 無 好 利 有 思 動 往 子 中 怒 故 有 爲

六三,无妄之災,或繫之牛。行人之得, 人之災。《象》曰: 謂 不作 也 室,意作我立,如雲翳空,如 性本善,本 ,志在於善,反罹 本 意,不能不立於我,故謂之災。 無妄者災矣,災非 六三無妄之爻,非爲邪者,以未能 ·神本 明,作意 行人得牛, 其災, 其 則 志在於得,反 本 塵積 昏,立我 邑人災也 心之所 鑑 所 則 邑

> 其不 則失 異則得因 化無 失有 失 得虚 矣 愈窮 得 失其 在於同 得實,得實則 在於一,得一則失二失三四 有 八四方; 則 所失。 中, 窮,是 ",無深 得矣。 無 不知; 無 知則失其知。 則失實; 心在於萬則得 失, 則得 得尚不 異,得異 心在 心在 心在於静 謂「大中」,莫究 無窮,惟自覺者 無得 心 有得 同,得同 心在 失 在 於知 於四 足以 (則失 則得無得,得 虚 於 非麤。 大抵 方 不 則 於中則得中,得中 萬, (同矣; 言之,而 則 得 心 知 得 則 失異 得萬 静 在於 無得非精,愈深 有 則 其 得 則 四闢 厥 得 得 知,得其知則 四 矣; 心在於 又失 失 失 虚 始 方,得 則有失, 其不知,得 況 無得 + 動 一無窮 則 不通, 於有 心在於 百千 矣 得 則 四四 實 厥 又 方 則 則 無 萬 心

明刻 本、

陰静,三復陽動,有意我之象。邑人災也」,有得則有失,其旨益明。六得,邑人之災」。《象》又曰「行人得牛,乎。故取「或繫之牛」,爲象「行人之乎。

固有之也。 九四,可貞,无咎。《象》曰:「可貞,无咎」,

其明 自昭。 蔽 其 IE 九 道 蔽大消則性自大明。 加,有寡 而之静,去妄而學無妄。 盡 明 ,然寢釋其意,寢消其蔽,有 一、六三雖静 四未免於習,未覺其本,未可 可貞」,言亦 (徳」 而 ,然九雖未覺未中 九陽動, 夫明德 則 而無多。意蔽消 本 己。 明 而 四 人所自有,學者惟「自昭 覺則明 可以正 不能 自 陰 昭。 静 不 雲氣去 惟 也。 不覺則 是或 動, 三與 自聖人觀之, 則 漸 九四 雖未盡 性 盡 釋意蔽 四皆非 道 自明,意 固 ,則日月 損 以爲大 則自動 也 難 Œ 而 乎 無 中

> 誠。」 孔子思 此道 也。 忽覺 之道也。 知夫意蔽盡去,過盡 故與門弟子語,每每止絶其意,●曰「毋 人爲治人爲,人爲盡 治人,改而止」,正謂此也。人爲蔽, 也」,言固有 寢改過矣,故「無咎」。《象》 同 也。 也。 意蔽盡 曰「毋必」,曰「毋固」,曰「毋我」。 而明者,有漸釋漸明者,明則一也。 而 《中庸》曰:「其次致 人人之德性 漸 學道者亦不 此 去,則本德 釋其意蔽,明道心亦自明, 道 也。 改,則人人皆與聖 改則止,不必復 未始不明也,固 孔子曰「君子以 必專主 自 明,九四可貞 曲 日一固 一説。 一,曲 有 能 有 有 求 有 以

妄」之藥,不可試也。 九五,无妄之疾,勿藥有喜。《象》曰:「无

▶ 「止」,明刻本、四庫本作「正」。

哀。 《象》曰「不 周 子行之。」」夫孔子之過於哀,此不可掩 昔者、「孔子遇舊館人之喪。 子貢不知也。此四時寒暑之變,微有過 者也,然此無妄之疾也,孔子不加藥焉, 於一哀而出涕,予惡夫涕之無從也,小 館,無乃已重乎?」孔子曰:『予嚮者遇 知之,未得道者不知此何等義理也。 然有疾焉,意 小,不藥自 變化,非心思之可度也,非 於門人之喪,未有所説驂,説驂於舊 公」,蓋孔子不夢周公也久矣,不知其 前 出,使子貢脱驂而賻之。子貢 也。《易傳》曰 孔子曰 勿藥,有過 五 爲 中, 可試 愈 「吾衰也久矣,吾不復 一, 如 或 中 也」。 而 微 ·爲 加藥焉,其病 「變化云爲」,云爲乃 動 道,九五 不改,始不 此爻惟已得道者 而過 差。 訓詁之可 得 人而哭之 可 道者 滋 此 解也。 疾 (夢見 日 也 既

> 於意上生意,疾中加疾。 於善,是謂無妄之疾。若又治此疾,則 大明者終疑。 已得道而 矣,則妄矣。此爻辭不爲聖人而作,爲 慮,數年 大非小,惟道心大明者始知此,未至 藥則不蒙矣,則有知矣,有知則不一 無知也」,此蒙以 幾年矣。 「不知老之將至」,又曰「吾有知乎哉 而始覺,其覺矣亦 孔子一不之省,則孔 未新純者作。 養正、作聖之功也 大休無妄,起 此疾自妙,非 非 動 子 無 又曰 思 加加 貫 意 於

妄」之行、窮之災也。 上九、无妄、行有眚、无攸利。《象》曰:「无

適以爲害, 將以爲進,反以爲退。無災之小,則失蒙養之功矣。將以爲利,盛,復有所行,則意復起,則有眚。眚者可言矣。而賢者於此,或尚疑己德之未可言矣。而賢者於此,或尚疑己德之未

斯義。 斯義。

楊氏易傳卷九

楊氏易傳卷十

永慈谿楊簡敬仲撰

艮乾上下

德剛 《彖》曰: 吉」,養賢也。 大畜,利貞。不家食,吉。 上而 尚賢,能止健,大正也。 大畜,剛 「利涉大川」,應乎天也。 健篤 實,輝光 利涉大川 日 示不 新 家 食 其

不能也。 亦 而後 未易止 世不幸 大畜,大者有所 剛 ·有「剛健篤 健」言其神武、能威能 미 有盛 畜 有奸雄作焉,惟大人 以行 也。 德矣, 實、輝 止健之事,不然, 健者,武勇奸 制畜也。 而又「剛 光日 新」之盛 F 制 能 雄 畜 之徒 ൬ 正 則 健 尚 健

輟,則 新故; 中虚光 止 之,又尚賢,不自任 旨 日新, 實」言 有 雖明又未必大明,或誤釋,或偏見 復言篤實,又言光輝日 無二道。 無新故則常一 如 言之不足,故再言之,非二德也。 日新」,常新 如 畜 其 不 剛健 日月之光輝,敷散宇宙,而初無心焉。 此 不及,則 ,德之未盛 明,故不得不合此數 日 有 其 盛德,又以 明,神用四發,發於云爲變化也, 曰 新 意無 日新,又日新。」意有起 誠一 無二道,則曰 篤 故 實,皆所以 能 起 而 不二 常一 正 咔 者不足以 不故,湯《盤銘》曰: 行 畜健者矣。 剛 則無 無 其剛,尊賢諮 剛 則常 在 作 新 明 健 剛健 上,得 輟 新 ? 篤 臨之; 輝光 語 故。 實,非 德之盛。 足 以 則 人心未明, 利勢以 明其 矣,何必 日 無 止,則有 、新故。 謀, 新,亦 门則掛 :「苟 有作 輝光 難 雖 也 備 於

天在

Ш

中,大畜。

君子以多

識

道,無 大川」。 道,故以全盡之者爲大正。 能 爲,非應乎天。 意,有毫髮意、必、固、我者,皆未免於人 不能也,故曰 德行正道,又養賢尚賢, 終難止健,故曰「利貞,不 正無大小,惟德之未盛者,未盡乎正之 奸雄亦得以窺之,亦不得而止畜也。 賢之輔,雖大智或有所不及,不尚賢則 尚賢,亦非全德,雖堯舜之聖,猶資衆 勢,則亦不足以臨之, 全,亦不 天下之善德, 苟不剛 尚賢」而「養賢」,賢無家食 止畜 不盡矣,故可濟 健者, 至於利涉大川,非與天爲一者 ·足以 「應乎天也」。 臨 則德非大德,正非 之; 健,猶未爲盛 大險,故 剛 德盛 則畜止健者之 不 也。 家 荷失其正, 在 得位,苟 有毫 食,吉」。 上 既 大正。 髮私 利涉 有大 一德之 無 聖 不 利

> 前 往 行,以畜 其德。

有間」。 德, 雖 之代明。 不相悖」,「大積焉不苑,深 差萬殊, 識之畜,皆德之所 而未繙, 剛 一貫,雖學不可以不博,前言往行,千 洞觀會同,「如四時之錯行,如日 健 角 山 孤陋 有是 中 小者之事耳。 實 萬物並 有 ,輝光日 天, 而 有 寡聞,坐井而觀天,汔至 非,有偏有全。 育 所 畜,皆易之道 而 畜者大矣。 新」之大,此 不相害,道並行 而 過,●茂 萬善萬 也。 卦 又 明 已 月 道 名 而 明

初 不犯災也。 九,有厲 ,利已。《象》曰:「有厲,利已」**,**

臣 加 不進。 下有危厲之道。 大畜之時,上之人以 已,止也,止則不犯災矣。 初 九 未 剛制 得 似利於止 畜臣 下,

記》作「通」。

一 三 〇

也。九二,輿説輹。《象》曰:「輿説輹」,中无尤

往往於此有怨尤,故此明其道。「説輹」,中無怨尤之心也。其失道者,時,則當如輿之説軸輹,不可行也。其二已居位,當上以剛制畜臣下之二已居位,當上以剛制畜臣下之

興承上衛 難於免禍。 之交,有變之象。泰三已言「無往不 九三上承六四,陰陽有相得之象,則九 畜之世,上方嚴制,雖合志不可往 復」,此爻「良馬逐」,已有不制畜之象。 三可以往矣。大抵卦至三爻,居上下卦 利艱貞」者, 謹之也。 艱貞」 上下之情未通 而 謂防衛無致上疑。 既艱既貞,又「日閑輿衛」, 已,則「利 ,則有制畜之事。 徒謹 有攸往」。 而或失正, 「興 (衛」無 以大 也。

可往也。《象》言「上合志」者,明未合志,則斷不

「元吉」,有喜也。 六四,童牛之牿,元吉。《象》曰: 六四

攸往。《象》曰:「利有攸往

九三、良馬逐、利艱貞。

日閑輿衛,●利

有

」,上合志也。

之道,非其本也,然足以止健。奸雄不矣,而止曰吉,不曰元者,以剛制乃適變能制物,有含藏之象焉。得止健之道、松豕曰豶。牝,陽也,五之象。牙

書》有「武功爵十一,二級曰閑輿衞」之文。
●「日」、《經典釋文》作「日」、釋曰"「越音。」《茂陵中

衢」,道大行也。上九,何天之衢,亨。《象》曰:「何天之上九,何天之衢,亨。《象》曰:「何天之善得肆其毒,福及天下,故曰「有慶也」。

亨也。 方嚴,忽焉亨通,故驚喜 不待制 下一心,同由乎道,乃道之大亨也 何」之爲言 大抵事終則變, 天也,尚須制畜,非道亨也 畜 而 ,驚辭也。 上下之情 上 通 九 大畜之世,制畜 達 居 和暢之象。 卦之極,有 何天衢之

III 艮震 上下

頤,貞吉。觀頤,自求口實。

之時大矣哉。也。天地養萬物,聖人養賢以及萬民。頭也。天地養萬物,聖人養賢以及萬民。頭頭,觀其所養也。「自求口實」,觀其自養願,真吉」,養正則吉也。「觀照,貞吉」

養之而已,無所修治也。「養正則吉」,觀卦六畫,宛然如頤。頤,養也。

賢則 明之? 同? 異,故比 疑異乎天地之養萬 者,自古無之。「聖人養賢以 地養萬物」,天地之養,即人之養,知天 也。 以 則不昏矣,不昏則人與天誠未見其 地則知己矣。 法以教之,使先觀人而後觀己也。 己,庶其易省也,人多不自覺,故聖人設 之所養,故曰「觀其自養也」。以彼 非則省己而懲之。「自求口實」,乃省己 得失,故觀頤先觀人之所養,是則効之, 當修治、苟亦養之、是養成其不正、不可 已 養 正則養之而已,故「吉」。《易》曰:「蒙 可以養民矣。 正 人多不自知己之非,而精於知人之 雖 三才一體也,人 ,聖功也。」其有 而 天下人其養皆與天 言之。 理人養民,乃先養賢, 何獨聖人之養 物, 君不用賢而能 不正 (自昏 而孔子不 地 焉,則 也,知 及 同。 萬 與 以 民一, 養民 其 何 照 地

時乎! 十四 變化 已,頤以口實奉養,不可得 之時乎! 於此 曰「時義」,亦非有義之可索也,姑 以及萬民,然 萬物,義 所修治,義 也 帝則,不知 「義」,亦無義之可狀也。究義之始, 而索也。 有所修治,義 義」曰「時」,皆不可索,未始不同,是謂 厥始; 日 卦亦如之,三百八十四爻亦如之。 云爲。 又慮 不特 大矣哉六十四 亦不 人必 無義可 頤 日一 不識,是謂大易。 亦 誠 究義之終,莫得厥終。 爲然,六十四 示不 得 不 亦 可 亦如斯而 索 頤之時大矣哉」。大哉 可度思,矧 丽 可 不可 索,故唯曰大矣哉頤 謂至大 頤之義,乃不 索也; 得而索 得 卦之時乎 已,義亦不 加 矣。 卦皆然。 也 索 而索也; 聖人雖養 미 也; 無思無 頤者養 射思」,六 曰「義」 天地 ·可得 養 孔 之 腎 無 ൬ 日 其 養 頤 而

> 《象》曰: 節飲食。 哉」之旨矣。 知萬,不必每卦每爻,既言而又言也。 書不盡言,時 山下 舉 亦 有雷,頤。 發之他 隅 以 卦,亦 通 君子以慎言語, 隅,即一以 屢發「大矣

輕肆 言語 之光明如 放,言語始輕脱,今也慎其言語,言語 善自正,自神自明,惟因物有遷,始昏 之止,不縱其所欲也。夫人之本心, 止。君子之飲食即 而内心得所養矣。 始放,飲食始不節,今也節之,則欲 而内心得所養矣。 山 即雷之聲; 有止之象,雷有聲 初 矣。 去其害心者,而本 雷之動,而節之即 慎 而謹之,即山 因物有遷, ·
而動。 君子之 ,始昏 心 始 之 不 Ш

「觀我朵頤」,亦不足貴也。初九,舍爾靈龜,觀我朵頤,凶。《象》曰

龜能引氣自養,不假於食。「朵

欲以 靈之 其所 頤 舍靈 性性 謂貴矣。 龜 爲養,凶之道也。 П 明其本有良貴,今觀夫朵頤, 一、不假 、觀朵頤之象。 實充頤之狀。 初九以陽應六四之陰,有 外養,乃舍之 《象》 初 九 自 而 日一 有 慕 亦 陽 人 則 不 之 明 利 失 足 至

曰: 六二「征凶」,行失類也。 六二,顛頤,拂經。于丘頤,征凶。《象》

凶 資 日丘 m 於丘 0 比 初九之陽以爲養,是謂「顛頤」。 類 可往也。 之象,而 多 二五於位本相 言其非經常,「拂經」未有凶也 以上養下,順也。今六二以上 常 求頤,六五居艮山之中,有半山 相 有 與, 如 曰「失類」。 天下人情 征,往 此者。子曰君子「定其交 兩陰之情不相應,故「 故有「顛 也。二五雖本類 應,而今不應,則 頤」之象。「 事 陽 丽 六 征 拂 陰 而 反 倘

> 区。 頤 面 爲 後 六二 利 求」,今交不定 震 體,有 動 而妄求,故 而 上求於丘之象。 不 應 而

《象》曰:「十年勿用」,道大悖也。六三,拂頤,貞凶。十年勿用,无攸利。

爲順 之上,動之甚者。 無所利也,又曰「道大悖也」。 相 不可用。 拂頤之正道,其凶 似 動,非所貴 則爲順,豈紛 六三不中, 十者,數之極,言終不可用, 也。正 已有失道之象, 夫謹言 動之謂 可 則 知矣,雖 語、節 爲 乎? 順,與 然則 十年 飲 而 天 震 亦 六 地 桂 則

咎。《象》曰:「顛頤」之吉,上施光也。六四,顛頤,吉,虎視耽耽,其欲逐逐,无

也 同 初九之陽以爲養,是謂「顛 而四獨 四 六四 既資初以 陰爻,不能以上養下, 吉者,四 養,四 [與初 雖上位,其 IF. **涇**頭」。 應,不拂 與六二 而 經 反 資

光。 咸服,故亦有尊榮義。 乎私意,有光之象。 及物,如日月之光。 情以上資下之養爲屈 咎我以無禮矣。《象》曰「上施光」者,人 如不然,挾貴挾勢以資初九之養,彼 於初,1相親 人於是正之曰此乃上施之光也,義當資 何辱之有? 小人以爲辱,聖賢以 如「虎視耽耽」然,而 聖人多以「光」一言明無思無 之誠 有如 惟 此雖下賢,亦不 此 辱,乃其私也,聖 不動乎私 者 其志欲乃迷 「則無 咎 意者人 爲 爲 將 動 而 其

曰:「居貞」之吉,順以從上也。 六五,拂經,居貞,吉,不可涉大川。《象》

變,故戒以 故 正不變,則吉。 日 「顛 一拂經 六五上資上九之養,其體 頤。 一居 L___ 特 「貞」。 非其 以本非正 然陰盛 經 以陰資陽,正 常,疑不能 方資於頤養,未 進應,非 其 順,故不 也,居 經常, 久而

> 賢而已。六五艮體,有止定居貞之象, 六二震體則反是。 可遽然大有所濟,故曰 六五之貞,不在乎他,在 象》 日 「居貞之吉,順 以 一不可 乎 從 順從上九之 上 也」者,言 涉 大 闸

頤厲吉」,大有慶也。上九,由頤,厲吉,利涉大川。《象》曰:「由

之有? 故吉。 之位,又以六五好賢柔順,有順從之象, 象,故曰「由頤」。 隨之,有舉天下皆由上九而得 危厲之道,而上九以 上九有公師之象。 觀時物之宜,雖 舉天下咸賴之,故曰「大有慶」。 以人臣 陽明之德,居公師 濟 一陽在上, 而居盛勢,❷雖 險 可也,何危 其 養之 四 陰

[「]居」,四庫本作「舉」。「迷逐」,明刻本、四庫本作「迷迷」

⁵⁸⁰

弱也。 大過, 往」,乃「亨」。 棟橈,利 剛 過 大過,大者過也 。大過之時大矣哉 而 有攸往,亨。 中,巽 而 説行。 棟 橈」,本末 「利 有攸

弱,俱不可不往而修治其 心一無所偏私,一由中道 以致本末弱?「剛過」,用剛之過 二五有中之象,巽兑有巽説之象。 不忤,説而能和, 如湯、武之征伐,周公之誅 上言「大者之過」,此又明用剛之過者 小人爲小。 利有攸往,乃亨」者,既以棟橈本 棟橈」? 棟橈則本末必弱,無過則 ,不即敏改者矣,故聖人警之曰「利有 其橈也。 陽剛爲大,陰柔爲 大者亦 人情亦有雖 不失天下之心乃可。 過 小。 知過,復循 也, 過,扶其 而行,又巽而 管、蔡,而其 無過則 君子爲大, 其日 (弱而 末俱 循悠 何 也。 何

> 思也,不思以此不思也, 視以此視也,耳聽以此 傳》「百姓日用 能出不由 變化云爲也,豈不大哉。 由之,餘人不 明則爲聖人,故曰「一以貫之」,又曰 僞,萬心則爲奸盜 咎,不知其幾,而 聖人特發祕以示之也。今夫六十四 三百八十四爻,其間情僞凶盜,邪 何也? 可以言大,而 往,乃亨」。 此蚩蚩横 户,何莫由 由也。 聖人亦贊之曰「大矣哉」, 而 雖 無非 不知」,不曰: 目萬言之所未知, 大者 通乎此,則人之 易之道,特以 明則爲智爲賢,大 斯 聽也,心思以 變化云爲,以 既 道 有 也 過矣,疑 -0 惟聖賢 《易大 此 目 過 此 則 誰 不 而

象》曰: 無悶 澤滅 木,大過。 君子 以 獨 立 不

其木,是謂大過,有非常大變之象。 甚卑,木甚高,今澤乃過之,滅没

三五

楊氏易傳

子 無懼,自無悶。 身焉無一毫悶鬱之意,「遯世不 子一於爲 意起而昏。 無悶,亦大過人之道 不悔」、《中庸》篇「惟聖者能之」,則遯 無悶」,明 命,如「見幾 處 菲 常大 子已 人,不復隱遯,故繼 變之中, 面 作」, 在 有不然者,乃因物而 危 則亦遯世 難之中,則義 獨立 也。道心虚明,自 而 不懼, 之 ·見知 若 將 當 遯 疑 終 世 授 丽 世 君

茅」,柔在下也。初六,藉用白茅,无咎。《象》曰:「藉用白

物薄, 柔而 而在 茅,何咎之有? 慎之至也。 無所失矣。」《象》曰 用白茅」之象,在大過卦則成過於謹 在 下,又 子曰:「苟錯諸地 而用 下。 四陽 可重 凡百尤宜敬順。 實而 也。 「柔在 慎斯 在上。 而可矣。 下」者也 術 初六有「藉 也以往,其 夫茅之爲 白茅柔 藉之 一,初 慎 物 六 用

之象。

《象》曰:「老夫女妻」,過以相與也。九二,枯楊生稊,老夫得其女妻,无不利。

剛 者,取其相與之情,爲宜過以 順、剛柔相濟之象。《象》曰「過以相與」 用剛雖過而能降心濟以柔於道皆順,故 氣和而生。 稊者,楊之秀。 故取以爲陽象,「枯楊」又有陽之過象。 無 過而 不利」。 楊者,陽氣之所易感,其發生也 濟以柔之義 老夫雖過陽 九,陽也,二陰,有陰 枯楊而生稊,乃陰陽之 而得女妻亦順 相與,又有 早, 和

可以有輔也。九三,棟橈,凶。《象》曰:「棟橈」之凶,不

也。 剛,過而不中也,故《象》曰 之象,而反居上六之下,是棟橈 棟之所以橈者無 九三與上六爲應,九三陽 他也, 「不可以 以 奇, 九 曲 而 有 有 棟 用 下

輔」,言其剛過自用,不謙柔以受人之

言,故曰: 不可輔也。

之吉,不橈乎下也。 九四,棟隆,吉。有它吝。《象》曰:「棟隆」

又言之。

又言之。

九四與初六爲應,九四陽奇,有棟
九四與初六爲應,九四陽奇,有棟

婦士夫,亦可醜也。譽。《象》曰:「枯楊生華」,何可久也? 老九五,枯楊生華,老婦得其士夫,无咎,无

極,故 婦 華不能久,行衰落矣。 至於華則極矣,極 華異乎稀,華雖亦陰陽和 有將衰之象,故曰「何可 九五反居下,士夫也。老婦得其 必衰。 上六陰而上,老 四 陽 ൬ 久也」。 至 後生, 一於此

> 類歟。 之過 譽」,又曰 大過,剛 士夫,則老爲主,其義則柔陰爲主,爲 ௱ 剛 陽頓衰,安能有爲? 故曰「無 「亦可醜 反柔,雖 也」。生華不久,其此 無 剛 過之咎,而 懲 柔 創

涉」之凶,不可咎也。上六,過涉滅頂,凶,无咎。《象》曰:「過

授命而 也。 聖人正之曰「無咎」,又曰「不可咎也」。 也,故曰「無咎」。 而見利忘義者得志矣。 過 沙波 「過涉」,濟險 功不 X 頂 丽 加 濟,險之至正 濟,亦有後 又咎之, 古者有 也 則 丽 丽 鄉原之道行 志之士,見危 滅没其頂, 議其非者,故 也,不可咎之 X

数 坎 坎 上 下

習坎,有孚,維心亨,行有尚。

《彖》曰: 習坎,重險也。水流而不盈,行

三八

險之時用大矣哉 險 地險,山 而 有尚」,往有 不 失 川丘陵也。 其 功 維 也 王公設險, 心 天險, 亨」, 乃 不可 以 以守其國 剛 ,升也 中 也

心遇險 也。 信,其 所 其信,迹 於八卦乎? 言 桂 矣, 至於再 卦有異道也,六十四 也 而 亦亨者,非 除餘 以 至 雖 於 明 不 習坎,重險也。 十十文 心安能亨? 大抵有志於善者, 重 而 言, 百千萬 雖 懼 險則難,故 道 義,自不 深 何 在 遇 也。 「習坎」之義,何 懼而 得其 也 險 險 險, ? 得乎道 難 丽 甚 道 有能 猶 亦 必言重習也。 而 非 聖 桂 則 成矣 不失其 心 不 卦 亂 同 皆能 險 則 在 亨, 可 特於 此 惟 其 險 重 亂 也 言 履其 義 一道,而 坎言習 德 信信 險 中 則 坎 也 者 難 猶 或 而 、初險, 不 初 乎人 非 其 心 失 不 習 能 其 心 險 失 即 況

> 之中 明其 所以 隨 矣。 甚者 子曰:「周 山 艮 十百千 況於「重險」乎? 也 道 昏昏者衆 如 義 亦 太 可 道 爲坎。 言異 以 夏《 道 重 虚 而 可 險猶是 心 連,艮 以 險則 然,險 萬 不亂者,有 也 易》 無 乎德者 險 言連,今《周易》艮 ,昏則亂,昏 體 而 人心 亂,惟 日《連 圃 不 也 不 道 難 無 · 爲 重 不亂,故 可言連、取 則 何 本孚信,亂 體 邪世 不 人人 能 盛 Щ 百 則 0 險 亂之? 德 \approx 昏 甚 千 易 小水 不能 所 以 於 也 而 皆 者 萬 猶 亂, 有 坎 常 重 義 遇 險 是 流 則 亂。」當重險 道 明 艮 不言連者 日 險 此 猶 不 則 也 身則 失之。 丽 習, 爲首, 者 道 輒 同,立言 是 無 不盈 無 亂 心 也 有體 不 猶 所 雖 體 不不 孟 則 通 以 歷 是 而 而

[「]難」,四庫本作「離」。

[「]於」,原作「遇」,據四庫本改。

^{→ 「}矣」,四庫本作「全」。

乎著。 亨也。 不善。 之時用 險 下之大公也。王公所設之險,即天地之 也,所以守國 郭溝池之固之所設也。 陵,王公設險以守其國」,險之義 險非善也,而「天險不可升,地險 功,不往則險不能出,何功之可尚? 畏於匡,而弦歌不衰,是遇 者,身固 人情又概以 「行有尚」。言往濟其險,則險可濟 ,聖人比而言之,明三才之一 則 則身不可言亨矣。 坎 (大易之道也。天地之間,何物非 半山曰丘,大阜曰 既在 重險 日 險 不可 「大矣 不 ()險爲 不得而 險中,則當求濟 能 也。 得 陷, 而 哉」,所以 不善,聖人於是發明險 守國所以 亨矣。心 亂,「剛中」之名於是 故常亨。 孔子厄於陳蔡, 王公設險非 陵。設險則 破人心之疑 重 安民 則無 其險,故 險 言「維 又未 Щ m 體 也,天 體 心]1] 加 也。 始 丘 私 城 有 無 難

> 易? 神自 易? 不 矣哉,六十四卦之用皆大矣哉 時大矣哉,有孚心亨大矣哉,行有尚 則無不一。 ___ 一而紛紛矣。 明,自無所不 何事 何 人心亦未始 用 非 非 意動則昏,昏則亂, 易? 易? 自不昏者觀 一,有體 何 不 理 未 一,人心 始 非 -易? 魺 不 之, 不 無體 亂 重 何 險 則 無 時 大 之 自 體 自 自 非

習教事。《象》曰: 水洊至,習坎。君子以常德行

也 教者貴熟, 常德行,在我之水洊 人本不昏,意動則昏,不昏則未始不常。 熟,熟則常。 水 則游至,德 一暴十寒,何以 「習教事」,在人之水洊至 行本 至 也。 常, 善俗? 人心既 香 則 不常。 習則 放,

坎」入坎,失道凶也。初六、習坎,人于坎窞,凶。《象》曰:「習

凶。 險,而又「人於坎窞」,「失道」故也,故 其道。 初六居下,故於習坎又有「人容」之 坎 (),重險 今居「習坎」之中,不 也 一,居 **一**險而 能 出 惟不能 出

得」,未出中也 九二,坎有險,求 小 得。 《象》 日 「求 小

0

六三,來之坎坎,險且枕,人于坎窞 象》曰:「來之坎坎」,終无功也。 未出中也」,言未出 二在險中,所求 一險中。 僅 一小 得 象 勿 用。 **>** 日

也。 贵 于坎,不獨枕險,又人於坎窞,六三陰險 也,外亦坎卦也,故曰「來之坎坎」,無功 「勿用」。 中,失道 《象》曰「 六三來則入坎,之亦入坎。 過之道? 但一切勿有 所 終無功也」,及六三又自枕 致。 然小人既以陷於此, 聖人 所用,則所 八於是 亦 教之日 謂失道

不盈

」,中未大也

九五,坎不盈,祇既

平,无咎。《象》曰

六四,樽酒 之心熄,庶 簋 乎免矣 貳,用缶,納 約自 牖 无

《象》曰:「樽酒

簋

貳」,剛柔際也

之興起,即「納約自牖」之道也。 心而啟之,以爲是心足以王矣,齊宣爲 牖 從君心之所明者,納誠以咎之,則君臣 虚中,毋實己意,一觀夫君心之如何。 哉? 然上下方交際,六四當 之道焉,君臣 柔交際,君 明,君臣益和,終無尤咎,險可濟矣。 明通之象。 貳」陰耦。 酒 養陽, 臣 一德一 相親。 食養陰,故「尊 孟子因齊宣不忍於牛之 九五陽剛,六四 己離 心,何險之不可 内卦,有濟 一用 酒 陰柔,剛 缶」,缶 陽

平險之功。 九五雖得 而坎 中道 亦「不 陽 盈 不 一,祇 陷 於陰, 適平 而 有

「日月麗乎天,百穀草木麗乎土,重

也。日「大中」,得道固有大小深淺之不同日「大中」,得道固有大小深淺之不同中之未大也。《同人》曰「得中」,《大有》已,雖無咎而無大功。功之未大,由其已,雖無咎而無大功。功之未大,由其

《象》曰: 上六失道,凶三歲也。上六,係用徽纆,寘于叢棘,三歲不得,凶。

于叢棘,三歲不得」之象。
小人,處險難之極,故有「係用徽纆,真者,上六因陰而又陰,險而又險。陰險上六失道,與六三同,而禍又甚焉

離離上下

化,無 神自 未始不 也。 子以自昭明德」。 明德,惟君子能明之,故《晉·象》曰「君 易之道者,實不識 人之中庸無忌憚」,是故 窺迂似,放肆顛倒於非僻之中,故曰「小 用,無所不通,意動 能,則人雖有明德,又以能明爲善,故 明者也。 矣,無不同者易也。 因 明以麗乎正」,一也。 百穀草木麗土、重明 重明」。 離麗,指其同 明, 三才無 不皆妙,無 重明而 同,則 六通 重明,本明而又明也。人皆有 人心非氣血 非易,而 四闢,視聽 萬 不失貞正,則不入乎小人 ...者以開人心。悟三才之 物、 不中正。 惟君子明之, 衆人不 日月、百穀、草木、重 故 今徒 麗 萬事、萬理無不同 況於重明乎? 離者,易道之異名 昏,一日覺之,自 ,無形體,虚明神 IE. 重明之卦,利乎 言動,心 其有小人 ,而不知其 知日月麗天、 思 略 爲 日

默應默 此德性 皆正 之無 《易》者當悟斯旨,勿執 於四 也; 明之正化 也 明則不失德性之本明矣,麗乎正則所 不 自 天下,則 磨滅也。 力化,不 言,亦多此 通 一南自北 矣。 道 可 「重明」而不失正,即謂 設 忌 測 海, 孔子於《孝經》,以孝悌言之, ,明德達而 化矣。 惲 識之妙。 教 ,惟昏故愚,其本有之德性 重 可以 無所 天下同然本有德性,無不 今也上之人重明麗 也。 而 明 ,無思不服」,非人力之所能 類。 則 天 以 權 得易道之正 不通、《詩》云「自西自 下 化成之道,通於神明,光 夫天下之人心,不可 觀・ 麗乎正 布于天下矣。 術 離 服矣。」道化之神, 化,惟可以德 卦陰 彖》曰 , 非 柔居中,離 其辭。 作 Ē 之麗 □「聖人 正,達而 人人皆 意 則 人之 化 而 無 義 一、未嘗 即重 默 誠 附 不 爲 以 以 行 中 爲 感 有 行 有 讀 麗 亨 重

> 象也 也。 Щ 僻,不倚不偏不邪,非道 其無所倚, 失中正 不能亨者,未之有也。 柔 體 一則亨。 麗乎中正而後爲「畜牝牛」之吉 也 0 無所偏,正言乎其不流 體之柔者, 中正 者道之異名,中 難 而何? 「牝牛」,柔之 以 致 亨, 得 乎 於 言 惟 道 邪 平 不

四方。《象》曰:明兩作,離。大人以繼明照于

之物, 實狀, 體。 也? 曰「麗澤」, 《坎》曰 作猶 \wedge 繼 聖人知繼 雖 震 「水洊 明 爲 日 **>** 曰「洊 本一 兩, 獨 也 至」、《艮》 《離》言「明」不 明兩 以 德 明 雷」,《 發 之義 故 繼 爲離,立言之常也 口「明 明 爲大,而 巽 日 之義, **>** 兼 日 兩 Щ 言火,何 -實 兩火 」,《兑》 隨 無二 明 風」, 無

有明德 方乎? 動。 堯不 況所知之一,未必果知乎 無思 道 不昏 而 言一中 意爲人心,意不作爲道心。 發繼明之義。 不必贅起其意。 惟 能 香 無 虚 総 知此則失彼, 而 精惟一 正」,重明之告猶未甚 惟 也 爲,自無所不照, 丽 明 能 舜告禹 能 繼 意 光輝 文王 也。 総 一」,道 動 也 「繼明」,猶重明也。 四達, 而 曰「人心惟 作好 若日月之照臨 昏,故不 知一則失十百千萬 舜濬哲文明,舜不昏 彖》以言「重 心不繼, 作惡,則昏則失。 如水 有思有 繼。 鑑 而況於照四 危,道 不精一 一著,故 明 如 ,以文王 堯聰明 爲則意 日月 心 人皆 此 而 也。 復 兼

初 錯」之敬,以 九,履錯 而 意念每如 離 爲 然,敬之,无咎。《象》 辟咎也。 火,火性 是 躁之性 一躁。 履, 也,於其初 行 也 日 : 也 然 敬 履

> 咎矣。 炎躁之象爲 之,勿遂其錯然之過,則 而論 排 取 義 離 麗 易道 離 明 無所 之 義 不放不逸,免 不通,不可執 又發 離 火 於

得中道也。六二,黄離,元吉。《象》曰:「黄離元吉」,

異名,亦曰大,其獲大吉固宜 倚,有所倚則有所偏,皆不可以言中。 而名之曰中,其獲「元吉」固宜 意皆不作,自然本明本神,自不 無窮,黄中之道亦無窮。 於躁,是爲得中,故曰「黄離」。 故曰「黄離 「黄離 黄, 中也。 0 離, 離,火也。 明也。 離,麗 明 也。 有火之明,不人 加 凡有意則有 麗乎中道 不失乎中 , 元亦道之 凡離之事 偏不 倚, 一,故 所 凡

嗟,凶。 九三、日昃之離、不鼓 此爻又取 《象》曰:「日昃之離」,何 離爲日月之象。 缶 而 歌, 則 可 大 日 也 耋之 過 中 ?

則憂, 則是 散。 思道矣。 其性猶是也。 之生如日之東升,壯 將老之象。 衰或散, 氣爲己。 性本無體, 血 亦猶是也。 之異,其光明一 日之昃,死如日之西人。 日昃之離,何 氣 愚者執 懼其無己也。 則有聚散,非 爲 固 性如 中,三 平 性 不足以 氣 衰 時固自不立己私, 非氣血 日月之常明, 可久 血 則 也。 老死,血氣之衰散,其性 一爲過 老, 以爲己,故壯 動其 也」,庶乎愚者懼 Ú 生者,血氣之所聚, 明者知性 老則 如日之中天,衰如 中。 氣 無形體。 心 日有東西出 形體,則 死 也。 日 則血氣之或 之爲己, 則喜,老 也。 不執 有形 無 血 體 聚 而

九 四, 》曰:「突如 突如 其 其 來 來 如 如」,无所容也。 焚 如 死 如, 棄 如

六五

,大君也,柔

而

在

上。

九

四

乃

地 也。 如 以 下之所共 死 炎 之間也 如棄 《象》曰 上之性 憤 如 大義 「無所容也」,言無所容於天 」,謂可以焚而 、爲躁, 之所必 突然 誅 死、死 故 而 來 而 犯,天 日 棄之 焚

六五之吉,離王公也。 六五,出涕沱若,戚嗟若,吉。《象》曰

心之所共憤 弱非剛暴之君也。 於不失其位 下之大義。 五. 公之 以 柔弱莫能制,惟「出涕沱若」,又「戚嗟 而已。 柔懦 心 六五大君,爲暴虐之臣 位 憤 也 特甚 ·, 則 其臣之逆而 」,離,麗。 然亦吉者 ()故九 而吉。 君者,人心之所共戴, 人心 ,難保其吉。 未必 四終於無 而九四以臣犯君, 《象》曰「六五之吉, 以 ,何也? 共 如 其 誅之也。 麗 此 所 共憤之甚, 王公之位, 容,六五 君臣 陵, 而 終 柔 天

楊

氏易傳卷十

咎。《象》曰:「王用出征」,以正邦也。上九,王用出征,有嘉折首,獲匪其醜,无

他 此則雖用戈兵,人無怨咎。 之,苟不逆命,即吾類也,宥之可也。 正邦也」,明王者之征,所以 折其首,不及其衆。 征,上合天心,下合人心,宜其有嘉 征伐,非王者之本心也,不得已而用之。 下之不正也。 極,事至於極,不得已而用之,所以正天 《洪範》八政,師居其末。此爻一卦之 兵之象而言出征,備明離卦之變義也。 堅也。戈兵,其性鋭也。 也,非行其私忿也,非黷武逞欲也。 離爲甲胄,爲戈兵。 以至明之王,行不得已之 非吾之醜類則獲 此爻取甲胄戈 甲胄,外剛 《象》曰「以 正邦,非有 而又 如 而

___ [71]

Ŧī.

楊氏易傳卷十

宋 慈谿 楊 簡 敬 仲

兑 艮 上 下

咸,亨,利貞, 取女吉。

感人心而天下和平。 貞,取女吉」也。 應以相與,止而説,男下女,是 物之情可見矣。 咸,感也。 天地 感而 柔上 觀其所 萬 圃 感,而 物化生, 剛 下, 以 「亨,利 天地萬 聖人 氣

歟? 相與 之象,九三之剛,有自 ,艮止兑説 觀卦之象,上六之柔,有自 加 亨利貞歟? 剛 下。 説 剛柔 出 變化之神歟? 艮 E 陰陽,二氣感 而 止 者,其咸之道 下之象,是謂 下 應 而 以 升

> 物化生,聖人 兑少女居上,男下女之正禮也。言乎其 信者, 之道 地之 也 以 貞 禮則男下女,言乎其義則止而説,一也, 中之萬象,水常止 説」,言乎止 也,男女之相 不然則小不 皆正也。 鼓琴,二女果,若固有之」,止而説 歸妹,天地之大義也」。艮少男居下, ? 也、吉也、天地之感也。 而 感 乎 相 爲二,止與 應 何止 神不可 人心皆 感 相 如此娶則吉,不然則不吉, 而未嘗不寂 與 百人而 説 而 吉,大不然則大不吉。 測 感,即 圃 感 间 不 説 説合 終 雖 人心而天下和平」, 動 九十九也! 有 矣, 圃 感 止 丽 君 此 萬 而 應 又説 邪 ? 民 然也。 丽 妙, 象自 爲一也, 面 之相 一天 爾, 遂通,自 而自不 今日 動也,如 止 大哉 地 歸妹也, 感 如 止 水 寂 而 説 天 應 而 何

心之所同然者 知天地萬物之情 亦然,惟此感應之妙,變化之 下萬 亂,一日感之,則 應, 和 此機者,則 平。 自 物之 爾。」人心自 和 志有之: 自 情皆然。 ,則知己之情, 止而 平矣。 固有之 説, 善,自 聖 何獨 何獨 人 則 機 先 神 能 而 萬 忽 自 感 圃 愚 而

也。 初六,咸其拇。 《象》曰:「咸其拇」,志在外

亂矣。「君子以虚受人」,非

虚

爾。

因愚衆

神。

物?

天地

心 ?

舉天

發,默感默

明,惟昏故

面

不

·動。省

心

丽

天

下

之象。 也微,故不及吉凶 咸爻取 一身爲 其拇 感動者、「志在外也」。 象,初六最下, 其 有 拇

六二,咸其腓,凶,居吉。 凶,居吉」,順不害也 《象》 티 : 雖

也

而況於他人乎?

「不識

不知」者,文

無

也。

此其神

也、雖聖人不能自

知

也、雖視聽言動之神、

也,不知其所從往

也,心之所以思者此也。不知其所自來

耳之所以聽者此也,口

大易之道在我矣。

目之所以視者此也,

之所以言者

此

王也。

曰「吾有

知乎

哉?

無知

也」者,

孔子也。

三才一也,古今一也,動静一

也,晝夜一也。

山上有澤,咸。

君子以虚受人。

動。 自拇 而 止 斯應, 少升而上則 .道 迫 也 而 動 後起,及其 腓 非 道 人之行,其 也 意 虚 腓 而

焉,氣之所 之窒,故言君子之虚。 本窒而强虚也,不失其本 室,始好己勝,始恥於從人之言而不受、 能受,植己私焉窒其中, 心自虚,自無 澤甚卑,山 闇 圃 感

體

,自廣大

無

限量,意動而

也

氣

虚

故

通,

惟

虚

故

,則安能

受?

則

甚

高,今山

上

而

有

四 E

楊 氏 易 傳

四

八

止 M 一, 亦 爲吉。 則不待感迫而 有居之象。 居,止也。 先動如腓矣。 知動 之非, 能 然 則 艮 轉 體

其股」 九三,咸其股,執其隨,往吝。 」,亦不處也。 自腓 而 上,其爲 志在隨人 股 乎? ,所執下也。 《象》 股 雖不 E : 至 咸

斯應。 者,其中虚 處 舜之舍己從人,非隨人 全無主本,失道從人,「所執下矣」。 咸感之道,雖戒躁 如腓之先動,而亦非静止者,故曰「亦不 也」。 「執其隨」,執此 然亦志於隨者,「志在隨人」,則 處,止也。 丽; 志在隨人者,窒闇 動,矜去己私,①感而 加 股專於隨 往,良可羞吝。 也。 人而動,故 舍己從 而 夫

往來」,未光大也。 九四,貞吉,悔亡, 「貞吉,悔亡」,未感害也 憧 憧 往 來, 朋從

> 能無 形體 從之多,不可 之,雖貞正亦未光大也。 擾、「憧憧往 九 又謂若是者爲樂,於仁義禮樂之中,又 仁,又謂若是者爲義,又謂若是者爲禮, 正,雖可悔亡,苟於貞正之中,意念擾 未達於外,故「未感害」。 而 而虚 物然,故聖人去心之名,庶乎己私之釋 曰「未感害」者,意 四又陰闇,明未純 而 四 悔,而 居中, 不明 之神著矣。 ,惟有虚明,而亦執以 初 拇 日 二腓, 陽明 正當心象。 來」,則隨其所思而 心者,何也? 勝紀。 万貞 九陽明,有貞正之象, 三股,五 雖 正,其悔終亡。 一,意不能不動,未 動 或意謂若是者爲 爻辭亦言心之所 而未發於言行, 脢, 言念念動,朋 心非氣血 夫能 爲己私,若一 輔 勉 「朋從」 《象》 頰 加 非 貞

明刻本、四庫本作「務」。

冬温 誠然 爲有, 或以 意。 也; 直心爲道, 各曲 心也。」舜知此心之即道,故曰「道心」, 之四病「毋意,毋必,毋固,毋我」,又曰 有知乎哉? 貞,不勞外索,不假思慮。 此,或以爲彼,意慮紛然,不可勝紀。 有得 心之精神是謂聖」。 Ē 夏 爲 意 篤 而非意也 而若是,亦「未光大」矣。 乎「一以貫之」之説,又亦 折支分之, 意度 敬,此 清, 、静,或以爲 以若是者爲一 心誠 君 或以爲合,或以爲分, 事長,此 意動 出告反 然 無知也。」又每每止 心 別則差。 而非意也。 誠 先意承志,晨省昏定, 動, 然 面,此心誠然 心 不 孟子亦曰:「仁,人 丽 誠然然 一,若是者 愛親敬親,此心 可 非 或以爲 勝 意 孔子曰:「吾 而 紀。 如水鑑 也 非 無,或以 光 ൬ 或以 非 不 意 一絶學者 於 大之 免乎 中之 也 非 是雖 應物 意 爲

> 以貫之。 而有間」, 萬象,如四 積馬 丽 不 是謂變化 -苑,並 時之錯 行 行 而 云爲,不識不知,一 如如 不繆 日 深深 月之代明,其 而通,●茂

上六,咸其輔頰舌。《象》曰:「咸其 四 敬,交錯泛應,喜怒哀樂,云爲思度,如 慮 末,爲言卑之也 無用,雖無悔而 時之錯行,如日月之代明。 ,無營爲 心之上口之下 之所 非 大道,故 何謂 雖 Ė 感 大道 脢。 而 無 日 ? 脢 應 「志末也 者, 孝悌 雖 輔 静 無 忠 頰 思 而

輔頰之中有舌,爲言感人,以言不由乎上體之上惟輔頰舌,有咸感之象。

舌」,滕口説也。

●「通」,原誤作「道」,今據四庫本改。

滕 説 也 三,鄙之也

震 巽上下

已也。 與,異 《彖》曰 天 於其道而天下化成。 利貞」, 恒,亨,无咎。 m 能 而 「利有攸往」,終則有始也。 可見矣。 久於其道 久照,四時變化而能久成, 動, 恒, 剛柔 久 利貞,利有攸往 也。 也。 皆 應,恒。 天地之道 剛 觀其 上而柔 八所恒 恒「亨,无 前 一,恒 下 聖 天 日月得 久 雷 地 人久 而 風 萬

不

相

皆相應, 作,率常相 不 下,得體之正,得理之常。 長男而在上, 巽長女 之象,初六之柔,有自上 相與則 觀卦之象,九四之剛,有 如 不和,不和亦不能恒。 此 與 則可 而 恒矣。 動,不 而在 而 忤,六爻 下,剛上 久者必亨通 下之象, 然上下 自 雷 下 之情 剛 又 動 而 而 風 柔 H

物之情

也,不 不昏, 也; 貞」, 才 亨亦 未正 時之相 終窮矣。 恒久之道。 恒久不已, 後爲道,而 天下,而 雖 有遷、意動 日 介 亨 雖終,後事 月 者容 體,豈 則「利有 無 尤 通 四 得 可知 則未始 咎 咎 又 時 推 莽非 天 猶 或 必 變化 而 也,無 而 而香, 終則有始」,無窮之道也。 後 必如天地之久,而後始全 不 三才未始不 循環 未 正之,蓋 無 能 復始 貞 不一。 爲 攸 爲 實 而能 貞正。 咎 未 久 正。必亨、無咎、利 往」, 久於道也。 然。 體 而後裂而 無 照」,初無深義之可求 而 ,如日月之代明,如 可 也, 端 久 後 也。 不拂乎人情 而無所不通,無 人心之神,不可 「恒,亨, 誦 (成」, 可。 而 莫知其鄉也。 王 莫 也,惟人 爲三也,不 莽功德 亦無 其 通 知 天地之道 未 無 己 無 深義之 免 咎 極 於 貞 者 因 矣 測 物 所 遷 平 滿 JL 此 利 而 亦 而 爲

之所 地 恒」,所恒即所感,知所恒即所感, 所感之情 於上,而天下默 地,即天下之心。 爲道,全心爲道,即日月 成」者久成也。 温 而 人,一也。 口 恒 雨 萬 二、其 則其化也淺。 ,其聲音之自、動作之自,不可 不恒 知 未盡乎久,未 索 涼之變化 不終日。 恒 物之情 能 也 雨之自,不 也。 一, 亦 爲 是道 得 哉? 不 其音 所恒自有所恒之情 此 也。 天, 昭然矣。 知感。 其 也,至 盡 應默化默成矣,豈人力 日 麗 惟聖 聲 不 故 미 聖人運天下同然 月 久照」者 乎天 乎久則未精一,未 則 恒者皆 知 日 今飄 即 不恒 苟 人 人 也 神化。 也。 四 久 久 四 一不可 以 風不 其 形 時, . 時 馬 於其道 爲所 也 四四 變化, 照 「觀 動 四 終朝, 知者,未 ,其風 也。 感自 則 作則 . 時 時 知 其 之機 不 則 即 亦 寒暑 即 不 之 精 天 所 有 聖 天

> 象》曰: 謂 非 得 之,不可得而見也, 即風雷之至也 非 子以爲未始 恒 而 此,六十四卦、三百八十四爻之情如 不 不 不易 而 通 之未始或動,其孰 恒 可 心思之所及也。 則 聞 知 卦有此象,此人情之 雷 無所 知 道 者, 方 也。」夫哀 風天下之至動,疑 雷風 其 也。 亦 未 不 發 或 恒。 其 始 恒 其 動也 此之謂 而繼之日 虚 不 樂 名。 恒 君子以 日 化 孔子曰「哀樂相生」,],此非 不 日 恒 也。 亦 傾 可 立,此之謂君 不 天地萬物之情如 未 耳 見、不 :「正明目而 可, 咸,皆其虚名, 訓 知其自未始 立不易方 始不 所 不 而聽之,不 詰 甚 未始 可 之所 疑, 以 恒 可聞,其 言恒 或 Щ 此 君 口 視

恒」之「凶」,始求深也。初六,浚恒,貞凶,无攸利。《象》曰:「浚

此

之謂

雷

風,此之謂

不可

以

動

静論

楊氏易傳

始求深入,多由貞正之人,執正義 應。浚,深也。遽求深入,雖貞正亦凶。 意、必、固、我,其爲害道也。 主一説,天下之大用也。 之急也。 者其退速,其於人 正猶凶,猶無所和,●故孔子止絶人之 未深,而遽求之深,則彼將 求之深,皆不 天 下 易之道不如此,惟時惟變,不 萬 .物,皆有其序。不由其 可也。 八情則 其於事則 相與未 用小道者,雖 不堪,將莫之 久,相知 其 而 進 爲 鋭 mi

d)。 九二,悔亡。《象》曰:九二[悔亡],能久中

純 非 有 不善,豈能 悔亡。 臣 一,有悔,能久於道,其悔終亡。 道之恒,有悔之道,今也能久於中, 九二 善未嘗 其在進德,九陽二陰,駁雜未 以陽明之臣,事陰柔之君。 無悔? 不 知 ,知之未嘗復行。 然能「久於其道」,至 顔子 既 有

曰:「不恒其德」,无所容也。九三,不恒其德,或承之羞,貞吝。《象》不無違,違則不無悔,而益久當益亡。於「三月不違仁」,則悔亡矣。過三月雖

五

禽也? 九四二 也。」不恒不信,無所容於天地之間 矣,亦吝。孔子曰:「人之所助者,信 不「承之羞」? 雖中於貞正,既「不 恒久之人,尚不可以 田无禽。《象》曰: 九三不得中道,而陽性多動。 作巫 久非其位,安得 醫, 則 何 不能 往 恒 而

六五,恒其德,貞。 也。 得禽? 言無功 久非其道」也。 非其位者,非其所 四,陰位 也,今以九居之,「非其 也、言其徒 婦人吉,夫子凶。《象》 既 非 · 其道 也。 久而 一,雖久之安能 非其所,謂 無成也。 位

「和」,四庫本作「利」。

「婦人貞吉」,從一 而終也。 夫子制義,

從婦凶也

終也。 德而 也。 故無所不通、無强無懾。 著,初不用毫髮之思慮。 應,無所不 剛健無所不通之德, 無非變化之神,此聖人之道也 德未成,弱質未成,六五之「恒其德,貞」是 凶 是也,故婦則吉。 静之象,而 也。 惟養德之成者,氣質盡 未剛大者,如六五之「恒其德,貞」 六五亦得中道,且得静正。 至於「夫子」,則當「制義」,當有 道心中虚,何剛 通 專應九二。 ,而知剛知柔之德,隨時 以婦人之道,從 而專静柔從, 天下固有静 剛健柔 何柔? 氣質之拘者,養 化而爲天德 虚名泛 順之德 六 ,則爲 有柔 一面 正之 而

上六,振恒,凶。《象》曰:「振恒」在上,大 功 也。

无

振, 振 動 也。 震卦之上有震象。●

> 其終而 也。 懼 患。 未純 功也」。 夫初 立 子獨於顏子稱「好學」者,此 順,七十從心所欲不 其至如此也,故自「十五志學,三十 四十而不惑,五 5六始而 孔子聖人而發憤忘食者,何爲也? 得道則吉,失道則 一,殆未 猶震 凶,凶 動 遽求「浚恒」則不可,今至 至於凶,故悠悠不學也,孔 一道也。 其恒,未純 踰 十知天命, 學者於此 凶 矩」,而其功大 ,甚可畏也。 未 一,則「大無 萬古之通 丽 進 耳 於 而

乾 上下

遯,亨,小利貞

應,與 彖》曰: 時行也。「小利 遯,亨,遯 而 貞」,浸 亨 也。 圃 剛 長 也 位 遯 丽

E, 原 作 「古」, 據四 庫 本改。 下「震」, 四 庫 本

之時義大矣哉。

故君子 擾。 姦狀 施,亦 耳 謂 不可 陰 可 往、聖人於是乃曰「遯之時義大矣哉 於貞正之道矣,以 猶居位 小人争, 口 皆以 故 形容之辭 夫此時之義至大也。至大者,極其不 盟 而 爲 處此 制 聽 小 正 百出, 亂政日 可 陽 則 爲 一明目 也 當 爲 之,不可得 小人浸長,君子好遯 也。 取禍之道 往往 君 山 遯 心 見 也。 方是小人浸長,君德可 而視之,不可 猶 遯 陰 曰「小利貞」,則亦不 可 不 則 四 雖 聞 應,與 孔子曰:「哀樂相 ·無動 滋,君子方遯,事情 小人浸長,乘時得勢, 陽 丽 也。 亨 寡 也 通之道 雖 一,孔子 聞。」夫哀 勢則 於意,隨於 時 多 一勢則 偕 得而 剛 日 内 行,隨 一不遯 一,雖擾 當 不 來 樂相 位,君 見 外 可見不 也 ·大利 事 宜 則 知 也 而 擾 子 與 面

> 哉」之道也 言,及此 狀 慮之所及爾, 之未爲詳明。 之語,堯舜「執中」之誨,常疑 之言也。 者自知之, 所解也, 謂 已詳矣,復加焉 非 其 某自弱冠左 惟 思 口 可 慮 見 訓詁之所言耳, 及微 曰「大矣哉」 之 可 所 聞 覺 及 右,讀 乎 光後,始 也 ? 則 非 孔 惟 此 而 知前 先聖 矣。 子 非 心 非 不 訓 口 通 聖 啟 詁 則 内 復 思 之 告 加 明 之

之也 然不 神自 後世 子以權術 動, 明,由 ,而自遠自嚴,此 君子如天,小人如 此 遠 君 無 待小人也。 子,皆 中心 遯 爲 小人之一 而 自不 而達,自 同此 ·惡自 人心 易之道也,此非 道,則 義爾,非 Щ 無 [嚴自] 無我 適 君子未嘗惡 呵 於 遠 不當, 無 謂 也 體 何 桂 使 寂 君

之義盡於此。

尾」之厲,不往何災也。初六,遯尾,厲,勿用有攸往。《象》曰:「遯

是民其後,言乎遯之遲也。初爻而是居其後,言乎遯之遲也。初爻而是居其後,言乎遯之遲也。初爻而是居其後,言乎遯之遲也。初爻而是居其後,言乎遯之遲也。初爻而是居其後,言乎遯之遲也。初爻而是。

曰:「執用黄牛」,固志也。六二,執之用黄牛之革,莫之勝説。《象》

柳下惠當之,居人之朝而隱,人稱其和,與小人並處,非遯者,故爻辭不言遯。陰,有柔順之象。二正在內卦之中,正之物。二居中,有道之象。六與二皆黃,中也。牛,柔順之物。革,堅固

是爲柔順,而「不以三公易其介」,是故是爲柔順,而「不以三公易其介」,是故是爲柔順,而「不以三公易其介」,是故是爲柔順,而「不以三公易其介」,是故是爲柔順,而「不以三公易其介」,是故是爲柔順,而「不以三公易其介」,是故一動,即化而爲小人矣。

吉」,不可大事也。曰:「係遯」之「厲」,有疾憊也。「畜臣妾,九三,係遯,有疾厲,畜臣妾,吉。《象》

係於小人之象,故初 初六雖遯之遲居後,而 不忘利禄,有戀係之意 而九三陽爲君子,雖知義 有疾厲」,明其已得自有患疾。 三與二比,九陽與六二之陰 止 無陰陽 ,故曰 一於厲。 7所當 「係 遯 相得、戀 而 《象》又 一,而尚 相 九三 遯

忠 賤者,畜養於人者,❶戀 可施之於大事 不能決去也。 日 愛其主,則爲吉也。 有疾憊也」,言其 也 其曰「畜臣 此至賤之義,不 而 妾,吉」,臣 不思去,則爲 無 剛 毅之德 妾

子好遯,小人否」也。九四,好遯,君子吉,小人否。《象》曰:「君

皆當遯避,小人與小人乖違,亦當遯,小 小人不能遯之象。大凡人情之乖違 子則好遯 溺於利 則不能遯也。 四已入外卦,有「好遯」之象。 而 ,故不能遯。 吉,若小人 九四與 初六 則不然也, 相應 此 謂 然 者, 君

以正志也。九五、嘉遯、貞吉。《象》曰:「嘉遯、貞吉」、

剛當 已 得 位 九五 而浸長,位猶在下,猶 而 爲遯之嘉者。 應 非早遯者。 何謂 小人之勢, 須命 嘉? 而 九 應。 雖 五

> 行。 志不正者多矣,斯義詎可不特省? 言,故并發之。 於爻爲急急,此事變之大者,故不得 九 長,己位莫安,陰相結納, 重復而 五 雖欲 《彖》既言之而此爻又發其象者, 廢也。 遯 加 義 又貞吉之義、《彖》所 自古大臣知小人之勢 猶未可去 永固其 ,猶可 隨 位,其 時 不 未 以 筮 而

利」,无所疑也。上九,肥遯,无不利。《象》曰:「肥遯,无

疑之迹也。 疑」者,無可疑之迹也 陰相應也,故無 遯最早,與 肥遯、若爲一 小人一無相 所 卦之善也斯舉矣。 不 利。 ,無與小人相涉 涉之迹,不與二 《象》曰 | 無有 其 可

楊氏易傳卷十一

● 「人」,原作「父」,據四庫本改。

楊氏易傳卷十一

敬仲

震乾上下

大壯,利貞。

《彖》曰: 之情可見矣。 「大壯利貞」,大者正也。 大壯,大者壯 也。 正大而天地 剛 以 動, 故

甚壯; 壯, 天下之柔者,不能 子三十而立之後, 面 不 動,亦無由 陽爲大,陰爲 在德 大壯在天 在國 則 爲得大道,剛健變化。 則爲君子以 見其壯。 地 壯 有 小。 則 惟 不 爲 可 DП 君子爲大,小 剛故壯。 下卦乾剛, 摇 類 陽之長,陽 奪之壯 進,其勢盛 也。 剛 孔

服 德雖 剛壯 皆道之虚名,道之異名,人自有二,道無 是又闡明正大之道。大與正 大正 世 勢之剛壯。 者名 知其 德也。 桂 子之道雖長雖盛壯,苟其行有不正,則 小人得以 壯 交錯,變化云爲,名之曰 屈,不可得而窮,於是名之曰 所 -震 一世所 大而 ,故當世尊信,壯 殊 而 謂 不可屈,不可窮,故又曰 動,天然義見, 其在德也 孔子謂悖德悖禮 道心 演同。 道 不出於正 候其隙,執其短,君子反受害。 不出於正,縱心於規 家 、鄙賤,非大壯,非大正。 忤人傷物,取禍之道也。 無體,神用 者 其 流 亦然,能 ,非道德之剛壯,乃氣 曰利貞者,利於正也。 ,間有之,而 故 熟甚 ,雖得之,君子所 無方,不 曰 柔 動。 不 焉。聖 베 初非二物, 能 壯。 剛。 因其動 以 矩之外, 人心 剛 可 孔子 是三 應 不 酬 而 m

Ŧī.

八

也。 之道果 物之情有 易之道,即天地之道,即萬物之道。 止曰「天地之情」,不曰 一,道心 内 心 有異也。 無 明通者,不於此 不 正,故不言也,非天地 心有二。 立言垂教之法,當 萬物之情,以 加 正大之道 疑也。 如 萬 此 萬 是 物 即

伟夏。 《象》曰: 雷在天上,大壯。君子以非禮

敢行 之言 履 行之云,乃爲 其敢行禮義也。」斯言則正 人倦,齊莊 心,正將 (難,而君子行之,故所貴於勇敢者, 一,乃自强 也。 也 君子體壯,以自勝爲强,故「 》云「著誠去僞,禮之經也」。 禮者,人心之所自有,不可 以 《周禮》云「以五 整齊而 也、非强於外也。 行禮 僞 也。《易》 也 不 敢 如 解惰,此衆人之 古所 一禮防 矣,殆非聖 曰「君 稱 或 萬 疑 非 民 君 日 禮 之 莫 敢 貴 弗

> 九, 壯于趾, 征凶, 有孚。 訟。 需。 同 取 其孚窮也 象 矧天人一道,不必執取象之説 君子以飲食宴樂」, 君子以作事 必 與 象 日 是 謀 不 始」,亦未嘗與象 然。 《象》曰:「壯 ,「天與 雲 F 水 於 違 行, 齊 于

初

趾

宜然。 孚窮也」。 孚以致凶 拙貞之人,其忠信可 而 陽實又有孚之象。 遽 於爲,決意前往,征 初居下,有趾之象。 此等人必巧 ,是爲孚信之窮,故《象》曰「其 、黠圓 方在 守。 變之士 往 下, 九有壯 而果決妄發 也,其凶 未 宜 之象。 壯 愚 也 盾 世

也。 九二,貞吉。《象》曰: 九二「貞吉」,以中

貞,正 私焉,故吉。 用 也。 其 **肚**,故九二不言 由 《象》曰「以中 Œ 道 而 行 爾, 1出,惟 也」者,明其 不 置毫髮己 言貞

君子勢雖壯而不用其壯 IE 不作意,一 非二道。 無所借,斯見 二柔 而 中 有 所 不 謂 用 Œ 壯 道 之象。 也 中中

藩,羸其角。《象》曰:「小人用壯」,君子罔九三,小人用壯,君子用罔,貞厲。羝羊觸

壯, 而 羊觸藩,必羸其角」,未有用 故《象》曰「小人用壯,君子罔也」,不復 之所用,異乎小人之用也,君子則用無 用罔」。 言用矣。如其用壯 人用壯爲言,故言「君子用罔」,言君子 未嘗以爲意焉,惟 小人用壯」之象。 九四奇畫,横截其前 以九居三陽, 九三雖益進 益 肆 罔,無也,無則不必言用,對小 益壯,是謂「小人用壯,君子 又乾體之極,又過,有 小人 ,雖貞正 勢雖益壯, 則 , 觸藩 自嘉己勢之 狠 亦属,如「羝 力而能 君子之心 羸 角之 濟

> 輹。《象》曰:「藩決不羸」,尚往也。 九四,貞吉,悔亡。藩決不羸,壯于大輿之

故高真正 決」之象。 復往而進也。 陰以柔居之,用壯不過,非行其 而無阻。 能藩決而 ·柔,其 四未得 吉如此,不特不羸而已,尚可 不贏。 九三用壯,其害如彼。 而吉、故悔亡。 中,九陽用壯,本有 六五居前,耦而虚 大車而壯其 惟其如是,故 (輹,益 私 悔 九四 有 者也 而 可 以 通 濟 四

易」,位不當也。六五,喪羊于易,无悔。《象》曰:「喪羊于

遏抑, 心中虚,無體無我,壯無從 順,五得中道,喪羊之壯,甚易然者。 陽壯有羊狠之象。勢壯用 「位不當」者,亡樂道亡勢,虚中 m 使物 自無壯之可用 用壯 殊爲 也 難 而生也,不勞 也。 故最爲「 (出,人 今六柔 無 信 道

哉? 之也。 我,雖 此爻貞得其道者 其勢則用其壯矣,安能喪羊於易 大抵二五之中,似有得 居是位 有 其 我 八則當其 如 ,以「喪羊於易」而知之 不居是 位 當其 位 也,不 位則 道之象。 以 居 己 其

不詳也。「艱則吉」,咎不長也。利,艱則吉。《象》曰:「不能退,不能遂」,上六,羝羊觸藩,不能退,不能遂。 无攸

也。

咎者 體 遂。 之極 往 則 極 有 吉,不長矣。 [X] 矣,故不 則不能 進退無 艱象。 一,在大壯則 衆非咎,艱 上六雖陰,而 亦有「羝 審詳 退,用 派所利, 其 E 羊 得 則 也。 「不詳」者, 壯 觸 時 然能克難則吉。 居卦之極, 壯之極, 不 得 者 藩」之象。 用其壯矣,故轉咎 觸藩之患,在 勢、故 必不濟,故 極壯極震 止於咎厲 虚 他 不 氣 柔 能 土 壯

離坤上下

《彖》曰 大明, 庶,晝日三 晉,康侯用 柔 進 接」也。 而 晉, 錫馬蕃庶, 上行,是以「康侯 進 也。 明出 晝日二 地上, 接。 用錫 順 而 麗 馬 乎

於 尚 治 虎 伯 諸侯皆仕於王 隱。」惟安康之世可進,故 君 明矣順 不明,則不能 己德明而 上,言乎人臣 國? 進。 蔽, 故 與九侯、鄂 亦同朝,周 孔子曰:「天下 「柔 E 矣 何以 明 後可 進 明 而 順 有 而 治天 侯同 自治,何 亦多用諸侯輔政。 知 順, 以 之臣, 麗,非大明之君, 朝,商紂之時,文王 上行」,上行者, 己 進 下? 皆 爲 德之不 m 所以 有道 商 丽 以 輔 朝之三公, 明 又麗 啟 其 曰「康 则見, 明晉之道 山 而 君 其 未順 不 君? 也 乎 自 侯」。 大 其道 離 則 無 明 崇侯 明 亦 以 己德 道 其 何 出 也。 行 難 明 古 地 西 則

也。 蒙君眷,禮 之義,而 日」有大明之象。 道行 能 乎君 也。 致 錫 也、故康 馬 馬 應 蕃 有柔順之象。「 侯用此 庶 畫 日三 記晉 卦 接」。 卦 晝 象

(象》曰:明出地上,晉。君子以自昭明

不通 曰:「無有作好,遵 而記 止絶 我」、皆意之類、皆意之别名。孔子每 記之日「子絶四: 以每每止絶學者之意,他日門弟子總 自 鮮 Ŧ 知 ? ,惟 意象不作,而本神本明之性,自 於此,此萬古學者之通患。箕子亦 學者四事,門弟子不勝其紀,故 之路。」孔 人皆有识 而能自昭 人心自神自明,自廣大,自 因物 明德 有遷,意動 子又 而 圃 求 毋意,毋必,毋固, 王之道; 自知者鮮。 無 曰:「天下 蔽者又鮮。 而香。 無有作惡, 孔子 自 · 何 思 無 知 何 何 總 而 所 每 毋 所 者

> 《象》曰:「晉如 咎」,未受命也 初六,晉如 所不 度? 三月不違,久全乎輝光日新之本德矣。 不明之瑕,亦未可謂能全其明,故 自明,而未保其常明。雖變化云爲,無 信者,不許 可謂自昭之道。 未盡仁者寂然不 本明,何假 無他,何意之有? 恙矣。變化 日月之代明矣。 通,而與物交擾,其間不 是謂自知,是謂知及之。 摧 僞而已矣。 求索? 六通四闢,何假 云爲,自如 如,貞吉。 摧如」,獨行正也。「裕 孔子又曰 惟既明 ·動之至,是猶有或蔽 何思慮之有? 罔孚,裕无咎。 不許不僞,實 四 而常明,則進 時之錯 「主忠信 能無 此雖 亦 无 未 而 計 直 能 如

如」之象,言其見摧抑也。一進一退,皆九四離性炎上,不應乎初,故又有「摧初六與九四爲正應,故「晉如」。而

咎尤。 難 其職 受命,無官守,無言責,甚寬裕 其 不見信,即不得其職,即當去。 (外物, 乎免於人之咎議矣。 而不去,是戀 行正也」。 如已受命,有官守,有言責,則一 不足爲 意,但自行 雖不見孚信 固利 禄,公論所不容, 其 一**,** 而 IE 也 信不得 則 初六未), 故 無

母。《象》曰:「受兹介福」,以中正也。六二,晉如愁如,貞吉。受兹介福于其王

也。 無不獲吉,故受大福於其王母。 應之象。 而六五不應,故「愁如」。 作 王 福 六五陰 一陰有不相應之象, 之 母、大抵王 爻辭,所以備天下之事變,故及此。 六二已進而得位矣,故曰「晉如」。 然而六二得中正之道,中正 祖 而 母曰王母,王者之母,亦 尊,又離 母 者 婦婦 人居尊之名。古 體 知六五之不應 一陰一陽有 丽 明,有王 母母 大 者

> 上行也。 六三、衆允、悔亡。《象》曰:「衆允」之、志

厲」,位不當也。 九四,晉如鼫鼠 承耦比,有「衆允」之象。 無悔者。 悔亡」。 人臣 上九正應,有「志上行」之象。 三有過中之象。 事君,竭力至於過中,似不 ,貞厲。 《象》曰:「鼫鼠 衆咸信之,故 而 坤 爲衆, 能 貞

草》: 居大臣之位 窮。」楊倞所註本《説文》。 能走不能先人。」荀子曰:「鼫鼠,五技 能窮木,能游不能渡谷,能穴不能掩身, 矣,而終於不能有所 亦注《説文》曰:「異乎《詩》之碩鼠。」九 云:「鮖,五技鼠,能飛不能過屋 鼦 進象。 螻蛄,一名鼫 鼠,陸德明云: 、欲有所 四,陰也,有不終進之象。 爲 爲 鼠 以 丽 Ŧī. 輔國安民者多 姑 一技鼠 吾鄉 許 止者亦多。 i 慎《説 ,能緣不 也。《本 樓尚書 面

澤,乃 《象》曰「位不當也」。若是 任 固 之矣,有危亂之道也 非好邪,然亦危厲,於本職有闕,禍將及 而不得,以 」, 則 事君,使天 如 鼦 稱其 不 鼠,夫其才智不足以當天下之重 可以居 職。 其所居之位不當如是也,故 下之民無一 大臣之位 今也欲爲 不被 而不能,欲進 者,雖貞正 大臣 堯舜之 者 當當 而

《象》曰:「失得勿恤」,往有慶也。六五,悔亡,失得勿恤,往吉,无不利。

言也。 恤 欲其所爲,必多疑二憂慮,故勉而進之 終於能進而有爲,故「悔亡」。夫柔懦而 一失 陽 一,憂也。 (失,不可必也,而遽使之勿憂,必曰 也。 六有懦柔之象,五有動静之象。 得勿恤」,言不必以失得爲 夫其所爲,其間 人君陰柔而懦,有悔之道,而 但「往吉,無不利」,亦誘進之 曲 折 萬狀,其得 憂也。

> 喜小慶大,君之所及者大也。 能周盡 有慶,兆民賴之。」《易》凡言有慶有喜 不同,故隨宜以啟告之。 六十四,爻三百八十四, 之書也 曲 ,聖人因 無不利」者,何也? 折萬變之理?《詩》云:「一人 以 通之, 使 因 一爻之辭,豈 事變情理之 歸 《易》,占 於道 卦

吝。《象》曰:「維用伐邑」,道未光也。上九,晉其角,維用伐邑,厲吉,无咎,貞

Œ 伐邑」,自治 爲吉。雖攻己 大體則吉,雖爲貞正,亦異乎蒙之「養 攻治其己也。 也,上窮不已,維可用於改過。伐邑,自 亦未光大。 」矣,故吝。 角者,上窮之象。 己之外,皆不可用,則其道 自攻治己過,則窮治不解 吝者,小 太急, 亦恐 疵 天下事不可 亂而 不堪, 言「維用 然 窮

■ 坤離 上下

明夷,利艱貞。

也。内難而能正其志,箕子以之。順,以蒙大難,文王以之。「利艱貞」,晦其明《彖》曰: 明入地中,明夷。内文明而外柔

已,不知即大易之道也。 退,義有未可去者。 明,●謹而 明夷之時,利於克艱而不失貞正。 文王之蒙難而已,不知即 明,外則柔順,以蒙大難,文王以之。 志常正,箕子以之。 坤 下 離,明人 夷,傷 不敢發也。 也 地中、是爲明夷。 ,明德見傷夷之卦也。 居乎内難之中,其 人知箕 惟尚乎艱,不言乎 大易之道也。 子 · 居 内雖文 難 晦其 m 上 知

用晦而明。《象》曰:明人地中,明夷。君子以莅衆,

惟其中不失其明,是非賢否不可亂。莅 莅衆之道當隱晦己德,詢謀從衆,

大易之道無二也。有「用晦而明」之義也,其義不同,其爲者,所以明不一之義也。明入地中,亦衆之道也,非明夷之道也,而聖人乃云

于行」,義不食也。不食。有攸往,主人有言。《象》曰:「君子不食。有攸往,主人有言。《象》曰:「君子初九,明夷于飛,垂其翼。君子于行,三日

《象》曰: 六二, 故曰 攸往」,是謂不垂其翼,主人將有言矣。 其間,苟彰彰然著其引去之迹,是謂 其去迹,使不見其飛也。 遽去,不可速也。 明 「義不食也」。君子初未嘗置己意於 明德見傷,引而 夷於左股」,言傷不至甚。 夷,夷 六二之吉,順以則也。 于左股,用 「三日不食」,義當速也, 去也。 居 拯 「垂其翼」, 内難之中而 馬 壯, 左不如 古。 「有 隱

▶ 「晦」,原作「悔」,此引《彖》解,當作「晦」,據改。

其速則吉。六二之所以雖傷而 自柔順 中,其行其止,其久其速,自不失其則, 失其吉者,順以則 中,引去宜速,左股既傷,用拯壯馬以 一五多有得道之象。道心行乎患難之 力尚全,右 而不忤。 股 可 也,不失其道也。凡 以 行 也。 居 不甚、不 内 . 難 佐 之

九三,明夷于南狩,得其大首,不可 象》曰:「南狩」之志,乃大得也 疾 貞。

地。 以教之,歷三紀而始變。《象》曰「南狩 之得桀紂也。 也,此聖人之大得也。 也。道可以大行於天下矣,此聖人之志 之志,乃大得」者,不在乎位也,在乎道 周之治商頑民,知其深染,不可速化, 夷傷,今乃變 離,南方之卦。「得其大首」,湯武 大抵内卦之極多有變。明德 而「南狩」。 舊染汙俗,不可疾貞, 南者,亨通之 之見 寬 故

> 《象》曰:「入于左腹 六四,人于左腹,獲明夷之心,于 」,獲心意也 出 門庭。

矣。 之象。 不知。曰「獲心意」,言其人之巧也。 已遭出逐,未悟其奸,往往多墮其計 腹,深得其心。彼明德者多醇正,往 徒如六四者,乃致其巧,乃深入明夷之左 德遭夷傷而退,至四已出門庭,而 夫其傷 坤爲腹。 九三奇畫爲阻,有門庭之象。 明德者,小人也。而小人之 四陰邪不中正,有 在 入左腹 中 外 往 卦 雖 而

之貞,明不可息也 六五,箕子之明夷,利貞。《象》曰:

日: 上六,不明晦,初登于天,後 難而失其貞者畏難, 箕子不死又不去,居難 」,一息則入於不正矣。 初登于天」,照四國也。 箕子居大臣之位,故有六五之象。 故 而不失其貞。居 曰「明不可息 人 「後人於地」, 于地。《象

失則也。

禹告舜曰「安汝止」,舜告禹 荒」。凡是深知聖狂之分,其端甚 以「無若丹朱 之變類之也 象,故聖人發此 一」,益曰「儆 古人所以兢兢業業者以此。 ,微動其意,則如雲氣忽興,日月昏 此心常安,則常無所不照,一不安 坤 卦之極 戒 傲」,舜告禹以 「惟聖罔念作狂」,禹戒 義。 無 虞」,又曰 初明 有「後 後 晦, 曰「惟精惟 **一**無 「惟精 於 亦 怠 明 惟 舜 夷 無

異離上下

家人,利女貞。

《彖》曰: 夫婦婦,而家道正。 焉,父母之謂 男女正,天地之大義 家人,女正 也。 父父子子,兄兄弟弟 正家而天下定矣。 位 也。 乎 内, 家人 男 八有嚴君 Œ 位 大夫 平

> 作忠」。 然? 也。 擾,如雲翳日,如塵積鑑。 者,邪僻之習錮之也。 晨,惟家之索。男女之正,天地 亂,多由 欲求天下之正,是無源 父子子,兄兄弟弟,夫夫婦婦,而 義」,亦何愧? 清明在躬,其謂「男女正」爲「天地之大 何思何慮」,箕子曰 心,晦昧者以思慮爲己之心,故紛紛 山 可遊庭,出 不念,不 男陽爲天,女陰爲地,斯義 「女 正 桂 而或者歉然自以爲 好惡、思慮 辭惟言「利女貞」,深明家 女禍 而天下定矣」,其家之不正 位 可 必 此 擁 不謹。 乎内,男正位乎外」,女不 父母,一家之君也。 画。 萬 世之通患,治家者 「無有作好」、「無有 牝雞無晨,牝 謹之之道,莫尚 作,而本心 加 人心即天地 欲 孔子曰「天下 不足以 水流也 之大義 豊 無體 與 雞之 不 道 之 平 擾 此 昭

根本而欲求枝葉也。

物而行有恒。《象》曰: 風自火出,家人。君子以言有

勇。 又自 傳,誠有不令而行之妙。 雅,子弟亦儒雅; 長上寬厚者,其子弟必不多急。長上儒 之長上敬恭者,其子弟必不多傲; 言自有物,行自 人,初不在諄諄告語,切切檢防。 「行有常」,非設飾之行。 以至字畫相似,氣貌畧同,神化心 心出。 風自火出」,風化 「言有物」, 有恒。誠心之足以 長上武勇,子弟亦武 自言行出,言行 非無 誠心善道,則 實之言。 其家 化

志未變也。 初九,閑有家,悔亡。《象》曰:「閑有家」,

未變 而 治家之道,當防閑其初。 悔可亡矣。不曰無悔,而 閒 之以 ,禮,使 邪 解之 意 及其 無 日 心 而 志

> 興辭,然則難乎言無悔矣。 明淫,以周公之大聖而不能免管、蔡之 「悔亡」。以帝堯大聖而不能免丹朱之 亡」者,以治家之難,難乎無悔,故止曰

六二之吉,順以巽也。 六二,无攸遂,在中饋,貞吉。《象》曰:

饋」。 巽」者,妻道之正也。 從而不問邪正也,故曰「貞吉」。「順以 道惟在中治飲食之事耳,故曰「在 則順正,一也。 可遂事、未嫁從父、已嫁從夫、禮 六二居内卦之中,妻道 妻道雖 柔 順,不可失正,非一於柔 爲夫則制義,爲 也。 妻道 也。 妻 不

嘻嘻」,失家節也。 吝。《象》曰:「家人嗃嗃」,未失也。「婦子九三,家人嗃嗃,悔厲,吉。 婦子嘻嘻,終

厲,然終吉。若「婦子嘻嘻」然不肅敬,「嗃嗃」,過於嚴也,故有悔,亦危

三重剛過中,有過嚴之象。則終吝。悔生於大過,吝生於不足。九

順在位也。六四,富家,大吉。《象》曰:「富家,大吉」,

有家」,交相愛也。 九五,王假有家,勿恤,吉。《象》曰 不吉; 十心, 金。 至 也 此語屢驗。 六與四皆陰柔, 無財 順 德二三,動罔不凶。」 則 市 和 針 《書》曰:「德惟 和 則 十人一心,有財 富。 而又巽體,柔順 諺云: . 動 「王假 十人 图 市 之

盡 庫 之智力,安能撫愛天下如一家? 天下爲一家者也。 假 一胡 愛也」。 大之道自吉,孔子又從而 能 大之道,故聖人釋之 假,大也。 周之? 惟君民交相愛之心如 於是不敢作此念,不能 王者大有其家之道, 或者往往憂慮一人 日 詳 勿憂恤也。 釋之日 一家爾。 雖 「交 竭 以

> 之占,反身之謂也 上九,有孚,威如,終吉。 我」,又曰 也。《書》曰「不自滿假」、《詩》 言其 心也,不言其人,人衣 「假哉皇考」,皆取大義。 《象》曰: 而 食, 日 假 如 威 家 以 如 溢 人

道,非 威也。 位,非 有 之效,久斯見矣,●故曰「終吉」。 夫不用威而如威,其初未見其齊 難乎其齊,以嘻嘻爲吝,故以威如爲吉。 善心誠實,人自信服。 「威如」之象。 九三重剛,故有過 用威於外,反身修德,人自信服。 重剛也,況居巽,故上九之剛,惟 德威無他,惟誠 雖不用 孚,信也。 嚴之象。 心於善而 威 而 如 威者,德 威如之 上當 一信服 已矣。 家道 六

楊氏易傳卷十二

●「久」,原作「九」,據四庫本改。

楊氏易傳卷十三

木慈谿楊簡敬仲撰

離兑上下

睽,小事吉。

《彖》曰: 地睽 上行,得中 同居,其志 加 而其事 其事 睽,火動 丽 不同行。 類也。 同 應乎剛,是以「小事吉」。 也,男女睽 睽之時用 而上, 説 而 澤 麗 IIII 動 大矣哉 其志 乎明,柔進 而下。二女 通也 天 萬

之義。兑、説也。離、麗也、明也。和説睽之象也。然卦象之中,亦有「小事吉」志不同行」。女子有行、各從其天,此亦志不同行」。女子有行、各從其天,此亦離火自炎上、兑澤自流下,睽之象。

時故也 此數者 睽也。 甚小; 類。 也。 天高地 五 而 出陰陽之二類,陰陽又不出易道之一 獸草木昆蟲之微,各從其類。 之,告之有序云爾。 男陽女陰,睽矣,而夫婦之至,通和 逐滔滔之徒乎? 聖人亦非不 不信,聖言將不行於世,而 則一者,非合而爲一也,未始不一也。 又 不 五又得 有 忤 昏昏不可遽盡告之,盡告之將 萬物 日同 柔 乎物,而 萬物不勝其睽異矣, 圃 下, 睽矣, 其造化之事 以其 睽之時用,其道甚大,何也? 雖多 日 進 止 中道,又應乎九二之剛。 通曰類,姑以曉天 口 圃 質柔故也。睽之吉,其事 ,不出乎八卦之屬, 以小事獲吉者,以在 上行之象,上行 又附麗乎明哲之人。 類則 通 況 而其事則 通則 、八卦又不 統 下之 亦得 則同 盡 者 多逐 一段之) 聵 聵 m 心告 其 駭 雖 也。 鳥 不 丽

也。 是 乾之所以用 時用大矣哉」。 傳》曰「變化云爲」,至言也,故曰「睽之 哀樂,如 紛,而不昏者自 其中,人 六者,此 酬交錯,如 也,源、流、瀦、派、洑、激 也,根、幹、枝、葉、華、實 變皆在 人之耳、目、口、鼻、四 用 心 聞 而 人唯意動 也。 也。 無 明 爲也,不 其 目 體 也; 物物 雷 此用不 故孔子告子 中, 而 生 霆 四 九者, 視之,不可 其 可 時 風 然則 體 三百八 而 以 不 中, 之錯行,雖未嘗無 則 雨 用者,運用 口 遷, 目 覩其爲異也 此也; 露 以 無 何 鬼 夏 十四 而 心 霜之變化 往 神 際, 自香,自 一肢 得 曰:「哀樂相 見 而思也,不可以 而 行 雖 雖 雖 無 丽 也,不可 爻之九六,皆 其 不一乎 不 際 坤之所以用 不 不 通達之稱。 見 同 同 則 同 [亂,自 也。 終 也; 而 圃 而 天 萬 、喜怒 《易 日 地 化 耳 紛 水 應 在 如 萬

> 孔子曰「天下何思何慮」,無思 耳 心之中,固 可以止則止 父子子、兄兄弟弟、夫夫婦婦,異也。 可 心之中,固自有如此之異 知微知彰,知柔 同 也 而 而 聽 言異亦 彖》已言其 之,不可 異,雖異 上火下澤,睽。 自 ,可久則久, 有 可也,故 得 如此之異用 實同也。 知 (同,此 而 剛一 聞 也 曰「以 又言其異, 君子以 可速 君君臣 可 用 以 而 則 同 同 而 無 仕 非 速」。 而異」。 一臣、父 異 非 而

道

初九,悔亡。 其 天道益遠 馬, 《象》曰:「見惡人」,以辟咎也。 妄見妄疑,妄作妄止,而人心益昏, 由 天 則 而 命而行之,自無不利。人自起 喪馬勿逐, 逸,愈 、禍至。 夫人 不 自 復。 追,「 失其 見惡 御、故 人,无

逐

馬

可

勿

逐

自

謂道心。

言同

也。

道

復」。 陽不應,有喪馬之象。 子,康子不悦,孔子又見之,而不失 心焉則不可。 告之曰「悔亡」、「見惡人無咎」。 美惡累其心,疑其不可見而止,故亦直 人,惟見之則免咎,不見 復,後悔無及,故多 不逐者寡 勿逐」,當自復也。 以辟咎也」,言止於辟咎則可,苟有利 悔亡」,言他日不至於有悔 苟以利心行之,人人視己, 「獲罪于天,無所禱 九,天之道。然天下之喪 得失累其 孔子無利心,故見季 人有乖 逐。 也。 則 聖人 心,疑不 有咎,是又以 睽之時,遇惡 也。 直 初與 如見 《象》曰 一告之日 馬 「喪馬 逐 則 四 而 其 康 肺 兩 能

九二,遇主于巷,无咎。 巷」,未失道也。 致曲 九二與六五 以事者、「於巷」也。 應,「遇 《象》 主」也。 日 孔 子因 睽 遇主 乖 之 于

矣。苟動於意欲,則爲人心,爲利心,爲失道道心行之,無非道者,乃天地之變化也。子以見衛君,無咎也,未爲失道也。由

初有終」,遇剛也。有終。《象》曰:「見輿曳」,位不當也。「无六三,見輿曳,其牛掣,其人天且劓,无初

阻而 駕 劓刑其鼻,鼻者上通之物。 四 六三正應乎上九,不從乎四,四 不相應而 三見傷,不得上通於上九,有「鼻」之象。 上,且傷之矣。 也。 阻 車,牛掣則輿 無 己。 其前,故「見輿 六三與上九 初有終」。 然 邪 近比六三之陰,陽欲得陰, 而九四之陽,與初九皆陽, 不可 曳而不得進矣,不特 《象》曰「位不當」者,言 四 以滅正,睽 正 臨三上,有天之象。 曳,其牛掣」。 應,欲往從之,而 此其所以爲 極 必 陽剛 以 爲 居 而 既 九

剛 宜 其阻 也 所 傷 處 也 之 地 日 不 當,既 遇剛」者,終遇上九之 居 乎 剛 暴之間

《象》曰:「交孚」、「无咎」,志行也。九四,睽孤,遇元夫。交孚,厲,无咎。

賢者之志,所以寡合獨立,非絕物 志乎道,無同志焉故也。 孚矣,雖 其睽也,未相知 以獨行? 睽 下矣,故 孤。 四 與初皆陽,兩陽 居 然初 曰「志行也」。 今得元夫交孚, 睽 乖危 九陽明,有「元夫」之象。 也,一日相知,其心 厲之時,亦「無咎」。 無 無同 相應之象,故 則 道 志則豈 미 也, 行 則交 於 能

曰:「厥宗噬膚」,往有慶也。 六五,悔亡。厥宗噬膚,往何咎?《象》

疑 固 次, 因 有彼己之情,俱 悔亡之義,已見 疑 生睽,遂至失人失賢 無 初九爻。 他 意,徒 失天 以 嘗觀 因 下之 事 人 起 心

> 大利。 故六五當先往 膚,柔脆,六三象之。九二中正,噬六三 民咸賴其慶矣。 六五之君,能用九二之賢,則澤被天下, 而 人之悔亡,不必疑其 疑九二之失正 應,徒因九二、六三有相比之象,故 不從不正。 睽疑之情,六五 五若從九二,何咎之有? 而不往 君當水賢 人有悔。 遂成乖 一有焉。 而後賢從之 宗指 二五 睽,故聖 九二。 本 Ŧi. IE.

《象》曰:「遇雨」之吉,羣疑亡也。弧,後説之弧,匪寇婚媾。往遇雨則吉。上九,睽孤,見豕負塗,載鬼一車。先張之

九二,又「見豕負塗」,疑其上比於九四。 三正 其疑,疑結以 鬼無形,安可載? 有相得之象,見豕首 應相從,以六三居二陽之間,陰陽 上九 睽疑之極,不可告語,本 無爲有。 見 趨下,疑 其「載 六三與上九本正 鬼一車 其下比 二,明 與 於 六

正,和 射。 親比,能守乎正。 意,遂至於此極,百疑釋則本自 本自無事,徒以不明,因迹起疑 羣疑亡矣。明乎天下人事, ,其誠終著,睽 初 六三乃不與 而雨 疑 故 則吉。 張 弧 欲射之, 極 、寇爲 陰陽和則 亦 上九若往從六三之 通 婚媾,不與 ,故後説 而六三正 本自昭明, 雨至,至則 「無事、 ,因疑積 弧 應 而 初 平 四

坎 艮 上 下

用 有 蹇,利西 「不利東北」,其道 止,知矣 大矣哉 功也。 南,不利東北。 哉。 當位「貞吉」,以正邦也。 蹇,難 蹇,「利 也 一窮也。 險 西南」, 在前 利見 「利見大人」,往 也。 大人,貞吉。 往得 見險而 蹇之時 中也。 能

此 卦 Ė 坎 下艮, 坎 Ē 北, 艮 則 東 北

> 之有? 於害 之卦 明,乃衆人之昏爾。 見,安其危 也? 有 西南,窮於東北 之名,智者於是 意未嘗動 昏而已矣。凡衆之心,即聖智之心。 位,可以正 之難,其惟 人」,大人有大德 是故卦「 而止,凡衆之所知也,何能之有? 而發其義曰: 窮之象。 因物有遷,意動而昏,動於利而昏,動 一,爲蹇 而昏,愈動 智者初無奇智,鉤深而索微也,不 利西 而《彖》曰「能止,知矣哉」, 7、故事 而 邦矣,故曰「貞吉」。 夫見 大人乎? 則 惟道爲中,失道 利 坎 南 則 未嘗昏。 其災。 愈昏, 有智之名,非智者之特 良,不 而在 自春之始於東而 西 利 孔子因 南有中之象,東北 則 位 東 蹇者 見大人則可 而聖智則不然。 之稱 衆人於是有愚 雖有險而莫之 北 東 其 則窮 八南西 也 西 利 南 北 中 何 乎? 見 於 險 知 何

見險 我,则 日中。 卦 不 安知爲 必、固、我 有 大易之妙,不 使天下後世 往往礙於險,雖勤於憂思, 也,坎、睽、蹇皆非善吉之卦,凡衆於此 用,其詳釋已見於睽前諸卦。 特此 意、 無 m, 有所 必、固 必, 微起意 至大之道哉? 也,皆大也 止 凡 "; 則 無 日 倚, 則 知 固 無所 山 時 蹇 心焉,即 我, 無無 如坎如睽如 則 以 日 而 有 倚 則 我 爲險難 時義 ,皆易之妙也。 愈蹇 所 ·; 則 香即 窮。 則 偏, 故聖人特明之, 無所 中。 與 則窮。 不中, 有 憂思 蹇之類,無非 非 其 意、 汩於事情。 中。 作 偏 餘 六十四 事 好作惡, 蹇之時 放名之 則 情也。 無 一言之 不能 意 固 桂

《象》曰: 山上有水,蹇。君子以反身修

則 Ш 反 上 諸身,懼己德之未善也,懼 有 水, 蹇 象 甚 明。 君 子 Ë 遇 德 蹇

> 敢怨天 未善 發此義,故於此發之。 之有 也,有 缺 也,不敢 也, 懼己 闕 也 尤人也。 猶 德之猶 有違 有 也 卦解及《彖》未 違 則 而 修 致 馬,不 此 也

上四四

宜待也。初六,往蹇,來譽。《象》曰:「往蹇來譽」,

則宜待也 者不動於利而來,故譽。 於險,來 坎險在上,故以遠險 則獲 響。 蓋 往 者 見利 「往蹇來譽」, 爲善、往 加 往 則陷 來

臣蹇蹇」,終无尤也。六二,王臣蹇蹇,匪躬之故。《象》曰:「王

也。 於利也,安能免夫人之尤議 中 雖蹇之又蹇,終不退 爲君也,苟徒 六二應乎九 五之君, 爲其 身 見 縮 而 人乎 蹇蹇 匪 躬 蹇 之 難 則 故 之

内喜之也。 《象》曰:「往蹇來反」,九三,往蹇,來反。《象》曰:「往蹇來反」,

之象,二陰順承于下。下卦之上,二陰之所喜也,陽陰有相得下卦之上,二陰之所喜也,陽陰有相得往則入坎險中,來則反是。九三居

六四,往蹇,來連。《象》曰:「往蹇來連」,

當位實也。

以中節也。

八五,大蹇,朋來。《象》曰:「大蹇朋來」,
九五,大蹇,朋來。《象》曰:「大蹇朋來」,
不動自實也。實有安正不動揺之義。
在則蹇,來亦連禍。往來皆不可,則當
不則蹇,來亦連禍。往來皆不可,則當

蹇難 道,一以 治之也。 以中 、無我,則 輻 九五 節 湊 中節之。 中者道之異名,無 者,言蹇難 正 而 無 來,其 居坎險,大蹇之中朋來, 所 倚,無 節者,制之節之正之 事衆多也。 雖 所 多,而九五得中 偏 意 無 無 所 《象》 必、無 當 日

> 自足以節制之矣。 之中,如 然無所不 鑑 通 照物, ,是之謂 應 쨈 中。 交錯 雖 靡 居大蹇朋至 不適 宜,

以從貴也。曰:「往蹇來碩」,志在内也。「利見大人」,日:「往蹇來碩」,志在内也。「利見大人。《象》上六,往蹇來碩,吉。利見大人。《象》

大下之事變無窮,不可以一定論。 大下之事變無窮,不可以定論。今內有大下之事變無窮,不可以定論。今內有大下之事變無窮,不可以定論。今內有以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之功而碩大也。上六亦有應以成濟蹇之,以於於於之。

震坎上下

七六

天地 乃得 解 中 利 日 解之時大矣哉。 而 也 雷 南 。「有攸 同解作。 往 險 得 以 往,夙吉」,往有功 雷雨作 衆 動 也。 動 而 「其來復,吉」, 而百果草木皆 免 乎 險, 也。

《易》,因筮設教,因 也。 動, 鬼神之道也。 則 因人之蹇難,思以 明則爲聖人,幽 必得道焉 爲衆,故有得衆之象。夫衆人易得也, 矣,故「解,利西南 知反之者西南,西 ,因卦之象而發之,蹇卦以東北而 則可以已矣,不當復有所往,來復其 動而免乎險辭, 因象發義,啟人心於正 解者,蹇之反。 ,乃得其衆心,苟 既解 則 避 爲 人情引之而 矣,既利矣,既得衆 蹇難 蹇阻 難,有 「南則 鬼 西南之卦爲坤,坤 神,其 解矣。 於險, 不得衆,不利 免 東 乎 、西南 天之道, 道一也。 歸諸 險 聖人作 因 北之 M 險 道 mi

> 變作 則無 於無 往 解功未成,則往而解之,則有 有故往,夙則吉。 無莫者不然,此《易》多吉中之旨也。 在,有所在,則偏倚乎意之所在,若無 之異名。今不復 則合乎中道,故曰「乃得中也」,中者道 意而爲擾,道不當如是也。 解,則已亡矣,若又紛紛不 則 常則吉。 斯 利 而 俟乎復往 濟 ൬ 功,將反 反 百果草 己, 險,道 何也? 之則 夫天 初 無義之可求,而 生禍。 害。 木皆甲坼。 也。 當 下 **◎** 頤 惟 如 而 夙,早也。方解之初, 有 不當往 有 是 彖》已 又動,是其意必 天地之解,則雷 險 此 也。 則 道 所謂 而 已,則是起私 思所以 及 丽 故復平常, 功 已矣, 贊之曰「大 往,恐不止 言之矣。● 乎險難之 解之時, 也,已 由之 有 解 滴

^{▶ 「}彖」,原作「象」,依文意改、

則。 哉 ? 惟知 此 無非 又曰 《易》之言時義者,非可以心思盡也。 大? 之固,每每 平天下,故禹 以此甲坼,人以 風 聞文王之詩乎? 義可言亦此大,無義 三才 運 意、必、固、我,故不省「大矣哉」之妙。 此聽,以 雨 ,則失其止矣。 一,地以 霜 教也」。 「天有四 無知 義理之爲大, 内外, 又不聞孔子之言乎? 何理非 露 此 止絶學者之我。 此 何理之可言? 是道也,天以 也」,又曰「天下何思何 何 此大? 順,雨 事 曰「安汝止」,苟微 春秋冬夏,何義之可 時,春秋冬夏,風雨霜 物 父事君,以此修身治 此言,以 故孔子每 非 「不識不 雷以 則不惟不知 此 可言亦此大。學者 何時 大? 此作,百果草木 此動,以此視, 非 學者 每 · 知 「吾有知乎 此大? 何 止 事 惟 絶學 動 是爲帝 索? 非 .慮_, 其 者 意 不 動 或 有 此

> (象))日 之道哉? 豈天地之道哉? 暴得志,良善無 來之大赦,不問故不故,一切赦之,則 小,荷故爲之,必刑無 三才一道也。 疑者小者,可宥者不必言取象, 亦勉而爲好暴,覬 ,其在君子 其 在 雷 天 雨 作,解。 地, 《書》曰「刑故無小」, 則赦 所安存,於是本善良者, 則雷 以禦暴也。 人之過誤 君子以赦 **TO** 赦 作 也。 而 苟如漢 萬 加 此豈治安 调 於 宥 物 有 以 罪 罪 皆 罪 和 X 以 雖 明

也。 也。《象》曰: 剛柔之際,義无咎

和應,故其象爲「無咎」。初六與九四正應,一陰一陽,交際

九二「貞吉」,得中道也。九二,田獲三狐,得黄矢,貞吉。《象》曰:

獲三狐」,則一無所疑。無所疑,則得黄狐多疑,非疑阻則非解矣。今「田

也。 徒,不爲不 子大聖,其啟迪學者,不爲不至,三千之 學者能通其 也,故又曰貞曰 化皆妙。 之異名,正者無邪之謂。 所以發揮此道 利」,不動乎意,直心即道,曰黄曰矢,皆 往,不支不離,無非道者。 人之所以違道者,以其不直也。 中之象。 所 中 全者無所失矣,故吉,《象》曰 偏,不 所倚,名曰中。 ,爲不疑爲自信爾。 通 道心」。 理 此 爻明學者之疑蔽至切至的,而 可以言中。 矢之爲物直,直亦道之異名。 懼其寖而 蓋 多賢,惟顔子惟月至日至之 坤爻曰「直方大,不習無不 謂意起 解,千無 而已。貞,正也,貞亦道 中日直日 土居中色黄,故黄者 則 人於 一,萬無 必 自子夏、子張、子 無 有 無忌憚之中 Ē 人之得道, 人心即道,故 所 所 用 倚 而得道 『,則爲 其意 直心 得 以 中 之 孔 庸 道 而 則 有

> 孔子無疑,羣弟子皆疑 雖如此言,羣子安知其 尚已」,此豈口 游、 吾無行而不與二三子者,是丘也。」是惟 二三子以我爲隱乎? 江 漢 以 (有若. 以 濯之,秋陽以 似 聖人,惟曾子不可,其言 語 心思之所及哉? 暴之,皜 解? 吾無隱乎爾。 孔子曰: 皜乎不可

且乘」,亦可醜也。自我致戎,又誰咎也? 事也。 禍,亦吝。吝,小疵,有歉 將至矣。小人雖 斯奪之矣。 君子之器,盗斯奪之矣。上慢下暴,盗 孔子曰:「作《易》者,其 解矣,小人道消,而猶乘君子之器,則 曰『負且乘,致寇至』。 負也者,小人之 蹇難未解之時,則小人道長。 乘也者,君子之器也。 邦有道 勉 而猶 勉 於貞正,僅 知盜 居君子之位,禍 歉 乎? 可羞之意。 小人而乘 《易》 可 今既 盗

六三,負且乘,致寇至,貞吝。《象》曰:

「負

时「負且乘,致寇至」,盗之招也。」 斯伐之矣。慢藏誨盗,冶容誨淫。《易》

拇」,未當位也。九四,解而拇,朋至斯孚。《象》曰:「解而

爲也。 應,而 大,人臣之有大功者,皆君之命,不敢自 狹,以其不當位 解 者, 拇 有 初六而 微而 所 解。 在下, 己。 也。 未能 初六之象。 惟 無所 人臣之分, 其 朋 不 類 解, 九四 至 不 其 則 解 之 可 始 ~ 所 平 博 也

《象》曰:「君子有解」,小人退也。六五,君子維有解,吉。有孚于小人。

夫 能 解 惟 ? 拇 退則爲有解 解 矣。 Œ 君子得位 孚,信 小人反是,爲不正爲私。 能 君子之解,有孚驗於小人。 也。 解 ,小人不退則亦安能無不 ,無所不 惟公爲 有孚,可信驗之謂 能 解,異乎九四 解,有道者爲 小人不 也。 乏

退,則安能無所不解?

利。《象》曰:「公用射隼」,以解悖也。上六,公用射隼于高墉之上,獲之,无工

退,而 之有? 成器 也。 也。 者, 公。 殘之小人,猶據高位 亦不能有爲。 去,又爲公,此 髮私意於其間 解悖」者,明有悖當解而解之,未嘗置毫 甚悖之小人,何不利之有? 時,至於上六,極矣,無所不解矣。 禽也。 孔子他日又從 矧公尊爵,得時得勢,以大公而 而動者也。」上六解之極, 君子藏器於身,待時 隼者,貪財之物,小人似之。 貪殘 動 弓矢者,器也。 III 小人,猶 不括,是以出而有 也。 雖 且 有其 括 置己意焉,即 而 矣, 據 加 推廣 時, 高 不 語 位,不 而動, 苟無 退, 成 其 射之者, 《象》曰 義 器 悖之甚 德器 曰:「隼 退 小人 何不 而 私即 獲。 解 而 二以 利 語 者 則 非 丽 去

是爲

上

九之畫,損

下

而

益

r,「 其

道

H

 \bigcirc

敗。 其 器矣,又當養成,是故君子求諸己。 止。 得時得位 固有志之君子,有志於國,有志於民,雖 此 動 則 成 孔子絶意、必、固、我之四者,有 小而未大也,大而未成 以 苟起 未 忠信 方,其中常安常止 成 1,其功業亦未爲光明碩大者, 猶 毫髮意、必、固、我,則蔽 爲質, 未可 發 動 於 9 M 禮 況於非器 , 故 則 ,猶有所虧。 禹 生 文, 「安汝 立 乎? 此 世 則 於

■ 艮 見 上 下

之用? 二簋可用享。 損,有孚,元吉,无咎,可貞,利有攸往。 曷

用? 《彖》曰 柔 有孚,元吉,无咎,可貞,利 有 二簋 時,損益 可 損,損下益 盈虚 用享」。二簋 典時 E 偕行 一,其 應 道上行。 有攸往,曷之 有 剛 損 益 ൬

此

卦之象,損下之剛

而

益

上之柔

至是 大至 之至 行」也。 灼見,而 用之,則 其儉約, 之於民, 之,而後 信之,又有道 民信其公,又行之也有道而 之。元,大也,仁也,道之異名也。 下民信之,雖有道,雖大吉, 征,或力役之征,必本之大公,民咸孚信 得已而 益 而譏咎之者,亦未可以爲貞 下 也,則 ·則順。 也。 重 也,而 取於民,或粟米之征 民 則何 可 夫民 昏 雖 國之大事在祀,於祀 以 心 其 庸 一簋 今乃 自 他 有 之主 以用之?曷,何也。 猶 而大吉,又或者無 邦 此 미 攸往而 亦 可 損下 知矣。 離 以 以 可 畔矣。 爲 用 用二簋。 丽 爲 利也。 無害, 享。 益 民 荷取 上 上 此 E 而或者猶得 獲大吉。 享,禮之至 或或 雖 於民 以 聖 不得 二簋 而 爲 一哲之 得 必也 其 布 損 未 不特 縷之 已 有 而 而 + 所 必 其 邨 儉 極 取 咎 民 雖 而

《象》曰:

山

下有澤,損。

君子

以懲忿

容

推車, 也,於 必執之而過也。 車,亦以弗損者益之也。 敢從之矣。 謂之益。 以損下益上之卦謂之損,損上益 及此言也,百姓之惠」,此弗損而 柔,亦有 [無憾。 無作 亦豈得 「利貞」,蓋中以爲志也,中則 至於公謂「冕而親迎爲已重」,則不 九二下卦之中,有中象。 應 Œ 斯 時 有 矣,至於行 惡,無偏無黨。 蚦 不特取民 大抵 爾 時 已,於取 虎會爲趙簡子荷戟而不推 ,於時不得已而 其儉 損 執之而 剛者未易損 己 爾, 財,凡天下曰「君之 民 則 歌 順 財 則又過之不中 虎會 損 過,則失道矣。 而輕用之不 是貞也,亦不 其 常 人則 損 也 荷荷 也 之,],損 戟 下之卦 難 益 無 則 剛 而 之 作 故 岡川 口

> 成義 之矣。 讀也; 其 是謂「智及之、仁不能守之、雖得之、必 失之」也 德 理也, 日 Ш 損 學者好讀 喜窮究義 有澤,其 知忿 雖已得道 書 欲之 理 Ш 而 圃 害己 日 不懲忿窒欲,猶不 ൬ 不懲忿窒欲,不 損。 不 則知懲之窒 懲忿窒欲, 人有 忿欲,

「已事遄往」,尚合志也。初九,已事遄往,无咎,酌損之。《象》曰:

事,不 過之,酌 遄,速也。 其己意,去其激過,使不 時,微置 少留,所以合上之志也。然亦不必 臣之時之類是也,是故,已事則當過 初爻在下,有退而居下之象,故 損之時,方上損下,光武之不 미 己意 加 事 臣功成身退,況方損下,豈宜 , 情 損毫 則 而 乖。 髮,損益 損之足矣。 酌損之言,所 失中,使不 盈 虚,一 大抵 天 激 用 惟 下 其 功 去

ー ハ 二

「遄往」。

九二「利貞」,中以爲志也。九二,利貞,征凶,弗損,益之。《象》曰:

何柔 問:「人道誰爲大」,孔子愀然作色而對。 以益乎上,則可以益矣。 以速爲貴。 之疾。「損其疾,使遄速有喜」,則無咎。 微起意焉,則 之,則失真矣,故凶。 則爲奸爲邪。 疾不可久,久則成疾,將不可治矣,是故 何剛? 人臣之損,利於貞正,損己而 有所倚,倚則 何動 征者前進也,前 何静? 必無損於道者, 偏則昏,昏謂 何 昔者魯哀公 進 何 不正 m 虚? 用 调

《象》曰:「一人行」,三則疑也。六三,三人行則損一人,一人行則得其友。

同行則無疑,三則疑,此人情之常,凡事此象,故曰「三人行則損一人」。 夫二人内卦本三陽,於外卦之上,此爻有

六四,損其疾,使遄有喜,无咎。《象》曰 損其疾」,亦可喜也 必有此 達致一之妙,則知《易》曰「觀其所 畧同 三才一致,一以貫之,无所不一矣。 引此爲證。 天地萬物之情可見矣」,則知萬物 萬物化醇 友」,言致一也。」孔子欲明致一之道,故 曰『三人行, 正當 事 此爻之象。 他 聖人循循善誘人,苟能於此 男女構精,萬物化生。 則損一人。一人行,則得其 日, 孔子曰:「天地絪緼 筮 加 得 此 **统** 《易》 爻

六五,或益之十朋之龜,弗克違,元吉。 何陽? 變无窮,與時偕而已。 静爲虚,陽爲動 疾,偏於陰 於其間也,微致己意焉 偏於陽爲疾,偏於陰爲疾。六四 何之或損或益、或盈或虚? 也。陰爲柔 爲 實。 ,則失道 道心無體, 君子無敢 陽 爲剛。 置 何 陰 乏 爲 事 陰

象》曰: 六五「元吉」,自上祐也。

者人 也。 爲,而自「或益之十朋之龜」,自弗違,自 則 動也,故龜筮協從。 之則」,禹「安止」。「安止」者,寂然無所 元吉, 求也,鬼神自祐之也。 弗違,天與鬼神祐之也,此非六五之所 神禍之。「或」者不一之辭,「益之」者不 者天祐之,鬼神祐之,失之者天災之,鬼 六五 而 孫乎意,有所倚則偏矣,非 也,人心歸之也。十朋之龜,皆從而 中正 心歸之,失之者人心去之, 已矣,得之者吉,失之者凶。 中正之君也。天下惟有此 上卦之獲大益者,其 損 自上祐也。文王「不識不知,順 桂 有名 之象,其 而 无體,故六五 (道上 一行,損 使六五動乎意, 惟 六 中正之道 \overline{h} 一無所 卦 中正之 得之 得之 益 乎? H

臣无家。《象》曰:「弗損益之」,大得志·

全也,非世俗所謂得志也。 得也,始爲 之辭,皆所以 也 於國爾忘家, 之心,至於有 吉焉,苟如此 正之曰「無咎」。 又益之,疑人心之不歸而有怨咎,聖人 損 今雖弗損己而又益之,乃合中道。 此爻 大抵人能 「弗損益之,大得志也」,心志中正,始爲 乃 極止之位 也,又使益 以「弗損 上九,損之極,過乎中,故教之以 損 大得 己 面 抑其 可謂得臣心之深矣。 或 而 己,乃合中道。夫既 益之」而得之者,何也? 損 而益人,己得人心,至於 也,如不失乎本心之大 mi 往,無不利也。得人 此乃所以爲貞正也,有 己之極,則尤得人心。 大過 無家、夫能致臣 加 有道之象。 心至 弗 丽

楊氏易傳卷十三

得

上九,弗損益之,无咎,貞吉,利有攸往。

楊氏易傳卷十

四

宋 楊 簡 敬 仲 撰

亘 異震上

益,利有攸往,利涉大川。

无疆。天施 《彖》曰: 下下,其道 利涉大川」,木道乃行。 時偕行。 大 益,損上益 地生,其益无方。 光。 「利有攸往」,中正 下,民 益,動 説 凡益之道, 无 而 巽 疆 一日進 ,自上 一有慶。

此,豈不「利有攸往」? 矣,是謂「自上下 君而下賢,自然「其道大光」矣。 損上益下」。 觀卦之象,損上之陽以益下,是謂 損 E 下。 益 下,自然民 以貴而 雖濟大險亦 下賤,以 卦象 説 无 如

其不倚 涉大川則日 道,言其自上下下則爲大光之道,言乎 道即中正之道,非有二道。 道,非有他説,言乎濟險得其道云爾。 正之道,則不獨行於益下下下而已,凡 不 中而不倚、正 孔子以「中正」言之,則無所不通。 下? 下? 攸往之道 也 損上益下,自上下下」,不過一二事爾。 天道,在 利。 意 惟中正,故凡 未至於一貫之,不足以爲道。 者, 自 損上益 則曰中道,言乎其 涉大川 矜自大 惟 一,日 利 地田 木道,於此卦又言「凡益 豐 涉 圃 下,自上下下,非 惟中 己 地 大 者,非木不可。兹言木 不邪之事,皆行之無 而 川。 丽 道,在人曰人道,言乎 正故 有攸 已,安能 已,安能 《彖 有慶 往 無 是道也在 义 則 也 邪 自上 損 利。 中正者 推 則 上而益 彼 明 得中 日 mj 行 利 正 天 所 不 下 平 有

意,本 之所 復求 益也。 無方 其道 於物 遷則有所倚 道,故曰「道 則 其 所以 「動 自至自中,自神自 不可預料, 之道,不可勝言,與時偕行,隨 其義,復索其義,則失施 天施 生 同 道 是謂 者 以 其説。 放致 則行, ,廣大無 ·無所 則 地生」,天施 動異 施 此 加 日 中正 者 也 益 巽」者 加 進 倚,本 失 ',有所 心」。 一,何 此 不忤,動巽不忤 復求其説, 不可 際,此天地之得其道 也 無 其 萬 也 疆,其 思 道 道 此 有所 世不易之道。 明 倚 無 天施焉 何 何 地 則 也, 則 邪 心 慮 思 生 自 敗 益 倚,不可入於邪, 人於邪。 無體,因物有遷, 偏 ? 則 而 何 何 無所不通,人之 無 生之道。 地 慮 失 思何 已,不必復索 動 窮 惟 何 動巽之道。 ? 而已,不必 生焉 而 思 無 此 事而 慮? 巽 人心 何慮? 思故 地 不動於 人之 凡益 之所 故致 其益 不 應, 即 得 天

> 《》曰: 風雷,益。君子以見善則遷,有道,皆此道也,皆大易之道也。 所不明,惟無爲故無所不應。凡《易》之

過則改。《象》曰: 風雷,益。君子以見善則遷,

躬,中 我。 止 誰無. 則聲色甘芳之美、毁譽榮 變化云爲,其實無 改 則 之萬象,如四時之變化,其本體 之大變,如太虚中之雲氣,亦如 而 改,當如風雷之疾,如 何善之難 止 好善之心,往往多自謂 凡善 道心無體 虚 人誰無改過之心,往 無物,何者爲 凡此二患,皆始於 即 遷, 遷? ,●何者爲我? 當 體 如 何過之難改? 風 我? 知我之 雷 此 辱 一之疾, 往 則獲 己不能 意 雖 之變、死 多 本 有神一 意本於 水鑑 自 無 益 無體, 明 以 爲 有 生 加 中 難 而 過

^{▶ 「}體」,明刻本、四庫本作「殭」

有,故無所阻滯也。 莫之能禦」者,以舜之胸中,洞然一無所「聞一善言,見一善行,若決江河,沛然

「元吉,无咎」,下不厚事也。初九,利用爲大作,元吉,无咎。《象》曰:

非居下之道也,惟上之人,任 者,下不宜厚事乎? 作益利之事,然必「元吉」而後「无咎」。 元者道之異名,以道致吉,謂之元吉,亦 之,上下陰陽之情和,故 而信之,則可元吉,不然則不可 曰大吉。元,大也。 一卦得益之最,矧六四 此卦損上之一陽而益 厚事 必元吉 初 猶 下, 九 大 而用之,知 在 利用 則 有 後 初 爲也, 無咎 爲 面 九 大 應

此卦下卦獲上之益,而六二居下卦

大益? 爻。 而至 慮,其吉也無 吉者,伊尹、周公則 也」,皆言乎本無求益之意 來也」,亦猶損六五之「或益之,自上祐 此中正之道,克享上帝之心,則無所 其失正也,又慮其不能久,是故永貞 天地鬼神之心。以天 之中,得中正之道者,必大得 正也,宜其同歸焉,已詳著於損六五之 「自外來」,言乎非中心之所期,自外 也。荷動乎意,即失乎道,安能致 而六二臣道也,臣下 疑。 《象》曰「或益之,自 永貞矣。若王者 地神 而獲盛,益 而 人,同此 人心 益 自 至 大 也。 中 外 患 用 則 慮

也。公用主。《象》曰: 益「用凶事」,固有之公用主。《象》曰: 益「用凶事」,固有之,一、益之,用凶事,无咎。有孚中行,告

獲上之益而戒之也。初居下,二得中,初言「下不厚」,二言「永貞」,懼其

猶 忠盡力,雖不免過常,亦無咎也。 之公,「用圭」以通 事」,固有此道也 咸孚之,又中行而 惟用之於凶 於六三之過 云然,亦必在我者有忠信誠確之心, 諄 諄 恐 其 大過而失人臣 事,施之於禍難之中 中 乎? 無 誠 然既 偏無黨,告於上九 《象》曰「益用凶 有 一之正 所 以 也 則竭 雖 而 則 況

《象》曰:「告公從」,以益志也。六四,中行,告公從。利用爲依遷國。

聖人蓋欲以此發明 惟復之六 自有,非在彼而我行之也。 不通,人心皆有之,顧人不行耳。 ,則他 行中而日 人心有一之非中者,是誣天下萬世 諸卦惟二、五言中,餘爻皆不 四、與益之六三、六四言中。 他爻皆 中行,益以明中道人心之所 可以 中道無所不 言中,謂天下 舉此三爻言 在 一無所 言 此不 中, 萬

象? 國爾。 類此。 壯、夬、艮、漸、歸妹、既濟之五,皆泛言, 廣。 九 也。 者,六四體柔,不能自 其不公,則難於告矣。 不明著君象。 復、无妄之五,大過、習、坎、咸、恒、大 亦言公,同人之五 夷」,旅之五,皆昭然非君象。小過之五 之五「嘉遯」,明夷之五爲「箕子之明 國之君,亦有霸王之象,言公則所包者 則九五爲公也。事變之不 上而爲六四,有遷徙之象。遷國所以益 五在上既親比,而陰陽有相得之象, 以上九 屯之五,小畜之五,大臣之象。 惟中行,故告公而公從。 四 益卦本以九四 況五之爻亦非止言大君,公亦 一初應 有公象。 而爲公,則公不在下,然則 公亦有公而不私之義,使 ,噬嗑之五, 實之五, 至此爻則以 下而 有所 「利用爲依遷國 爲、依公以遷 爲初九,初六 可執一論率 六三告 何爲

民之志,非私也,故「公從」也。民也,以益民之志告公,故公從也。益

德」,大得志也。《象》曰:「有孚惠心」,勿問之矣。「惠我九五,有孚惠心」,勿問之矣。「惠我

限,惠 被其 亂, 明, 心 ? 必求 夫 民 治安之本根,未有 物而遷,意不 本神本明者,未始磨滅也。 惟 被 政。 如雲翳日 其惠 惠者,亦 國之庶政 諸外,求諸 人君欲 惟因 人皆有心,人心皆善皆正 有 設 限, 被 者。 物 雖 惠 未有 施 1,如塵 爲動,則 有遷,遷則意 省 於 被 苟惟 益於民,不必求諸 己,求諸心是矣。 今日,必 小惠,不 自 君 君 看 心 君 以 心善正神明而民 鑑 正善神明之心, 心出, 財 不正不善不 惠 免 動則昏 今誠能 其本善 民, 及 濫 君 刑,不 於他日。 一,自神 心 則財 正, 香 物, 明 不 本 何 免 줆 有 因 不 乃 Œ. 則 自 謂 不

上九

, 莫益之, 或擊之, 立

心

勿

恒

XI °

良無所 哲之本志得矣,故曰 順 應如響。 以感之,有以感之於上,則同然之機, 民,故云云也。 以諄諄者,恐人心多疑,疑心必不能 己心之本正,深知民 言民心被我德之惠,斷可 信其民之「惠 僞,則不必復問其 諸此孚信也。 則 主,能用此以惠民,苟非聖哲,皆不能 有 其 不 庶 (性,綏其猷,人主之本職 故君 此人主之本職也。 正 政 告,民 则 则 咸 《書》「若有恒性,克 心 正 庶 者,民 被 政 丽 我德」。 若夫聖哲之君,則深 有能 其 即 民 如 隨 禍 惠之大本,惟 不 「大得志也」。 求諸心,誠 何,必獲「元吉」,必 心亦皆本正,惟 有 以亂,姦邪 被 惠,我 今民惠我德,則 其 不可 信也。 惠 不曠 德之惠也, 者 綏 勝言者 得 乎 聖哲 厥 聖言所 信 志 猷 而 惟 無 是 其 知 惠 無 之 求

 $\int_{\mathcal{N}}$

、祭》曰:「莫益之」,偏辭也。「或擊之」,自

神,筮 也。 虐民,或悖亂其 彼立心之不仁,不可以枚數,或慢天,或 則何亡國敗家之有?」然卜筮 其災,樂其 子曰:「不仁者可與言哉? 孔子之旨也。「立心勿恒,凶」,明此 象凶、衆皆不與之、莫之與、則或擊之 立心之不善,●宜即改易,切勿恒久。 有益之者。周徧之辭也,謂衆人之辭 莫益之」者,言無有益 棄政,言之莫窮。 若從陸本作「偏」,則義説迂曲,非 曰「徧辭也」,言乎人心皆疾之,莫 「自外來」,言非所料而自至也。 孔子曰:「莫之與,則傷之至矣。」則 一而得此爻,庶乎畏明神 所以亡者。不仁而可與言, 天倫,或窮兵,或棄賢, 而或者因孔子他日 之者,當從孟 安其危而 而或改也。 則求諸 利 其 氏 爻

> 一。 懼以 其心 況於他乎? 遂止以此三事釋此一爻,殊失孔子本 曰:「莫益之,或擊之,立心勿恒,凶。」」 不與也。 三者,故全也。 有所感而言曰:「君子安其身而後動,易 而後 語 夫此三失甚微也,尚不免於凶,而 ,則民不應也。 莫之與,則傷之者至矣。《易》 語,定其交而 危以 動,則民不 後求。 無交 ൬ 君子修此 求, 與 則民 也。

戎,利有攸往。 夬,揚于王庭,孚號有厲。告自邑,不利即

《彖》曰: 決而 號有厲」,其危乃光也。「告自邑,不利即 和。 「揚于王庭」, 夬,決也, 剛 柔乘 決柔 五 也。 剛 健 也 加 丁孚 説,

●「立」,四庫本無此字。

理,故 逆,輿 將 下卦 以教君子也。 人? 決 君 危 心 此 已爲小人矣,已當在 決而去之,何私怒之有? 人,良可念也。 乃 雖 去, 子 而 光 戒 當揚 乾 和,未 加 覆載之間皆吾之赤子,彼昏 是故,健 夬, 情 可 而反居上乘五 也, 以 健, 決一 之所 揚 决 危 庭 於 嘗怒也, 上卦兑説 也。 以得時 厲 面 王庭 大不 「揚於王庭」,以 決 也 而説,決而和。 人也, 小人不可居上,天道 以 以去,而 平也 五 也,不然, 得勢之衆君子, 號,警戒 和剛 未 所去之類, 陽 故 亦不 嘗 雖 日 而 衆君 私 則 決 得時 ·可不 剛 動於怒則 也 健 也 則), 故 子殊爲 桂 決 陰, 不 而 得 怒 ·相與 安能 出 柔 而 日「其 可 説 而 爲 則 此 以 也 也 也。 得 我 小 去 誠 抑 象 去 私 雖 衆

> 已,則 也。 謂也 爻。 爾。 之光 不可 有 至小人已去 則可以決小人也。 謙 天 戎則縱矣。 所往 已 道 忍,不 、未盡 邑者, 也。 衰之小人, 「不利即戎」,言不 孚號有厲,告自 反 虧 即戎 也。 「告自邑」者,謂 取 盈 去, 可不戒,能 己之象,其詳釋已見 禍矣,故 甚矣尚者,縱甚而 得 丽 如其爲 而剛道已 則當決,則當往,有所決, 益 以 亦 爲 謙 何 曰「剛長乃終」者,言 尚 已甚, 日 至 自 長,則終 邑, 也 「乃終」。終,止 可以兵戎也 於 危 一,乃以 特警號 則 道 危 厲 窮治小人不 利有攸往, 惡 也 不謙 止不可復 乃 取 ? 盈 謙 其 爲 窮也 Ë 而 己 下之 君 而 好 即 類 事

下,居德則忌。《象》曰: 澤上於天,夬。君子以施禄及

澤上於天,則夬決而下及萬物。

忌嫉,非君子之道也。報其功。君自以爲己德而自居之,則爲柔已決,羣剛成功,君子則施禄及下以

不勝而往,咎也。 初九,壯于前趾,往不勝,爲咎。《象》曰:

不勝其任而冒往,故咎。下而小之物,往必不勝其任矣,故爲咎。不勝其任矣,故爲咎。以行夬決之事,是爲壯於前趾。趾,在初九位下德弱,乃不自度,奮然而

戎勿恤」,得中道也。 九二,惕號莫夜,有戎勿恤。《象》曰:「有

警慎。 戎,勿 急於爻,故爻辭尤不可廢。 既得中道,必不縱逸,必 莫夜」? 不通? 惕懼警號,雖莫夜 用憂恤。 聖賢之道,中而 卦言孚號,又言惕號,《易》筮其 以九二「得中 何以知九二之能 - 道」而 已矣,何 明 不懈,則雖 明 則必知所 知之也。 所往 「惕 有兵 而

> 終无咎也。《象》曰:「君子夬夬」, 若濡,有愠,无咎。《象》曰:「君子夬夬」, 九三,壯于頄,有凶。君子夬夬,獨行遇雨

之和? 彼 雨。 義,亦未嘗變,人所 行,何怒之有? 怒,見諸 愠者,而君子之心,忠信 濡 亦未嘗作意和之,而君子之道 於凶,而有凶之道焉。 義不可易,而斷 言君子道長、小人已衰之時,雖未必 人也。淺者之決,大率類此。 健 不知道者,以爲君子既 而實不濡,彼徒見若濡之迹,必有見 而説,決而 陰陽和 順,面之顴 既和,安能夬夬? 額也。 而後雨, 和」,故曰「遇 用壯 動於怒,怒而見有凶 不動於意,故「獨 也。「壯於順」,悻 深信、故終 如此,君子中之小 雨有 君子雖夬夬,大 無私, 夬夬之 夬夬,安能與 和之象,其 不知道心 雨」也。 無尤咎。 心,自是 遵 行 道 悻 至 如 之 遇 和

地 寂 無 思 無 爲, 而 有 風 雨, 有 雷

九四、臀无膚、其行次且。 聞言不信」,聰不明也。 霆,有 霜 象》 雪,變化 曰:「其行次 無 私 且,位 牽羊 悔 不 亡,聞言 當 也。

間? 處之 信 ? 能如 不可 然雖 俱決, 外 得不信? 也」,使其聰 雖 剛而 告語也。 羊以羣進,相牽 聞是言,往往不信。 位,亦已高矣,況在 九四乃君子中之小人, 不當. 以九四不知道,其心與 勢不得不與之俱,而其 故爲在下之剛者所 中實柔邪,居羣剛之中,不與 如是也。 明, 「位不當也」者,言九四 則曉是非榮辱吉凶,安 「聞 以 言 往,則 一乎衆 不 傷, 何 信,聰 九剛 小人同,故 行次且,若 以 故「臀 可 君子之 知其 悔亡。 四柔 示明 不 無 所

> 行 无咎」,中未光也

矣。 莧,而又在陸,陸人所行踐,其莧之不 光,以有莧陸夬夬之象故 者爲光明。 者,謂夫莧陸夬夬之人,雖勉而爲中行, 復存昭昭矣。如必 非本性之大中,未爲光明 陰之勢已去,特其體 故聖人教之曰 君子之勢,至 他卦惟二五爲 XI ° 施夬夬之決,蓋過之 一於九 「中行無咎,中未光」 《象》曰: 猶存 也。 Ŧi. 也,惟實得道 中, 爾。 亦 已盛 无 今乃未 柔 號 脆 之 如

凶,終不可長也 上六,无號,終有

警戚 則亦 於凶 不可 終 不敬戒。 央之去六,柔已決 有凶 放逸,逸 荷忽焉 〕則既 雖 未 失道 必 不 去, 敬 N 矣,失道者終 遂 不 剛 戒 至 道 · 而 不警 已 長, 既 不

九五,莧陸夬夬,中行无咎。《象》曰:

中

九

姤,女壯,勿用取女。

《彖》曰: 女」,不可與長 剛遇中正,天下大行也。姤之時義大 姤,遇也。 也。 天地 遇 相 遇、品物 也。 「勿用 成章 取

則 善之心寖 也,其足以敗國亡家,亦猶 古可監也。 可與長也」。 和,其後必乖,壯則漸 剛雖盛,而有寖消之勢,故此 也。 者内 敗國亡家之本,尤不可不戒也。 遇之義。 一非陰之本位,故不言復,惟 一陰雖微,而其勢則自内而長, 一陽之生曰復,一陰之生曰 女之壯者,不可取 而長,其端甚微 小人之柔 女壯之足以 曰「柔 遇 剛 不 邪 可 ,其流寖廣,此 諛媚,猶女 以也。 敗國亡家,往 者,明柔爲 是也。 制,故曰「不 卦有女壯 其物 取剛 姤 壯 雖 陽 主 柔

> 因 如金自黄自剛 健,如玉自白自瑩自温 生物不測。」人心自善, 遇之爲言,若出於二,遇之爲義,實出 而又中正焉,則豈不可以大亨於天下。 惟 一,故曰:「天地之道,其爲物 遇也而 而 天地亦 道 ,故紛紛擾擾,曰二曰三,十百千萬, 物以遷、意動 中正。 爾。 不明斯義,故有女禍。 也。 故 即 相 天下大行。 是卦 男女之相遇,天地之大義也,人 日 體之剛者,既足以興事造業, 遇也 「克艱」,皋陶兢兢業業,皆此 燎 非善也,而聖人發揮之曰: 原。 自明 而 圃 品物咸章,剛 昏 涓 而非 顧人 如雲翳日,如 涓 潤 之流 自 是卦二五皆剛 二金也。人惟 未 偂 中 知夫遇之之 非二玉也, 自正 不貮,則其 或 遇中正 可 自剛 滔天。 於 亦

四庫本作「大」。

楊氏

易傳

儿 :

物也 聖人竭 之時 物非氣 得而 名曰 有義 地可 此 日 時,春秋冬夏, 遇之時,天地相遇之時,萬物 正。是其 有,未始不善, 斷 不知,即大矣哉 吾有知乎 人之心也 月, 斷 而止, 中。 焉 義 得 屈 變 有物 不不 血 '誠啟告'、盡於此矣,學者於此, 列 大矣哉」,於人相 丽 人所不 化 清 本 ,則不可 範 哉? 亦不 可得 如 ,即天地之道也,一也,故天 心 有 明 圍,萬物可得而 日覺之,心本 四 無體 氣 如此,自無 思慮 風 知也,「大矣哉」,即其 得 之 而 無知 時, 得而! 血 雨 妙也 丽 息,故彊 , 則 之妙, 不作, 衆 霜 贅 也 屈息。 露 德 其 可 遇之時,男女相 無 一辭,故 得 非 自 聖人於此,惟 邪 無 又曰「天有 名 僻 無 血 相 備, 曲 丽 非 因其不 氣也, 成。 日 所倚, 遇之時, 屈息,非 孔 教 白 剛 也 子 年 明 可 非 往 日 所 四 彊 日 自 加

> 《象》 是又 知故妄,故曰: 之義,即 學者之妄意,即 往 Ĕ. 又 へ 以 意 求 調 於此 天下 天地 之。 當復有 有 之 風 義。 姤之時義,即六十 知則不 姤之時 , 姤。 不 往 往 知,不知則知。 義 后 言之妙。 人不知 非意也 以 施 命 誥 惟 四 即 旴 桂 此 四 ļ

也。 止與 也 而 四 愚者 風 方咸周焉, 后 爲 不 以爲有二,明者以 親 一,其與天 往 四 即 方 風之無形而 也, 八地萬 惟 施 物未始不一 爲實 命 廣被 以 誥 萬物 之, 何

孚蹢躅。 初六、繋于 篇 柅,王作 《象》曰: 」作「栮」,許氏《説 金柅,貞吉。 「柅」,子夏作 「繋于金柅」,柔道 有攸往 文》曰: 一見凶 「鑈」,《 牽 《蒼頡 也。 羸 豕

之制 孚,信也,言可信可必也。 往,則見 濟,不於其微弱 矣,安能制之? 天下惟有道 已矣, 苟不出於正而有 初六在下尚微弱 乃能制之。 氏《字林》曰『檷」,系跌也,字或 小人,不以 女指反,蓋絡系之器 下 小人,亦非私意,惟以貞正之道 而有浸長之勢,不可不 X 。 金柅, 君子之象。 剛暴,惟以陰道奉制之,亦 矣。 易制之時制 豕 雖 ,不必以 也。」陰 羸 譎 術, 剛制 他 日 爲 制,惟君 君子之制 者能 則既 也。 必 小人, 作『鉺 圃 蹢 行能 失 有 君子 躅。 所 道 而 雖

有魚」、義不及賓也。九二、包有魚、无咎、不利賓、《象》曰:「包

時 九二得初 陽之所欲,魚,陰類, 姤之時,惟其 遇爲主 六 而有之,雖 ,遇則親焉 所 遇,不必遠 非 魚亦 故無咎。 E 人之所欲。 應,惟在 應。 在 常常 姤

> 他國不 晉矣。 不及賓 然他 而 武 此 時 而復有之矣。 王 則 有之,鄭 理義之自然,勢之所必至也,故曰「義 所 爲 人 得而有之,士會人晉,則秦不 也 不 得賢才而有之,齊有管夷吾,則 有,則紂不得而有之矣。得小國 不正,難乎免咎,今既 · 得 」。得民 在 ൬ 晉則不 復有之,故曰「不利賓」。 心而有之、民爲文王、 在楚,在楚則不 包有之,自 · 得 在

《象》曰:「其行次且」,行未牽也。九三,臀无膚,其行次且,厲,无大咎。

於牽於 厲。 苟 傷也。「其行 之意、故爲九二所傷。 而有之,勢不及其他,而九三乃有争取 行 然無大咎者, 初六一陰,爲衆陽所應,九二 初 ,則二終不已,獲咎大矣。楚雖 而 不行也 次且」,意猶 何 ,故有小咎,無大咎。 也? 「臀無膚」, 未已, 豈不 以其行未 有 既 危 包 所

一九六

矣,楚所以無大咎也。欲鄭而晉既有之,楚雖不樂,而終於已

凶,遠民也。 九四,包无魚,起凶。《象》曰:「无魚」之

爲言者,明其義之著者也 凡《易》一爻,該義甚多,此惟以「遠民」 動 爲 而 則 歸之他焉,人心畔 九二所有,則 N_o 初 本 民 與 可近 四爲應,今以 九 不可遠,其 四一包無 離矣,故起則凶 四遠之,故 魚」本我 義於是著。 所有 謂謂 近

舍命也。 曰: 九五含章,中正也。有隕自天,志不力五,以杞包瓜,含章,有隕自天。《象》

道 上,不自用其章,而用 包瓜,以柔 在 下之物,初 杞者,美材也,九二之象。 有隕 道制 墜,乃自天也,非人之所爲 小人。 六之象。 九二之賢,以杞 九五已盡 九五 瓜者, 中 中正 之 葉 在 陰

> 角」,上窮吝也。 上九,姤其角,吝,无咎。《象》曰:「姤 髮之愧,而 也 大王、文王何與焉,故曰「志不舍命也」。 已盡中正之道,而 正之道,而 ,非人之所 後 不免狄人之難,天也。 可以言命也。 致 也 有羑 人道已盡,已 里之難,天也。 大王 己 文王 盡 無 其 中

以與 也。 槁 佛肸公山之召,變通之道也。 之,是謂「姤其 然嚴勁剛介,異乎輕肆放逸者矣,故 而 《象》 泄柳閉門而不納,段干木踰垣 人, 姤遇者如 不和洽, 吝道 上九剛而 曰「上窮」者,言其窮而 (角」。 E 窮,有角 也 角 孔子見南子,欲從 然。 狷 之象。 者之疵爲吝, 剛固之過,枯 失其 而 小 通 無 避 所

楊氏易傳卷十四

楊氏易傳卷十五

宋慈谿楊簡敬仲撰

見 見 上 下

萃,亨。王假有廟,利見大人,亨,利貞。

《彖》曰: 攸往」,順天命也。 大人,亨」,聚以正也。「用大牲 故聚也。 之情可見矣。 用大牲,吉。 「王假有 萃,聚也。 利有攸 廟」, 觀其所聚,而天地萬 往 順以 致孝亨也。 説, 古。古。 剛 中 而 利有 利見 應 物

剛 也 足 ? 以 坤順 「順以 順 有 説剛 立 丽 中 説, 無拂、兑説 中 而 而應者,道 剛 無所倚,人心咸 中 加 加 應 能 也,具見於卦 和,九五 何 以 能 之

> 失之。 自全; 心之所 弱 和, 違; 假,大也。 心即道,故曰「道心」。 猶有意有我 此 萃聚之道也。 應,皆所以 則無蔽之者,無窒之者,洞然混然,自順 如日月,如天地,其變化如 則偏,其有不應則生於意之猶有未善, 君,臣不臣,父不父,子不子也。 心 自説,自 衆德故也。 自 無 其有 其有不説 其有不中則生於意之有 其 有 自 所不 無所 王大其廟之道,教孝享也,此 形 蔽 不 也,不然,則何以 不順 應,曰 容道心之言, 爛 焉,則有 人心之所以 剛 此 道 而 則生於意之固,固 則生 衆德皆非 心 則 剛,自 順 無 生於意之支,支 曰 於意之懾, 虧, 道心 蔽 無 説 則 則 乖離 四 面 自 所 無 不 不應? 無 非 時 外 倚 到 全,或 體無 所倚,倚 虧 有二也。 , 意不作 至 者,君不 而 也 中, 懾 則 中 我, 則 則 不 盡 則

大性隨 敬 ? 廟」, 正。 天之所命 離皆散。 也,正也,皆道之異名也。 慈之心應於下。人皆有忠孝之心,惟其 愛敬之心以生,況 寡,不敢遺小國之臣。 達之天下,則 順之也。「觀其 有攸往,當無不利,亦天命之往 大人,既 人心皆應皆聚; 見大人,亨,利貞,聚以正也」,惟大人爲 忠孝一心也,一道也,萃聚之道也。 無以感之,感斯應,應則忠孝達於天下。 人心之所同然者,道也。孝也,忠 父父子子之道也。 上以孝慈之心動於上,則下以 時 貞正,既亨而利,既萃盛大,則 也,不可 萃聚之時,民 也,故曰「順天命也」。 無所不愛敬也,不敢 (所聚」,聚必以正,聚必 以爲 御不以道,則人心皆 以愛感愛,以 己之爲也。 尊賢 物甚大,則當用 愛敬之心 御之以道, 做民, 也,人則 盛大, 既見 敬 皆 生 侮 「利 則 感 由 īmi

> 哉」之道也、即六十四卦、三百八十四爻 之道也。 所以萃聚皆此 物之所以 以 之矣,通乎此 而已矣,即他卦「時義」、「時用」、「 道。 天地之氣所以 生 加 則 聚 也,咸卦言之矣,恒 無 者 所 此 不通矣。 也 和 凡凡 而聚者此 人心物 通天 也 大矣 下 亦 情之 言 萬

戒不虞。《象》曰: 澤上於地,萃。君子以除戎器

虞,皆大易之大道也。 可無武備之防也。除治戎器,戒備不有坊也。民之所以得安居焉而聚者,不

無終,有「有孚不終」之象。「有孚不終,初六柔而不堅,弱而不固,有初而

志亂也」,以號笑雜而知之。
之不應而遂往,則「無咎」。《象》曰「其色,似號而悲矣。又「一握爲笑」,言號也,似號而悲矣。又「一握爲笑」,言號正應,不見相違之象,而初六孚信自不正應,不見相違之象,而初六孚信自不

「引吉,无咎」,中未變也。六二,引吉,无咎,孚乃利用禴。《象》曰:

達變其中心也。中正則無己私,無己私,無己私, 者子未嘗不欲仕也,又必待上之求之而 後可進,不見引而遽進,則言將不聽,道 不可行,故必引之而後吉無咎,不然,則 人將議我之冒進矣。禴者,祭之薄,誠 則至也。必俟上之見孚而後臣可以竭 則。 心俟上之見孚而後臣可以竭 也。六二中未變」者,中謂六二之中心 也。六二中未變」者,中謂六二之中心 也。六二中未變」者,中謂六二之中心 。 六二中未變」者,中謂六二之中心 。 六二中正,不遷於物,不以進退窮 也。六二中正,不遷於物,不以進退窮 也。六二中正,不遷於物,不以進退窮 也。六二中正,不遷於物,不以進退窮 也。六二中正,不遷於物,不以進退窮

五「文在中也」,亦中内之中。 則安得而變? 故曰「中未變也」。坤六

《象》曰:「往无咎」,上巽也。六三,萃如嗟如,无攸利。往无咎,小吝。

如此者。
「萃如」,六三之本志。「嗟如」,以「萃如」,六三之本志。「嗟如」,以

位不當也。 《象》曰"「大吉,无咎」,

當者,不安之意,人心不歸君而歸臣,故心、無失無害,斯無咎矣。所以必大吉心,無失無害,斯無咎矣。所以必大吉心,無失無害,斯無咎矣。所以必大吉之。大吉難以備言,已盡其道,得君之心,無失無害,斯無咎矣。所以必大吉

00

九五,萃有位,无咎,匪孚。元永貞,悔亡。不安也,伊尹、周公之事也。

《象》曰:「萃有位」,志未光也。

九五之萃,民雖咸君之,然有位而九五之萃,民雖咸君之,然有位而之也。《象》曰「志未光也」,於己見其德也。正而不永其正非元。曰元是矣,又曰永貞者,慮人守正之不永,故又以明之也。《象》曰「志未光也」,於己見其德之不光大,故徒有其位,未得人心。人之不光大,故徒有其位,未得人心。人心在四而不在五,見之於卦象。

洟」,未安上也。 上六,齎咨涕洟,无咎。《象》曰:「齎咨涕

人心不 乃以陰柔而 齎咨涕洟」之象,故「無咎」。 位之上者,宜以賢明居之。今上 上六 應不 非 聚。六與三兩陰 居上,非其 傲亢者,柔巽之 道 也,非 無 極 《象》 其道 相 **拉** 應之 有 故

■ 坤巽 上下

「南征吉」,志行也。是以大亨。「用見大人,勿恤」,有慶也。《彖》曰:柔以時升,巽而順,剛中而應,升,元亨,用見大人,勿恤。南征吉。

無違。 屈,中 思何慮 我,中虛無體,自然於物無忤,自然於理 此五者之名,名雖五而實一也。道心無 是以大亨。元、大也。道之見於升者有 也? 巽而 故升爾。 然而柔升於上,柔非 上坤下巽,木從地 而無偏倚,人心咸應,合此五者, 無 ,則安有所偏倚? 我 其所以 不忤,順而 無體,則安得 元亨者,何 無違, 中 能 無毫髮之私, 而懾屈? 而 升,故 升者,得時 剛而 由 m 不 致之 有 何

行? 則吉,慮人妄有所依而非明哲 保其吉也。 所及者廣 之所在,亨利隨之,見大人則有慶,澤之 人,故又曰「南征」則吉。 人」。見大人則亨矣,勿庸憂恤 「大人」者,道之 之不善,則自然感應矣,是以大亨。 南者,離明之方。征,往也。 也。不見大人,則道何 所往就者果明,則志斯行 所在 也,是故「用 不然,則 「實非 也。 由 亦 就 明 未 丽

小以高大。《象》曰: 地中生木,升。君子以順德,積

異。自古昔以來,崇道者紛紛,而得道故《中庸》曰:「苟不至德,至道不凝焉。」於道也,非言語之所及,非思慮之所通。於道也,非言語之所及,非思慮之所通。

卑陋 道雖洞 大。 大,因 自 順 爲道 義,徇名失實,是謂章句儒 者自知之。 養之。蒙者,文王之「不識不知」也,孔 之疾而施藥也,愈益其疾戾,惟蒙 其未嘗思而思也,未嘗爲 若無,惚恍之間 子之「無知」也。善養德者,莫善於此。 於高大,不可揠苗也。 以養正」,養此也, 不通、變化 者千無一 無不善,自高 而養之,意態不作,則本德自明 曰順曰積、皆設爲之辭、自得 而 ,以言 人之小狹 明,質有故習,故習難於頓釋也, 名其不卑陋者之爲高; ,萬 無 語 彼未 窮 無一。 之所及 也,實 就哉? 大矣。 而 有德者,往 順是 名其 學者以 八爲道 據之爲言,非 有 本無 揠苗者,是無 而養之,自漸 不 面 圃 實可 小 則 思慮之 高,因 爲 往 狹者之爲 安 據也 也。「蒙 能 自 人之 可)所 神 信 妄 有

上合志也。初六,允升,大吉。《象》曰:「允升,大吉」,

L二,至乃川月爚,丘岭。《泉》曰: L二 而後可升。允者,信之至也,故「大吉」。 初在下,不可以遽升,必待在上信之

明夫九二之能待上之見孚乃用禴,殊爲之辭又同,何聖人重復致意若此。 是爻與初六允升之義亦同,與萃二之辭又同,何聖人重復致意若此。 斯是於與初六允升之義亦同,與萃二之爭,有喜也。 从不待上之則不同,如此 人之躁於此者多,故则 人之躁,有喜也。 上爻與初六允升之義亦同,與苯二之乎,有喜也。

用禴者,易之道也。不待見孚而冒進通誠於上也,禴祭物薄而誠至。待孚而難得可喜也,知其不能待者多也。禴,

者,失易之道也。

一無所疑阻者,謂之「升虚邑」。凡升而虚邑」之象,又曰「無所疑也」。凡升而今九三之前盡耦畫,無所阻遏,故有「升不知」之方盡在前,多有阻遏之象。

「王用亨于岐山」,順事也。六四,王用亨于岐山,吉,无咎。《象》曰:

也。 就桀,覬其或可轉也,卒不可轉,天命伐 本志哉? 「升階」然。 其有不幸而爲湯武之權 六五之升,貞正斯吉。 大不得 升階以 已也。 禮 m 故湯使伊尹五 升 貞正之吉, 也,舜 ,豈聖人之 馬是

心,天地之心也。出民於塗炭之中,以斯道而覺之。此禮而升,而後爲大得志。「大得志」者,之,不得已而奉天。故聖人如舜禹之以

升」在上,消不富也。上六,冥升,利于不息之貞。《象》曰:「冥上六,冥升,利于不息之貞。《象》曰:「冥

慮? 也。 思慮 也; 不息矣; 冥升正道,不息悠久。「蒙以養正」,乃 也」,然則孔子之不息,未嘗有知,知 作聖之功。孔子既曰「發憤忘食」,可謂 何利之有? 於思慮, 王 如如 「不識不知,順 貪進不已者,冒昧 心慮一作,即 「冥升」者,亦不知其所以然 又曰「忠信所 斯而已矣。 而又曰「吾有知乎哉? 動於思 所利者獨利於不息之貞, 有穿鑿, 以進德也」,忠信 慮則息矣,非進 帝之則」者,冥升之 如 而升,則大禍也, 斯而 即 已,何思何 失忠信。 而升 無 則 非 知

> 皜矣。 也。 貞 其間有惰者,故以不惰者爲不息。 也,意動故不虚。 未熟故也,熟則意不復作,如孔子之皜 月之外不能無違者,意微 雖得之,必失之」。不息之貞,仁也。 罪其惰 以顏子爲好學,餘月至日至者亦不與, 亦非爲,有思有爲,皆息皆惰。孔子止 退,因故習積久,故蒙養以漸 人心無體,無體則何所有? 富者不實也,不實 至者,一日之冥升也。自一日一月,三 也。 其餘,月至者,一月之冥升也, 《象》曰「消不富」者,消則虚,不 也,故曰「知及之,仁不能守之。 顔子「三月不違」者,冥升之貞 此虚明無 而 虚 者,非意之也。 動故也,未精 體,本無進 消其習氣, 未始不虚 非思

困,亨。貞,大人吉,无咎。有言不信。

其所亨 曰 *,其 「有言不信」,尚 唯 木 君 剛 子 揜 乎 也。 1 П 險以 「貞 乃窮也 大人 説 吉 困 而 以 不 岡川 失

乃吉 不以 微 備 其 富 用 以 賤 骨,饑其體膚,處其賤辱,則已勞 兑説 而 其 貞 辱 ,如日月之代 圃 無 氣 不 ,從容委蛇乎羊腸九曲之間 「無咎。 所亨也 Í Ī 加 方,無明 也,安得 氣血爲己,以氣血 失其所亨」,惟君子則然。 雖 此卦剛 未全,大人 者,又非 不 爲己。 在 一險中 以 謂 盡爲柔所揜,故爲困 賤 説樂 不息,其樂何窮? 然 夫於困揜 道心無 明 ·而不 君 貧 圃 則 ?,神聖 子之所能。 而 而損,宜其 至 失其 道全德 亨乎? 於貞正 體,變化云爲, 爲己 工應變, 之中, (所説 備 一,則 一, 則 不 惟 如 君 樂 而 而 公勞其 每 以 不 君 蓋君 DU 子 能 爲 己 德 發 子不 時 知 以 饑 坎 木 不 大 中 燭 失 貴 筋 子 困 而 神 險

> 天下 之罪,使君子知所忌 信,則不困矣,故曰「尚 矣。 安可「有言」? 聖人,聖人即大人。 之,昏而蔽之,賢者昏明雜之,惟 矣,而未中。 欲從公山 貞。孔子則 的 如大虚然,虚則明,明則不輔子以拒 羔之去, 故 「剛中」之德,惟大人有之。 後世之議,故不 雖 叫 困 佛肸,未嘗失正 以 而 不然,雖見南 中者不作於意,一 爲 不 有言必「不信」。 失 君 子,不 其 子路、子羔未能 加 謂無咎。 正 不敢 旦,以正 子 可以爲大人之 子路之死, 也 也。 ,背蒲適 無所倚 困之時 子 言而 人皆有 有言 純 路 明 見 免 爲 父 别山

《象》曰 水也 所 子以爲困 爲 一澤而 ,惟自遂其志。 上兑下坎,是水 澤无水,困。 者、命也、天也、安之不敢復有 無水,其 困槁之象可 志非 君子以致命遂 在澤之下,澤中 氣 血 非形形 見。 志 君

亨」,此之謂也。故《彖》曰「不失其所亨」,習坎曰「維心故《彖》曰「不失其所亨」,習坎曰「維心形體氣血可困也,志孰得而困之哉?

《象》曰:「人于幽谷」,幽不明也。初六,臀困于株木,人于幽谷,三歲不覿。

所見。 耦畫 子、大人不能免,而吉凶則在人也。 謂甚矣,而不言凶者,何也? 能興,故曰「臀困於株木」。 坎險之下, 之時,九四不足以庇其初,初六困而不 虚闕,有「人於幽谷」之象,三歲無 「株木」,九四之象。 覿,見也。 幽,不明也。 木能庇下, 此爻可 困 雖 君 困

也。凶,无咎。《象》曰:「困于酒食」,中有慶凶,无咎。《象》曰:「困于酒食」,中有慶九二,困于酒食,朱紱方來,利用享祀。征

者,南方文明之正色,而含其君之象,含用於君,故無禄也。紱,蔽膝之物。朱「困於酒食」,困於禄也,困則未見

N_o 則 不求之。 得中道而致慶。使九二不賢,則九五 相知,故無咎尤而衆亦信之,惟陰邪 之來而遽征往焉,則將爲 其下曰祭祀,雖通 祀,竭誠以事之。 來」,言九五行且 君,必求九二中 則明九五之祭祀爲祭下。 人則揜之也。《象》曰「中有慶」者,謂九 爲朱,發則爲 其「無咎」者,以二五君臣皆賢,心 Œ 赤。九五 祀尊上謂之享祀,祭 來於二,九二利用 稱,而因享以致其别, 陽 明之臣。 小人所困,故 然不待朱紱 中正陽明之 「朱紱 享 方

「人于其宫,不見其妻」,不祥也。其妻,凶。《象》曰:「據于蒺藜」,乘剛也。六三,困于石,據于蒺藜,人于其宫,不見

「入於其宫」,又上六不應,是「不見其蒺藜,故「乘剛」也。上下俱困,及反而九四阻其前如石,九二剛而在下如

子所以自反 不 中失 取 之 故 道 也 X 也 水諸 其所 六三不中, 失道致 以 不 M, 祥 中者道之異名 至 自取之也。君 此 者 何 也

祀。

日

劓

刖

一,志未

得

也

乃

徐

有

:

以中直也。

利用祭祀」,受福

也。曰:「來徐徐」,志在下也。雖不當位,有與曰:「來徐徐」,志在下也。雖不當位,有與九四,來徐徐,困于金車,吝,有終。《象》

得 剛 相 其 也 志 故 初 丽 在 之象。 四 與, 略 困 阻 於初 . 終與初六爲應,故曰 矣, 也 《象》惟 之。 九四 應也, 不至甚 故曰「困 九四 也,初,下也,徐徐「 初爲二所有 以九二、初六 之正 曰「來徐徐,志在 九 困 雖 應 未 一雖 於 在 甚 金 金 初, 得 車,終不能 車,吝」。 則 比 位 而 九四 「有終」。 近,陰 九二在 ,然有初六之 困於金車」 下」者,舉 不 得 陽 下, 來者 四 而 與 雁 相

九五

削

,困于赤紱。

乃

徐

有説

利

用祭

則義 祭下 也。 直者終得之,故徐徐 九 紱」,臣有爲 如 其足,是乘剛 夫二、五皆中, 含,赤色發。 劓刖」,而又曰「志未得」者, 制,一 五 也 中正之臣,則當竭 此,其志 也 志 有 九二日享,享 謂九二不應,故 劓刑 然九 求九二中正之臣,其理 所制,不 無所 其 上下相與 未爲 而 五. 鼻,是上 制 而 紱者, 蔽 色舒 居 而二則微 困 得自爲 得 罹 中 Ŀ 於四 困焉 發, 也, 以 也 誠 曰「困于赤紱」。 而 爲 又非無道之象,故 誠,致 ,言必 陰所困 有喜 九之象也。 也。 相 膝之物,有行 也 則 者,是必 困 與。 知 而 説。 有 爲君而 全美, 何 福之道也。 九 祭祀 君 也 中直, 也 五之祭, 既得 則 有 ? 五乃 用 遭 以 刖 無 誠 九 中 然 之 色 刑 木

二〇六

日 宜一页77、下日户E也。日「志未得也」,明其用心必有失。又曰

「中直」而已,不曰中正也。

有悔」,吉行也。吉。《象》曰:「困于葛藟」,未當也。「動悔上六,困于葛藟,于臲卼,曰動悔有悔,征

是滯不能決,葛藟滋蔓,柔弱盤旋,實似之。又乘剛,故有臲卼不安之象。聖人教之曰: 苟疑慮而曰動懼悔,則果有物之曰: 苟疑慮而曰動懼悔,則果有處之過,則未當也。「吉行」也者,在实底之。又乘剛,故有臲卼不安之象。聖人也。夫其疑慮,將以求當也,而於此疑慮之過,則未當也。「古行」也者,在乎

楊氏易傳卷十五

楊氏易傳卷十六

楊簡敬 仲 撰

井,改邑不改井,无喪无得, 坎 巽 上 下 往 來井井。 汔

《彖》曰:

巽

乎

水

加

上水,井。

井養

而

不

至,亦未

繙井,羸

其

瓶

· 凶

至亦未 窮也。 凶 心即道 不動。 之象 也。 ,養物惠民,而 「改邑 繘井」,未有功也。 上坎水下巽,有「巽 井贍 邑 可 日 不改井」,乃 養潤澤之功 改, 道 何爲 心」,道 心未嘗動。 乎莫之改 以剛 心 無 乎水 「羸其瓶」, 無 窮,而實寂 中也 無 體 而上水」井 也? 喪無得 ,變化云 是以 汽汽 然

> 故 不適。 信, 潤 也。 始 知夫患生於妄意之興。 以及物,則有羸 知省,雖異乎昏蒙,而猶蔽 微泉汔至,未淵未深,亦未繘井,未 或往 未淵澄,養己尚不足,難 物之功。 人雖皆有道心, 惟自見其過失之多, 不 日覺之,則吾未始或 不信自心之本善本正 如 自信則自善自正,自神自 應 或來,巽水 日月之代明,如 個 衆 此非告語之所及, 學未通達,是爲「汔至」。 無 德。 窮, 神 III mi 瓶之凶,適足 而 用 自知者寡, 所 E 四 前 謂 動,未 發, 四 意 無體 一, 和本神本 而自莫之改 乎 所 自知 時之錯行 興 如 猶阻 及 謂 1明,自 始 則 者 自 取 物。 井者 而 則 有 昏 雨 知則 敗。 已矣。 改,未 明,不 則 之散 無 有 苟 通 如 也, 也 自 所 蓋 强 達

,四庫本作「本」。

「不可度思,矧可射思」。

《象》曰: 木上有水,井。君子以勞民勸

得。 聖人屢言及物之功,其旨在此。 道非動静之可言,尤非溺於沈寂者之可 必果不動,此萬古學道之通患,不知夫 學道之士,往往索盡 重復爲贅,深惟聖人設教,厥有大旨。 水」,皆所以明及物之功。何也? 言「繘井」巽而上,大《象》又言「木上 不得乎變化之妙者,非實 下之至 不動,又雖欲静未必果静,雖欲不動 亦未嘗或動,如水鑑 今木上有之,爲出而及物之象。 ,所以安養之也,又勸之交相爲養,養 道心神明,通達無方,變化無窮,而 井至於及物,則有 動,天下之至 一動 中之萬象,是謂 精微,極之於寂 即天下之至蹟 功。 得道者也,故 水本在下, 卦辭 君子勞 疑其 天

> 相之功。 相之功。 一相之功。 一世之空言。觀《周官》比、間、鄰、里之世之空言。觀《周官》比、間、鄰、里之物之功於是乎無窮。君子之勸相,非後

泥不食」,下也。「舊井无禽」,時舍也。初六,井泥不食,舊井无禽。《象》曰:「井

射鮒」,无與也。
初與四兩陰不相應,有「不食」、「無初與四兩陰不相應,有「不食」、「無初與四兩陰不相應,有「不食」、「無初與四兩陰不相應,有「不食」、「無

應不見用也。 應不見用也。 無之至小者,初六象之。「甕敝漏」,汲 無之至小者,初六象之。「甕敝漏」,汲 無之至小者,初六象之。「甕敝漏」,汲 無之至小者,初六象之。「甕敝漏」,汲

九三, 求「王明」,受福也 並受其福。 井渫 不食,爲 《象》曰 我心惻,可 「井渫不食」,行惻 用汲,王 明 也。

治而 惻 用也。「求」之爲言,亦以明九三之過。 明王作、「並受其 剛,有爲 有憂世太過,怠於爲人之意,以此反爲 不中,非 者、皆有不食、不及物之象。 所棄而不食,然此亦吉士,亦可汲,有 也求也,其狀可見。 亦不見食,「爲我心惻」者,以 井上出則及 有力,能渫治 有道者,徒彊 [福],言亦不棄也,亦可 物 有 力於善。 其内者也。 功。 諸爻凡 九三則 此 九三 類 在 雖 多 陽 渫 下

六四,井甃,无咎。《象》曰: 也。 「井甃无咎」,

動 乎脩,比之渫則 四 三與四皆 故三 爲渫, 不中,皆非 稍静矣。 四爲甃。 有道者,然 惟 **甃** 雖 静故 不行 未 免

> 惻,不求 王 丽。

九五、井洌、 食」,中正也 寒泉食。 《象》曰:「寒泉」之

上六,井收勿幕,有孚,元吉。 有也。 食者,及物也。 有及物之功,非索之外者,人心之所自 寒泉洌然, 「中正」之道自不動, 無喪無得,寂然不 《象》曰 · 動 也。

吉」在上,大成也。 元

也。 幕」,言似異而實同,似二而實一。 之無二,則得其道矣。 又以「有孚」明此 之功用,明井道之大成也。「收」與「勿 也,故又曰「勿幕」。 勿幕所以大開及 物之功盛矣。人以爲散 而言之曰「收」,所以明道 孔子又嘗言忠信爲大道,又曰「主 收者, 斂藏之義。 道。「有孚」者,誠 又慮其或 井卦之上, 出 也 也),知散 一,聖人 <u>ı</u> 於静 八特反 與 其 物 及 收

兑澤之水,與離火相息滅,革之象

忠信 之功,而乃元吉焉,非「大成」孰能與此。 時之錯行。 止,自及物 誠實,自無 爲,是謂「元吉」。 人也。故九五止於吉,上六元吉也。 寒泉之食」,君子也。「元吉在上」,聖 何 慮? 一,又曰 而無 放 思 施生之功無窮,而 「信以成之」。直心誠實, 慮 逸,自不流,自不陷 窮,如天地之變化,如四 微 夫井之上爻,及其物 起,則支則 離。 非思非 何

乎人。革之時大矣哉! 天地革而四時成,湯武革命,順乎天而應明以説,大亨以正。革而當,其悔乃亡。不相得曰革。「已日乃孚」,革而信之。文不相得曰革。「已日乃孚」,革而信之。文革,已日乃孚,元亨利貞,悔亡。

Ļ 正。 聖人「大矣哉」之旨也。三才一體,動静 事情,安知至大之道哉? 者,當革之時,駭於事變,不然,則 遷,人言聒聒,已遷則人始信之矣。 也 天地之變革,故順天應人。彼不知 惟 正者有幾? 離明,上兑説,易象昭然。 明則事咸宜,而説則人 故革,武王、紂之志不同故革。 凡變革, 革,皆生於志之不同。湯、桀之志不同 志終不相得,亦革之象也。 天下之相 人情之所難,革已乃信之。盤庚之未 與天地相似則失所謂變革之道,不得 相 得易之道者,動 天地變革故 得 變革難於 離爲中女,兑爲少女,二女同居,志 女謂 事變之大,往往不無差,夫 無 嫁日 四時成。 悔,所革得當,其悔 静一致,雖大亨而 歸,則二女同居,其 (咸和而心服。下 於變革之時, 大亨而不 湯武革命,即 遷於 失 文

道,謂之大中。 之道,是謂 之變通, 體 匪異 情 事 元 變 匪 亨利 同, 體 貞, 是謂道 事 亦謂之神 變 心心 無 是謂 窮 即 謂之 大易 四 時

寺。《象》曰: 澤中有火,革。君子以治曆明

張 四 近 後又有夏 推策,則已有曆矣。 如 也 四十三爲朔餘, 亦積累百年而 有火,其變也不知其 此者。 天,造大初 百九十九爲朔餘。 ,遂用其曆,以九 蒼言顯帝曆,此於六曆 有火之變也。 孫季和 季和之説,深當某心。 (曆、商曆、周曆、魯曆。 <u>Z</u>: 曆 後差。《志》言黄帝迎 一以以 mi 高岸爲 後天 澤中非· 百 八 武 뻬 幾年矣。 十一分爲日法,以 四十分爲日法,以 有甚於顓 顓帝又有曆焉 帝 谷爲 「疏闊, "時,以 有火之地, 陵 曆之差, 物變有 澤中 最爲微 帝 漢興, 日

> 之分。 五千 紹興統 後爲 有 盡 以求合其中。 不可窮盡, 年,後天半月餘,而諸曆 用大衍之法。 天之失。諸曆 分折之,其損其益,無不如《 可減。曩者清 分,其差如故。 ,此天人之分,而皆易之道也,謂 千六百一十三爲朔餘, , 衍曆,大衍以三千四十分 道亦非。 四百一十二爲朔餘,其實 四 「分曆,後 元 諸曆家雖 曆,雖以萬 可窮盡 送爲 加 晨,忽悟可減之法, 自開元至熙寧三百五十 亦 蓋徒示更曆之狀,而 知 天道終非法數之所 差。 者非天道,故曆 其當 改造、實寫大衍曆 二百分 諸曆 减 未有能 而厥後復有 朔 」 莫精: (志》。 爲 餘 爲日法, 亦寫大衍 日 前 於唐之 改者。 法, 當當 天 以 無 能 道 百 以 實 後 法 以

黄

九三,征凶,貞厲。

革言三就,有孚。

之也。 九中象,而辭曰「黄」者,明中道人皆有 動,使之動則易,使之静則難。 易者,故曰「不可以有爲也」。 牛,順物 革,故曰 云者,所以成之,止其放逸之意 順,鞏固堅守不變,此居下之道,斷不 位居下,義從乎上,不當有 「鞏用 也 此革固不變之義。 黄牛之革」。黄, 不可爲 人心好 中道 也。 所變 可 柔 初

「已日革之」,行有嘉也。六二,已日乃革之,征吉,无咎。《象》曰:

曰:「革言三就」,又何之矣。

服,何必更往,此當安以待之。 服,何必更往,此當安以待之。 與,不得已而後應,豈可遽欲有所往 要。可革之言,三就於我,民以孚信心 外。可革之言,三就於我,民以孚信心 是俱陽,有陽動之象。夫天下事惟迫而 是俱陽,有陽動之象。夫天下事惟迫而 是俱陽,有陽動之象。夫天下事惟迫而

古,大人克婆,朱古真圣。《泉》曰:"大人臣往往難之,爻辭於是釋之曰: 悔人臣往往難之,爻辭於是釋之曰: 悔人臣往往難之,爻辭於是釋之曰: 悔陽實,有誠信相孚之象。 君臣相信之深,雖改命何害? 而

人虎變」,其文炳也。 九五,大人虎變,未占有孚。《象》曰:「大

九四,悔亡,有孚改命,吉。《象》曰:「改

命」之吉,信志也。

此? 也 其威如 嘗置一點己意於其間也。 其變如虎,其文炳然。虎之生文,天也, 道,故曰「道心」。由心而變,無非 大人有一點利心焉,安能致民心之信 識 而致之也。大人之心,天地也,其心即 不義,殺一不辜,而得天下,不爲 哉? 「未可謂「虎變」也 爾也。大人之變,天也,亦自爾也,未 「未占有孚」,信在事先,此非 大人之有所變革, 豈淺智之士 雷霆。未至於此、未可謂「大人」 大人之心,天地之心也。 其發如風雲, 也。」使 道者。 :權術 所 如 能

面」,順以從君也。《象》曰:「君子豹變」,其文蔚也。「小人革上六,君子豹變,小人革面,征凶,居貞吉。

服也,異乎「未占有孚」矣。此不可强而變」。「小人革面」,面雖順從,其中未必君子之變,不逮乎大人,故曰「豹

古。 可成。 有加 皆由中發,不可求諸外, 有所 大中,故有不逮聖人之象。 有分量,不可 傷 也 其文蔚 , 反致 虎則「其文 往 而 然,亦由 强 区 区 求 而 加 矣。 通也。 焉 「炳」,豹則「其文蔚 惟當 中 則 m 强 不可强 居 上六體柔 發, 其 貞 所不及, 非勉强之 而 而取,各 無失其 而非 將

離異上

鼎,元吉,亨。

以元亨。 以元亨。 以元亨。 以元亨。 以元亨。 以元亨以亭上帝,而大亨以養聖賢。巽而聖人亨以享上帝,而大亨以養聖賢。巽而《彖》曰: 鼎,象也。以木巽火,亨飪也。

賢。享帝止曰「亨」,而養聖賢曰「大亨」明。聖人亨於鼎以享上帝,大亨以養聖然有鼎之象。下巽木,上離火,亨飪甚然有鼎之卦,有鉉,有耳,有腹,有足,儼

非教也」? 流 日用而不知」? 物之外,索理於日用之外, 不足道,疑非大易之道,則是求道 疑其復有他指也 帝」,又曰「大享以養聖賢」矣,又何 當復有義 曰「以木巽火,亨飪」矣,又曰 至簡,而 而學者往往 「鼎,象」者,以卦象有儼然之形 火之外索理。 行」? 1 以貫之」? 上帝 離目 賾 自 木巽火, 則 人輒惑之者,率類是 也,意此大易之道 妙,不 孔子何以 前, 道 又外求 丽 在 而 《乾·彖》何以 《易大傳》何以 羣臣. ·必於 自賾自 妄疑 亨以享帝,不 邇 若曰亨飪 其指,謂 而 又曰「庶物露生, 衆 腹 其有他。 求 心也。 妙, 耳足鉉 諸 ,不 孔 一所以 遠,大易之 此 斯 子 之 也 可 必 田田田 義 乃 之外 腹耳足 度 於 何 事 亨以 也 坦 取 忽 至 於 廳 疑 求 物 姓 易 無 渗 而

> 明一而 子以 思何 也。 物之外。 覩 即 謂 爲 哀 不可索義於亨飪之外。 分裂,始亂義也,始不可告語 可 而 大亨養聖賢, 微 聞 聞 明 其 顯 樂 爲 慮?」思慮,人以 名即實,實即名。 也 爲二也。 目 乎 者特微之, 下 而 無 而 ? 即闡, 呵 不忤於物,耳 《易大傳》又曰 則爲 道與事物皆名,吾未覩其 庸焉,惟思慮動 視,不可得而見也。 孔子以 矧 樂 惟不知 義 顯 可射 告 而 矣,義 微 爲 不 幽 出出 思。 傾 可 道,而 者 爲不可無者,而 孔子曰:「天下 闡 目 即 · 見? 耳 特闡 自 微 不聞 聰 事物 皆名也,吾 ጠ 「巽而耳 而後始昏, 後求道 顯 不 聽, 之? 矣,學者 闡 哀 而 孔 事 蔽於物。 樂豈 孔 不 幽 子 子以 ·之言 爲 於 故 可 聰 斷 何 事 未 孔 顯 贵

「彖」,原誤作「象」,據文意改。

亨則吉在其中矣。 道之異名。此所以元吉,以道致吉,言 剛,亦不可以大亨,故曰「元亨」。 元者, 剛,剛德爲助,則亨矣。 偏黨,爲 心人所自有,有所倚則 中之義。 則 禍,不聰明惑於聲色,亂於是非,不得位 坤 平剛 五 雖備德, •文言》曰「黄中通理」,通理 柔上 元吉之道 而 私爲過。 中本虚 行 得剛之中,是義必見於卦象之 何 ൬ 也,亨之道也。不巽則招 得位 由 名,特無所倚之名。 徒柔 丽 亨? 得 體本柔,雖應乎 失之,有所倚則 中 不足以亨,應乎 道 中者,道 丽 所以 無 明 道

《象》曰: 木上有火,鼎。君子以正位凝

在,位不可得而辭。天命君子正位,則革物矣。湯武革命,天實命之。命既革物者莫若鼎。「木上有火,鼎」,

無敢 定命」,又曰「祈天永命」。 命。《書》曰「宅天命」,又曰「及天基 乎天 「正位凝命」之象。 有一念之忘乎天,兢兢業業,無敢放逸, 去之,不可得而凝矣。是故,君子不敢 君子惡得不 八則其 置人欲於其間, 命凝 Ė 位 ? 不順乎天則其 惟 一惟天道,故能 天 命 觀鼎,亦 不 可 命又將 恃 命 凝 順

從貴也。《象》曰:「鼎顛趾」,未悖也。「利出否」,以初六,鼎顛趾,利出否,得妾以其子,无咎。

疾」,終无尤也 九二,鼎 象》曰:「鼎 此,類可以通也。 從其貴也,何咎? 否焉,何害? 方鼎之初,未亨飪也, 有實, 有 我仇 實」,慎 得妾猶 初有鼎趾之象。 有 天下之事,其 疾,不我能 所之也。 顛 趾 也 則顛 「我仇有 而 即,吉。 權 趾 以 子焉 丽 如 出

彼有疾而自 有 所欲也,使彼即 我仇有疾」,不我能 君, 實, 九 已任 難 於 畫 其事 遷 **不至** 而 在 我 ,不可二也,不可遷也。 ,「慎所之」也。 ,則無尤也。 中,「鼎有實」也。 而 疾 我違之,彼將尤我。 (則吉。 仇非我之 已委質 中

悔,終吉。《象》曰:「鼎耳革」,失其義 九三,鼎耳革,其行 然賢 故 也 中以受鉉,其義革矣。 虚 瑜 雖 而 者 有 中 未 垣而避之, 泄柳閉 失耳之義無他,其行塞固而不通, 三居下卦之上,亦有 虚 故 雨 「雉膏」之美,不見食焉。 而受鉉,固 後當 ,不應乎上九,有「不食」之象。 之所慕,終當有遇。「方雨」, 口「虧 有 悔」,言三雖善而固塞, 塞、雉膏不食。方雨 際 遇之理,但有 而 革者,失耳之義 門 不通者。 而不納」,可謂 耳象,而不虚 「段干 三剛, 也。 虧

有此未全,然終於吉。

曰:「履公餗」,信如何也。 九四,鼎折足,覆公餗,其形渥,凶。《象

任 餗,其形渥,凶』,言不勝其 稱,折足 位,是許 下應初六,陰小之趾 曰:「德薄 其形渥」,備言折趾之狀。 .重,鮮不及矣。《易》曰 『鼎折足,履公 九雖 國 覆 陽壯 圃 以大臣之事業也,而 餗 位尊,知小而謀大,力少 · 四 失許國之信 實陰 ,有折足覆餗之象。 柔。 任 矣。 居 也。一九四 實 大 剣 臣 孔 而

耳」,中以爲實也。六五,鼎黄耳,金鉉,利貞。《象》曰:「鼎黄

耳。 則 此 之異名也。 無 道 所 則 黄,中也,「黄 六五正當耳象而 能 無 所 通 夫天下惟 ,無所能 不 通 無 (中通 所 利。 有此道 不 得中,故 理 六五 利 而已矣,得 則中者 得中矣, 黄

鉉

則

力

足

何

患

不能

象》辭未嘗及九二也。 舉鼎哉? 以舉之, 不必以九二爲鉉, 故 又曰「金鉉」。 得道者 雖 無所 金 古, 剛柔 柔。 五 皆此道,三百八十四爻皆此道,何獨六 玉鉉而發義。 鉉 哉 則剛柔 無不 夫天下 和 則 利。 節 中, 事 而 此義 夫 道 一 中則 和 偏

於以 體狀,或謂之正,或謂之道,或謂之易, 道,人心即道,道無我,中虚 之名,故象止言「中以爲實」,不復言正, 所倚,故有中之名,自然出於正 物、萬事、萬理、皆此而 或謂之神,或謂之天,一也。舉三才、萬 不可易者,中而已矣。 通 非道之全,故曰「利貞」。貞,正也。 中正,于以驗得道之全。然中正非二 明中正之非二也。 ,而無所不通者,其間或至失正,則 中乃虚名,亦無 已矣,安得而 夫天下至實而 無所倚,無 ,故有貞 易

上九、鼎玉鉉、大吉、无不利。 上,剛柔節也 《象》曰 玉玉

其實爲至一也。

上九正當鉉象。 玉者温潤之物,玉

震 震上下

震,亨。 不喪匕鬯。 震來虩虩,笑言啞啞。 震驚 百 里,

遠 主 笑言啞啞」,後有則 彖》曰:「震,亨, 也 而懼 邇 也 出可 震來虩虩」,恐 以 也。 守宗廟社稷,以爲祭 震驚 百 致 里, 福 也 驚

離於他 震者曰 震 卦言明,於本卦言麗。 動 有動義, 惟 此 重 亦有恐懼義。 震 之卦 言 震懼 《易》書固 他卦 一之有 亦

剛

不

可,

偏柔亦不可

九爲

剛,

上爻當六爲

事

無不

舉

矣,故「大

與六五同,此爻則因

而已矣,六十四

土

游雷,震。

君子以恐懼脩省。

道焉 長子 有大 因 威,又何止於「震驚百里」而已,百里姑 卒之堯有乃神武之德,舜四罪 懼致福。 道 欲 是襲亡秦之故轍,安能 祭主」、「不喪匕鬯」, 百里。至於「出 服,禹會諸侯、執玉帛者萬國。 則之可驗也。 「震來 克艱」 震雷之象,明主器長 備衆 登 忧 主鼎器 鼎 小,聽威則 虩 《義,曰 慢 方震 實,鬯以 益日 虩 易 「笑言啞啞」,後來 則放 ,故言匕爲宜 懼之時 動 堯舜之言多 恐之狀 「儆戒」,皋陶 日 可以守宗 通 0 八肆,震 恐懼,皆震 神 則其體又大矣。 或者 非 明。 也。 懼 子之道 亨 不 爾社 喪 匕 以 則 放肆 也 「答 祭之始禮 猛 致 前 收斂,故 也,皆易 而 憂」,禹 以故止 | 厲爲 「兢兢 鬯? 福,有 稷,以爲 致 道德、 有 天 禍, 下 亨 威, 也, 之 咸 淮 恐

> 後有則也。 曰:「震來虩虩」,恐致福也。「笑言啞啞」, 初九,震 也? 虞之時,而猶 舜之聖而後「咨憂」,禹、皋陶、益言於 脩省即 省。 事 諄誨之也。 持是見者不 爾,易道 何以 人之知所懼者幾何人 卦辭已詳言之矣,此復用其 來 何思何慮之妙,則無所不通 虩虩,後笑言啞啞,吉。 明之? 一精微· 惟不 然學惟 曰「克艱」、曰「兢兢」、 廣大 知易道,亦不識恐懼 天下無二道,悟恐 知 ,往往不於是乎在 恐 懼脩省學者之 八哉? 辭, 矣。 雖 唐 脩 日 堯 何

人

心多忽易,能

恐

懼

脩

省」者寡,故諄

桂

言恐懼之道

一,此

復言之者,

則 納諸罟擭陷 鮮其人矣。 儆戒」。 所懼者,誠鮮其人矣。 然則 孔子曰:「人皆曰 穽之中,而 惟聖智而後知所懼者 莫之知辟 此聖人 予知 也。」然 所 誠 而

_

者於爻辭啟告爲切。 復用卦辭於此爻, 覬人之少省也, 況筮

日得。《象》曰:「震來厲」,乘剛也。六二,震來厲,億喪貝,躋于九陵,勿逐,七

喪貝」。 象也。 狄,不可安處,去而邑於岐山之下,而他 則 日 避難曲折,有如此者。 爻七日一卦變,則時當得矣,勿用逐也。 興周焉,此象也。 亦以乘初九之剛 六二來則 雖今未應,不可爲得,至於歷六 往而「 躋於九陵」,九陵,六五之 過 初 而 九之剛,億而 昔大王既不可禦 不可 安處,故「億 安焉,

蘇」,位不當也。六三,震蘇蘇,震行无眚。《象》曰:「震蘇

狀。 高 蘇蘇之懼 [矣,而蘇蘇然,處此位者,不當爾也。 聖賢未嘗不恐懼, 震蘇蘇」,恐 非道 也。 三居 懼 失 丽 則 下卦之上,位亦 清精神 亦未嘗蘇蘇。 潰 喪之

也。

震往

來

厲」,危行也。

其事在中,大无喪

也。 九四,震遂泥。《象》曰:「震遂泥」,未光

六五,震往來厲,億无喪,有事。 孔子 [臨事 蘇 用 自覺自信。 遂有泥象。 陰柔,似剛 而 而不得其道則均。 無所思爲心不動,此惟道心内明者 震恐而 而終於懾懦,陷於二陰之中, 「光」之一言,所以明道也。 而懼」,如日月之光,雖有照 震之遂泥者不可謂光。 遂至於沈泥, 九四頗 雖 《象》曰: 稍異 剛 强 於蘇 加 若 四

二、五之乘剛同,而二不可億、五則

心始失 有事。 厲。 億 中 彼,意在於此 意 物 斷之辭也。 堯「安安」,禹「安止」,豈有在乎中道之 則危矣, 慮紛紛若此,故昏亂,故偏黨,而 不明避難之義。 德,無乘剛之畏,故異乎六二,故六 宜 五之事,自在乎中,但勿他求,勿動意。 丽 在 有遷,意有所倚,有所倚則不可謂中。 來者,雖提耳 安之象。 億者,直君 也,此 尚 於 但安焉,則吾心自無所倚, 《象》曰「震往 有 而事大喪矣,故 此則倚於此,意 微動則意有所倚 所 惟能 舉天地之間 喪也 因億安之象,明中道之義, 位 則來,意在於彼 而誨之,如水投石。 安者自信自知。 夫人心未始不中,惟因 得中,又六與五 哉? 來属, 曰「大無 皆此 此 在 而 以往 於 失中矣。 危行也」,行 亨也 彼 則 自無 來爲 喪 其 則倚 往。 剛 人之道 天 五 柔 下 危 於 喪 有 全

> 躬,于 也。 震索 一六,震 索」,中未得 其鄰,无 索 京家,視 咎。 矍 也。 婚 一矍,征 媾 雖 有 凶无 XI ° 言。 咎,畏鄰戒 震 ^ 象》 不 于 日 其

無咎。 則亂 咎」,而「索索」者必未得中道矣,違道者 則凶之道也。 故有「不於其躬」之象。 於六五,故有「於鄰」之象,未至 之懼,因 有言,此亦見上六失道。 必有所失。 矣,如此 索索矍矍,驚懼之甚。 若難及躬而始懼, 鄰 而 六三「婚媾」 而 懼,不以躬 上六雖以畏 往,安得 畏鄰而 也,而 不 ൬ 又驚 懼。 XI. 懼 鄰 而 喪失 戒 不應,而 戒 於上六, 然 九 至於驚 而「無 ,則爲 24 道, 迫

楊氏易傳卷十六

楊氏

易傳卷十七

宋慈 谿 楊 簡故 仲撰

艮 艮上下

《彖》曰: 咎。 艮 其背,不獲其身, 艮, 止 也。 行 其庭,不見其 時 止 則 止, 時 人,无 行 則

行,動 其 所 獲其身,行其庭,不見其人,无咎」也 者實 行。 時, 月之代明,而後爲 也。 静不失其 猶未爲光明; 不知 知 善止者行,善行者止。 行止之非二而 上下敵 止, 時 知 應,不相 行而 其 光明, 道 如 四 光 不 未 與也。 時之錯 明。 知 能 而 止 知 後爲得易之 _ 一 皆 艮 者 止 是以 其 實 而 正,止 當 不 如 不 日 其 知 行

> 變化 終 寂然 矣。 在乎 蓋吾本 雖「行其庭」,與人交際,實 苟艮其面 鼻口 道 流 如後,動如 教之曰「艮其背」。 乎物,失吾本 於 不 如水鑑 目 止 手足之所爲, 聲 矣, 矣。 前, 雖則應用交措,●擾擾萬緒,未 雖 精 有寂 也。 也 惟 視 視聽言動 神 静, 雖止 在 此 作 惟 而 然 如 盡 有 乎 用 爲 不流於色也 寂然無我。 日 不 在 猶 艮 寂 後 艮,惟 如 月,光明 乎 動之性,自 動,知其 其背」, 然不動之性,故 使其 此, 心 面 凡 如其背,則 思曲 雖 此 此 不 面 謂 爲 皆動 四 則 之所 動 ,耳雖 「不獲其身」, 在 「不見其 折 之「不 止 達, 面 乎 而 是 如 乎 如背,前 强止之, 向,耳 背 無 其 靡 天 得 聽 3 思 所」。 地之 始 獲其 聖 所 其 無 不 道 目 不 逐 盡

明 刻 本、 庫本作「錯」。

止

也

天

地之變化,

豈

有

所動

哉?

靡

所

不照, 豈有

所見哉?

三才一

論

本無所見

也,見則

意

動

而遷矣,非

之間,正

人物交際之地,而

日「行其庭,

其人」,非果

無人

也。

人不

可

有

其庭,不見其人」。

庭者、堂之前

· 兩

階

未始不一

,人自不一

一,故「不獲其身,

也,豈

獨無形者爲道,而

有形者非道

? 妙

之所不可言也。夫天下何一物之不

非實有形體

而强不獲也

形形

體自

非

有

無

有所矣。不獲其

身,

雖形

體

猶不

獲也,

豈獨無

形者爲妙,

丽

有形者不妙邪

?

也,非

本不

Ė

而

强

止之也,本

無止,本

無

所者無所

也,無止

也,非所有

而

身,不見其

人可

也。

水鑑之中,萬

圃

實

也

一,萬

變畢

見

而

實

虚

也

止

子曰「言不盡意」,謂此

類也,使有我

則

所,今曰「止其所」者,姑爲之言也。

咎」。 象也 駭,故必指象以爲證也。 相與 然不 應,不相與」之象者,昏蔽者多,必疑必 怨咎交作矣。 1111 一與五 水鑑未嘗 也。 與 苟惟不然,則意起而 物 皆 既 以 應 是 如水鑑中之萬象,交錯紛 日 陰,三與上皆陽,非 也,雖 敵 卦 有 此道昭然。 交錯 上下 矣,何以言應? 應 紛 皆 而 敵 然也,如 不 必取「上下敵 私物 動也,猶 初 與 此 相與一之 四 非謂 我裂 則 皆 未嘗 無 截 而

思,不 歷 占 出 夷狄行乎夷狄,素患難行 素富貴 山。「及其 抱關。 有之」, 抱關自有抱關之位,君子所思, 出 | 乘田 兼山、艮。君子以 乘田自有乘田之位,君子所 則 平 又安乎 八爲 富貴,素貧賤 0 大舜 天 子,被袗衣,鼓琴,若 南 耕於歷 面。● 子思曰: 乎患難。」以至 思不出其位 行乎貧賤,素 Щ ,則安乎 不

> 四 之道,卦於此及以示人耳。 即爲出位,即失艮之道矣。 也,慈愛恭敬,應酬 畔無際,常清常明,思輒失之,非果無 於我 大矣,天地範圍其中,萬物發育其中, 悶悶自不安其位,焉得之有? 彼不我知,自彼之失職,我何 我安可復 我?」是思出 八犯之, 時寒暑,未嘗不 自有 則 我之位,彼自 出 忿然 位而怒之? 一其位 怒曰:「彼 也。 寂然。 交錯 有彼之位 彼自出 變化 苟微起思 己有善有 艮之道即易 何 與焉? IIII 云爲,如 是位 得 犯 我 加 思 犯 無 也

其趾」,未失正也。初六,艮其趾,无咎,利永貞。《象》曰:「艮

動 丽 不 艮諸爻取身爲 能 静止 者,由 象。 有 己 以 人 也。 情 所 初 六最 以 好

^{●「}乎」,明刻本、四庫本作「于」。

曰:「不拯其隨」,未退聽也。六二,艮其腓,不拯其隨,其心不快。《象》

「艮其限」,危薰心也。九三,艮其限,列其夤,厲薰心。《象》曰:

有上下之限,而氣血未嘗不通和。今九三居下體之上,上下之限也。身雖

三失中,截然固塞,艮止不復通和,如三失中,截然固塞,艮止不復通和,如三失中,截然固塞,艮止不復通和,如三失中,截然固塞,艮止不復通和,如三失中,截然固塞,艮止不復通和,如三失中,截然固塞,艮止不復通和,如三失中,截然固塞,艮止不復通和,如

止諸躬也。
六四,艮其身,无咎。《象》曰:「艮其身」,

人於是不言心而言身,於以見心乃虚血何所思? 氣血之中,亦何所有? 聖然,本無可言,本無所始。身氣血爾,氣如絲而理其總,如火而沃其薪。截然寂如絲而理其總,如火而沃其薪。截然寂

● 「者」。四庫本無此字。

己。 諸 言心,於咸之四 有,立我立 本 躬 何其直 Œ 也」,亦初 無 而已,無 所 而 私,禍本 有。 無隱,何其直而 無 亦不言心。 苟言心, 口 義理可 益 復言者。 固 故 則 言 人 聖人 無盡。 《象》曰「止 聖人之教 以 申言之而 心爲 於 此 不 實

六五 其輔」,以中正也 ,艮其輔,言有序,悔亡。《象》曰 . 「艮

外矣。 悔。 輔, 正也,故能止之。不然, 用 決 艮 川,安得而止之? 於輔,未能不動於意念, 謀諸心, 謹其言,則「言有序」,不妄發矣。 五當身之上,有輔頰之象。 然輔 頰亦未易於艮止 則悔 亦亡矣,不復放 則 如制 亦 則不能無 驛 以 「艮其 馬,如 逸於 其 中

以 上九、敦艮、吉。 終也。 《象》曰: 「敦艮」之「吉」

遏

敦 有厚 義、又 有不動義。 ^ 書 E

> 《臨》曰 其不 化也。 初矣。 也。 厚,因物有遷,今不遷動,則不失其 不動也。 不動之心。 惟民生厚」, 固自 《中庸》曰「大德敦化」,言不 動 《復》 厚者,不薄之稱爾 非彊 「敦臨 若 德性[·] 也。 曰「以厚終也」者, 爲 日 」,雖臨 其 亦曰「道心」,道心即意念 是不動也,人之德性,自 「敦 因 之德 本 復」,不 乎人而不動也。 厚 性 而 動 非有實狀 不動之, 固 而 未 自 始 人性本 動 復 八厚如 也。 或 則 而 也。 自 動 其

巽 上下

,女歸吉,利貞。

《彖》曰: 位,往有功也。 位剛得中也。 漸之進也,「女歸吉」也。 止而 進以 巽,動 Œ, 不窮也 叮 以 正 邦 也 其

艮 Щ 漸之所 上異木。 以名卦者,山 木在 山下, E 有 則 木 其長 也。 也

皆妄 功。 功。 之所用。 之位也。 白,繼曰「其位 皆君之位也,臣無位。 臣之功,皆君之功也,臣無功。 臣之位,皆君之所命。人臣之功,亦君 中天下而立,而後可以大有爲, 正,如女之歸則吉,進得位而 進也。天下之事皆然,其進也貴乎漸。 名、納徵、請期、親迎,而後 士進而事君 不及之者,於漸 於 漸進之義釋「女歸」之象。 胸 也。 此位,剛得中之位也。 若夫人臣雖進,皆不足以言位 木在 中,終妄作 人臣 不明 使君不用之,臣何能爲? Ш 不以 F 一而必 斯 剛 一,則 進之義,非 義 漸,則疏,則近 得中也」,明乎非人臣 而已矣。舜、禹之進 ,則懷必欲致功業之 欲成功業於天下者, 其 故此慮斯義之未 長 也 女至,以禮 所切 漸。 君體 後 納采、 臣之位, 利,則不 也,故徑 可以 可以 剛 而《彖》 而 故 間 有 有 又

以

速

乎? 道 異動 時 所謂 迹往 無 不 乎漸進之道。止者,寂然不動也。 使化也,故太宗頗有治迹而無治化。 以欺天下後世,而奸利之穢 義,殺一不辜, 而 雖力假仁義以杇糞牆人心,終不可彊之 也,故邦可正也。 也 此。 以 而 窮。 順理,不汲汲然也。 已也。「止而巽,動不窮」者,復發 無 進 正,故 古之意, 人心 「正邦」者,人心正也,非徒飾 ,所 窮,雖 道心無體 以 斯 以 不 可 能 而 動猶 미 以 豈 進,所 正敷? 丽 以 有 E 一,本無 得 唐太宗假竊義兵之名 不 邦。 彊 . 暴 天 動 以 取 丽 止非彊止,未始 可動,變化進退, 下」,湯、武 也,不動者 能 彼 服 而 漸 也,「行一 可 不 以 操 可 正 亦 掩也。 其 其 巽隨 不 邦 有 動 明 洂 者

善俗。 象》日 山 上有 木,漸。 子 以居賢 德

楊 氏 易

漸。 聖德之所化爲速,孔子爲三月 又不可一概論。 亦不能遽化。 化,故止曰「賢德」。 德,則俗斯 俗不自化,視上之德。 風俗 Ш 上 不 有 漸化而善矣。不曰聖德者, 山 木,其長 天下固自有習固難化者, 以 遽 然商之頑民,周公 ൬ 以以 善 漸,於《彖》已言 也,其 君子久居賢 化 而俗已 也

《象》曰:「小子」之厲,義无咎也。 初六,鴻漸于干,小 子 厲, 有言, 无咎。

咎? 六四 然君子之心初無 其遲遲,以 子之漸進 漸進,無 ,故以於磐、陸、木、陵爲象。 雖居上,實小子也,不知君子之心。 故曰「小子之厲,義無咎 進欲其 道 也 爲不 則急於進。 。 彼小子不知君子之心,惡 知時,故 亟從 他,輿論之所服也, 也,厲而「有言」。 鴻爲 「漸鴻於干」, 象。 也」。 有道 進欲 君 何 則 其

> 言」之象。 四 與初二陰, 干,水涯 無 相 也 應之象, 故有「厲有

六二,鴻漸于磐,飲食衎衎,吉。《象》曰: 飲食衎衎」,不素飽 也

於不事事而素 抵好進,惟有道者不然。 和樂安暇,若將終身焉,故吉。 猶在下,六二無求進之意,「飲食衎衎 不素飽也」。 六二稍進於初矣,故漸於磐, 飽,故《象》釋人之疑曰 飲食衎衎, 人情大 然位 疑

九三、鴻漸于陸、夫征 相保也。 利禦寇。 婦孕不育」,失其道也。 《象》曰:「夫征不復」,離羣醜 不復,婦 「利用禦寇」,順 孕不育, 也。 N_o

其所以爲婦也。 上與三乃其醜類。 一夫征 爾雅》「高平曰陸」,又進於磐矣。 不復」,上九不應。 三不中,有「失道」之 「婦孕不育」,九三失 離 羣醜也」,

之失道,或親於寇 者足以害我,故 象,故凶。「利禦寇」,非其 「相保」矣。 「禦寇」,則我 不失於正順,則夫 日 而 寇 利 不能禦也,故教之 於禦之。 Œ 也。 慮二 婦 非 可 正

曰:「或得其桷」,順以巽也。 六四,鴻漸于木,或得其桷,无咎。《象》

桶。 木則又進於陸矣。木非鴻之所居, 林。

言。《象》曰:「終莫之勝,吉」,得所願也。九五,鴻漸于陵,婦三歲不孕,終莫之勝,

阜曰陵。」大則愈高矣,故阜高,陵又高於阜。以序而觀,則陵高於木。夫婦, 一、五正應,邪不可以干正,中正者卒得 正,終不與不正合,故九三「終莫之勝」。 正,終不與不正合,故九三「終莫之勝」。 正,終不與不正合,故九三「終莫之勝」。 所願,天地鬼神之所共與,人心之所同 所願,天地鬼神之所共與,人心之所同 歸也,安得不吉?

曰:「其羽可用爲儀,吉」,不可亂也。上九,鴻漸于陸,其羽可用爲儀,吉。《象》

者,人心爲進退得失所亂,則貪進不克其羽可以爲人之儀則。其曰「不可亂」體之上,故降而從陸歟? 退巽如此,故曰陸者,上九之應在三,三爲六,上居巽曰於者,上九又在九五之上,若不可言陸而

●「二」,原作「三」,據文意改。

於改舊 道也。 是説。 者。 是 所亂。 卦 近世安定胡公以「陸」爲 加 諸爻皆協韻,於協 苟以爲易之道未必在是者,是人 「未敢遽 退 不改 者必 ,義亦通 其心 從,姑存是 不爲 一、未敢 進退 韻則 一説 遽從 一逵 」者,易之 得失 宜。 姑 但 晦 所 存 重 庙 贸

震 兑 上 下

歸妹,征凶,无攸利。

以動, 交, 《彖》曰 而萬 」,柔乘剛也 ,所歸 物 歸妹, 妹 不興。 也。 天地之大義 「征凶」,位不當也。 歸 妹, 人之終始也 也 天 地 元 説 不

有 幾? 、知是義者有 妹之象焉。 兑以少女居内,震 吁 幾,知是義 人皆有夜光明月之珠 歸 妹,天地 以長男居 而 之大 信 是 義 義 者 也 又 而 有

> 其爲 爲矣。 意動而 地 誰? 必 不自 不自 即道,故曰 及也,亦非果有甚高甚難之實也。 愧於天地? 也 人道之大也。 天地不交,而萬 女而 此 .] 而 掉 , 前, 何静? 歸 得 知 頭 知 至神至明, 自 亦未至 説 以範 宜其 者 人之終始」,嗣 昏之則亂,亂則放 斷 妹 知 雖 之, 衆人 介為天 不 「道心」。道心無體,動者爲 自信者少。 斷斷直不信 自 圍之,萬物 乎直 爲邪也。 不可度思, 矧可射思。 而飲然自以 明告之 一説 知者, 我所 物 地 不信,往 、之情 以 不 之大義 動 日 泥 自 續之義 興」,歸妹之義,何 了,所歸 一征 也,非 此 塗 大哉 有。 汝 此非告語之所 得 僻 爲不足當也, 砂 自 往 凶」者, 也」何疑? 邪 以 礫蒙 也,所 變化云爲, 有 繼 Ē 妹 發育之, 蕩,靡不 此 之以 聖 大 也 人心 珠 之 之情 言 以 也, 也 天 嗤 以 明 日

執 能 柔 征 之,三、五奇 居陰,上下二卦皆然,二、四 利? 乘 則 一論也。 X 剛,兑一柔乘二剛,不順 歸妹之義大,而卦象則凶,不 。 「無攸利」者,柔 圃 以六居之, 位皆 乘 偶 剛 加 也,震 不 也 以 一,何 九 故 可 居

知敝。《象》曰: 澤上有雷,歸妹。君子以永終

也。「歸妹以娣」,以恒也。「跛能履吉」,相承初九,歸妹以娣,跋能履,征吉。《象》曰:

專行。 而 往, 初 則 九位 跛 得 能 娣之道,故吉。 在下,有妹之象,娣則 履 」者,難於行之象。 征,往 知此 不 也。 可

> 謀利者多害,不謀利者多利。 則無利心,由利心而行,則必 也,是皆易之正道也。 當有終其身爲娣之心, 跛能履,征吉」,以其 以恒」者,恒,久也,當 相承而 大抵 不 以 可 久 有他· 由 於娣爲 不 失乎道。 道 敢 念也。 M 專故

幽人之貞」,未變常也。 九二,眇能視,利幽人之貞。《象》曰:「利

也。 之日 故失之。 正惟幽人有之。 妹之貞。 或者往往以所視不 未 闚觀,利女貞」,則「眇 爲 婦人所知,不出房闥,正 意不動則静,静則幽,幽則貞。 變失常道 心未始不正,意動 廣 也,斯 爲非,聖人於是正 乃婦人之常 能視」爲 也,是 而 亂 歸

妹以須」、未當也。 六三、歸妹以須、反歸以娣。《象》曰:「歸

「歸妹以須」,不見應於上六也,須

言》曰 六三不中, M 退 而 處 終不獲,反歸 「黄 於 中 娣 惟 通 以以 中 理 六 有 以 得理之象,《坤 娣,不 有當 於理 蒙 以以 者 敵 見 故 禮 也 文

期」之志,有待而行也。九四,歸妹愆期,遲歸有時。《象》曰:「愆

其時。 待 愆期。 故爲已歸而 應,三與四 而 行 三與上 也。 九四 愆期 皆有不應之象。 7, 失時 所以 須。 兩陰不應, 四在外 愆期,不爲苟就,有所 也。 卦 雖遲其歸,終有 四 ,故爲未歸 與 三在 初 兩 内卦, 陽 而 不

六五 良。 其娣之袂良」也 袂,何 八體貴 月幾望,吉。 一,帝乙歸 君,女君 以 也,又其位在中,爲嫡,爲女君, 不 妹,其 如其娣之袂良? 也、《儀禮》亦 《象》曰: ,其位在 君之袂,不如 中,以貴 一帝 云。 帝 乙歸 其 女不嫁。 行也。 女君之 娣 妹,不 之袂

> 古。 宜 其 恭之義。 也,故 僧 又尊 以 當如月之幾望,無敢 也。 不 如 尊 其娣之袂 與 貴 非 執 取 婦道 象, 盈 者 以 滿, 明 之 謙 所 則

《象》曰: 上六「无實」,承虚筐也。上六,女承筐无實,士刲羊无血,无攸利

羊。 不能制 之名,而 三不 不能制 上,故不 應、夫婦 歸妹所以承祭祀,而上六 婦,不成 狼壯之妻也。 一言婦。 無承祭之實。「士刲羊無 不協 「承筐無實」,徒有 爲 順之象。 夫,故不言夫。 羊有 三,兑卦爲 狼壯之象。 居 上與 <u></u> 承祭 外 居

農 震離 上下

假之」,尚大也。 豐,亨,王 彖》曰: 假之,勿憂, 豐,大也。 勿 憂,宜 宜 明 日 以 中。 日 動 中」,宜照天 故 豐。 王

時消息,而況於人乎,況於鬼神乎?下也。日中則昃,月盈則食,天地盈虚,與

不與被 夷、 者德性未始不 之中天,日 故,王者惟 中。」《周官》職方氏盡掌天下,極於「 所 子 也」,●「勿憂」其智力不足以給,宜 民,與其才用九穀、六畜之數要,周知 天理物,日 下則地,中則大人之聖者爲王。 王者代 離 而 統。 害」,王者之職,乃如此 曰:「古之治天下者必聖人。」上則天, 明 動 ,則反 震 蠻、七閩、九貉、五戎、六狄之人 伊尹「思天下之民,匹夫 動,以 堯舜之澤者,如己推 卦之象,雷電皆至,豐之象 (是矣。 月所照,霜露所墜,皆王 恐 無 思 明 其 光 III] 無 不 明,帝堯「光宅天下 「王假之」,假,大。 動,故豐,故亨。 爲, 大,故《彖》 自 無 其大 所 而内 不 日 也。 匹 照。 尚 之溝 一者之 如 婦 也。 其 四 有

> 百? 乎? 常盈 聖 ? 失道,皆不昏而 豈無保豐持久之道,使繼世之王,皆 盈之患,故孔 盛之戒、恐繼世之君、恃廣大之勢、 治 文王「光於 曰「日中則昃,月盈 而 九五。 至於今不已也。 自 無 不舉 常 又豈 夏 雖至今可也。 使知其不能長有而懼之也。❷ 后 盛,「而 氏 能 此 四 以 日中 子復發滿盈之義,而 皆賢? 方」,皆 來, 能照,則 況 無所 於 「假、大」,詳釋見 則食」,自天地 繼世之君,豈 此天地之造化,所 無 故孔子於此 人 不 爲 乎, 歷年何止於 照之旨也 丽 況於 光照天下, 鬼 能 致 多滿 致 神 能 戒

刑。《象》曰: 雷電皆至,豐。君子以折獄致

_<u>:</u>

^{■「}彖」,原作「象」,據文意改。

② 「使」,明刻本、四庫本作「便」。

初九,遇其配主,雖旬无咎,往有尚。 下,其 刑 刑 犯、君子不得已致之刑、不得而 給人足,禮行政成,教孚化至,而猶有故 而 也 獄, 一,禮樂教化未孚,未敢致刑 刑之,猶不 用 雷 所 明 自 以 皆 不 下 折 至, 忍 敢盡 圃 獄 也, 其 作於下,電 威 方 在 以 民 治 今也世 致刑。 困 道 則 窮, 自 爲 道 也,不得 未 君 上 宥也 豐 敢 子 折 丽 亨, 《象》 之 致 照 家 已 刑 於 於 致

也。

合,「 剛 也 與 而 白 體 相 ? 覺 四皆九 嗣,非 爲 遇合者,彼此 雖 不期 他卦兩陰 他 旬。 旬 日 無 兩陽,而 居 而 禍 《象》 咎」,往 會 下之常道 忽至,謂自外至,故曰災。 不應,兩陽不 日 E 一遇。● 皆陽 曰「遇其配 過 有 嘉 旬 可旬 明故 不出 尚。 災也」,人若不 也。 應,此卦 而 於所期, 主」者, 不可久。 陽明 初居 初 下 配 兩 何

> 發若,吉。 陽 四 ,豐其蔣 明 以 也 初 爲「夷主」, 《象》曰:「有孚發若」,信以 以 24 ,日中見斗。 在上,故 初 以 配 四 往 得 疑疾, 配 主, 有 乎 皆

陰,無 其 必 則 北 其明,陰闇之極,故「見斗」也。 所以用之者如何。日中而見斗,則日 而已矣。 人臣言業之小大, 豐,亦小矣。六二之所以爲豐 君 亦幽陰之方。 六五之君,不明如此, 六二之功業,安得豐大? 得「疑疾」,言見疑於其 心則吉。 蔀, 相應之象。 草也。馬云:「蔀,小 使六二有忠信以啟發 君 也。 六二雖 視夫君 也。 斗在 者, 二五 如 褯 北 斯 雖

日

雖旬无咎」,過旬災也。

九三、豐其沛、日中見沬、折其右肱、无咎。

《象》曰:「豐其沛」,不可大事也。「折其右

肱」,終不可用也。

事? 豐者,如沛而已,其小有甚於蔀 臣始得展盡 其右肱」。肱左 功業之大? 口 上六之陰闇爲甚,則九三安得而大有所 日中而見小星,則日之失其 三所事乃上六極闇之君,則九三之所謂 「不可大事也」。沬,子夏謂星之小者。 用,不用則無咎,用則有咎。 臣 事業,一 草生水日 不止於往得疑疾而已,遂至於「折 所藴,君不明則人臣安得 故六二之事業已 視夫人君之如 沛,水生之草尤其不 不 如右 力, 以 光明爲甚。 何,君 明其終不 小,而 明 九 致 則

九四處大臣之位,其事豈可如蔀而斗」,幽不明也。「遇其夷主」,吉行也。《象》曰:「豐其蔀」,位不當也。「日中見九四,豐其蔀,日中見斗,遇其夷主,吉。

平也,皆陽明,故曰「夷主」。吉也。行,往也。應在初九,九陽明,夷故也。若遇其同德之主,則往而從之爲已,殊爲不常也,以六五之君,陰幽不明已,殊爲不常也,以六五之君,陰幽不明

之吉,有慶也。 六五,來章,有慶譽,吉。《象》曰: 六五

不被其澤,則雖善不爲吉也。 然聖人作《易》,取象不一,於六五爻又 然聖人作《易》,取象不一,於六五爻又 民被其澤爲有慶,民感其德爲有譽,吉 民被其澤爲有慶,民感其德爲有譽,吉 民被其澤爲有慶,民感其德爲有譽,吉 不被其澤爲有慶,民感其德爲有譽,吉 不被其澤,則雖善不爲方

也。「闚其户,闃其无人」,自藏也。三歲不覿,凶。《象》曰:「豐其屋」,天際翔上六,豐其屋,蔀其家,闚其户,闃其无人。

天際然。「蔀其家」,自藏蔽其家,使其「豐其屋」,自高大也,如鳥之翔於

至於此,其禍可勝言哉? 固也。爲人上不能謙虚禮賢,自大自足三歲之久,亦不得而見,明其自藏之深人不得至也。「闚其户,闃其無人」,雖

楊氏易傳卷十七

楊氏易傳卷十八

離艮上下

旅,小亨,旅貞吉

《彖》曰 剛,止而麗乎明,是以「小亨,旅貞吉」也。 旅之時義大矣哉 :「旅,小亨」,柔得中乎外 ൬ 順 平

剛,惟 外」,外,卦也,外有旅之象焉。 止 卦之象,是以小亨。● 也」,人之道心,未始 圃 不 山上之火,行 則 順乎剛得中,則不失乎道。 動,禹 得所依矣。 曰「安汝止」,《艮》曰 丽 體本柔,是以 不 不止也。 六五「柔得中乎 止,旅之象 所 旅體 麗者 止 則

> 矣哉。 妙也。 吉? 前,不 也。 即大矣哉之妙也,所謂 時義有「大矣哉」之妙? 足以致吉。 得中順乎剛 然則小人爲不正也何益哉? 而今「貞吉」,明由正者吉,失正者不吉。 所以多失正者,以 多失正,惟 不肯遵道者,以 人情於旅,多窮悴 旅處 知禍隨其 道心無體, 失其大矣。 人於旅 所旅於外,順乎剛 其得道者 乎外,窮而 ",止而 然則貞 微微 後 動於意,則有 孰 麗乎明,自足以亨, 人心 也。 困 動孰 Œ 爲 不 窮進之, 苟於趨利 不得志 正者即 失正。 非 者 今由正 即 無 前所 麗 静? 利之所在也。 道, 何 聊,安知旅 乎明 成者 患 謂 夫 大矣哉之 故 所 而行者, 荷於目 孰行 乎不 得 倚,有 中者 情 往往往 大 之

刻 本、 四 庫本作「足」。

以爲小末,是惡足與言易之道哉 孔子曰「言不 中之萬象,猶恐大矣哉未足以 止 ? 變化云爲,如 盡 意」,而 刀 時 或者忽略 之錯 行,如 盡 斯 斯 水 鑑

刑,而不留獄。《象》曰: 山上有火,旅。君子以明慎用

也。 昏者自不信 也,三百八十四爻一事也。 昏者而 俟乎貫通。 擬言之,心通内明者知其無所不該,無 於君子之明慎 旅者困窮犯法而念之。 不照,而 不留止。君子之明慎於用刑,如火之無 易之道顯於上離下艮之六畫,而行 山上有火,明無不照,又火行山上, 漸通之,不昏者知六十四卦一象 不留獄,如火行之不留止,亦憫 六十四卦之象,聖人姑以導 而 不留獄 凡此皆易之道 ,此不可止以 明者自 比

初六,旅瑣瑣,斯其所取災。《象》曰:「旅

瑣瑣」,志窮災也。

自昏自失,不昏者本不失。
亨」,●「困而不失其所,亨」。隨物而遷,其所以取災歟,志窮故也。《坎》「維心其所以取災歟,志窮故也。《坎》「維心

曰:「得童僕貞」,終无尤也。 六二,旅即次,懷其資,得童僕貞。《象》

也」。
(僕之心,則無所不得矣,故曰「終無尤安,懷資而利,又得童僕之貞忠。得童安,懷資而利,又得童僕之貞忠。得童

義喪也。曰:「旅焚其次」,亦以傷矣。以旅與下,其力三,旅焚其次」,亦以傷矣。以旅與下,其九三,旅焚其次,喪其童僕貞,厲。《象》

者,尚不可以免禍,而況於旅乎? 宜其九三不中,用剛而過。 自居位得勢

「維」,原作「惟」,據坎卦辭改

貞,危厲之道也。 焚次矣。在旅而以此與下,必喪童僕之

未快也。曰:「旅于處」,未得位也。「得其資斧」,心力四,旅于處,得其資斧,我心不快。《象》

安,有不快之心焉。 以凡居四,則安。故六以陽居陽,以陰居陰,則安。故元以明,有斧象。居弱離明,非昏妄者,故曰此於柔弱而已,亦有剛斷之道焉。九四止於柔弱而已,亦有剛斷之道焉。九四山於柔弱而已,亦有剛斷之道焉。 故六以陽居陽,以陰居陰,則安。故六以陽居陽,以陰居陰,則安。故六

「終以譽命」,上逮也。六五,射雉,一矢亡,終以譽命。《象》曰:

有此象。然六五文明之德,終不可掩矢,無應之者,道不行也。六二不應,故業。離爲雉,文明之象也。射之而亡其

之者。《象》曰「上逮也」,以上九相比,之者。《象》曰「上逮也」,以上九相比,

上九,鳥焚其巢,旅人先笑後號咷。喪牛陰陽有相親之象。

也。

「喪牛于易」,終莫之聞也。

于易,凶。《象》曰:

以旅

在

Ŀ,

其義

禍尤,不悟其所以致此之由,雖終其身 忽略輕易,無故喪之,故凶。牛有柔 咷矣。蓋不知柔順之足以致福免禍, 焚也,愚不知其禍至,故笑,及其焚則號 之道也。鳥高翔,有自高亢之象。 甚。「鳥焚其巢」,旅 焉,以剛居上,而離火性上炎, 不悟也。 上九與九三略相似,而上九 其曰「終莫之聞也」者,昏愚 而 以此居上,焚巢 剛 其未 爲 躁 順 爲 其 而

● 「未」下,四庫本有「爲」字。

異 異 上 下

利見大人」。
行。柔皆順乎剛,是以「小亨,利有攸往,《彖》曰: 重巽以申命。剛巽乎中正而志巽,小亨,利有攸往,利見大人。

卦,柔 正」,備 徒柔 命。 剛 大,不往 當依乎大,往 爲大,下爲小。上命之,下行之,是爲申 有剛之象,皆巽 小亨,利 爲 不足以立,必有剛焉。 申命者, 巽順而行之。 天下之事, 大,柔爲小。 小皆順 巽,小者之道也,「申命」之道 見必「大人」。 不見大人,則見小人矣,非巽之道 此 則失小者之義。 衆德,非得道不能 有攸往 乎剛,又道之所 丽 依乎大人。 體 ,利見大人」。 君爲大,臣爲小。上 背中正。 如不中正 然其往 小者當 當然也,「是 二五皆 剛異「中 小者固 則 又重 也 必 從 也 邪 巽 中 平

《象》曰:隨風,巽。君子以申命行事

也

不知」。 事」。 爲易之道 人臣知 風 相 也,故《大傳》曰「百姓 隨 申命行事而已,未必 而至,即 君子之「申命行 日 用 知 其 丽

退」,志疑也。「利武人之貞」,志治也。初六,進退,利武人之貞。《象》曰:「進

過,亦非道也。 疑 貞,正也。 九四以疑 不決之象。「利武人之貞」,教之決也。 而不疑,非 巽爲進 IIII 決而 退、況初爻尤有「進退」未定 無咎,此則以疑而不治。 道也。 不 失 不必 正,易之道也。 疑 圃 疑,疑之 乾

《象》曰:「紛若」之「吉」,得中也。九二,巽在牀下,用史巫紛若,吉,无咎。

有巽在牀下之象,過於巽也。史巫以言九二巽體,而又居下卦,又二爲柔,

言 誠 謂 論 通 而 過 ,不致於大過也。天下事皆不 此「吉無咎」者、於其過巽 解,其多若。 誠於神,「紛若」之多,異順之甚,發諸 也,是謂變易之道。 雖非中,就過亦有得中者,九二之 此疑其大過 ,不能致吉 (而出 可 於中 執

志窮也。 九三,頻巽,吝。《象》曰:「頻巽」之「吝」,

巽不 足也。 無 本有之性,清明無體,何者爲我? 巽,頻失頻巽,其志亦已窮矣。 意,自知自巽,何窮之有? 出於本心,勉强 以九居三,剛而 頻巽則知頻失之矣,故吝。吝,不 夫其實不能異,至於不得已而 過中。 而行之,故曰「頻 質非巽者 夫豈 無 知 後 我

品」,有功也。 六四,悔亡,田獲三品。《象》曰:「田獲三

以六居四、柔順之至、況又巽體?

以習武 意。 於意 教之田 所 所以 第往 掖之於後,即堯之所以「輔之翼之」之 害性者,庶乎復其本中矣。 性未始不大中,或動 二曰賓客及充庖,三曰班其徒御。 不足 啟諭之於先; 加 而過柔,約其過,彊 田 也。 備 焉,春蒐夏苗,秋 可以「獲三品」: 有剛 曰「悔亡」,尤慮其有悔也。 德之象,於 於意 曰「有功」,所以誘 其所 獮冬狩。 而 以濟六四之 _ 曰 曰「悔亡」, 過剛,或 不及,去其 一乾豆, 夫人 先王 動

吉,位正中也。 庚三日,後庚三日,吉。《象》曰: 九五之九五,貞吉,悔亡,无不利。 无初有終。先

不偏 定其中正之道也。 不利」者,凡此 於柔,爲貞正 九五正 得中正之道,不偏 屢言,皆所 ,必吉,悔 人情喜於柔巽,不樂 以 釋 亦亡。 於剛, 人之疑, 「無 亦

先三日 懦 之戒之則吉。 柄 居尊位,不可 必 於 發,無作好作惡,●無偏 中也」,明夫九五之道,允爲 福, 剛 無制也 ,故曰「位正中也」。《洪範》 獲吉,然 德 惟辟作威」,非爲暴也。 而 故 圖 亦 其始,後三日 過於柔異,過於 不 《象》曰「九 無 可 初。 不 謹 戒。 無 然中正 五之 倚, 以 庚, 正 圖 柔巽 自不 自道 吉, 中, 其 日 之道,終 剛 「惟 (終, 謹 道 可 蓋 心 則 位 也。 巽 辟 其 失 丽 正

乎凶也。曰:「巽在牀下」,上窮也。「喪其資斧」,正上九,巽在牀下,喪其資斧,貞凶。《象》

則 日 王 無斷 「巽在牀 可以 窮 上九居巽卦之上,❷爲巽之過,故 也, 制、雖其 爲正乎? 下。 言異之 事出於正 喪其資則 過 [X] 也。 也。 亦凶。 失利 既 未有 喪 喪其 由 其 《象》曰 資 I 斧 斧 而 亦

> 行 以見其失正 iffi 失 利 而 之驗 無 斷 制 者 也, 失 利 無 足

■ 兑兑 上下

兑,亨,利貞。

《彖》曰: 忘其勞。 民勸矣哉 貞,是以 順乎 兑,説 説以 天而應 犯難了 也。 民 乎 剛 志 人。 中 其 而 死。 説以 柔 外,説 先民,民 説之大, 以利

是爲 不可 説之道乎? 於無 然利於貞, 以 剛 窮,大致禍 兑, 説 也。 害 動 以不 也。 其 也 剛 中 之爲德,不 於後 正 得 則 大中至正, 説 人歡 剛,外則 人 日。 者 心, 豈不亨通? 有 剛 口 不 失, 柔 中柔外, 以 可 利動也, 以 壞人心 此 得

- 下「作」,四庫本無此字。
- ② 下「上」,原作「吉」,據文意改。

行。 於民 所同有者,故無所不通也。 死之,不止於死之,又勸於善。 衆」,得其道故也。故曰:「道也者,通 術以使之也,非違道以干之也,由正 則 ? 也,無不通也。」故又不止於民説之,又 之,而下之人自翕然應之,幾於神矣,故 難」,則民咸死之,咸忘其身,説之大至 民」,則民咸從之,咸忘 曰「敬一人而千萬人説,所敬寡而説者 人之歡心,必不失乎貞正。得人之歡 不失其正者,順乎天道,應乎人心, 成 而正者人心之所同 三才一道故也。 勸 於善,豈不大哉! 其勞。「説 如此「説以 有,故上之人倡 此 感民之 説 非 而 有 犯 何

兑卦也,而知之者有幾? 知其説者,未習。自古朋友之講習者多矣,皆《易》之澤之相親麗而講象》曰: 麗澤,兑。君子以朋友講習。

朋 後爲 即天地萬物,即 麗澤也,即六十四 足以爲知也。 友非此。 知。 知之者 「不可度思,矧可射思」。 心通内明,自知自信,而 日 何 卦, 月 獨 四 即三百八十四爻, 知 時。 朋友 麗澤非彼, 講習之即

「吉」,信志也。 九二,孚兑,吉,悔亡。《象》曰:「孚兑」之

有可疑之迹也。

言心相信。 孚,斷無和 象,然陽實有 惟相孚 二五本爲 ilii 和 説 説,則「吉,悔亡」。志不相 之理,故《象》曰「信志也」, 誠信之義,故 正 應,而 兩 有相孚之象。 陽 無 相 應之

六三,來兑,凶。《象》曰:「來兑」之「凶」,

位不當也。

必 而説 從其 兩陰不相應也 六三之位,亦稍高矣, 以人言,惟以 於不 不正,來比 六三之正應在 正,不當爾 E 於 不 二,是説於 上六,今不從 Ē 也。 惟賢者宜 言。 上六初二,不 陰陽 不 在 其 相應, 正 高 正 位, 也。 而

九四之「喜」,有慶也。九四、商兑、未寧、介疾有喜。《象》曰:

九 位 正 之曰: 心知 五, 孚于 去取 亂 應 有 當也。 在 係焉,能不近小 慶」者, 言九 其非,而 初 交戰於胸 九剛 而 剥 介然疾惡小 未應,近比六三諛佞之小人, 四柔,若有 有厲。 實樂其柔媚,故 中 四 而 人,則澤及民矣。 居 未 人則· 象》曰:「孚于 大 立者 寧。 臣 有喜。《象》曰 之位 而 聖人於是勉 商 不 固 ,國之治 度所説, 一,其正 剥,

> 以己處富貴崇高之位,未有不親信 樂、故人欲熾而邪媚得志也。 之高 用,小人退遠。 源則必有流,如木有根則必有枝葉實, 剥。信小人,危厲之道也。 人,致危亂也 由乎以位爲己之位,正當其位,以位 正當也」者、聖人推原所 人剥君子,又剥喪其 一, 而 敝 位 屣,禹有天下 九 親 一, 故 五. 信 本 上 日 與九二正 六 「孚於剥 黄 柔 屋 媚 而不 國 非堯心,舜視 不 應,今乃 家,故謂 正之小人,又 以 與。 剥之爲卦,小 孚於剥之由 《象》曰「位 故君子進 此如水有 小人 不 天下 應 爲 小 置 九

中,無得道之象,近比乎九五,陰陽有相高尚之象,宜不爲富貴利達所動,然非也。
上六超然一卦之外,不應於三,有也。

欲以 説 曾子 説 光 光明也 親之象, 明者 疑 ",孔子 未爲 子夏 所事 光明,子夏不光明也。 固 光明 則 戒之以「毋爲 及孔子没,乃以有若似聖人, ,孔子事之,强曾子,曾子不可。 如此乎? (於夫子,曾子數其罪爲第 亦 也。 有引之説之之象。 子 夏出見紛華盛 小人儒」, 又使西河之 引 知其未 麗 之 斯 而

翼 異 上 下

涣,亨。 外而上同。 《彖》曰 大川」,乘木 王 涣, 王 有 廟 假 有功 利 剛 有 來 涉 也 廟 而 大 Ш 不 E 窮,柔得位 乃在 乎

坎 其 成 、卦變 涣,散也,離 則本以 曰「柔得位乎外」。 剛來 九 」,六二之柔 也,其 四之剛 象 來 則 往 爲 風 一爲六 九二 剛 行 水 (四而 而 柔 成

之道。 也。 也。 往而 王者 心,是以下亦無慈愛恭敬之心而 心之所以離散者,由其 不觀感於下,是爲大其有廟之道。夫人 措之天下,則舉天下慈愛恭敬之心, 敬之心也。慈愛恭敬,人心之所 道者,無所 道 有上同之象,故日 非 險 皆有亨之象。 道矣。 口 也,不和同 ,故曰「不窮」。 乃 有王 能亨。 即 上者行 此 中天 廟必有 中」,明 者作,「綏之斯來,動之斯和 柔得位, 有 往 其恭敬慈愛之心於上,舉 假,大也。 下而定 廟之道 則離 而 尊也,必有親 剛 非王 不 亨 散非 順承 來 「上同」。 不窮者亨之道, 得 一者則 四海之民 而推之,可 道矣。 中,故 失乎道者, 上無慈愛恭敬之 惟王者大其 九五、陰陽相 不能宅中 上同者亨之 也,慈 不 大抵 也, 以 陷 愛恭 爲 同 得乎 有 窮 於 無 有 所 無 坎 而 廟

生厚, 良能, 則道 有昏 不濟。 廟之道 所 道 自 他 之平天下則天下平,以之濟大險則無所 以之齊家則家齊,以之治國則國 心者,無所 心,乃天 木 Ш 非他 有 不 也,大其 惟 濟 有明, 下 通 心 南自 因 以 大 道、 無 也, 此心人之所自有,人所自 也, 不 自 下 物 明 險 體 然之心? 乘木 此 慮 有濟 無 不通之心,以之修身則身修, 同 有 北 有 濟 即 乘 自明自 然之心。 廟 所 耐 遷,意動則昏,不動 慈 險 日 無思不服」? 有不 木 之 自 知 不 愛恭 有 乘 之道 道 濟。 ,是謂良 道 有 木 ·濟者,何也 神 而 而 何 敬之心, 此心即道 有功」者, 也。 示不 道 己。 己。 以 自正 能 者 學 彼 知」,此 大其 濟險 使「自 一,何 自 而 此 謂 乃人之本 中 能 ? 非 以 有 假 心。 取 之 存, 治 智 假 爾之 道 西 能 是 有 象 以 感 桁 廟 謂 無 民 有 而

《泉》曰: 虱亍kb,奂。 ヒE以字之所能致也。

立廟。 風行水上, 涣。先王以享于帝

鄙笑。 於人; 危懼 愛誠 心者,在此 亦深,動化 恭敬,有一 事以發其端爾,非謂止此二事足以 必達於事 廟 又著之於禮樂 下之涣散。《孝經》曰:「愛親者,不敢惡 釋其義, 即 敬,雖 禍亂繼作,安得不去彼取 王 其 風 敬親者,不敢慢於人。」凡慈愛 此則其 假 有以力假 行 失焉, 益敏。 圃 已自足,達之深入乎民之心, 則爲享帝,爲立廟,此始舉一 有 水 己, 上, 廟」之道。 政 事 而或者求 即 事、聲名文物,則觀 夫所以合天下離 也。 仁,僅 涣 失人心。 散 恭敬慈愛之心 之 於卦《彖》已詳 足 諸 象。 小 權 王心之誠 此? 濟, 岌岌 桁 享 定天 散 帝 良 之 咸 可 V.

初

用

拯馬

壯,吉。《象》

日

初

六之

吉,順也。

而 成,則早遯爲順爲 亟遯,則吉矣。 時 方 以初六未得位 離 散 不 《象》曰 可 宜也。 出 一、又涣散之始,難 圃 「初六之吉, 仕 也 ,拯壯馬 順

机」,得願也。 九二,涣奔其机,悔亡。《象》曰:「涣奔其

明 時 机 下,遯世 也。 者則以退而即安爲得願 居下而安,人皆以進 涣散之時, 涣離 而 貧 其所,而 (賤,則 丽 九 安 奔 也, 其 面 稍 得 則 机,棄位 得 位 位 悔 爲 口 出 得願, 非 也。 就 其

志在外也。 六三,涣其躬,无悔。《象》曰:「涣其躬」,

九二,陰陽 ൬ 涣其躬」,不 在 外,斯其所 躬有 俯 有 圃 就 相 就 以「無悔 下乃應上九,志不在 得之象, 下之象。 而六三不然, 歟? 六三近比於 内 内

> 於遠 是故知六三之「志在外也」。 以六三與上九,一 難 不必言人,九二有内象,上九有外象而 ,戀戀於利禄者未必 外也。 今何以知六三之志 陰 能 陽有相應之象, 涣 其 九二、上九 躬 在 而 外? 退處

《象》曰:「涣其羣,元吉」,光大也。六四,涣其羣,元吉。涣有丘,匪夷所思。

已,諸儒率多誤認。

朋 道 匪 所 其私黨,故「涣其羣,元吉」,此非小賢之 君當大任,則當行天下之大公,不當用 義。夫士之窮 能 友之黨,急難相 思念,足以 心之事業,而 心, 夫是之謂 夷、皆深信其大公、知不可干以私、不 也。 六四居大臣之位,取涣離其羣黨之 丘,聚也。 見其 而 非 易之道,夫是之謂 在下 其 誠 救,利害相 於涣散之中有聚合 實 故,匪夷所思,其故 也,則 (篤志。 有 同,及 夫是之謂 親 黨 其 事

大。

曰:「王居无咎」,正位也。 九五,涣汗其大號,涣王居,无咎。《象》

《易》,衆義畢備,不可執一論。 者,易之大號。「涣汗」者,易之涣汗也。 者,號令而已,疑大易之道未必在是,則 散於四方,曰「汗」者并以 乃爲王者之正位 位」者,明爲 身,雖驅之使離散,不可得矣。 者之心即兆民之心,兆民之身即王者之 患乎民心之涣散? 一麾而定矣。蓋 之德,乃名爲王。 咎」。所謂王者,非空名而已,實有王 涣離之時,惟王者乃能居其中而「無 不惟不知易道,亦不識號令。「大號」 反之義,凡此皆易之道也。若謂號令 九五又發涣汗大號之義。 王 丽 也。 後 既有王者之德,則 口 正居其位也 著一出不可 大君 何 者 復 涣

其血」,遠害也。上九,涣其血,去逖出,无咎。《象》曰:「涣

也,言其不當應乎内也。離其難,去而逖出,則「無咎」。逖,遠難,又坎爲血卦,故告之以「涣其血」。上九應六三,三爲内卦。坎體險

楊氏易傳卷十八

楊氏易傳卷十九

宋慈谿楊簡敬仲撰

数 坎 兑 上 下

節,亨。苦節不可貞。

制度,不傷財,不害民。節,中正以通。天地節,而四時成。節以節不可貞」,其道窮也。説以行險,當位以節不可貞」,其道窮也。説以行險,當位以常。曰:節,亨,剛柔分而剛得中。「苦食」,

焉。 道也。 不 有所謂 艮之止,止雖不同而 偏。 三剛三柔中分而不 節,止也,止其過· 内以 不偏則人心和 節 止 節己,外以節 也。 觀節 其道 而 卦 也。 偏 可行,爲亨矣。 象,有亨之道 物,凡天下之 同,天下 節 節之止 制爲 剛 無 異 柔

天地 之極 之道。 之道,節 則 而 以 亦不從。 中正也。 邪,則人心説誠服,通行而無阻,斯備節 以行,又中而一無所偏倚,正而 難,故必和説以行之,又必當位,其勢 於節,節之是拂其所欲,拂 也,聖人以爲行險人心易縱,既縱 貞,其過窮 堪,將不行。 亦亨之象。 一、五皆剛 聖人必並言之,何也? 制 不横斂害民。 春節之,故「四時成」。爲國則「節 度」,有制度,則財不妄用,不妄用, 亦有節: 兑,説也。 以制度即四時寒暑暄涼之宜 不得「中正」之道,人心不服。 不和説則人心不從,不居勢人 而 則不通。制節 苟「苦節」而 苦節非 得 中,亦 夏暑之極秋節之,冬寒 言「天地」似無與乎人, 坎,險也。九五當位 其道也,不可以 制 過之,則人將 節 人道即天地 非 不過之象也 人之所欲 人之 不人於 則 口 大

以制 通, 者,不惟不知 人以 度。 有不通,則皆不通。 此 天下無二道,一 開 萬 天地,亦不知 世之明, 其 日 人,實 通 不 則無 無 不 小 所不 識 異 節 焉

羡惑; 。。 《象》曰: 澤上有水,節。君子以制數度,

也。 言,侃侃,與上大夫言,誾誾」,「升堂,屏 此 道 國之道 怡如也」,去魯曰「遲遲吾行也」,去父母 氣似不息者。出,降一等,則逞顏色,怡 九尺,諸侯七尺,大夫五尺,士三尺」,凡 故聖人於是又發品 侃 也 類,度也,不可亂 ,出降自怡怡,去父母之國自遲遲,去 侃,與上大夫言自誾誾,升堂自 自 澤上 此 凡此皆德行之品節 也,去齊「接淅 心 有水」, 光明者行之,則與下大夫言 水節 也。 節之義。 圃 乎 孔子「與下大夫 行 澤 丽 中 「天子之堂 去他 不 而 可亂 不 國之 潰 者

> 苟 而 聖人「以五禮 聖,皆不可 與 他 者非德行也,僞者非德 百,曲禮三千」,皆人心之誠敬 心之所安也,皆吾心之所自 無 出之,非由外鑠我 雖 或 自 議 通 焉 速 而 未 ,不保其無 不議。 無 大通, 俟 防萬民之僞」。 乎 雖 未 議 也。 議 極 也 差 行 丽 其 也。 也。 自 非外也,皆吾 光 明 此 有也,是故 未至於 也。 德者直 經經 而行之, 心 未通, 自外 禮 大

庭」,知通塞也。初九,不出户庭,无咎。《象》曰:「不出户

也。 耳,故曰「知通塞也 當出,不出則「無咎」。 爻,阻其前,户 當出斯出 「不出户 庭」,知 庭有阻。 當處 斯 止節 處, 然出處之道, 夫有阻 顧其 也。 之,則不 九二奇 時 如 何

凶」,失時極也。 九二,不出門庭,凶。《象》曰:「不出門庭,

固塞,亦非道之所貴,孔子疾固,其此類止節而不出,則爲失時之凶。然則苦節三耦爻,有門象,無阻之者。而九二猶二,二之前無阻也,異乎初九矣。六

歟?

而執其末?
而執其末?
而執其末?
而執其末?

承上道也。 《象》曰:「安節」之「亨」,六四,安節,亨。《象》曰:「安節」之「亨」,

止無越,則亨。斯乃承上之道也。位,尤當明於上下之分。正位居體,安六與四純陰,有安象。居近君之

之「吉」,居位中也。 九五,甘節,吉,往有尚。《象》曰:「甘節」

與」者,亦言其象耳。

如,言往必利必嘉也。《象》曰「居位中」也,言往必利必嘉也。《象》曰「居位中」也,言往必利必嘉也。《象》曰「居位中」五得中道,故制節不至於過,故曰

貞凶」,其道窮也。 上六,苦節,貞凶,悔亡。《象》曰:「苦節・

蔽,言上六道之窮者也。 聖人之言及此,亦以破後學執固守信之 凶可亡也。此悔亡猶六三之「無咎」。 直正亦凶。能悔則亡,言悔而改,則此

異 兑上

中孚,豚魚吉。利涉大川,利貞。

巽, 孚乃 利 」,乃應乎天也 涉大川」, **>** 日 化邦也 中 乎, 乘 木 柔 舟虚 豚魚吉」,信及豚 在 内 也。 而 剛 中孚以「利 得 中, 魚 説 也 而

孚,豈 實。 内。 故 剛至 實無 體狀 觀卦 立 賤不得而移,威武 柔,故外物不得 於天下之至柔,惟空洞 也?二、五 無 則外物舉得 倚 我。 ,至虚至柔,雖有作 虚、至虚 中 之象,三、四 中,内也,孚, 夫何取乎柔 不甚柔? · 者無 無偏,惟 我 皆剛 意 所倚,無 至實, 猶 意不作,故無 而 而 無、安 皆 Щį 轉 移、富 不 也 陰 誠 中。 無我 . 得 又 ? 移之,安得剛? 也 所 交 日一 丁,其 加 得 偏 無我, 貴不 人心 在 用 天下之 屈。 無雜,純一 有僞, 剛 視 中 中 惟 得 聽 非 僞 心 得 使己私 無 意不 無詐 氣 而 言 誠 是謂 至 中一, 我 淫, 信 動 血 柔 剛 爲 也 微 在 貧 何 其 至 生 中

所 霸哉? 得 口 故 虚 信及 然 豚魚 間 也。 倚 偏 邦民自化。 言,則中孚之全,明白 説自生,自柔巽不忤,苟微立己意於 中,足以 而巽」者,又何也? 所以備言中孚之道 無 能 移 中之道。 不倚 無 則必有 哉? 奪 所 即 豚 誠 也」,豚魚猶 倚 卦象兑巽,爲説而巽,中孚 忤 柔 魚 靡 乎此, 發明中孚之實也。 测則 在 必 輟, 於誠 豈 虚 即 不和 「天之所助者 此豈 誠 内 故 較 説 町 無 之道 必偽皆主於意, 必倚 而已矣。「豚 不 以 間 計揣 而巽之道 五 信之,豈雜以 説不巽者矣。 動 濟 無 霸之權 乎彼。 也, 乎 大險 雜 度之所爲 .無 惟虚 · 故能 意 虧,中孚之用, 矣。 加 也,惟虚 術,漢道之雜 順也。 日 ılıı, 不倚, 故 魚吉,信及 及之。 柔 意 權術者之 「乘木舟 又曰 柔, 哉? 無我, 如 起 E 惟 此 故 即 剛 則 之 剛 備 不 虚 能 其 説 純 和 心 E

道 得 此 柔即 出 所 有二道? 於 助 何 言也,舉五經皆此 貞 剛 即豚魚之吉也 既信既 者,信也」,信足以得人心, 也? 即 正 中 者 聖人安得有二言? 即説異,而聖人屢言之不憚 E 何特舉此? 亦 ,則人欲盡釋,「乃應 有之,未足以 ,即舟虚之道 言也。 《易》之書,皆 盡 天下安 中孚之 圃 也。 未 乎 即 必

緩死。《象》曰: 澤上有風,中孚。君子以議獄

是故 體 之動心可也,然此 不 雖動而實未嘗動 心,誠心求之,誠心議之,惟詳惟審,謂 ៣ 不動。 聽之不可得而聞。」惑者惟覩其 知 其實不 ,正明目而視之不可得而見。 澤上有風」,水波雖興,而 君子憫獄 動。 訊羣吏,訊萬民, 孔子曰:「哀樂相生 動心乃道心之變化、 囚之將死, 惻 水 、動心, 傾耳 之 然 如 此 動 大

> 不動之動,無爲之爲。 惻念無已。《易》曰「變化云爲」,變化, 王又三宥之,然後制刑,而君子於此猶 王又三宥之,然後制刑,而君子於此猶 其詳矣,而又有議親、議賢、議能、議貴、

「虞吉」,志未變也。初九,虞吉,有他不燕。《象》曰: 初九

淵 之謂 恐懼之異稱。 純誠純白,百年 此也,其發也有端,生於因 詐妄,至於不可勝 也。《易》曰:「君子敬以直内。」敬者,虞 有他者遷化,有他 如履薄冰, 也。 中孚之心,人皆有之, 禹 日 如此者終其身,此之謂 「安汝止」,即虞也,虞未 曾子戰戰兢兢,如臨 如 者意 窮者,非 日也。 動也,意不 物有遷 其惡驟 圃 「虞吉」 民之 mi 動 顛 至 虞 則 一於 深 倒

● 「三」,明刻本、四庫本作「王」。

作 懼 未兆。」未兆者意未作未有他之時也。 漸入於詐。《老子》亦曰:「我獨怕兮其 而《老子》曰「獨怕」云者,戰戰 於思· 燕安矣 而 非思慮也,故《象》曰「志未變」。 慮 則 也 動 使 則 作於思 不止 慮 矣, 則有 則變矣,變則 就兢兢 他 矣, 則

也。 九二,鳴鶴 在陰,其子和之。 《象》曰:「其子和之」,中心願 。我有好爵,吾

舌,有「鳴鶴」之象。 其言善, 中孚之道矣。 之」者,君臣一心一德之言也,亦猶 者,誠之所感也。 爾,非拘拘謭謭者。 之象。聖人作《易》,雖觀象亦 而子和。《象》曰「中心願也」,此足以 在 則千里之外應之,況其邇 下卦,有「在陰」之象。 兑爲 孔子曰:「君子居其室, 「我有好爵,吾與 鶴鳴於陰 居中,有 由 取其 而 中 子 大 和之 鶴 爾 而 者 台 出 明 鳴 靡 發 口

> 樞機。 也。 乎? 者,慎其中孚之主,不可動 君子之所以 民。行發乎邇, 違之,況其邇者乎? 何思何慮,自誠自 居其室, 樞機之發,榮辱之主也。言行, 動天地 出其言 見乎遠。言行,君子之 也,可不慎乎?」慎 不善 言出乎身, 乎意而失之 則千里之外 加乎

六三,得敵,或鼓或罷,或泣 「或鼓或罷」,位不當也 或歌。

進、「或罷」而止、「或泣」而悲、「或歌」而 位者,不當爾也。 喜,心之不誠,故進退悲喜不常至於此。 不相得,故曰「得敵」。 三之位稍高矣,惟賢者宜 ,月幾望,馬匹亡,无咎。 |剛而進,進退静躁不常,其象則然。 六三之近而 六三失中,六柔而退, 相得者六四 Mi 在高位。 六三「或 《象》曰:「馬 爾。 《鼓」而 居是 兩 陰

之私。惟上而事君,則誠心著達,君臣望,不敢盈也。如馬匹其匹,絶其朋類,四居大臣之位。月陰類,幾於

如」,位正當也。 九五,有孚攣如,无咎。《象》曰:「有孚攣

交孚矣。

臣相孚,正當爾也,不然則何以爲君咎」者,君臣和而不乖違也。《象》曰「有孚攣如,位正當也」,言近君之位,其君乎攣如,位正當也」,言近君之位,其君臣相爭,正當國也,不然則何以爲君,君臣和而不乖違也。《象》曰「有

登于天」,何可長也。 上九,翰音登于天,貞凶。《象》曰:「翰音

其飛之大高也。斯乃不由乎中孚,彊力飛,不過尋丈,今乃過其常,登於天,言上,有「翰音登於天」之象。夫雞振羽而上,有「翰音登於天」之象。夫雞振羽而異爲雞,雞爲「翰音」。上九巽卦之

矯過力之戒。 「何可長也」,必墜無疑矣。斯可以爲彊而上,雖貞正亦凶。何則? 彊過其力,

震艮上下

遺之音,不宜上,宜下,大吉。小過,亨,利貞。可小事,不可大事。飛鳥

吉」,上逆而下順也。 鳥之象焉,「飛鳥遺之音,不宜上,宜下,大剛失位而不中,是以「不可大事」也。有飛剛失位而不中,是以「不可大事」也。有飛鳥,與時行也。柔得中,是以小事吉也。過以利

也。 亨,未爲失道,過而 故小者力盛 者之過,不以己私,隨時 故利於貞正。 二、五雖得中道,柔體小,可以小事 陽爲大,陰爲小。 而過,足以亨也。 過而貞正,與時行也。 不正,斯失道矣,是 四 而行,非人欲 陰盛 而得位 力過 m

動 之氣有升降上下,而道無升降上下,至 以意是謂道心。 之天性即天道,動於意則爲 之,下者舉之,盈者虧之,謙者益之。 退,好高 聖人所以諄諄及此,良以人情好進而 則順也,上則犯分忤物,下則不犯不忤。 則順也。 者,又有不得中道者。 故,是卦有柔者,又有剛者,有得中道 於一人也。 而 不宜上,宜 不可大事」。 了,而變化無方,如水鑑之象,象有升降 來, 筮者雖一人,而一卦之象,非止 而 形 剛 水 而 已 人情事 體 鑑 惡卑。而天道不然,高者 過, 人豈獨立,必有與也。 下,大吉」,鳥飛上則逆,下 大,二剛失位,又失中道 無升降往 事之大者,必剛者而 遺音在空,過之象也。 理猶是也,上則逆,下 道無體無我,寂然 六畫 來,如 人欲,動 天地 有飛鳥之 陰 後 陽 抑 不 不 惡 能 故

> 知,則 者、欲 惡卑,好動惡静。 之意以爲己私,所以率好進惡 心,皆有是變化, 動 而 常 静 亦無所不知 静, 而 又自不能也,不欲 至 變 丽 前 其間雖有知静之爲善 自 常 不知 0 而 皆 則未 惟 退 有 執 一,好高 始不 是 浮 .]動 道

乎恭,喪過乎哀,用過乎儉。《象》曰: 山上有雷,小過。君子以行過

《彖》所言,所以 桂 所不能矣,●能 也。 此 言過失之小者,又異 通則六十四 通於他義 也。 桂 皆小 能 乎 桂 通 過之 辭 則 無 與

可如何也。初六,飛鳥以凶。《象》曰:「飛鳥以凶」,不

之,有高舉上進之意,凶之道也。夫人小過有飛鳥之象,而初六在下而用

司之法之,并且。而遏之曰「不可」,又曰「如何也」,所以心既已放逸而有勇進之志矣,今知其凶

无咎。《象》曰:「不及其君」,臣不可過 六二,過其祖,遇其妣,不及其君,遇其 咎 ? 問之甚之之辭也 不可以過其君 象,故曰「遇其妣」。 遇其妣則 言,自他人則可,言如是而 過之,其事業或可過之,而非 一臣象,而其 過其祖」之象。祖不可過也,其德或可 國之所尊也,苟曰 過之,往往 尊貴貴,天下之達道也 ,有可過者,有 祖者始,初六有祖之象,故六二有 六二以陰柔 五君 一臣 遭 ,雖德亦 象,在 一何咎? 禍。 内居卦之中,有妣之 不可 過之,大禍之招也。 人君操生殺之柄。 上,二固 不可以言過之, 過者。 此言天下事 過其祖, 孫之所當 不及 不過,固 臣 也。 臣 何

「從或戕之」,凶如何也。九三,弗過防之,從或戕之,凶。《象》曰

貞。 九四、无咎、弗過遇之、往厲必戒、 必戒」,終不可長也。 戒之使過防,防慎不嫌 矣,凶之道也。 中。「弗過 又曰「如何也」,亦深戒之辭也 《象》曰:「弗過遇之」,位不當也。「往 三下卦之上,而 防之」,則將 《象》曰「凶 以 於過。 九 有 居之, 從 如 而 何 曰「凶」, 勿用,永 戕 也 重 之者 剛 不

弗過 得位 任 九 陽剛 疑 相 國 遇然 四 應 ,非所宜往 而過,九四 事,不當 而 居人臣之位 小過之時,六五柔在上,九四乃 雖 犯分,其 於初,其志 不 敢深自遠嫌,大臣 爾 則 (與六 又以 也 一、疑其是 危 乃 五非 陽 而 厄厲 在 小過之時,柔 過 體居當位 必 下, 本 戒 丽 故「無咎」。 乃 爲 應,乃若 可 之位,當 咎也,而 適 以 调

<u>二</u> 拓.

也。 不 所 可 用 水守. 長也」,言終不可久處斯 貞 ĪĒ. 無 至 愆 違 **《**象 位、義當退 Ē 纹

穴。《象》曰:「密雲不雨」,已上也。六五,密雲不雨,自我西郊,公弋取彼在

與 雨。 臣之心未通協,則大臣僅可 惟在「西郊」而已。 公,大臣也。 雲升 則雨,今陽氣已上,未與陰 $\overline{\pi}$ 自取大臣之象。《易》取象不可執一,六 在穴,小事之象。 小畜同。此六五無應,故也密雲不 陰爲臣爲小,而居位甚尊,有公之象。 大臣竭 九四以六五爲君象,而六五本爻又 誠事上,而 而不爲雨者,陰陽和 西,陰方,臣象也,象 君 心猶未應,君 和,故「密雲」 以小事。

止則亂

,其道窮也。

《象》曰:「弗遇過之」,已亢也。上六,弗遇過之,飛鳥離之,凶,是謂災眚。

居卦之上,不中,有過之象。過則

亢故也,不亢則何災? 天降之災,不可 凶「是謂災眚」,蓋 弗 遇」矣, 如 鳥 避 飛 而 也 日 此 離 雖然, 其 正 所 所 謂「凶」也。 自戢而 有 大過之

⇒ 数離 上下

剛柔正而位當也。「初吉」,柔得中《彖》曰:「既濟,亨」,小者亨也。「既濟,亨」,小者亨也。「既濟,亨小,利貞,初吉終亂。

正乎? 柔純 知矣。其曰「利貞」者,何也? 位乎下, 五皆奇,剛 小」者,及其 初吉」者,柔順得中。 圃 既、盡也、既濟無 無雜。又九五當位於上,六二當 餘剛柔咸當位,正當如此,非貞 貞正如 純 小也,「小者亨」則餘皆亨可 而無 此, 雜。 非利 中,道也,六二之 二、四、上皆耦 所不濟。 乎? 其所 初、三、 曰「亨 以

也

利貞」,

象也。 非道弘人」。 亂 濟之初,則何 進,其義則人情狃於既濟,怠 也。 能慎 其「終亂」者,水遇 終如 由 而亂也?「人能弘道, 始,無怠 無荒,常如欲 坎 止 則 而荒,故 止 而 不

而豫防之。《象》曰: 水在火上,既濟。君子以思患

易之道也。如此則無終亂之患,此濟之象也,泰之天地交亦如之。孔子曰 「君子安而不忘危,治而不忘亂」,「思患 「水在火上」,陰陽之氣交而和,既

其輪」,義无咎也。初九,曳其輪,濡其尾,无咎。《象》曰:「曳

然大勢已濟,異乎濡首而方入於險者輕進、不欲速之象。欲速有不達之理,輕進、不欲速之象。欲速有不達之理,

「七日得」,以中道也。六二,婦喪其茀,勿逐,七日得。《象》曰

.

《象》曰:「三年克之」,憊也。九三,高宗伐鬼方,三年克之,小人勿用。

今乃伐之,雖以既濟之勢,高宗之賢,三之國猶未從,則益脩文德以來之可也,國也。既濟之世,大業已就,其有幽遠國也。既濟之世,大業已就,其有幽遠

禍。三爻有「三年」之象。 能 年 上九亦言[出征]。 厚賞之,不可用 而 一皆賢? 後克之, 則 也。 或 亦憊矣。 因 小人 用小人,他日必 成 武夫勇 離爲戈兵,離 功, 則惟 致 當 安

於四 《易》曰拔茅連茹,誠有零落之狀。 九四「有命無咎,疇 變。《乾》九四云「乾道乃革」,《泰》六四 之衣,易於破敗,故必終日戒視,或可以 翩翩不富以其鄰」,謂羣陰已至,《否》 誠誠 「襦, ,誠患生之,懼人心既安,則易於怠 大抵四爻以 子夏作「繻」,即「襦」字。 有所疑,疑其衰敗之至也。 孺子之禮,衣不帛 短衣也。」茹衣破敗 離内卦變爲外卦,故 離」,皆有變。 襦。 如 ^ 説 内 茹 濟至 孺 文》 則 也

正實,今從子夏本。作「袽」。及引《廣雅》「絮塞」,皆假借不《易》作「繻」,或改作「濡」。「茹」,《易》

也。「實受其福」,吉大來也。福。《象》曰:「東鄰殺牛」,不如西鄰之時九五,東鄰殺牛,不如西鄰之禴祭,實受其

何可久也? 上六,濡其首,厲。 西 禮,六二之象 六四已有「終日」之戒矣,而況於五 子當思患豫防,持盈 五之象也。 . 鄰之時,守以損約,故終受福 東鄰」,言陽位。「殺牛」,盛禮 「西鄰」,陰位。 也。 《象》曰:「濡其首,厲」, 既濟 以 盛極 虚、保益 則衰至,君 以 乎? 一,九

「何可久也」,言其行没溺矣。猶陰闇而不悟,至「濡其首」,危厲矣。上六不能豫防於早,至一卦之極,

終也。雖不當位,剛柔應也。《彖》曰: 未濟,亨,不須,不得中也。「濡其尾,无攸利」,不續未濟,亨,小狐汔濟,濡其尾,无攸利。

離坎 上下

弱疑懦之象。 亦 故有「未出中」之象,亦有「濡其尾」、「無 未出于難中。 然, 利」、「不續終」之象。 微濟也。 柔順得道,亦可以亨,然柔 觀卦之象,六五柔得中,有亨之道 ,而剛柔皆相應,人心和也。 六五猶爲上九奇畫所制, 疑貳不決,欲往復疑,故 狐好疑,小其弱者。 雖剛 不當位 亦 有柔 汽

物居方。《象》曰: 火在水上,未濟。君子以慎辨

物居方」,亦 未 火在 濟」。 水 惟 上」,陰陽之氣 所 治 以治也。 斯 濟, 惟 不治 各當其所而 不 交和 不濟。 故

吉」,中以行正也。

九二,曳其輪,貞吉。

《象》曰:

九二「貞

楊氏易傳卷十

不亂, 致人心之和者也 同 有禮 是爲 丽 後可 治。 以 惟 治辨 言樂,未 M 後 有 淆 可 以 亂 言和 而 能

不知極也。初六,濡其尾,吝。《象》曰:「濡其尾」,亦

爲不知之極。 明,必其文過遂非,恥於中改,覬 聖人推明其患,本於文過自是,不受人 能濟,而冒昧以往,其凶 初六以陰柔居下,當未濟之時,自以 濟,故終至於濡尾。《象》言昏 尾」,是濡其首及身以至於尾,故《象》 害猶小。今初六不言「汔濟」而曰 言,故其禍至於此 亦不知極也」,而爻止曰「吝」,何也? 卦言「小狐汔濟」 遯初 極也。 亦曰「尾」。 而「濡其尾」,則 甚明,不待言而 文過 曰 愚大甚, 濡 吝。 其 其 爲

·: 六

於貞 敢 與時偕行,故吉。 凶 曳輪」,雖無過, 道 欲 也。 ĪĘ, 速。 曳 以怠而不濟,以私意而 其 易之道 中者,無過不及之謂。 未 也,貞正之道 亦無不及,中以行正, 濟 也 勢未 也,不出 可 不濟,則

濟,征凶」,位不當也。六三,未濟,征凶,利涉大川。《象》曰:「未

其當事非險,則 焉,凶之道也。 在大險之中, 卦之上,有「涉大川」之象。 一概論也。 出 征 往 位 六三,其才柔弱,其時未可,彊 丽 也。 往 「差之毫釐,繆以千里」,若 也。 言「位」者,明其位在 則又以 此論 斷 三陽體,有動意,居坎 不可 速濟 事之常者 往,所處之位不 爲利,不可 一, 若 此,不 夫 欲 以 往

> 之。 象。 疑退 九 三、既濟而不知止、故三年爲憊、未濟之 者亡也。 命我以「伐鬼方」,志可行也。 濟矣,況此六五陰陽有相得 曰「用」曰「賞」,是之也 可急也。 否來,小人翩 四,伐此乃濟,故「三年有賞於大國」。 猶必「三年」者,事有未可遽,濟 坎水趨 悔之象,故釋之曰「悔亡」,言所 乾卦之九四 九 爲陽,爲 四 與既濟之九三異矣,既 下,不應乎上,故大 應初,初 翩 圃 君 乃革, 泰卦 來,則此卦 子, 六有陰遠鬼 正。 之象。 可以 丽 至 四 國 四 四 方 濟 命 爻 大國 動 有 九 之 而 悔 伐 遲 不 而

《象》曰:「君子之光」,其暉吉也。《五,貞吉,无悔。君子之光出,,其暉吉也。

■「之」,明刻本、四庫本作「至」。

九

四

(吉,悔亡。

震用伐鬼方,三年

於大國。

《象》曰:「貞吉,悔亡」,志行也。

散 安而 有諸 其所無事」,禹告舜以「安汝止」,豈禹不 此大中至正之道,失之則 心力哉? 光,雖無心而畢照天下。豈一無 爲,而萬 悔 ·動 者乃自信,其道心不明者, ,爭猶暉也。 故 天 0 乎意 勿動乎意,則本静本明,萬事自理, 下之義 己而姑爲空言哉? 也, 道 心一心發 物 正 而人咸孚信 禹治水征苗, 畢 故 用, 照,萬里 吉,雖 夫人心 大哉聖 寂 然 所以 小 不 心 洞 言 疵 而孟子曰禹「行 服 X 道心本静止, 見 動, 咸 미 亦 「則悔。 斷 服者,以 無 雖 如 惟自明道 暉者光之 斷 無思 日月 所 不 君子 用 其 之 其 無 無

上九,有孚于飲酒,无咎,濡其首,有孚失 以 極 爲必思必爲乃濟。 可以濟。 飲 酒」者,獲濟 「飲酒,濡首」,亦不知節 孚,必也,信也。 吁! 而樂也。 憫 哉 消息盈 未 濟之 也。

> 失。 何止 十四四 《否》之九五方「休否」而又有「其亡 亡」之戒。人心易放,故聖人諄告。 知敬戒而復失之,何其贅 也」,言其太甚也。 失之。《象》 飲酒」足矣,何又慮 也,樂而縱,則失道矣,失道 而 虚 一天道 忘憂、縱肆 夫未 於六十四而 卦,終於未濟,於以 也。 濟消之極必息,則曰「有 日 至 必 「 飲 止也? 濟 於「濡 獲濟而樂,未爲 丽 酒 他日既 首 濡 無咎」,若 明事變之無 首, 也 濟之後 則 -亦 則 又 信 無 不 此 又 亦 乎 所 知 居 而 失 其 其 猶 於 道 樂 不 節 不 心

楊 氏易傳卷十九

楊氏易傳卷二十

未慈谿楊簡敬仲撰

義」。 焉其名震、坎、艮、巽、離、兑,皆是物 實一,或雜焉,或純焉。純焉 故必首乾次坤。不知《連山 見《周易》之書,不見《連 有 於天下矣。三才皆易也,三才之變,非 八卦之妙,大易之用,混然一貫之道,昭 人之易。 曰《連山》; 大小,道無 而 《連 今人言易者,必本於乾坤,陋 名 也, 山》,夏后氏之易, 至矣哉 《歸藏》首坤,故曰「乾坤之 、大小。 初無大小優劣之間 合三易而觀之, 德 則 Ш 有優 一》、《歸 》首艮,重艮故 其名乾坤, 劣,道 《歸藏》, 也。 藏》之書, 矣! 也, 形 圃 則 昭 後 商 但 雜

> 易道 劣。 連山》宓戲、《歸藏》黄帝 則 或首 變 艮,或首 而 爲 八,其 坤 明明 變雖 八 八, 卦之皆 其 道 也。

歎,非 無非易道之妙。 百 言,則不勝其言,愚 其道之大,有言不能盡之意。 義也、皆有用也、皆大也。 用」,豈他卦皆無「時 之「時義」皆不大哉? 時」之義,豈他卦皆無「時義 而 時」皆不大哉? 時」,豈他卦皆非「時」哉? 時用」皆不大哉? 己。 + 豈特六十四 此十二卦與他卦特異 易》卦諸《彖》言「大矣哉」者,十二 四 豫、遯、姤、旅言「時義」,隨言 爻 介。皆可 卦 聖人偶於此十二卦發其 六十四卦皆時也,皆 皆可 稱 者執其言,智者 用」哉? 頤、大過、解、革言 「大矣哉」。 稱 坎、睽、蹇言 「大矣哉」,蓋歎 「大矣哉」, 也。 二哉? 事無大小, 豈他 豈他 使每 聖人 豈他 卦 卦 通 桂 之 之 其 有 時 卦 桂

六四

易。 戲 索,不容鉤深,即 過、解、革 坎、睽、蹇 頤、大過、解、革,盡捐「義」「用」,止言 不識 時」, 貫,精麤一 隨、 時」而 此正以 不 學者溺 而數之曰「大矣哉」,使學者無所 知」,信矣。 己。 則既 姤 則 體。 明天 猶 、旅,則猶有「義」之可言 於思 夫 不 有 時而悟大哉之妙,則事理 地 何 曰「義」,又不曰 孔子「何思何 用 慮,必求其 以 無 」之可言,至 一物一事 曰「大矣哉 義 慮」,文王 一時之非 一於頤 「用」,止 聖人 於 其 求 於

得所 道,必得所需。需,待也, 月之光,無 ,故又曰貞乃吉。 所需待, 如此,人咸信之,故 需 需》「有孚,光亨,貞吉」,言需 思 無 多動乎意,非光 爲, 得 圃 所需亨通,或 孚與光 無 日 所 「孚」。 彼此 不 與正 也。 照, 如此; 本非三 放 此 孚 光 逸 之 則 如 得 失 謂 應 其 則 日

明其即入於邪,入於凶禍。不光不正,謂之人心,故舜曰「人心惟危」,事,以三言發明道心。一動乎意,則不孚

所不慮 心而 有者奚俟乎習? 方」。 直心而行,雖遇萬 孟子曰:「人之所 「大」。是道非學習之所能,故 矣,言之不同,初無二 之義,非於直之外又有方也。 支而: 「地道光也」。光如日月之光,無思 往,即易之道,意起則支而入於邪矣。 坤》六二「直方大,不 無所不照。 而 圓則轉,方則不轉。 他,必不直方,必昏,必不利。六三 知者,其良知 此 不學而能者,其良能 不光明者也,必入於意, .變、未嘗轉易,②是之謂 雖人道,即 致,是道甚大, 也。」習者勉强,本 習無不 方者特明 夫道 曰「不習」。 地之道,故 利」。 故 丽 不 也。

^{」「}以明」,明刻本、四庫本作「明以」

^{→ 「}未嘗」,四庫本作「而不」。

謹。 極盛。 弗敢 譽」,亦此道 道 文非 發於 之體也,故曰「正位居體」,明乎得道者 也。 君象,至于坤,明臣 道之正,五言坤 其爲小,故聖人特發之曰「 守常分而不犯。 日 一而已,初無 「含章 無 咸 「通理」,言理以明中,非中自中 易道之見於坤,見於謹者也。二言坤 信 外 裳者下服,言乎正人臣之位,居人 成 成 文 口 黄者,中之義,言乎其得中道也 飾 爲, 也。 卒 圃 乃自 罹 不 故曰「元吉,文在 代有終也」。 也,方時 大 疑 小大。六四「括囊,無咎 道 陰 中誠 八禍 其 道之盛。 此非設飾者所能,由 雖 也,妻道 爲 道也 有美,含之以 加 非 閉塞,義當「括囊」 初 著也。 之「履 信 ,故五止言臣位之 惑者往 他卦之五,多明 也,臣 智光大 其 中 霜 誠 伊、周之事, 也。 往 也。 道 從 也」。 謹 理 於是 言 忧 王 自 中 事 而 心 臣 理 故 而 疑 無 道 地

> 用 辨之於早,則能用之矣。 不能用六,故爲霜 五皆能用六,惟上六不能用六,反爲六所 也」。 至哉之坤,即大哉之乾也,名分不 代終,始終不同 不貞。得其道者,必永必貞。 加 之「用九」,九六 道 血 ,爲形體所使,爲勢位 道同也。 有昏明邪 也,上之「 正之辨 龍 爲妻爲 戦 m 不 爲冰。 其大則同,故 同 0道 也。 臣 . 而 丽 之窮也, 用 所 坤之「用六」,即 失道 爲不善之積 動 同。 ,則不永, 故凶。 二、三、四、 乾造始, 曰「以大終 皆易之道 初 能能 亦 則 同 坤

不 上 健 畜君之道也。 順, ,非勢之順 而巽,剛中 非得位 小畜,柔得位而上下應之, 者,而 則不 畜有養義,有止 而志行,乃亨」。 可 有 以 道 有所行,豈有 焉。 非 義 柔 日 畜 則 居 不 以 下 下 敬 臣

之象。 位,以 無其 足以 使人心 節 不能亨。於戲 行,言不盡聽,則臣亦不可謂得行其志,亦 中矣,或所畜之君,雖 則物莫能 而能 位 非象自象,道自 五之象。 而 心咸應之乃可。其 六畫者然也。 無困懾不繼之患。 而 此 本 發明道心之本。 行者,而 可 明六四之象。 不能以畜君。 下乾,健象。 以行 不悦 曲折如此, 四、五 亦不能致亨。 變,中則不偏不倚。 雖 畜君之事者乎?● 況於 ! 悦而 剛 道也,此 象著其義、《彖》發其義。 物情事理,如上所序,節 畜 柔 德 乃易之道也。 天下事未有人心不悦 衆陽 上巽、巽象。 君子? 不至於上下皆悦 人臣能健能巽, 巽 健 相得,有志行之象。 略 健矣,巽 則 則 正易道之見於小 咸應,有上下應 相應,而諫 力 順 足以 人乎君 故必上下之 剛中兩 矣,剛矣, 剛中,二 行 雖 心,剛 得 不盡 而 而中 言 位 得 應

> 焉。 數年,五十以學《易》,可 變,往往疏畧,不能皆盡。孔子自謂 明之士,已得大本,而物情事理,委 道,聖人之大道,雖甚賢者未能 未有 也。 樂」,其詩 年成德,乃可學也。 夫《易》者,大聖人之事, 《彖》辭無不合也。有一不合,必於道 柔 者,自能當小畜之時,盡小畜之義,自 是數者,以發明《易》小畜之道。 也,中也,志行 也, 剛 此亦小畜之小亨也。 齊景公悦晏子之對,作「君臣 得 中之大本故也。易者,天下之大 位 曰「畜君何尤」。 也,上下 也,非 應 每 也,健 事 應變無窮之道,晚 以無大過」,明 何者? 而致其力 畜君者, 也 得易道 盡也,雖 巽 一相悦 晏子猶 加加 曲 好君 有 頣 我 知 萬 高 此

也、寂然不動、感而遂通天下之故」、竊自少讀《易大傳》、深愛「無思也、無爲

■ 「君」,明刻本、四庫本無此字。

如此 妙。 寂然 哭顔 化 淵、至於 非,忽覺某心乃如此清明虚靈,妙用之應, 年,及承教於象 又幾於不清明。 則聖人之意,其不可見乎? 子曰:「聖人 無不可者。 念學 自信爾。 文、武、周公、孔子同此心,顧人不自知,不 可云喻。 謂無思無爲、寂 人,皆有此 有慟 云爲」。 其極, 道 不 淵 益信吾心有此神用 乎 必 動, 至 ·?」則孔子自不知其爲慟, 子曰: 慟矣而不自知,正合無思無 造 既久,畧省察曩正哀慟時,乃 於 不獨其 心。 乃其變化,故《易大傳》又曰「變 及後居妣氏喪,❷哀慟切 自然不自 此 慟 妙 益信人皆與堯、舜、禹、湯、 然不 Щ 從 疑懷於中, 1往往 書不盡言,言不盡意。」然 有此心,舉天下萬古之 陸先生, 聞舉扇訟 者 及 動者,至於不自 知。 他 日 妙用,其哀苦 . 日 子 讀《 方悟孔子哭顔 慟 論 語 殆非 一 二 十 痛, 知 一之是 至 爲 日 孔 於 之 亦 不 則 所

> 卦齊 亦可 哉! 始信孔子無隱於二三子,始信六十 實言。云「盡」者,亦聖人之實言。 聖人之言意,豈 不 者足以知其解者,始信「天下何思 至哉聖言 其言,變 立 盡 象 盡言」矣,又曰「繫辭 意」矣,又曰「立象以 以 似矛盾而非 言不盡 ,始信三百八十四爻爻爻不昧。 盡 而 意,設 通 亦可。 豈訓詁之所能 以 盡 盡 卦 矛盾也,似異 利 不盡之所可言 以 云「不盡」者,聖 ,鼓之舞之 盡 以 盡 盡 僞 言 解 意」。 而 以 辭 既曰 ? 既 於乎 此 實同也。 应 盡 何 焉 日 桂 惟 言 慮 神。」 0 以 之 桂 智 盡 書 盡

既於乾言之,又於坤言之,又於屯言之, 八於此, 六十四卦皆可以言「元亨利貞」, 謂學者可 以意通之矣。故自 聖人 聖 而

明

刻本、四

⁰ 疑 懷 明 刻 本、 四 庫 本作「懷

明 刻 本本、 四 庫本作「殊」。 庫 本 作一姚

道也。 道 下焉者乎? 則屯不言牝馬, 佚,在臣則柔則勞,一 者,於以明地 又全言之,臨 君臣之分不同 此言之,以破其疑。 亦恐學者執乾、坤、屯之卦 下,或言其一,或言其二,或言其三,至 [,其爲物不貳。] 使牝馬之貞,果劣於乾, 行之道也。 於此數卦而 一者也」,無二貞也。子思曰:「天地之 柔陰在 道 又言之,無 剛陽在上,●無爲 下 復言,非此數卦之特異也, 圃 也,妻道 又其失實者猶多,而況於 道 有爲 列同 於《坤》曰「牝馬之貞」 也。 丽 妄、革 也,臣道 也,在君 異餘 勞, 臣 「天下之動,貞 又言之,亦 而 卦 之道 也,柔順 佚,君之 ,故復於 則剛則 也。 隨

仰 始作八卦。」某嘗謂《大傳》非聖人作,於是 文,與地之宜,近取諸身,遠取 則 《易大傳》曰:「古 觀象於天, 俯 則觀 [者包 法於地 、 氏 諸物,於是 觀 之王 鳥獸之 天下,

> 信。 勞也 其如 皆在乎此 爲,乃此心之神用,如明鑑 人心。孔子曰「心之精 法,鳥獸之文,地之宜 言,餘則非。 近,參錯畢見,而非爲也,非動也。 心」,明此 「安汝止」,正明人心本寂然不 益 知《大傳》之非者,惟「子曰」下乃聖人之 此 驗 此 心光明之中,非 心之即道,動乎意則失 此 甚矣夫道之不明 可 與 何以明此章之非? 章乃 知 道者 不知 一,與 語,未 神是 道 如 八凡在 者 也 此一 照 推 知道者必不 謂聖」, 動 物, 身及在物, 矣,未有一 一章辭 測聖人, 天性 天象 動 氣之 静 禹 而 遠 地 云 爲 道 意 E

楊氏易傳卷二十

「剛陽在上」,明刻本、四庫本作「剛上在陽」

跋

孟 因 五 書闕 慈湖之象,黄南 既 以學行偁,而清操爲時望所屬。 字汝聘、奉新人、贈太子太保、諡恭靖、素 據《明史》傳,乙未爲萬曆二十三年。 明本序者蔡國珍也,時爲乙未上月人日, 矣,適馮君孟顓藏 補 顓 命 日,凡三十餘日 讎 梓人一一重修,並刊其校勘語, 者補之, 訛者訂之, 始七月朔, 終八月 録其序言,更爲補 余從文瀾 陵劉日 校之勤且精焉。 升、●豫章 閣 山、李堇山之象贊。凡原 鈔得《楊氏易傳》,既 有明刻 而竣事。 寫其 陳道亨也,同 若夫明本所 本,因請其覆校。 余得之大喜, 目録,益之以 於是孟 校者 以誌 題 或 校 顓 珍

> 或 漳 浦 二十年十二月張 林 汝 饒 壽 伸 鏞 跋 也 因 並 及之。

> > 民

原誤作「盧」 據文意及目 録後 氏 題 記 Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "44CK5YSS6JePLS3nsr7ljY7nvJYtLeWbm+OAi18xMzE5Mzk3NS56aXA=",
"filename decoded": "\u300a\u5112\u85cf--\u7cbe\u534e\u7f16--\u56db\u300b 13193975.zip",
"filesize": 183801532,
"md5": "c6b8748d6425fcc602d81ca565589649",
"header md5": "f1e4b82a9e407c835b2db7cda72248b2",
"sha1": "c4898ba61d1e0c031dda0d27a960e3b128555794",
"sha256": "0cff2f3f2e9428b776e924026342b589e66144f5fdeee23b0d6f9577f7db94b9",
"crc32": 1170326443,
"zip password": "",
"uncompressed_size": 208088884,
"pdg_dir_name": "\u300a\u5112\u85cf--\u7cbe\u534e\u7f16--\u56db\u300b_13193975",
"pdg main pages found": 716,
"pdg_main_pages_max": 716,
"total_pages": 733,
"total_pixels": 4815370560,
"pdf_generation_missing_pages": false
```